



SC.17.Pl.6.



- ABA 2520









**VERITAS**  
**RELIGIONIS CHRISTIANÆ**  
**CONTRA**

*Atheos, Polytheos, Idololatrias, Mahometanos,  
& Judæos*

**Ex mirabili ejus Propagatione per Apostolos  
& eorum Gesta comprobata**

**PER**  
**FR. VINCENTIUM LUDOVICUM GOTTI**

**ORDINIS PRÆDICATORUM**  
In Bononiensi Universitate Controversiarum Fidei Professore

**NUNC**  
**S. R. E. CARDINALEM.**

**TOMUS V.**

*Continens Gesta Sanctorum Petri & Pauli  
& aliorum Apostolorum &c.*



**ROMÆ, ex Typographia Rochi Bernabò, MDCCXXXVII.**

**SUPERIORUM PERMISSU.**

2. The second part of the document is a list of names and addresses of the members of the committee.

3. The third part of the document is a list of names and addresses of the members of the committee.

4. The fourth part of the document is a list of names and addresses of the members of the committee.

5. The fifth part of the document is a list of names and addresses of the members of the committee.

6. The sixth part of the document is a list of names and addresses of the members of the committee.

7. The seventh part of the document is a list of names and addresses of the members of the committee.

8. The eighth part of the document is a list of names and addresses of the members of the committee.

9. The ninth part of the document is a list of names and addresses of the members of the committee.

10. The tenth part of the document is a list of names and addresses of the members of the committee.

11. The eleventh part of the document is a list of names and addresses of the members of the committee.

12. The twelfth part of the document is a list of names and addresses of the members of the committee.

13. The thirteenth part of the document is a list of names and addresses of the members of the committee.

14. The fourteenth part of the document is a list of names and addresses of the members of the committee.

15. The fifteenth part of the document is a list of names and addresses of the members of the committee.

16. The sixteenth part of the document is a list of names and addresses of the members of the committee.

17. The seventeenth part of the document is a list of names and addresses of the members of the committee.

18. The eighteenth part of the document is a list of names and addresses of the members of the committee.

19. The nineteenth part of the document is a list of names and addresses of the members of the committee.

20. The twentieth part of the document is a list of names and addresses of the members of the committee.

21. The twenty-first part of the document is a list of names and addresses of the members of the committee.

22. The twenty-second part of the document is a list of names and addresses of the members of the committee.

23. The twenty-third part of the document is a list of names and addresses of the members of the committee.

24. The twenty-fourth part of the document is a list of names and addresses of the members of the committee.

25. The twenty-fifth part of the document is a list of names and addresses of the members of the committee.

## APPROBATIO ORDINIS.

**J**USSU Rñi P. N. Fr. *Thomæ Ripoll* totius Ordinis Prædicatorum Generalis Magistri novum hoc diligentiae & laborum indefessorum Eñi ac Rñi Dñi Fr. *Ludovici Vincentii Gotti* Opus, cui titulus: *Veritas Christiana Religionis ex Actibus Apostolorum &c. comprobata*, incredibili gaudio perlegi. Quod verè dixerim Turrim illam Cantic. 4., *quæ adificata est cum propugnaculis*: quæ nedum fortis & contra hostes Ecclesiæ stat inexpugnabilis, sed ædificata est ad docendum, ut legit *Paguinus*, & ad victoriam, ut exponit *Theodoretus*; tot cuim in Opere isto Christianæ Religionis leguntur triumphique quot litteræ. Non satis est huic Eñno Dño, quodd in evertendis stirpitibus erroribus perpetuò vigilem ac sollicitam curam impendat; sed ad trophæum Christianæ Religionis erigendum nunc adlaborat. Non argumentis arte excogitatis, artificiosâ probatione, aut prolixis sermonum ambagibus Veritatem Religionis Christianæ ostendit, sed egregiis mirabilibusque nascentis Ecclesiæ factis; quæ cum ad miracula & res supra naturam gestas pertineant, tota plaudet æternitas, ac immortalis gloriâ in memoriis æternum vivent. Quæ vis? Qui color eloquentiæ satis esse possit ad modum illum, quo fundata & constituta est Christiana Religio, non laudibus, ut par est, illustrandum, sed leviter adumbrandum? Quo Deus stultam fecit sapientiam hujus mundi, ut per ea quæ stulta sunt Mundi, confunderet Sapientes; per infirma confunderet fortia; per contemptibilia, & ea quæ non sunt, destrueret ea quæ sunt? An non stupcas, quodd hominibus ignobilibus intimis paucissimis imperitis, dogmata sapientia & omnibus sapientiora, à rationisque captu remotissima, *Christi* Resurrectionem ejusque Ascensionem in Cœlos se vidisse docentibus & scribentibus crediderit Mundus? Quodd isti ignobiles & pauperes homines Gentes superbas feras & Idolorum amore insanientes, Gentiles, Judæos, Orbem universum, ipsâ oppugnantem naturâ & Diabolo nihil non movente, debellarent ac Fidei Catholicæ ita eos subjugarent, ut *Persæ* & *Gothi*, & omnes è Gentibus conversi, adorantes laudantes amantes pro *Christo*, quem nusquam oculis conspexerunt, mortem appetere non dubitarent? En magnum victricis Gratiæ Dei argumentum. Propterea numero exiguo ignobilium infirmorum imperitorum hominum credidit Mundus; quia in tam contemptibilibus testibus multò mirabilius Divinitas se ipsa persuasit eloquia namque persuadentium, quæ dicebant, mira fuerunt facta, non verba;

ut præclarissimè ostendit *Augustinus* lib. 22. de Civit. Dei cap. 5. An non magnum quid omnipotens ac mirabile, *Petrus* virtute Spiritus Sancti post Pentecostem stetit cum undecim, & exaltasse in fortitudine vocem, ut ex ipsis, qui *Christum* crucifixerant, multi crederent, & in doctrina Apostolorum orationibusque perseverarent? An non etiam longè supra naturam videre *Paulum* Spiritus Sancti virtute Hierosolymam properantem, Christianæ Religionis doctrinam mediis etiam in Judiciorum subfeliis, coram Præsidibus & ipso *Agrippa* Rege prædicantem, ut dixerit *Agrippa*: *Parùm abest, quin mihi persuadeas, ut sim Christianus?* Quid eloquar Apostolos repentè linguis omnium Gentium mirabiliter locutos fuisse: claudum ab uberibus matris ad eorum verbum in *Christi* nomine post quadraginta annos incolumem constituisse: sudaria de corporibus eorum ablata sanandis profuisse languentibus: in via, quâ fuerant transituri, ordine innumerabiles variis morbis laborantes, ut ambulantium super eos umbra transiret, continuò salutem recepisse; multaque alia in *Christi* nomine per eos facta: & postremò mortuos suscitasse? An non hoc evidens Veritatis Christianæ Religionis argumentum? Quod si seculi Sapientes ista miracula non credunt: *Hoc nobis unum grande miraculum sufficit*, inquit ibidem S. *Augustinus*, quòd eam (Resurrectionem & Ascensionem) terrarum Orbis sine ullis miraculis credidit.

At non minùs splendida præclara atque excelsa est alia probatio, quâ *Erasmus* Noster ex mira fortitudine ac invicta Martyrum constantia Veritatem Religionis ostendit. Quæ non enim in ipso Evangelicæ doctrinæ exordio bella adversùs Ecclesiam concitata sunt? Quot exercitus instructi, quod non afflictionum & vindictæ genus excogitatum? Tormenta undique, sartagine, lebetes, fornaces, lacus, præcipitia, bestiarum dentes, aliaque innumera tormentorum genera mota sunt; & tamen teneris Auditorum mentibus, nuper jacto Fidei semine, non subversa est Ecclesia, sed potiùs adaucta magisque stabilita. *Fundendo sanguinem*, ait D. *Hieronymus* Epist. 61. ad *Theophil.*, & patiundo magis quàm faciendo contumelias, *Christi* fundata est Ecclesia. Persecutionibus crevit, Martyriis coronata est. *Sanguine Martyrum Ecclesia vinea revirescit amænior & sæcundior*. Quod & dicit S. *Augustinus* Enarrat. in Psalm. 40. num. 1.: *Ad multiplicandam Ecclesiam valuit sanctus sanguis effusus; seminationi accessit & mors Martyrum*. Et Psalm. 58. num. 5.: *Effusus est magnus & multus Martyrum sanguis, quo effuso tamquam seminata seges Ecclesia fertilius pullulavit, & totum Mundum, sicut nunc conspiciamus, occupavit*. Et Psalm. 119. num. 6.: *Et quis non videat,*

*deat, quantum adjuverit Ecclesiam sanguis Ecclesia ? Quanta ex illa semine seges toto Orbe surrexerit ? Enimverò si, ut inquit Ambrosius lib.9. in Luc., Vineam Naboth desit vepribus dumetis & spinisenatis silvescere, proprio Naboth irrigata sanguine; non vineam Domini unius, sed innumerabilium Martyrum pretiosus consecravit cruor. Illa ad tempus sanguine Naboth virens conservata est ac frondescere coepit; at Vineam Domini, Martyrum pretioso irrigata sanguine, perpetuo florentissima permanebit; inquit ibi S. Doctor: Ille (nempe Naboth) licet parata vitibus incendia proprio cruore restinxerit, temporalem tamen vineam defendebat. Te verò in perpetuum multorum nobis Martyrum plantavit interitus.*

Hæc sunt invicta Eminentissimi argumenta, quæ egregie excelsum hoc victoriæ genus, lætumque ac nobilem nascentis Ecclesiæ triumphum deprædicant ac proclamant in Opere isto, cedro & immortalitate digno; & in quo Lector nedum mirabitur Divinam ac inexpugnabilem Dei potentiam, virtute Gratiæ suæ, efficaciter in cordibus hominum operantis, subvertentem montes & conterentem petras; verum solidissimæ reconditissimæ ac eximie eruditionis Nostri Eni cum magna ejus pietate conjugium. Quare Divinum hoc Opus omnibus ingenii, omnibus eruditionis luminibus omni ex parte collucens, in quo nihil refidet quod non ædificet Fidem quod non sapiat honestatem, ad magnum Ecclesiæ ornamentum & decus compositum esse censeo. Romæ in hoc Conventu S. Mariæ super Minervam die 15. Junii 1737.

*Pr. Cajetanus Bevitox de Lugo Sacrae Congregationis  
Rituum Consultor, & S. Romanae & Universalis In-  
quisitionis Qualificator.*

IMPRIMATUR,

Si videbitur Reverendissimo Patri S. Palatii  
Apostolici Magistro .

*N. Baccarius Episc. Bojanen. Vicesgerens.*

---

## APPROBATIONES.

### I.

**S** Anam profundamque doctrinam, singularem eruditionem & insignem pietatem ; quam in aliis ab Eñño ac Rñño Fratre Vincentio Ludovico S. R. E. Card. Gotti evulgatis Operibus demiratus sum , cujusque testimonium semel atque iterum ex animo dedi: præfens hoc Sanctorum Apostolorum Petri & Pauli Gesta continens , & in quo de cæteris etiam Apostolis deque Christi & Apostolorum præcipuis Discipulis satis agitur, speciatim exhibet comprobatque: quicquid enim in eo legitur , vel è Sacris Novi Testamenti Codicibus vel è celebrioribus Ecclesiæ Patribus vel è purioribus Ecclesiasticæ Historiæ fontibus derivatum est ; atque iis rationibus illustratum , eâque claritate propositum , ut antiquitati non desit novitas , novitate antiquitas non obruatur . Illud itaque , demandante Rñño P. Fr. Johanne Benedicto Zuanelli Sacri Palatii Apostolici Magistro , attento cum legerim animo , & luce & prælo dignissimum judico .

Ex Ædibus S. Mariæ ad Montes Kalendis Augusti 1736.

*Thomas Sergius Congr. Prior. Oper. S. Rom. Inquisitionis Consultor.*

## II.

**P**ræclara scituque dignissima, tum quæ præstiterunt Apostoli in Christiana Religione fundandâ & propagandâ, tum quæ ad eorumdem pertinent Historiam, hoc in Opere satis erudito Erinus Cardinalis Gotti solitâ sibi perspicuitate soliditate, acrique in secernendis veris à fabulosis certis ab incertis iudicio, graviter copiosèque recenset. Ab eodem igitur Opere, non modò voluptatem verùm etiam utilitatem & fructum, quæ ego illud ipsum, demandante Rño P. Jo: Benedicto Zuanelli Sacri Palatii Apostolici Magistro, legendo percepi, etiam alios inoffenso pede percepturos opinor, & idcirco dignissimum, quod publicæ luci committatur, existimo.

Ex nostro Monasterio S. Crucis in Jerusalem die 3. Octobris anno 1736.

*Don Joachim Besozzi Abbas S. Crucis in Jerusalem  
S. R. I. Consultor.*

---

**IMPRIMATUR.**

**Fr. Jo: Benedictus Zuanelli Ordinis Prædicatorum S. Palatii Apostolici Magister.**

**ELEN-**

# E L E N C H U S

Eorum quæ in hoc quinto Tomo  
continentur.

## C A P U T P R I M U M.

De Sancto Petro.

§. I.	<i>S. Petri Genus &amp; Conditio.</i>	pag. 3.
§. II.	<i>S. Petri Vocatio &amp; Gesta usque ad Adventum Spiritus Sancti.</i>	8.
§. III.	<i>S. Petri Gestâ post Adventum Spiritus Sancti.</i>	17.
§. IV.	<i>De septem Diaconis.</i>	25.
§. V.	<i>De Fidelium post necem Stephani dispersione, de Simonis Magi, &amp; Eunuchi Baptismo.</i>	33.
§. VI.	<i>De Calumniis Judæorum contra Christianos.</i>	38.
§. VII.	<i>S. Petrus sanat Eneam, suscitât Tabitham, &amp; Cornelium convertit.</i>	41.
§. VIII.	<i>S. Petrus Ecclesiam Antiœchiæ fundat, &amp; ab Herode carceri traditur.</i>	49.
§. IX.	<i>De generali Fame.</i>	57.
§. X.	<i>De itinere S. Petri Romam, &amp; ejus Episcopatu ibi.</i>	61.
§. XI.	<i>Gesta S. Petri cum Pudente, Philone, Simone Mago &amp;c.</i>	73.
§. XII.	<i>De Concilio Hierosolymitano, &amp; reprehensione factâ à S. Paulo.</i>	79.
§. XIII.	<i>De aliis S. Petri Gestis, Reditu Romam, &amp; Simonis Magi necē.</i>	86.
§. XIV.	<i>De Carcere &amp; Martyrio S. Petri.</i>	93.
§. XV.	<i>S. Petri Sepulcrum &amp; Vincula.</i>	101.

## C A P U T II.

De S. Paulo.

§. I.	<i>S. Pauli Nativitas &amp; Educatio.</i>	106.
§. II.	<i>Sauli Persecutio &amp; Conversio.</i>	111.
§. III.	<i>Sauli Baptizatio.</i>	116.
§. IV.	<i>Primitiæ Prædicationis S. Pauli.</i>	122.
§. V.	<i>Prædicationis S. Pauli Antiœchiæ, ibi Discipuli primò vocati Christiani: Iter in Jerusalem pro collectis.</i>	128.
§. VI.	<i>S. Pauli Ordinatio, Raptus, Tentatio, vitæ Institutum.</i>	133.
§. VII.		



§. VII.	<i>Prædicatio in Cypro , Magi obcecatio , Proconsulis Conversio , Sauli in nomen Pauli mutatio .</i>	144.
§. VIII.	<i>Prædicatio Antiochia Pisidia , Iconii , Lystris , &amp; us- que ad Illyricum .</i>	150.
§. IX.	<i>Gesta post Concilium Ierosolymitanum , Separatio Bar- nabæ à Paulo .</i>	159.
§. X.	<i>Paulus suscipit &amp; circumcidit Timotheum , prædicat in Galatia , vocatur in Macedoniam .</i>	164.
§. XI.	<i>Paulus prædicat Thessalonica , Beræa , &amp; Athenis .</i>	173.
§. XII.	<i>Pergit Corinthum : Quid ibi egerit ?</i>	181.
§. XIII.	<i>Adventus Pauli Ephesum : de Aquila , Priscilla , &amp; Apollo .</i>	188.
§. XIV.	<i>Reditus &amp; mora Pauli Ephesi , &amp; quid ibi egerit .</i>	193.
§. XV.	<i>Mittit in Macedoniam Timotheum , scribit priorem Epi- istolam ad Corinthios , &amp; seditio Ephesi contra ipsum .</i>	200.
§. XVI.	<i>Gesta &amp; Itinera Pauli Epheso Miletum usque .</i>	207.
§. XVII.	<i>Pauli Itinera Ierosolymam usque .</i>	212.
§. XVIII.	<i>Adventus Pauli Ierosolymam , &amp; quid ibi ei accide- rit .</i>	216.
§. XIX.	<i>Paulus mittitur Cæsaream , &amp; quid ibi contigerit .</i>	224.
§. XX.	<i>Pauli navigatio &amp; Adventus Romam .</i>	233.
§. XXI.	<i>Gesta Pauli Romæ in prioribus vinculis .</i>	242.
§. XXII.	<i>Pauli itinera in Hispanias &amp; in Orientem .</i>	247.
§. XXIII.	<i>Paulus Romam reversus carceri traditur .</i>	255.
§. XXIV.	<i>Pauli Martyrium .</i>	261.

### C A P U T III.

De S. Andrea Apostolo .

§. I.	<i>Patria Genus Vocatio .</i>	166.
§. II.	<i>Prædicatio Martyrium Acta &amp;c.</i>	268.

### C A P U T IV.

De S. Jacobo Majore .

§. I.	<i>Patria Apostolatus Martyrium .</i>	278.
§. II.	<i>Prædicatio S. Jacobi in Hispaniis .</i>	284.
§. III.	<i>De Festo &amp; Translatione Corporis S. Jacobi .</i>	292.

### C A P U T V.

De S. Joanne Apostolo & Evangelista .

§. I.	<i>Genus &amp; Gesta ante Passionem Jesu .</i>	196.
§. II.	<i>Gesta à Passione Jesu .</i>	299.
§. III.		311.

§. III. <i>Mors S. Joannis in Asia usque ad exilium.</i>	307.
§. IV. <i>Joannis Martyrium Roma &amp; exilium in Patmos.</i>	311.
§. V. <i>Latronem Joannes convertit.</i>	316.
§. VI. <i>Scribit Evangelium &amp; Epistolas.</i>	319.
§. VII. <i>Joannis Mors: quid de opposita opinione?</i>	324.
§. VIII. <i>De S. Joanne aliqua pro complemento.</i>	330.

## CAPUT VI.

### De S. Thoma Apostolo.

§. I. <i>Quid de eo Evangelium.</i>	335.
§. II. <i>S. Thome Pradicatio, Obitus &amp;c.</i>	339.
§. III. <i>An S. Thomas miseris Thaddæum Edessam.</i>	347.

## CAPUT VII.

### De S. Jacobo Minore.

§. I. <i>Quot Jacobi fuerint.</i>	351.
§. II. <i>S. Jacobi Minoris Genus: de Maria &amp; Cleopha.</i>	355.
§. III. <i>S. Jacobi Minoris qualitates.</i>	362.
§. IV. <i>S. Jacobus Episcopus Jerosolymitanus.</i>	367.
§. V. <i>S. Jacobi Martyrium.</i>	373.

## CAPUT VIII.

### De Sancto Philippo Apostolo.

§. I. <i>Quid de eo narret Evangelium.</i>	378.
§. II. <i>An filias habuerit.</i>	380.
§. III. <i>Reliqua Philippi Gesta, Mors &amp;c.</i>	383.

## CAPUT IX.

### De S. Bartholomæo Apostolo.

§. I. <i>Genus &amp; Pradicatio.</i>	300.
§. II. <i>S. Bartholomæi Passio &amp; Translatio.</i>	392.

## CAPUT X.

### De S. Matthæo Apostolo & Evangelista.

§. I. <i>Ejus Genus Conditio Apostolatus &amp;c.</i>	396.
§. II. <i>S. Matthæi Gesta &amp; Evangelium.</i>	400.

## CAPUT XI.

De S. Simone Apostolo .

- §. UNICUS . *Nomen Gesta Obitus &c.* 405.

## CAPUT XII.

De S. Iuda Thaddæo Apostolo .

- §. I. *Nomen Genus Conditio.* 409.  
§. II. *Prædicatio Obitus.* 411.

## CAPUT XIII.

De Sancto Matthia Apostolo .

- §. UNICUS . *Electio Prædicatio Mors.* 413.

## CAPUT XIV.

De S. Barnaba Gentium Apostolo .

- §. I. *Barnabæ Conditio , Prædicatio &c.* 416.  
§. II. *Alia , quæ de S. Barnaba referuntur .* 421.

## TRACTATUS.

*De Christi & Apostolorum Discipulis.* 427.

## CAPUT I.

De S. Stephano Protomartyre , Nicodemo , Gamaliele &c.  
& eorum Corporum inventione .

- §. I. *S. Stephani Gesta , Martyrium , Sepultura ,* 430.  
§. II. *De Inventione Corporis S. Stephani .* 436.

## CAPUT II.

De S. Marco Evangelista , & Joanne Marco .

- §. I. *S. Marcus Evangelista .* 442.  
§. II. *De S. Joanne Marco .* 450.

## CAPUT III.

De S. Luca Evangelista .

- §. I. *Ejus Origo Conversio & Gesta .* 454.  
§. II. *De Scriptis Obitu &c. S. Luca .* 458.

## CAPUT IV.

De SS. Tito & Timotheo .

- §. I. *De S. Tito .* 463.  
§. II. *De S. Timotheo .* 466.  
CA-

## CAPUT V.

De S. Philippo Diacono, & Herma.

- |                              |      |
|------------------------------|------|
| §. I. <i>De S. Philippo.</i> | 473. |
| §. II. <i>De S. Herma.</i>   | 474. |

## CAPUT VI.

De S. Dionysio Arcopagita.

- |  |      |
|--|------|
| §. I. <i>Ejus Conversio &amp; Atheniensis Episcopatus.</i> | 478. |
| §. II. <i>De S. Dionysio in Gallias Adventu.</i>           | 481. |

## CAPUT VII.

De S. Simeone Jerosolymitano.

- |   |      |
|---|------|
| §. I. <i>Genus &amp; Electio ad Episcopatum.</i>          | 487. |
| §. II. <i>Gesta in Episcopatu &amp; Martyrium &amp;c.</i> | 490. |

## CAPUT VIII.

De Sancto Ignatio Martyre.

- |   |      |
|---|------|
| §. I. <i>Ejus Patria Nomen Episcopatus.</i>         | 494. |
| §. II. <i>Ejus Gesta ante Martyrium.</i>            | 498. |
| §. III. <i>Ejus Adventus Romam &amp; Martyrium.</i> | 503. |

## CAPUT IX.

De S. Polycarpo Martyre.

- |  |      |
|--|------|
| §. I. <i>Incerta de S. Polycarpo.</i>              | 506. |
| §. II. <i>Certa de ejusdem Gestis ac Martyrio.</i> | 509. |

## CAPUT X.

De S. Maria Magdalena.

- |   |      |
|---|------|
| §. I. <i>Utrum una &amp; eadem sit Mulier Evangelica, quæ Dominum unguento persudit.</i>        | 515. |
| §. II. <i>De Adventu S. Mariæ Magdalene cum Lazaro fratre &amp; Martha sorore in Gallias.</i>   | 526. |
| §. III. <i>De loco, in quo B. Mariæ Magdalene Martha &amp; Lazari Corpora modò requiescunt.</i> | 534. |

## CAPUT XI.

De S. Thecla Virgine ac Mulierum Protomartyre.

- |   |      |
|---|------|
| §. I. <i>Varia de S. Thecla Acta.</i>             | 544. |
| §. II. <i>S. Theclæ Vita ex Basilio Seleucia.</i> | 546. |

CHRI-



# CHRISTIANÆ RELIGIONIS V E R I T A S

*Ex mirabili ejus per Apostolos Propagatione  
& eorum Gestis comprobata.*



RELIGIONIS Christianæ ab Apostolis per totum Orbem Propagatio maximum pro ejus Veritate argumentum ministrat, eamque, unice à Deo esse, evidenter demonstrat. Si enim attendantur & homines à quibus peracta est, & modus & circumstantiæ; nemo, nisi in meridie oculos claudat, inficias ire poterit, eam opus non humanum sed prorsus Divinum extitisse. Numquid enim humanum erit non Divinum, quodd homines antea rudes ac imperiti, ut ne Magistri quidem doctrinam caperent, repente nullo studio adeò docti evaserint, ut Mundi Sapientiores confunderent? antea adeò pusillanimes, ut Magistro capto unus eum apertè ejuravit, cæteri fugerint, & metu Judæorum omnes sese occullarint; illicò autem intrepidi foras prodierint, nec carceres nec verbera nec tormenta nec mortem timentes, Christum Jesum Crucifixum Judæis scandalum Gentibus stultitiam tanquam Deum palam annuntiarint? Et hoc non potentiâ fulti, quin potiùs potentiâ Mundi eis obstitente ac extrema minitante; unde quaque angustiati afflicti contemti, exosi Regibus ac Principibus, non armis sed solo verbo ac prædicatione, Christum ejusque fidem, Synagogâ abjectâ, Idololatriâ eversâ, toti orbi persuaserint, & inter persecutiones & mortes, non solum non extincti aut immuniti, sed fide & numero credentes augerentur?

*Tom. V.*

A

Hoc

Hoc argumentum inter ceteros proponit & expendit S. Augustinus Epist. 137. (aliàs 3.) ad Volusianum cap. 4. ubi ostenso, omnia de Messia venturo prænuntiata in Christo Jesu fuisse impleta, ait: *Venit & Christus; compleuntur in ejus Ortu, Vita, Dictis, Actis, Passionibus, Morte, Resurrectione, Ascensione omnia præconia Prophetarum. Mittit Spiritum Sanctum, implet Fideles una in domo congregatos, & hoc ipsum promissum orando, atque desiderando expectantes. Impleti autem Spiritu Sancto loquuntur repente linguis omnium Gentium, arguunt fidenter errores, prædicant saluberrimam veritatem, exhortantur ad pœnitentiam præterita culpabilis vitæ, indulgentiam de Divina gratia pollicentur: prædicationem pietatis, veraque Religionis signa congruentia, & miracula consequuntur: excitatur adversus eos sæva infidelitas, tolerant prædicta, sperant promissa, docent præcepta: numero exigui per Mundum disseminantur, Populus facilitate mirabili convertunt, inter inimicos augentur, persecutionibus crescunt, per afflictionum angustias usque in terrarum extrema dilatantur. Ex imperitissimis ex abjectissimis ex paucissimis illuminantur nobilitantur multiplicantur: præclarissima ingenia, cultissima eloquia, mirabilesque peritias acutorum facundarum atque doctorem subjungant Christo, & ad prædicandam viam pietatis salutisque convertunt...* Atque inter hæc omnia contra Ecclesiam Christi impiarum Gentium infidelitas fremit; evincit illa patiendæ, & inconcussam fidem inter obfistentium savitiam proficendæ. Revelatæ veritatis, quæ diu promissis mysticis velabatur, sacrificio succedente, illa sacrificia, quibus hoc figurabatur, Templi ipsius everfione tolluntur. Reproba per infidelitatem Geus ipsa Judæorum à sedibus extirpata, per Maudum usquequaque dispergitur, ut ubique portet Codices Sanctos, ac sic prophetia testimonium, quæ Christus & Ecclesia prænuntiata est, ne ad tempus à nobis fictum existimaretur, ab ipsis adversariis proferatur, ubi etiam ipsos prædictum est non fuisse credituros. Templo & simulacra Dæmonum ritusque sacrilegi paulatim secundam prædicta prophetica subvertuntur. Hæreses adversus Nomen Christi, sub velamento tamen Nominis Christi, ad exercendam doctrinam sanctæ Religionis, sicut prænuntiata sunt, pullulant. Hæc omnia sicut leguntur prædicta, ita cernuntur impleta; atque ex his jam tot & tantis quæ restant expectantur implenda. Quæ tandem mens avida æternitatis, vitæque præsentis brevitate permota, contra hujus Divinæ auctoritatis lumen culmenque contendat?

His S. Doctor adeò in aperto ponit Religionis Christianæ Veritatem ex propheticis Oraculis adamussim impletis, & mirabilem ejus ex Judaismi & Idololatriæ ruina propagationem,

ut nemo nisi cæcitate obduratus, nedum negare, sed nec in controversiam vocare possit. Estò autem de hoc aliqua dixerim tom. 1. hujus Operis cap. 11. §. 6. ; hic tamen ex professò resume-  
re utile fore existimavi, sigillatim recensendo singulorum Apo-  
stolorum & aliorum gesta, qui tanto huic operi à Spiritu Sancto  
missi operam contulerunt ; labores, persecutiones, quas à Chri-  
sti hostibus passi sunt, & quibus non obstantibus rem ad exitum  
feliciter perduxerunt. Genus etiam ac personam uniuscujusque  
exponam, tum ex his, quæ Scriptura & Evangelia & Lucas in  
Actibus Apostolorum narrant, tum ex probatis nec non recep-  
tis historiis colligi poterunt.

## CAPUT PRIMUM.

## De Sancto Petro.

## §. I.

*S. Petri Genus & Conditio.*

**I.** Sanctus Petrus Apostolorum Princeps antea vocabatur  
*Simon* seu *Simeon*. Filius fuit Jonæ seu Joannis, & frater  
Andræ Apostoli. Totum hoc habetur ex Joan. cap. 1.,  
ut infra dicam.

Patria S. Petri & Andræ fuit Bethsaida Galilææ vicus  
juxta Stagnum Genesareth, de quo S. Hieron. de Locis Hebrai-  
cis: *Bethsaida*, inquit, *Civitas in Galilæa Andræ Petri &*  
*Philippi Apostolorum prope Stagnum Genesareth*. Hanc Philip-  
pus Tetrarcha ornavit, & ad speciem Urbis redegit, ei Juliæ  
nomen imponens in gratiam Juliæ Cæsaris filiæ. Ita Josephus  
lib. 18. Antiquit. cap. 3. his verbis: *Vico etiam Bethsaidæ in ripa*  
*lacus Genesarethini (Philippus) Urbis speciem addidit, frequen-*  
*tato incolis, & aucto opibus, quem Julia Cæsaris filia cognominem*  
*esse voluit*. Hanc pro patria S. Petro statuit S. Joannes cap. 1.  
v. 44. dicens: *Fuit autem Philippus à Bethsaida civitate Andræ*  
*& Petri*. Bethsaidæ (saltem sub hoc nomine) nulla in Veteri  
Testamento fit mentio; ejus tamen sæpè Evangelia meminerunt,  
quia ad eam sæpè divertit Jesus; & præcipuè Marci 8. v. 22.,  
ubi præsentatus ei fuit cæcus; & rogatus, ut eum tangeret, ipse  
apprehensâ manu cæci, eduxit eum extra vicum, & in ejus oculo-  
rum expuens imponensque ei manus, interrogavit, si quid videret.  
At respondenti, se videre homines sicut arbores ambulau-

tes, iterum imposuit manus, & cœpit statim perfectè videre. Et præcepit ei, ut si in vicum introiret, nemini diceret. Porro quamvis hoc & alia fecerit Bethsaidæ Dominus, incolæ tamen ejus nihil permoti, increduli permanserunt: & propterea cæcum, ut sanaret, eduxit extra vicum, & sanato præcepit, ut in vicum rediens nemini diceret. Et tandem ob eorum incredulitatem exclamavit Matth. 11. v. 21. *Va tibi Corozaim: va tibi Bethsaida! Quia si in Tyro & Sidone (Urbibus Gentium) factæ essent virtutes, quæ factæ sunt in vobis, olim in cilicio & cinere pœnitentiam egissent.*

II. Quis horum duorum fratrum Simonis, seu Petri & Andreæ, major natu fuerit, ambigitur. Primum, qui se Christo præsentavit, ut ejus Discipulus fieret, fuisse Andream, constat ex Joannis cap. 1. Is enim fuit unus è duobus Discipulis Joannis, qui accesserunt ad Jesum, & apud eum unâ die ad horam usque decimam manserunt. Is etiam Simoni fratri nuntiavit, se invenisse Messiam, & adduxit eum ad Jesum, ut infra dicam. Sed an etiam fuerit ætate primus, quæstio est. S. Epiphanius hæref. 51. affirmat, & tanquam de re certa dicit: *Occursus Andrea primus contigit, cum esset Petrus minor tempore ætatis.* Attamen S. Chrysostomus homil. 59. modò 58. in Matth. ex eo, quodd exactoribus petentibus tributum Christus conversus ad Petrum dixerit *Da eis pro me & te*, colligit, Petrum fuisse primogenitum, quia tributum à solis primogenitis solvebatur, dicens: *Pro me & te, inquit, quia & ipse primogenitus erat.* Priorem ætate fuisse Petrum sentiunt etiam Proclus, Cassianus, Dionysius lib. de Divin. Nomin. cap. 3., & S. Thomas in cap. 1. Joan. Lect. 15., ubi commendans Fidem Andreæ, qui cum esset junior primus credidit: *Et hoc, inquit, ad illius commendationem, ut qui ætate posterior, fide efficiatur primus.* Addi etiam posset, quodd cum, ut dicitur, Petrus jam uxorem duxisset, & hoc de Andrea non legatur, credibile sit, Petrum majorem ætate fuisse. His tamen non obstantibus, adhuc incertum relinquo.

III. Petrum & Andream arte piscatores fuisse, testatur Sanctus Matthæus cap. 4. v. 18., ubi ait: *Ambulans Jesus juxta mare Galilææ vidit duos fratres, Simonem, qui vocatur Petrus, & Andream fratrem ejus mittentes rete in mare (erant enim piscatores)* Quod repetit Marcus cap. 1. v. 16., & Lucas cap. 5.

IV. Etsi autem Bethsaidam patriam Petrus haberet, habuit tamen domum etiam Capharnaum civitate Galilææ celebri in Evangelio, sitâ ubi Jordanes defluit in lacum Tiberiadis. Hoc enim eruitur ex cap. 8. Matth. v. 14., ubi dicitur, quodd cum introi-



troisset Capharnaum, & cùm venisset Jesus in domum Petri &c. i quod dicitur etiam Lucæ 4. v. 38. Ideò autem Domus Petri dicitur, non quia esset domus paterna, hæc enim erat Bethsaida, sed quia erat domus, in qua socrus Petri idest mater uxoris Petri habitabat, & in qua eam febribus laborantem Jesus sanavit, unde subdit Matthæus: *Vidit socrum ejus jacentem & febricitantem, & tetigit manum ejus, & dimisit eam febris.*

V. Si ergo Petrus habebat Capharnaum socrum, & domus socii erat domus Petri, benè hinc arguit S. Epiphanius hæres. 51., Petrum, priusquam ad Christum accederet, duxisse uxorem, & hanc Capharnaitam. Hoc fatetur etiam Hieronymus lib. 1. adversus Jovin., ubi de Petro: *Petrus, inquit, Apostolus experimentum habens conjugaliū vinculorum: & inferiùs, postquam gratis Joviniano concesserat, alios etiam Apostolos uxores ante Apostolatū habuisse, addit, quòd id de solo Petro Scriptura dicit, & ideò de solo Petro certò tenendum est: Quamquam, excepto Apostolo Petro, non sit manifestè relatum de aliis Apostolis, quòd uxores habuerint: & quam de uno scriptum sit, ac de cæteris tacitum, intelligere debemus, sine uxoribus eos fuisse, de quibus nihil tale Scriptura significat.*

Sive tamen solus Petrus, sive etiam aliqui ex aliis Apostoli ante Apostolatū uxores habuerint, hoc certum esse debet (quidquid obstrepant Protestantes contra quos alibi egi) factos Apostolos à re uxoria abstinuisse, easque habuisse non ampliùs ut uxores quoad conjugale officium, sed ut sorores ministrantes eis necessària ad victum. Et in hoc officio videlicet sororis, etiam S. Petri uxorem postea ministrasse credibile putat S. Avitus Viennensis: mos enim erat apud Judæos, ut piæ mulieres magistris suis in necessariis ad victum ministrarent, sicut legimus ipsi quoque Domino factitatum. Hoc indicasse visus est Paulus 1. Cor. 9., ubi inter Apostolos, qui Mulieres sorores circumducebant ut eis in victu ministrarent, nominat & *Cephæm* idest Petrum. Ut ut sit, ait S. Hieronymus Epist. 34. modò 92. ad Julianum, uxorem habuit & Petrus, & tamen cum reti eam & naviculà dereliquit.

VI. Quo nomine uxor S. Petri vocaretur, ignoratur; eam tamen ad gloriam Martyrii pervenisse, tradit Clemens Alexandrinus lib. 7. Strom. pag. 76., & ex eo Eusebius lib. 3. hist. c. 30. Qua occasione ostendit S. Apostolus, quàm sancto ac puro amore eam diligeret. Ita enim scribit Clemens: *Adjunct certè Beatum Petrum, cùm vidisset uxorem suam duci ad mortem, latatus quidem esse, quòd vocaretur & quòd domum reverseretur: cùmque eam*

*eam adhortatus ac consolatus esset, nomine quoque compellasse ac dixisse, Heus tu, memento Domini. Tale erat Beatorum illorum matrimonium, & usque ad amicissima perfecta affectio. Ea ratione Apostolus quoque: Qui uxorem ducit, tanquam qui non ducat, inquit: ... volens matrimonium minime moveri affectione, & nequaquam divelli à caritate in Dominum, quam tenere ad Dominum peregrinanti uxori suasit, qui verè vir erat. Ita hoc factum celebrat Clemens, & post eum Rufinus cap. 30., & Nicephorus lib. 2. cap. 44.*

VII. Filios ex sua conjugē ante Apostolatū S. Petrum procreasse, idem S. Clemens lib. 3. Strom. pag. 448. sentit, dicens *Petrus & Philippus filios procreaverunt.* Unius tamen tantum filie Petronillæ nomine mentio fit in Martyrol. Rom. ad diem 31. Maii his verbis: *Romæ S. Petronilla Virginis filie Beati Petri Apostoli, quæ Flacci nobilis viri conjugium spernens, acceptis tri-duanis ad deliberandum induciis, interim jejuniis & orationibus vacans, tertiâ die mox ut Christi Sacramentum accepit emisit spiritum.* De eadem Beda, Ufuardus, Ado in Martyrologiis: & Wandelbertus Monachus sæculo nono hisce versibus eam celebrat.

*Tum pridie Petronilla Petri de germine sancto*

*Fulgida Virgo micat Christi trabeata decore.*

De ejus obitu agitur in Actis SS. Nerei & Achillæi, in quibus specialiter dicitur, eam à S. Petro fuisse à paralyti sanātam: quod attulerit S. Augustinus lib. contra Adimantum Manichæum c. 17., ubi præter ipsius Petri filiam paralyticam factam precibus patris (& ab eo sanātam) addit & Hortulani filiam ad precem ipsius Petri esse mortuam. Sed cum dicat, Manichæos ex apocryphis hoc accepisse, indicat S. Doctor, sibi suspectum esse. Hoc tamen admissio.

VIII. Quæstio est, unde filia hæc S. Petri dicta sit Petronilla. Nam ut observat Baronius ad ann. Christi 69. n. 32. non potuit à Nativitate hoc nomine appellari, si Petronilla à Petro patre dicta putetur. Cum enim ante Apostolatū genita sit, tunc pater ejus non Petrus, sed Simon vocabatur: & præterea non erat usus apud Hebræos, ut filii à parentibus nomen sumerent derivatum, ac molli quādam inflexione ac desinentiā diminutū. Si dicatur nomen hoc fuisse illi inditum in Baptismo: tunc enim parenti nomen Simonis mutatum fuerat in Petrum, & quidem more Romanorum, ut à Druso Drusilla, à Prisco Priscilla. Benè. Sed cur à Petro non est dicta Petrilla, sed Petronilla, quod nomen à Petronio potius, quàm à Petro derivatum videtur?

IX. Dubitatur etiam ab aliquibus, an Petronilla filia Petri naturalis fuerit ab ipso genita generatione carnali, an filia spiritalis ab ipso genita per Evangelium & Baptismum eo modo, quo idem Petrus Epist. 1. cap. 4. v. 13. vocat Marcum filium suum, *Salutat vos . . . Marcus filius meus*, & Paulus 1. Cor. 4. v. 15. vocat Corinthios filios carissimos: *Nam in Christo Iesu per Evangelium ego vos genui*. Hoc secundum verisimilius iudico. Primò, quia Veteres probatique Auctores dicunt quidem, S. Petrum habuisse uxorem; at ex ea habuisse Petronillam filiam nonnisi ex apocryphis colligitur. Secundò, cum Petronilla Romæ vixerit & obierit, si filia S. Petri naturalis fuit, oportuit, ut ipse cum Romam pergeret secum eam adduceret. Quis autem credet, Apostolum, qui omnes humanos affectus propter Christum abdicaverat & abdicandos docebat, sui itineris comitem voluisse juvenulam adeò formosam, ut ad sui amorem accensus Flaceus nobilis Romanus Gentilis eam vilem & piscatoris filiam, Judeam & propterea genere Romanis exosam, ut uxorem exoptaret? Tertiò, quia hoc cum Chronologia non coheret; nam acta Petronillæ eam sub Domitiano obiisse ferunt: cum ergo ante Apostolatam Petri nata fuerit, sequitur propè sexagenariam obiisse; cumque antea paralyticam fuisse asserant, & à Petro parente sanatam, jam erat ætate ac morbo confecta, ac proinde non in eo statu formositatis, ut ad sui amorem Flacum posset allicere. Jure ergo Augustinus supra citatus, hæc ex apocryphis sumta fuisse, arbitratur.

Verius propterea censeo, Petronillam à Gente Petronia, ex qua nata erat, inter Romanas Familias nobili, dictam esse, quam, cum S. Petrus ad Christum ejusque Fidem propensam videret, speciali curâ instruendam suscepit ac baptizavit: ideò ejus filia dicta fuit, non quia eam genuerit carne sed spiritu. Quo posito cætera concordant. Nam cum esset juvenula & formosa nimis ac nobilis, eamque in conjugem Flaccus Comes exoptaret, ipsa triduo ad deliberandum sumto orationi ac jejunio vacans, acceptâ S. Nicodemi Martyris manu Eucharistiâ, tertiâ die spiritum emisit: ejusque Corpus ab eodem Nicomede in Coemeterio viâ Ardeatinâ sepultum fuit, magnoque postea in honore à Romanis habitum, & in Ecclesia S. Petri modò asservatur.

\* \* \*

## §. II.

*De S. Petri Vocatione, & Gestis usque ad Adventum Spiritus Sancti.*

I. **V**ocationem Petri ad Apostolatum describit S. Joan. c. 1. *Stabat Joannes Baptista cum duobus suis Discipulis, & respiciens Jesum ambulantiem dixit eis: Ecce Agnus Dei: qui audientes secuti sunt Jesum, & manserunt cum illo unâ die usque ad horam decimam meridianam. Unus ex his duobus erat Andreas frater Simonis Petri; hic cum invenisset Simonem fratrem, dixit ei: Invenimus Messiam, & adduxit eum ad Jesum. Intuitus autem eum Jesus dixit: Tu es Simon filius Jona: tu vocaberis Cephas, quod interpretatur Petrus (ita Joan. 1. v. 42.) Hoc ergo quod primo intuitu nomen Simonis mutavit in Petrum, quod Andreæ fratri, qui prior accesserat & crediderat, Jesus non fecerat, aliquod magnum in eo designavit prædixitque futurum: Nam (ut S. August. tract. 7. in Joan. ait) si hoc ante Petrus vocaretur, non ita videres mysterium petra, & putares casum sic vocari, non providentiâ Dei: idèd voluit eum aliud prius vocari, ut ex ipsa commutatione nominis Sacramenti vivacitas commendaretur. Sacramentum autem hujus impositionis supra exposuerat dicens: Magnum, quia mutavit ei nomen, & fecit de Simone Petrum. Petrus autem à petra: petra verò Ecclesia, ergo in Petri nomine figurata est Ecclesia. Et S. Thomas in cap. 1. Joan. Lect. 15. Tu vocaberis, inquit, Cephas quod interpretatur Petrus, & in Græco Caput. Et congruit mysterio: ut ille, qui debet esse aliorum Caput & Christi Vicarius, firmitati inhaereret, Matib. 16. Tu es Petrus, & super hanc petram &c.*

Aliam rationem, cur Christus hoc nomen *Petrus* imposuerit ab initio conversionis, & noluerit, ut à nativitate hoc nomine vocaretur, subjungit S. Thomas citato loco ex Chrysostom. Homil. 18. in Joan. *Quia nomina divinitus imposita aliquam eminentiam gratiæ spiritualis designant. Quando autem Deus confert spiritualem gratiam alicui ab ipsa nativitate, nomen gratiam illam significans imponitur, sicut patet de Joanne Baptista, qui ante à Deo est nominatus quàm natus; Quia fuit sanctificatus in utero matris. Aliquando autem aliter confertur eminentia gratiæ spiritualis tempore procedente: & alia nomina divinitus imponuntur, non à principio nativitatís, sed in ipso processu temporis: sicut patet de Abraham & Sara, quibus nomina mutata sunt, quando promissionem mul-*

*triplicandi germinis acceperant. Eodem modo & Petrus nominatur divinitus, quando ad Fidem Christi, & gratiam Apostolatus vocatur: & specialiter quia constitutus est Princeps Apostolorum, & totius Ecclesie, quod in aliis Apostolis non est factum.*

II. Alteram quæstionem proponit citato loco S. Thomas. Utrum scilicet hic, cum primò accessit, fuerit à Jesu impositum hoc nomen Petrus, an solum designatum; & tunc solum impositum, cum Matth. 16. ei dixit: *Tu es Petrus* &c. Cui S. Thomas respondet, S. Augustinum (Tract. 7. in Joan. ut supra) velle, *Quodd istud nomen hoc loco fuit Simoni impositum. Sed quod dicit Dominus in Matth. „Tu es Petrus, non est nominis impositio, sed impositi nominis commemoratio, ut quasi utatur illo nomine tanquam jam imposito. Alii autem dicunt, quodd hoc nomen fuit impositum Simoni, quando Dominus dixit ei, Tu es Petrus, & super hanc Petram ædificabo Ecclesiam meam, „Hic verò non imponit ei hoc nomen, sed præsignat, quodd sit ei postmodum imponendum. Sic Salvator Thomas.*

III. Tertiam quæstionem idem S. Doctor proponit de Vocatione Petri & Andreæ. Nam hic dicitur quodd fuerunt vocati juxta Jordanem, ubi erat Joannes Baptista; Matthæi autem 4. dicitur, quodd Christus vocavit eos juxta mare Galileæ. Cui respondet: *Quodd triplex fuit vocatio Apostolorum. Prima fuit ad cognitionem seu familiaritatem & fidem, & de hac dicitur hic. Secunda fuit in officii præsignatione, de qua habetur Lucæ 5. „Ex hoc eris homines capiens, „Tertia fuit ad Apostolatum, de qua dicitur Matth. 4. Quæ fuit perfecta, quia postea non redierunt ad propria.*

Hoc S. Thomas fortè desumerat ex S. Augustino lib. 2. de Conf. Evang. cap. 17., ubi hæc habet: *Illud ergo, quodd de Joanne diximus, diligenter considerandum est: non enim parva repugnantia putari potest, cum & locorum plurimum interfit, & temporis, & ipsius vocationis. Nam si juxta Jordanem, antequam Jesus esset in Galileam, ad testimonium Joannis Baptiste secuti sunt duo, quorum unus erat Andreas, qui fratrem suum Simonem continuo adduxit ad Jesum, quando & nomen ut Petrus vocaretur accepit; quomodo ab aliis Evangelistis dicitur, quodd eos in Galileæ piscantes invenit, atque ad Discipulatum vocaverit? Nisi quia intelligendum est, non sic eos vidisse tunc Dominum juxta Jordanem, ut ei jam inseparabiliter cohererent, sed tantum cognovisse quis esset, enimque miratos ad propria remeasse. Inferiùs autem ad illud, quodd apud Lucam habetur, subjungit: Nec tunc eos fuisse à Domino vocatos, sed tantum Petro fuisse predictum, quodd homines esset capturus: Quodd non ita dictum est, quasi jam pisces nunquam esset capturus, nam &*

Tom. V.

B

post

*post Resurrectionem Domini legimus eos esse pisces. Dicitur est ergo, quodd deinceps capturus esset homines, non dictum est, quodd jam non esset capturus pisces. Unde datur locus intelligere, eos ad capturam piscium ex more remeasse, ut postea fieret, quodd Matthæus & Marcus narrant, quando eos binos vocavit, & ipse iussit, ut eum sequerentur, primò duobus Petro & Andrea, deinde aliis duobus filiis Zebedæi. Tunc enim non subductis ad terram navibus, tanquam curâ redeundi, sed ita eum secuti sunt tanquam vocantem ac jubentem, ut eum sequerentur. Ita S. Augustinus.*

IV. In primo ergo accessu juxta Jordanem Petrus & Andreas initia sui Apostolatus posuerunt: cognoverunt Jesum, crediderunt in eum, ejus Discipuli esse cœperunt; sed non ei inseparabiliter adhæserunt, imò unâ die cum eo manentes, sequenti die ad consuetum piscationis officium rediere. Hinc aliqui arbitrati sunt, eos Nuptiis Canæ, quæ tertio die celebratæ sunt, minime interfuisse. Alii tamen affirmant, eos Nuptiis interesse potuisse, utpotè, etsi non semper cum Jesu morantes, cum tamen identidem adeuntes, ut eum audirent. Et hoc verius judico; dicit enim Joannes cap. 2. v. 2. quodd *vocatus est Jesus, & Discipuli ejus ad nuptias*: & v. 11. quodd viso miraculo aquæ conversæ in vinum, *crediderunt in eum Discipuli ejus*. Cum autem cap. 1. non alios Discipulos accessisse ad Jesum recenseat, quàm Andream, Petrum, Philippum, & Nathanaelem, valdè credibile sit, hos fuisse Discipulos, qui vocati nuptiis interfuerunt.

Volunt aliqui, Petrum & Andream, & similiter Jacobum & Joannem filios Zebedæi, se totos Christo mancipasse, quando, ut narrat S. Lucas cap. 5., cum tota nocte piscati nihil cœpissent, laxatis ad imperium Christi retibus, tantam piscium multitudinem cœperunt, ut penè rumperetur rete. Tunc enim Petrus & alii: *Subductis ad terram navibus, relictis omnibus, secuti sunt eum*. Et putant, hoc factum idem esse cum eo, quod narrant Matthæus cap. 4., & Marcus cap. 1.

Sed ne assentiatur primò, quia piscatio, de qua agit Lucas, contigit in Stagno Genesareth; illa verò, de qua loquuntur Matthæus & Marcus, in Mari Galilææ describitur facta: ibi conquerruntur, se totâ nocte laborantes nihil cœpisse, & ibi miraculum de ingenti captura piscium. Hic nihil de hoc. Ibi dicitur quidem, quodd *relictis omnibus secuti sunt eum*: sed additur: *subductis ad terram navibus*: signum, quodd ad piscandum redire postea cogitabant. Verius ergo censeo cum SS. Augustino & Thoma, id quod narrat Lucas, fuisse Apostolatus præsignationem; unde Christus ait Petro: *Ex hoc homines eris capiens*. Id

PETRI GESTA USQUE AD SPIR. S. ADV. II

verò, quod narrant Matthæus & Marcus, fuisse ultimam vocationem, quâ omnibus relictis Christo inseparabiliter adhæserunt: auditis enim Christi verbis: *Venite post me, Et faciam vos fieri piscatores hominum*, Petrus & Andreas continuò relictis retibus secuti sunt enim; Filii quoque Zebedæi similiter à Christo vocati relictis retibus & Patre secuti sunt enim. Cùm ergo hic adsit vocatio Christi ac jussio, cùm nihil cogitarint de navi ad terram subtrahenda, aut de retibus reficiendis, sed omnibus relictis secuti sint Jesum; fit, ut ait Augustinus, ut omni redeundi curâ sepositâ, ei immobiliter deinceps adhæserint. Et hoc circa finem anni Christi 30. contigisse, plerique arbitrantur.

V. Aliquo elapso tempore postquam Petrus & Andreas Christo se totaliter mancipaverant, nimirum anno Christi 31., venit Jesus Capharnaum, & ingressus Simonis Petri domum invenit ejus Socrum febribus laborantem (Matth. 8. & Lucæ 4.) cùmque eum rogassent pro ea, imperavit febrî, quæ statim dimisit illam, & continuò surgens ministrabat illis. Paulò ante Festum Paschatis sequentis anni Jesus in Galilæam rediens duodecim elegit, quos Apostolos nominavit, in quibus recensendis Petrus semper ordine primus occurrit, ut videre est Matth. 10. v. 2., Marci 3. v. 16., & Lucæ 6. v. 14., & Andreas semper ponitur secundus, quamvis ordine discipulatus fuerit primus. Rursus cùm nocte quâdam Apostoli lacum Genesareth transfretarent, & navis jactaretur fluctibus, Petrus videns Jesum siccis pedibus super aquas ambulantem, rogavit eum, ut ad se super aquas similiter venire permitteret (Matth. 14. v. 28.) Jesu annuente, ambulare Petrus super aquas cœpit, sed vento valido territus, ejusque fide infirmatâ, cùm cœpisset mergi, exclamavit: *Domine salvum me fac.* Jesus autem extensâ manu eum apprehendens, ac ejus modicam fidem leniter increpans, eum navi restituit. Hic S. Augustinus serm. 76. (aliâ 13. de Verb. Dom.) cap. 3. observans Petri fidem modò firmam, modò labentem: *Discernamus, inquit, quid de Dei, quid de nostro. Tunc enim non titubabimus, tunc in petra fundabimur, fixi & stabiles erimus adversus ventos, imbres, flumina, tentationes videlicet præsentis sæculi. Illum tamen videte Petrum, qui tunc erat figura nostra; modò fidei, modò titubat; modò immortalem confitetur, modò timet ne moriatur, Proinde quia Ecclesia Christi habet firmos & infirmos &c.* Cùm ergo Jesus cum Apostolis pervenisset Genesareth, Turbis, quas superiori die trans lacum paverat, de Corpore & Sanguine suo in cibum & potum exhibendo sermonem habuit. Sed cùm durus videretur hic sermo, putantibus, quòd

daturus esset carnem suam eo modo, quo in macello venditur, ac proinde plures ab eo recederent: quæsit ab Apostolis, num & ipsi vellent abire Joan. 6. v. 69. Sed Petrus plenus fide pro omnibus: *Domine*, inquit, *ad quem ibimus? Verba vitæ æternæ habes. Et nos credimus & cognovimus, quia tu es Christus Filius Dei.*

VI. Celeberrimam tamen suæ fidei de Christi Divinitate, confessionem edidit Petrus Matth. 16. v. 16. Cum enim Jesus in vicinia Cæsareæ Philippi quævisset ab Apostolis, quidnam de se homines sentirent, variatque Vulgi opiniones eos referentes audisset, aliorum quidem Eliam, aliorum Jeremiam, sive alium ex Prophetis esse autumantium, eos quid ipsi sentirent interrogavit. Tunc Petrus: *Tu es*, inquit, *Christus Filius Dei vivi.* Egregiam hanc Petri confessionem Christus primò laudavit, sed tanquam non à se procedentem, sed à Patre suo cœlesti revelatam, & propterea declarans eum Beatum: *Beatus es*, inquit, *Simon Bar-Jona, quia caro & sanguis non revelavit tibi, sed Pater meus, qui in cœlis est:* eique in præmium nomen Petri seu Cephæ confirmans, declaravit, se in illo firmissima Ecclesiæ suæ contra inferorum impetus fundamenta jacturum, tradendo ei Claves Regni Cœlorum cum potestate solvendi & ligandi, ac proinde supremam in gubernanda Ecclesiâ auctoritatem ad Successores suos etiam transiturem. Eum subinde inter ceteros distinguit, sed ne supra se extolleretur, & adhuc se esse hominem nosset, eum identidem sibi ipsi permisit, ut cognosceret quid à Deo, quid à se posset; & disceret, à se ipso esse mendacem, & solo Dei beneficio veracem, nec à se, sed à Domino Beatum, ut ait S. August. serm. 254. (aliàs 151. de tempore) & serm. 257. (aliàs 18. ex Sirmondianis) Propterea cum post præfata verba v. 22. & 23. denuntiasset eis passionem & mortem, & Petrus non valens capere, quòd ille, quem credebat & confessus fuerat Filium Dei, passionem & mortem res Deo indignas foret subiturus, diceret: *Abstine à te Domine: non eris tibi hoc:* Christus eum rejiciens: *Vado*, inquit, *post me, Satana.* Ubi S. August. serm. 232. (aliàs 144. de tempore) cap. 4. admirans, ait: *Petrus Satanas? ubi sunt illa verba,* Beatus es Simon Bar-Jona? *Numquid beatus Satanas? Beatus de Dei, Satanas de hominis. Denique ipse Dominus exposuit, quare illum dixerit Satanam,* Non enim sapis, quæ Dei sunt, sed quæ sunt hominis, *Unde tunc beatus?* *Quia non tibi revelavit caro & sanguis, sed Pater meus, qui in cœlis est,* *Unde postea Satanas?* *Non sapis quæ Dei sunt, quæ quando sapiebas, beatus eras,* sed sapis quæ hominum sunt. *Ecce quomodo alter-nabat anima Discipulorum, quasi ex ortu & occasu; modò illumina-*  
batur;



batur, modò tenebrabatur; quia de Dei, illuminabatur, de suo tenebrabatur. Ita pulchrè S. Augustinus.

De suo, non de Dei locutus fuit Petrus, quando gloriâ Christi transfigurari illectus Lucæ 9. v. 33. voluit tria figere tabernacula: unde Evangelista ait: *Nesciens quid diceret*. De suo non de Dei locutus fuit, quando Lucæ 22. v. 31. ei dicente Christo, *Simon, Simon, ecce Satanas expetivit vos, ut cribraret sicut triticum*. Ego autem rogavi pro te, ut non deficiat Fides tua: & tu aliquando conversus confirma fratres tuos, nimirum de se confidens respondit: *Domine tecum paratus sum, & in carcerem, & in mortem ire*. Cujus vanam præsumptionem Jesus corrigens: *Dico tibi*, inquit, *Petre, non cantabis bodie Gallus, donec ter abueges nosse me*. Vides hic Petri deceptionem. Christus promittit Petro firmitatem in fide de Patre suo: Ego rogavi pro te: ipse autem eam sibi promittit de suo. Christus eam promittit in Petro futuram, non tunc, sed postea, nimirum post conversionem à lapsu: *Et tu aliquando conversus*. Petrus autem eam tunc sibi adesse vanè adulatur. Hoc exprimitur etiam Joan. 13. v. 31., ubi interroganti Petro: *Domine quo vadis?* Respondit Jesus: *Quid ego vado non potes me modò sequi. Sequeris autem postea. Dicit ei Petrus. Quare non possum te sequi modò? Animam meam pro te ponam. Respondit Jesus: Animam tuam pro me pones? Amen Amen dico tibi: non cantabis Gallus, donec ter me neges*. Super quæ S. August. Tract. 66. in Joan. inter alia ait: *Ita ne facies pro me, quod nondum ego pro te?* „ Animam tuam pro me pones? „ *Praire potes, qui sequi non potes? Quid tantum præsumis?* „ *Quid de te sentis?* „ *Quid esse te credis?* „ *Audi quid sis* „ Amen Amen dico tibi, non cantabit Gallus, donec ter me neges „ *Ecce quomodo tibi citò apparebis, qui magna loqueris, & te parvulum nescis. Qui mihi promittis mortem tuam, ter negabis vitam tuam. Qui te jam putas posse mori pro me, prius vive pro te: nam timendo mortem carnis tuæ, mortem dabis animæ tuæ. Quanta enim vita est confiteri Christum, tanta mors est negare Christum*. Sincera erat Petri voluntas, quâ promittebat, sed quia de suo promittebat, nesciebat, de quo promittebat: unde idem S. August. lib. 4. de Anima & ejus Orig. cap. 7. *Volebat*, inquit, *pro Domino animam ponere: planè volebat: neque enim Denu id pollicendo fallebat: sed quantas vires haberet, voluntas ipsa nesciebat. Proinde vir tantus, qui Fissum Dei esse cognoverat, se latebat: Scimus nos itaque aliquid velle seu velle; sed voluntas nostra etiam cum bona est, quantum valcat, quantas vires habeat, quibus tentationibus cedat, quibusve non cedat, si nos non sustinens, fili dilecte, nescimus*. Pulchra & uti-

utilis sanè doctrina. Quæ de Petri negatione dici solent, superius discussa sunt tom. 4. p. 2. c. 24. §. 3.

VII. Quia tamen noverat Christus, quantum bona voluntas Petri accedente gratiæ suæ adjutorio pro sui nominis gloria esset factura, idcirco eum Ecclesiæ suæ petram constituit, eum cæteris præposuit, ei agnos & oves suas pascendas concedidit. Eum præ cæteris distinxit: cum exactoribus tributum postulanti bus jussit Petro, ut inventum in ore piscis daret staterem seu didrachma, dicens Matth. 17. v. 26. *Da eis pro me & te: quo facto cæteri Discipuli commoti, In illa hora accesserunt ad Jesum dicentes: quis putas major est in Regno Cælorum?* Id est, ut ait Hieronymus in cap. 18. Matth. *Quia viderant pro Petro & Domino idem tributum redditum, ex æqualitate pretii, arbitrati sunt, Petrum omnibus Apostolis esse prælatum, qui in redditione tributi Domino fuerat comparatus.* Hinc sæpius Petrus Christum fidenter interrogat. Dum de danda lædentibus venia Christus loquitur, Petrus Matth. 18. v. 21. Quoties, inquit, dimittam? *Usque septies? Dicis illi? Jesus, non dico tibi usque septies, sed usque septuagies septies.* Rursus Matth. 19. Jesu exaggerante, divitem difficilè intrare in Regnum Cælorum, solus Petrus solitâ confidentiâ ait v. 27. *Ecce nos reliquimus omnia, & secuti sumus te. Quid ergo eris nobis?* Cui Jesus, in præmium, sibi judicanti tanquam judices eos assessuros pollicitus est, & cuicumque eos imitanti centuplum & vitam æternam se largiturum. Feriâ tertiâ ante Passionem arborem ticus, cui præcedenti die Dominus dira fuerat imprecatu s, jam exaruisse ei Petrus iudicavit (Marci 11. v. 21.) atque mane alterius diei cum Jesus sedens in Monte Oliveti prædixisset ruinam Templi, Petrus unâ cum sociis, quando hæc futura esset, rogavit (Marci 13. v. 4.) Feriâ quintâ missus à Jesu cum Joanne ad paranda, quæ ad manducandum Pascha necessaria erant, omnia disposuit Lucæ 22. Cœnâ factâ cœpit Jesus lavare pedes Discipulorum, sed cum venisset ad Petrum, iste ad tantam Filii Dei demissionem confusus: *Domine (inquit Joan. 13.) tu mihi lavas pedes? ... Non lavabis mihi pedes in æternum.* Cum tamen Jesus ei comminatus fuisset, *Si non lavero te, non habebis partem mecum,* respondit, *Domine, non tantum pedes meos sed & manus & caput.* Notat tamen S. August. Tract. 56. in Joan. illa verba: *Venit ergo ad Simonem Petrum, non esse sic intelligenda, quasi aliquibus jam lavisset, & post eos venisset ad primum. Quis enim nesciat, primum Apostolorum esse beatissimum Petrum? Sed non ita intelligendum est, quod post aliquos ad illum venerit: sed quod ab illo caperit. Quando ergo pedes Discipulorum lavare-*  
ca-

*capit, venit ad eum à quo capit, idest ad Petrum.*

VIII. Factâ deinde contentione inter Discipulos, quis eorum videretur esse major Lucæ 22. Jesus postquam eos ad humilitatis sensum est adhortatus, ut qui major est in illis, fiat sicut minor & conversus ad Petrum, ei (ut supra dixi) dixit, se rogasse Patrem suum, ne deficeret Fides ejus, monens eum, ut cum resipisset, nutantes fratres ipse firmaret. Quibus elatus Petrus, se paratum exhibuit secum in carcerem & in mortem ire. Jesus autem videns Petrum nimium sibi polliceri, quia de suo, non de Dei adjutorio, ipsum corripiendo ad se revocans: Tu, inquit, paratus mecum in carcerem & in mortem ire? Imò hâc nocte antequam Gallus cantet bis, ter me negabis: quod ut prædixit evenit. Postea ad Montem Olivarum transiens in secretiora oraturus Jesus secessit. Interea Petrus, qui paulò ante ad mortem se paratum obtulerat, ac vigilare cum Christo debuerat, cum cæteris somno se tradit. Quare Jesus imbecillitatem ejus ei exprobrans Marci 14. v. 37. *Simon, inquit, dormis? Non potuisti unâ horâ vigilare?* Expergefactus Petrus ad se rediit, ac superveniente interim satellitum manu, Judâ ductore, accensus zelo stricto gladio ad defensionem sui Magistri accurrit. Sed Jesus, qui ad sui defensionem nolebat materiali gladio suos uti, sed gladio Verbi, Petrum reprimens, Malcò, cui Petrus aurem amputaverat, clementer restituit. Interea capitur Jesus, & Petrus, qui tanta ei pollicitus fuerat, sequebatur eum. quidem, sed à longè. Secutus tamen eum fuit usque ad atrium Principis Sacerdotum. Quid ibi Petrus egerit, scimus. Ter Jesum, pro quo se paratum in carcerem & mortem ire paulò ante promiserat, se nosse negavit. Agnovit tunc Petrus, quàm vanè de se præsumserat, quàm verè impleta esset Christi de ejus lapsu prædictio: *Recordatus est Petrus verbi, quod dixerat ei Jesus. Prinsquam Gallus cantet bis, ter me negabis. Et capit flere* (Marci 14. v. 72.) Et inde egressus, cum nulla ejus amplius toto passionis tempore usque post Resurrectionem mentio fiat, credibile est, cum toto illo tempore in fletu & lacrymis perseverantem lapsum suum deplorasse. De his recolantur dicta de Petri negatione.

IX. Pœnitentes Petri lacrymas clementer suscepit Jesus: ideòque eadem suæ Resurrectionis die ei se visendum præbens, dolorem ejus veluti solatus est, ac præsentiam suam tanquam concessæ veniæ pignus exhibuit. Succedentibus autem diebus (Joan. 21.) Petro & aliis Discipulis in mari Tiberiadis piscantibus Jesus se manifestavit: petiitque, an aliquid pulmentarii haberent. Illis respondentibus, non, jussit, ut mitterent in dexteram

ram navigii rete, cùmque misissent, tanta fuit multitudo piscium ut rete trahere non valerent. Tunc cognito, cum esse Jesum, Petrus fide & amore tractus se se in mare projecit, & natans ad Jesum occurrit: cæteri autem navigio venerunt, & retractis è mari retibus, Jesus unà cum Apostolis piscibus relictus est: cùm autem prandisset Jesus, ter Petrum interrogavit, dicens: *Diligis me plus his?* Et ter respondente Petro, *Domine tu scis, etiam Domine, tu scis Domine, tu omnia nosti: tu scis quia amo te*, cum suarum ovium & suorum agnorum ter vice sui constituit ac declaravit Pastorem: *Pasce agnos meos, pasce agnos meos, pasce oves meas*. Quæ observans S. Chrysost. homil. 88. (aliàs 87.) In Joan. Et enī, inquit, aliis pratermissis, de his hunc alloquitur? Eximius erat inter Apostolos, os Discipulorum, & cætus illius caput. Ideò Paulus præ aliis hunc visurus venit... Dicit autem, si amas me, fratrum præsecluram suscipe, & ferventem illum amorem, quem semper exhibuisti. & de quo exultabas, nunc ostende: animamque illam, quam te pro me daturum esse, dicebas, da pro ovibus meis. Boni enim pastoris est animam suam ponere pro ovibus suis, Joan. 11. v. 11. Ac propterea statim prædicit ei martyrium his verbis: cùm esēs junior cingebas te & ambulabas, ubi volebas; cùm autem sequeveris extendes manus tuas, & alius te cinget & te ducet, quò tu non vis. Dicens autem Christus extendes manus tuas, & alius te cinget, indicavit etiam martyrii genus: Nam Petrus (inquit S. Thomas in cap. 21. Joan. Lect. 4.) crucifixus fuit, sed non cum clavis, sed cum funibus, ut diutius viveret. Et hoc Christus vocat cincturam. Et propterea S. Joan. v. 19. subdit: Hoc autem dixit, significans, qua morte clarificaturus esset Deum.

Conversus subinde Petrus vidit illum Discipulum, quem diligebat Jesus sequentem: Quia ergo (inquit Chrysostomus homil. 88. citatà) magna ipsi prædixerat, Orbem commiserat, martyrium prænuntiavit, majorem, quàm cæterorum, amorem ejus iudicaverat, volens Petrus hunc consortem habere, dixit, Hic autem quid? An non eadē nobiscum viā incedet? Volens Christus Petrum, & in eo nos erudire, curiosè non esse inquirendum ultrà quàm ipsi placitum sit, respondit: Sic (ut habet Vulgata) vel si (ut Chrysostomus) cum volo manere donec veniam, quid ad te? Tu me sequere. Ex hoc exiit sermo inter fratres, idest Apostolos, quòd Discipulus ille non moritur. Hanc tamen vanam opinionem corrigi ipse Joannes v. 23. Nam non dixit ei Jesus, non moritur, sed sic, vel si cum volo manere donec veniam, quid ad te? An verò Joannes Evangelista mortuus fuerit, an verò adhuc vivens venturus sit cum Enoch & Elia contra Antichristum; jam dixi to-  
mo

mo 16. Theol. q. 1. de Antichristo dub. 6. §. 3. n. 12. &c. Videantur ergo quæ ibi resolvi.

X. Jesu in cœlum recepto, & Apostolis, qui Ascensionis testes fuerant, in Cœnaculo Adventum Sancti Spiritus expectantibus, Petrus primâ vice auctoritatem Capitis & Pastoris Christiani gregis, in quo paulò ante Christus eum constituerat, exercens, proposuit omnibus illis congregatis æquum fore, ut in locum proditoris Judæ alter eligeretur. Consilio ab omnibus suscepto, statuti fuerunt duo, Barabas iustus & Matthias, ac Deo electione precibus commissâ, cecidit fors super Matthiam, qui undecim Apostolis annumeratus fuit. Decimâ post Ascensionem die super omnes ibi congregatos illapsus est Spiritus Sanctus, de quibus omnibus supra egi cap. 39.

### §. III.

#### *De Petri gestis post Adventum Spiritus Sancti.*

I. **Q**ui hæc audivimus Petrum fluctuantem inter amorem & timorem, modò Christum Filium Dei confitentem, ac paratum se pro illo in carcerem ac in mortem ire, modò humana patientem, & ad feminæ vocem ipsum negantem; imposterùm Sancto Spiritu repletum audiemus torum à se diversum, Christum publicè excusso metu Judæis ac Gentibus annuntiantem, mortemque intrepidè contemnentem. Ita eum ante & post describit S. August. Tract. 91. in Joan. *Ante passionem Domini, servilis timor ejus interrogatus est à femina servituti; post Resurrectionem verò Domini liberalis ejus amor ab ipso Principe libertatis; & idèd ibi turbabatur, hic tranquillabatur; ibi quem dilexerat negabat, hic quem negaverat diligebat. Sed adhuc etiam tunc amor ipse infirmus fuerat & angustus, donec eum roboraret & dilataret Spiritus Sanctus. Qui posteaquam illi est abundantia gratiæ largioris infusus, sic ad perhibendum de Christo testimonium quondam ejus frigidum pectus accendit, atque illa priùs trepida, quæ veritatem suppresserat, ora referavit, ut cum omnes, in quos venerat Spiritus Sanctus, linguis omnium Gentium loquerentur, Judæorum circumstantibus Turbis solus ad testimonium pro Christo perhibendum præ cæteris promissiùs emicaret, ejusque interfectores de illius resurrectione confunderet. Si quem delectat tam suaviter sanctum tale spectaculum intueri, Atque Apostolorum legat: ibi Beatam Petram, quem negantem doluerat, stupeat prædicantem: ibi linguam illam videat ad fiduciam à diffidentia, & ad libertatem à servitute translatam,*

Tom. V.

C

tot

108 linguas inimicorum convertere ad Christi confessionem, quarum non valendo unam ferre, versa fuerat in negationem. Quid plura? Tantis in illo fulgor gratiae, tanta Spiritus Sancti plenitudo apparebat, tanta de ore prædicantis pretiosissima veritatis pondera procedebant, ut ingentis multitudinis adversarios interfectores Christi Judæos faceret pro illo paratos mori, à quibus cum illo formidabas occidi. His S. Augustinus celebrat Petrum Spiritus Sancti gratiâ in alium repente transformatum.

11. Et quidem meritò. Nam ut refert Lucas Act. 2. Factâ hac voce, quòd nimirum è Coenaculo egressi omnium Gentium linguis loquerentur Apostoli, convenit multitudo: at quæ è illa eadem, quæ antea contra Christum clamaverat Pilato, Crucifige crucifige eum. Hanc Petrus, qui ad feminæ vocem exhoruerat, nihil timens, alloqui nomine omnium cœpit, & ut eam attentam reddat, primò ebrietatis suspensionem depellit. Deinde nec occisionis culpam ei improprians, sed potius tanquam rem definito consilio Dei permissam proponens, placido sermone Petrus quid consecutus fuit? His audiis compuncti sunt corde, & dixerunt ad Petrum & ad reliquos Apostolos: quid faciemus, viri fratres? Respondente autem eis Petro, Penitentiam agite & baptizati eritis in nomine Jesu Christi in remissionem peccatorum vestrorum, & accipietis Donam Spiritus Sancti, baptizati sunt circiter ad tria millia: Viden, inquit Chrysostomus homil. 7. in Acta, quantum sit mansuetudo bonum? Hæc magis quàm vehementia qualibet corda vestra compungit, & acutior infigit plagam. Sicut enim qui obdurate corpora percutis, non tam validè sensum afficit, sed si illa prius emolliat, tunc acriùs pungit, ita & hic prius oportet emollire, & tunc pungere. Emolli autem non ira non vehemens accusatio non convitiis sed mansuetudo. Furor enim augeat morbum, mansuetudo eliminat. Et infra: Hæc Petrus fecit: non illos vehementer accusavit, sed conatus est quantum poterat illos mansuetè defendere, ideòque illorum animos Petrus emollivit, & ad tria millia tanquam fidei primitias ad Jesum attraxit mansuetudo & lenitas. Is fuit modus, quo Apostoli ac primi Evangelii Promulgatores totum Orbem Christo subjugarunt. Is est modus, quem Ecclesiæ Pastores sequi debent, ut peccantes ad justitiam revocent juxta monitum Christi

ſi Matth. 12. v. 29. *Discite à me, quia mitis ſum & humilis corde.* Arguenda ſunt crimina ſed Caritate, increpanda ſunt vitia ſed in patientia. Ita Paulus Timotheo Epift. 2. cap. 4. v. 2. *Prædica verbum, inſta, opportune, importune: argue, obſeca, increpa in omni patientia & doctrina.*

III. Suavem Petri concionem tanta gratiæ plenitudo ſuper recens converſos ſubſecuta fuit, ut referente Luca Act. 2. omnibus temporalibus abdicatis pretium eorum in communes uſus erogarent, ut cuique ſecundum indigentiam divideretur, quotidie in Templo aſſeſſent, circa domos panes (utique in myſteriis) frangerent; Deumque collaudarent, qui eos quotidie augebat. Hos Chriſtiani ſui temporis opponens Chryſoſtomus hom. 7. in Acta: *Quomodo, inquit, illi ter mille & quinguiet mille ſtatim virtutem delegerant, & non pariter Philoſophi facti ſunt, & nunc vita amur reperitur? Cur tunc ita concordetis erant? Quid illos tam agiles & excitatos reddebat? Quid illos ita incendit? Quia cum magnâ pietate accedebant; quia honores non erant ſicut hodie, quia ad futura mentem ſuam tranſtulerant, & nihil præſentium expectabant. Hoc eſt igne animæ in ærumnis verſari. Hoc putabant illi Chriſtianiſmum eſſe, ſed non nos. Nunc enim ſolutam vitam quærimus; ideo nec illa, cum par eris, aſſequemur. „ Quid faciemus,? Interrogabant illi ſeipſos damnautes; nos verd contra „ Quid faciemus?, dicimus nos præſentibus venditantes, & alium de nobis ſupientes. Illi faciebant quæ facere oportebat, nos verd ſecus. Hæc Chryſoſtomus de Chriſtianiſmo ſui temporis. An hæc noſtris temporibus aptari queant, iudicet quiſque.*

IV. Cùm Petrus unâ cum Joanne poſt elapſos aliquot dies ad horam Orationis nonam, quæ precibus deſtinabatur, in Templum ſe conferrent, vir quidam 40. annos natus, & ab utero matris ſuæ pedibus impeditus jacebat ante portam Templi, quæ dicitur *Specioſa*, eleemoſynam ab introeuntibus petens. Is cum vidiffet Petrum & Joannem introeuntes, ambos pro more rogavit, cui Petrus: *Reſpice, inquit, in nos. Ille autem intendebat in eos, ſperans ſe aliquid accepturum ab eis.* Tunc Petrus ait: *Argentum & aurum non eſt mihi; quod autem habeo, hoc tibi do: in Nomine Jeſu Chriſti Nazareni ſurge & ambula. Et apprehenſa manu dextera, allevavit eum, & exiliens ſteſit & ambulabat. Et introiſſis cum illis in Templum ambulans & exiliens & laudans Deum. Atque Petrum manibus tenens, liberatorem ſuum populis ad rei novitatem confluentibus offendeſcit: ita Act. 3. Iſtud fuiſſe initium ſignorum (eorum ſaltem, quæ deſcripta ſunt) quæ S. Petrus fecit, ſentiunt aliqui, quamvis & ipſum & cæteros*

Apostolos alia signa ante operatos fuisse generaliter, colligatur Act. 2. v. 43. ex his verbis: *Multa quoque prodigia & signa per Apostolos in Jerusalem fiebant.*

Petrus autem videns Populum ad se confluentem, nactus occasionem, primò cum admirantem monuit, ne putaret eos propriâ virtute signum illud operatos fuisse *Viri Israelite, quid miramini in hoc, aut quid vos intuemini, quasi nostrâ virtute aut potestate fecerimus hunc ambulare?* quibus humilem sui modestiam declaravit. Deinde ostendens, hoc se fecisse in Nomine Jesu Christi Nazareni, quem ipsi tradiderunt morti, judicante Pilato illum dimitti, iterum sub eorum oculis ponit criminis gravitatem, & cujus tamen non difficilem fore veniam dicit, cum illud per ignorantiam commiserint: ideoque hortatur eos ad poenitentiam & fidem, ut cum iterum venerit, capaces fiant benedictionis, Abrahamæ promissæ: ita eos terrens, ut simul consoletur & alliciat.

V. Adhuc loquente Petro dicit S. Lucas Act. 4. v. 1. &c. *Sapervenerunt Sacerdotes & Magistratus Templi, & Sadducei dolentes, quòd docerent Populum, & annuntiarent in Jesu Resurrectionem ex mortuis* (hanc enim Sadducei negabant) *Et iniecerunt in eos manus, & posuerunt eos in custodiam in crastinum: erat enim jam vespere.* Publica hæc Petri & Joannis detentio & carceri mancipatio (ut observat Chrysost. hom. 10. in Acta) eo consilio à perfidis excogitata fuit & executâ, ut eos qui crediderant infirmiores ac timidiore redderent. Sed eorum consilia dissipans Deus, quamvis loquentem Petrum in carcerem duci vidissent, eos aded in fide solidavit, ut præter eos, qui jam crediderant, alii quinque millia eadè die Jesu dederint nomen: sic ut ubi in die Pentecostes suâ Concione tres mille ad Fidem adduxerat Petrus, hic alios quinque nulle Christo lucrifecerit: *Multi autem eorum, qui audierant verbum, crediderunt, & factus est numerus virorum quinquemillia* (Act. 4. v. 4.) non computatis feminis, neque masculis annum vigesimum non attingentibus, ut Interpretes non pauci censent.

Mane igitur diei sequentis Magistratus Seniores Scribæ & Princeps Sacerdotum congregati ambos Apostolos coram se positos interrogarunt, quâ virtute, aut in quo nomine hoc fecissent: quibus Spiritu Sancto repletus respondit Petrus: *In Nomine Jesu Christi Nazareni, quem vos crucifixistis, quem Deus suscitavit à mortuis, in hoc iste astat coram vobis sanus. Hic est lapis, qui reprobatus est à vobis adificantibus, qui factus est in caput anguli. Et non est in alio aliquo solus. Nec enim aliud Nomen est sub celo*



*cælo datum hominibus, in quo oporteat nos salvos fieri. Tantom Petri & Joannis constantiam admirati, cum factum negare non possent, videbant enim stantem cum eis hominem, qui curatus fuerat, iusserunt eos foras extra concilium secedere: tandem post multam discussionem iterum vocatis denuntiaverunt, ne, omnino loquerentur, neque docerent in Nomine Jesu. Quibus Petrus & Joannes nihil territi, se acquiescere non posse responderunt, nec quæ viderant & audierant non loqui, ac se debere magis audire Deum quàm eos. Nihilominus dimittendos Senatus censuit, gravia solum comminatus, ni parerent. Nec enim eos punire ausus fuit propter Populum.*

VI. Ad suos igitur Petrus & Joannes reversi, omnium quæ sibi contigerant historiam recitarunt. (Act. 4. v. 29. &c.) His auditis Fideles omnes in preces effusi Divinam opem imploraverunt, quâ firmati Fidem audaciter prædicarent, nihil hominum minas ac terrores metuentes. Votis eorum adfuit Deus. Nam precibus absolutis, statim ingenti tremore locus, in quo stabant concussus est, novoque spiritu omnes accensi (v. 31.) *Loquebantur Verbum Dei cum fiducia.* Ecce Petrum prius ad vocem feminæ formidantem, & Jesum se nosse negantem, medò Principum Sacerdotum, à quibus Jesus Cruci recens traditus fuerat, conspectum & minas contemnantem, & coram ipsis Jesum liberè confitentem ac verè paratum pro illo in carcerem & in mortem ire, quia non jam vana sui præsumptio in illo loquebatur, sed Spiritus Sancti gratia in illo operabatur. Ecce quot paucorum spatio dierum Christo oves comparavit, contemtâ frementi luporum rabie vocem Pastoris intrepidè sequentes. Ecce felicia Fidei nascentis initia, quia à Spiritu Sancto promota. Hanc describit Lucas dicens (v. 32.) *Multitudinis autem credentium erat cor unum & anima una, nec quisquam eorum, quæ possidebat, aliquid suum esse dicebat, sed erant illis omnia communia.* Quotquot enim agros vel domos possidebant, vendentes, pretium ad pedes Apostolorum deferrebant, quod singulis prout cuique opus erat dividebatur, ut nullus eorum egens esset. Inter istos terrenorum abdicatores eminuit, teste Luca Act. 4. v. 36., *Joseph, qui cognominatus est Barnabas ab Apostolis (quod est interpretatum filius consolationis) Levites, Cyprini genere.* Hic enim cum haberet agrum, vendidit eum, & attulit pretium & posuit ante pedes Discipulorum.

VII. Inter hæc factum quoddam accidit, quo universa Ecclesia terrore concussa fuit. (Act. 5.) Unus ex primis Christianis Jerusalem nomine Ananias (cui uxor Saphira) agro suo vendito par-



partem pretii Petro obtulit, partem clam retinuit, totum se detulisse simulans, conscia uxore. Fraude divinitus detecta, Apostolus: *Anania, inquit, cur tentavit Satanus cor tuum mentiri te Spiritui Sancto, & fraudare de pretio agri? Nonne manens tibi manebat & venditum erat in tua potestate? Quare posuisti in corde tuo hanc rem? Non es mentitus hominibus, sed Deo. Audiens autem Ananias hac verba, cecidit & expiravit.* Post tres circiter horas Saphira uxor, nesciens quid viro suo accidisset, venit ad Petrum, à quo interrogata de pretio agri cum eodem mendacio fraudem texisset, à Petro & ipsa objurgata *cecidit ante pedes ejus & expiravit.* Quo duplici facto apud omnes duplicatus est terror. In hoc tamen notandum est, hosce duos fuisse punitos, non quia integrum agri venditi pretium retinere non possent; hoc enim ut supra Petrus eis concesserat: sed quia cum integrum agri venditi pretium communi consensu Deo promississent, imò vovissent, ut putat S. Hieronymus Epist. 8. modò 97. ad Demetriadem, corde duplici partem ejus, quod jam non erat suum, sibi ut suum reservaverunt. Exemplum terribile iis, qui post generale paupertatis votum, aliquid ut sibi proprium retineant: unde Chrysost. hom. 12. in Acta: *Ne putetis, inquit, quòd jam non ita sit, nec statim sequitur ultio, hac impune fore. Videri hoc in crimen vocari, quòd cum illas pecunias sacras fecisset, de illis subripiat? An non, inquit, poterat illis venditis ut propriis uti? Num prohibitus es? Cur subripis, postquam promissisti?*

VIII. An verò hi duo infelices conjuges præter poenam temporalis mortis, poenam quoque æternæ subierint, divisos invenio Patres. Affirmat inter ceteros S. Basilius serm. ascetico de Instit. Monach. dicens, relictum eis non fuisse poenitentiae locum & spatium: idem videtur sentire S. Joan. Chrysost. hom. 12. in Acta. Probabiliter tamen negant: Origenes in Matth. putans, Deum in hoc mundo eos punisse, ut in altero eis faceret misericordiam; S. Hieronymus Epist. 8. modò 97. ad Demetriadem, & S. Augustinus tum lib. 3. contra Epist. Parmeniani, tum serm. 10. de diversis (modò 148.) dicens: *Credendum autem, quòd post hanc vitam eis pepercerit Deus: magna est enim ejus misericordia.* Quid revera fuerit, incertum nobis est, & soli Deo notum. Ut ut fuerit, mors temporalis istorum multos monuit, ut impossibilem vigiles essent, in adimplendis Deo factis promissionibus. Et factum hoc magnum potentiae Christi exhibuit argumentum, qui per ministros suos hominum corda penetraret, & executores suæ voluntatis eis Angelos exhiberet.

IX. Interea Ecclesia in dies augebatur, ad hoc non parum con-

conferentibus signis & prodigiis, quæ à Petro edebantur: adeo ut in plateas ejicerent infirmos, & ponerent in lectulis, ut veniente Petro, saltem umbra illius obumbraret quemquam illorum, & sanarentur ab infirmitatibus suis (Act. 5. v. 15.) eosque ex vicinis etiam civitatibus adducebant, & etiam energumenos omnesque incolumes revertebantur. Concitatâ proinde Principis Sacerdotum Caiphæ & aliorum maximè Sadducæorum invidiâ, Petrus & omnes Apostoli tanquam contumaces in publicam custodiam detrusi sunt. Sed inde noctu ab Angeloeducti, eis præcipiente, ut irent & stantes loquerentur in Templo Plebi verba vitæ hujus, intraverunt in Templum, & docebant. Mane sequenti Princeps Sacerdotum, & alii cum eo ignari ejus quod contigerat, congregato concilio miserunt ad carcerem, ut Apostoli coram eis adducerentur. Cum autem venissent ministri, & aperto carcere nihil invenissent, nuntiarunt hoc Principi Sacerdotum, & aliis congregatis. Quibus ambigentibus, quidnam de illis fieret, venit nuntius dicens, eos esse in Templo stantes & docentes Populum. Tunc Magistratus abiit & adduxit illos sine vi, timebant enim Populum, ne lapidarentur. Adducti ergo in Concilium Apostoli à Principe Sacerdotum objurgati fuerunt, quod contra præceptum eis factum adhuc publicè docentes replerent Jerusalem doctrinâ suâ. His ore Petri responderunt omnes *Obedire oportet Deo magis quàm hominibus*, alia de Christo Jesu adjicientes. *Quæ cum audissent dissecabantur cordibus suis, & cogitabant interficere illos*; sed animos ad extrema inclinantes detinuit unus ex eis nomine Gamaliel sectâ Phariseus, & vir apud plebem honorabilis. Is enim assurgens eos ita allocutus est. Opus hoc vel à Deo non est, & sic per se mox dissolvetur Theodas, & post eum Judas Galilæus turbas in Populo excitarunt, & eorum conatus dispersi fuere. Vel est à Deo, & sic repugnare non poteritis. His acquiescentes, Apostolos, singulos tamen 39. flagelli ictibus (ut de more) cæcos, repetito præcepto de Jesu non prædicando, dimiserunt. *Es illi quidem (v. 41.) ibant gaudentes à conspectu Concilii, quoniam digni habiti sunt pro Nomine Jesu contumeliam pati. Omni autem die non cessabant in Templo, & circa domos docentes & evangelizantes Christum Jesum.* Hoc maximum Spiritus Sancti fuisse prodigium, censet Chrysostomus homil. 14. in Acta, quod Apostoli post flagella gaudentes, nec minis mortis territi, liberius publicè annuntiarent Jesum.

X. Non inutile erit quærere, quis fuerit iste Gamaliel, & qui fuerint Theodas & Judas Galilæus, quorum ipse meminit.

Gamaliel ergo, de quo hic S. Lucas, fuit, ut dixi sectâ Phari-

isæus, Legis Doctor, vir lenis, & proinde Populo acceptus; implacabilis Presbyterorum in Jesum odii mitigator, Præceptor S. Pauli (Act. 22. v. 3.) & ut aliquibus placet, etiam S. Barnabæ & S. Stephani. Post S. Stephani necem Christiani, Gamaliele juvante, Martyris Corpus noctu sublatum, sepulchro mandarunt in ejus fundo dicto *Cappal-Gamala*, nempe Campus Gamalæ seu Gamalielis. Ejus consobrinus, vel saltem nepos fuisse fertur Nicodemus, ejusque gratiâ pœna mortis in Nicodemum decreta exilio commutata. Ita ex Epist. Luciani, quæ extat tom. 7. Oper. S. Augustin. in Append. Edit. Maurinæ. Eum propterea Christo nomen dedisse ambigendi locus non est, & baptizatum unâ cum Nicodemo & Abibone uno ex filiis ejus, omnesque in eodem cum S. Stephano sepulchro collocatos refert etiam Phorius in Biblioth. Cod. 171. ex eodem Luciano; qui ex sibi facta à Gamaliele revelatione, hæc narrat: idèdque Ecclesia die 3. Augusti memoriam inventionis Corporis S. Stephani celebrat unâ cum inventione Corporum Nicodemi, Gamalielis, & Abibonis. Vide Martyrol. Romanum ad eam diem, & Baronii notas. De quibus infra Tract. de Christi Discipulis c. 1. dicam.

XI. Quoad Theodam seu *Theudam*, duo hujus nominis fuerunt. Unus qui ante eam ætatem magnum de se aliquid jactabat. Is 400. circiter homines in sui sequelam traxit: sed eo occiso omnes dissipati sunt, ejusque secta evanuit. Alter similiter impostor in Judæa Præside Cuspio Fado apparuit, qui se & Prophetam & divinitus illustratum venditabat. De hoc Josephus lib. 20. Antiquit. cap. 2. ait: *Fado porrò Procuratore apud Judæam præstigiator quidam nomine Theudas persuasit magnæ Vulgi multitudini, ut assumtis suis facultatibus sequerentur se ad Jordanem fluvium; Prophetam enim se jactabat, pollicens, scissurum se verbo fluvium, & facilem præbiturum transitum, talique promissione per multis imposuit. At Fadus effecit, ut nihil lucrifacerent ex sua insipientia, immixtis in eos turmis equitum, qui ex improvviso irruentes, ex his multos interemerunt, multos viros cæperunt, & in his ipsum Theudam, cujus caput abscissum reportarunt Hierosolymam.* Hæc Josephus. De hoc tamen Theuda posteriori non fuisse locutum Gamalielem, sed de priori, ex eo constat, quia Gamaliel verba faciebat anno Christi 33.; Theudas verò posterior à Fado fuit occisus anno 45. De priori ergo locutus fuit, qui mortuus fuit anno Christi 1. circa obitum Herodis.

XII. Judas verò Galilæus, dictus etiam Gaulanites, quia ortus ex Gamala in Gaulanite, Judæos liberos esse, & neminem Do-

Dominum præter Deum habere posse, discitabat. De hoc Josephus lib. 18. Antiquit. cap. 1. & 2. Erupit iste anno Christi 10.: ejus sectatores Libertatis adeo amatores erant, ut qualibet supplicia ferre mallerent, quam mortalem aliquem Dominum sustinere. Hunc Judam dicit Gamaliel fuisse *in diebus professionis*, id est diebus, quibus ex Edicto Cæsaris Augusti singuli describi & profiteri debebant in sua Civitate, Lucæ 2. v. 1. & c. Unde iste Judas Cyrino descriptionem exequenti unâ cum conjuratorum manu obstitisse dicitur: quæ res multas apud Judæos perturbationes excitavit. Hunc Judam eo tempore, quo Gamaliel loquebatur, adhuc inter vivos fuisse, aliqui existimant; sed ut ut sit, certè ejus secta vel interierat vel saltem languerat: & ideo Chrysost. homil. 14. in Acta ait: *Nec dicit (Gamaliel) à quo interemti sint, sed simpliciter quòd sint dissipati*. Quia licet aliqui ejus errori adhuc subscriberent, turbas tamen excitare, & in publicum prodire non audebant. Ab hoc Juda ortum habuisse Herodianos, sectæ Phariseorum furculum, censent aliqui. Hi enim censum ab Augusto impositum solvere detrectantes, turbas apud Judæos excitarunt. Unde qui accesserunt ad Christum ab eo petentes: *Licet censum dare Cæsari, an non?* dicunt Matthæus cap. 22. v. 16., & Marcus c. 12. v. 13., quòd erant *ex Phariseis & Herodianis*. Sed ad propòsitum redeamus.

## §. IV.

### *De Septem Diaconis.*

I. **V** Idens Diabolus, se feritate inimicorum Christi nihil proficere, & numerum Discipulorum ac Fidelium quotidie magis augeri, quòd magis in Apostolos operâ Sacerdotum sæviebat, excogitavit inter Fideles ipsos discordias serere. Cùm ergo quotquot Christo nomen dabant, omnia bona sua in commune conferrent; specialis cura adhibenda erat, ut quæ victui quotidiano necessaria forent singulis distribuerentur. Huic muneri Apostoli, utpotè prædicationi Verbi intenti, alios delegaverant, qui fortè aut minùs vigiles aut minùs providi, non ut oportebat, cuique dispensabant. Præcipuè autem cùm Fidelium numero utriusque sexus Græci infererentur, videntes, in ministerio quotidiano Viduas eorum despici, Palæstinas autem præponi, murmurare cœperunt: *Factum est (Act. 6. v. 1.) murmur Græcorum adversus Hebræos, eò quòd despicerentur in ministerio quotidiano vidua eorum;* Viduis enim cura præparandi, quæ victui quotidiana

Tom. V.

D

no

no necessaria erant; committebatur. Ad quæ S. Chrysostomus hom. 14. in Acta: *Viden, inquit, quomodo in principio mala non foris tantum sed etiam intus essent?*

Huic malo Apostoli ab initio mederi volentes, multitudine Discipulorum convocata, dixerunt: *Non est æquum nos derelinquere Verbum Dei, & ministrare mensis.* Et data eis facultate proponendi septem Viros ex ipsis plenos Spiritu Sancto & Sapientiâ, quos constituerent super hoc opus, Elegerunt Stephanum virum plenum Fide & Spiritu Sancto, & Philippum, & Prochorum, & Nicanorem, & Timonem, & Parmenam, & Nicolaum advenam Antiochenum. Hos statuerunt ante conspectum Apostolorum, & orantes imposuerunt eis manus. Notat hic Chrysostomus, quod numerum definire, ordinare ad illos (Apostolos) pertinebat, eligere autem viros illis permittunt, ne viderentur, ad quorundam gratiam agere. Insuper quod nihil tunc fiebat nisi præviâ oratione, & manus impositione: *Hoc enim est ordinatio. Manus viro superponitur: totum verò Deus operatur, ejusque manus est, quæ tantis capit ordinati, si quemadmodum tangi oportet, ordinetur.* Hic Apostoli temporalium curæ alios substituunt, ut prædicationi Verbi Dei liberius vacarent, secuti fuerunt consilium Jethro datum Moyssi Exodi 18. v. 19. *Esse tu Populo in his, quæ ad Deum pertinent, ut referas, quæ dicantur ad eum...* Proinde autem de omni plebe viros potentes & timentes Deum... qui judicent Populum omni tempore &c. relinquentes exemplum Episcopis, ne propter temporalium curam ea quæ ad Deum pertinent derelinquant.

II. Post septem Diaconorum electionem, nedum sedatum est murmur Discipulorum, sed ut v. 7. dicitur, *Verbum Domini crescebat, & multiplicabatur numerus Discipulorum in Jerusalem valde:* multa etiam Turba Sacerdotum obediebat Fidei; ex his forte permota, quæ in Concilio paulò ante Gamaliel dixerat, ut jam iidem, qui ejus mortem à Populo extorserant, Christo se dare inciperent. Iste Evangelii progressus novam excitavit persecutionem, quæ S. Stephano inter Diaconos nedum ordine sed zelo & sapientiâ primo martyrium peperit.

III. Stephanus igitur, Græcè Stephanos seu Corona, ex Judæorum Hellenistarum (idest Græcizantium) numero, Fidei nomen dederat: inter Christi Discipulos eum ponit S. Epiphanius de Christo cap. 4.; contrarium tamen tenent alii; nam 72. Discipuli à Christo ad annuntiandum Regnum Dei, ut habetur Lucæ 10. v. 1., fuerunt missi, sicut Apostoli; non autem ut Stephanus ministerio mensarum destinati. Quia tamen Stephanus etiam Verbum

bum Dei prædicabat, quod ei mortis occasio fuit, ut dicitur; idè incertum relinquitur à S. August. serm. modò 316. cap. 3., ubi ait: *Incertum est nobis, unde fuerit beatissimus Stephanus, utrum ex iis, qui priùs in Christum crediderant; sicut Nicodemus qui ad eum venit nocte: qui ibi sepeliri meruit, ubi & iste, quia per illum & iste inventus est: utrum ergo in his fuerit, an fortè in illis, qui post Ascensum Domini veniente Spiritu Sancto, quando impleti sunt Discipuli, & loquebantur linguis omnium Gentium, compuncti Apostolis dixerunt, „Viri fratres, quid faciemus?„ indicate nobis.* Fuisse unum ex primis, qui Petro concionanti adhæserunt, censet S. Hilarius in cap. 17. Matth., idem sentit Ambrosius in c. 5. Lucæ. Hoc certum est, quòd plenus gratia & fortitudine faciebat prodigia & signa magna in Populo (v. 8.) adeò ut qui erant ex Synagoga Libertinorum & Cirenenfium & Alexandrinorum, & ex Cilicia & Asia cum eo disputantes, nec ejus sapientiæ valentes resistere, submiserint calumniatores, qui eum tanquam Mosaicarum Traditionum everforem ad Synedrium traducerent. Quò vocatus, & Principe Sacerdotum eum interrogante, si res ita se haberet, an verò aliquid pro sui defensione adducere vellet, Stephanus, faciem suam tanquam Angeli gerens, omnia contra se objecta diluit, probans se nihil contra Templum, nihil contra Moysen loquutum fuisse. Sed verso ad Judæos sermone reos illos & in Deum & in Prophetas accusans, eorum perveraciam & infidelitatem, qui Prophetas primùm deinde Jesum Christum supplicio sustulissent, acerrimè perstrinxit. Hæc audientes (Act. 7. v. 54.) *dissecabantur cordibus suis & stridebant dentibus in eum.* Stephanus interim elatis ad cælum oculis: *Ecce, inquit, video cælum apertos, & Filium Hominis stantem a dextris Dei:* quo tanquam ad blasphemiam horrore commoti continuèrunt aures suas, & impetu facto eum extra Civitatem eiecerunt, ubi lapidibus confecerunt, Stephano positis genibus invocante & dicente, *Domine Jesu suscipe spiritum meum. . . Domine ne statuas illis hoc peccatum.* Et cum hæc dixisset obdormivit in Domino. *Saulus autem erat consentiens neci ejus:* quare ut expeditiores essent in jaciendis lapidibus, apud eum vestes deposuerant. De Saulo S. Augustinus citato serm. 316. cap. 3. *Tamen, inquit, & Saulus inter illos fuit. Cum lapidaretur Stephanus agnus, adhuc ille erat lupus, adhuc sanguinem sitiabat, adhuc manus suas quibus lapidaret parum putabat, lapidantium vestimenta servabat.* Hunc tamen Saulum, quem hic Stephanus habuit lupum, factum Paulum cæteræ oves Christi paulò post amantissimum habebunt Pastorem. De S. Stephano plura habet Augustinus sermonibus

sequentibus, præter alios Patres. De ejus corporis inventione agit Lucianus, de quo supra, & nos infra.

IV. De cæteris sex Diaconis aliqua dicam. Diaconus à sancto Stephano secundus ordine est S. Philippus. Cæsaream Palæstinæ patriam ejus fuisse ferunt, ibi enim habebat domum, & quatuor filias. De hoc Lucas Act. 21. v. 8. & 9. ait: *Alia autem die profecti venimus Cæsaream: & intrantes domum Philippi Evangelista, qui erat unus de Septem, mansimus apud eum. Huic autem erant quatuor filiae virgines prophetantes.* Ex quo eruitur, quòd anno Christi 58., quo hoc contigit, adhuc inter vivos erat: & corrigendus videtur Clemens Alexandr. lib. 3. Strom. p. 448., qui dicit quòd Philippus *Filias suas viris tradidit*, cum Lucas dicat, eas Virgines usque ad illud tempus fuisse. Philippi gesta, de quibus in Scriptura mentio fit, infra referemus. Postea Palæstinā relicta Trallensem Ecclesiam in Asia fundasse, ibique in pace occubuisse, tradunt Græci in Menologio ad diem 11. Octobris: Latini tamen Cæsareæ, ubi patriam domum habebat, sanctè obisse volunt, & juxta illum tres filias ejus jacere, quartam autem Ephesi occubuisse. Ita Martyrolog. Rom. ad diem 6. Junii his verbis: *Demum (Philippus) apud Cæsaream requiescit, juxta quem tres Virgines ejus filiae prophetissæ tumulatae jacent. Nam quarta filia ejus plena Spiritu Sancto Ephesi occubuit.* Temporibus S. Hieronymi anno 386. extabat adhuc memoria Cæsareæ in Palæstina Philippi Diaconi, & filiarum ejus. Unde Epistola 27. modò 86. ad Eustochium, referens itinera Paulæ ejus matris, dicit, quòd Cæsaream perveniens inter alia vidit *Philippi ædiculas & cubacula quatuor Virginum prophetarum.* Quòd quarta Philippi Filia Ephesi occubuerit (ut ex Adone sumtum est) putatur ortum ex æquivocatione cum S. Hermione, quæ filia S. Philippi Apostoli fuisse creditur: de quo suo loco dicam. Nec satis has Philippi Diaconi filias distinxisse videtur Cajus Romanæ Ecclesiæ vetus Sacerdos, cum eas Hierapoli obisse dicit: hoc enim de Filiabus Philippi Apostoli potius dicendum est cum Eusebio lib. 3. Hist. cap. 39. Quòd verò Philippus iste Diaconus à S. Luca vocetur *Evangelista*, non est quia Evangelium scripserit, ut falsò olim putatum fuit, sed quia, ut infra dicetur, Evangelium prædicavit, quod Evangelistæ actus est: unde Paulus Epist. 2. cap. 4., Timotheo v. 5. scribit *Opus fac Evangelistæ.* Ita Baronius ad an. Christi 58. n. 115.

V. Prochorus inter Diaconos, ordine tertius, primus fuit Nicodemæ Episcopus, si Græcis credimus, & Antiochiæ clarus prodigiis die 9. Augusti Martyrio coronatur. De eo mentio fit  
in



in Menologio ad diem 28. Julii; in Martyrol. autem Romano ad diem 9. Aprilis his verbis *Antiochia Sancti Prochori, qui fuit unus de Septem primis Diaconis, & fide ac miraculis clarus Martyrio coronatus est.* In Opusc. de 70. Apostolis S. Hippolyto Mart. tributo legitur *Prochorus Episcopus Nicomedia, qui primus diem obiit, fidem cum filiabus suis amplexus.* Quibus huic etiam filiarum tribuuntur. Prochorum Nicomedienfibus à Petro fuisse datum, dicit Baron. ad ann. 44. n. 11.

VI. Nicanor ordine quartus succedit. De hoc ferè nihil certum habemus. Martyrium in insula Cypri subisse die 10. Januarii refert Martyrol. Rom.; Menolog. autem ad diem 28. Julii unà cum Prochoro ejus certamen consignat. Dorotheus in Synopsi ipsum aliosque plurimos ipsa die, vel saltem in persecutione excitata post necem Stephani, interemptos fuisse. Quo admissio non in Cypro, sed Hierosolymis Martyrium subiit.

VII. Succedit quinto loco inter primos Diaconos Timon. Ejus patria ignota est, & gesta omnino latent. De eo Martyrol. Rom. ad diem 19. Aprilis hæc habet, *Natalis Sancti Timonis Diaconi de Septem Primis, qui primò apud Beroeam Doctor resedit, ac deinde Verbum Domini disseminans venit Corinthum, ibique à Judeis & Græcis, ut traditur, flammis injectus, sed nihil lasus, demum Cruci affixus Martyrium suum implevit.* Idem sentiunt Beda, Usuardus, & Ado. Unde corrigendus videtur Dorotheus, qui in Synopsi hunc non Beroensem sed Bostreusensem fuisse Episcopum autumat: ei tamen consentit S. Hippolytus Opusc. supra citato dicens: *Timon Bostre Episcopus.* Petrus de Natal. in Cathal. lib. 4. cap. 67. hunc Episcopum, sive Beroeæ sive Bostreæ, alium fuisse censet à Timone uno ex Septem Diaconis.

VIII. Sextus occurrit Parmenas. De hoc nihil certi habemus. Menologium Græcorum ad diem 2. Martii dicit: *Ministrans Parmenas, & operam suam Sanctorum indigentis fideliter religiosèque nans, ac Deo ejusque Discipulis & Apostolis placens, morbo correptus, & sub oculis Apostolorum visâ sanctus, ad Christum quem concupierat migravit.* Quibus, naturali morte eum vitam citò, & quidem sub oculis Apostolorum finisse, indicat. Martyrologium verò Romanum ad diem 23. Januarii facit eum Philippi mortuum, ac ob Fidei prædicationem Martyrio coronatum sub Trajano his verbis: *Philippis in Macedonia S. Parmenæ, qui fuit unus ex septem primis Diaconis. Hic traditus gratia Dei in juncum sibi à fratribus officium prædicationis plenâ fide consummans sub Trajano Martyrii gloriam est adeptus.* Hippolytus præfato loco facit Parmenam Episcopum Solorum. Scriptura postquam

quam Act. 6. v. 6. cum inter Septem Diaconos recensuit, nullam Parmenæ mentionem ullibi ampliùs facit.

IX. Septimus ex primis Diaconis fuit *Nicolaus Advena Antiochenus*, hoc est Antiochiæ profelytus, seu à Paganismo ad Judæorum Religionem traductus. Christianæ Catholicæque Fidei deinde additus eâ morum integritate vivebat, ut idcirco inter primos Hierosolymitanæ Ecclesiæ Diaconos fuerit coopatus, quòd inter cæteros Fideles vitæ sanctitate emineret. Hujus clara quidem fuerunt initia, progressu tamen temporis ejus nomen tantâ labe infectum evasit, ut omnino purgari nunquam potuerit. Nicolaitæ Hæretici hâc labe eum infecerunt. An verò ab eo tantum nomen, vel ad summum occasionem sui erroris sumferiunt, an etiam ipso præeunte ac docente errorem didicerint, res est à primis usque seculis usque ad præsentia sub lite posita, nunquam tamen hætenus decisa. Ex Veteribus alii ipsum excusant, alii damnant, alii dubitant: unde ex Recentioribus nemo sententiam ferre audet; quidam mitiùs quidam graviùs de eo loquuntur.

X. Nicolaitarum errorem Auctorem eum faciunt S. Irenæus lib. 1. contra hæres. cap. 27., modò 26. dicens: *Nicolaitæ Magistrum habent Nicolaum, unum ex septem, qui primi ad Diaconatum ab Apostolis ordinati sunt.* Tertullianus lib. de Præscript. cap. 46. *Alter hæreticus Nicolaus emerfit: hic de Septem Diaconis, qui in Actis Apostolorum allecti sunt, fuit.* Epiphanius hæres. 25. ejus errorem ita describit: *Nicolaum, cum uxorem haberet elegantis specie, ab ea sibi aliquandù temperasse, ut eos imitaretur, quos Deo addictos cerneret, sed non intemperantiam suam perpetuò coercere potuisse...* Cum uxore sua consuetudinem rursùs habuisse; & jactare illud ansum, neminem salutem æternam consequi posse, nisi singulis diebus luxuriæ vacet. Philastrius hæres. 33., S. Hilarius c. 25. in Matth. ad illa verba: *Et falsi Prophetæ erunt*, subjungit ut *Nicolaus unus ex Septem Diaconibus fuit.* S. Hieronymus Epist. 1. modò 5. ad Heliiodorum: *Novi omnes, inquit, Episcopi Episcopi sunt. Attendis Petrum, sed & Judam considera; Stephanum, sed & Nicolaum respice, quem Dominus in Apocalypsi suâ damnat sententiâ, qui tam turpia & nefanda commentus est, ut Nicolaitarum hæresis ex illa radice nascatur: similia dicit Epist. 48. modò 93. ad Sabinianum lapsus.* Idem sentiunt alii, quibus consecutus Nicephorus lib. 3. Hist. Eccl. cap. 15.. S. Augustinus verò videtur rem hanc proponere tanquam non adeò certam lib. de hæres. cap. 5., dum ait: *Nicolaitæ à Nicolao nominati sunt, uno ex Septem, quos Apostoli Diaconos ordinaverunt. Iste cum de zelo pul-*

*pulcherrima conjugis culparesur, velut purgandi se causâ, permisisse fertur, ut eâ qui vellet, uteretur. Quod ejus factum in seclum turpissimam versum est, quâ placet usus indifferens feminarum.*

XI. Eum à labe, saltem hæresis, purgare conantur, primò Clemens Alexandrinus tum lib. 3. Stromat. pag. 411. ubi agens contra quosdam, qui fræna incontinentiæ laxantes dicebant tamen, se ab ea non vinci, unde quidam Aristippus Sophista, cum probro ei daretur, quòd cum meretrice Corinthia assidue versaretur: habeo, inquebat, Laidem, sed ab ipsa non habeo, subjungit: Tales autem sunt etiam, qui dicunt se sequi Nicolaum, addneentes ejus viri aliquid litterarum monumentis mandatum, sed ab eis detortum, nempe oportere carne uti: Sed ille quidem vir præclarus significabat oportere voluptates arcere & cupiditates, & huc exercitatione marcidias flaccidasque reddere carnis appetitiones & insulias &c. Inde arguit Nicolaitas, qui distortè Nicolai dictum exponentes, & decretum ipsius voluptatis, non autem viri Apostolici sequentes, ubi iste dixit oportere carne uti, carnem arcendo & cupiditates edomando, illi ad voluptates eum detorquebant, non arcendas non domandas sed effrænate laxandas. Tum lib. 3. Strom. pag. 436., ubi ad supradicta revertens: Cum autem, inquit, de dicto Nicolai loqueremur, illud pratermisimus. Cum formosam, inquirunt, haberet uxorem, & post Servatoris assumptionem ei fuisset ab Apostolis exprobrata zelotypia, in mediam adductâ muliere, permisit cui vellet eam nubere. Ajunt enim hanc actionem illi vocî consentaneam, quæ dicit, quòd carne uti oporteat: ejusque factum & dictum absolute & inconsideratè sequentes, qui ejus hæresim persequuntur, impudenter effusèque fornicantur. Ego autem audio, Nicolaum quidem nullâ unquam aliâ, quàm eâ, quæ ei nupsit, uxore usum esse, & ex illius liberis filias quidem consenuisse virgines, filium autem permanisse incotructum. Quæ cum ita se habeant, vitii erat depulsio atque expurgatio, in medium Apostolorum circumactio uxoris, cujus dicebatur laborare zelotypiâ, & continentia à voluptatibus, quæ magno studio parantur, docebat illud, uti carne, hoc est exercere carnem. His Clemens ostendere conatur, Nicolaum hæresim dictam Nicolaitarum non invexisse, imò potius factò & dicto suo oppositum demonstrasse: sed Nicolaitas factum & dictum ejus ad sui libidinem pravè detorquentes, hæresim formasse: eique viri Apostolici ab ea alieni nomen indidisse.

Clementi subscribunt Eusebius lib. 3. Hist. cap. 39., ubi de Nicolaitis: Hi, inquit, Nicolaum quemdam, nomen ex illis, qui ad curam inopum gerendam nuâ cum Stephano ab Apostolis consti-

*tati fuerant Ministri, sectæ suæ auctorem jactabant.* Et mox laudatum Clementis testimonium refert. Jactabant ergo Nicolaum auctorem, non habebant. Theodoritus etiam lib. 3. Hæretic. Fabul. cap. 23., postquam Clementis Alexandrini locum protulit ait: *Ex quibus liquidd convincitur* (Nicolaïtas) *falsò sibi de ejus appellatione nomen arrogare, qui supradictam intemperantiam exercent.* Nec quòd cuique suam uxorem permiserit, arguit eum fuisse erroris Nicolaïtarum Magistrum. Nam primò non permisit, eâ, quisque vellet, *utî sive abuti, sed cuicumque vellet eam nubere,* & hoc ex simplicitate vel inconsideratione fecit. Secundò, ut Theodoritus loco citato dicit, Nicolaum hoc egisse, *non lege aliquâ decernentem; sed ut accusatorum calumniam redargueret.* Inde nonnulli id, quod ab illo prædictâ de causâ gestum fuerat, pessimè accipientes communes habere uxores sauxerunt. *At Nicolaum Clemens temperantiâ insignem fuisse, liberosque supernaturalem castitatem docuisse refert;* quod cum Nicolaïtarum hæresi directè contrarium sit, validum pro Nicolai causâ format argumentum.

XII. In hanc benigniorem sententiam propendunt ex Recentioribus non pauci: Baronius ad ann. 68. n. 1. addens in confirmationem, Nicolaum Diaconum, ut virum Fide Catholica probatissimum, angustiori auctum honore, factumque ab Apostolis Episcopum Samaritanorum, ut sub Hippolyti nomine fert Liber de 72. Discipulis: cui consentit Dorotheus in Synopsi. Natalis etiam Alexandre in Hist. Eccl. seculi 1. dissert. 9., qui præter supradicta in favorem Nicolai, movetur; quòd incredibile sibi sit, eum, quem Scriptura Sacra annumerat Viris boni testimonii plenis Spiritu Sancto & Sapientia, & quem nullibi damnat aut perstringit, fuisse Caput & Auctorem nefariæ hæresis. Atqui Scriptura Nicolaum advenam Antiochenum Septem Diaconorum unum annumerat Viris boni testimonii, plenis Spiritu Sancto & Sapientia (Act. 6. v. 3.) & nullibi indicat, eum tam præclaras dotes hæresi aut libidine maculasse: nam etsi Apocal. 2. v. 6. & 15. facta Nicolaïtarum execretur, Nicolai tamen nomini nullam notam inurit. Verisimile igitur est, cum talis hæresis non fuisse Auctorem. Quare, inquit Cassianus Collat. 18. cap. 16., quidam Nicolaum Nicolaïtarum Patrem & Caput alium voluerunt fuisse à Nicolao uno ex Septem Diaconis. Unde Auctor Constit. Apostolic. lib. 6. cap. 8. asserit, Nicolaïtas injustè sibi Nicolai hujus nomen usurpasse.

Probabile ex dictis apparet, Nicolaum Antiochenum unum ex septem primis Diaconis non fuisse reverà Caput hæresis Ni-  
co-

colaitarum, quamvis isti ad suum errorem auctoritate Viri Apostolici muniendum ejus nomine abuterentur. Quid autem reverà fuerit, alii statuendum relinquo. Mihi scrupulum facit, quòd nullam Ecclesiam noverim, quæ, sicut aliis sex Diaconis, huic Nicolao cultum aliquem exhibuerit, vel ejus nomen in sacris Diptychis adnotaverit.

XIII. Si quæras, in quo sita fuerit hæresis Nicolaitarum. Dicam cum S. Augustino lib. de Hæres. cap. 5., quòd factum, prænarratum Nicolai, qui cum de zelo pulcherrimæ conjugis culparetur, ejus purgandi se causâ permisisse fertur, ut eâ qui vellet uteretur, in secltam turpissimam versum est, quâ placet usus indifferens feminarum. Hi nec ab iis, quæ idolis immolantur, cibos suos separant, & alios ritus Gentilium superstitionum non averfantur. Narrant etiam quadam fabulosa de Mundo, nescio quæ barbara Principum nomina miscentes disputationibus suis, quibus terreant auditores, quæ prudentibus risum potiùs faciunt, quàm timorem. Intelliguntur etiam isti non Deo tribuere creaturam, sed quibusdam potestatibus, quas mirabili vel fingunt vanitate vel credunt. Hæc de Nicolaitis Augustinus, quæ cùm ad rem præsentem non faciant, sufficit indicasse.

## §. V.

*De Fidelium post necem Stephani dispersione, de Simonis Magi, & Eunuchi Baptismo.*

I. **N**unc ad ea, unde digressi fuimus, revertamur. Tantum absuit, ut Stephani morte Judæorum furor mitesceret, quin potiùs in apertam & generalem Fidelium Christi persecutionem eruperit, sic disponente Deo, qui voluit, Ecclesiam suam persecutionibus, quibus suffocari debuisset, in dies magis augeri; ut disceremus, hoc fuisse opus non humanum sed prorsus Divinum. Refert igitur S. Lucas Act. 8., quòd curaverunt Corpus S. Stephani viri timorati, & fecerunt plaudium magnum super eum: *Facta est autem in illa die persecutio magna in Ecclesia, quæ erat Jerosolymis, & omnes dispersi sunt per regiones Judææ & Samariæ præter Apostolos... Saulus autem devastabat Ecclesiam, per domos intrans & trabens viros ac mulieres, tradebat in custodiam.* Quis ex hac Fidelium dispersione ex hac Sauli devastatione extremam Ecclesiæ perniciem non timuisset? Utramque intendebat Diabolus, qui eas excitabat, sed neutram volebat Deus, qui utramque permittebat. Imò ex dispersione Fidelium volebat

Tom. V. E Evan-

Evangelii diffeminationem per Judæam & Samariam, & ex Saulo devastatore Ecclesiæ destinabat Paulum Ecclesiæ Apostolum, & Fidei ad Gentes propagatorem, ut suo loco dicam, cum de Paulo sermo erit.

II. Primum autem evenisse, ostendit Lucas cap. 3. v. 3. dicens: *Igitur qui dispersi erant, pertransibant evangelizantes Verbum Dei*, idest, absque metu cum Samaria se commiscerent, qui audierant Matth. 10. v. 15. *In viam Gentium ne abieritis*, ut observat Chrysost. Homil. 18. in Acta: qui addit, solos Apostolos remanuisse, & ut sic Judæos adducerent, Civitatem non reliquisse, sive etiam ut aliis fiduciam auctores essent. Adderem etiam quia, Apostolis specialiter Matth. 10. v. 5. dictum fuerat: *In civitates Samaritanorum ne intraveritis, sed potius ite ad oves, quæ perierunt domus Israel*.

III. In Evangelii tamen prædicatione Philippus Diaconus, de quo §. præcedente, maximè emicuit. Is, ut habetur v. 5., *Descendens in civitatem Samariam* (postea ab Herode dictam Sebasteam) *prædicabat illis Christum*. Turbæ autem audientes ea, quæ à Philippo dicebantur, ac videntes insuper signa quæ faciebat, Dæmones clamoribus ab obsessis exeuntes, paralyticos claudosque sanatos, ad eum gaudio magno confluebant, & credentes baptizati sunt viri ac mulieres. Aderat ibi vir quidam nomine Simon, qui ante fuerat in Civitate Magus seducens Gentes Samariæ, & esse aliquid magnum se venditabat: hic præstigiis suis Populum adeo dementaverat, ut crederet, eum esse Virtutem Dei, & à minimo usque ad maximum omnes sequerentur. Ad prædicationem tamen Philippi & iste credidit, & baptizatus, videns etiam signa & virtutes maximas, quas faciebat, stupens Philippo adhærebat.

Cum ergo pervenisset fama ad Apostolos, qui erant Hierosolymis, quòd recepisset Samaria Verbum Dei, miserunt ad eos Petrum & Joannem: qui cum venissent, oraverunt pro ipsis, ut acciperent Spiritum Sanctum; nondum enim in quemquam illorum venerat, sed baptizati tantum erant in Nomine Domini Jesu. Cum ergo imponerent super illos manus, accipiebant Spiritum Sanctum, & cum eo visibilia Gratiarum Dona. Videns hoc Simon, obtulit Apostolis pecuniam dicens v. 19. *Date & mihi hanc potestatem, ut cuicumque imposuero manus, accipiat Spiritum Sanctum*. Exhorruit ad hanc vocem Petrus, eique dixit: *Pecunia tua tecum sit in perditionem: quoniam Donum Dei existimasti pecuniâ possideri. Non est tibi pars neque sortis in sermone isto: cor enim tuum non est rectum coram Deo. Penitentiam itaque age*

ab hac nequitia tua &c. Ex his apparet, Simonem Fidem nec sincerè nec propter Christum suscepisse, sed simulatè propter signa, quæ à Philippo fieri videbat, & ad quæ arte suâ pertingere nondum potuerat. Quare videns, ab Apostolis hæc Dona impositione manuum conferri, putavit esse opus hominis, idèdque obtulit eis pecuniam, ut ei darent hanc potestatem. Ita S. Augustinus serm. 99. (aliàs homil. 23. ex 50.) *Quia tunc sic dabatur Spiritus Sanctus, ut etiam appareret datus. Qui animi enim accipiebant, linguis omnium Gentium loquebantur, ut significarent, Ecclesiam in Gentibus linguis omnium locuturam. Acceperunt ergo Spiritum Sanctum, & in eis evidenter apparuit. Quod cum vidisset Simon, putans hoc esse hominum, voluit esse & suum. Quod hominum putavit, ab hominibus emere voluit. Quantum, inquit, vultis à me pecuniam sumere, ut per impositionem manuum mearum detur Spiritus Sanctus? Tunc eum desectatus Petrus ait, non est tibi pars neque fors in hac Fide; donum enim Dei putassi pecuniâ comparandum? Pecunia tua tecum sit in perditionem. Ad hæc Simon visus est quidem poenituisse, sed ejus poenitentiam ex corde non fuisse ostenderunt ejus gesta & exitus, de quo infra. Hic fuit primus Petri cum Simone congressus. Videatur idem S. August. in Psal. 130., ubi ait: *Volebat ergo Simon emere Columbam, & vendere Columbam: accessit Dominus Iesus Christus, qui habitabat in Petro, & flagello resiliens (idest funiculi) expulsi foras malum mercatorem. Illum, ut Ananiam & Saphiram, non occidit, quia, ut ait Chrysost. homil. 18. in Acta, Deus semel tantum has visibiles punitiones exercere solet, ut aliis sint in exemplum.**

IV. Unde autem, & quis fuerit Simon, Justinus Martyr in Apolog. 2. pro Christianis ita refert: *Simon quidam Samaritanus in vico, cui Ghitton nomen est, natus, qui sub Claudio Casare effcacium Dæmonum arte in imperiali Urbe vestra Roma propter Magicas, quas exhibuit virtutes, Deus habitus est, & statua apud vos veluti Deus honoratus: quæ statua in amne Tiberi inter duos pontes est erecta, Latinam hanc habens inscriptionem, Simoni Deo Sancto: ac Samaritani prope omnes, ex aliis autem Nationibus etiam perparci, illum quasi primum Deum esse consuetos adorant quoque: & Helenam quandam professionis ejus eo tempore comitem, quæ prius prædicatorum in propatulo habuerat, & in Ispanari profluerat, principibus ab illo Notionem & Intelligentiam factam esse narrat. Hæc Justinus. Sed de Simone plura infra §. 11. num. 4. §. 5. 6.*

V. Cur autem Apostoli rescientes Samaritanorum Conversionem & Baptismum eis à Philippo collatum, miserint Petrum & Joannem, ut eis manus imponerent & conferrent Spi-

ritum Sanctum, ratio fuit, quia Philippus utpotè simplex Diaconus, poterat quidem baptismate credentes tingere, sed per manuum impositionem Spiritum dare non poterat: hoc enim solis Apostolis reservabatur: sicut modò solis Episcopis tanquam Apostolorum in Ecclesia successoribus dare Spiritum Sanctum per impositionem manuum in Sacramento Confirmationis reservatur: unde Chrysost. homil. 18. citata: *Eccur, inquit, hi baptizati non acceperunt Spiritum Sanctum? Vel quia Philippus dare ausus non erat, hunc reservans Apostolis honorem: sive quia hoc charisma non habebat; erat enim ex illis septem; id quod magis videtur dicendum. Puto certè hunc Philippum ex septem illis esse secundum à Stephano. Quare cum baptizaret Spiritum baptizatis non dabat. Neque enim potestatem habebat. Hoc quippe Donum duodecim illorum tantum erat. Ex hoc factò contra A catholicos duo infero. Unum quòd Sacramentum Confirmationis, in quo datur Spiritus Sanctus, sit distinctum à Baptismo. Alterum, quòd soli Episcopi illud conferendi charisma habeant. De utroque egi tom. 2. in 3. p. Tract. de Confirm. q. 1. dub. 1. & q. 2. dub. 1.*

VI. Interea dum Petrus & Joannes Simone Mago correcto, annuntiantes Samaritis, ad quos in itinere accedebant, Hierosolymam revertebantur, Philippo adhuc probabiliter Samariæ commoranti apparuit Angelus præcipiens ei v. 26. *Surge & vade contra meridianum ad viam, quæ descendit ab Jerusalem in Gazam, hæc est deserta. Philippus nec quærens causam talis missionis surgens abiit. Quòd cum pervenisset, obvium habuit Eunuchum Candacis Reginae Æthiopum, & Præfectum Regii Atrarii, qui venerat adorare in Jerusalem, & revertebatur sedens super currum suum, legensque Isaiam Prophetam.*

VII. Ad hunc ergo, jubente Sancto Spiritu, accedens Philippus & audiens cum legentem Isaiam Prophetam: *Putasne, inquit, intelligis quæ legis? Qui respondit: Et quomodo possum, si non aliquis ostenderit mihi? Rogavitque Philippum, ut ascenderet & sederet secum. Cumque locus quem legebat esset iste (Isaiæ 51. v. 7.) Tanquam ovis ad occisionem ductus est, & sicut Agnus coram tondente se sine voce, sic non aperuit os suum &c. Tunc Eunuchus ad Philippum: Obsecro te, inquit, de quo Propbeta dicit hoc? De se, an de alio aliquo? Tunc occasionem nactus Philippus, ostendit ei, sub illa littera, quæ ei obscura videbatur, præfiguratum fuisse Jesum, quem tanquam Agnum paulò ante Judæi occidebant, omniaque alia, quæ necessaria erant ad eum de veritate illuminandum aperuit, & præcipuè Baptismum. Ad hæc com-*

mo-



motus Eunuchus, cùm venissent ad quandam aquam dixit: *Ecce aqua, quis prohibet me baptizari?* Et respondente Philippo: *Si credis ex toto corde, licet:* ei Eunuchus: *Credo*, inquit, *Filium Dei esse Jesum Christum*, jubensque *stare curram descendere uterque in aquam, Philippus & Eunuchus, & baptizavit eum.* Quo facto, Spiritus Domini rapuit Philippum, nec ampliùs eum vidit Eunuchus, qui tamen viam suam gaudens prosequatur: *Philippus autem inventus est in Azoto* (Hebraicè Asdod Urbe in sorte Tribus Juda, quam tamen Philistiim diu detinuerant habentem portum ad Mediterraneum) *& pertransiens evangelizabat Civitatibus eunclis, donec veniret Caesaream.* Hujus Philippi ampliùs Scriptura non meminit ab anno Christi 34., quo hæc contigisse feruntur, usque ad ann. 58. Act. 21. v. 8., ubi, ut dixi §. præced., Paulus Caesaream veniens in domo Philippi moratus dicitur.

VIII. In hac Eunuchi Conversione manus Dei evidenter apparuit, qui ad hunc finem Philippum misit, Eunuchum absque ullo visibili signo statim ad Fidem traxit, & repente Philippum ab eo rapuit. Quod observans S. Chrysost. Homil. 19. in Acta, ait: *E re autem rapuit illum Spiritus; alioquin rogasset Eunuchus, ut secum veniret, quem ille fortè contristasset negando, cùm nondum tempus esset.* Quòd autem ab eo rapto Philippo non doleret Eunuchus, sed iret per viam gaudens, arguit, eum cum Baptismo, et si non impositione manuum (hoc enim ut vidimus Philippus facere non poterat) divinitus tamen accepisse Spiritum Sanctum, ut sciretur, hoc non esse opus hominis, ut perversè cogitaverat Simon Magus. Unde S. August. serm. 99. (aliàs 23. ex Homiliis 50.) cap. 11. *Impleto, inquit, baptismatis Mysterio & Sacramento, ne hominum putaretur Donum Spiritus Sancti, non expectatum est, sicut tunc ut venirent Apostoli, sed continuo venit Spiritus Sanctus. Soluta est Simonis cogitatio, ne in tali cogitatione haberet imitatores.*

IX. Eunuchum istum fuisse primum Æthiopiæ Apostolum, seu primum, qui Æthiopibus prædicavit Christi Fidem, sentiunt Veteres: Irenæus lib. 3. contra hæres. cap. 12. de Eunuchodicit: *Qui & missus est in regiones Æthiopia prædicaturus hoc quod ipse crediderat.* Cyrillus Hierosol. Catech. 17. de Philippo ait: *Docuitque Æthiopem, & baptizavit, inque Æthiopiam Christi præconem misit, juxta illud, quod scriptum est* (Psalm. 67. v. 32.) *„Æthiopia præveniet manum suam Domino, Et raptus ab Angelo reliquis ex ordine Civitatibus Evangelium prædicabat: quibus videntur asserere, Eunuchum istum ad prædicandum Æthiopibus*

bus Evangelium à Philippo fuisse mifsum. Idem sentit Eusebius lib. 2. Hist. cap. 1., & Hieronymus in cap. 53. Isaïæ. Abyssini fidei suæ auctorem eum agnoscunt. Dorotheus in Synopsi, & alii putant, eum Apostolum fuisse Arabiæ Felicis & Taprobanae, quippe qui Reginam Candacem in Arabia Felice regnasse autumant. Vulgò tamen creditur hæc Regina, cui Eunuchus serviebat, in Peninsula Meroe ad meridiem Ægypti ditionem obtinuisse: ibi enim feminas regnasse constat, è quibus nonnullæ Candaces appellabantur. Fertur ( addit Baronius ad diem 6. Junii ) Martyrium gloriose tulisse, ejusque monumentum Barbaros scelestos fugare, morbos pellere & mirabilia edere, quæ ex Dorotheo sumuntur.

X. Quæri potest, an Eunuchus ille Judæus fuerit, an Gentilis?

Pontius Diaconus in vita S. Cypriani facit eum Judæum: *Ille enim, inquit, & Judæus erat, & de Templo Domini veniens Prophetam legebat Isaïam, & sperabat in Christo, etsi nondum eum venisse crediderat.* Et sanè hoc difficile creditu non est, cum Judæi tunc ubique forent expansi: tum quia hoc suadere videntur iter Hierosolymam ad Deum adorandum, lectura Isaïæ, non curiositatis studio, sed tanquam Prophetæ. Eusebius tamen lib. 2. Hist. cap. 1., Cyrillus etiam Hieros. Cath. 17., dum Eunuchum illum vocant locis citatis quasi primitias Fidei Æthiopum, videntur velle eum Gentilem fuisse. Baronius tamen ad ann. 35. num. 27. advertens, nondum Gentibus ad Christi Ecclesiam fuisse tunc aditum reseratum, qui primo omnium patuit Cornelio, de quo infra, censet hunc Eunuchum Æthiopem, fuisse profelytum ex Gentibus ad Judæorum Religionem adductum: & propterea Hierosolymam se contulisse Deum Hebraico Ritu adoraturum. Cui opinioni adhærendum probabilissimum existimo.

## §. VI.

### *De Calumniis Judæorum contra Christianos.*

I. **Q**Uamvis ex iis, quæ de Christo ad Tiberium Cæsarem Pilatus scripserat, de quo aliqua supra dixi, illius Principis animus in Christum ejusque assecclas potius propensus esset, adeòut, ni Senatus obstitisset, Christum Deorum numero accensuisset: idèoque à Gentibus nullam tunc persecutionem paterentur: Judæorum tamen rabies in dies magis magisque effere-

vc-

vebat, ut post ejectionem Fidelium eorumque dispersionem, ad delendum ex orbe sibi invisum Christi nomen totos conatus converterint. Quare cum non haberent potestatem in Christianos, ubique locorum sparfos, per se ipsos necem inferendi, propter Romanos, qui tunc rerum potiebantur, communi consilio viros selegerunt, qui calumnias contra Christum, ejusque doctrinam ubique terrarum evulgarent. Ita eis impropere Justinus Martyr in Dialogo cum Tryphone Judæo pag. 234. *Cum, inquit, eum cognovissetis resurrexisse à mortuis, atque in Cælum conscendisse, pro eo atque futurum vaticinia præmonstraverant: tantum abest, ut resuscitantes poenitentia de malis commissis duceremini, ut etiam viros eximios Hierosolymis delectos in terram omnem tum legaveritis, dicentes, hæresim sectamque Christianorum nullius numinis cultu traxisse: atque ea contra nos sermonibus spargentes, quæ cuncti, qui nos norunt, jactant. Itaque non ipsi modò vobis iniquitatis estis causa, sed aliis quoque prorsus mortalibus universis.* Hoc idem indicat Eusebius l. 2. hist. c. 13., Origenes l. 6. contra Celsum.

II. Ex hac à Judæis evulgata Christianorum diffamatione originem traxere crimina, quibus eorum Religio ubique etiam à Paganis onerabatur. Christiani igitur traducebantur primò, quòd essent athei, hoc est nullius Numinis cultores, ut ex Justino dictum est. Secundò, quòd essent polythei quasi Trinitatem personarum in Deo admittentes plures Deos colerent. Tertiò, quòd caput asini adorarent, ut Tertullianus refert in Apologet. contra Gentes c. 16. Quartò quòd humanam libertatem everterent, dum actiones humanas Deo submitterent, sicut alii eas submittebant fato (ex Minutio felici). Quintò quòd nihil agentes vitæ humanæ inutiles essent. (Tertull. Apolog. c. 42.) Sextò quòd rei læsæ humanæ majestatis essent, nec debitos honores Principibus persolverent; quòd ut publici hostes habendi essent, utpote novam contra Romanos Monarchiam molientes (Tertull. apol. c. 35., Justinus apol. 1. pag. 58.) eò quòd Regnum mundanum non curarent, sed cœleste. Hæc & alia Gentes, suadentibus fortè Judæis, Christianis impingebant.

III. Judæi autem Christianos accusabant primò: Quòd Legem despicerent. (Origen. l. 3. contra Celsum) Quòd hæreses detestabiles proferrent (l. 6. contra Celsum) quòd arte magicâ miracula ederent (idem Orig. l. 1.) rursus quòd in suis mysteriis carnem infantis ab ipsis occisi manducarent: de hoc Origenes l. 6. contra Celsum, Tertullianus in Apolog. c. 2. & 7., Justinus in Dial. cum Tryphone sic dicens: *An vos etiam de nobis*

*credit, homines nos vorare, & post epulum lucernis extinctis, nefario promiscuo concubitu involvi? Quibus ultimis verbis indicat aliam calumniam Christianis impositam, quod nimirum videntes Christianos mutuo se amore ut fratres & sorores diligere, dicebant, in secretis eorum mysteriis, post voratam carnem infantis vel hominis, foedis Thyestis, aut Œdipi congressibus invicem commisceri: & Tertullianus dicto c.7. Dicimur, inquit, sceleratissimi de sacramento infanticides, & pabulo inde: Et post convivium incesto, quod everfores luminum caues, lenones scilicet tenebrarum & libidinum impiarum inverecundiâ procurent. Cum enim mysteria Corporis & Sanguinis celebrarent, & quidem secretò invicem communicantes, putabant, ut olim Capharnaitæ, eos infantem vel hominem occidere, manducare, & foedis postea libidinibus commisceri. Quos tamen sic Tertullianus aggreditur. Unde hoc nostis? Quis unquam taliter vagienti infanti supervenit?... Quis vel in uxoribus aliqua immunda vestigia deprehendit? Quis talia facinora cum invenisset celavit?... Si semper latemus, quomodo proditum est quod admittimus?*

IV. Eos insuper infimulabant, quasi homines à toto Orbe sejunctos, tertiam hominum speciem, qui nec Romani essent, nec Judæi: Eos despiciebant, quod cum essent indocti, ac conditione viles, se antiquis Philosophis præferrent, ac viros doctrinæ & dignitate præclaros à suo cœtu excluderent, solumque ad se trahere Populum rudem, quem vanis & absque fundamento terroribus implebant. Rursus dum eos videbant externas pompas despiciere ac ab epulis temperare, avaritiâ damna-  
bant: dum verò Agapes mutux caritatis festa eos celebrare, audiebant, ut prodigos traducebant. Eorum in ferendis tormentis constantia obstinata temeritati modò, modò insulsa stupiditati tribuebatur. Demum tanquam publicæ pacis everfores, novi Regni fabricatores, suspectos atque invisos Regibus atque Principibus eos reddere conabantur. Quos tamen ab omni ejusmodi suspitione purgat Justinus Martyr. Apolog.2. pag.58. &c. ostendens, Regnum quod affectant Christi non esse humanum; *Si enim humanum expectarem Regnum, inficiaremur utique, ne occideremur; ac latere contenderemus, ut expectationis compotes fieremus. Sed quia spes nostras non in rebus presentibus fixas habemus, percussores nihil moramur; præsertim cum mortuam esse nobis sciamus.* Huic sorti exponebantur, qui primi Christo nomen dabant, à Judæorum furore, Gentium etiam adjutorium exposcensium. Quis ergo non existimasset, Christianum nomen vel in ipsis exordiis suffocandum? Ita planè, si opus hominum fuisset,  
led

sed quia opus Dei, tantum abfuit, ut inter persecutiones periret, quin potius è persecutionibus robur & incrementum acciperet. S. August. de Catechizandis rudibus c. 23. *Cum, inquit, viderent Judæi tanta signa fieri in ejus nomine, quem partim per invidiam partim per errorem crucifixerunt, alii irritati sunt ad persequendos prædicatorum ejus Apostolos; alii verò idipsum amplius admirantes, quod in ejus nomine, quem veluti à se oppressum & vitium riserant, tanta miracula fierent, pœnitendo conversi crediderunt in eum millia Judæorum. Non erant jam illi temporalia beneficia terrenumque Regnum desiderantes à Deo, nec promissum Regem Christum carnaliter expectantes, sed immortaliter intelligentes, & diligentes eum, qui pro ipsis ab ipsis tanta mortaliter pertulit, & eis usque ad sui sanguinis effusionem peccata donavit, & immortalitatem à se sperandam, & desiderandam exemplo sua resurrectionis ostendit...* Deinde etiam ipsi à Judæis carnalibus civibus carnis suæ persecutionem passi atque dispersi sunt, ut latius Christus coram dispersione predicaretur; & imitarentur etiam ipsi patientiam Domini sui, quia qui eos mansuetus passus fuerat, mansuetos pro se pati jubebat. Ex ipsis sanctorum persecutoribus fuerat etiam Apostolus Paulus, & in Christianos maxime sæviebat: sed postea credens & Apostolus factus, missus est, ut gentibus Evangelium predicaret, graviora perpeffus pro nomine Christi, quàm fecerat contra nomen Christi. His Augustinus ostendit ex persecutionibus gloriam nominis Christi, & ex ipsis etiam persecutoribus illustriorem evasisse. De Paulo suo loco dicam. Nunc ad Petrum, à quo digressi sumus, revertamur.

## §. VII.

*Petrus sanat Æneam, excitat Tabitham,  
& Cornelium convertit.*

- I. **N** Arratâ c. 9. Sauli ex persecutore in Paulum Apostolum conversione, S. Lucas v. 31. dicit, quod Ecclesia per totam Judæam, Galilæam, & Samariam pace fruebatur, & ambulans in timore Domini ædificabatur, & consolatione Sancti Spiritus replebatur. Petrus ergo, qui Hierosolymis durante persecutione, ut Ecclesiam ibi existentem in fide suâ præsentia contineret, permanserat, pace restituta, sui muneris partes existimavit cæteras Ecclesias visitatione perlustrare, & si quid opus esset ad ordinem redigere. *Factum est autem* (ait Lucas c. 9. v. 32.) *ut Petrus dum pertransiret universos, deveniret ad Sanctos,*

Tom. V.

F

qui

qui habitabant Lyddæ. Super quæ Chrysoſtomus homil. 21. in Acta, *Quasi*, inquit, *dux circuibat, ordines considerans, quæ pars esset coadunata, quæ ornata, quæ sibi præsentia egeret. Vide illum ubique circumcursantem, & primum inventum, ubi eligendus erat Apostolus; hic primus fuit, cum dicendum erat Judæis non esse ebrios Apostolos, cum claudus sanandus fuit, quando concionandum erat: Sic autem alios erat, quando agendum cum Præfatis, quando enim Anania, cum ex umbra sanationes fierent. Ubi periculum est, hic adest, & ubi quadam dispensanda sunt. Ubi verò tranquilla res fuit, in communi omnes; hic majorem non appetit honorem. Rursus cum miracula edere oportebat, ille prosiliebat. Et hic iterum ipse per se laborat, & iter agit. His zelum ac vigilantiam Petri tanquam Ecclesiæ Ducis ac Pastoris commendat Chrysoſtomus.*

II. Pervenit ergo Lyddam seu Diospolim ad Tribum Ephraim pertinentem, secus viam, quæ Hierosolymâ Cæsaream Philippi ducit, sitam, & ab Urbe Joppes, quam quatuor vel quinque leucis occidentalem habet, distantem. Hic invenit quandam Æneam nomine ab octo annis jacentem in lecto, quia erat paralyticus. Hunc intuitus dixit ei Petrus: *Ænea, sanat te Dominus Jesus Christus: Surge, & sterne tibi. Et continuo surrexit.* Non ab eo quæsit, an vellet sanus fieri, an fidem haberet, sed statim *sanat te Dominus: Surge:* erat enim (observat Chrysoſtomus ibidem) primum signum, quod ibi faciebat, nec tantum ad consolationem credentium, sed ad nondum convertorum. Et ita contigit: nam & *viderunt eum omnes, qui habitabant Lyddæ, & Saronæ* (Urbs est inter Joppen Antipatridem & Lyddam) *qui conversi sunt ad Dominum.*

III. Erat autem eo tempore in Joppe urbe Lyddæ proxima, ut dictum est, quædam discipula Christi fidelis nomine Tabitha vidua, alio nomine dicta *Dorcas*. Hæc anno 35. lethali ægritudine correpta cum decessisset, atque defunctæ corpus de more lotum super tabulam in superiori Cœnaculo mox sarcophago imponendum collocassent, audientes Discipuli, quod Petrus esset Lyddæ, *miserunt duos Viros ad eum rogantes: Ne pigriteris venire usque ad nos* (v. 38. & c.) *Exurgens autem Petrus venit cum illis. Et cum advenisset, duxerunt illum in Cœnaculum: & circumsteterunt illum omnes Vidua stantes, & ostendentes ei tunicas & vestes, quas faciebat illis Dorcas* (aliâs Tabitha) His ergo facessere jussis, *Petrus ponens genua oravit*, confidens fore, ut ad pietatis opera, quæ Tabitha faciebat, & viduarum ac pauperum lacrymas Deus respiceret. *Jude conversus ad corpus dixit:*

*Ta-*

*Tabitha surge. At illa aperuit oculos suos, & viso Petro resedit. Dans autem illi manum erexit eam. Et cum vocasset sanctos & viduas, assignavit eam vivam. Prodigiosum hoc factum per universam Joppen vulgatum multos traxit ad fidem. Petrus autem dies multos in Joppe moratus est apud Simonem quendam coriarium. Super quæ Chrysostomus ibi: Vide, inquit, modestiam, & mansuetudinem Petri: quomodo non apud illam (Tabitham) nec apud aliam quempiam insignem maneat, sed apud coriarium, per omnia ad humilitatem inducens, non sine viliore erubescere, nec majores extolli. Deinde post multa advertens, ad lacrymas viduarum, ad preces Petri, ad eleemosynas quæ vivens fecerat, Tabitham fuisse revocatam ad vitam, addit: Non frustra oblationes pro defunctis fiunt, non frustra preces, non frustra eleemosynæ. Hæc omnia spiritus disposuit, ut nos mutuo juvemus.*

IV. Petro in Joppe moras adhuc trahente, narrat Lucas c. 10. Act. v. 1. & c., quod Cæsareæ erat vir quidam Cornelius nomine, Centurio Cohortis quæ dicitur Italica (Centurio autem erat Dux centum militum) genere Gentilis, sed Deum cum tota familia timens, faciens eleemosynas multas, & deprecans Deum semper. Hic quamvis non Judæus, nec viveret secundum Legem, tamen præoccupaverat institutum vitæ nostræ (Chrysost. hom. 22.) cum ergo quâdam die his exercitiis pietatis ac jejuniis vacaret, videt in visu manifestè, quasi hora diei novâ Angelum Dei introeuntem ad se, & dicentem sibi: *Corneli. At ille intueus eum, timore correptus dixit: Quis es tu Domine? Dixit autem illi: orationes tuæ & eleemosynæ tuæ ascenderunt in memoriam in conspectu Dei; & nunc mitte viros in Joppen, & accersi Simonem quendam, qui cognominatur Petrus. Hic hospitatur apud Simonem quendam coriarium, cujus est domus juxta mare: hic dicit tibi, quid te oporteat facere.*

V. Quæret hic aliquis: Quomodo dicere potuit Angelus Cornelio viro Gentili, ac fidem non habenti, quod orationes ejus & eleemosynæ ascenderint ad Deum, eique fuerint acceptæ; cum dicat Paulus Hebr. 11. v. 6. *Sine fide impossibile est placere Deo: credere enim oportet accedentem ad Deum?*

Respondet S. Th. 2. 2. q. 10. a. 4. ad 3. *Quod per infidelitatem non corrumpitur totaliter in infidelibus ratio naturalis, quin remaneat in eis aliqua veri cognitio, per quam facere possunt aliquod opus de genere bonorum. De Cornelio tamen sciendum est, quod infidelis non erat, alioquin ejus operatio accepta non fuisset Deo, cui sine fide nullus potest placere. Habebat autem fidem implicitam, nondum manifestatâ Evangelii veritate. Unde ut enim in fide pleniùs in-*

strueret, mittitur ad eum Petrus. Idem sentit S. August. L. de Prædest. sanct. c. 7. dicens. Solet enim dici, ideo credere meruit, quia vir bonus erat & antequam crederet: quod de Cornelio dici potest, cujus acceptæ sunt eleemosynæ & exaudita orationes antequam credidisset in Christum: nectamen sine aliqua fide donabat & orabat. Nam quomodo invocabat, in quem non crediderat? .... Quidquid igitur, & antequam in Christum crederet & cum crederet & cum credidisset, benè operatus est Cornelius, totum Deo dandum est, ne fortè quis extollatur.

VI. Discedente igitur Angelo, qui loquebatur illi, Cornelius vocavit duos domesticos suos, & militem metuentem Dominum ex his, qui illis parebant: quibus cum narrasset omnia, misit illos in Joppen. Posteriorem autem die, iter illis facientibus & appropinquantibus Civitati, ascendit Petrus in superiora, ut oraret circa horam sextam, & cum esuriret, voluit gustare. Parantibus autem illis cecidit super eum mentis excessus: et vidit cælum apertum, & descendens vas quoddam velut linteum magnum quatuor initiis submitti de cælo in terram, in quo erant omnia quadrupedia, & serpentina terræ, & volatilia cæli. Et facta est vox ad eum: Surge, Petre occide & manduca. Ait autem Petrus: Absit Domine, quia numquam manducavi omne commune & immundum. Et vox iterum secundo ad eum: Quod Deus purificavit, tu ne commune dixeris. Hoc autem factum est per te: & statim receptum est vas in cælum.

Mirabilis hujus visionis mysterium exponit S. Augustinus in Psalm. 103. serm. 3., ubi postquam dixit, hoc fuisse præfiguratum in Arca Noe, in qua omnia genera animalium fuerant inclusa, ne diluvio perirent, ait: Cum ergo venis tempus, ut illud, quod in arca erat præfiguratum, jam in Ecclesia compleretur, Petrus Apostolus dubitans dare Sacramentum Evangelicum Gentibus circumcisis; imò non dubitans, sed omnino dandum esse non putans, quodam die esuriens cum prandere vellet ascendit, ut oraret. . . Illo igitur orante facta est illi mentis alienatio, quam græcè exstasim dicunt: id est aversa est mens ejus à consuetudine corporali ad visum quemdam contemplandum, alienata à presentibus. Tunc vidit vas quoddam veluti linteum quatuor lineis submitti de cælo, ubi erant omnia animalia, omnis generis bestię & sonuit ei vox: Petre, manduca & manduca. Ille autem qui in Lege fuerat eruditus, & in consuetudine Judaica creverat, præceptumque per Moysen Dei famulum retinebat, totamque vitam suam fideliter custodierat, respondit, Absit à me Domine, numquam commune aliquid intravit in os meum. . . Commune autem immundum dici à Judæis, & à Lege, benè



noverunt, qui Ecclesiasticas litteras didicerunt. Et vox ad illum: *Quæ Deus mundavit, tu immunda ne dixeris. Hoc autem factum est ter, & ablati sunt ille discus, qui demonstrabatur ter de cælo submissus.* Deinde expositionem subjiciens. *Discus, inquit, qui quatuor lineis continebatur, Orbis terrarum erat in quatuor partibus. Has quatuor partes sæpè Scriptura commemorat, Orientem, & Occidentem, Aquilonem, & Meridiem. Ideo quia totus Orbis per Evangelium vocabatur, quatuor Evangelia conscripta sunt. Ter autem submissum de cælo vas hoc significat, quia dictum est Apostolis: Ite baptizate omnes gentes in nomine Patris & Filii & Spiritus Sancti. Inde colligitur, sicut jam nostis, duodenarius etiam numerus Discipulorum.... Quare duodecim Apostoli? Quia enim sunt quatuor Orbis partes, & totus Orbis in Evangelio vocabatur, unde quatuor Evangelia conscripta sunt, & totus Orbis in nomine Trinitatis vocatus, ut congregetur Ecclesia, quatuor ter ducta, duodecim fiunt. Hæc S. Augustinus. Quæ repetit ser. 203. (aliàs 64. de diversis cap. 3.) Sic totus Orbis ex partibus quatuor Trinitatis gratiâ vocatur in fidem. Secundum quem numerum cum quatuor ter ducuntur duodenarius numerus Apostolicus consecratus est, tanquam Universi Orbis salutem ex quatuor Mundi partibus in Trinitatis gratiam præfigurans. Hunc enim numerum etiam discus ille significavit, qui demonstratus est Petro plenus omnibus animis, tanquam omnibus gentibus. Nam & ipse quatuor lineis suspensus de cælo ter submissus assumptus est, ut quaterni duodecim facerent.*

VII. Dum tamen mysterii adhuc ignarus intra se basitare Petrus, quid nam esset visio, quam vidisset: Ecce viri qui missi erant à Cornelio, inquirentes domum Simonis, astiterunt ad januam. Et cum vocassent, interrogabant, si Simon qui cognominatur Petrus illic haberet hospitium. Petro autem cogitante de visione, dixit Spiritus ei: ecce viri tres querunt te; surge itaque descende, & vade cum eis nihil dubitans: quia ego misi illos. Descendens autem Petrus ad viros, dixit: ecce ego sum quem queritis; quæ causa est, propter quam venistis? Et respondentibus illis, se missos fuisse à Cornelio viro iusto ac timente Deum, & testimonium habente ab universa gente Judæorum, qui monitus fuerat accersire Petrum in domum suam, & audire verba ab illo: Petrus jam visionis mysterium intelligens, introduxit eos, & hospitio recepit. *Sequenti autem die surgens profectus est cum illis, & quidam ex fratribus ab Ioppe comitati sunt eum. Et sequenti die introivit Cæsaream.*

Interim Cornelius convocatis cognatis & intimis amicis suis

suis expectabat Petrum. Cum autem rescivisset, Petrum domum introire, occurrit ei, & *proci dens ad pedes ejus adoravit*. Petrus verò majori humilitate eum elevavit dicens, *surge, quia & ipse homo sum*: ubi August. serm. 266. ait: *Occurrit humiliter, prosternitur humiliter, levatur humiliter*: timebat enim, ne utpote gentilis more gentium illum ut Deum adoraret, & ideo dixit: *Surge, & ego ipse homo sum*. Ingressus Petrus Cornelii domum vidensque tantam multitudinem protestatus est dicens: *Vos scitis, quomodo abominatum sit viro Judæo conjugii, aut accedere ad alienigenam: sed mihi ostendit Deus, neminem communem aut immundum dicere hominem*. Propter quod sine dubitatione veni accersitus. Interrogo ergo, quam ob causam accersistis me? Tunc Cornelius exposuit illi historiam apparitionis Angeli: addens, quotquot cum ipso ibi erant congregati, paratos esse, audire omnia, quæ illi præcepta essent à Domino. Quibus auditis aperiens Petrus os suum, admiratus est bonitatem Dei, qui non esset acceptor personarum. Deinde cœpit eis exponere, quod Deus misit pacem filiis Israel per Jesum, qui est Dominus omnium, qui universam Judæam pertransiit benefaciendo, & quem tandem, ut ipsi norunt, Judæi occiderunt suspendentes in ligno. Hunc Deus suscitavit tertia die. Cujus resurrectionis testes sunt non solum ipse, sed & alii præordinati à Deo, qui cum illo manducaverunt & biberunt, postquam resurrexit à mortuis. Hic præcepit ipsi & aliis prædicare & testificari populo, quia est constitutus à Deo judex vivorum & mortuorum: *Huic omnes propheta testimonium perhibent, remissionem peccatorum accipere per nomen ejus omnes, qui credunt in eum*.

VIII. Dum hæc loqueretur Petrus, Spiritus Sanctus, qui jam purificaverat per fidem corda eorum, cecidit super omnes, qui audiebant verbum, & cœperunt loqui variis linguis, stupentibus ex circumcisione Fidelibus, qui venerant cum Petro, quod & in Nationes Gentium gratia Spiritus Sancti effusa sit. Voluit hic Spiritus Sanctus ostendere, se esse suarum gratiarum Dominum, & licet ordinariè eas couferat per homines, scirent tamen, se eas non propriâ potestate, sed ejus dono conferre. Propterea non solum ante impositionem manuum, sed etiam, ante baptismum voluit hos, etsi Gentiles, suis gratiis repleti, ut obstrueret os iis, qui dicebant non esse admittendos incircumcisos. *Evangelizante Petro* (inquit S. August. serm. 266.) *Cornelius, & omnes qui cum illo erant, gens, hoc est Gentiles, crediderunt, & subito antequam baptizarentur impleti sunt Spiritu Sancto*. Quid hic respondet humana præsumptio? Non solum autem

im-

*impositas manus, sed etiam ante ipsum baptismum venit Spiritus Sanctus, de potestate, non de necessitate. Venit ante baptismi ablationem, ut auferret controversiam circumcisionis. Et clarius serm. 99. (aliàs 23. ex hom. 50.) cap. 12. Adhuc loquente Petro, non dico, nondum imponente manum, sed nondum etiam baptizante, & cum dubitarent qui erant cum Petro, utrum incircumcisi baptizandi essent . . . ; ut hanc Deus tolleretur quæstionem, cum loquitur Petrus, venit Spiritus Sanctus, implevit Cornelium, implevit illos, qui cum illo erant. Et ipsâ attestatione rei magnæ quasi clamaturn est ad Petrum: Quid de aqua dubitas? Jam ego hic sum.*

IX. Reverâ non dubitavit amplius Petrus, sed statim respondit: *Numquid aquam quis prohibere potest, ut non baptizentur hi, qui Spiritum Sanctum acceperunt, sicut & nos? Et iussit eos baptizari in nomine Domini Jesu Christi.* Hoc factum, ut observat S. August. L. 4. de Bapt. c. 21. & 22., perenne documentum Ecclesiæ reliquit, quod quantâcumque scientiâ, ac pietate quispiam ornatus sit, imò etsi per fidem gratias S. Spiritus adeptus, adhuc Sacramento Baptismi se subicere debet, ut in Regnum, cœlorum intrare possit. Nam licet aliquando sine Baptismo visibili impleatur invisibiliter, cum articulus necessitatis Sacramenti ministerium excludit, cum tamen hoc non excludit necessitas sumendum est. Unde S. August. citato loco conferens Latronem, qui sine Baptismo salvus factus est, cum Cornelio, ait: *Nam multò magis in Cornelio & in amicis ejus, quàm in illo Latrone posset videri superfluum, ut aquâ etiam tingerentur, in quibus jam donum Spiritus Sancti, quod novissi baptizatos alios accepisse sancta Scriptura testatur, certo quoque iudicio, quod illis temporibus congruebat, cum linguis loquerentur, eminnerat. Baptizati sunt tamen; & in hoc facto Apostolica extat auctoritas.* Ex quo concludit, neminem, etsi ante Baptismum sic corde profecerit, debere contemnere Sacramentum, quod ministrorum opere corporaliter exhibetur.

X. Hisce ergo prodigiosis declaravit Deus, mysterium hoc unionis Gentilium & Judæorum in unam fidem non esse opus hominis, sed suum: ipse enim est qui Judæos & Gentes tanquam duos parietes conjungit in Christo Jesu, ut ait Paulus ad Ephes. 2. *Qui fecit utraque unum.* Unde August. in Psal. 96. *Sic ergo, inquit, restituta est terra ejus, uno pariete veniente de Judæis, altero pariete veniente de Gentibus, quibus duobus parietibus de diverso venientibus ipse esset lapis angularis, ubi ambo copularentur.* Ad hoc autem Petrum ministrum elegit, utpote quem in sua Ecclesiâ adificanda architectum præsignaverat, & Petram insuper, qua

quâ parietes illi in uno lapide angulari convenirent. Porro in Cornelio & amicis suis agnoscenda esse initia generalis coadunationis Gentium in fide, constat ex visione, quam habuit Petrus, & mandato ei injuncto, de quo supra. Tum etiam quia licet aliqui antea ad fidem venerint, ut Eunuchus; non est adeo certum, eum fuisse Gentilem & incircumcisum; sed potius profelytum, supra asseruimus: ideoque ejus conversione auditâ, nulla admiratio apud Fideles ex circumcisione excitata est, ut de Cornelio dicam.

XI. Cùm ergo hujus rei fama ad Apostolos & Fratres qui erant in Judæa pervenisset (Act. 11. v. 1. &c.) *quoniam & gentes receperunt verbum Dei; tanquam ad rem novam commoti sunt.* Cùm autem Petrus, qui aliquot diebus apud Cornelium manserat, ascendisset Hierosolimam; *disceptabant adversus illum, qui erant ex circumcisione, dicentes: Quare introisti ad viros præputium habentes, & manducaisti cum illis?* Adeo ut necesse fuerit, ut Petrus eis exponeret secundum ordinem omnia, quæ sibi acciderant. Quibus auditis *tacerunt, & glorificaverunt Deum, dicentes: Ergo & Gentibus penitentiam dedit Deus ad vitam.* Poterat hic Petrus murmurantes auctoritate compescere; sed, ut observant Chrysost. Homil. 24. in Acta & Gregorius L. 11. epist. cp. 39. modò 45., quamvis omnium Caput, tot gratiis ac prodigiis celebre moderationis & humilitatis exemplum voluit dare tanquam bonus Pastor, oves edocendo non increpando. *Si enim, inquit, Gregorius citatus, cùm à fidelibus culparetur, auctoritatem, quam in Sancta Ecclesia acceperat, attendisset; respondere poterat, ut Pastorem suum oves, quæ ei commissæ fuerant, reprehendere non auderet; sed si in querela fidelium aliquid de sua potestate diceret, profecto Doctor mansuetudinis non fuisset. Humili ergo eos ratione placavit.... Si ergo Pastor Ecclesiæ, Apostolorum Princeps, signa & miracula singulariter faciens, non dedignatus est in causa reprehensionis suæ rationem humiliter reddere; quânto magis nos peccatores cùm de re aliqua reprehendimur, reprehensores nostros ratione humiliter placare debemus?* Ita Gregorius Petri in auctoritate successor. Et eò magis Petri humilitas emicuit, quòd, ut ait Chrysostomus ibi, reprehensores non erant Apostoli, sed simplices fideles, inter quos putat S. Epiphanius Hæres. 28. fuisse Cerinthum, imò seditionis auctorem, qui postea Hæresiarcha factus est, cujus particularis error fuit, omnes debere circumcidi.

XII. Hujus Cornelii reliquum vitæ tam prodigiosæ vocationi respondisse, extra dubium est. Æquè tamen ejus gesta incerta sunt. Martyrologium Romanum ad diem secundam Februarii dicit,

dicit, eum fuisse à S. Petro Episcopum Cæsareæ institutum, ibique in pace quievissè. Domus, in qua Cæsareæ habitaverat Cornelius, adhuc tempore S. Hieronymi extabat in Ecclesiam conversâ & hanc anno 385. S. Paulam devotionis ergo visitasse, scribit (Epist. 27. modò 86.). Auctor Constit. Apostolic. L. 7. c. 46. inter Episcopos Cæsareæ recenset post Zachæum Cornelium, sed de quo Cornelio loquatur iste dubiæ fidei Auctor, non exprimit.

Græci in Menologio Basilii Imper. ad diem 20. Octobris, hæc habent: *Cornelius Centurio ex Cæsarea Palæstina fuit, centum militum Princeps, temporibus Sanctorum Apostolorum, qui omnium Gentilium primus in Christum credidit. . . . Deinde Episcopus Scamandriæ ( Urbis Asiæ minoris in Mysia, seu Troadis ad Scamandrum fluvium ) ordinatus, cùm fidem Christi diffeminaret, comprehensus à Demetrio Præsede, compulsusque Idolorum Templum ingredi, atque ibi unâ cum populo & uxore & filio immolare, oravis ad Deum: & statim factò tremotu, collapsoque cum idolis Templo, uxor & filius Præsidis obruti fuerunt: quibus sub ruina vociferantibus, & magnum esse Cornelii Deum inclamantibus, rogatus à Præsede Cornelius, precibus à Deo impetravit, ut inde incolumes evaderent. Quamobrem Demetrius cum uxore & filio & aliis ducentis septuaginta septem in Christum credidit. Ipse verò Cornelius in pace quievit.* Alii tamen præcipuè recentiores Græci eum faciunt Episcopum Illii, alii Scepsis, quæ duæ Urbes parum distant, eique addunt titulum Martyris. Quid revera fuerit, est incertum. Certè silentium Eusebii, qui Cæsareæ Episcopus fuit, non modicum indicium est, hunc Cornelium Cæsareæ Episcopum non fuisse.

### §. VIII.

*Petrus Ecclesiam Antiochiæ fundat, & ab Herode Carceri traditur.*

I. **P**ost Cornelii Baptismum tot prodigiis illustratum, cognoscentes Apostoli, voluntatem Dei esse, ut Evangelium etiam Gentibus annuntiaretur; credibile est, Apostolos relicta Judæâ singulos ad eas nationes, ad quas Spiritu Sancti instinctu designati erant, perrexisse. Cùmque in totius Universi divisione Petrus omnium Caput destinatus fuisset ad Evangelium Romæ totius Romani Orbis capitis inferendum, eò statò tempore se contulisse, infra dicitur.

*Tom. V.*

G

Quia

Quia verò, ut Patrum fert traditio, priùs à Petro fundata fuerat Ecclesia Antiochiæ (deciuit enim ut illa, in qua *Christiani* nomen primùm effulsit, (Act. 11. v. 26.) primum etiam inter Apostolos haberet Magistrum, & Pastorem) propterea oritur quæstio de tempore, quo Petrus Ecclesiam Antiochiæ regendam assumpsit; & præcipuè, an ante Baptismum Cornelii, an post, & quo anno, ac demum quamdiù eam rexit. Quamvis S. Lucas de S. Petri adventu Antiochiam, & Episcopatu ibi ejusdem, nihil dicat (sicut nec de aliis, quæ tamen aliunde colligimus) utrumque tamen certum est. Hoc enim attestantur Patres, Concilia, & Innocentius I. episc. 14. de Antiochena Ecclesia, & ep. 18. ad Alexandr. Ant. Episc. & vocans eam *primam Petri Sedem*. Quod confirmat S. Hieron. tum L. de Script. Eccl. in Petro, tum in cap. 2. ad Galatas dicens: *Primum Episcopum Antiochenæ Ecclesiæ Petrum fuisse, accepimus, & Romam exinde translatum, quod Lucas penitus omisit*; S. Leo serm. 80., & Patres omnes. Quo factum fuit ut Episcopus Antiochenus titulo Patriarchali insignitus plurimæ auctoritatis apud Ecclesias Orientales olim fuerit.

II. An verò, antequam baptizaret Cornelium, Antiochenam Ecclesiam regendam Petrus suscepisset; affirmat Baronius, qui Ecclesiæ Antiochenæ institutionem ad annum Christi 39. recenset, eo intervallo, quo S. Petrus cessante persecutione, ut diximus, cœpit lustrare Provincias: de quo Lucas art. 9. v. 32. *Factum est autem*, inquit, *ut Petrus dum pertransiret universos, deveniret ad Sanctos, qui habitabant Lidda*: in hac enim visitatione Antiochiam perveniens ibi Ecclesiam fundasse creditur: Quod Lucas, intentus enarrandis miraculis insignioribus à Petro editis, silentio præterivit: *Nec mirum esse* (inquit Hieron. in c. 2. ad Galat.) *si Lucas hanc rem tacuerit, cum & alia multa, quæ Paulus sustinuisse se replicat, Historiographi licentiâ prætermiserit: & non esse contrarium, si quod aliis ob causam dignum putavit relatū, aliis inter cætera dereliquit*. Baptismum verò Cornelii ad annum 41. refert, nimirum post biennium. Hic tamen oriri posset scrupulus. Nam cum idem Baronius Petri martyrium dicat contigisse anno Christi 69. die 29. Junii, si Ecclesiam Antiochenam fundasset solum anno Christi 39., cum in ea sederit septem annis, & postea in Romana viginti quinque, fieret ut non anno 69., sed anno 71. martyrio vitam clausisset. Scio responderi, S. Petrum non integris 25. annis, sed solis 24. & mensibus 5. Romæ sedisse, nec statim ac Romam venit, sed solum post annum Ecclesiam Antiochenam dimisisse. Hoc tamen ultimum verisimile non

videtur. Nam si S. Petrus statim ac Ecclesiam Romanam fundavit, Antiochenam non dimisit, sed per annum eam retinuit; ergo simul eodem tempore duas Ecclesias retinuit; & polygamia spiritualis exemplum reliquit, quod non est dicendum.

III. Alii propterea Ecclesiae Antiochenae fundandam à Petro factam fuisse putant anno à Christi Passione quarto, seu anno Christi 38. ineunte. Ita Alexandre Hist. Eccl. Sec. 1. c. 6. & Disser. 13. circa finem his verbis, „ Sanctus Petrus Antiochenam „ fundavit Ecclesiam anno Tiberii ultimo à Christi Passione „ quarto, ut constat ex Chronico Eusebii, & ex Chronico Alexandrino: sed Ecclesiam illic videtur fundasse ex Judæis dumtaxat, nondum ex Gentibus congregatam. Evangelium enim „ Gentibus in ea Urbe nonnisi post aliquod temporis interval- „ lum prædicatum est à Discipulis, qui dispersi fuerant in per- „ secutione Ecclesiae, in qua lapidatus Stephanus Protomartyr., Ex hoc autem quod dicit, Ecclesiam Antiochenam initio fundatam fuisse pro Judæis tantum, colligitur eam fundatam à S. Petro ante prænarratam visionem lintei, & conversionem, Cornelii postea secutam: nam antea solis Judæis Christi Fides annuntianda putabatur; quare, ut diximus, cum auditum fuisset, Petrum ex Gentibus baptizasse Cornelium & Domum ejus, factum est murmur contra Petrum: hoc enim indicat Lucas Act. 11. v. 19. his verbis: *Et illi quidem, qui dispersi fuerant à tribulatione, quæ facta fuerat sub Stephano, perambulaverunt usque Phenicem & Cyprum & Antiochiam, n. mini loquentes verbum, nisi solis Judæis.* Hic creditur fuisse primus Status Ecclesiae Antiochiae, antequam per conversionem Cornelii innotesceret Fidelibus, prædicandum esse Evangelium etiam Gentibus. Cum autem hoc innotuisset, mandante ipso Petro, etiam Gentibus prædicari coepit. Unde v. 20. subjicitur: *Erant autem quidam ex eis viri Cyprii & Cyrenæi, qui cum introissent Antiochiam loquebantur & ad Græcos, annuntiantes Dominum Jesum:* adeoque operante in eis manu Domini, numerus credentium augebatur, ut, rei fama cum pervenisset Hierosolymam, missus illuc fuerit Barnabas, qui credentes in fide confirmavit, & alia ab eo facta narrat Lucas, quæ tamen successivis temporibus contigerunt.

IV. Ad rem ergo præsentem, quamvis Lucas de Petro nihil amplius dicat, nisi usque ad annum Christi 44., seu à Christi Passione undecimo, quo ab Herode in carcerem conjectus fuit, multa tamen ex antiquis historiis eum hoc medio tempore egisse didicimus. Antiochenam ergo Ecclesiam, quam auno quarto à Christi passione fundaverat, septem tenuit annis rexitique.

Quod non ita intelligendum est, quasi toto illo septennio Antiochiæ pedem fixerit : nam vicinas interim Provincias Pontum Galatiam Asiam Cappadociam Bythiniam prædicatione peragravit . Ita S. Hieron. L. de Script. Eccl., Eusebius L. 3. Hist. Eccl. cap. 1. ; & constat ex Eius Epist. 1. Romæ data, quàm se exorditur : *Petrus Apostolus Jesu Christi Electis advenis dispersis Pontii Galatiæ Cappadociæ Asiæ & Bythinia* . In quo Apostolico cursu plures infumississe annos credendum est. Tillemontius art. 18. de S. Petro ex Bolland. 26. Apr. refert, Ecclesiæ Amasææ in Ponto traditionem esse, S. Petrum dum iret Romam ibi primùm Christi Fidem annuntiasse, multos ad eam traxisse, & locum sanctificasse, postea dictum Cathedram Apostolorum, ac deinde aliquo elapso tempore ibi ordinasse Episcopum quendam Nicetam nomine, singularis sanctitatis ac puritatis virum . Sinopenfes etiam ( alterius Pontii Urbis cives ) traditionem habere, Petrum diu apud illos mansisse unâ cum S. Andrea, & ostendere Cathedras lapideas, ex quibus Evangelium annuntiaverant. Scio, aliquos, inter quos Pearsonius, contendere, S. Petrum in nulla ex Provinciis, ad quas suam primam dedit Epistolam prædicasse : sed non video, quomodo horum Recentiorum opinio infirmare valeat auctoritatem Eusebii L. 3. Hist. c. 1., Hieronymi L. de Script. Eccles., & aliorum Veterum oppositum attestantium .

V. S. Petrum permisisse, ut in suis itineribus piæ mulieres ipsum sequerentur, quæ ministrarent ei victui quotidiano necessaria, sentiunt multi . Is enim mos erat apud Judæos, ideoque scandalo esse non poterat : sic enim Paulus 1. Cor. 9. v. 5. *Numquid, inquit, non habemus potestatem mulierem sororem circumducendi, sicut & ceteri Apostoli & Cephas ?* & Lucæ 8. v. 3. Christum multæ sequebantur, *quæ ministrabant ei de facultatibus suis* . Hanc ergo consuetudinem permisit cum cæteris Apostolis etiam Petrus, dum tamen apud Judæos prædicaret . Voluit tamen aliqui ex 1. 2. Constit. Apost. c. 63., Apostolos, dum annuntiabant Evangelium interdum manualet operam exercuisse, alios nimirum piscationem, alios agriculturam, alios ( sicut Paulus ) tentoriis conficiendis : Plerumque tamen modicum ad vitam sustentandam de Evangelio sumebant secundum illud Pauli 1. Cor. 9. v. 13. *Nescitis, quoniam qui in Sacrario operantur, quæ de Sacrario sunt edunt : & qui altari deserviunt cum altari participant ? Ita & Dominus ordinavit iis, qui Evangelium annuntiant, de Evangelio vivere* . S. Petrus tamen in cibo adeo parcus fuit, ut Gregorius Nazianz. Orat. 16. dicat : *Petrus lupinis nullo asse* ( vi-



(vilissima moneta Hispanico Maravedis respondente) *emis ale-*  
*batur.*

VI. Præfatis Provinciis suâ prædicatione lustratis, volunt aliqui, S. Petrum iter Romam suscepisse, eoque Claudio imperante anno Christi 42., Claudij verò 2. : deinde anno 44. relicta Româ Hierosolymam ad Paschalem Solemnitatem petiisse, ubi excitatâ ab Herode Agrippa in Apostolos persecutione, primò Jacobum majorem Joannis fratrem gladio occidit, deinde Petrum, ut dicam statim, in Carcerem detrussit, à quo per Angelum ereptus, iterum Romam petiit. Quare in hac opinione Petrus ter Romam petiit, primò ante vincula anno 42. Christi, Cui 4 ; secundò post vincula anno 44. Christi, Claudij 2. ; tertio sub Nerone paulò ante Martyrium.

VII. Mihi tamen plausibilior videtur Sententia Baronii & Natalis Alexandre supra citati : quòd scilicet Petrus, quasi toto septennio peragratis Provinciis Ponti Asiæ minoris Bythinia, Cappadocia, anno 44. à Passione Christi undecimo redierit Hierosolymam, ibique ab Herode in vincula coniectus, sed ab Angelo erutus, eodem anno, qui fuit Claudij secundus, Romam primò se contulerit. Sic enim optimè salvatur, quòd septem, annis Ecclesiam Antiochenam rexit, reliquis verò viginti-quinque suæ vitæ Romanam tenuerit, cùm anno Christi 69. ejus Martyrium contingerit. In hac Sententia

VIII. Dico, quòd Petrus percensitis præfatis Provinciis, anno à Passione Christi undecimo, venit Hierosolymam occasione Paschatis ; ubi illi accidit quod Lucas narrat Act. c. 12., nimirum quòd cùm eo tempore Hierosolymis & Palæstina imperaret Herodes Agrippa (nepos Herodis magni, sub quo Christus natus est) volens pro Judaica Lege zelum suum demonstrare, in Ecclesiam, quæ aliquot annis pace fruebatur, persecutionem movit. Hæc secunda persecutio gravior fuit, tum quia non ab aliquorum particularium violentia, sed à suprema dominantis auctoritate promota. Tum quia ad ipsorum Apostolorum, & eorumdem Capitis Petri, ac proinde ad totius Ecclesiæ necem ordinata. Cùm ergo Herodes Jacobum fratrem Joannis gladio sustulisset, *videns quia placeret Judæis, apposuit, ut apprehenderet & Petrum.* Quia autem tunc erant dies azymorum (Pascha enim eo anno die 2. Aprilis celebraverant) dierum solemniū rationem (quæ in Occisione Christi habita non fuit) habere voluit ; ideoque eum sexdecim militibus in quatuor quaterniones divisit, ut sibi invicem succedere possent, tradidit in carcere custodiendum, volens diebus Paschalibus elapsis producere eum po-

populo interficiendum. Has præcautiones in custodiendo Petro, nedum cum vinciendo catenis duabus, sed duobus militibus ad latera ejus, & aliis duobus ad ostium carceris excubantibus, adhibuit Agrippa, ne contingeret quod alia vice, quâ scilicet & Petrus & alii Apostoli carceri inclusi inperato evanuerant: sed hujusmodi præcautiones replicando miraculo infervierunt, ut dicam.

IX. Petrus ergo servabatur in carcere: Oratio autem fiebat sine intermissione ab Ecclesia ad Deum pro eo (v. 5.). Cum enim ageretur de periculo capitis, æquum erat, ut totum corpus de eo esset sollicitum. Cum autem produclurus eum esset Herodes (utique ad necem) nocte præcedente erat Petrus dormiens inter duos milites vinctus catenis duabus, & custodes ante ostium custodiebant carcerem; & ecce Angelus Domini assistit: & lumen resulsit in habitaculo: percussioque latere Petri, excitavit eum dicens: Surge velociter. Et ceciderunt catenæ de manibus ejus. Dixit autem Angelus ad eum: Præcingere, & calceas te caligas tuas. Et fecit sic. Et dixit illi: Circumda tibi vestimentum tuum, & sequere me. Petrus, qui ad ancillæ vocem timuit & Christum negavit, hic Herodem eum morti pro Christo traditurum adeo contemnit, ut catenis vinctus placidissimè dormiat, & sopore adeo gravi, ut ad eum excitandum opus fuerit Angelo latus ejus percutere. Pergit S. Lucas: Et exiens sequebatur eum, & nesciebat, quia verum est, quod fiebat per Angelum; existimabat autem se visum, videre. Transcuntes autem primam & secundam custodiam, venerunt ad Portam ferream, quæ ducit ad civitatem, quæ ultrò aperta est eis. Et exeuntes processerunt vicum unum; & continuò discessit Angelus ab eo.

X. Ex præfatis verbis Venerunt ad Portam ferream, quæ ducit ad civitatem, arguunt aliqui, Carcerem ex quo oductus fuit ab Angelo Petrus, fuisse extra Civitatem in Suburbis. Sed falluntur (putat Baronius ad ann. 44. n. 5.) nescientes, quod Hierosolymitana Civitas usque ad illa tempora cincta erat duplici muro, cui & tertium addere Agrippa Rex aggressus fuit, sed non absolvit. Et quod in utroque muro primo & secundo, Josepho teste L. 6. de bello Judaico c. 6., crectæ erant munitissimæ Turres, in quibus delinquentes coercerentur, & in unam istarum detrusus fuerat S. Petrus. Quamquam fortè verius dici posset, Portam ferream fuisse ostium Carceris, non Portam Civitatis, ex quo pateret aditus ad Civitatem, non quasi Carcer ille esset extra Civitatem, sed quod: sicut Josephus frequenter appellare solet Civitatem eam Hierosolymorum partem, quæ sita est media

dia inter Montem Sion & Templum ; ita Lucas eodem sensu dicat , Portam ferream ducere ad Civitatem , hoc est in eam. Civitatis ampliorem Regionem , quæ communi loquendi usu propriè Civitas diceretur : ac proinde Carcerem fuisse situm vel in munitissima Turri dicta Antonia , vel in alio loco extra Civitatem modo dicto . Sed de hoc non est laborandum .

XI. Cùm ergo Angelus discessisset ab eo , tunc cognovit Petrus , non per visum sed reverà , se è Carcere divinitus fuisse eductum : & dixit v. 11. *Nunc scio verè , quia misit Dominus Angelum suum , & eripuit me de manu Herodis , & de omni expectatione plebis Judæorum .* Iude venit ad domum Mariæ matris Joannis , qui cognominatus est Marcus , ubi erant multi congregati , & orantes . Pulsante autem eo ostium janua . ( moris quidem fuisse tunc , sicut nunc apud nos , Antiquis appendi malleum januis ad signum dandum , testis est Plutarchus L. de curiositate ) processit puella ad audiendum , nomine Rhode . Et ut cognovit vocem Petri , præ gaudio non aperuit januam , sed intrò currens nuntiavit , stare Petrum ante januam . At illi dixerunt ad eam : Insanis . Illa autem affirmabat , sic se habere . Illi autem dicebant : Angelus ejus est . Petrus autem perseverabat pulsans . Cùm autem aperuissent , viderunt eum , & obstupuerunt . Annuens autem eis manu , ut tacerent , narravit quomodo Damianus eduxisset eum de carcere , dixitque : Nuntiate Jacobo & fratribus hæc . Et egressus abiit in alium locum . Hactenus Lucas . Hoc singulare prodigium perpendit Chrysostomus homil. 16. in Acta , & præcipue ad illa verba , *Et egressus abiit in alium locum* , ait : *Neque enim tentabat Deum , neque se in tentationes injicebat . Illud iussit tantum faciebant .* , Ingressi , inquit , ( Act. 5. v. 20. ) in Templum loquimini populo , : *audierunt & statim obsecuti sunt .* Hoc verò jam non dicis Angelus : Sed ut silenter abscedat , & noctu educta dedit facultatem secedendi . Hoc autem factum est , ut discamus multa humano mare dispensata fuisse , ut ne ille iterum periclitaretur . Quo monemur , Deo quidem jubente , pericula contemnenda esse , sed eo non jubente , vitandas & oppositum esse Deum tentare .

XII. Abscessit ergo Petrus , & in secreto loco se abscondit : ubi autem , ignoramus . Scimus quidem ex Luca v. 18. quòd facta autem die non erat parva turbatio inter milites , quidnam factum esset de Petro . Herodes autem eum requisisset eum , & non invenisset , inquisitione facta de Custodibus , iussit eos duci , ad supplicium scilicet : eos enim fuisse iussu Herodis suffocatos , auctor est Petrus Martyr Alexandrinus Can. 13. apud Theodor. Balsam. addens : *propter quos nulla culpa in Petrum refertur , licebat enim ,*

ei

*cis, viso quod est factum, effugere, sicut nec imputatur Christo mors infantium. Et Chrysostomus Homil. 27. in Acta causam, horum militum defendens, Ita, inquit, sensu destitutus fuit, ut etiam injustè punire aggrediretur. Ecce causam illorum defendo. Vincula erant, custodes intus, carcer clausus, nusquam perfoctus paries, omnes eadem dicebant: homo ille raptus non est, cur illos condemnas? Si solvere voluissent, vel ante solvissent, vel simul exissent. Sed pecunias acceperant? Quomodo qui neque pauperi erogare poterat, his dedisset? Neque enim fracta catena, neque soluta sunt. Oportebat videre rem esse divinam, non humanam. Ita Chrysostomus.*

XIII. Patrati tamen sceleris non diu post poenas luit Herodes. Interfectis ergo militibus tanquam eorum culpâ Petrus è carcere evasisset, ut refert S. Lucas, *descendens à Judæa in Cæsaram, ibi commoratus est. Erat autem iratus Tyriis & Sidoniis. At illi unanimiter venerunt ad eum, & persuaso Blaſo, qui erat super cubiculum Regis, postulabant pacem, eo quòd alerentur Regiones eorum ab illo. Statuto autem die Herodes vestitus veste Regiâ, sedit pro tribunali, & concionabatur ad eos. Populus autem acclamabat: Dei voces, & non hominis. Confestim autem percussit eum Angelus Domini, eo quòd non dedisset honorem Deo, & consummatus à verminibus expiravit.* Hunc infelicem Herodis exitum narrat etiam Eusebius Lib. 2. Hist. cap. 10. & quod magis est, Josephus etiam L. 19. Antiqu. c. 7. amplioribus verbis illum describit. Herodis hujus mors pacem attulit Ecclesiæ. Unde Act. 12. v. 24. subjicit Lucas: *Verbum autem Domini crescebat, & multiplicabatur.* Et extremæ Judæorum ruinæ initium fuit. Nam, ut refert Josephus citato loco, voluit quidem Claudius successorem paterni Regni Agrippam juniorem, quem apud se retinebat, mittere, sed Libertis & amicis dissuadentibus, & negantibus, tutum esse admodum adolescenti & vixdum egresso pueritiâ, annum enim agebat decimum septimùm, tantum Regnum committere, mutato consilio Præsidem Judææ totiusque Regni Cuspium Fadum delegavit; quod eodem Josepho teste Judæorum exitii seminarium fuit, dum Vespasianus victor eos è Judæa depulſos ac vagantes aliò tranſtulit. Et in hoc infelici statu misera Judæorum Gens ubique dispersa ubique mancipium perseverat.

\*\*\*

## §. IX.

*De generali Fame.*

**I.** **P**etrum, quem ab Herodiano Carcere per Angelum ereptum & in secreto loco absconditum diximus, tantisper relinquamus, mox cum Romam ad triumphum evocatum iterum visuri. Hoc eodem anno Christi 44. Claudii 2., censet Baronius n.62., contigisse famem super universum ferè orbem, quam Agabus Propheta unus ex 72. duobus Discipulis prædixerat anno præcedente, ut habetur Act. 11. v. 27. *In his autem diebus supervenerunt ab Hierosolymis Propheta Antiochiam, & surgens unus ex eis nomine Agabus significabat per spiritum famem magnam futuram in universo orbe terrarum, quæ facta est sub Claudio.* Aliqui tamen non pauci volunt, famem hanc evenisse anno 4. Claudii, Eusebio duce in Chronico, quem sequitur Orosius L. 7. cap. 6., & adhæret Abbas Urspergensis in Chron.: Baronius tamen dicit, quòd re accuratè perspectâ secundo potius anno quàm quarto eam contigisse deprehenditur. Nam Dio Cassius, qui ex Urbis factis Romanam Historiam per singulos annos contextuit, nullam aliam sub Claudii Imperio factam esse famem recenset, nisi hoc secundo anno, quo egregiam ab Imperatore navatam, esse operam dicit, ne Urbs fame periret; tunc enim Romanum Portum extruendi initum ab eo fuisse consilium tradit, cujus etiam in annonâ procuranda solertiam commendat Syetonius in Claudio c. 18.: & cum iis quæ dicit Lucas magis concordare videtur. Fortè tamen hæc conciliari possent dicendo, famem anno quidem secundo Claudii inchoasse, sed usque ad quartum continuasse, sicut olim in Ægypto septem annis duravit Gen. 41.: maximè, quia ut dicitur, ad famem sublevandam Helena quoque Adiabenorum Regina magnam ex Ægypto frumenti copiam egenis distribuendam adduxit, præter collectas undique pro Fidelibus conquistas: quæ famem plus quàm uno anno perdurasse demonstrant.

**II.** Generalis hujus famis meminere etiam Scriptores Ethnici. Unde Eusebius L. 2. hist. cap. 8. *Claudii*, inquit, *temporibus universum prope Orbem terrarum fames oppressit, quam quidam Scriptores à nostra Religione alienissimi in suis etiam historiis commemorarunt. Atque ita Agabi Propheta prædictio de imminente fame, cujus in Actibus Apostolorum fit mentio, exitum forsita est:* & cap. 12. idem repetit. Josephus etiam L. 20. Antiqu. cap. 2. de

Tom. V.

H

me-

memorata Regina Helena adventu Hierosolymam differens, hæc dicit: *Accidit autem peropportune ejus adventus civibus. Cum enim per id tempus Civitas gravi fame premeretur, & multi perirent alimentorum inopiâ, Regina Helena ex suis alios misit Alexandriam comparaturos vim magnam tritici, alios in Cyprum, qui copiam ficuum passarum inde adveherent, quibus omnibus brevi reversis cibos egenis distribuit: atque hoc beneficio memoriam immortalis sibi apud nostram gentem peperit. Filius quoque ejus Izates, comperto quantâ fame laboraret ille populus, multum pecuniâ misit Hierosolymitanorum Primatibus. Hæc Josephus de ista Helena, quam dicit fuisse conjugem Monobazis Adiabenorum Regis, quæ filium habuit Izatem, & Patri in Regno successorem. Adiabene autem Assyriæ Regio dicitur, quam Lycus in Tigrim influens aluit, de qua Strabo L. 16. & Plinius L. 5. c. 12.*

III. De ista Helena & Izate filio scribit Josephus, quod ad Religionem Judaicam transierunt, & causam fusè narrat. Izatem verò circumcisum non statim fuisse, ne suis populis, scandalo esset, dum alienos ritus servaret, sic ei suadente quodam Ananiâ Judæo, nimirum *Licere ei etiam absque circumcisione Deum pie colere, si Judæorum instituta placeant. In hoc enim magis sitam Religionem, quam in circumcisione corporis: daturumque Deum veniam, si necessitate coactus signaculum id omitteret, metui, ne qua exoriatur subditorum defectio. Verum cum alter Judæus nomine Eleazarus in Regem incidens sacra volumina Moysis legentem, ei dixisset, Nescis, o Rex, quantam injuriam Legi, & per hanc Deo facias. Nec enim satis est decreta ejus nosse, sed præstas imperata ejus facere. Quamdiu manebis incircumcisus? Si nondum legisti legem circumcidi jubentem, nunc lege, ut scias, quanta sit impietas hæc omittere. His auditis Rex non distulit negotium, sed secedens in aliud cubiculum, & accito Chirurgo, fecit quod jussus est. Hæc Josephus. Quæ an vera sint, dubitare me facit quia disceptatum quidem fuit inter Christianos, ut infra dicam, an ad salutem necesse sit circumcidi; sed apud Judæos unquam vocatum fuisse in questionem, non auditum.*

IV. Paulus Orosius verò L. 7. c. 6. & alii eum secuti, Helenam & Izatem filium non Judaicam Legem sed Christianam Fidem suscepisse affirmant. Sed cum, unde id acceperit, Orosius non dicat, cum etiam Eusebius L. 2. Hist. cap. 12. nil de hoc addat præter id quod dicit Josephus, sicut nec Petrus Comestor Hist. Scholast. in Acta c. 80. idcirco res manet ambigua. Hoc quidem certum est, Helenam hanc tanto studio Religionem, fuisse profectam, ut Hierosolymis sedem fixerit, ibique magni-

gnificas ædes, & sepulchrum pro se & filio crexerit, ut indicant Josephus L. 6. de Bello Jud. cap. 6. & 7., & apertius Eusebius L. 2. Hist. cap. 12. his verbis: *Ceterum Helena illius, cujus mentio fit à Josepho, illustres etiamnum extant cippi (columnæ sepulchrales) in suburbiis Hierosolymorum, quæ mutato nomina nunc Elia appellatur, eamque Adiabenorum Reginam fuisse perhibent.* Ejus etiam meminit Hieronymus ep. 27. modo 86. ad Eustoch. tanquam rei suo tempore adhuc extantis, vocans *Mausoleum Helenæ* Adiabenorum Reginæ. Porro hoc Helenæ Sepulchrum mirabili arte extructum fuisse, testis est Pausanias in Arcadicis. Cum enim plura sepulchra memoratu digna à se visa, esse affirmet, duo tamen præ cæteris admiratur, *Mausoli* scilicet in Caria, & *Helenæ* in Judæa.

V. Famis, quâ in Judæa præsertim Fideles angebantur, præter Helenæ munificentiam, subvenire conati sunt etiam, qui Antiochiæ erant, Christiani. Nam generalis quidem erat penuria, sed majori inopiâ tenebantur Fideles, qui in Palæstina erant: nam in ea, quæ post necem Stephani facta fuerat, persecutione loco pulsi, bona etiam, si quæ habebant, amiserant, & alii ea jam vendiderant, & pretium eorum ad pedes Discipulorum pro communi utilitate tulerant. Equum ergo erat, ut eis in necessitate constitutis fraternitatis officio specialiter subveniretur. Hoc præ cæteris Antiochenos præstitisse, narrat S. Lucas Act. 11. v. 29., ubi post relatam ab Agabo prænuntiatam famem, *Discipuli autem, inquit, prout quis habebat, proposuerunt singuli in ministerium mittere habitantibus in Judæa fratribus: quod & fecerunt mittentes ad seniores per manus Barnabæ & Sauli.* Quod repetit ex Luca Eusebius L. 2. Hist. cap. 8. Advertit tamen Baronius ad an. 44. num. 67. quòd estò post narratam famem subjiciat Lucas Historiam de Jacobi nece & Petri Carcere, non est sic accipiendum, quòd ante evenierit fames illa, sed quòd cum retulisset Agabi prophetiam de illa, per anticipationem adjunxit eventum illius tanquam secutum, quod tamen sequenti anno erat secutum.

VI. Hinc exordium sumsit pia consuetudo in Ecclesia, ex multorum caritate eleemosynas pro fidelibus indigentibus colligendi, quæ postea *Collecta* nomen acceperunt. De his præcipue sollicitus fuit Paulus; qui non solum eleemosynas Antiochiæ collectas unâ cum Barnaba ad fratres in Judæa morantes detulit, sed ad hoc pium officium continuandum fideles, ad quos perveniebat, adhortabatur: unde 1. Cor. 16. v. 1. *De Collectis, inquit, quæ fiunt in sanctos, sicut ordinavi Ecclesiam Galatia, ita &*

vos facite : Ordinaverat autem, ut *per unam Sabbati* idest unâ septimanâ die, vel primâ die post Sabbatum, nempe Dominicâ, quia jam inoleverat consuetudo, ut fideles eâ die ad Ecclesiam convenirent ( ut S. Thomas ibi Lect. 1. ) quisque pro sua potestate & voluntate aliquid erogaret, & apud se retineret, donec ipse veniens omnia collectim Hierosolymam vel ferret vel per alios mitteret. Laudabilem hunc usum eleemosynas mittendi ad eos, qui Hierosolymis essent, egeni, perdurasse usque ad Theodosii tempora, testis est S. Hieronymus, qui Lib. v. ad Vigilantium, contra eas quasi indebitè profusas oblatrantes, ait : *Hac in Judæa usque hodie perseverante consuetudine, non solum apud nos, sed & apud Hebræos, ut qui in lege Domini meditantur die ac nocte, & partem non habent in terra nisi solum Deum, Synagogarum & totius orbis foveantur ministeriis.* Hunc morem fuisse, etiam in Romana Ecclesia de Collectis die præsertim Dominico faciendis, asserit S. Leo, qui de Collectis varios sermones habuit, & præcipuè serm. 5., ait : *Ventura igitur Dominica dies Collectarum futura est, & serm. 9. postquam dixit, hoc esse Apostolicæ Traditionis institutum, subdit : & ideo dilectissimi satissiat Apostolicis institutis ; & quia die Dominicâ prima est futura Collectio, unanimes vos devotioni voluntaria præparate, ut unusquisque secundum sufficientiam suam habeat in sacratissima oblatione consortium.*

VII. Ut piam hanc consuetudinem Constantinopoli penè collapsam Chrysostomus restitueret, prolixam homiliam habuit, quæ extat tom. 3. novæ Editionis, ubi pro Collecta faciendâ diem Dominicam statuit, & locum, in quo eleemosynæ erant reponendæ *Gazophylacium* appellat : Cyprianus verò L. de opere & eleemosynis *Corbonam* etiam vocat dicens, *Locuples & dives es, & Dominicum celebrare te credis, quæ corbonam omnino non respicis.* ( Sic enim alloquitur Matronam divitem ) *Gazophylacium enim apud Hebræos erat arca excipiendis collationibus in ingressu Templi destinata, ut habetur Marci 12. v. 43. & Lucæ 21. Corbona similiter ( Matth. 27. v. 6. )* Hunc ergo morem ab Hebræis acceptum Christiani veteres ex Apostolica traditione retinere, arcas seu mensas in Ecclesiis pro eleemosynis in subsidium egenorum, vel alia pietatis opera retinendi. Hoc arte omnes expressit Justinus Apolog. 2. ad Antoninum Pium : ubi postquam descripsit ea, quæ tunc Christiani in Ecclesia agebant circa Eucharistiæ consecrationem ac distributionem, subiungit : *Ceterum qui copiosiores sunt & volunt, pro arbitrio quisque suo quod visum est contribuunt ; & quod ita colligitur, apud Præpositum deponitur : atque inde ille opitulatur pupillis & viduis, & his qui propter*



pter morbum aut aliquam aliam causam egent, quique in vinculis sunt, & peregrè advenientibus hospitibus; & ut simpliciter dicam, indigentium is omnium curator est. Hic mos erat seculo Apostolis proximo idè secundo. Idem fuisse etiam tertio, habetur ex Tertulliano Apologetic. adv. Geutes c. 39., ubi dicit: *Neque enim pretio ulla res Dei constat, etiamsi quod arca genus est, non de ordinaria summa quasi redemptæ Religionis congregatur: modicum unusquisque stipem mensuâ die, vel quum velit, & si modò velit, & si modò possit, apponit: Nam nemo compellitur, sed spontè confert.* Hæc quasi deposita pietatis sunt, nam inde non epulis, nec potaculis, nec ingratis voratrinis dispensatur, sed egenis alendis, humanisq; & pueris ac puellis re ac parentibus desitientis, jamque domesticis senibus, item naufragis, & si qui in metallis, si qui in insulis vel in custodiis dumtaxat ex causa Dei sectæ alumni confessionis suæ fiunt. Hæc Tertullianus: Quæ regulariter quidem fieri consueverant. Cæterum si quæ nova necessitas emerisset, cui eleemosynis quotidianis in arca depositis satisfieri non posset, tunc Episcopus novam inter Fideles collectam indicabat quod exemplo Pauli & Apostolorum fecit Cyprianus, qui præter eleemosynas quotidianas in Corbona asservatas, superveniente casu de Christianis à Barbarorum captivitate redimendis, novam Collectam indixit; cujus exemplo alii Africani Episcopi idem præstiterè: ex qua ingentem summam sestertiorum centum millium mittere se, scribit Epist. 60. ad Episcopos Numidas. Huic officio, languescente tractu temporum Fidelium pietate, successere præclari Religiosorum Ordines S. Mariæ de Mercede, & SS. Trinitatis, quibus pro instituto est collectas pro redimendis Fidelibus à Maurorum captivitate inquirere, & in voto est, si opus fuerit se ipsos pro fidelium libertate in pignus tradere. Infirmis autem per S. Joannem de Deo providit Deus, instituendo Religiosorum cœtum ægrotantibus caritatiuè in Xenodochiis inservientium, & necessaria ministrantium. Sed hæc ad rem præsentem non sunt, ideoque dimittenda.

## §. X.

*De Itinere S. Petri Romam, & ejus Episcopatu ibi.*

1. Cùm S. Lucas, postquam dixit, quòd S. Petrus è carcere Herodis per Angelum creptus suâ præsentia fideles in domo Mariæ matris Joannis Marci congregatos, & orantes consolatus fuit, eis injungens, ut hoc nuntiarent fratribus suis, & egres-

egressus abiit in alium locum (Act. 12. v. 17.), de Petro altum silentium teneat ab anno 44. Christi usque ad annum 51., quo eum præsentem statuit Concilio Hierosolymis habito Act. cap. 15.: quid Petrus toto isto temporis intervallo gesserit, & ubi fuerit, Ecclesia prorsus ignoraret, nisi quod apud Lucam non reperit, ex Historiis colligeret.

II. Credibile ergo est, S. Petrum, audito quòd Herodes relictâ Hierosolymâ Cæsaream perrexisset (Act. 12. v. 19.) & consequenter cessasset periculum sibi iterum imminens, è latebris, quibus sese absconderat, egressum aliò se contulisse. Quò autem, incertum. Si credimus Metaphrasti ad diem 29. Junii, dicere possumus, eum Antiochiam divertisse, ac in ea sui Successorem Evodium destinasse, deinde aliis Provinciis, in quibus jam Evangelium prædicaverat, iterum perlustratis, & in Fide Christianis ibi existentibus confirmatis, Romam, quò divinæ præordinationes illum anteibant, iter direxisse. Ita habet Eusebius in Chronico *Anno secundo Claudii Petrus Apostolus, cum primum Antiochenam fundasset Ecclesiam, Romam proficiscitur, ubi Evangelium prædicans, vixitque annis ejusdem Urbis Episcopus perseverat.* Idem asserit Hieronymus de Scrip. Eccles. in Petro dicens *Simon Petrus, filius Joannis, Provincia Galilee è vico Bethsaida, frater Andreæ Apostoli, & Princeps Apostolorum, post Episcopatum Antiochenis Ecclesie, & prædicationem dispersionis eorum, qui de Circumcisione crediderant in Ponto Galatia Cappadocia Asia & Bithynia, secundo Claudii Imperatoris anno, ad expugnandum Simonem Magum Romam pergit, ibique annis vixitque Cathedram sacerdotalem tenuit usque ad ultimum annum Nervis, id est decimum quartum, à quo & affixus Cruci martyrio coronatus est.* Consensit Cassiodorus in Chronico. Hi autem, cum mentionem non faciant anterioris adventus Petri Romam, colligitur, hunc anno secundo Claudii, & post Herodianum Carcerem, fuisse primum adventum, & sine fundamento asseri, cum ante Romam advenisse. Hæc circa tempus: quod infra stabilietur magis.

III. Cæterùm S. Petrum Romam aliquando perrexisse ibique Ecclesiam fundasse, res adeò certa apud antiquos fuit, ut omnes uno ore eam confirmarint & monumentis illustrarint. Hoc ostendi in Vera Ecclesia tom. 2. p. 1. a. 2. §. 13.: quæ dixi huc revocanda sunt. Aliqua tamen hic repetam & adjiciam. Et quidem primò, id ostenditur ex ipsius Petri Epist. 1. cap. 5. *Salutat vos Ecclesia, quæ est in Babylone collecta, & Marcus filius meus; ubi Babylonis nomine Petrum intellexisse Romam, testes sunt*  
Pa-

Papias apud Eusebium L. 2. Hist. cap. 15. his verbis : *Porrò Marci mentionem fieri ajunt in priore Epistola, quam Romæ scriptam esse contendunt : idque Petrum ipsum innuere, qui Romam figuratè Babylonem appellat : cui subscribens S. Hieronymus L. de Viris illust. Petrus, inquit, in Epistola prima sub nomine Babylonis figuratè Romam significans „Salutat vos, inquit, Ecclesia, quæ est in Babylone collecta, „Præterea nomine Babylonis designare Romam S. Joannem, constat ex ejus Apocalypsi c. 17., ubi dicitur Babylon magna sedere super septem montes & habere Regnum terræ. Nulla autem nisi Roma tempore S. Joannis Civitas fuit, quæ super septem montes erecta esset, ac Regibus terræ dominaretur. Ita hunc locum intelligunt Tertullianus L. adv. Judæos cap. 9., & S. Augustinus L. 18. de Civit. Dei cap. 22. Porrò si S. Joannes Babylonis nomine intellexit Romam, cur non eodem nomine eam S. Petrus indicavit ?*

IV. Dicunt Novatores, S. Joannem in Apocalypsi scribere visiones, quibus multa sub allegoriis revelantur ; S. Petrum, verò scribere Epistolam, quæ stylo simplici & naturali scribi solet. Sed ad hoc respondi citato loco à num. 63., quæ Lector adeat. Nuuc breviter dico, S. Petro fuisse causam, cur Romæ nomen, unde scribebat, sub nomine allegorico tegeret. Nam ex Herodiano carcere fugâ lapsus commorationis suæ locum, omnibus notum esse nolebat, & Christianorum, qui Romæ erant maximè ex Judæis salutem cupiebat esse consultum, ne fortè Epistola illa ad manus inimicorum Christi perveniens occasionem præberet excitandi persecutionem. Quo exemplo usus S. Paulus 2. ad Timoth. 4. v. 17. scripsit : *Liberatus sum de ore Leonis* : quo nomine Neronem designat ob animi crudelitatem, inquit Eusebius L. 2. Hist. cap. 22. Specialis autem causa locum ubi degebat occultandi aderat Petro : cum enim Claudius impensè faveret Agrippæ, qui nuper eum carceri tradiderat mox occidendum, jure timere poterat, ne si Agrippa rescivisset eum esse Romæ, & à Claudio peteret, ut sibi traderetur, vel necaretur, Claudius petenti annueret. Alia etiam ratio esse potuit : cum enim scriberet ad Judæos ad Fidem conversos, & proinde ad allegoricas & figuratas voces ab ineunte ætate assuetos, qui per Sodomam intelligebant Urbem vitii corruptam, per Chanaan Populum maledicto obnoxium : sic Romam omnium Gentium errores adoptantem nomine Babylonis eis indicare censuit : quo nomine etiam ab iis ad quos scribebat appellari consueverat, uti vocatur à Joanne in Apocalypsi citato. Nam sicut à Regibus Babylonis olim Deus Judaica fuerat in captivitatem re-

redacta, ita ab Imperatoribus Romanis ad extremam desolationem redigenda; & qui Christum secuturi erant, acerrimis persecutionibus vexandi erant.

V. Verum qui pertinaciter volunt, nomine Babylonis S. Petrum intellexisse non Romam, sed Babylonem veram, dicant, quæso, unde didicerint, S. Petrum Babylone fuisse, & ex ea Epistolam scripsisse? Ex Scriptura nequaquam: quæ sicut non dicit aperte Petrum fuisse Romæ, ita nec dicit, eum fuisse Babylone. Si ergo negant, Petrum fuisse Romæ, quia Scriptura non dicit, quamvis hoc omnium seculorum ferat traditio, cur volunt eum fuisse Babylone, quod nec Scriptura dicit, nec firmat traditio? Rursus in Babylone, de qua S. Petrus, erat Ecclesia collecta: peto, in vera Babylone fuisse tunc Ecclesiam, collectam, unde probant? Duplex eo tempore Babylon erat, una Assyriorum, Ægyptiorum altera. In priori Urbe celeberrima Ecclesia ex Judæis collecta esse non poterat: nam Caii Augusti tempore Judæi omnes ab ea fuerunt expulsi, & ad interfectionem deleti: unde refert Josephus L. 18. antiquit. cap. 11. Græci & Syri, conjuratione in Judæos facta, eos ex improviso aggressi occiderunt supra quinquaginta virorum millia, nec ullas evasit, nisi si quem amici aut vicini servavit misericordia. Quomodo ergo Petrus paulò post Ecclesiam ex Judæis potuit colligere, vel jam collectam invenire? aut quo documento hoc probant? Altera verò nempe Egyptiaca, per quam ajunt, Petrum postquam Alexandriæ Ecclesiam constituerat, transisse, obscurus planè locus erat, nec Civitatis nec Oppidi dignus nomine, Castellum à Strabone L. 17. dictus, à quibusdam Babyloniis erectum: ideoque de illâ Petri verba intelligi non possunt, cum nulla in eo erecta Ecclesia legatur, nec usque ad quintum seculum ullus dictæ Urbis Episcopus Conciliis subscripsisse inveniat. Credibile ne fuerit, Ecclesiam à S. Petro erectam tamdiu incognitam remansisse? Ecce dum Novatores Romam in Babylone nosse detrectant, nec de qua Babylone locutus sit S. Petrus inter se, conveniunt, verè in Babylonem hoc est confusionem incidunt.

VI. Pro adventu S. Petri Romam clamat omnium ab initio Ecclesiæ seculorum Traditio, cujus testes sunt Patres: Irenæus, qui secundo seculo floruit, & Apostolorum Discipulos agnovit L. 3. c. 1. & 3. Ecclesiam Romæ, à Petro & Paulo evangelizantibus ibi fundatam asserit & successores recenset. S. Clemens Alexandr. (apud Eusèbium L. 2. Hist. cap. 14. & 15.) in sexto hypotyposon seu Institutionum libro, divino consilio factum esse

asserit, ut Simone Mago à Dæmone Romam deducto, Petrus eò adventaret, ut quidquid deceptor ille struxerat, Apostolus hic everteret. Idem apud Eusebium L. 2. Hist. cap. 25. asserunt Dionysius Corinthiorum Episcopus, & Cajus Romanæ Ecclesiæ Presbyter, secundi sæculi auctores; & apud eundem Eusebium L. 3. cap. 1. Origenes tom. 3. explanat. in Genesim dicit, quòd Petrus postquam Evangelium enuntians, Pontum Galatiam Bithyniam Cappadociam & Asiam perlustraverat, Romam tandem venit.

Tertullianus item de Præscript. cap. 32. originem Ecclesiæ Romanæ ducit à Petro, cujus describit successores. Idem præstat Optatus Milevitanus L. 2. contra Parmenianum. *Cathedra unica est, inquit, quæ est prima de dotibus. Sedis prior Petrus &c.* S. Augustinus Ep. 165. modò 53. ad Generosum *Si ordo, ( inquit de Ecclesia Romana ) Episcoporum sibi succedentium considerandus est, quantò certius & verè salubriter ab ipso Petro numeramus...* Petro enim successit Linus &c. & L. 2. contra litteras Petiliani cap. 51. sic Donatistas alloquitur, ac si recentiores Pseudoreformatores alloqueretur. Cum enim & ipsi dicerent, omnes Ecclesias apostatasse, ait: *Verumtamen si omnes per totum Orbem tales essent, quales vanissimè criminariis, cathedra tibi quid fecit. Ecclesia Romana, in qua Petrus sedet, & in qua bodiè Anastasius sedet, vel Ecclesiæ Hierosolymitana, in qua Jacobus sedet, & in qua bodiè Joannes sedet, quibus nos in Catholica unitate connectimur, & à quibus vos nefario furore separastis? Quare appellas Cathedram pestilentia Cathedram Apostolicam?* Et S. Prosper in Carmine de Ingratis ait:

*Sedes Roma Petri, quæ Pastoralis bonoris  
Facta Caput Mundo, quidquid non possidet armis  
Religione tenet.*

VII. Quibus testimoniis apertè evincitur, Petrum Romam ivisse, ibi Ecclesiam fundasse, & Cathedram erexisse. Hoc pulchrè explicat S. Jo: Chrysostomus Homil. in Script. Act. 2., quæ extat tom. 3. noviss. edit., ubi pag. 70. de Ecclesia Antiochena ait: *Hæc enim est una etiam nostra Civitatis prærogativa dignitatis, quòd Principem Apostolorum ab initio doctorem accepit. Equum enim erat, ut ea, quæ nomine Christianorum ante universum Orbem terrarum ornata sunt, primam Apostolorum Pastorem acciperet. Sed cum eum Doctorem accepissemus, non in perpetuum retinimus, sed Regiæ Civitati Romæ illum concessimus: imò verò in perpetuum ipsum retinimus. Nam corpus quidem Petri non retinemus: porro dum Petri fidem retinemus, ipsum Petrum habemus.*

Tom. V.

I

His

His colligitur, Petrum primò fuisse Antiochiæ Episcopum, postea eâ reliâ Romam se contulisse, ibique Episcopum ad mortem usque extitisse.

S. Leo pariter serm. 80. in Natali Apost. cap. 3. *Cùm, inquit, duodecim apostoli acceptâ per Spiritum Sanctum omnium locutione linguarum, imbuendum Evangelio Mundum, distribuit sibi terrarum partibus, suscepissent, beatissimus Petrus Princeps Apostolici ordinis ad arcem Romani destinatur Imperii, ut lux veritatis, quæ in omnium Gentium revelabatur salutem, efficacius se ab ipso capite per totum Mundi corpus effunderet.* Deinde cap. 5. ad Petrum conversus, *Jam, inquit, Populos, qui ex circumcissione crediderant, erudieras, jam Antiochenam Ecclesiam, ubi primùm Christiani nominis dignitas est orta, fundaveras; jam Pontum Galatiam Cappadociam Asiam atque Bithyniam legibus Evangelicæ prædicationis impleveras, nec aut dubius de profectu operis, aut de spatio tæguarum ætatis, trophæum Crucis Christi Romanis arcibus inferebas, quò te divinis præordinationibus anteibant & honor potestatis & gloria passionis.*

VIII. Hinc Romanæ Ecclesiæ, quia fuit Cathedra, in qua usque ad mortem Petrus sedet, Concilia, Patres, & omnia secula primam super omnes dignitatem tribuerunt, eamque ut unitatis centrum agnoverunt. Irenæus L. 3. cap. 3. ei tribuit *potiorem principalitatem*; Cyprianus Ep. 55. ad Cornelium vocat eam *Petri Cathedram, Ecclesiam principalem, nuda unitas sacerdotalis exorta est*; Ep. 45. ad eundem *Ecclesiæ Catholica radice, ac Matricem*; S. Hieronymus Ep. 57. ad Damasum *Ego, inquit, unicum primum, nisi Christum sequens, Beatitudinis tuæ idest Cathedræ Petri communionem consocior, super illam petram edificatam Ecclesiam scia.* Uno verbo, Romanam Sedem Petri Cathedram fuisse, veteres omnes adeò certum existimarunt, ut non soli Catholici id faterentur, sed nec Hæretici inficiari auderent. Quare Donatistæ, qui reliquum Ecclesiæ apostatare, & apud ipsos solos veram Ecclesiam remansisse existiebant, ut simplicibus solum facerent, Episcopum in Urbe Roma ex suis munus habere volebant, qui suis præsideret, ut refert S. August. Ep. 53. aliàs 165., & L. de Hæres. cap. 69.: qui cùm Romæ in quodam monte habitarent, idèò *Montenses* dicti fuere. Soli novi prætensi Ecclesiæ Retormatores, ut suam secessionem aliquo titulo regerent, Romæ Petrum unquam fuisse, & Romanam Ecclesiam aliquâ super ceteras præ eminentiâ frui, negare cœperunt. Quia autem viderunt, contra se stare perpetuam traditionem & Patres, ad hoc asylum confugiunt, quòd de hoc nihil in Scriptura ha-

habeatur, & Babylonis nomine, ubi scripta legitur prima Petri Epistola, non Romam sed veram Babylonem vel Chaldaeam vel Ægypti, designari contendunt.

IX. Videntes tamen ex eorum sectâ eruditiores aliqui non sine aperta temeritate unanimem veterum consensum sperni, quem utique permaximè & ipsi facerent, si eorum sententiæ faverent, Petrum verè fuisse Romæ ultrò fateri cœperunt. Propterea Grotius in 1. Ep. Petri cap. 5. *De Babylone*, inquit, *diffident veteres, & novi Interpretes. Veteres Romam interpreta utur, ubi Petrum fuisse nemo verus Christianus dubitabit; Novi Babylonem in Chaldaea. Ego veteribus assentior.*

Pearsonius, à veteribus nunquam in dubium revocatum asserit, vel quòd Petrus Romanam Ecclesiam erexerit, vel quòd Pontifices eidem succedant. Usserius ad ann. Christi 66. & 67. asserit, Petrum & Paulum imperante Nerone Romæ obisse, & primam Petri Epistolam, sicut & secundam, Romæ fuisse datam. Chamierus & Blondellus sentiunt, unanimem Patrum consensum de Romana Ecclesia à Petro & Paulo fundata, & confirmata tantum esse faciendum, ut ei vel levissimè adversari non deceat. Franciscus Junius, Casaubonus, Petrus Molinæus, Samuel Peritius, Seldenus & alii idem cogente veritate testantur. Veritatem hanc confirmat Traditio de Simone Mago Romæ à Petro expugnato, quod infra expendam, & de Evangelio à Marco Romæ scripto prout ibi audierat à Petro prædicatum, quod ostendi tom. 1. de Verit. Relig. Christi. Tract. de Auct. Lib. Relig. Christi. c. 1. de Evangeliiis §. 3.

X. Pro complemento addi potest, quòd, ut habetur. Act. 28. & ad Rom. 1. constat, Ecclesiam amplam & florentem Romæ fuisse, antequam S. Paulus eò veniret, ut ipse testatur. Quis porro tantam multitudinem Christianæ Religionis præceptis imbuat, nisi Petrus? Ita, inquit, Chrysostomus in c. 1. ad Rom. *Petrus illic prædicavit.*

Dicunt aliqui ex Heterodoxis, S. Barnabam antevertisse suam prædicationem, ac Romanis Fidem annuntiasse. At unde hoc colligunt? Scriptura certè hoc non dicit. Si ergo quia Scriptura non dicit, nolunt Petrum prædicasse Romanis, quamvis dicat Traditio; cur volunt eis prædicasse Barnabam, quòd nec Scriptura dicit nec Traditio? Præterea nemo ausus esset prædicare Gentibus Evangelium, antequam S. Petrus cœlesti visione, de qua supra, ad id muneris obeundum invitaretur. Postea Barnabas Apostolo Gentium Paulo individuus comes adhæsit. Quomodo igitur potuit Barnabas prædicasse Romanis ante adventum Petri Romam?

XI. Superfunt refutandæ ratiunculæ, quibus moventur ad negandum, quòd fuerit S. Petrus Romæ. Prima est, quòd Auctores non concordant in anno, quo Romam adventarit; cum quidam dicant, hoc contigisse in exordio Regni Claudij, ut Orosius; quidam anno secundo ejusdem, quidam anno quarto; quidam jam Nerone Imperante, ut Lactantius L. de mort. Persecutorum. Dubia est ergo hujus Historiæ fides. Respondeo, quòd si valeret hæc illatio, quot deberent revocari in dubium, de quorum veritate certò constat? Quid enim certius Christi Nativitate & Morte? Quid autem incertius de Epocha, quâ natus est, de anno ætatis quo mortuus est, si Veterum discordes sententiæ audiantur? Sicut ergo nemo Christianus de Christi Nativitate & Morte dubitat, quia in hoc omnes conveniunt, quamvis in circumstantiis temporis aliqui discordent: ita nec de adventu Petri Romam dubitandum, quia iidem, qui discordant in tempore, in adventu tamen concordēs sunt. Addo, inter celebriores Auctores, Hieronymum Eusebium in Chronico Adonem Viennensem in Martyrologio, nullam esse discordiam, qui omnes ponunt adventum Petri Romam anno secundo Claudij à quibus non dissentit Orosius, dum ait venisse Romam in exordio Regni Claudij; annus enim secundus ad exordium Regni ipsius pertinet. Lactantius verò dicit, S. Petrum venisse Romam, cum jam Nero imperaret, loquitur non de primo, sed de secundo adventu; sub Nerone enim cruci affixus fuit, ut Lactantius ibi dicit de quo infra dicam.

XII. Secunda est, S. Paulus scribens ad Romanos multis nomine suo salutem dici jubet cap. 16., Petri autem ne meminit quidem; cui sanè, si Romæ fuisset, salutem primo loco dixisset.

Respondeo primò, quòd si hæc conjectura valeret, probaret nec Timotheum fuisse Ephesi Episcopum, quando Paulus ad Ephesios scripsit, quia Paulus ad Ephesios scribens ejus non meminit; neque Jacobum fuisse Hierosolymorum Episcopum, quia in Epistola ad Hebræos scripta, dum Jacobus adhuc in vivis ageret, filietur prorsus illius nomen.

Respondeo ergò secundò, Epistolam Pauli ad Romanos idèò Petri non meminisse, quia eo tempore scripta fuit, quo Petrus cum Judæis Romæ exulare coactus fuerat, nempe ab anno nono Imperij Claudij, ut refert Suetonius in Claudio cap. 25. & habetur Act. 18. v. 2. Ab eo enim anno Petrus ad partes Orientis profectus, successivè Concilio Hierosolymitano interfuit, nec nisi post mortem Claudij Romam reversus est. Scripta enim fuit

Co-



Corinthi, cum illac transivit S. Paulus, ultimò profecturus Hierosolymam, ut Act. 19. Quo medio tempore licet Aquila & Priscilla aliique minoris notæ Judæi Romam rediissent; Petrus tamen, sive quia auctor Conversionis Judæorum, quæ causa fuerat exilii, sive quia prædicatione in Oriente detentus, reditum suum Romam differre decrevit.

XIII. Tertia est: S. Lucas, qui Apostolicam Historiam conscripsit, de profectione S. Petri Romam nec verbum facit. Rursus S. Paulus, qui suam cum S. Petro Hierosolymis & Antiochiæ conversationem (Galat. 1. & 2.) describit, nusquam indicat, se S. Petro Romæ convixisse aut eum vidisse.

Respondeo, mirum non esse, quòd de adventu S. Petri Romam S. Lucas nihil scripserit, sicut nec de aliorum Apostolorum itineribus, quia intentum ejus fuit acta & itinera S. Pauli magistri sui enarrare. Unde iis exceptis, quæ ab Ascensione Domini ad conversionem S. Pauli gesta sunt, ubi Apostolorum Historiam quasi in communi texuit, tanquam fundamentum historiæ singularis S. Pauli; & excepto sermone de Cornelii conversione, quam refert, quia fuit initium conversionis Gentium, ad quam specialiter S. Paulus mittebatur, vix unquam de cæteris Apostolis meminit, nisi in quantum in historia S. Pauli partem habent. Imo nec omnium gestorum S. Pauli meminit, nam de profectione S. Pauli Hierosolymam ut videret Petrum, de convictu Petri & Pauli Antiochiæ, & dexterâ societatis à Sanctis Petro Jacobo & Joanne Beato Paulo datâ, ejusque itinere in Galatiam, nec verbum facit. Ex quibus S. Hieronymus in Caput secundum ad Galatas infert, silentium Lucæ de Antiocheno & Romano Petri Episcopatu nihil obesse veritati, cum alia multa omiserit. Loquens enim de dissensione, quæ inter Petrum & Paulum circa observantiam Legalium Antiochiæ contigit, de qua nihil apud Lucam in Actis, ait: *Nec mirum esse, si Lucas hanc rem tacuerit, cum & alia multa, quæ Paulus sustinuisse se replicat, Historiographi licentiâ prætermiserit; & non statim esse contrarium, si quod aliis ob causam dignum putavit relatu, alius inter cætera dereliquit. Denique primum Episcopum Antiochenæ Ecclesiæ Petrum fuisse accepimus, & Romam exinde translatus, quod Lucas penitus omisit.*

Ad id quod additur, dico, S. Paulum dum scriberet ad Galatas non meminisse congressus sui cum Petro Romæ, quia dum illam dedit Epistolam nondum Romam profectus fuerat; conscripta quippè fuerat (ut ait Chrysostomus præfat. in Epist. ad Rom.) ante Epistolam ad Romanos, in qua ardentissimum illos

vi-

videndi exprimit desiderium Rom. i. v. 10.: *Semper in orationibus meis observans, siquo modo tandem aliquando prosperum iter habeam in voluntate Dei veniendi ad vos. Desidero enim videre vos.*

XIV. Quarta ratio dubitandi est: Paulus in Epist. ad Philippenses Romæ datâ cap. 2. queritur, quòd *omnes querunt quæ sua sunt, non quæ Jesu Christi*, & in 1. ad Timoth. Romæ pariter scriptâ cap. 4. *In prima*, inquit, *mea defensione nemo mihi adfuit, sed omnes me dereliquerunt*. Aut igitur S. Petrus Romæ non erat, aut S. Paulus gravem ei irrogat injuriam, dum eum è numero eorum non excipit, qui querunt quæ sua sunt, non quæ Jesu Christi, & qui ipsum in angustiis positum deseruere.

Respondeo, id quod opponitur ex Epist. ad Philippenses non esse ad rem. Nam Paulus ibi loquitur de illis, quos ad eos mittere poterat, & qui ei in Evangelio serviebat, inter quos solum Timotheum sperat se mittere, quia sincera affectione pro ipsis sollicitus erat, cæteri autem quærebant, quæ sua sunt. In numero autem istorum non erat S. Petrus, qui Paulo in Evangelio non serviebat, nec ab eo mitti poterat, cum esset in Apostolatu primus & major illo. Cum verò in Epist. ad Timotheum queritur, neminem ei in defensionem adfuisse, de iis loquitur, qui poterant eum apud Cæsarem juvare, inter quos certè non erat Petrus, qui æquè ac ipse Cæsari invisus erat.

XV. Quinta ratio dubitandi est: Ut Romam pervenit S. Paulus Act. 28. v. 15. *Accurrerunt ei fratres usque ad Appii forum, ac tres tabernas*; ubi nihil de Petro, quem certè ut Principem omnium non subticuisset, si Romæ fuisset. Rursus ibi v. 22. Qui Paulo occurrerunt Judæi dicebant Paulo: *Rogamus à te audire quæ sentis; nam de secula hac (Christianorum) notum est vobis, quia ubique ei contradicatur*. Ita sanè locuti non fuissent, si S. Petrum prædicantem audissent.

Respondeo. Putant ne, advenienti Paulo Romam omnes omnino de Ecclesia, quasi processione initâ, ut nullus defuerit, occurrisset? Tanta & tam publica lætitiæ signa Romæ, sub Nerone Christianos persequente, promere potuissent Christianos qui ibi erant, nemo sanus judicabit. Iverunt ergo aliqui aliorum nomine, inter quos Petrum caput esse non oportebat; si tamen Petrus tunc Romam post exilium à Claudio redierat, vel etiam si rediisset; Romæ tunc præsens erat, & non potius relicta ibi Vicariis constitutâ jam Ecclesiâ ad alias Provincias à Spiritu Sancto missus esset. Nec enim Romanæ Cathedralis ita fixum posuimus Petrum, ut Prometheus saxo, sed potius ab ea identidem

dem existiſſe, ut Apoſtolicum petebat miniſterium, & ad eam, identidem rediſſe exiſtimamus. Ita ſentit etiam S. Epiphanius hæref. 27.

Ad id quod ſubjungitur dico, Judæos S. Paulum non rogaffe, ut eos de ſecta Chriſtianorum inſtrueret, ſed ut de ea ſuam proferret opinionem. Cum enim audirent, ei ſerè ubique contradicere, ut Legi Moſaicæ oppoſitæ, à Paulo, quem in Lege, Moſaica eruditiffimum eſſe noverant, audire cupiebant, quomodo cum Lege eam conciliaret; quod ille præſtitit *ſuadens eis de Jeſu ex Lege Moſyi & Prophetis à mane uſque ad vesp̄eram*. Act. 28. v. 23.

XVI. Sexta dubitandi ratio eſt: S. Petrus interfuit Concilio Hieroſolymitano pro finienda Legalium controverſia coaſto anno à Paſſione Domini circiter vigeſimo, & Cruci affixus fuit anno 14. Neronis, ideſt anno à Chriſti morte trigefimo ſeptimo: igitur Romanam Eccleſiam 25. annis regere non potuit.

Hæc obſectio non tangit præſentem caſum. Hic enim ſolum defendimus adventum S. Petri Romam, ejus prædicationem ibi, & Episcopatum. De tempore quo eam rexit, alia quæſtio eſt. Nihilominus dico, optime coherere, & quòd Petrus Concilio Hieroſolymitano interfuerit, & quòd Romæ Episcopos 25. annis fuerit. Nam ex dictis ſupra S. Petrus anno ſecundo Claudii ſeu à Paſſione Chriſti undecimo Romam venit, & Romæ Eccleſiam conſtituit, & Episcopatum relicto Antiocheno ibi aſſumſit. Poſt ſeptem annos, ideſt Claudii 9. & à Paſſione Chriſti 18., Romam cum cæteris Judæis Claudii edicto exulare coactus fuit. Hoc medio tempore in Judæam reverſus Concilio Heroſolymitano circa annum à Paſſione Chriſti propè vigeſimum ſeu Chriſti 51. interfuit. Coaſtum hoc Concilium fuiſſe durante exilio conſtat ex Act. 18., ubi S. Lucas ſcribit, quòd, cum Paulus poſt præſatum Concilium Corinthum veniſſet, *Inveniens quendam Judæum nomine Aquilam Ponticum genere, qui nuper venerat ab Italia & Prifcillam uxorem ejus (eò quòd præcepiſſet Claudius diſcedere omnes Judæos à Roma) acceſſit ad eos*. Sedatâ autem perſecutione contra Judæos per mortem Claudii, Petrus Romam rediit, Eccleſiamque ibi uſque ad martyrium, quod 14. Neronis anno contigit, gubernavit. Si ergo computentur anni ſeptem ante exilium, quatuor exilii, ac tredecim & aliquot meſes poſt exilium, habebimus annos 25. quibus Petrus Romanam Eccleſiam rexit.

XVII. Demum Salmaſius ex cap. 2. ad Galat. v. 2. 8. & 9. contendit, S. Petrum numquam prædiçaſſe Romæ, quia S. Paulus

lus

lus ibi asserit, Apostolatum Circumcisionis traditum esse Petro, sibi verò Gentium.

Hanc difficultatem longè ante prævenit & solvit S. Hieronymus in cap. 2. ad Galatas. *Occulta*, inquit, *hic oritur questio: Quid igitur Petrus si invenisset ex Gentibus, non eos adducebat ad Fidem? Aut Paulus si ex Circumcisione aliquos reperisset, non eos ad Christi Baptismum provocabat? Quæ ita solvetur, ut dicamus, principale singulis in Judæos & Gentes fuisse mandatum, ut qui defendebant Legem, haberent, quem sequerentur: Qui Legi Gratiâ præferebant, non deesset eis Doct̃or & prævius. In commune verò hoc habuisse propositi, ut Christo ex cunctis Gentibus Ecclesiam congregarent. Legimus enim & à Sancto Petro Gentilem baptizatum fuisse Cornelium, & à Paulo in Synagoga Judæorum Christum sæpissime prædicatum. Hæc Hieronymus. Et certè Sanctus Petrus in Concilio Apostolorum Act. 15. v. 7. *Viri fratres*, inquit, *vos scitis, quoniam ab antiquis diebus Deus in nobis elegit, per os meum audire Gentes verbum Evangelii & credere. Quibus alludit ad Visionem sibi factam lintei omni genere animalium pleni, de qua supra.**

Dato tamen (quamvis falsum sit) quòd Petrus ad solos Judæos specialiter missus fuerit, non proinde inferretur, cum Romam non venisse, ut vult Salmasius: Romæ enim viveute Petro multi erant Judæi, & quidem in tanto numero, ut ex dictis Claudius timens, ne tumultus excitarent Judæi, qui Christianam Fidem amplectebantur, anno Imperii nono eos Romæ eiecisset, & cum eis & S. Petrus; quamvis postea Nerone Imperante reversi fuerint.

XVIII. Vidisti Lector, quàm inanibus conjecturis & cavillis, constantem omnium seculorum Traditionem de S. Petri Romam adventu ac ejus Romano Episcopatu evertere vel saltem obscurare conantur Novatores; existimantes hac arte Romanum Pontificem tanquam spurium è Sede ac Primatu dejicere. Sed eos incautum blaterare, præter dicta, quisque vel mediocriter prudens judicabit.

Primò, quia factum publicum, cui Fideles omnes imò & Hæretici & Schismatici per quindecim secula Fidem adhibuerunt, pro certo tenendum est; etiamsi præter hanc traditionem & consensum nihil ei opituletur, cum præsertim nullum certum monumentum in contrarium asseratur.

Secundò, ut factum publicum Historiis cœvis seu ferè cœvis probatum, consensui unanimitatis, & vetustissimæ tot seculorum Traditioni, innumeris publicis monumentis, sepulchris,

ædi-

ædificiis privilegiis omniumque fidei innixum, evertatur, demonstratio, vel historica probatio adeò evidens opponenda est, quæ ad oculum ostendat, omnes, qui aliter usque nunc crediderunt, deceptos, vel nimium credulos fuisse. Nisi hæc offeratur, jus Gentium petit, ut publica fides adhibeatur cuilibet Urbi de ijs, quæ ad ejus historias & jura pertinent.

Igitur cum adventus S. Petri Romam, & Sedes Episcopalis ibi constituta sit factum publicum à Scriptoribus Apostolorum temporis ferè coævis acceptum, seculorum succedentium communi constantique consensu firmatum: Cum vetustissima plura monumenta, quæ Romæ adhuc extant, S. Petrum fuisse Romæ testentur, Apostolorum item sepulchra, martyrii locus, Ecclesiæ eorum nomini erectæ vel à primis seculis ostendantur, ac Romano Episcopo à SS. Petro & Paulo usque ad hanc diem, princeps in Ecclesia dignitas, & primatus prærogativa sit adjudicata: nec Adversarii in contrarium ullum proferant positivum ac evidens documentum, sed mera argumenta negativa, conjecturas, cavillos, nemo prudens vel suspicari poterit, his antiquam traditionem de Ecclesiæ Romanæ jure ac dignitate ob S. Petri in ea sessionem vel minimum infirmari. Quare in re tam certa non expedit diutius immorari, de qua egi in vera Ecclesia tom. 2. p. 1. 2. 3. §. 13.

## §. XI.

*Gesta S. Petri cum Pudente, Philone, Simone Mago &c.*

I. **R**OMAM appulsum S. Petrum ad contribules suos Judæos divertisse censet Baronius ad ann. Christi 44. num. 61. Ab Augusti enim temporibus incolebant Judæi regionem seu partem Romæ Translyberinam, ubi etiam ritus suos exercere Augustus eis permittebat. Unde Philo L. de legatione ad Cajum pag. 1014. commendans moderatum Augusti animum, qui se nec Deum nec Dominum appellari volebat, & propterea non dissimulans probari sibi Judæos, qui tales honores dari hominibus aversebantur: *Alioquin*, inquit, *non passus fuisset trans Lyberim bonam urbem teneri à Judæis, quorum plerique erant libertini, quippe qui belli jure in potestatem redacti, ab heris suis manumissi fuerant, permissi ritu majorum vivere: quod confirmat Martialis L. 2. Epigramm. Esto autem, ut refert Tacitus sub Tiberii principatus anno sexto ob eis conficta à Sejano crimina, Senatus consulto, partim in Sardiniam exules missi fuerint, partim*

Tom. V.

K

tim

tim ex Italia excedere jussi, nisi certam antè diem ritus suos exuissent; post Sejani tamen interitum, & præcipuè initio regni Claudii, qui eis savebat, Romam reversi sunt non mediocri numero, adeo ut scribat Dio L.9. de primis Claudii institutis: *Cùm Judai adeo iterum Romæ frequentes essent, ut difficulter sine tumultu propter multitudinem urbe possent arceri, non ejecit quidem eos, patriis legibus vitam tolerantes, vetuit convenire.* Licèt autem anno sui imperii nono ex dictis eos Româ expulerit Claudius; quia tamen S. Petrus initio regni sui idest anno secundo Romam advenit, idèò multitudinem Judæorum ibi invenire potuit, ad quos veniens diverteret, & quibus Christum primò annuntiaret.

II. Prosequitur Baronius, quòd ubi Petrus Evangelium prædicans Gentilibus Romanis innotuit, non ampliùs apud Judæos permissus est agere, sed à Pudente Senatore, qui Christo credidit, in domum suam exceptus est: hanc domum, inditio est, fuisse primam Ecclesiam, ad quam Fideles conveniebant, ut Verbum Christi à Petro audirent, & in qua Sacrum primò Romæ celebravit, antiquitùs titulo Pudentis, deinde Pastoris, hodie S. Pudentianæ appellata. Hunc Pudentem suscepisse domi suæ hospitio S. Paulum, vel saltem ejus discipulum fuisse, habetur ex 2. Epist. ad Timotheum Romæ data, in qua c.4. v.2. S. Paulus dicit, *salutant te Eubulus, & Pudens, & Linus, & Claudia, & fratres omnes.* Pudentem virum Senatorium facit Martyrol. Rom. ad diem 19. Maii, ac S. Pudentianæ Patrem, & etiam S. Praxedis, ut volunt alii ex Claudia ejus uxore. Menologium Basilii ad 15. Aprilis dicit Pudentem unum ex 72. Discipulis fuisse, secutum fuisse Paulum, & unâ cum Aristarcho & Trophimo sub Nerone martyrio vitam finisse. Quæ à Dorotheo (fonte non adeò puro) se accepisse dicit. Suspiciantur tamen aliqui, Pudentem Senatorem, & Pudentianæ ac Praxedis parentem non esse hunc, qui Petrum, & Paulum hospitio recepit, sed alium posteriorem sub S. Pio Papa, nempe centum annis post scriptam à Paulo Epistolam. Res ergo est incerta.

III. S. Petrum dum Romæ sub Claudio ageret, familiarem cum Philone Judæo consuetudinem habuisse, veluti rem veritati consonam refert Eusebius L.2. hist. c.17. ubi ait: *Quem quidem Philonem fama est Claudii Augusti temporibus Romæ cum Petro, qui verbum Dei illic prædicabat, familiarem congressum habuisse.* Et hoc colligit ex ejus scriptis postea elaboratis, ubi de multis Ecclesiasticis regulis, quas Ascetæ & Therapeutæ sub S. Marco in Ægypto servabant, nimirum, de omnium bonorum alienatione, multa dicit, quæ non ab aliis, quàm à viris Evan-

Evangelicis, & præcipuè à Petro, cum quo eodem tempore Romæ fuit, rescire potuit (quamvis controvertatur, an Ascetæ & Therapeutæ essent Christiani, an Judæi) Idem confirmat S. Hieronymus de Script. Eccles. in Philone dicens: *Quam secundâ vice venisset ad Claudium, in eadem Urbe loquutum esse* (ajunt) *cum Apostolo Petro, ejusque habuisse amicitias, & ob hanc causam Marci discipuli Petri apud Alexandriam sectatores ornasse laudibus suis* (quos Christianos non Judæos fuisse Hieronymus putat.) Idem sentit Photius Biblioth. cod. 105. addens: *Ferunt, eundem Christianis etiam sacris initiatum, ab his tandem dolore quodam atque iracundia descivisse.* Sed unde hoc hauserit, non dicit.

IV. Quia tamen præcipuus finis, propter quem S. Petrus à Spiritu Sancto directus Romam se contulit, fuisse creditur, ut ibi Simonem Magum confunderet, de hoc specialiter agendum est. De Simone isto aliqua supra diximus §. 5. à num. 3. quæ huc revocanda sunt. Postquam igitur Simon A. R. 8. v. 20. fuit à S. Petro acriter objurgans, quod Spiritus Sancti gratiam pecuniâ emere tentasset, tantum abfuit, ut eum nequitia suæ, ut Petrus monuerat, pœniteret, quin potius exasperatus suo infligante dæmone ad deteriora præceps ruerit. *Statim ergo, ut refert Eusebius L. 2. hist. c. 14. præligiator ille . . . simul atque in Judæa à Petro Apostolo convictus est, omniaque ejus maleficia patefacta, longinque trans mare fugam arripuit ab Orientis partibus ad Occasum profectus: neque aliter se liberè, & ex animi sui sententiâ victurum esse speravit.* Interea teste Theodoro L. 1. hær. fab. cap. 1. pertransiens, si quam Provinciam invenisset, quam Evangelii præcones nondum excurrissent, eò se conferens, erroribus suis incautos populus præoccupabat. Cùm Tyrum Phœnicia venisset, prostitutam feminam nomine Selenem, sive Helenam sibi adjungens omnium itinerum suorum comitem adhibuit. Et hanc Helenam ipsissimam esse stultis imponebat, ex qua Trojanum bellum olim excitatum fuit.

V. His igitur sparsis erroribus, pergit Eusebius: *Tandem ad urbem Romam delatus, ope atque adjumento subsidentis ibidem Dæmonis brevi conatus suos tantoperè promovit, ut illius Civitatis homines ei tanquam Deo statuas collocarint.* Hanc fuisse statuam, de qua supra dixi ex Justino Apol. 2. pro Christianis, quem refert Eusebius citato loco cap. 13. communis sententia est. Jussu namque Senatus statua trans Tyberim Simoni erecta fuerat cum epigraphe *Simoni Deo Sancto, sive Simoni Sancto, & Deo*; quod narrant etiam Irenæus L. 1. cap. 23. Tertullianus in Apologet. cap. 13. Cyrillus Hier. Catechesi 6. Augustinus, alique. Qui-

dam recentiores critici, Justinum cæterosque Patres hallucinari potuisse suspicati sunt ex statuâ quâdam erectâ *Semoni Sango* vel *Sango* Paganorum Numini. Huic suspitioni occasio fuit, quia Gregorio XIII. Pontifice in insula Tyberina inter duos pontes è ruderibus extracta fuit epigraphæ, seu lapis tali inscriptione notatus:

*Semoni Sango Deo fido sacrum  
Sex. Pompejus S. P. E. Col. Mussianus  
Quinquennalis Decur. Bidentalis  
Donum dedit.*

Sed, ut benè notat Baronius ad ann. 44. num. 55. hæc omnino diversa est ab ea, quam subtus statuam Simoni Mago positam dicunt Justinus & cæteri veteres. Primò, quia hæc adeò exiguæ latitudinis est, ut capax non sit sustentandi simulacrum humanæ staturæ simile. Secundò, quia ista est dicata non *Simoni*, sed *Semoni*, non *Sauilo*, sed *Sango*, vel *Sanco*; Semonis autem apud Romanos erant Dii, quos nec cælo dignos ob meritum inopiam reputabant, sicut Priapus, Vertumnus, nec terrenos volebant ob reverentiam. Sango verò, vel Sancus Sabina lingua Hercules dicebatur teste Varrone L. 4. de lingua Latina. Tertio, Justinus Martyr temporibus Apostolorum vicinus in Apologia 2. pro Christianis ad Antoninum Imperatorem & Romanos datâ hac de statuâ Simoni Mago erectâ cum epigraphe *Simoni Deo Sancto* eis de Simone Mago præter alia objicit: *Et statuâ apud vos velut Deus honoratus (est) quæ statuâ in amne Tyberi inter duos pontes est erecta, latinam hanc habens inscriptionem, Simoni Deo Sancto: & Samaritani propè omnes, ex aliis autem nationibus etiam perpauci illum quasi primum Deum esse confitentes adorant quoque.* Num ergo si Justinus in hoc deceptus fuisset, Gentiles tacuissent, non potius de sua deceptione redarguissent? Num Irenæus L. 1. cap. 10. modò 23. ejusdem seculi auctor, & Tertullianus sequentis seculi scriptor Apologet. adv. Gentes, idem impunè exprobrare potuissent, si vana deceptio esset, & *Semoni*, non *Simoni* erecta statuâ fuisset?

VI. His ergo honoribus auctus Simon Romanos præstigiis suis ad se trahebat: *Sed hæc non diu* (pergit Eusebius citato loco cap. 14.) *ex voto illi fluxerunt: confestim enim ipsis Claudi Augusti temporibus benigna & clementissima Dei providentia fortissimum, & maximum inter Apostolos Petrum principem, ac Patronum Romæ adversus illum humani generis labem ac pestem perducit. Qui tanquam strenuus divina militia ductor cælestibus armis munitus, pretiosam illam hujus intelligibilis mercem ab Oriente ad eos,*  
qui



qui versùs occasum habitabant, detulit: lucem ipsam & salutarem mentibus doctrinam, regnum scilicet Calorum eis annuntians. Et cap. 15. subdit: Igitur cum Dei doctrinâ Romanos adventu suo illustrasset, Simonis quidem vis ac potentia cum ipso simul auctore brevi extincta, ac deleta est. His posterioribus Eusebii verbis moti putarunt aliqui, Simonis per aera volatum, & ad Petri vocem lapsum, & interitum in primo adventu & sub Claudio contigisse, sed communiùs & veriùs existimatur, hoc in secundo Petri accessu Romam & sub Nerone evenisse, de quo infra. Interea detectâ Petri prædicatione Simonis fraude, publico honore impostor excidit, qui vel Romam ad tempus deseruit, vel Romæ apud suos discipulos occultus mansit.

VII. Hoc intervallo temporis, nempe Petro morante Romæ sub Claudio, scriptum creditur à Marco Evangelium. Cum enim audissent Romani Petrum prædicantem, & parum haberent semel audisse, nec contenti essent cœlestis verbi doctrinam vivâ voce nullis traditam scriptis accepisse, rogarunt Marcum, qui Petro comes Romam venerat, ut eam scripto eis traderet. Quod Marcus fecit, & Petrus auctoritate suâ comprobavit. Hoc ex Eusebio L. 2. hist. cap. 14. vel 15. S. Hieronymo L. de Script. Eccl. in Marco & Irenæo L. 3. cap. 1. ostendi to. 1. de Ver. Relig. Christ. tract. de Lib. cap. 1. de Evangelii s. 3. num. 17. &c. quæ videri possunt.

Eodem etiam tempore scripta creditur Petri prima Epistola, de qua supra, & quidem Romæ sub Babylonis nomine. Illi scribendæ uti & phrasibus suggerendis operam Marcus præstitisse creditur. Tabellionem fuisse constat Silvanum, eundem fortasse ac Silam in Actibus Apost. celebrem. Inscripta autem fuit ad Fideles Bithyniæ Ponti Galatiæ Asiæ & Cappadociæ, potissimum ex Judæis, Fideles tamen etiam ex Ethnicis comprehendit. Græco sermone, & euergiâ Principe Apostolorum dignâ exarata est.

VIII. Anno à Christi nativitate 46. Claudii vero 4. putat Baronius ad dictum annum, quod Petrus stabilitâ jam Romæ Ecclesiâ, ut universi gregis sui Pastor à Christo delegatus, cogitarit muneris sui partes esse, ut ad cæteras Occidentalis Orbis partes oculos admovens, illas discipulis, qui cum ipso erant, partiretur, & quisque sibi concreditam evangelicâ luce persunderet. Ab hoc enim fonte ad Occidentis Ecclesiâs Evangelicam fidem manasse significavit anno 400. Innocentius I. epist. 1. ad Decentium Episcopum Eugubinum his verbis: *Quis enim nesciat, aut non advertat, id quod a Principe Apostolorum Petro Romana*

*Ec-*

*Ecclesia traditum est, ac nunc usque custoditur, ab omnibus debere servari, nec superinduci, aut introduci aliquid, quod aut auctoritatem non habeas, aut aliunde accipere videatur exemplum? Præsertim cum sit manifestum, in omnem Italiam, Gallias, Hispanias, Africam, atque Siciliam, insulasque interjacentes, nullum instituisse Ecclesias, nisi eos, quos venerabilis Apostolus Petrus, aut ejus Successores constituerint Sacerdotes? Aut legant, si in his Provinciis alius Apostolorum invenitur, aut legitur docuisse. Quod si non legunt, quia nusquam invenitur, oportet eos hoc sequi, quod Ecclesia Romana custodit, à qua eos principium accepisse non dubium est: ne dum peregrinis assertionibus student, caput institutionum videantur omittere. Hæc Innocentius.*

IX. Quinam autem fuerint, quos S. Petrus misit, ex Martyrologio Romano colligi potest. Pro Sicilia ad Tauromenii urbem missum fuisse Pancratium. Ita ad diem 3. Aprilis: *Tauromenii in Sicilia Sancti Pancratii Episcopi, qui Christi Evangelium, quod à S. Petro & Apostolo illuc missus predicaverat, martyrii sanguine consignavit: de quo eadem die Beda, Ufuardus, & Ado. Græci etiam in Menolog. ad diem 9. Febr. ubi addunt, quod Pancratii patriam Antiochenus Petro amicitia junctus: Secutus est eum, & ab ipso ordinatus est Tauromenii Episcopus, & cum in Christi nomine doceret, clam ab infidelibus interfectus est.* Eadem etiam die mentionem faciunt alterius S. Petri discipuli in Siciliam missi *Marciani* nomine, de quo Martyr. Rom. hæc habet 14. Junii: *Syracusis S. Marciani Episcopi, qui à Beato Petro ordinatus Episcopus, post Evangelii predicationem à Judeis occisus est.*

Catanam quoque misisse Beryllum testantur tum Martyrol. Rom. ad diem 21. Martii: *Catana Sancti Berylli, qui à Beato Petro ordinatus Episcopus, cum multis Gentilium convertisset ad Fidem, in ultima senectute quievit in pace:* Tum Menolog. Græcorum ad eandem diem his verbis: *Sanctus Pater noster Beryllus ex Antiochia Syria oriundus Sancti Petri Apostoli discipulus factus, ab eo Episcopus Catana in Sicilia ordinatus est. Qui cum præclarè gregem rexisset, & in pascua salutaria deduxisset, multosque ex infidelibus ad Christi Fidem adduxisset, dono plurimorum miraculorum dignus effectus est, ex quibus unum hic commemorari oportet. Fons erat circa illum locum amarissimam habens aquam, quam susus ad Deum precibus in dulcem potum transmutavit. Quod cum vidisset quidam Græci idololatria acerrimè addictis, Christo credidit, & cum eo plures alii. Cum verò alia eaque non pauca miracula perpetrasset, & ad profundam senectutem pervenisset, ad Domini migravit, æternam ab eo vitam consecutus.*

X. Nea-

X. Neapolim in Campania misit Aspren, qui, ut in Martyrol. 3. Augusti, à Sancto Petro Apostolo ab infirmitate curatus, & deinde baptizatus, ejusdem Civitatis Episcopus ordinatus fuit. Tarracinam misit Epaphroditum, de quo ad diem 22. Martii. Romulum ad varia Italiæ loca misit, qui Fesulis in Tuscia martyr occubuit (ad diem 6. Julii) Paulinum Lucam (12. Julii) Ravennam Apollinarem, de quo 23. Augusti: *Hic ab Apostolo Petro Romæ ordinatus, & Ravennam missus, pro Fide Christi diversas & multiplices pœnas perpeffus est; postea in Emilia Evangelium prædicans plurimos ab idolorum cultu revocavit: tandem Ravennam reversus sub Vespasiano Casare gloriosum martyrium consummavit.* De hoc Menol. ad eundem diem; Ado, Bedæ, & alii omnes. Veronam Euprepium (in notis Baron. ad diem 24. Augusti) Patavium Prodocimum (Martyr. ad diem 7. Novembris) Trevirim Maternum, qui (ut in Martyr. ad diem 14. Septemb.) Tungrenses, Colonienfes, & Trevirenses, aliosque fuitimos populos ad Christi Fidem perduxit. Ad Rhemenfes Xystum, de quo (1. Septemb.) dicitur: *Rhemi in Gallia Sancti Xysti discipuli Beati Petri Apostoli, qui ab eo primus ejusdem Civitatis Episcopus consecratus sub Nerone martyrii coronam accepit.* Ad Cenomanos Julianum, de quo 27. Jan. dicitur: *Apud Cenomanos depositio S. Juliani primi ejusdem urbis Episcopi, quem Sanctus Petrus illuc ad prædicandum Evangelium misit.* Catalaunum in Gallia misit Memmium, de quo 5. Augusti legitur: *Catalauni in Gallia Sancti Memmi civis Romani, qui à S. Petro illius Civitatis Episcopus consecratus, populum sibi commissum ad Evangelii veritatem perduxit.* Alios in Hispaniam, cæterasque Occidentis Provincias à S. Petro missos prætereo, ne molestus sim; ex his enim abundè patet, quantâ sollicitudine Princeps Apostolorum Evangelio Christi per Occidentem promulgando incumberet. Hæc ab eo gesta existimo ab anno Claudii secundo, quo Romanam erexit Ecclesiam usque ad annum ejusdem nonum, quo Judæis Româ exulare jussit, eam Petrus quoque ad tempus, ut dicitur, reliquit.

## §. XII.

*De Concilio Hierosolymitano, & de reprehensione  
facta à S. Paulo.*

I. **R**efert Baronius ad ann. 51. num. 3. ex Metaphraste ad diem 29. Junii, Petrum cum Româ recessisset, in Africam navigasse, & Carthaginensem erexisse Ecclesiam, ac ibidem

dem reliquisse Crescentem discipulum, qui illam administraret; indeque Alexandriam profectum: Alexandrinâ fundatâ Ecclesiâ, ibique Marco constituto Episcopo, ac Thebis Rufo, Hierosolymam profectum esse. Sed, ut benè notat Baronius, cum de itinere Petri in Africam, Thebas, & Alexandriam, & fundatione Ecclesiarum ibi majorum auctoritatem non afferat Metaphrastes, res in incerto est. Marcum, scripto Evangelio, Alexandriam perrexisse, & fortè etiam à S. Petro, cujus discipulus erat, missus, certum est, sed quòd Petrus Alexandriam se contulerit, ibi Ecclesiam ipse erexit, & ad eam regendam Marcum reliquerit, desunt probata documenta.

II. Hierosolymam jam advenerat Petrus, cum (ut refert S. Lucas Act. 15.) *Quidam descendentes ex Judæa docebant fratres: quia nisi circumcidamini secundum morem Moysi, non potestis salvari. Factâ ergo seditione non minimâ, Paulo & Barnabâ adversus illos, statuerunt, ut ascenderent Paulus & Barnabas, & quidam alii ex aliis ad Apostolos & presbyteros in Jerusalem super hac questione.* Cum enim Ecclesia non ex solis Judæis, sed etiam ex Gentibus coalescere cœpisset, ac Judæis contententibus, oportere ad salutem omnes circumcidi, Paulo verò & Barnabâ ex adverso negantibus, ad hoc dissidium tollendum impletum est, quod præceperat Deus Deuter. 18. & ex utraque parte missi sunt Hierosolymam, ubi erant Ecclesiæ præsidēs, ab eis expectantes judicium, quod ad partes deferretur, cuique omnes parerent. Quem morem in rebus dubiis præsertim Fidem tangentibus semper servavit Ecclesia.

III. Hujus seditionis incentorem fuisse hæresiarcham Cerinthum, scribunt Epiphanius hæres. 28. asserens, eam movisse antequam suam in Asia hæresim spargeret: semel quidem Hierosolymis, cum Petrus à Cornelio baptizato illuc esset reversus Act. 11. v. 283. Deinde perturbatis Antiochenis, ad quos Apostoli ex Concilio Hierosolymitano rescripserunt Act. 15. v. 24. Tertiò Hierosolymis adversus Paulum Act. 21. v. 28. Philastrius item hæres. 36. *Hic, inquit, sub Apostolis questionem seditionis commovit, dicens, debere circumcidi homines: cujus causâ contra illum & hæresim ejus decreverunt in suis Actibus Apostoli sententiam non debere jam homines Judaismo, id est circumcissioni, aliisque talibus superstitionis vana parere carnalibus, qui de gentibus venientes credebant in Christum Dominum nostrum Salvatorem.*

IV. Illi ergo (nempè Paulus Barnabas & alii missi Act. 15. v. 3.) *deducti ab Ecclesia, pertransibant Phœnicem & Samariam narrantes conversionem Gentium: & faciebant gaudium magnum*

omni.

omnibus fratribus. Cùm autem venissent Hierosolymam suscepti sunt ab Ecclesia & ab Apostolis & Senioribus, annuntiantes quanta Deus fecisset cum illis. Ibi autem excitatâ rursùs seditione à quibusdam de hæresi Phariseorum, Cerintho duce, dicentibus oportere circumcidi eos, præcipere quoque servare Legem Moyſi, conveniunt Apostoli & Seniores videre de Verbo hoc. Ecce convocatum Concilium. An huic omnes omnino Apostoli interfuerint, incertum. Scriptura de solis Petro, Paulo, Joanne, Jacobo, & Barnaba commemorat. Imò nec Paulus ad Galat. 2. v. 9. qui hâc occasione Hierosolymam venerat, ullum alium nominat; ait enim *Jacobus, & Cephas, & Joannes, qui videbantur columna esse, dexteram dederunt mihi & Barnabæ societatis*. Et hoc mihi quasi certum videtur. Tum quia cùm dissensio non esset de hac re inter Apostolos, non oportebat, ut omnes convenirent. Tum quia cùm essent jam per totum Orbem dispersi cæteri, non poterant sine miraculo nec vocati adedò distantes simul Hierosolymis adesse: nisi fortè diceretur, quòd sicut Paulus Galat. 2. v. 2. revelatione præmonitus Hierosolymam statò tempore ascendit, *Ascendi autem secundum revelationem*: ita alii spiritu Dei præmoniti illuc accesserint. Agebatur enim de re gravissima, & totius Christianæ Fidei fundamento. Aderant impugnatores acerrimi, unde videbatur pleno Apostolorum coetu definienda, & omnium consensu firmanda sententia; & hoc Epistola decretoria omnium Apostolorum nomine data testari videtur Act. 15. v. 22. *Tunc placuit Apostolis & Senioribus cum omni Ecclesia eligere viros ex eis, & mittere Antiochiam cum Paulo & Barnaba, Judam, qui cognominatur Barsabas, & Silam, viros primos in fratribus, & scribeutes per manus eorum: Apostoli & Seniores fratres his qui sunt Antiochia &c.* Titulus autem iste Apostoli plenum Apostolorum collegium, sicut titulus *Senatus* præpositus alicui Edicto plenum Senatum indicare videtur. Hæc probabiliter dici possunt sed cùm Scriptura nonnisi quatuor recenscat, res in ambiguo est relinquenda.

V. Convocato igitur Concilio, dicit Lucas v. 7.: *Cùm magna conquisitio fieret, surgens Petrus dixit ad eos: Viri fratres, vos scitis, quoniam ab antiquis diebus Deus in nobis elegit per os meum audire Gentes Verbum Evangelii, & credere: & qui novit corda Deus testimonium perhibuit dans illis Spiritum Sanctum sicut & nobis: & nihil discrevit inter nos & illos, fide purificans corda eorum. Nunc ergo quid tentatis Deum imponere jugum super cervices Discipulorum, quod neque patres vestri, neque nos portare posuimus? Sed per gratiam Domini Jesu Christi credimus salvari,*  
Tom. V. L quem-

*quemadmodum & illi. Ac si diceret: Si Deus testimonio suo hoc ostendit, dans Gentibus incircumcisis Spiritum Sanctum sicut & nobis, & nihil discrevit inter nos & illos, fide purificans corda eorum, quid ultra tentatis, addendo circumcisionem & alia onera Legis importabilia, cum sine istis nos & illos ad gratiam suam per fidem acceptet Deus? Hæc Petri Sententia fuit, quam primus & Princeps Apostolorum dixit, & in quam, veluti prærogativâ sui suffragii rem definitam, *Jacobus Apostolus & omnes simul Presbyteri transferunt* (inquit Hieronymus Epist. 39. modò 74. ad Augustinum) Unde hæc auditâ subdit Lucas v. 12. *Tacuit autem omnis multitudo.* Quod si Jacobus postea locutus est; hoc non fecit, nisi Sententiam Petri suscipiens, eamque Prophetis conformem esse demonstrans.*

VI. Ut ergo statuta sententia omnibus nota fieret, placuit Apostolis & Senioribus per Paulum Barnabam & alios selectos viros litteras dare ad Fideles Antiochenos, inter quos præcipuè orta erat contentio, tenoris sequentis *Apostoli & Seniores fratres: his qui sunt Antiochia & Syria & Cilicia fratribus ex Gentibus salutem. . . . Visum est Spiritui Sancto & nobis nihil ultra imponere vobis oneris, quàm hæc necessaria: Ut abstineatis vos ab immolatis simulacrorum & sanguine & suffocato & fornicatione: à quibus custodientes vos, bene ogetis. Valet.* His clausum est Concilium.

VII. Difficultas est de illis ultimis verbis: *Ut abstineatis ab immolatis simulacrorum, & sanguine & suffocato & fornicatione,* quæ Jacobo suggerente decreto addita sunt. Nam abstinentia à sanguine & suffocato præceptum legale est, abstinentia verò ab immolatis & fornicatione naturale est æquè obligans Gentiles ac Judæos.

In hac difficultate ait S. Th. 1. 2. q. 103. a. 4. ad 3. *Quidam dixerunt, quod illa prohibitio Apostolorum non est intelligenda ad litteram, sed secundum spirituales intellectum: ut scilicet in prohibitione sanguinis intelligatur prohibitio homicidii: in prohibitionem suffocati intelligatur prohibitio violentiæ & rapinæ: in prohibitionem immolatorum intelligatur prohibitio idololatriæ: fornicatio autem prohibetur tanquam per se malum. . . . Sed quia homicidium & rapina etiam apud Gentiles reputabantur illicita, non oportuisset super hoc speciale mandatum dari his, qui erant ex gentilitate conversi ad Christum. Rejectâ insuper aliorum opinione dicentium, præfata comestibilia fuisse prohibita ad gulam comprimendam, quia sunt alia cibaria delicatiora, & gulam magis provocantia, quàm sanguis & suffocatum; ideo*

VIII. Re-

VIII. Respondet S. D. *Dicendum secundum tertiam opinionem, quod ad litteram ista sunt prohibita, non ad observandum Cereemonias Legis à sed ad hoc, quod posset coalescere unio Gentilium & Judaeorum simul habitantium. Judaei enim propter antiquam consuetudinem sanguis & suffocatum erant abominabilia. Comestio autem immolatorum simulacris poterat in Judaeis aggenerare circa Gentiles suspensionem redditus ad Idololatriam: & ideo ista fuerunt prohibita pro tempore illo, in quo de novo oportebat convenire in unum Gentiles & Judaeos. Procedente autem tempore, cessante, causâ cessavit & effectus, manifestatâ Evangelicâ Doctrinâ veritate, in qua Dominus docet, quod, nihil quod per os intrat, coinquinat hominem, ut dicitur Matth. 15. & quod, nihil est rejiciendum, quod cum gratiarum actione percipitur, ut 1. ad Timoth. 4. dicitur. Fornicatio autem prohibetur specialiter, quia Gentiles non reputabant eam esse peccatum. Ita S. Thomas. Decretum ergo quoad substantiam controversiæ, nimirum Legalia de rigore præcepti non esse amplius observanda, fuit à D. Petro prolatum, & à Jacobo & Concilio solum quoad circumstantias & modum quâdam œconomiam pro illo tempore explicatum.*

IX. Superesset quæstio de anno, quo hoc Concilium celebratum fuit. Juxta communio rem sententiam jam dixi celebratum fuisse anno 9. Claudii & Christi 51. de eodem enim anno, quo celebratum est Concilium Hierosolymis, loquitur Paulus ad Galat. 2. cum ait: *Deinde post annos quatuordecim iterum ascendi Hierosolymam cum Barnaba assumpto Tito. Descendi autem secundum revelationem, & contuli cum illis Evangelium, quod prædico in Gentibus, seorsum autem ab illis qui videbantur aliquid esse. Causam adventus sui fuisse controversiam de Legalibus, ostendit ipse ibi v. 4. & 5., ubi ait, se venisse propter subintroductos falsos fratres, qui subintroierunt explorare libertatem, quam habemus in Christo Jesu, ut nos in servitutem redigerent. Cum autem de controversia Legalium nullus alius legatur habitus Conventus, nisi ille, de quo Lucas ut supra Act. 15., sit ut de eodem loquatur Paulus ad Galat. 2.. Verum est hic examinandum, à quo tempore numerandi sint illi quatuordecim anni, post quos Paulus dicit se ascendisse iterum Hierosolymam, an à tempore suæ Conversionis, de qua cap. 1. meminerat, an post triennium suæ vocationis, quando, ut ait eodem c. 1. v. 18., *Post tres annos veni Hierosolymam*. Communius creditur, illos quatuordecim annos numerandos esse ab anno suæ conversionis, & in illis includi tres annos, de quibus supra dixerat. Aliter tamen sentit S. Hieronymus in cap. 2. Ep. ad Galat. nimirum quatuordecim illos*

annos numerandos esse ab illis tribus; ita ut decimosextimo à sua conversione anno Jerusalem iterum venerit ad Concilium, quod propterea celebratum fuerit anno Christi 54. & Claudii 12. In hoc aliquas difficultates elevat Baronius ad ann. 51. num. 8., quas Lectoris iudicio relinquit. Probabiliorem tamen censo primam opinionem, quâ & salvatur, Petrum 25. annis Romanam Cathedram tenuisse, & anno Christi 69. ineunte, qui 13. Nero- nis fuit, martyrium consummasse.

X. Dissoluto concilio Hierosolymis habito, S. Petrus Antiochiam se contulit, ubi consuetudine inita cum Fidelibus ex Gentibus ad Christum conversis nullam in cibis discretionem observabat: mox verò supervenientibus à Judæa ex Hebræis Fidelibus, veritus, ne illis scandalo esset, à Gentilium consortio & mensis se subducebat. Porro cum eò venisset Paulus, hoc animadvertens, metuensque ne eo exemplo Ethnici ad legalia observanda crederent se teneri contra recentem Concilii Hierosolymitani definitionem, liberioribus verbis Petrum objurgavit. Hoc Paulus ipse ad Gal. 2. v. 11. &c. his verbis exprimit: *Cum autem venisset Cephas Antiochiam, in faciem ei resisti, quia reprehensibilis erat. Prius enim quam venirent quidam à Jacobo cum Gentibus edebat: Cum autem venissent, subtrahabat & segregabat se, ut non eos, qui ex circumcisione erant. Et simulationi ejus consentirent ceteri Judæi, ita ut & Barnabas duceretur ab eis in illam simulationem. Sed cum vidissem, quod non rectè ambularent ad veritatem Evangelii, dixi Cepha coram omnibus: Si tu cum Judæis sis Gentiliter vivis & non Judaicè, quomodo Gentes cogis Judaizare?*

XI. Non defuerunt, qui existimarint, hunc Cepham à S. Paulo reprehensum, non fuisse S. Petrum Principem Apostolorum, sed unum ex 30. Discipulis. Ita Eusebius L. 1. Hist. c. 12. refert ex Clemente Alexandrino L. 5. Hypotyposeon his verbis: *Cepham illum, cui Antiochiam ingressu palam se Paulus resistisse dicit, quoniam reprehensione dignus erat, unum, aut, fuisse ex septuaginta Discipulis Petro Apostolo cognominem.* Omnes tamen tum veteres tum novi Interpretes Cepham illum fuisse Petrum Apostolum consentiunt. S. Hieronymus in cap. 2. ad Galat. contrarium opinantes rejicit, dicens, in Evangelii & Epistolis alium Cepham non legi nisi Petrum, quem nos Latine & Græce Petrum in Hebraicè verò & Syriacè *Cepham*. Imo Porphyrius ipse Christianorum hostis infensissimus ex hoc facto Paulum procacitatis arguit, quod Principem Apostolorum ausus sit in faciem arguere, ut ex Hieronymo Ep. 89. modò 74. ad Augustinum. Por-



Porphyrio tamen pejor fuit Julianus Apostata, nam ubi ille, ut Petri ferveret dignitatem, objurgat Paulum, hic ex præfenti factio invehitur in Petrum. De eo S. Cyrillus L. 9. contra Julian. propè finem *Ad hæc, inquit, audax ille & confidens, Petrum Apostolorum præcipuum cavillatur, & hypocritam esse dicit, atque à Paulo reprehensum, quòd modò Græcorum modò Judæorum ritu vivere vellet.* Juliani spiritus hæredes Novatores hoc factum extollunt, ut à Petro principatum inter Apostolos eripiant. Num enim, ajunt, ausus fuisset inferior arguere superiorem, & quidem publicè?

XII. Sed hæc non obstant. Licet enim inferiori publicè arguere etiam superiorem; si publicè deficiat, & talis defectus vergat in offensionem & periculum multitudinis; arguere, inquam, non auctoritate sed caritate & zelo Dei: quæ enim Deum & veritatem Evangelii tangunt liberè sunt facienda, & imprudens saltè est omnis simulatio, maxime si bonum multitudinis periclitetur, ut erat in casu: nam ex facto Petri Ecclesiæ Pastoris & Capituli, à mensis Gentilium se subducentis Judæis supervenientibus, arguebant qui hoc resciebant, Legalia de necessitate esse adhuc observanda: quem errorem auferre volens Paulus, palàm Petrum increpuit, quia, ut ait S. Th. in cap. 2. ad Galat. Lect. 3., Paulus *in executione auctoritatis* par erat Petro, est non *in auctoritate Regiminiis*. Petrus autem modesto & humili silentio reprehensionem suscipiens periculo erroris tollendo & ipse cooperatus est. Quare Chrysostomus in c. 2. ad Galat. Unde, inquit, & Paulus objurgat, & Petrus sustinet; ut dum magister objurgatus conticescit, facillimè Discipuli mutarent sententiam. Et S. Thomas in idem caput Lect. 3. concludit: *Ex prædictis ergo habemus exemplum; Prælati quidem humilitatis, ut non dedignentur à minoribus & subditis corrigi; Subditi verò exemplum zeli & libertatis, ut non vereantur Prælatos corrigere; præsertim si crimen est publicum, & in periculum multitudinis vergat.*

De hoc S. August. Ep. 19. modò 82. ad Hieron. cap. 2. ait. *Ipsè verò Petrus, quod à Paulo fiebat utiliter libertate caritatis, sanctæ ac benignæ pietate humilitatis accepit; atque ita variis & sanctius exemplum posteris præbuit, quo non dedignarentur, sicuti fortè recti tramitem reliquissent, etiam à posterioribus corrigi; quàm Paulus, quo confidenter auderent etiam minores majoribus, pro defendenda Evangelica veritate, salvâ fraternâ caritate resistere. Nam cum satis sit, à tenendo itinere in nullo quàm in aliquo declinare; multò est tamen mirabilius & laudabilius libenter accipere corrigentem, quàm audeat corrigere deviantem. Est laus atque libera*

*libertatis in Paulo, & sanctæ humilitatis in Petro, quæ quantum mihi pro modulo meo videtur, magis fuerat adversus calumniantem Porphyrium defendenda, quàm ut ei daretur major obirelandi occasio, quàm multò mordacius criminaretur, Christianos fallaciter vel suas litteras scribere, vel Dei sui Sacramenta portare.*

XIII. In hoc factò acris disceptatio fuit inter Hieronymum & Augustinum. Volebat Hieronymus, Petrum non reverâ & ex animo, sed simulatoriè tantùm per simulationem ex composito factam Legalia coram Judæis observasse, ut supervenienti Paulo locum daret ipsam reprehendendi, & sic Judæi ab eis abstinere. Putabat enim Hieronymus, statim post Christi mortem & resurrectionem Legalia facta fuisse non solum mortua, sed & mortifera. Augustinus autem, qui existimabat Legalia eo tempore fuisse quidem mortua & vacua, nondum tamen evasisse mortifera, dicebat Petrum verè & ex animo Legalia observasse: at quia Paulus vidit, ex hoc Petri, factò offensionem sumere possetum Gentiles tum Judæos arbitantes legalia de necessitate esse servanda, judicans minus opportunè & fortè minus prudenter à Petro fieri, zelo motus eum reprehendit. An verò Petrus saltem leviter in hoc peccaverit, non est hujus loci discutere. Solum cum S. Cypriano Ep. 76. ad Quintum concludam ad Petri modestiæ commendationem, & nostrum exemplum sic: *Nec Petrus, quem primum Dominus elegit & super quem edificavit Ecclesiam suam, cùm secum Paulus de Circumcisione postmodum disceptaret, vindicavit sibi aliquid insolenter, aut arroganter assumpsit, ut diceret, se Primatum tenere, & obtemperari à novellis & posteris sibi potius oportere. Nec despexit Paulum, quod Ecclesia prius persecutor fuisset; sed consilium veritatis admisit, & rationi legitimæ quam Paulus vindicabat facillè consensit; documentum scilicet nobis & concordia & patientia tribuens, ut non pertinaciter nostra amemus, sed quæ aliquando à fratribus & collegis nostris utiliter & salubriter suggerantur, si sint vera & legitima, ipsa potius nostra ducamus.*

## §. XIII.

*De aliis Petri gestis, Reditu Romam & Simonis Magi Nece.*

I. Quid post annum Christi 51. usque ad annum sui martyrii egerit S. Petrus, Scriptura profundo silentio omittit nec saltem certa & probata historia aut traditio ad nos deduxit. Quod

Quod in generali dicere possumus, hoc est, nimirum quod cum à Christo onus suscepisset pascendi ac nutriendi gregem suum, credendum est, eum non molli otio elanguisse, aut vitam dulcem ac suavem à periculis remotam deinceps duxisse, sed potius omnes terræ partes perlustrasse, evangelico lumine cæcos illuminando, devios ad rectum iter reducendo, eos qui jam rectum iter susceperant ulterius promovendo, Christi hostes retundendo, & persecutiones carceres mortem ipsam contemnendo, & boni pastoris vices implentem animam suam pro ovibus suis ubique exponendo.

II. Putant aliqui, inter quos Baronius ad ann. 57. num. 51., S. Petrum Evangelium prædicasse in Africa; & moventur primò ex S. Gregorio lib. 1. Epist. 75. modò 77. ad Episcopos Numidiæ, ubi dicit præfatis Episcopis *Petiistis . . . . , ut omnes vobis retrò temporum consuetudines servarentur, quas à Beati Petri Apostolorum Principis ordinationum initiis hætenus vetustas longa servavit.* Secundò ex Tertulliano L. de præscript. cap. 36. dicente: *Habes Romam, unde vobis quoque auctoritas præstò est.* Tertio ex Cypriano Ep. 45., ubi Romanam Ecclesiam vocat *Ecclesiam radicem ac matricem.* Sed hæc probare quidem videntur, à Romana Petri Cathedra omnes Ecclesias etiam Africæ auctoritatem ac regulam accipere, non tamen à Petro fuisse fundatas. Et in hoc eodem sensu locutus fuisse videtur S. Augustinus Epist. 43. aliàs 162., cum ait de Romana Ecclesia: *Unde Evangelium ad ipsam Africam venit:* potuit enim à Romana Ecclesia venire Evangelium in Africam, etsi non à persona Petri. Hoc potius indicasse videretur serm. 43. (aliàs 27. de verbis Apost.) cap. 6. ubi, *Mementote*, inquit, *Piscatorem sanctum justum bonum, Christo plenum, ad cujus missa per Mundum retia capiendus cum cæteris etiam Populus iste pertinet:* nisi L. de unit. Eccl. cap. 15.; cum Donatistæ assererent, Evangelium post Apostolos ad Africam pervenisse, & ideo nunquam litterarum Apostolicarum scriptum est, *Africam credidisses* invenirem hoc ab Augustino potius admitti, quàm negari. Et de factò Tertullianus L. de Velandis Virg. cap. 2. proponit Ecclesias Africæ tamquam posteriores Ecclesiis Græciæ, fundatis ab Apostolis aut viris Apostolicis. In hac ambiguitate repetam, quod supra §. 11. ex Innoc. 1. Ep. 1. ad Decentium dixi, nimirum manifestum esse, *in omnem Italiam Gallias Hispanias Africam atque Siciliam insulasque interiacentes, nullum instituisse Ecclesias, nisi eos quos venerabilis Apostolus Petrus aut ejus successores constituerint Sacerdotes.*

III. S. Petrum prædicasse Corinthiis certius est. Hoc enim  
fa-

fatetur Dionysius Corinth. Episcopus apud Eusebium L. 2. Hist. cap. 25., ubi de Petro & Paulo loquens ait: *Ambo enim illi in Urbem nostram Corinthum ingressi, sparso Evangelica Doctrina semine nos instituerunt, & in Italiam simul profecti, cum vos similiter instituisent, eodem tempore martyrium pertulerunt.* Corinthum tamen venit Petrus, non ante sed postquam Paulus ibi fuerat, ut notat Baronius ad ann. 57. num. 4. : Paulus enim Ep. ad Rom. Corinthi datâ c. 15. v. 20. *Sic autem, inquit, predicavi Evangelium hoc, non ubi nominatus est Christus;* & 1. Cor. 3. v. 6. ait *Ego plantavi, Apollo rigavit, & v. 10. ut sapiens Architectus fundamentum posui.* Si autem ante ipsum Petrus prædicasset Corinthi, non diceret ibi se prædicasse Evangelium, ubi non nominatus est Christus; ibi se illud plantasse ac fundamentum posuisse. Nec obstat quòd 1. Cor. 1. 12. invenerit divisos inter se Corinthios, ac dicentes: *Ego quidem sum Pauli, ego autem Apollo, ego verò Cepha.* Nam hoc non probat, quòd Petrus (seu Cephas) ante Corinthi fuerit & prædicaverit; potuit enim contingere, quòd aliqui à D. Petro alibi conversi, ejusque facti Discipuli Corinthum advenientes; sicut alii dicebant, se esse Pauli, alii Apollo; ita & ipsi in venerationem sui Magistri dicerent se esse Cepha. Si enim ex quo alii dicerent, se esse Christi, non sequitur, quòd Christus, cum in humanis ageret, Corinthi prædicaverit, sic nec ex quo quidam ibi dicerent: ego sum Cepha, deducitur, quòd Petrus ibi, idest Corinthi, ante prædicaverit.

IV. Circa Reditum S. Petri Romam convenit inter omnes, quòd Nerone jam imperante redierit: quo autem anno, sive Christi sive Imperii Neronis, nihil certi. Lactantius L. de mort. Persec. 2. videtur indicare, S. Petrum rediisse Romam anno Christi 58., & fructum, quem sua prædicatione & miraculis operabatur, fuisse unam ex causis persecutionis, quam Nero contra Ecclesiam excitavit. Volunt tamen aliqui, hoc medio tempore, anno scil. 62., iter suscepisse Hierosolymam, ut Simeonem in locum Jacobi ejus Civitatis Episcopum ordinaret; & colligunt ex Eusebio L. 3. Hist. c. 25.: et hoc admisso dici potest, S. Petrum bis rediisse Romam sub Nerone, semel quidem anno 58. & sine Paulo, iterum autem cum Paulo anno 65., ut sentiunt aliqui; vel anno 68., ut putat Baronius. Unde res est planè incerta.

V. Cum ergo postremò rediisset Petrus Romam, memor illius, quod ei Christus prænuntiabat, tum Jo: 13. v. 36. *Quòd ego vado non potes me modò sequi, sequeris autem postea;* tum Jo: 21. v. 18. *cum autem senueris, extends manus tuas, & alius te cinget & duces, quòd tu non vis;* jam senuisse se videns, & revelatione spe-

speciali intelligens, non longè abesse Christi prædicationis tempus; non satis sibi putans Ecclesiæ Romanæ prospicere, sed & universo Gregi, cujus cura sibi à Christo mandata fuerat, & præcipuè ex Judæis, quorum in Concilio Hierosolymitano speciale patrociniū susceperat; ut sui zeli pastoralis perenne monumentum relinqueret, secundam ad eos scribit Epistolam, quam, existo non certò, probabilius tamen Romæ datam ferè omnes existimant; & licèt an esset genuinus S. Petri factus olim dubita um fuerit, postea tamen ut talis ab omnibus suscepta fuit: de quo egi tom. 1. tract. de Auct. Lib. Relig. Christi. cap. 3. §. 3. Eam ad eosdem, ad quos prima, fuisse datam, constat ex c. 3. v. 1., ubi scribit: *Hanc ecce vobis, carissimi, secundam scribo Epistolam, in quibus vestram excito in commotione sinceram mentem; ut memores sitis eorum, quæ prædixi, verborum à Sanctis Prophetis & Apostolorum vestrorum, præceptorum Domini & Salvatoris.* Is fuit hujus Epistolæ scopus, superius enim cap. 1. & 2. excitaverat eos ad perseverandum in Doctrina Fidei & bonis operibus, & cavendum ab illusionibus falsorum Doctorum, quales tunc erant Simonis Magi Discipuli & Nicolaitæ. De Epistolis S. Pauli cum honore loquitur c. 3. v. 15. *Sicut & carissimus frater noster Paulus secundum datam sibi sapientiam scripsit vobis, sicut & in omnibus Epistolis loquens in eis de his: quæ admirans S. Gregorius L. 2. in Ezechiel. Homil. 6. Ecce, inquit, Paulus in Epistolis suis scripsit Petrum reprehensibilem; & ecce Petrus in Epistolis suis asserit Paulum in his quæ scripserat admirandum. Certò enim nisi legisset Petrus Pauli Epistolas non laudasset. Si autem legit, quia illic ipse reprehensibilis diceretur, invenit. Amicus ergo veritatis laudavit etiam quòd reprehensus est, atque ei & hoc ipsum placuit, quia in his non placuerat, quæ aliter quam debuerat sensit.* Inde prosequitur proponens omnibus in exemplum Petri humilitatem & mansuetudinem, qui major à minori reprehensus non solum non indignatur, sed laudat reprehensorem. Imo ejus suscipit defensionem; cum enim quidam indocti abuterentur verbis Pauli; quasi Fidem extollens, bona opera tanquam non necessaria, rejiceret: eos corripiens Petrus subjungit: *In quibus (Pauli Epistolis) sunt quadam difficilia intellectu, quæ indocti & instabiles depravant, sicut & ceteras Scripturas ad suam ipsorum perditionem.* Scripsisse autem hanc Epistolam non multò ante obitum, indicat ipse cap. 1. v. 13. dicens: *Iustum autem arbitror, quamdiu sum in hoc tabernaculo, suscitare vos in commotione: Certum quòd velox est depositio tabernaculi mei, secundum quod & Dominus Noster Jesus Christus significavit mihi.*

Tom. V.

M

VI. In.

VI. Interea Simon Magus, cujus præstigias Petrus, ut supra dixi, in suo primo adventu Romam detexerat, multosque ab eo seductos ab ejus sequela abstraxerat, sive diurnâ Petri absentia, sive magis Neronis patrocinio, qui ut refert Plinius L. 30. c. 2. incredibili Magiæ studio tenebatur, ut ejusmodi præstigiatores non solum spontè artes suas afferentes apud se habere curaret, sed a remotis quoque partibus accersiret; Simon, inquam, Magus tanto patrocinio animatus, novis ac in speciem mirabilibus præstigiis Romanorum animos dementaverat, adeò ut se virtutem Dei magnam, quæ Angelis dominaretur, & alia humanum transcendentia jactans, ut de his experimentum daret, volatum per aera & ascensum in Cælum Neroni pollicitus sit. Huc pertinere censet Baronius ad ann. 68. num. 14., quæ Dio Chrysostomus Orat. 21. narrat de quodam, qui cùm Neroni promississet se volaturum, multo tempore nutriebatur apud eum in aula tanquam volaturus; quod cùm in theatro perficere tentasset, narrat Svetonius in Nerone cap. 12., quòd primo conatu juxta Neronis tabernaculum cecidit, ipsumque cruore resperfit. Quæ omnia tentato Simonis volatui ac lapsui convenire videntur; teste enim Philastrio, coram Nerone *devictus undique oratione Beati Petri Apostoli, atque percussus ab Angelo, sic meruit interire, ut ejus Magiæ evidens mendacium cunctis hominibus patefieret, ita hæref. 19.*

VII. De Simonis Magi conatu & præcipiti lapsu veteres omnes conveniunt, in circumstantiis autem dissident. Auctor Constitut. S. Clementis nomine dicit, hæc accidisse in theatro L. 6. cap. 9. ibique Petrum jussu adeste, qui seorsim orabat Deum, ut Simonis conatum everteret: *Cumque hæc dicerem (in persona Petri loquitur) desertus à virtutibus Simon cum magno fragore corruit, vehementerque concussus fregit coxendicem & pedum talos &c.*: Sed ne dicat aliquis, Libros Const. Clem. apocryphos esse, accedant alii veteres. Arnobius adversus Gentiles scribens Lib. 2. inter causas, ob quas Romanorum multi patriis relictis erroribus veritati Christianæ adhæserè, hanc ponit: *Viderant enim, inquit, cursum Simonis Magi & quadrigas igneas Petri ore diffatas & nominato Christo evanuisse. Viderant, inquam, fidentem Diis falsis & ab iisdem metuentibus proditum, pondere præcipitatum suo, cruribus jacuisse præfractis: post deinde perlatum Brundam, cruciatibus & pudore defessum, ex altissimi culminis se rursus præcipitasse fastigio.* Hæc facta non in angulo, sed Romæ & tanto spectante Populo, non objecisset gentibus Arnobius, si explorata non fuissent.

VIII. S. Au-

VIII. S. Augustinus L. de hæres. cap. 1. idem confirmans ait: *In qua Urbe (Roma) Apostolus Petrus cum (Simone) vera virtute Dei omnipotentis extinxit. Theodoritus hæret. fab. L. 1. cap. 1. Rursus, inquit, Romam veniens divinus Petrus fraudis eum (Simone) pennis nudavit. Qui cum eum tandem in miraculorum certamen provocasset, omnibus Romanis videntibus, eum ex magna altitudine deturbavit, cum orasset: & qui miraculum viderant, eos cepit ad salutem. Idem Isidorus Pelusiota Lib. 1. Epist. 13. ad Lampetium. S. Ambrosius quoque serm. 66. in Nat. Apost. hoc factum describens ait: Cum enim idem Simon se Christum diceret, & tamquam Filium ad Patrem affereret volando se posse conscendere; atque elatus subito magicis artibus volare cepisset: tunc Petrus fixis genibus precatus est Dominum, & precatione facta vici magicam levitatem.... Tunc igitur Petrus velut vinculum illum de sublimi aere deposuit & quodam præcipitio in saxa illidens, ejus crura confregit, & hoc in opprobrium facti illius, ut qui paulo ante volare tentaverat, subito ambulare non posset, & qui pennas assumerat, plantas amitteret &c.*

S. Cyrillus Hierosolymitanus Catech. 6. Sulpitius Severus L. 3. Hist. Sacræ, & alii idem narrant; solum in hoc diversi, quod isti Simonis lapsum tribuunt Petri & Pauli precibus, quibus consentire videtur Ambrosius supra relatus & Maximus Taurinensis Hom. 5. in Nat. Apostolorum, qui hanc fuisse causam quare ambo martyrium perpelli sint, affirmant; alii verò, ut Arnobius Augustinus & alii triumphum de Simone Mago soli Petro tribuunt.

IX. Quia verò non in hac sola circumstantia diversimodè Simonis lapsus narratur, aliquibus volentibus ad solius Petri preces, aliis etiam ad preces Pauli evenisse; sed etiam in aliis: Tum in tempore; quidam enim videntur velle, Simonis interitum in primo Petri adventu Romam & sub Claudio contigisse; quidam & plures in secundo adventu & sub Nerone: Tum, circa modum lapsus; alii enim volunt, Simonem tantum crura fregisse, alii toto corpore contractum cecidisse; alii ad pedes Neronis eum corruisse; alii delatum Brundam desperatione è sublimi conclavi præcipitem se dedisse, Brundam autem volunt fuisse locum quemdam Romæ sic dictum: Alii de hoc nihil dicunt: Alii precibus solis hanc victoriam reportatam ferunt; alii jejunium adjungunt, ut statim dicam. Demum totam Historiam suspectam quidam habent ex silentio Justinii Irenæi Tertulliani & Eusebii de illa.

X. Propterea quidam Critici rigidiore, maximè ex Prote-

stantibus, inter quos Ittigius de Hæresiarchis sect. 1. cap. 2. totam narrationem suspectam putant. Verum si diversitas in circumstantiis, quibus aliquod factum antiquum à diversis narratur, sufficit ad reddendum factum illud vel fictum vel saltè suspectum; cum in Historiis ferè nullum narretur factum, in quo Historici in aliquibus circumstantiis, ut temporis & loci, varii non sint: fieret, ut nullum factum quoad substantiam certum esset habendum. Varietas ergo hæc in circumstantiis de lapsu Simonis Magi ad summum potest quidem dubias relinquere circumstantias, sed substantiam facti lædere non potest. Quod si contendat adhuc, totum esse commentitium & fictum, liberrimè dicam, donec ipsi non asserant claram & invictam probationem de huius facti falsitate, me potius eligere decipi cum Arnobio Cyrillo Hierosolymitano, Ambrosio, Augustino, Theodorito, Isidoro Pelusiota, & aliis pluribus, quàm hos præcipuos veteres Ecclesiæ Magistros levis credulitatis accusare, ut cum paucis recentioribus sapiam.

XI. S. Petrum cum Simone Mago certaturum ad preces præmisisse jejunium, censuerunt aliqui: cumque certamen pro die Dominico indictum esset, die Sabbato præcedente jejunasse; hincque ortam antiquam consuetudinem Romæ die Sabbati jejunandi. De hoc S. August. Epist. 36. aliàs 86. ad Casulanum cap. 9. Cum enim quidam *Urbicus* (sive quia hoc nomine vocaretur, sive quia Romanæ Urbis homo) diceret: *Petrus etiam Apostolorum caput, Cæli sanctor, & Ecclesiæ fundamentum, extincto Simone, qui Diaboli fuerat, non nisi jejunio vincendi figura, id ipsum Romanos edocuit, quorum fides annuntiatur universo Orbi terrarum.* Respondet: *Est quidem & hæc opinio plurimorum, quamvis eam perhibeant esse falsam plerique Romani, quod Apostolus Petrus cum Simone Mago die Dominico certaturus, propter ipsam magnæ tentationis periculum, pridè cum ejusdem Urbis Ecclesiæ jejunaverat, & consecuto tam prospero gloriosoque successu eundem morem tenuerit, eumque imitata sint nonnulla Occidentis Ecclesiæ.* Sed hoc sine firmo asseri fundamento, ostendit idem S. Doctor: & idèd hoc S. Petri jejunium, præmissum certamini cum Simone Mago, incertum est.

Ostendebantur etiam seculo VI., Gregorio Turon. de Gloria Mart. cap. 28. testante, duo saxa: unum, in quo supponebantur Petrus & Paulus genuflexi auxilium à Deo pro tam gravi pugna precibus postulasse; alterum, seu altera ostendebantur Simonis sanguine tincta, in qua præceps ruens Simon crura fregisset. Sed quidquid de istis sit, hoc certum est, Simonem Magum precibus

Pe-



Petri devictum atque extinctum fuisse. De Simone Mago agam etiam, cum de hæresi Simoniana sermo mihi erit.

## §. XIV.

*De Carcere & Martyrio S. Petri.*

I. **N** Arrat S. Ambrosius serm. 66. vel 68., Simonis Magi necem fuisse causam, quâ Ethnicis, qui eum summo honore & veluti Deum habuerant, indignati, mortem S. Petro & etiam S. Paulo machinari cœperunt. *Sed videamus*, inquit, *causam, quare ista perpeSSI sint*: scilicet, quod inter cetera mirabilia etiam Magum illum Simonem orationibus suis de aeris vacuo præcipiti ruinâ prostraverunt: quibus supponit etiam Paulum in uice Simonis partem habuisse. Porro Fideles cum rescivissent Petri periculum, rogaverunt illum, ut declinaret, seque Ecclesiæ utilitati reservaret: Quorum importunis precibus desiderium martyrii quo flagrabat postponens, noctu secessit. Sed cum ad portas Urbis jam pervenisset, Christum Jesum obviam habuit, cumque interrogaret, quod iret, respondentem audivit *Vado Romam iterum crucifigi*. Hoc intelligens Petrus reversus est, & visione fratribus narratâ, mortem sibi imminentem paratus expectabat. Hoc narrat inter ceteros S. Ambrosius Orat. in Auxentium de Basilicis tradendis tom. 3. Edit. Erasmi L. 5. Epist. ad Epist. 32. his verbis: *Idem Petrus postea viſito Simone, cùm præcepta Dei Populo seminare, doceret castimoniam, excitavit animos Gentilium, quibus eum querentibus, Christiana anima deprecata sunt, ut paulisper cederet. Et quamvis esset cupidus passionis, tamen contemplatione Populi precantis inflexus est. Rogabatur enim, ut ad instituendum & confirmandum Populum se reservaret. Quid multa? Noſte muro egredi capis & videns sibi in porta Christum occurrere, urbemque ingredi, ait, Domine quid venis? Respondit Christus, Venio iterum crucifigi. Intellexit Petrus, ad suam Crucem divinum pertinere responſum. Christus enim non poterat amplius crucifigi. Intellexit ergo Petrus, quod iterum Christus crucifigendus esset in servulo. Itaque spontè remeavit, interrogantibus Christianis responſum reddidit, statimque correptus per Crucem suam glorificavit Dominum Jesum. Hæc Ambrosius, fortè sumpta ex Actis Passionis ejus à Lino scriptis, quæ licet modò interpolata sint, suo tempore tamen adhuc erant sincera.*

II. Dubium emergit, an hæc tentata Petri fuga contigerit ante quam conjiceretur in Carcerem, an postea ita ut fugam è Carcere

cere lapsus sit aggressus . Baronius ad ann.69. num.7. verius putat hoc secundum , quia statim ac reversus est , ad supplicium duci iussus fuit , unde non fuisset spatio novem mensium detentus in Carcere , ut dicitur . Verum hæc bene conciliari posse existimo , si dicatur cum S. Ambrosio laudato , quod Simone Mago extincto statim Gentiles commoti quærere Petrum cœperint , & quod ipse à fratribus monitus fugam arripuerit ; sed visione Christi detentus ac reversus , confestim vel paulò post coniectus in Carcerem , novem mensibus ibi detentus martyrium consummaverit . Cum enim juxta Baronium Simon Magus prostratus fuerit anno Christi 68., & S. Petrus crucifixus anno 69. die 29. Junii , superesse potuit tempus , ut in Carcere per novem menses detineretur .

III. Coniectus in Carcerem S. Petrus Apostolatus sui muneri non defuit : Christum enim prædicans quadraginta septem annis ei lucratus est ac baptizavit ; & ulterius Processum & Martinianum præcipuos Carceris Custodes , qui omnes mandante Nerone martyrium sustulerunt . De præfatis 47. Martyrol. Rom. ad diem 14. Martii hæc habet : *Romæ Natalis Sanctorum quadraginta septem Martyrum , qui baptizati sunt à Beato Apostolo Petro , cum teneretur in custodia Mamertini cum Coapostolo suo Paulo , ubi novem mensibus detenti sunt ; qui omnes sub devotissima Fidei confessione Neroniano gladio consumti sunt .* De his Beda Usuardus & Aido hæc die , secundâ autem Julii de SS. Processio & Martiniano hæc leguntur : *Romæ viâ Aureliâ Natalis Sanctorum Martyrum Processi & Martiniani , qui à Beato Petro Apostolo in custodia Mamertini baptizati , sub Nerone oris contusionem equuleum nervos sustes flammæ scorpionesque perpassi , novissimè gladio cæsi Martyrio coronati sunt .* Porro Mamertinus Carcer erat ad radices Capitoliî situs subterraneos habens descensus ; qui etiam modò à Christianis invisitur & in honore habetur ; unde autem Mamertinus dictus fuerit , disserit Baronius in Not. Martyr. ad diem 14. Martii . In hoc igitur Carcere Petrus & Paulus detenti ad martyrium usque permanserunt .

IV. Tandem consummato Carcere ad martyrium ductus S. Petrus suam Fidem ac senectutem gloriôsè coronavit . Hoc Romæ accidisse tota antiquitas concordî adeò sensu confessâ est , ut nemo , etsi novissimorum temporum hæreticus , apertè inficiari ausus fuerit . Ex Achaja ergo , ait Baronius ad ann.69. n.5., Romam rediens Nero , eâ pompâ triumphali , quam Svetonius in Nerone cap.25. describit , Apostolos , quos Simonis Magi causâ (ut dictum est) Carcere detentos invenit , novâ superadditâ accu-

fatione , & fortè quòd in Carceribus detenti adhuc ad Christum  
 plures traherent , vel , ut alii volunt , quòd feminas ad castitatem  
 convertissent , ultimo supplicio condemnavit , Petrum quidem ,  
 utpote vilis conditionis , supplicio Crucis , Paulum verò , quia  
 Civem Romanum , gladii . Tunc impletum est quod prænun-  
 tiaverat Christus Petro Jo: 21.v.18. *Cum autem senaveris , extends*  
*manus tuas & alius te cinget & ducet , quò tu non vis . Hoc autem*  
*dixit , significans , quòd morte clarificaturus esset Deum : ubi Augu-*  
*stinus tract. 123. in Joan. , Extendes (inquit) manus tuas , hoc est*  
*crucifigeris . Ad hoc autem ut venias , alius te cinget & ducet , non*  
*quò vis , sed , quòd non vis . Priùs dixit quòd fieret , & deinde quo-*  
*modo fieret . Volebat Petrus ire ad Christum , sed à via crucis in-*  
*firmitas carnis eum retrahebat . Solutus quippè à corpore volebat*  
*esse cum Christo , sed si fieri posset , prater mortis molestiam vitam*  
*concupiscere æternam , ad quam molestiam nolens ductus iste , sed*  
*ab ea volens eductus est : nolens ad eam venit , sed volens eam vicis :*  
*& reliquit hunc infirmitatis affectum , quo nemo vult mori , usque*  
*adèò naturalem , ut eum Beato Petro nec senectus auferre potuerit . .*  
*Propter nos consolandos hunc etiam in se transfiguravit ipse Salva-*  
*tor dicens , Pater , si fieri potest , transeat à me Calix iste , qui*  
*atque mori venerat , nec habebat mortis necessitatem sed volun-*  
*tatem .*

V. E Carcere igitur ad locum Martyrii S. Petrus ductus  
 fuit . Quo autem in loco Romæ illud consummarit , non est  
 omninò exploratum . Baronius ad ann 69. n. 15. &c. ut certum  
 supponit , eum trans Tiberim , ubi Judæi degere consueverant ,  
 ad subeundum Crucis supplicium fuisse transmissum . Quo autem  
 in loco ejus Regionis discutitur . Acta quæ sub Lini nomine pro-  
 feruntur , ajunt : *Pervenit denique unò cum Apostolo , & appari-*  
*toribus Populus infinitus ad locum , qui appellatur Naumachia , iuxta*  
*Obeliscum Neronis in Monte . Liber verò de Rom. Pontificibus*  
*Damaso tributus , agens de sepultura Petri , ait : Sepultus est vià*  
*Aurelià ad Templum Apollinis , juxta locum , ubi crucifixus est ,*  
*juxta Palatium Neronianum in Vaticano , juxta Territorium*  
*triumphale .* Sed hic loquitur de loco sepulturæ non de loco  
 Martyrii : qui tamen putatur fuisse juxta illum . Unde Baro-  
 nius post eruditum examen concludit , passum esse Petrum in ea  
 summitate Janiculi , seu Vaticani montis , quæ esset imminens  
 Naumachia , deorsum juxta Tiberim positæ : sepultumque in ipsa  
 Vaticani parte , apud quam Neronis horti essent & Circus cum  
 Obelisco . Consentit Anastasius Bibliothecarius in Petro .

Fertur etiam , S. Petrum antequam mortis supplicio affice-

re-

retur, flagellis fuisse caesum. Is enim Romanorum mos erat, ut qui ultimo supplicio addicerentur antea virgis caederentur; & de Petro, qui habebatur ut persona vilis, non videtur dubitandum. De Paulo potius, qui Civis Romanus erat, & proinde Lege Valeria & Lege Portia habebatur immunis, dubium esse posset. Sed quia Lege Duodecim Tabularum sancitum erat, ut quicumque immane perpetrasset delictum ante supplicium flagris caederetur, & Pauli delictum apud Ethnicos immanissimum haberetur, certo tenendum est, & ipsum praevis ad supplicium flagris fuisse caesum; eò vel magis, quia adhuc Romae in Ecclesia S. Mariae Trans Pontem in honore habentur Columnae illae, quibus ambo Apostoli alligati & virgis caesi feruntur.

VI. Supplicium S. Petri Crux fuit, capite tamen in terram verso, ipso sic petente, ac pedibus in sublime elatis. Ita ferunt Veteres: Origenes apud Euseb. L. 3. Hist. cap. 1. Petrus, inquit, ad extremum Romam veniens Cruci suffixus est capite deorsum demisso, sic enim ut in Cruce collocaretur, oraverat. Idem Hieronymus de Script. Eccl. in Petro, addens, quòd hoc petiit, asserens se indignum, qui sic crucifigeretur, ut Dominus suus. Chrysostomus hom. 66. in Gen. Petrus.... modo contrario, quàm fuerat Dominus, crucifixus, ita hanc vitam excessit. S. Maximus in Nat. Apost. serm. 1. Hic est, inquit, Petrus, qui dum ad crucem tanquam Christi Discipulus duceretur, verso se poscens corpore crucifigi, passionem non timuit, sed aequalitatem crucis Dominicae declinavit; ut ostenderet universis, admirandae se humilitatis virtutem novique mysterii disciplinam & inter tormenta servasse. Aliam etiam causam, cur capite inverso petierit crucifigi, assert Theodorus Orat. de Carit. dicens: Cum ad mortem Crucis à Nerone damnatus esset, rogavit Carnificem, ne similiter atque Dominus trahi affigeretur, sed contrario modo: veritus (quod est verisimile) ne eadem passio eundem sibi ab insipientibus honorem conciliaret: idè rogavit, ut manus inferius, superius autem pedes affigerentur. Aliam rationem adducit Leo IX. Epist. 1. ad Michaellem C. P. Patriarcham cap. 6., ut scilicet Christo Ecclesiae fundamento magis cohaereret, aliudque præter ipsum non esse fundamentum demonstraret, dicens: Quod utique devotissimus ille Petrus non solum vivens, sed etiam moriens demonstravit, quando nimia humilitate & congrua significatione, se crucifigi deorsum verso capite, petiit: profectò divina inspiratione praefigurans, se esse primum & quadrum lapidem in fundamento, quod est Christus Jesus, compaginatum, cohaerentem, atque connexum: qui utpotè superpositus angulari lapidi totum pondus Ecclesiasticae Fabricae incorruptibili solidi-

ditate sufferret, ac proprii capitis suppositione omnia membra Corporis Christi per aptas & naturales compages, usque ad consummationem seculi quasi usque ad pedes crescentia, inflexibili collo ad Caelos sustolleret. Hoc modo Petrum crucifixum fuisse, asserunt præter alios Patres Martyrologium Romanum & Menologium Græcorum ad die 29 Junii.

An verò clavis fuerit Cruci confixus, an funibus Cruci alligatus, Tertullianus in Scorpiaco cap. 14. hoc secundum putat dicens: *Petrus ab altero cingitur, cum Cruci adstringitur; motus ex verbis, quibus hoc ei Christus prædixerat Jo: 21. v. 18. : Cum autem senueris, extends manus tuas & alius te cinget & ducet, quod tu non vis.* Idem sentit S. Th. in cap. 21. Joan. Lect. 4. dicens: *Petrus crucifixus fuit; sed non cum clavis sed cum funibus, ut diutius viveret: & hoc Christus vocat cincturam.* Alii autem clavis eum fuisse affixum Cruci existimant; unde dicunt, eum fuisse Cruci affixum. Potest tamen utrumque conciliari dicendo, vel fuisse prius Cruci funibus alligatum, deinde manibus ac pedibus ibidem confixum; vel funibus ligatum ductum fuisse ad Crucem, sed ei postea clavis confixum. Et hic videtur sensus verborum Christi, dum ait: *Et alius te cinget & ducet, quod tu non vis*, nimirum prius cinget, & cinctum ducet quod non vis, id est ad Crucem.

VII. Diem Martyrii utriusque Apostoli Petri & Pauli fuisse diem vigesimam nonam Junii, constans traditio est, quam in Martyrol. Rom. & Menologio Græco firmat utraque Ecclesia, quæ hæc die celebrat utriusque martyrium. Licet autem dies solemnitatis generaliter non evincat, fuisse diem mortis; in præsentia tamen casu, cum utraque Ecclesia & præsertim Romana semper hanc diem hisce duobus suis Patribus ac Fundatoribus consecraverit; credendum est, eam existimasse, ipsam eorum martyrii diem fuisse. Scio, voluisse aliquos, solum post annum 250. festum Petri & Pauli eâ die celebrari cœpisse, sed nullum sui asserti asserunt certum documentum. Alios etiam velle non die 29. Julii, sed 22. Februarii usque ad V. Seculum fuisse celebratum, motos ex quodam antiquo latereulo Bolemei Silvii (qui V. Seculo vixit) plura sacra profanaque festa continente, in quo Depositi Apostolorum Petri & Pauli non 29. Julii, ut nunc, sed 22. Februarii celebrata in Ecclesia Romana notatur. Sed propter unum incertæ Fidei monumentum non est cur recedamus ab antiquis Kalendaris, qualia sunt Sacramentarium S. Gregorii Magni, Ordo Romanus & Læctionarium S. Hieronymi omnium antiquissimum, in quibus omnibus SS. Petri & Pauli

Deposito 3. Kal. Julii assignatur. Addo, quod ex alia vetustissima Membrana seu Martyrologio apud Bollandum discretis verbis *octavo Kal. Martii*, non Deposito Apostolorum Petri & Pauli, sed *Natale Petri de Cathedra* legitur, & 3. Kal. Julii Petri in Catacumbas & Pauli Ostiense. Igitur cum isti Codices secum de antiquitate & modo loquendi pugnent, non merentur, ut antiqua & tuta Ecclesiæ monumenta deferamus.

VIII. Quod hæc eadem die Petrus & Paulus subierint martyrium, nemo quem viderim in controversiam vertit; sed quod eodem anno, aliqui dubitare faciunt. Prudentius enim de Mart. Hymno 12. S. Paulum passum asserit anno integro post S. Petrum, his verbis.

*Unus utrumque dies pleno tamen invocatus anno  
Vidit superba morte laureatum.*

Arator etiam in Act. Apost. L. 2. ita canit.

*Cum natura dedit, geminos quos addidit astris  
Non eadem, tamen una dies, annique voluto  
Tempore, sacravit repetitam passio lacem.*

In idem consentiret videtur S. August. serm. 391. (al. 6. de Vigucrianis) dicens: *Sicut traditione Patrum cognitum memoriæ retinetur, non uno die passi sunt per Cæli spatia decurrente. Et serm. 28. de Sanctis (modò 205. in Append.) Currunt, inquit, utrique ad palmam martyrii, & utrique perveniunt ad coronam: non quidem eodem temporis cursu, sed eodem anni revertentis occursu.*

Magis tamen probata & communis sententia est, eadem die & eodem anno martyrium ambos pertulisse. Id enim asserunt Dionysius Corinthius apud Eusebium L. 2. Hist. cap. 25., qui ita refert: *Porro ambos uno eodemque tempore martyrium subisse, Dionysius Corinthiorum Episcopus ad Romanos scribens testatur his verbis. . . . . Ambo enim illi in urbem nostram Corinthum ingressi sparsa Evangelicæ Doctrinæ semine nos instruxerunt, & in Italiam simul profecti, cum nos similiter instituissent, eodem tempore martyrium pertulerunt.* Scio, Valesium in Notis hæc verba eodem tempore in lato sensu interpretari, non pro eodem die & anno, sed circa idem tempus: sed hanc expositionem violentam esse, ostenditur ex Epiphan. hæres. 27., ex Hieronymo L. de Script. Eccles., tum cap. 1. in Petro tum cap. 5. in Paulo, ubi ait: *Hic ergo quarto decimo Neronis anno (ut de Petro dixerat) eodem die, quo Petrus, Roma pro Christo capite truncatur: ex Sulpitio Severo L. 2. Hist. & aliis. Dubium autem omne sustulisse reor Synodum Romanam sub Gelasio ann. 494. celebratam, in qua c. 2. sic de*  
Pe-

Petro dicitur : *Cui data est etiam societas Beatissimi Pauli Apostoli Vasis Electionis, qui non diverso, sicuti hæretici garrunt, sed uno tempore, uno eodemque die, gloriosâ morte cum Petro in urbe Româ sub Casare Nerone agonizans coronatus est.* Quibus apparet, ex putido fonte, quia Hæreticorum, oppositam opinionem mansisse, ideoque reddi suspectam. Standum ergo est Martyrol. Romano & Menologio Græcorum, quibus hi duo Apostoli eodem die & anno passi enuntiantur.

IX. Major difficultas est de anno à Nativitate & Passione Christi, quo Petrus & Paulus martyrium passi sint, in quo Historici & Chronologi adeò dissident, ut vix duos invicem concordare invenias. Idem S. Thomas à se ipso dissentire videtur. Nam in cap. 21. Joan. Lect. 4., dicit, *quod post tempus quo ista sunt dicta (à Christo nempe prænuntiante Petro passionem) usque ad tempus moris Petri fluxerunt fere triginta septem anni.* Cùmque Christus anno trigésimo tertio hæc dixerit, si triginta septem anni addantur, fiet quod Petrus circa annum Christi septuagesimum mortem passus fuerit. At in cap. 2. ad Galat. Lect. 1., dicit: *Quadragesimo anno à Passione Christi passus est Petrus Romæ, ut in Historia habetur, quod fuit tempore Neronis.* Unde anno Christi 73. passus fuisset, quo anno Nero jam extinctus erat.

Anastasiæ Biblioth. in Vitis Ro-n. Pont. Passionem Petri consignat anno post Passionem Christi 38., & proinde à Nat. 71. ait enim: Hic martyrio cum Paulo coronatur post Passionem Domini annis 38.: S. Epiphanius hæres. 27. hoc accidisse sentit anno Neronis 12. ; ad quem accedere videtur Tilmontius tom. 1. Nota 40., ubi ponit Sanctorum Apostolorum martyrium anno Christi 66., ac multa congerit pro sua & contra aliorum opiniones, ad quæ Lectorem remitto.

Baronius verò ad ann. 69. num. 1. ait: *Anno Redemptoris nostri sexagesimo nono L. Frontejo Capitone & C. Julio Rufo Coss. cum jam Nero Achabâ Romam rediisset, Petrus & Paulus Principes Apostolorum, cum eadem quæ semper eidem restitissent constantiâ, una eademque die tertio Kal. Julij ejus jussu diverso mortis genere gloriosum subiere martyrium.*

Hunc annum 69. censet Baronius fuisse Neronis 13., non decimum quartum ut volunt S. Hieronymus & alii ; nam cùm Nero ceperit Imperium mense Octobri Coss. Marcello & Anio-la, nullum est dubium, hunc esse annum decimum tertium, qui eodem mense Octobri terminatur & quo quartus decimus inchoatur. Sed cùm æquè perspicuum sit, ipsum eodem anno quarto decimo, quarto Idus Junii fuisse occisum, nec pervenisse

ad tertiam Kal. Julii quo Apostoli necati sunt, jam non esset verum, quòd imperante Nerone vitam finissent. Pro hac sua sententia multos antiquos citat, ut Cajum, Zephyrinum Rom. Pont., & Diouysium Corinthium ex Metaphrasie ad diem 29. Junii.

Noto tamen, eundem Baronium in notis ad Mart. ad diem 29. Junii dicere, Martyrium Apostolorum contigisse anno à Christo Domino secundum veriorum supputationem sexagesimo octavo, fortè corrigendo ea quæ in Annalibus dixerat: & in hunc annum incidisse tertium decimum Neronis annum, aliqui Recentiores asserunt. Quid ergo in hoc Chronologico dissidio statuemus? Nihil certi. Nec mirum; nam si in statuendo anno Nativitatis & Mortis Christi nil certi figere possumus, non est cur in statuendo anno mortis Petri & Pauli laboremus.

X. Demortui in Cruce Petri corpus, ferunt Acta Lini, à Marcello Presbytero curatum & aromatibus conditum magnificentiissimè & more Regio uedum Judaico traditum fuisse sepulturæ. An verò credibile sit, corpus hominis è supplicio infami delatum, coram Romanis Persecutoribus & in Christianos frementibus, regiâ pompâ sepeliri, suspensus hæreo. Hoc certum habeo, sepultum fuisse in Vaticano in ea parte, quæ olivis erat serax & fonte irrigua, ut testatur Prudentius Hymn. 18. Mirum quidem est, quòd loca, ubi Sanctorum Apostolorum Corpora sepulta fuerunt, inter Persecutores absque iactura & contumelia aliqua imò in honore habita semper tuerint, adeò ut Cajus Romanus Presbyter (apud Eusebium) L. 2. Hist. cap. 25., dixerit: *Ego verò Apostolorum trophæa possum ostendere. Nam siue in Vaticanum, siue ad Ostiensem viam pergere libet, occurrent tibi trophæa eorum, qui Ecclesiam illam fundaverunt.*

XI. Non defuere tamen quidam Christiani Orientales, qui hoc eodem anno sacra Apostolorum corpora è loco surripere & in Orientem asportare tentarint. Narrat hoc S. Gregorius L. 4. Epist. Ep. 30. ad Constantinam Augustam, his verbis: *Eo tempore quo passi sunt, ex Oriente Fideles venerunt, qui eorum Corpora sicut Civium suorum repeterent: Quæ ducta usque ad secundum Urbis milliarium in loco, qui dicitur Catacumbæ, collocata sunt. Sed dum ea exinde levare omnis eorum multitudo conveniens niteretur, ita eos vis tonitruï atque fulguris nimio motu terruit, atque dispersit, ut talia denuò nullatenus attentare præsumerent. Tunc autem exenutes Romani, eorum corpora, qui hoc ex Domini pietate meruerunt, levaverunt, & in locis quibus nunc sunt condita posuerunt: hæc Gregorius. Voluerunt quidam, Corpus S. Petri primò in Cata-*  
cum.



cumbas fuisse sepultum, deinde in Vaticanum, olim Regionem quam Romæ incolebant Judæi, ad eorum preces, quod specialiter ipsorum fuisset Apostolus. Sed fuisse semper in Vaticano conditum, probabilius videtur. Nam cum ex dictis Orientales præfata corpora rapere tentassent, non dicit S. Gregorius, quod ea ex Catacumbis extraxerunt, sed quod ad Catacumbas ducta sunt. Ex alio ergo loco ea extraxerunt, ex illo nempe, in quo prius sepulta fuerant & ubi modo (maxime Petri corpus) requiescunt.

§. XV.

*Petri Sepulchrum & Vincula.*

I. **V**alidum pro Christianæ Religionis Veritate argumentum est, quod sicut Christi gloria post mortem nedum non extincta fuerit aut diminuta, sed per totum Orbem clarificata & aucta, ejusque sepulchrum factum sit gloriosum: ita servorum ejus & præcipue Petri ac Pauli memoria post mortem, nedum non perierit, sed magis magisque in honorem sit habitata, ita ut ad eorum Sepulchra non solum commune hominum vulgus, sed & Reges ac Imperatores ipsi supplices ac venerabundi procumbant. Hoc argumentum fusè tractat Chrysostomus Homil. 26. in 2. ad Corinth. quem audire non pigeat. Hic enim Alexandro Magno Christum præferens ait: *Quod quispiam vivens bella feliciter confecerit, victoriasque adeptus sit, Rex cum esset exercitusque haberet, nec mirum nec novum atque insolens videri debet. At verò post crucem ac tumultum tot & tanta in tota Terra & Mari efficere; hoc ingenti stupore plenum est, ac divinam & arcanam potentiam promulgat. Ac quidem Alexander Imperium suum post ipsius è vita discessum laceratum ac penitus deletum, non iustauravit. Quis enim id potuisset homo mortuus? At Christi tunc ipsum maximè excitavit, postquam ex hac vita emigravit, Quid autem Christum commemoro? cum ipse Discipulis quoque suis, ut post mortem clari essent, concefferit? Ubi enim, quæso, Alexandri tumultus est? Ostende mihi & dic, quo die mortuus sit. At Christi servorum tam splendida Sepulchra sunt, ut quæ Urbem præstantissimam ac Regiam occuparint, & dies noti atque clari, qui festi à toto Orbe celebrentur. Atque illius quidem tumultum sui quoque ignorant: hujus autem Barbari quoque exploratum habent. Ac Sepulchra eorum, qui Crucifixo servierunt, Regias aulæ splendore vincunt, non magnitudine aut pulchritudine adificiorum, nam hac parte illa*

*illa superant, sed, quod multò majus est, coeuntium studio. Nam & ille qui purpuram gestat, ad sepulcrum illa se confert, ut ea exoscaletar: abjectoque fastu supplex stat, sanctosque obsecrat, ut ipsi apud Deum sibi præsidio sint: atque ut & senioriorum opificem (Paulum) & piscatorem (Petrum) & quidem fato sanctos, patronos habeat, precibus is contendit, qui diademate civitus est. Ergone, dic quaeso, horum Dominum mortuum dicere audebis, cujus servi etiam defuncti eorum, qui universo Orbi imperant, patroni sunt? Atque id non Romæ solum fieri quisquam viderit, sed etiam Constantinopoli; nam & hic quoque Constantinum Magnum Filium ita demum ingenti honore se affecturum existimavit, si eum in Piscatoris vestibulo corderet. Quodque Imperatoribus sunt in anlis Janitores, hoc in sepulcro Piscatoribus sunt Imperatores &c. Hæc aliaque Chrysostomus, quæ repetit Homil. Quod Christus sit Deus. Hom. 32. in Ep. ad Rom. Hom. in Psal. 48. & alibi.*

II. S. Augustinus quoque Epist. 42. modò 232. ad Madaurense Idolorum scribens, inter cætera, quæ pro veritate Religionis Christianæ argumenta eis videnda proponit; *Videtur certe, inquit, simulacrorum templa partim sine reparatione collapsa, partim diruta, partim clausa, partim in usus alios commutata; ipsaque simulacra vel confringi, vel incendi, vel includi, vel destrui: atque ipsi hujus sæculi potestates, quæ aliquando pro simulacris Populum Christianum persequabantur, victas & domitas, non à repugnantibus, sed à morientibus Christianis, & contra eadem simulacra, pro quibus Christianos occidebant, impetus suos legesque vertisse & Imperii nobilissimi eminentissimum culmen ad sepulcrum Piscatoris Petri submisso diademate supplicare. Sic veteres supplicare ad sepulcrum Petri cultui Idolorum opponebant. Videant hic Proteſtantes, qui ejusmodi actus cum idololatria confuunt.*

III. Tanto ergo in honore à primis sæculis memoria & sepulcrum Petri habebatur, ut Imperatores ipsi ad illud supplices accedere certarent. Quod admirans S. Augustinus serm. 381. aliàs 6. ex Viguerianis, ait: *Cum quanta itaque latitia & quanta Dei gloria contuemur, ab animo Piscatoris contemni opes Imperatoris? fundi preces Imperatoris ad Memoriam Piscatoris? ut nec ille ex eo quod non habuit, jaceret; nec iste ex eo quod habuit, superbiret. Hinc passione Petri & Pauli, quàm reportatis antea triumphis, toto Orbe clarior Roma effecta est: unde S. Leo serm. 80. cap. 1. ad eam conversus: Ipsi sunt, inquit, qui te ad hanc gloriam provexerunt, ut gens sancta, Populus electus, civitas sacerdotalis & Regia, per sacram Beati Petri Sedem caput Orbis effecta, latius præ-*

*fideles Religione divinâ, quàm dominatione terrenâ. Quamvis enim multis aucta victoriis, jus Imperii tui terrâ marique protuleris, minus tamen est, quod tibi bellicus labor subdidit, quàm quod pax Christianiana subjecit.*

IV. Propterea non solum corpora SS. Petri & Pauli, verum etiam modicæ eorum reliquiæ summo zelo, & custodia à Romanis asservatæ sunt; adeo ut cum Justinus I. Imperator anno 510. sub quo Justinianus ejus Nepos Ecclesiam sub SS. Apostolorum nomine Constantinopoli crexerat, aliquam Corporum Apostolorum particulam consecui exoptasset, etsi zelo Fidei de Ecclesia Romana optimè meritis esset, utpotè qui S. Sedi omnes Orientis Ecclesias reunierat; à Legatis tamen Hormisdæ Papæ responsum accepit, hoc esse contra Ecclesiæ Romanæ & Occidentis morem. Idem rescriptit S. Gregorius Magnus L. 4. Ep. 30. Constantinæ Augustæ postulanti vel Caput, aut aliud de Corpore Beati Pauli Apostoli pro Ecclesia, quæ in ejus honorem in Palatio Constantinopoli erigebatur, asserens, se nec posse, nec audere propter terrifica signa, quæ quoties id tentatum fuit etiam à suis Prædecessoribus (quæ ibi narrat) apparuere. Et concludit: *Cognoscat autem tranquillissima Domina, quia Romanis consuetudo non est, quando Sanctorum reliquias dant, ut quidquam tangere presument de corpore, sed tantummodo in pixide brandeum (velum) mittitur, atque ad Sacratissima Sanctorum Corpora ponitur. Quod levatum, in Ecclesia, quæ est dedicanda, debitâ cum veneratione reconditur; & tantæ per hoc ibidem virtutes fiunt, ac si illuc specialiter eorum Corpora deferrentur. Quod demonstrat exemplo S. Leonis prædecessoris sui tempore: nempe dum quidam Græci de talibus reliquiis dubitarent, prædictus Pontifex hoc ipsum brandeum allatis forficibus incidit, & ex ipsa incisione sanguis effluxerit.*

V. Ipsismet S. Petri Vinculis tanquam suæ passionis instrumentis honor delatus fuit & adhuc defertur. Sub hoc titulo adest Ecclesia S. Petri in Vincula nuncupata. De eis celebratur festum Kalendis Augusti, quia his præfata Ecclesia fertur dedicata, ut in Martyrol. Romano. Græci etiam de Catenis S. Petri festum agunt ad diem decimam sextam Januarii, ut ex eorum Menologio. Quia vero S. Petrus bis vinculis adstrictus fuit, semel quidem Hierosolymis ab Herode, ubi Act. 12. v. 6. dicitur *Vinctus Catenis duabus*; Iterum autem sub Nerone Romano in Carcere, unde ductus fuit ad Crucem: Ideo festum, quod Græci celebrant, est de Catenis, quibus ab Herode vinctus fuit, ut ex Menologio apparet, quas à piis Fidelibus inventas & in honore ha-

habitas Imperatores Constantinopolim attulerunt, & apud Ædem S. Sophiæ reposuerunt. Carena verò, quæ Romæ asseruabatur, saltim ab initio fuit illa, quâ sub Nerone victus fuit. De his S. Petri catenis Romanum Breviarium ex antiquis monumentis hæc habet, quod *i beodosio funiore Imperante cum Eudocia eius uxor Hierosoly-nam solvendi voti causâ venisset, ibi multis est affecta muneribus; præ cæteris insigne donum accepit ferreæ Catenæ, anro gemisq; ornate, quam illam esse affirmabant, quâ Petrus Apostolus ab Herode victus fuerat. Eudocia Catenam piè venerata, eam postea Roman ad filiam Eudoxiam misit, quæ illam Pontifici Maximo detulit; isque vicissim illi monstravit alteram Catenam, quâ Nerone Imperatore idem Apostolus constructus fuerat. Cum igitur Pontifex Romanam Catenam cum ea, quæ Hierosolymis allata fuerat, contulisset, factum est ut illa inter se sic conuiderentur, ut non duæ sed una Catenæ ab eodem artifice confectæ esse videretur. Quo miraculo & aliis subsequenter in honore Petri Vincula haberi cœperunt.*

Propterea Eudocia, ut hæc sacra Vincula honorificè seruarentur, Ecclesiam Romæ dedicavit dictam S. Petri in Vincula seu Eudoxiæ in Esquilis: quod ad annum 439. refert Siebertus in Chronico & Baronius ad eundem annum n. 7. Quare explodenda est scilicet quedam Epistola de Vinculis Petri sub nomine Hieronymi ad Eustochium, quâ dicitur, Festum Vinculorum institutum & Ecclesiam fabricatam fuisse à Constantino Magno sub Silvestro Papa; hoc enim nullum fundamentum habet. Tante autem æstimationis successivis temporibus hæc Vincula fuisse, ut de limatura eorum pro ingenti munere ad Reges & Principes, aliosque primarios viros de Ecclesia benemeritos à Romanis Pontificibus mitti soleret, ut plures S. Gregorii Epistolæ faciunt fidem. Unde L. 4. Ep. 30. citata Constantinæ Augustæ promittit, se missurum de limatura earundem Catenarum: moris enim erat eam includere aureâ clavi ab altari Petri Apostoli acceptâ, hi verò ad quos parvula clavis mittebatur, eam religiosè accipientes ad collum suspendebant: de hoc Baron. in not. Martyrol. ad diem 1. Augusti. Cur autem erga Petri Vincula specialis fuerit & sit Religio, non vacat mysterio, dicit idem Baronius ibi, nimirum ut cujus est in ligandis atque solvendis potestas præcipua in Ecclesia, ejus etiam Vincula à cunctis Fidelibus speciali in honore haberentur. His pro antiquitate Cultus Sacram Reliquiarum validum contra modernos Heterodoxos conficitur argumentum.

VI. Nec minus pro antiquitate Cultus Imaginum. Nam, ut  
re-

refert Eusebivs L. 7. Hist. cap. 18. , Qui ex Gentibus prædicatam sibi ab Apostolis Christi Fidem acceperant , eorum Imagines unâ cum Imagine Christi formare consueverant ; æfferitque usque ad suam ætatem extitisse Apostolorum Petri & Pauli , Christi que ipsius , pictas Imagines servatas in tabulis . Ex his qualis fuerit Petri effigies , colligit Nicephorus L. 2. cap. 37. his verbis : *Petrus quidem baud crassâ corporis staturâ fuit , sed quæ aliquantulo esset erectior , facie subpallidâ & albâ admodum : capilli & capitis & barba crispî & densi , sed non admodum prominentes fuere : oculi quasi sanguinis respersi , nigri : supercilia propè evulsa , nasus autem longior ille quidem , non tamen in acumen desinens , sed pressus simusque magis .* Hæc Nicephorus .

Quo ætatis anno passus fuerit , incertum ; septuagenio majorem fuisse , vulgò creditur ; sciam fuisse certum est ex verbis Christi Jo: 21. v. 10. : *Cùm senueris , extends manus tuas , & alius te cinget .* Quot annis Romæ federit , apparere potest ex dictis , sedisse annis viginti quatuor & mensibus quinque ac diebus quinque , si sequimur Baronium ; si enim ponatur , quoddam anno 44. Christi & secundo Claudii Romam venerit & quoddam anno 63. Christi & 13. Neronis passus fuerit ; annos viginti quatuor & aliquos menses habebimus & proindè 25. inchoatos ; sed cùm in epocha adventus Petri Romam & Passionis ejus dissentiant etiam Catholici , nihil certi statuere possumus , nisi quoddam supra 24. annos Romæ federit , cùm in hoc plerique ex Catholicis consentiant .

VII. Fuerunt ex Ethnicis , referente S. Augustino L. 18. de Civit. Dei cap. 53. , qui Magiæ Petrum accusarent , pluriumque veneficiorum reum traducerent , usque ad occisionem infantis anniculi pro stabiliendo Jesu Christi Cultu spatium 365. annorum , quo completo uumero Christi Religio sumeret finem . Hos tanquam stultos deridet Augustinus , ostendens , ineptum esse credere : *Quoddam Christi Discipulus Petrus ab eo magicas artes non didiceris , sed ipso innocente tamen ejus maleficus fueris , nomenque illius quàm suum coli malueris magicis artibus suis , magnis laboribus & periculis suis , postremò etiam effusione sanguinis sui .* Et post aliqua concludit , se multa colligere posse , si nondum annus transisset , quem divinatio fida promissit : sed cùm ten pore quo scribebat , ante aliquos annos anni trecenti sexaginta quinque completi sint , & Christi Cultus per ejus in carne præsentiam & per Apostolos prædicatus adhuc duret & augeatur : *Quid aliud , inquit , quarimus , unde ista falsitas resellatur ?*

Æbionitæ etiam multarum superstitionum usum se ab eodem

Tom. V.

O

Apo-

Apostolo didicisse mentiebantur (Epiphano referente hæref. 30. cap. 15.) veluti lotiones quotidianas ante prandium, abstinentiam ab animantibus, quibus ut auctoritatem conciliarent, libellum inscriptum *Itinevaria S. Petri* sub S. Clementis nomine supposuerant. Alia sub Petri nomine supposita Opera rejeci supra tom. 1. Tract. de Auct. Lib. Relig. Christ. cap. 5. §. 1. Et hæc de S. Petro hæcenus dicta sufficiant.

## CAPUT II.

## De Sancto Paulo.

## §. I.

*Pauli Nativitas & Educatio.*

**S**UAM originem describit Paulus Rom. 11. v. 1. his verbis : *Nam & ego Israelita sum ex semine Abraham, de Tribu Benjamin.* Erat ergo Judæus genere, descendens ab Abraham per Isaac & Jacob de Tribu Benjamin. Quod repetit ad Philipp. 3. v. 5. addens, se esse Sectâ Phariseum : *Ex genere Israel, de Tribu Benjamin, Hebraeus ex Hebrais, secundum Legem Phariseus.* S. Augustinus adverteus serm. 333. (alias homil. 14. inter 50.) c. 3. illum fateri se de tribu Benjamin : *Ipse enim, inquit, erat lupus rapax de Tribu Benjamin, Ipse dicit.* Genesis enim 49. v. 17. de Benjamin dixit Jacob *Beniamin lupus rapax.* Si auctori cujusdam hominæ tributæ Chrysostomo tom. 6. hom. 30. fides sit, 68. annos natus obiit, quare duobus post Christum annis cum natum fuisse oportet. Circumcisum fuisse octavo die post ortum, fatetur ipse ad Philipp. 3. v. 5. & tunc *Sauli* nomen impositum illi fuit, seu *Saulis.* Neque verò (ait S. Hieron. in Epist. ad Philemonem) putandum est, ut à simplicioribus Latinis legitur, *Saulum ante dictum esse & non Saul, quia & de Tribu Benjamin erat, in qua hoc nomen familiarius habebatur. Siquidem & ille Saul Rex Judææ persecutor David de Tribu Benjamin fuit. Quodd autem Saulus à vobis dicitur, non mirum est, Hebræa nomina ad similitudinem Græcorum & Latinorum nominum declinari, ut sicut pro Joseph Josephus, pro Jacob Jacobus : ita pro Saul quoque Saulus in nostra lingua ac sermone dicatur.* Hæc Hieronymus. Pater ipsius sectâ Phariseus fuisse creditur Act. 23. v. 6. Sororem etiam & Nepotem Paulum habuisse, colligitur indidem. v. 16.,

v. 16., ubi dicitur: *Cum audisset filius sororis Pauli insidias &c.*

Dubium est, an Andronicus & Junias, de quibus Rom. 16. v. 7. dicit: *Salutate Andronicum & Juniam cognatos & concupis- vos meos, qui sunt nobiles in Apostolis, qui & ante me fuerunt in Christo* (quia fortè ex 70. Discipulis:) insuper Herodion, de quo ibidem v. 11. *Salutate Herodionem cognatum meum:* & Lucius (qui putatur Lucas) & Jason & Sosipater, de quibus ibi v. 21. *Salutate vos Timotheus adjutor meus & Lucius & Jason & Sosipater cognati mei*, fuerint cognati Pauli cognatione carnali, an verò cognati tantùm spiritualiter in Christo, quia baptizati sive ab ipso sive ab alio. Baronius ad ann. 58. num. 57. censet, præfatos non dici cognatos cognatione sanguinis strictè tali, sed nec quia baptizatos præcisè, sed quia erant ejusdem Gentis, nempe Judæi, quos omnes cognatos suos appellat Rom. 9. v. 3.: *Optabam enim ego ipse anathema esse à Christo pro fratribus meis, qui sunt cognati mei secundum carnem, qui sunt Israelitæ*, & hunc sensum amplecti videtur S. Th. in cap. 16. ad Rom. Lect. 1.; Difficultas tamen est, quòd Paulus vocat cognatos suos aliquos etiam, qui non erant genere Judæi, sed ex Gentibus, ut Lucium seu Lucam qui erat Antiochenus, Jasonem qui Thessalonicensis erat, & Sosipatrum ex Beræa in Macedonia. Et idèd alii putant, omnes præfatos dici cognatos aliquà cognatione sanguinis; nec enim est novum, aliquam familiam in partibus etiam distitis habere cognatione junctos: unde sicut Timotheus, quamvis ex Licaonia & Gentilis, matrem habuit Judæam, sic Judæus cognatos inter Gentiles habere poterat.

II. De loco Nativitatis S. Pauli controversatur. S. Hieronymus de Script. Ecclesi. in Paulo facit eum natum in Giscalis, deinde Tharsum translatum his verbis: *Paulus Apostolus, qui ante Saulus... de Tribu Benjamin & Oppido Judææ Giscalis fuit, quo à Romanis capto, cum parentibus suis Tharsum Ciliciæ commigravit*. In Epistolam tamen ad Philemonem hoc idem dicit, sed ut ex aliorum sententia potiùs, quàm sua: & sic posse stare illud, quod de se ipse testatur: (2. Cor. 11. v. 22.) „Hebræi sunt & ego: Israelitæ sunt & ego: semen Abraham sunt & ego „ & rursum alibi (Philipp. 3. v. 5.) „Hebræus ex Hebræis „ & cætera, quæ illum Judæum magis indicant, quàm Tharsensem. Nihilominus Act. 9. v. 11. vocatur Saulus nomine Tharsensis: & cap. 21. v. 39. ipse Paulus de se dicit: *Ego homo sum quidem Judæus à Tharso Ciliciæ: quod repetit cap. 22. v. 3.: Ego sum vir Judæus natus in Tharso Ciliciæ*. Quis ergo de hoc ampliùs dubitare poterit, cum Scriptura nobis exhibeat testimonium ipsius Pauli asserentis, se esse

verum Judæum & natum in Civitate Tharsis Ciliciæ ? Certè, ut notat Baronius ad ann. Christi 36. uum. 8., Epiphanius hæres. 30. disputans contra Ebionæos, qui Paulum dicebant fuisse origine Græcum, factum verò postea profelytum, eundem natum Tharsî sed ex Judæis affirmat, de Gischalis verò nec verbum facit. Multæ ergo Judæorum familiæ in Cilicia & aliis Græciæ partibus sedem fixerant ; quod evincitur ex Act. Apost. cap. 2., ubi multi ex illis Regionibus Judæi ad diem Pentecostes Hierosolymis convenisse leguntur, & cap. 6. inter eos, qui adversus Stephanum surrexerant, recensentur aliqui ex Cilicia. Sic ergo majores Pauli quamvis Gente Judæi fixerunt ( aut si velis è Gischalis transtulerunt ) sedem Tharsî Ciliciæ Metropoli, & ex diuturno incolatu ejus Urbis Civitate posteri illius familiæ donati fuerunt, & consequenter Cives etiam Romani nascebantur. Quare Act. 22. v. 28. dicente Tribuno: *Ego multâ summâ civilitatem hanc ( Romanam ) consecutus sum*, Paulus respondit: *Ego autem & natus sum*.

Causa autem, cur nati Tharsis illicò Cives Romani essent, ex Dio L. 47. fuit hæc. Tharsenses erga Cæsaris domum adeò benè affecti fuere, ut suæ Urbis nomen *Julisopolis* in gratiam Julii Cæsaris donarint. Cumque propter hoc à Cassio, ex intersectoribus Julii Cæsaris uno, extrema mala perpessi essent, dum Asiæ præfectus esset, adeò ut omnibus bonis tam in communi quàm in particulari eos expoliaverit, Augustus tot jacturas eis compensare æquum fore ratus, honoribus omnibus, privilegiis, terris, aliisque bonis eos cumulavit ; inter quæ hoc singulare fuit, ut Tharsî Colonia libera esset, & qui Cives illius Urbis nascerentur, Romani etiam Cives à nativitate essent. Ecce, quomodo Paulus Tharsî natus, Judæus genere esse potuit, & simul Civis Romanus.

III. Tharsenses, referente Strabone L. 14., Litteris ac Scientiis valdè dediti proprios lares deferere, ut in aliis Regionibus studiis vacarent etiam adolescentuli, consueverant ; & Hierosolymam plures ex illis petebant, ubi fama est, Judæos ex Cilicia particularem Synagogam habuisse. Hinc factum est, ut Sauli parentes cum Jerusalem miserint, ubi suam primævam egit ætatem : undè Act. 26. v. 4. dicit ipse : *Et quidem vitam meam à juvenute, quæ ab initio fuit in Gente mea in Hierosolymis, novērunt omnes Judæi* : Et hoc divino consilio factum fuit, ut præ maturè è patria voluptatibus ac deliciis nimium dedita extraheretur.

Hierosolymis ad pedes Gamalielis se in Lege eruditum fuit.



fuisse, testatur ipse Act. 22. v. 3. dicens: *Ego sum vir Judæus, natus in Tbarso Ciliciæ, nutritus autem in ista Civitate secus pedes Gamaliel, eruditus juxta veritatem paternæ Legis, amulator Legis, sicut & vos omnes estis hodie.* Sectæ autem Phariseorum, quæ rigidiorẽ Legis observantiam superbè affectabat, adhæsit, ut ipse fatetur Philip. 3. v. 5.: *cujus sectæ fuisse etiam majores suos, indicat ipse Act. 23. v. 6. publicè clamans: Ego Phariseus sum, filius Phariseorum.* Porro cum hujus sectæ viri fuerint hostes Christi infensiores, ut in Evangeliiis liquet; non mirandum, si Saul adeo ferus persecutor Discipulorum Christi fuerit. Continuo unâ cum Abiba Gamalielis filio Templum adibat (August. in Psal. 147.) Opera legis exactè implebat, sed nondum id, quod postea ipse docuit Rom. 3. v. 20: *Quia ex operibus Legis non justificabitur omnis caro coram illo, & quod justitia Dei est per Fidem Jesu Christi.*

IV. Præter impensum Legis Mosaicæ studium, cui ex dictis se totum dederat, aliquam etiam manualetm artem Saulum apprehendisse, conveniunt omnes. Baronius ad ann. 52. num. 17. censet moris fuisse apud Hebræos, ex quadam Lege eis præscripta, ut quicumque res sacras vellent profiteri, etsi nobilitate clari & divitiis affluentes, manuale aliquod opificium addicerent; & hoc ne otio procliviores fierent ad peccandum. Unde inter nobiles Rabbinos legitur Rabbi Jochanna Sutoriam, Rabbi Judam pistoriam artem exercuisse. Ex hac igitur consuetudine seu Lege factum existimatur, ut Saulus Mosaicæ Legis studiosissimus aliquod manuum opificium didicerit, sive ob rationem allatam, sive ob aliam causam: & hoc postea cum Evangelium prædicaret, ubicumque confisteret, ad victum quotidianum exercuerit. Et ideo Act. 20. v. 24. agebat: *Ipse fecitis, quoniam ad ea, quæ mihi opus erant & his, qui mecum sunt, ministraverunt manus istæ.* Idem repetit 1. Cor. 4. v. 12. 1., ad Thessal. 2. v. 9., & 2. ad Thess. 3. v. 8.

Quodnam autem fuerit hoc opificium, Lucas Act. 18. v. 3. apertè tradit dicens, Paulum, cum venisset Corinthum, ea ex causa apud Aquilam & Priscillam divertere voluisse, quia erant ejusdem artis ac ipse, nimirum scenosactoriæ: *Et quia ejusdem erant artis, manebat apud eos & operabatur (erant autem scenosactoriæ artis:)* Porro ars scenosactoriæ dicebatur illa, quæ ex pellibus consueverat & faceret tentoria, quibus milites in castris utebantur: de quibus Tacitus L. 13. *Retentus est, inquit, omnis exercitus sub pellibus.* Assutis etiam pellibus nautæ uti solebant ad naves operiendas, ut Cæsar in Comment. de Bello Civili L. 3.

De

De ejusmodi Pauli opificio Origenes Homil. 17. in Num. *Paulus*, inquit, *eras faber tabernaculorum*, & paulò infra: *Sicut illi* (Apostoli ceteri) *ex piscatione piscium Piscatores hominum facti sunt: ita & iste à faciendis tabernaculis terrenis ad caelestia construenda tabernacula translatus est*. Et Chrysostomus Homil. 2. in Ep. ad Rom. ait: *At tabernaculorum artifex hic, non Siciliam modò, atque Italiam, verùm universum terrarum Orbem, Verbum Dei prædicans, peragravit; cùm interim artem non intermitteret, sed vel tum quoque pelle consuevit, & Officiis sua præfesset: neque enim eares Patricios aut Magnates offendebar; idque iure optimo; non enim artes ac studia, sed conficta dogmata, despicabiles reddere solent praeceptores*. Ita eleganter Chrysostomus: & hoc in Paulo ex Luca supra relato confirmatur.

V. Non solus autem Paulus, sed & ceteri Apostoli ac viri Apostolici, ministerio Verbi, cùm locus & tempus id permisisset, opus aliquod manuum conjungere solebant. Cujus testis inter alios est Epiphanius hær. 80. dicens: *Ex ipsi Dei Sacerdotibus quidam unà cum prædicatione Verbi, imitantes Sanctum ipsorum post Deum in Christo Patrem, Paulum, inquam, Sanctum Apostolum, etiam ipsi pro viribus, tametsi non omnes, attamen plures propriis manibus operantur, qualemcumque tandem juxta proportionem Dignitati & Ecclesiastica Cura assiduitati convenientem repererint artem, quo cum Verbo & prædicatione conscientia ipsa gaudeat, dum etiam per manus proprias fructum affert, & sibi ipsi suppeditat, fratribusque ac indigentibus impertit ministerii fructum, ex primitiis, inquam, & oblationibus & ex manuum labore partit, propter excellentem affectionem erga Deum proximis ultrò impartiens. Quamquam ipsi ad hoc non cogantur, neque deputati sint, sed justitia labores & operationem Ecclesiasticam habeant, & secundùm justitiam alantur; verùm propter excellentem voluntatis promittitudinem ipsi hoc faciunt*.

Hoc ipsum & veteres Monachi Pauli & aliorum exemplo factitasse, idem Epiphanius paulò superius dixerat, his verbis: *Laborant propriis manibus, ad impartendum etiam indigentibus; quemadmodum etiam in singulis Monasteriis, tum in Aegyptiorum Regione, tum in aliis omnibus, sic laborant ad justitiam, velut apes, in manibus quidem habentes ceram opificii, in ore verò guttas mellis, cùm propriâ hymniferâ voce universorum Dominum juxta proprium sensum laudant*. Pulchra quidem similitudo. De hoc S. August. Librum de Opere Monach. scripsit, in quo cap. 14. 15. & 16. acriter reprehendit quosdam vagos ac desides Monachos, opera manuum prætermittentes. Ibi tamen in sententia videtur esse, nec

nec Paulum semper & ubique operatum fuisse manibus suum opificium, sed cum à prædicatione Verbi daretur otium: cætero autem tempore, maxime id exposcente necessitate, ab offerentibus accipiebat: quamquam saltè à Corinthiis nunquam pro suo victu quidquam se accepisse, protestetur 1. Cor. 9. ubi postquam ostendit, se id potuisse facere, quia nemo suis stipendiis militat, & nemo pascit gregem & de lacte gregis non manducat: & qui Evangelium annuntiant, de Evangelio ordinante Domino vivere debent; subdit tamen: *Ego autem nullo horum usus sum.* Sed hæc præsentis argumenti non sunt; ea ergo tetigisse sufficiat.

VI. Paulum, excepto studio Legis Mosaicæ & Traditionum Hebraicarum, cui se totum dedit, nullius alterius scientiæ notitiâ imbutum fuisse, imò nec aliam linguam calluisse quàm Hebraam, censet Chrysostomus Homil. 4. in 2. ad Timoth. Cum tamen, ut dixi, natus fuerit Tharsi Urbe Græca, difficile creditu est, eum Linguam saltè Græcam non calluisse. S. Hieronymus in cap. 4. ad Galatas ex quibusdam dictis Græcorum Poetarum, quæ in ejus Epistolis allegata reperit, infert, eum litteris humanis studuisse, ac in eis saltè mediocriter versatum fuisse. Tantæ autem eloquentiæ fuit, ut teste ipso Chrysostomo in præfat. ad Epist. ad Rom., Gentes existimarent, eum esse Mercurium: unde Act. 14. v. 11. dicitur, quòd Iconii Cives *Vocabant Barnabam Jovem, Paulum verò Mercurium, quoniam ipse erat Dux Verbi.*

## §. II.

### *Sauli Persecutio & Conversio.*

**L** T Anto pro Mosaica Lege & Judaicis Traditionibus zelo ardebat Saulus, ut multos sibi cœvos superaret. Hoc fatetur ipse Galat. 1. v. 14. his verbis: *Et proficiebam in Judaismo supra multos coetaneos meos in genere meo, abundantius emulatur existens paternarum mearum traditionum.* Zelus iste non Dei, sed contra Deum versus in furorem, fecit Saulum blasphemum in Christum, & sui Sancti Nominis acerrimum persecutorem. Probabile est, fuisse unum ex illis, qui Act. 6. v. 9. insurrexerunt contra Stephanum disputantes eum eo, quorum aliqui erant ex Cilicia Tharsis Provinciâ. Ejus tamen neci consensisse extra dubium est Act. 7. v. 59.: *Saulus autem erat consentiens neci ejus.* Imò quamvis propriis manibus in eum non jaceret lapides, dum omnium

omnium lapidantium vestimenta servabat v. 57. *deposuerunt vestimenta sua secus pedes adolescentis, qui vocabatur Saulus* : ipse in omnium lapidantium manibus erat & omnium manibus eum lapidabat : & Chrysostomus Hom. 18. in Acta : *Vide, inquit, quàm accuratè, quæ Paulum spectant, recenseat, ut ostendat tibi opus Dei in ipso postea peractum*. Interim vero ille non modò non credit, sed etiam mille homicidarum manibus ipsum impetit. Quare Stephanum pro se lapidantibus Deum orantem v. 19. *Domine ne statuas illis hoc peccatum*, ad Saulum specialiter respexisse ; & hunc precum Stephani primum fructum fuisse, censet S. August. serm. 38. c. 4. : *Si Sanctus Stephanus non orasset, Ecclesia Paulum non haberet* : & Serm. 94. de diversis ( modò 316. ) *Putas, inquit, verba ista audivit Saulus? Audivit subsannans, sed irrisit : & tamen ad Orationem Stephani pertinebat. Adhuc grassabatur & jam pro illo Stephanus exaudiebatur*.

II. Eodem anno, quo lapidibus necatus est Stephanus, Christi nempe 34., imò eadem die, ut notat Baronius ad eundem annum num. 324., *Facta est*, inquit Lucas Act. 8. v. 1., *in illa die persecutio magna in Ecclesia, quæ erat Hierosolymis, & omnes dispersi sunt per Regionem Judææ & Samariæ, præter Apostolos*. Hanc autem persecutionem maxime promovente Saulo excitatam fuisse, apparet ex v. 3., ubi dicitur : *Saulus autem devastabat Ecclesiam, per domos intrans & trahens viros ac mulieres tradebat in custodiam*. Super quæ Chrysostomus : *Magnus, inquit, furor, & quoddam solus esset & quoddam in domos intraret : ita animam suam pro Lege dabat : trahens, inquit, viros & mulieres : Vide licentiam, contumeliam & insaniam*. Omnes, qui in manus suas incidebant, mille officiebat malis, utpote ab hac nece audacior factus.

Hic cœpit impleri quod Christus prædixerat Matth. 23. v. 34. quod missurus erat Prophetas & Sapientes ad Scribas & Phariseos, ab his partim occidendos, partim crucifigendos, partim flagellandos in Synagogis suis : & hoc faciendo putarent obsequium se præstare Deo iuxta illud Jo. 16. v. 2. : *Abique Synagogis facient vos : sed venit hora, ut omnis qui interficit vos, arbitretur obsequium se præstare Deo*. Hæc furente persecutione, imò eodem die quo Stephanus, scribit Dorotheus in Synopsi, occisum quod fuisse Nicanorem unum ex septem Diaconis unâ cum ducentis aliis Christi Fidelibus. Sed quidquid sit de Nicanore, quem Menologium facit solum Vespasianî tempore fuisse in Cypro occisum : certum est, complures alios post necem Stephani à Judæis Saulo Duce fuisse occisos : hoc enim ipse coram Festo Præside & Agrippa Rege, cum suam causam ageret, testatus est Act. 26. v. 10.

v. 10. his verbis: *Multos Sanctorum ego in carceribus inclusi à Principibus Sacerdotum potestate accepta, & cùm occiderentur detuli sententiam: & per omnes Synagogas frequenter puniens eos, compellebam blasphemare: & amplius insaniens in eos, persequabar usque in exterar Civitates. En ex publica Pauli confessione manifestata insania, quâ, dum adhuc esset Saulus & æmulator Legis, in Christianos furebat.*

Ad hæc tempora creditur etiam respexisse Paulus, dum ad Fideles ex Hebræis scribens memorat eis mala, quæ pro Christo passi fuerant, dicens Hebr. 10. v. 32. 33. 34.: *Rememoramini pristinos dies, in quibus illuminati magnum certamen sustinivistis passionum: & in altero quidem opprobriis & tribulationibus spectaculum facti: in altero autem socii taliter conversantium effecti. Nam & vinculis compassi essis, & rapinam bonorum vestrorum cum gaudio suscepistis, cognoscetes vos habere meliorem, & maiorem substantiam.* Ita intelligit S. Thomas Lect. 4. in cap. 10. ad Hebræos. Unde sciens Paulus Fideles Hierosolymitanos bonis suis spoliatos, culpâ suâ ad paupertatem fuisse redactos, ut ea ipsis compensaret, adeo sollicitus erat de collectis ad eos transmittendis.

III. Tunc etiam in Nicodemum exarsisse persecutionem, ex Gamalielis relatione memoriæ tradidit Lucianus Epist. de Invent. S. Stephani, his verbis: *Cognoscetes Judæi, illum esse Christianum, amoverunt eum à principatu suo & anathematizaverunt eum, & de Civitate expulerunt. Tunc ego Gamaliel, quasi persecutionem pro Christo passum, sustuli eum in meum agrum, & alui & vestivi usque ad finem vitæ ejus, & defunctum honorificè sepelivi juxta Dominum Stephanum.*

IV. Interea magis magisque falso suo zelo agebatur Saulus, nec Stephani & aliorum nece ac persecutione contentus, velut Lupus rapax universum Gregem Christi vorare, aut saltem dispergere, totâ animi sui contentione parabat. Accessit ergo ad Principem Sacerdotum (Caipham) ab eo petens Epistolas in Damascum, quibus Christianos omnes ibi degentes comprehendere posset, & faciliè obtinuit. Totum narrat S. Lucas Act. 9. v. 1. 2.: *Saulus autem, adhuc spirans minarum & cadit in Discipulos Domini, accessit ad Principem Sacerdotum & petiit ab eo Epistolas in Damascum ad Synagogas: ut si quos invenisset hujus viæ viros, vivos perduceret in Jerusalem.* At cur à Summo Sacerdote Epistolas, non à Præfecto petiit? Quia agebatur de Lege, cui quî non obediebat, Sacerdotis non sæculi Principis judicio erat puniendus (Deuter. 17. v. 11.) Ita Chrysostomus homil. 19. in Acta:

Tom. V.

P

Vide

*Vide, inquit, studium ardoremque ac quàm secundam Legem agat. Non adit Praefectum, sed Principem Sacerdotum; petit ab ipso Epistolas, ut si quos inveniret hujus viae (Viam vocat credentes, qui sic ab omnibus tunc vocabantur, forte quia viam ad Caelum tendentem sectabantur). Cur potestatem non accipit illos ibidem puniendi, sed Hierosolymam ducit? Ut cum majori potestate illic supplicium infligeretur. Quo exemplo docemur, violatam Divinae Legis reos judicare ac punire, non secularis, sed Ecclesiasticae potestatis esse, & maximè summi in Ecclesia Sacerdotis; & ad ejus tribunal praefertim graviores Fidei causas, quin etiam reos ipsos esse adducendos. Cur autem Damascus potius adierit, idem Chrysostomus dicit: Quia Magna Civitas erat & Regia: timebat, ne illa quoque praecupperetur.*

V. Ista erant consilia hominum, sed contrarium erat consilium Dei. Ibat Saulus animo prosternendi Christum in suis Fidelibus, nesciens, quòd à Christo esset prosternendus, & in alium erigendus. Ibat Lupus, sed potenti Dei gratiâ in ovem convertendus, imò in ovium Custodem & Pastorem. Ita fuit. Ibat comitantibus multis, quia enim contra multos ibat, multos accepit: *Et cum iter faceret, contigit, ut appropinquaret Damascus: & subito circumfulsit eum lux de Caelo, & cadens in terram audivit vocem dicentem sibi: Saule, Saule, quid me persequeris? Qui dixit: Quis es Domine? Et ille: Ego sum Jesus, quem tu persequeris: durum est tibi contra stimulum calcitrare. Et tremens ac stupens dixit: Domine, quid me vis facere? Et Dominus ad eum: Surge & ingredere Civitatem, & ibi dicetur tibi, quid te oporteat facere. Viri autem illi, qui comitabantur cum eo, stabant stupesci, audientes quidem vocem, neminem autem videntes. Surrexit autem Saulus de terra, apertisque oculis nihil videbat. Ad manus autem illum trabentes, introduxerunt Damascus. Et erat ibi tribus diebus non vident, & non manducavit neque bibit. Ita Lucas Act. 9. à v. 3. describit hunc Divinae Gratiae de Saulo triumphum, & Christianae veritatis mirabile argumentum. Ecce Gratiae Christi in Paulo operantis primordia: facit, ut revereatur tantum Dominum, & statim servum se fateatur esse illius, quem persequabatur & cujus nomen antea exhorrebat. Oculos ejus caecitate mulcavit, non quidem ne imposterum nihil videret, sed ne ante videret, & ut novâ luce perfusus oculis etiam corporis, ea, quae ante non videbat, videret. Id autem mirabilius est, quòd Deus ut Saulum ad se traheret, non expectavit ut fervida ejus passio teperceret, sed dum majori furoris actu exarderet, eum depreffit, ut in majorem suae potentiae admirationem nos*

nos traheret ; sicut Medici ars magis apparet , qui febrem in sui majori violentia quiescere & evanescere facit . Totum hoc Paulus ipse Regi Agrippæ per extensum enarrat Act. 26. : ex quo S. Gregorius L. 29. Moral. cap. 11. concludit : *Quid ergo nobis non sperandum est , aut quis nobis præferendus , dum videmus hunc Ecclesiæ persecutorem , hunc S. Stephani homicidam , etiam ipso Stephano Apostolatus gratiâ majorem fieri ?*

VI. An Saulus in hoc actu solum audierit vocem Christi ad eum loquentis , an etiam eum viderit , dissensio est etiam inter Patres . Paulum non vidisse Christum nisi per effectus , sentit Chrysostomus Homil. 20. in Acta . S. Asterius Orat. 8. putat , Saulum non vidisse Christum sub forma humana , sed sub figura lucis , quæ circumfulsit eum de Cœlo , ad eum modum quo Moyses sub figura rubi ardentis Deum vidit . Attamen S. Hilarius L. 3. de Trinit. dicit , eum revera vidisse Christi humanitatem , quæ ipsi apparuit ; cui consentire videtur S. Augustinus serm. 279. : & sanè si modum quo loquitur scriptura attendamus Act. 9. v. 27. , ubi Barnabas narravit Apostolis , *quomodo Saulus in via vidisset Dominum* , & cap. 26. v. 16. & alibi , omne fundamentum aliter sentiendi tolli videtur ; sed præcipuè 1. Cor. 15. , ubi Paulus , postquam narravit , Christum post resurrectionem visum fuisse Cephæ & undecim , deinde quingentis fratribus simul , postea Jacobo , subdit v. 8. : *Novissimè autem omnium tantquam abortivo visus est & mihi* : quod dixerat etiam cap. 9. v. 1. . Si ergo Christus apparuit , & visus est Paulo sub ea forma , quâ apparuit & visus est Petro , aliis undecim , 500. fratribus , & Jacobo , cum his apparuerit & visus sit in vera forma humana , ad probandam suam resurrectionem , dicendum sine hæsitatione est , eodem modo apparuisse ac visum fuisse Paulo ; quamvis nimio fulgore , qui ipsum comitabatur , ejus oculi manserint postea obnubilati .

VII. Surrexit ergo Saulus de terra , sed habens oculos apertos nihil videbat ; permittente Deo , ut velut squamæ super ejus oculos insidentes visum ei impedirent . Sic , ut ait , Augustinus serm. 279. & serm. 333. ei excæcavit oculos corporis , ut aperiret ac illustraret oculos animæ : ac ne ampliùs ad videnda vana & transitoria oculos haberet , sed ad videndum unicè Jesum , & in ejus solius contemplatione defixus , non in alio quàm in ipso pulchritudinem ac dulcedinem experiretur , ac cætera omnia ipsi essent ac si nunquam fuissent . Indè ad manus illum ducentes , ii nimirum , qui ejus comites fuerant , nihil ad ea quæ stupefacti super ipsum audierant commoti , sed adhuc increduli , intro-

duxerunt Damascum : idest , ut ait Chrysost. Homil. 19. in Acta , *Spolia Diaboli , vasa ejus , quasi captâ quadâm Urbe vel Metropoli , introducunt . Et quod mirum est , ipsi inimici & hostes introducunt illum omnibus videntibus .*

## §. III.

*Sauli Baptizatio .*

I. **I**ntroductus Damascum Saulus illustre Christi trophæum , & in domum Judæ ejusdam receptus , ibi mansit tribus diebus nec videns nec manducans neque bibens . *Cur autem non manducavit , neque bibit ?* ( inquit Chrysostomus Homil. 19. citatâ ) *sua gesta damnavat , confitebatur , orabat , rogabat Deum .* Si enim post multos annos , post tot tantosque pro Christo & Ecclesia exantlatos labores ac sibi comparata merita , sine gemitu lacrymis & humiliatione recordari non poterat , se aliquando Christi & Ecclesiæ persecutorem fuisse , notat se *Abortivum , minimum Apostolorum , indignum vocari Apostolum* , quia persecutus fuit Ecclesiam Dei 1. Cor. 15. v. 9. , quod in omnibus ferè suis Epistolis deslet ; quanto cordis sui ploratu ac sui criminis detestatione , credere par erit , triduum illud traufegisse , quo menti ejus obvolvebatur adhuc recens , quid ipse egisset contra Christum , & quid Christus eodem tempore tantâ dignatione egisset & adhuc ageret in ipso & pro ipso per gratiam suam , & aliis ipsùm comitantibus , qui eadem signa viderunt , in sua incredulitate relictis , ipsi soli Divina misericordia affulsisset ?

II. Dum hæc & alia Saulus in suo cubiculo meditaretur , Deus , qui hoc grande opus solus inceperat , ipso etiam per gratiam suam cooperante , perficere non desistit . Sic ergo prosequitur Lucas Act. 9. à v. 10. : *Erat autem quidam Discipulus Damasci nomine Ananias : & dixit ad illum in visu Dominus : Anania . At ille ait : Ecce ego , Domine ; & Dominus ad eum : Surge & vade in vicum qui vocatur Rectus , & quære in domo Judæ Saulum nomine Tharseensem , ecce enim orat. . . Respondit autem Ananias : Domine , audivi à multis de viro hoc , quanta mala fecerit Saulis tuis in Jerusalem : & hic habet potestatem à Principibus Sacerdotum alligandi omnes , qui invocant nomen tuum . Dixit autem ad eum Dominus : Vade , quoniam vas electionis est mihi iste , ut portet nomen meum coram Gentibus & Regibus & filiis Israel . Ego enim ostendam illi , quanta oporteat eum pro nomine meo pati . Et abiit Ananias & introivit in Domum , & imponent ei manus dixit : Saule frater ,*



*Dominus misit me Jesus, qui apparuit tibi in via, quâ veniebas, ut videas & implearis Spiritu Sancto: & confestim ceciderunt ab oculis ejus tanquam squama, & visum recepit, & surgens baptizatus est: & cum accepisset cibum, confortatus est.* Hactenus S. Lucas: Quibus confirmat quàm terrificum apud Discipulos fuerit antea Sauli nomen, & quanta ejus in Christianos feritas, cum nec imperante Domino Ananias ad eum auderet accedere; & quanta proinde fuerit Divinæ Gratiæ vis, quæ illicò de Vase perditionis fecit illum Vas electionis.

III. Istum Ananiam, ferunt, excitatâ Hierosolymis persecutione se contulisse Damascum, ibique Ecclesiam collegisse; imò S. Augustinus L. 2. qu. Evang. cap. 40. censet, eum Sacerdotio Ecclesiæ fuisse initiatum. Quare non absque omni fundamento Recentiores Græci dicunt, eum fuisse unum ex 72. Discipulis & Damasci Episcopum, & addunt eum tandem martyrio coronatum fuisse Bethagaure Etheropolis lapidibus obrutum sub Luciano Præfide, ejusque Festum celebrant primâ die Octobris. Sed hæc incerta sunt. Tum quia eo tempore nullus Lucianus in iis Regionibus Præfecturam nomine Romanorum exercuisse legitur. Tum ex specie martyrii. Nam lapidibus necare in usu quidem erat apud Hebræos, non tamen apud Romanos. Leo Allatus de Simeonibus p. 127. hujus Historiæ facit auctorem Metaphrastem. Latini autem post Usuardum Ananiæ festum cum festo Conversionis S. Pauli 25. Januarii conjungunt. Fertur, Ananiæ domum in Ecclesiam sub ejus nomine fuisse conversam, & quamvis à Turcis in usum Mesquitæ translata, adhuc tamen apud ipsos in veneratione manere. Alii tamen putant, hanc Ecclesiam esse domum Judæ, in quam S. Paulus primò se recepit, & in hac corpus S. Ananiæ conditum fuisse; cujus caput Pragâ Romam translatum asseritur, quo tamen documento, ignoratur. Damasci etiam hodiè ostenditur fons, in quo fama est, fuisse ab Anania S. Paulum baptizatum.

IV. Quæri hic potest: cur ad dandum Saulo Spiritum Sanctum & eum de Evangelio instruendum non missi fuerint à Deo Apostoli, sicut ad Samaritas conversos leguntur missi Petrus & Joannes; sed solus Ananias, qui Apostolus non erat; & qui Saulum baptizavit quidem, eique manuum impositione dedit Spiritum Sanctum, sed de Evangelio & Fide nihil locutus est; Cum tamen plus operis impendendum videretur ad edocendum Saulum, qui tantâ Legis æmulatione usque ad illud tempus Christum ejusque Fidem detestatus fuerat ac persecutus?

Hoc quæsitum proponit Chrysostomus Homil. 20. in Acta sic:

*fic: Cur neminem ex Coryphaeis Apostolis vocavit, vel misit ad Pauli institutionem? Et ita resolvit. Quia non oportebat illum per homines, sed per ipsum Christum induci. Nam hic (Ananias) nihil ipsum docuit, sed tantum baptizavit: statim autem ubi baptizatus est, multam ex zelo & studio multo sibi attraxit spiritus gratiam. Voluit Christus, ut homines scirent, Sauli Conversionem & illustrationem esse unice opus suum, nihilque habere humanum: ideoque etsi voluerit, ut adesset minister, qui eum baptizaret, eique manus imponeret, noluit tamen, hunc esse ex duodecim. Sic (post multa addit Chrysostomus) nihil humanum hic, nec per hominem factum est; sed Deus adest, qui hac ageret. Jure ergo poterat Paulus gloriari in Domino, & scribere Galatis cap. 3. & v. 11. Notum vobis facio, fratres, Evangelium quod evangelizatum est à me, quia non est secundum hominem. Neque enim ego ab homine accepi illud, neque didici, sed per revelationem Jesu Christi.*

V. Quo Christi anno opus hoc admirandum Conversionis Sauli contigerit, non una est sententia inter Recentiores: communius tamen creditur Conversionem Sauli anno 34., seu uno anno post Passionem Christi, vel ad summum anno 35., duobus nempe post Christi Passionem annis contigisse. Huic secundæ opinioni adhæret Baronius ad ann. 36. n. 1. 2. & 3., putans, à Passione Domini annum unum menses octo dies 25. usque ad Conversionem Sauli intercurrisse: & movetur, quia cum anno primo post Christi mortem vigesima sexta Decembris secuta sit S. Stephani occisio, & vigesima quinta Januarii sequentis Pauli conversio, incredibile videtur, quod ea quæ à nece Stephani ad conversionem Pauli in Actis Apost. facta narrantur, nempe prædicatio Philippi in Samaria, Petri & Joannis illuc accessus ac reditus Hierosolymam, Candacis Eunuchi baptismus, persecutio excitata in Discipulos, Sauli studia in eis perquirendis, Ananæ in Damascum profectio, ejus ibidem prædicatio, Ecclesiæ collectio, cujus fama Hierosolymis evulgata moverit Principes Sacerdotum, ut ad eam dispergendam suis litteris Saulum jam incitatum mitterent: incredibile, inquam Baronio est, hæc & alia vix unius mensis spatio peragi potuisse; unde credibilius videtur, Conversionem Pauli factam fuisse anno secundo nimirum anno 35.: cui ad stipulatur etiam Œcumenius in Acta cap. ult.. Alii autem sentiunt, anno 34. Christi eam contigisse, primò quia cum dicat Chrysostomus Homil. de Principibus Apost. Petro & Paulo, quod Paulus *triginta quinque annis servivit Domino cum omni promissitudine animi*; si ponatur, quod anno 34. conversus fuerit, sequitur quod anno 69. martyrium obierit

obferit eum Petro , ut fupra probabilis cenfui . Diftum tamen Chryfoftomi , quòd Paulus triginta quinque annis Domino fervierit , nutare videtur . Tum quia homilia illa de Principibus Apoftolorum tanquam illegitima à multis Chryfoftomo abjudicatur . Tum quia Homil. 4. de Laudibus Pauli idem Chryfoftomus, vix folis triginta annis Deo ferviſſe, eum dicit, his verbis: *In tantum virtute progreſſus eſt ( Paulus ) ut vix triginta annorum ſpatio & Romanos & Perſas & Partbos & Medos & Indos & Scythas & Aethiopes & Sauromatas & Saracenos , & omne prorsus humanum genus ſub jugum mitteret veritatis :* Secundò quia idem Chryfoftomus aſſerit, Saulum paulò poſt mortem Stephani fuiſſe converſum : unde Homil. 19. in Acta ait : *Conſolatio hæc inducitur Pauli compenſat mærorem de Stephano conceptum :* & Aſterius Orat. 8. dicit, Saulum, cùm converſus fuit, manus Stephani ſanguine adhuc tinctas habuiſſe .

Utraque opinio probabilis eſt , hæc tamen ſecunda magis pſacet . Nec obſtat, multa narrari inter necem Stephani & Conversionem Pauli , quæ ſpatio unius menſis vix fieri potuiſſent . Nam in primis poteſt dici , ad hoc fatiſ eſſe , ut ea , quæ ibi narrantur , initium habuerint eo medio tempore , ſcilicet quòd à nece Stephani ſtatim cœperit perſecutio & diſperſio Fidelium , ex quibus Philippus Samariam , Ananias Damafcum ad Fideles ibi exiſtentes in Fide ſervandos , & è contra quòd Saulus ad eos diſperdendos eo quo ardebat furore litteras à Principibus Sacerdotum obtinuerit . Quæ incipiens narrare Lucas , Hiſtorici more , ne Hiſtoriæ curſum interromperet , omnia tanquam ante Conversionem Pauli facta recensuerit , cùm tamen aliqua ſolùm poſt eam , maxime Eunuchi converſio , peracta fuerint . Deindè quòd à nece Stephani ad Conversionem Pauli vix unius menſis ſpatium intercurrerit , in hoc fundatur , quòd Converſio Pauli dici 25. Januarii ſequentis alligetur : hoc autem non eſt adeò certum , quin de eo rationabiliter dubitari poſſit . Ex quo enim præfatæ Conversionis feſtum die 25. Januarii colatur , non iſlico ſequitur , eam tali die reverà contigiſſe , ut de aliquibus aliis feſtis apparet . Et ſanè nec Græci in Menologio nec Beda in Martyrologio hæc die de Conversione Pauli vel verbum faciunt . Imò teſte Florentinio in notis Mart. antiquioribus in Martyrologiis , hæc die non Conversionis ſed Translationis Reliquiarum S. Pauli mentio fit . Quà ergo ratione Eccleſia poſtmodum Conversionem Pauli huic diei inferuerit , ignoratur . Quare ex hoc firmum confici nequit argumentum .

VI. Quam ætatem ageret Saulus , quando converſus fuit ,  
etiam

etiam ambigitur. S. Lucas Act. 7. agens de nece Stephani Saulum appellat adolescentem v. 57. : *Deposuerant vestimenta sua secus pedes adolescentis, qui vocabatur Saulus*: quibus videtur indicare, eum fuisse valdè juvenem, & proindè etiam quando conversus fuit, cùm ex jam dictis inter necem Stephani & Sauli conversionem modicum temporis intercesserit. Notat tamen Baronius ad ann. 36. num. 5. loco *adolescentis* in textu Græco legi *Neania*, quâ voce non tam ætatis, quàm animi & spiritus vigor exprimitur, quod est proprium viri. Talem autem tunc fuisse Saulum, exprimit Lucas ipse cum ait cap. 9. : *Saulus autem adhuc spirans minarum & cædis &c.* Accedit, quòd Antiqui, quam nos ætatem virilem dicimus, appellabant juventutem. Unde S. Augustinus L. 6. Confess. cap. 11. cùm attingeret annum trigésimum dicit, se intrare in juventutem, & S. Irenæus L. 2. c. 39. ab anno 30. usque ad 40. eam computat. Saulum igitur quando conversus est trigésimum superasse annum exinde colligo, quia cùm anno suæ ætatis 68. martyrium subierit, & ut ex Chrysostomo dictum est, 35. seu potius vix 30. annis Domino servierit, sit, ut quando cœpit Christo servire, trigésimum superasset, quot autem annis incertum.

VII. An S. Paulus manserit semper cælebs, fusè agit Baronius ad ann. 57. à num. 59. usque ad 69. : Quod & ego in Colloquiis tractavi. Et quæstio esse potest de Paulo ante Apostolatam & Conversionem, & de eo jam converso & Apostolo. Et quidem factum Apostolum uxorem eum duxisse, nemo putò affirmabit, tum quia nullum est fundamentum hoc dicendi: Tum quia si qui ex Apostolis antea haberent uxores, facti Apostoli eas non habebant ampliùs ut uxores, sed ut sorores, ut citato loco fusè ostendi: credendumne est, Paulum ante Apostolatam cælibem, factum Apostolum uxorem duxisse, Paulum inquam, qui dum alios hortabatur ad cælibem vel continentem vitam servandam, in exemplum eis proponebat se ipsum? ait enim 1. Cor. 7. v. 7. : *Volo enim omnes vos esse sicut me ipsum . . . Dico autem non nuptiis & viduis: bonum est illis, si sic permaneant, sicut & ego*: super quæ verba, inquit S. Hieronymus Ep. 52. modò 31., quidam celebris Theologus nomine *Pierius* cùm sensum *Apostoli* ventilaret, atque differeret, & proposuisset illud exponere, Volo autem omnes esse sicut me ipsum, adjecit sic dicens: *Paulus apertè cælibatum predicat*. Et Epiphanius hæres. 79. : *Omnino, inquit, quidam grassatores, & ad libidinem conversi & corruptam opinionem in se ipsis habentes, etiam sanctos polluere volunt, ad honestam excusationem prava ac infirma sua opinionis, ad quos dixit Apo-*  
*stolo*

*solus: Vellem quidem omnes esse, sicut me ipsum. Me ipsum verò, quomodo dicit, præterquam propter castitatem?*

Quæstio igitur est, an etiam ante Conversionem Paulus manserit cælebs & uxorem non habens. In quo Clemens Alexandrinus L. 3. Strom. Paulum asserit fuisse conjugatum ex falsa intelligentia illorum verborum 1. Cor. 9. v. 5.: *Namquid non habemus potestatem mulierem sororem circumducendi, sicut & ceteri Apostoli?* Clementem videntur sequi Eusebius L. 2. Hist. cap. 24. & Nicephorus L. 2. cap. 44. Quæ tamen non de muliere uxore, sed sorore, nempe de Sanctis mulieribus, quæ juxta morem Judaicum Apostolis ministrabant, eosque sequebantur, exponunt Hieronymus adv. Jovin., Tertullianus L. de Monogamia cap. 8., Augustinus de Opere Monach. cap. 4., Chrysostomus & Theodoritus in 1. Cor. cap. 9. His accedunt Epiphanius alique, volentes, Paulum fuisse nedum continentem sed semper cælebem. Alii rem in ambiguo relinquunt. Probabilior tamen & communior sententia tenet, S. Paulum nunquam uxorem habuisse. Huic præter majorem consensum Patrum, non levi conjecturam ministrat institutum vitæ quod tenuit, antequam Christo nomen daret, sed Judæus inter Judæos esset. Erat enim Paulus secta Phariseus, & eorum, quæ secta illa profitebatur, rigidissimus observator. Hoc ipse testatur ad Philip. 3. v. 5., Act. 23. v. 6., & ad Galat. 1. v. 14.: *Et proficiebam, inquit, in Judaismo supra multos coetaneos meos in genere meo, abundantius amulator existens patrum mearum traditionum.* Una autem ex Pharisaicis traditionibus erat, quod non in prima juventute uxorem ducerent, sed per aliquot annos prius continentiam probarent. Ita refert Epiphanius Lib. 1. Panarij cap. 16. his verbis: *Quidam enim ipsorum cum se exercebant, prescribent decennium aut octennium aut quadricennium virginitalis & continentie, & frequentius orantes, crebrius certamen hoc aggrediebantur, ut ne videlicet corporale quid eis accideret, aut clandestinè per somnia tristis corporis defluxio contingeret &c.* Josephus etiam & ipse secta Phariseus, de se & alio Phariseo agens, qui eum ad castitatem servandam instituebat, Lib. de Vita sua hæc scribit: *Cum audissem Banum quemdam in solitudine vivere, amicum sibi parantem ex arboribus, & alimentis spontè provenientibus utentem, crebrisque nocte & die lavacris frigidis niti ad castitatem tuendam, capî ejus institutum imitari, exaltisque in ejus contubernio tribus annis, postquam cupitis satis potitus sum, in Urbem redii. Addit deinde, se nec postea, licet jam ad suæ ætatis annum trigesimum pervenisset, ullis carnis illecebris esse victum, nec nisi in matura ætate nuptias expetisse. Si*

*Tom. V.*

Q

ergo

ergo hæc agebat Josephus, si his multò majora alii ex Phariseis egisse traduntur: quid de Saulo dicemus, qui in rigida suæ sectæ traditionum observantia æqualibus suis antecelluit? an eum, primævo flore suæ juventæ illecebris carnis abreptum ad nuptias convolasse, an potius adhuc cælibem vocatum ad Christum?

Claudat hæc testimonium Ebionitarum, qui quamvis Hæretici & Paulo injuriosi, eum tamen absque uxore Christianum factum demonstrant. Epiphanius ergo hæres. 30. adversus eos: *Paulum, inquit, hic accusare non erubescunt. . . . Tharsensem quidem ipsum (velut ipse etiam confitetur & non negat) dicentes: Verum ex Græcis ipsum fuisse asserentes, occasione acceptâ ex loco ob veritatis studium ab ipso dicto, nempe Tharsensis sum, non ignobilis Urbis Civis. Deinde asserunt ipsum esse Græcum & ex patre Græco: Ascendisse autem Hierosolimam & per tempus illic mansisse, concupivisseque filiam Sacerdotis in uxorem accipere, & hujus gratiâ profelyum & accessorium factum esse & circumcissum esse: Deinde cum puellam affectus non esset, irâ concitatam esse & contra circumcissionem scripsisse, & contra Sabbatum & Legem. Hic quidem mendaciorum congeriem Ebionis dementia struit in Paulum; non credam tamen, eum facturum cælibem, si conjugem habere novisset, nec ex cælibatu ejus ansam in eum obloquendi fuisse sumturum, cum vivente adhuc Paulo, & ab iis, qui Paulum noverant, de mendacio in hoc sicut in aliis, argui faciliè potuisset, sed de hoc satis.*

#### §. IV.

##### *Primitiæ Prædicationis Pauli.*

**I.** Dextra ab oculis Sauli squamis, quibus tamquam velamine detinebatur ne lucem veritatis aspiceret, nec non gratiâ Spiritus Sancti fractâ cordis ejus duritiæ, repente in alium mutatus, cujus ne nomen quidem audire antea sustinuerat, modò Filium Dei confitetur & prædicat, & quidem publicè in Synagogis Act. 9. v. 20.: *Et continuè in Synagogis prædicabat Jesum, quoniam hic est Filius Dei:* unde Chrysostomus Homil. 20. in Acta: *Non prædicabat, inquit, quòd resurrexisset, neque quòd viveret, sed quid? Accuratissimè Dogma exponebat, quia est Filius Dei:* factus repentè Doctor summi illius mysterii, quod et si ex ore Christi sæpius auditum Scribæ & Pharisei credere noluerunt. Jure igitur subditur v. 21.: *Stupebant autem omnes, qui audiebant: & dicebant: Nunc hic est, qui expugnabat in Jerusalem eos,*

eos, qui invocabant nomen istud: & buc ad hoc venit, ut victos illos duceret ad Principes Sacerdotum? Stupebant, sed non credebant, imo magis efferati; nec Jesum nominabant, sed nomen istud, quod ex invidia me . . . . quidem audire sustinerent. Ita Chrysostomus ibi, qui prosequitur: Ille verò non modò his non confundebatur, sed & gloriabatur, Saulus autem magis convalescebat & confundebat Judæos, id est confutabat, nec loqui sinebat, affirmans quoniam hic est Christus, docens, inquit, quia statim Doctor fuit.

II. Ita Gratiâ Dei in eo & cum eo operante, tanto ardore cœpit Paulus Christi Fidem prædicare, quanto paulò ante eam oppugnaverat: Non erubescibat de mutatione, neque metuebat destruere illa, in quibus antea clarus erat: ita Chrysostomus, qui addit: Utpote Legis peritus confundebat illos, nec loqui sinebat. Putabant, se à Stephano liberatos, à tali disputatione ereptos esse, & alium invenerunt Stephano vehementiorem; Erat enim Paulus spiritu vivax, subtilis, penetrans, in dicendo promptus ac eloquens, tantæque auctoritatis, ut suis dictis fidem ab omnibus obtineret: maxime quia noverant ipsum, utpote in Lege peritissimum, non ignorantia deceptum sententiam mutasse, sed quia iudicio firmo & certo invenerit ac elegerit veritatem; potissime verò quia hoc nullo hominum docente aut suadente, sed repentinâ voce de Cœlo lapsâ ab his, qui testes fuerunt, audierant contigisse: ideoque confundebantur. Hæc fuerunt initia Apostolatus Pauli, qui estò tempore omnium novissimus, quia à Christo è Cœlo vocatus & ab eo immediatè edoctus, non ceguit ad ceteros Apostolos consulendum Jerusalem pergere, sed statim munus, ad quod vocatus fuerat, ut scilicet nomen Jesu portaret coram Gentibus & Regibus & Filiis Israel, implere cœpit. Hoc fatetur ipse ad Galat. 1. v. 15. &c. his verbis: Cum autem placuit ei, qui me segregavit ex utero matris meæ, & vocavit per gratiam suam, ut revelaret Filium suum in me, ut evangelizarem illum in Gentibus: continuo non acquievi carni & sanguini. Neque veni Hierosolimam ad antecessores meos Apostolos, sed abii in Arabiam & iterum reversus sum Damascum. Deinde post annos tres veni Hierosolimam.

III. Hæc postrema Pauli verba demonstrant, cum tres primos à sua Conversione annos, nempe Christi 34. 35. & 36., excigisse annuntiando Christum, priùs Damasci, deinde in Arabia, postmodum reversum fuisse Damascum. Hanc intermediam Pauli profectionem in Arabiam Lucas Act. 9. prætermittit; unde colligunt aliqui, fuisse solum in Regionem Damasco vicinam,

quæ tunc Aretæ Arabum Regi parebat. Iste autem recessus in Arabiam, vel Arabiæ partes finitimas, electus à Paulo fuit, sive ut subductus ab hominum frequentia, se ipsum magis magisque purificaret, ac nova lumina super Evangelio à Deo acciperet: sive, ut Fidem Christi illuc inferret, ubi nondum cognita erat. Sed quia, ait S. Hieron. in cap. 1. ad Galat., nihil singulare fortè ibi egit, idcirco Lucas hæc prætermisit.

Difficultas est, ubi hujus triennii majorem partem egerit, an in Arabia, an Damasci. Putant aliqui, majorem triennii partem in Arabia à Judæis semotum egisse, & solum versùs finem reversum fuisse Damascum: & inde factum esse, ut cum fugâ Damasco elapsus venit Hierosolymam, Discipuli, qui ibi erant, concilii quàm ferox fuisset Christi hostis, timerent ipsum, ut statim dicam. Quòd si Damasci pro majori parte moratus fuisset publicè in Synagogis prædicans Christum, fama stabilis ac sinceræ ejus Conversionis Hierosolymam pervenisset, & à Discipulis absque metu exceptus fuisset. Alii tamen communius existimant, majori à sua Conversione parte triennii Damasci moratum fuisse, in Arabia autem parum mansisse; & hoc indicare tum Lucæ silentium de Pauli professione in Arabiam, tum quia loquens de mora Pauli Damasci, dicit v. 23.: *Cum autem implerentur dies multi*. Cum hoc tamen benè componi potest, quòd Paulus adhuc suspectus esset Discipulis: nam illo triennio, quod fuit ultimum Tiberii, Aretas Arabiæ Rex Damasci Dominus adversùs Herodem Galiliæ Tetrarcham bellum gerebat, & propterea inier Damascum & Jerusalem vel nihil vel parum commercii aderat; ut quid Paulus eo tempore egisset Damasci pro Christo, ad notitiam Discipulorum existentium Hierosolymis pervenire potuisset. Scio aliquos putasse, hunc adventum Pauli Hierosolymam paulò post ejus Conversionem accidisse, & proinde Discipulos ibi vel ejus Conversionem ignorasse vel ejus sinceritatem suspectam habuisse; sed hoc est contra verba S. Pauli relata Galat. 1., ut quisque videre potest.

IV. Reversus ergo ex Arabia Damascum Paulus suâ Prædicatione mirum in modum Christi Fidem promovebat, & augebat Ecclesiam. Hoc amplius ferre non valentes Judæi, non quæ-runt testes, ut antea contra Stephanum, qui adversus eum deponant, ut ait Chrysostomus Hom. 20., sed ipsi per se ipsos operantur. A Damasci Præfecto obtinent, ut portæ Civitatis custodiantur, ad eas ipsis die ac nocte vigilantibus, ut eum capiant ac interficiant. Innotescunt insidiæ Discipulis Pauli, qui eum ac-



accipientes nocte per murum in sporta dimittunt. Ita Act. 9. v. 23. his verbis : *Consilium fecerunt in unum Judai, ut eum interficerent. Nota autem facta sunt Saulo insidiæ eorum: custodiebant autem & portas die ac nocte, ut eum interficerent. Accipientes autem eum Discipuli nocte per murum dimiserunt eum, submittentes in sporta. Quod 2. Cor. 11. v. 32. Paulus ipse exponens ait: Damasci Præpositus Gentis Aretæ Regis custodiebat Civitatem Damascenorum, ut me comprehenderet: & per fenestram in sporta dimissus sum per murum, & sic effugi manus ejus.*

V. Effugit ergo Paulus, non quia timeret mori pro Christo, sed ut ad majora facienda pro Christo se servaret. *Quædam enim fuga est cautela, quando scilicet fugit pericula, ut præservetur ad majora: sic Helias fugit propter Jezabel 3. Reg. 16., & sic Apostolus hic fugit manus Præpositi.* Ita S. Th. in cap. 11. 2. ad Cor. Lect. 6., & Chrysost. Hom. 20. in Acta: *Non eripit autem, inquit, illum Christus à periculo sed dimittit, quia vult multa ex humana prudentia fieri. Alioquin dimittit, ut discamus, ipsos etiam homines fuisse, neque semper omnia gratiam operari.* Et paulo supra: *Quomodo, inquit, ille fugit? non ex timiditate; sed se ad prædicationem servabat; si timidus fuisset, non Hierosolymam venisset, non statim Doctrinam suscepisset, ex vebementia aliquid remisset. Verum non erat timidus sed prudens, Stephani cade edoctus.* Nec fugiens muneri boni Pastoris defuit, nam ut ait S. Th. citato loco: *Aliquando quaritur persona Prælati tantum, aliquando cum Prælato totus Populus: Quando ergo quaritur Prælati solus, tunc debes committere curam alteri, & absentare se: & sic fecit hic Paulus: & ideo dicit Glossa, quod licet suggeret, tamen fuit ei cura de Oribus, bono Pastori in Cælo sedenti eas commendando, & utilitati earum se per fugam præservando. Quando verò quaritur totus Grex, tunc debet præponere utilitatem & salutem Gregis salutis corporis sui.* Fugit tandem Paulus non ad quietem & securitatem, sed ad nova & majora pericula, dum Hierosolymam ivit, inter violentiores Christianæ Religionis hostes sese projiciens.

VI. Hierosolymam ergo triennio elapso ex insidiis Damascenorum venit, ut videret Petrum. (Hoc ait ipse ad Galat. 1. v. 18.) *Post tres annos veni Hierosolymam videre Petrum, & mansi apud illum diebus quindecim.* Venit, non ductus curiositate ipsam videndi, non necessitate ab ipso quidquam ad fidem pertinens addiscendi; qui, ut dicit ibi v. 12., nihil per hominem acceperat, sed omnia per revelationem à Jesu Christo didicerat; sed ductus caritate & reverentiâ erga primum & Caput Apostolici Ordinis, cum eo manens, ac per dies quindecim de Sacris Fidei Mysteriis col-

colloquens ; quo tempore alium Apostolorum non vidit nisi Jacobum fratrem Domini, qui Hierosolymorum fuerat Episcopus constitutus .

Eâ tamen humilitate erat Paulus , ut cùm Jerusalem advenisset , quamvis jam omnium Magister , tentaret se jungere Discipulis ; sed hi , quibus nota quidem erat ejus in Fideles persecutio , non tamen de ejus Conversione saltèm sincera adhuc erant securi , non audebant se illi credere . Ita Act. 9. v. 26. : *Cùm autem venisset in Jerusalem , tentabat se jungere Discipulis ; & omnes timebant eum , non credentes , quidd esset Discipulus .* Ubi Chrysostomus Hom. 21. in Acta : *Vide , inquit , illum , non Apostolos adire præ modestia , sed Discipulos , utpote qui Discipulus esset : nondum enim fidus esse putabatur .* Barnabas tamen in hac angustia ei præsto fuit ; sive quia unâ cum eo apud Gamalielem studuerat , ideoque ab antiquo ei amicus ; sive quia postea Damasci fuerat , & quæ ibi Paulus pro Christo egerat & passus fuerat , vel viderat , vel audierat ; sive ex innata sua urbanitate , Paulum ad Petrum & Jacobum duxit , & narrans omnia quæ acciderant , Discipulos à metu liberavit . Ita Act. 9. v. 27. : *Barnabas autem apprehensam illum duxit ad Apostolos , & narravit illis , quomodo in via vidisset Dominum , & quia locutus est ei , & quomodo in Damasco fiducialiter egerit in nomine Jesu .*

VII. Paulus igitur illis quindecim diebus , quibus Hierosolymis moratus fuit , suæ Conversionis experimentum præbere volens , eo quo vigeat fervore Fidei disputare cepit cum Judæis exteris , nempe Græcis ut enim Chrysostomus ait Homil. 21. qui ex Hierosolymis erant Judæi , *ne videre quidem illum volebant ,* tanquam scœdifragum ac Mosaicæ Legis desertorem . Porro cùm vi ac efficaciarationum se victos indies cernerent , eum occidere junctis consiliis decreverunt : sic Paulus , qui periculum mortis Damasci sibi intentatæ recens evaserat , in novum discrimen adducitur . Sed hic quoque Fideles adfuerunt , qui detectis Judæorum insidiis , eum deduxerunt Cæsaream , deinde dimiserunt Tharsum : sic v. 28. : *Et erat cum illis intrans & exiens in Jerusalem , & fiducialiter agens in nomine Domini ; loquebatur quoque Gentibus & disputabat cum Græcis ; illi autem quærebant occidere eum . Quod cùm cognovissent Fratres , deduxerunt eum Cæsaream , & dimiserunt Tharsum .* Super illa verba loquebatur Gentibus movetur dubium , quomodo Paulus potuit tunc loqui Gentibus , cùm nondum converso per Petrum Cornelio Evangelii porta Gentibus adhuc esset clausa . Volunt propterea aliqui , illud loquebatur Gentibus in textu Græco non inveniri , sed solum Hel-

*Hellenistis*, idest Judeis Græcizantibus. Verum licet Conversio Cornelii narretur à Luca post discessum Pauli Hierosolymā, quia tamen secuta creditur ante, nempe ante lapsum triennium à Conversione Sauli, ejusque adventum Hierosolymam, ideo poterat Paulus loqui Gentibus, cum jam ad Evangelium aditus esset eis apertus.

VIII. Hunc discessum Pauli Hierosolymā, ipso Christo mandante, contigisse, narrat Paulus ipse Act. 22. à v. 17., ubi post relatum suam Conversionem prosequitur his verbis: *Factum est autem revertenti mihi in Jerusalem, & oranti in Templo, fieri me in stupore mentis & videre illum (Jesum) dicentem mihi: Festina & exi velociter de Jerusalem, quoniam non recipient testimonium tuum de Me. Et ego dixi: Domine ipsi sciunt, quia ego eram concludens in carcerem, & cædens per Synagogas eos, qui credebant in Te. Et cum saunderset sanguis Stephani testis tui, ego adstabam & consentiebam & custodiebam vestimenta interficientium illum: & dixisti ad me: Vade, quoniam ego in nationes longè mittam te.*

IX. Fideles igitur (inquit Chrysostomus Hom. 21. in Acta) metuentes, ne idcirco occideret, quod Stephano, deducunt Casaram: & quidem ob majorem securitatem, probabiliter per mare. Quò cum pervenisset, Discipuli eum miserunt Tharsum patriam suam, fortè ut ibi absque periculo Evangelium prædicaret. Quod & fecisse creditur, etsi Origenes in Matth. contrarium sentiat, motus ex illo: *Nemo propheta acceptus est in patria sua.* Cumque Pauli zelus uni loco alligari non pateretur, inde Syriam & Ciliciam pertransiit Christum annuntians, quod ipse Galat. 1. v. 21. testatur, ubi post discessum Hierosolymis dicit: *Deinde veni in partes Syria & Cilicia;* additque se Ecclesiis Judææ nondum facie notum esse, sed famā tantum, nempe esse illum, qui annuntiabat Fidem, quam prius fuerat persecutus. Ita v. 22.: *Eram autem ignotus facie Ecclesiis Judææ, quæ erant in Christo; tantum auditum habebant, quoniam qui persequabatur nos aliquando, nunc evangelizat Fidem, quam aliquando expugnabam: & in me clarificabant Deum.* Post annum ergo Christi 37. vel 39., quo Paulus deductus fuit Tharsum, usque ad annum 43. quo cum Barnaba perrexit Tharso Antiochiam, cum de eo nihil Scriptura dicat, credendum est, eum præcipuam moram traxisse Tharsu; inde tamen identidem excurrendo per Ciliciam & partes Syria, fundando ibi Ecclesias. Cujus argumentum habemus, quòd anno 51. Act. 15. v. 41. cum dicatur de Paulo: *Perambulabat autem Syriam & Ciliciam confirmandus Ecclesias,* signum est, eas jam ante fuisse ab ipso fundatas, ut Galat. 1. dixerat.

S. V.

## §. V.

*Prædicatio Pauli Antiochiæ; ibi Discipuli primò vocati Christiani; Iter in Jerusalem pro collectis.*

I. Cùm ad Apostolos fama percrebuisse, multos ex Gentilibus Christi Fidem Antiochiæ amplexos fuisse, miserunt illuc Barnabam, qui cùm suo zelo fructum quem invenerat multum auxisset, profectus Tharsum, Paulum ut strenuum ducem, adiutorem ad Dei opus magis perficiendum Antiochiam secum adduxit, ubi per annum commorati sunt; & Christi nomen adeò celebre reddiderunt, ut qui in eum crediderant, Christiani nomine primò vocarentur. Hoc fusè describit Lucas Act. 11. v. 20. &c. ita: *Erant autem quidam ex eis (qui nimirum dispersi fuerant in persecutione facta sub Stephano) viri Cyprii & Cyrenæi, qui cùm introissent Antiochiam, loquebantur & ad Græcos, annuntiantes Dominum Jesum; & erat manus Domini cum eis, multasque numerus credentium conversus est ad Dominum. Pervenit autem sermo ad aures Ecclesiæ, quæ erat Hierosolymis, super istis; & miserunt Barnabam usque ad Antiochiam. Qui cùm pervenisset & vidisset gratiam Dei, gavisus est; & hortabatur omnes in proposito cordis permanere in Domino. (Quia erat vir bonus & plenus Spiritu Sancto & Fide:) Et apposita est multa turba Domino. Profectus est autem Barnabas Tharsum, ut quæreres Saulum: quem cùm invenisset perduxit Antiochiam; & annum totum conversati sunt ibi in Ecclesia; & docuerunt Turbam multam, ita ut cognominarentur primùm Antiochiæ Discipuli Christiani.* Hæc Lucas: qui hic non loquitur de prima fundatione Ecclesiæ Antiochiæ; hanc enim fuisse fundatam quatuor aut quinque annis ante à S. Petro ante Conversionem Cornelii, & proinde pro solis Judæis, jam ostendi supra c. 1. de S. Petro §. 8. sed loquitur de extensione præfate Ecclesiæ à solis Judæis etiam ad Gentes: & hanc (absente Petro, aliasque Provincias peragrante) dicit Lucas fuisse à Discipulis Cypriis & Cyrenæis promotam, & à Barnaba & Saulo auctam.

II. In hoc opere S. Chrysostomus Homil. 25. in Acta, multa admiratur à Divina providentia disposita ad majorem Nominis Christi gloriam, & Civitatis Antiochenæ decorem. Inter alia observat, quòd prima fuit, quæ S. Paulum Prædicatorem habuit, & tam longo etiam iteratis vicibus tempore ipsum ut Doctorem Gentium audire digna fuit. Prædicaverat quidem Paulus antea Fidem Damasci, in Arabia, aliisque partibus Syriæ ac

Ci-

Ciliciæ, ut dictum est, sed prædicaverat tanquam unus ex Discipulis; Antiochiæ solum prædicare cœpit tanquam Magister ac Doctor Gentium. Idcirco venit Barnabas Tharsum, ut quæreret Saulum: *Venit*, inquit, *ad Ducem ad Monomachum ad Leonem; nescio quid dicam: quidquid enim dixerim, dignitate inferius Paulo erit. Venit ad venaticum Canem Leones occidentem, ad sanrum forum, ad lucernam splendidam, ad os orbi sufficiens: Verè idèd Antiochiæ vocati sunt Christiani, quia Paulus ibi tanto tempore mansit . . . . Non parva Civitatis laus hæc. Hoc contra omnes adduci potest: quòd prima omnium ore tali tanto tempore frueretur, unde & primò isthic hoc nomine dignati sunt. Viden, in quantum fastigium Civitatem extulerit, clarioremque fecerit? Hoc Pauli opus est. Ubi tria millia, ubi quinque millia crediderunt, ubi tanta multitudo, ibi nihil tale factum est; sed adhuc de via illa tantùm esse dicebantur: hic verò Christiani appellati sunt. Hæcenus in encomium Pauli Chrysostomus.*

III. Et quidem meritò censet S. Cyrillus Hieros. Catechesi 17., in hoc nomine *Christiani* Spiritum Sanctum adimplere voluisse, quod Prophetæ prædixerant, daturum scilicet Deum Servis suis. *Nomen novum*: cum enim non simus nos unus Populus, sicut olim Judæi, sed cœtus ex omnibus Populis, Nationibus, Gentibus, spiritu non carne coalescens, cum non haberemus super terram nomen omnibus commune, oportuit, ut à Cælo nomen acciperemus. Antea qui Christi Fidem amplectebantur, dicebantur sive viri *de via illa*, ut ex Chrysostomo nuper, quod nil particulare indicabat, sive *Discipuli*, sive *Fideles* aut *Credentes*, sed cujus Discipuli essent, cui Fideles, in quem credentes, non exprimebatur. Nunc autem ex quo *Christiani* dicti sunt, norunt omnes etiam Infideles, quam viam teneant, cujus Discipuli, cui Fideles, in quem credentes sint. Docet etiam nos Nomen istud, & menti continuò præsentat, ut Christi, cujus nomine honoramur, Doctrinam & Gestà opere exprimamus. Unde Nyssenus de Profell. Christi. *Participatione Christi*, inquit, *Christiani* appellationem sortiti sumus: ita & per consequens convenit, omniùm quoque sublimium nominum nos adsciscere communionem & societatem: quemadmodum in ea catena, qui cum, qui in extremitate est, annulum attraxerit, eos qui continenter inter se cohererent, per unum attraxerit: & S. Ignatius Epist. 6. ad Magnesianos: *Simus itaque digni cognomento, quod accepimus. Qui enim alio nomine appellatur præter hoc, hic non est Dei, nec accepit Prophetiam loquentem de nobis (Isaia 62. v. 1.)*, Et vocabitur tibi Nomen novum, quod os Domini nominavit & erit Populus Sanctus,

*Antiochia enim primum Discipuli appellati sunt Christiani, cum Petrus & Paulus Ecclesiam fundarent. De hoc agit Chrysostomus etiam Homil. 3. ad Pop. Ant. & Homil. 7. in Matth.*

IV. Porro Gentiles, qui sive ex ignorantia, sive ex contemptu, non *Christum*, sed corrupto vocabulo *Chrestum* appellabant, ita ejus Discipulos non *Christianos*, sed *Chrestianos* vocitare cœperunt. Hæc tamen variatio in re parva erat; nam sicut *Christus Unctus*, & *Christianus ab unctione* dicitur: Ita *Chrestus bonus* & *Christianus à bonitate* sumebatur: & propterea Tertullianus Apologet. adv. Gentes cap. 3.: *Quæ accusatio*, inquit, *vocabulum, nisi si aut barbarum sonat aliqua vox nominis, aut infansum, aut maledicum, aut impudicum: Christianus verò (quantum interpretatio est) de unctione deducitur: sed & cum perperam Chrestianus pronuntiatur à vobis (nam nec nominis certa est notitia ponet vos) de suavitate vel benignitate compositum est. Oditur ergo in hominibus innocens etiam nomen innocuum.*

V. Occasionem, quâ pristinum Discipulorum in Nomen *Christianorum* mutatum fuit, hanc fuisse S. Athanasius, seu verius Vigilius Tapfensis (in disput. contra Arium) scribit his verbis: *Omnes, qui credebant in Domino nostro Jesu Christo, non Christiani sed Discipuli tantummodò vocabantur, & quia multi novarum Dogmatum auctores extiterant, Doctrina obviante Apostolica, & omnes Sectatores suos Discipulos nominabant, nec ulla erat nominis discretio inter veros falsosque Discipulos, sive Christi, sive Dosithei, sive Judæ cujusdam, sive Joannis sectatores, qui se quasi Christi Ecclesiæ fatebantur, quin potiùs uno Discipulorum nomine ferebantur. Tunc Apostoli convenientes Antiochiæ, sicut bonum, Luca narrante, Acta testantur, omnes Discipulos uno nomine idest Christianos appellavit, discernentes à communi Discipulorum vocabulo; & ut Divini per Isaiam oraculi sermo completeretur, quo ait: Seroientibus mihi vocabitur Nomen novum. Hanc ergo ab Apostolis traditam de novis utendis nominibus formam Ecclesia tenens contra diversos hæreticos (ut sana Fidei ratio postulat) diversas edidit nominum novitates: & idè Discipulos hæreticorum, qui Christi Discipulos falsò se jactant, nomine non Christi, sed suorum Magistrorum appellare cœpit, ut Ebionis nomine Ebionitas, Carpocratis Carpocratianos, Arii Arianos, Lutheri Lutheranos, Calvini Calvinianos, & sic de aliis.*

VI. Alteram quoque fortè causam fuisse existimarem, cur voluerint Apostoli, Discipulos vocari Christianos, ut nempe scirent omnes, cujus essent Discipuli, non Petri, Pauli, aut alterius Magistri, sed unice Christi, & sic præveniretur Schisma, quod

quod postea in Corinthiis reprehendit Paulus 1. Cor. 3., ubi Discipuli Pauli dicebant, *Ego sum Pauli*, Discipuli Apollo, *Ego autem Apollo*. Unde ut scirent omnes, per quemcumque baptizati essent ac edocti, à Christo, cujus est Baptismus & Doctrina, baptizatos & edoctos eiusque solius Discipulos esse, nomen Discipuli ad nomen Christiani idest Discipuli Christi determinaverunt. Ad magis autem exprimendum vinculum Fidei & Caritatis, quo Christiani uno spiritu uniebantur in Christo ut filii ejusdem Patris, consueverant etiam se invicem vocare *Frates*, quo nomine eos donavit Matth. 23. v. 8.: *Vos autem nolite vocari Rabbi: unus est enim Magister vester: Omnes autem vos fratres estis:* & Paulus ac ceteri Apostoli in suis Epistolis frequenter usurparunt: & adhuc in Ecclesia perseverat. Hoc nomen cum ad infamiam traducerent Gentes, eorum calumniam refellunt Athenagoras Orat. pro Christ. Justinus Orat. ad Antoninum, Minutius Felix in Octavio, & Tertullianus in Apologet. cap. 39. Christiani etiam olim vocabantur *Sancti*. Sic Paulus Roman. 1. v. 7.: *Omnibus, qui sunt Roma, dilectis Dei, vocatis Sanctis*. Rom. 15. v. 25. *Proficiscar Jerusalem ministrare Sanctis* 2. Cor. 13. v. 12. *Solutant vos omnes Sancti:* & Act. 26. v. 10. coram Agrippa Rege ingenuè confitetur: *Multos Sanctorum ego in carceribus inclusi.*

VII. Judæi verò ex odio contra Jesum, quem Cruci affixum Nazarenum appellabant, Christianos quoque per contemptum Nazarenos vocabant à Nazareth Galileæ Oppidulo, quod pro patria Christo assignabant, de quo Nathanael. Jo: 1. v. 46.: *A Nazareth potest aliquid boni esse?* Unde Act. 24. v. 5. Tertullus orator agens causam Judæorum coram Præside contra Paulum: *Invenimus, inquit, hunc hominem pestiferum & concitantem seditiones omnibus Judæis in universo Orbe, & autorem seditionis sectæ Nazarenorum:* sic vocans Christianos: Quod nomen cum ad posteros Judæos dimanasset, ea voce ter in die Christianis & Christo maledicebant, ut Hieronymus in Isaïa cap. 49. tradit his verbis: *Ipse bonus Pastor posuit animam suam pro Ovis suis & contempsit eam; qui abominationi est Genti Judæorum, cui ter in singulos dies sub nomine Nazarenorum maledicunt in Synagogis suis.* Ab impiis quoque Galilæus nominatus est Christus & Christiani Galilæi: hoc nomine insignes impietate viri Porphyrius & Julianus Apostata, alique his similes, Christum & Christianos nuncupare consueverunt.

VIII. Purum Christiani nomen fuit ita proprium verè credentium in Christum, ut Hæretici hoc puro nomine non con-

tenti, nomen sui Magistri adderent. Ita Chrysostomus Homil. 33. in Acta: *Illi ( inquit, idest, Hæretici ) quosdam habent, à quibus appellantur, Hæresiarchæ certè nomen. Sic singula hæreses; nobis verò nullus nomen indidit, sed ipsa Fides. Nihilominus quia Hæretici se Christianos esse gloriati sunt & adhuc gloriantur, ac si verus Christianus sit, qui Christo in baptismo nomen dedit, etiam non omnia, quæ Christiana Fides docet, credere velit; idcirco nomini Christiani additum fuit cognomen Catholici: ita ut Christianus Catholicus ille sit, qui ubique unus credit omnia, quæ Ecclesia ubique credenda proponit. Sic ad distinguendos veros à falsis Christianis Catholici cognomen est inventum, & quidem à temporibus Apostolorum; nam in eorum Symbolo vera Christi Ecclesia Catholica est cognominata. Sic Pacianus ad Symp. Novatianum de Catholico nomine glorians: *Christianus*, inquit, *mibi nomen est: Catholicus verò cognomen. Illud me nuncupat: istud ostendit. Hoc probor, inde significor: & si credenda postremò Catholici vocabuli ratio est, & exprimenda de Græco interpretatione Romana: Catholicus ubique unus, vel ( ut Doctores putant ) obedientià omnium nuncupatur. Et paulò post: Ergo qui Catholicus idem obediens: qui obediens idem est Christianus: atque ita Catholicus Christianus est.* Hæc Pacianus, sed de Catholici nomine ac re significata per ipsum plura egi alibi.*

IX. Dum Saulus & Barnabas Antiochiæ morarentur, refert S. Lucas cap. 11. v. 2. , supervenisse ab Hierosolymis Prophetas, inter quos Agabus, qui significabat, famem magnam futuram in universo Orbe terrarum, quæ facta fuit sub Claudio; sed de ista Fame jam egi supra C. 1. de S. Petro toto §. 9. Quare ad ibi dicta Lectorem meum remitto. Solum hic addo, quòd hoc anno circa 44. Christi Barnabas & Saulus Jerusalem se contulerunt deferentes collectas, quas Discipuli Antiochiæ existentes mittebant in subsidium fratrum, qui erant Hierosolymis. Sic enim dicitur Act. 11. v. 29. : *Discipuli autem, prout quis habebat, proposuerunt singuli in ministerium mittere habitantibus in Iudæa fratribus. Quod & fecerunt, mittentes ad Seniores per manus Barnabam & Sauli.* Hoc contigisse creditur circa tempus, quo prope Pascha Petrus fuit ab Herode carceri traditus, & ab Angelo liberatus.





## §. VI.

*Pauli Ordinatio, Raptus, Tentatio, Vita  
institutum.*

I. **M**inisterio erga pauperes, ob quod Hierosolymam iverant, completo, Saulus & Barnabas, assumpto Joanne, Marco dicto, reversi sunt Antiochiam: ita Lucas Act. 12. v. 25.: *Barnabas autem & Saulus, reversi sunt ab Hierosolymis, expleto ministerio, assumpto Joanne, qui cognominatus est Marcus, qui creditur fuisse Barnabæ consobrinus.* Ex hoc, quòd Paulus hujus itineris Hierosolymam in Epist. ad Galatas non meminerit, sed solius, quod post annos quatuordecim egit, inferunt aliqui nihil singulare acciderisse, imò nec ullum ex Apostolis ibi vidisse, ob Herodis persecutionem fortè latitantibus.

II. Status Ecclesiæ Antiochenæ tunc, describitur Act. 13. v. 1. & his verbis: *Erant autem in Ecclesia, quæ erat Antiochia, Prophetæ & Doctores, in quibus Barnabas & Simon, qui vocabatur Niger, & Lucius Cyrenensis & Manabem, qui erat Herodis Tetrarchæ collataneus & Saulus.* Nec miretur quis, Saulum à Deo specialiter electum ultimo loco poni: nam ait Chrysostomus Hom. 27. in Acta: *Barnabam primum memorat, nondum enim clarus erat Paulus, nondum signum aliquod fecerat.* Dum ergo isti diversis sui ministerii functionibus, nimirum Sacrificio offerendo ac prædicationi vacarent, itemque jejunarent, jussit Spiritus Sanctus, ut segregarent sibi Barnabam & Saulum ad opus, ad quod elegerat eos; quod jejunantes & orantes imponentesque eis manus illicò perfecerunt: ita ibid. v. 2.: *Ministrantibus autem illis Domino, & jejunantibus, dixit illis Spiritus Sanctus: Segregate mihi Saulum & Barnabam ad opus, ad quod assumsi eos. Tunc jejunantes & orantes, imponentesque eis manus, dimiserunt illos.*

III. Hic observo, quòd licet Saulus esset jam à Jesu Christo electus & missus ad Apostolatam Gentium, ut dixerat Ananiæ cap. 9. v. 15., & Paulus ipse Galat. 1. v. 12. affirmat, se Evangelium non accepisse aut didicisse ab homine, sed per revelationem Jesu Christi: nihilominus, ut omnibus appareret, eum hac potestate à Deo insignitum, voluit Spiritus Sanctus modo ordinario, nempe per impositionem manuum Ministrorum hoc declarari: & ut etiam homines nossent, eos mitti à Deo non ab homine, ad eos ordinandos non majores Apostolos delegavit, sed minores Lucium, Simonem, & Manahem, qui prius ab Apo-  
sto-

solis fuerant ordinati. Audiatur Chrysostomus Hom. 27. in Acta, „Segregate mihi, inquit, Barnabam & Saulum, „*Quid sibi vult, segregate mihi?*, „*Ad opus, ad Apostolatam. Vide rursum, à quibus ordinantur. A Lucio, Cyrenæo, & Manabæ, imò à Spiritu. Quando enim minores persona, tantò clarior apparet Dei gratia. Ordinatur demum in Apostolatam, ut cum potestate prædicet. Quomodo igitur ipse dicit, Non ab hominibus, nec per homines?*, „*Non ab hominibus dixit, ut declararet, non hominem ipsum vocasse vel addaxisse; neque per homines, quia non ab alio quàm à Spiritu missus est.* Ita Chrysostomus. Hoc plenè indicant illa Spiritus Sancti verba: *Segregate mihi. . . . in opus ad quod assumpsi eos: quasi declarans, homines esse merè executores operis sui.* Hicce stantibus, iure dicere poterat Paulus ad Galat. 1. v. 1.: *Paulus Apostolus, non ab hominibus, neque per hominem, sed per Jesum Christum & Deum Patrem.* Quæ exponens S. Th. in cap. 1. ad Galat. Lect. 1. ait: *Quidam enim mittebantur à toto Collegio Apostolorum & Discipulorum: & idè ostendens, se non esse ab eis missum, dicit, non ab hominibus, „Quidam etiam mittebantur ab aliquo Apostolorum speciali, sicut Paulus aliquando mittebat Lucam & Titum: & idè ostendens, quòd nec sic missus sit, dicit, neque per hominem. „*

IV. Hoc speciale in Paulo emicuit, quòd antequam homines de eo cogitarent, à Deo electus, & à Jesu Christo è Cælo ad Apostolatam vocatus fuit, cùm ceteri Apostoli à Christo adhuc in terris degenti vocati sint. Cùm enim Apostolatus Pauli & etiam Barnabæ extraordinarius esset, & supra numerum, debuit extraordinario modo fieri: & hac de causa 1. Cor. 15. v. 8. inter Apostolos se *abortivum* appellat: ubi S. Th. Lect. 1.: *Dicit autem, inquit, tamquam abortivo, propter tria. Abortivus aliquis factus, vel quia nascitur extra tempus debitam, vel cum violentia educitur, vel quia non perducitur ad debitam quantitatem; & quia hæc tria videbat in se Apostolus, idè dicit, tamquam abortivo, „Primo enim ipse extra tempus aliorum Apostolorum renatus est in Christo: nam Apostoli renati sunt Christo ante adventum Spiritus Sancti, Paulus verò post. Secundo, quia alii Apostoli spontaneè conversi sunt ad Christum, sed Paulus coactus Act. 9. Prostravit eum ad terram: & hoc multum valet contra hæreticos, qui dicunt, quòd nullus debet cogi ad Fidem: quia Paulus coactus fuit: & sicut dicit Augustinus, plus profecit in Fide Paulus, cùm coactus conversus est, quàm multi, qui spontaneè venerunt: Tertiò, quia se reputat aliis minorem, & non pervenisse ad virtutem aliorum Apostolorum: & idè quasi rationem assignans dicit, Ego enim sum minimus, &c. Ha-*

Ni-

Nihilominus quamvis hæc, quæ singulari modo in vocatione Pauli contigerunt, in aliorum vocatione ad Fidem & Ministerium non evenirent, dum à Deo immediate non assumebantur, sed ab hominibus & per homines, non deerat tamen in illis Ecclesiæ exordiis aliquod signum, quo interius & etiam exterius aliquando indicaretur, eos, qui assumebantur, à Deo vocari ad ministerium: & hoc intelligit Paulus 1. ad Timoth. 4. v. 14. cum eum monens, ait: *Noli negligere gratiam, quæ in te est, quæ data est tibi per Prophetiam cum impositione manuum Presbyterii*: ubi S. Th. Lect. 3.: *Dico*, inquit, *gratiam, quæ data est tibi per prophetiam, idest per Divinam inspirationem; nam in primitivo Ecclesia, ubi purè & propter Deum electiones fiebant, nullus assumebatur ad Episcopatum, nisi per electionem Divinam, sicut est electus Ambrosius & Nicolaus: & hanc inspirationem vocat hic Prophetiam, . . . quia Sancti non eligeant, quem à Deo non sciebant electum*. Quod antea dixerat Chrysostomus Hom. 5. in 1. ad Timoth. his verbis: *Tunc quidem nihil fiebat humanum: Sacerdotes enim ex prophetia veniebant; & ita quidem, ut prius fiebat, ita & nunc fiet etiam, quoties ab humana passione alieni, huiusmodi electiones celebramus, cum nihil omnino seculare, nihil temporale incurrentes, neque ad gratiam neque ad odium, facimus*.

V. Sed quomodo, inquires, in electionibus Divinam explorabimus voluntatem? Præmittendo jejunium & orationem, & cum jejunio & oratione ad electionem procedentes. Ita in ordinatione Barnabæ & Sauli factum est Act. 13. v. 2.: *Ministrantibus autem illis Domino & jejuantibus, dixit illis Spiritus Sanctus, Segregate mihi &c. Tunc jejuantes & orantes, imponentesque eis manus, dimiserunt illos*: ubi Chrysostomus Hom. 27. ait: *Cum ordinare oportebat, tunc jejuant: & jejuantibus illis dixit Spiritus*. Hinc ortum habuisse putat S. Leo Ep. 11. cap. 1. Ecclesiæ Regulam non imponendi manus in Ordinationibus, nisi præmissis jejunio ac precibus, ut Spiritus Sancti gratia super Ordinantem & Ordinatum descendat.

VI. Id in hoc facto seriò considerandum existimo, quòd Spiritus Sanctus eos quos ipse elegerat ut prædicarent Gentibus, noluit, ut tanto operi manum apponerent, nisi ab Ecclesia præviâ manuum impositione mitterentur, *imponentesque eis manus, dimiserunt illos*. Novi Pauli monitum Hebr. 5. v. 4.: *Nec quisquam sumit sibi honorem, sed qui vocatur à Deo tanquam Aaron*. Sic & Christus non semetipsum clarificavit ut Pontifex fieret, sed qui locutus est ad eum, *Filius meus es tu*: & Rom. 10. v. 19.: *Quomodo verò predicabunt, nisi mittantur*? At (ut de Barnaba fileam) quid

quid deerat Paulo, ut honorem Apostolatus & prædicationis assumeret, qui fuerat à Jesu vocatus & ab ipso clarificatus, dum dixit: *Vas electionis est mihi iste, ut portet nomen meum coram Gentibus & Regibus & filiis Israel?* Nil certe deerat; & tamen voluit Deus, ut hoc impositione manuum & missione Ecclesiæ cunctis manifestaretur: *Segregate mihi Saulum & Barnabam in opus, ad quod assumpsi eos.* Hoc argumento ad necem confodiuntur quotquot posterioribus seculis ad reformandam, ut ajunt, Ecclesiam se missos jactantes, ac titulo aperiendi Evangelium, quod diu manserat opertum, ab Ecclesia exeuntes contra Ecclesiam prædicare cœperunt, & adhuc prædicare non cessant. Si enim Paulus, qui non ab hominibus, neque per hominem, sed per Jesum Christum & Deum Patrem Apostolus constitutus & declaratus fuerat, ad hoc officium opere assumendum, sic jubente Spiritu Sancto, segregatus non fuit ac missus, nisi Ecclesiâ imponente manus ac mittente; quâ, nisi effræni ac impudenti licentiâ, isti se Evangelicos Apostolicos, omni missione ac vocatione destituti, prædicare præsumunt? Si quærat quodnam sit signum adventus eorum, à Verbo Dei se præiunTIATOS cum Joanne respondere non possunt: signa miraculorum non exhibent: solum dicunt, se prædicare Evangelium ac Verbi Dei veritatem, sed cùm hoc ipsi dicant, nec alio testimonio quàm suo confirment, & Ecclesiæ testimonium contrarium sit, jure eis dicimus Testimonium vestrum non est verum: quia nec ex Deo estis, nec ab Ecclesia missi; aliam Ecclesiam vobis confinxistis, non Christi sed Satanæ: uno verbo, de Ecclesia Christi existis, sed de Ecclesia Christi non estis, quia in ea non permanistis. Sed de hoc suis locis egi.

VII. In actu suæ Ordinationis fuisse Saulo confirmatas omnes S. Spiritus internas ac visibiles gratias, quibus cæteri Apostoli muniti fuerant, certum est; omnes enim necessariæ erant omnium Gentium Apostolo. Dixi confirmatas: nam crediderim, eas omnes primò accepisse statim ac baptizatus fuit, & Ananias ei manus imposuit, nam Act. 9. v. 17. habetur, quod *Ananias imponens ei manus dixit: Saul frater Dominus misit me Jesus, qui apparuit tibi in via, ut videas & implearis Spiritu Sancto: non quidem ut statim signa ederet, linguis loqueretur, ut cæteris Apostolis contigit, sed ut in Fidei Christi, quam ante fuerat persecutus, confessionem ac prædicationem sese totum effunderet. Ita Chrysostomus Homil. 20. in Acta: Neque tunc Spiritum, ut signa ederet, accepit, ut sic Fides ejus ostenderetur, neque enim signa fecit, & statim, inquit, in Synagogis prædicabat* Chri-

Christum, quia hic est Filius Dei „ *Non predicabat, quòd resurrexisset, neque quòd viveret. Sed quid? accuratissimè dogma exposcebat, quia hic est Filius Dei.*

VIII. Hoc eodem suæ Ordinationis anno nempe Christi 44. creditur, illo insigni raptu fuisse Paulum elevatum usque ad tertium Cælum, licet solum post quatuordecim annos, idest anno Christi 58. Neronis 2. ad Cor. 12. illum manifestaverit, sentiunt post Baronium ad ann. 44. num. 89., Tilmontius in Paulo Art. 19., Calmet & frequentius recentiores. Quo posito solum anno post suam Conversionem decimo hunc raptum contigisse dicendum est: & propterea recedendum ab opinione quorundam (licet S. Thomæ in cap. 12. 2. ad Cor. Lect. 1. probabiliter loqui videantur) volentium, quòd has visiones habuerit in illo triduo, quo post prostrationem suam à Domino fuit neque videns neque manducans neque bibens Ad. 9.

IX. Hunc raptum ipse Paulus 2. Cor. 12. à v. 1. ita narrat: *Si gloriari oportet (non expedit quidem) veniam autem ad visiones & revelationes Domini. Scio, hominem in Christo ante annos quatuordecim (sive in corpore nescio, sive extra corpus nescio, Deus scit) raptum huiusmodi usque ad tertium Cælum: & scio huiusmodi hominem (sive in corpore, sive extra corpus nescio, Deus scit:) quoniam raptus est in Paradisum, & audiit arcana verba, quæ non licet homini loqui. Pro huiusmodi gloriabor: pro me autem nihil glorior nisi in infirmitatibus meis.* Nota hic Pauli modestiam & humilitatem, qui tantum ac singulare donum, quo à Deo fuerat insignitus, quatuordecim annorum silentio tegit; & si tandem illud manifestat, hoc facit quia sic oportet ad gloriam Dei & ædificationem Ecclesiæ, protestatus se pro huiusmodi quidem gloriari, pro se autem nil aliud in se invenire, in quo gloriari possit, nisi infirmitates suas. Super quæ S. Th. Lect. 2. : *Sciendum est, inquit, quòd in homine duo possunt considerari, scilicet donum Dei, & humana conditio. Si ergo aliquis gloriatur in aliquo dono Dei ut à Deo accepto, illa est bona gloria, quia sic in Domino gloriatur, sed si gloriatur de illo dono sicut à se habito, tunc mala est gloriatio huiusmodi 1. Cor. 4. „ Quid habes, quod non accepisti? Si autem accepisti, quid gloriaris, quasi non acceperis? „ Dicit ergo Apostolus: Secundum hoc, pro huiusmodi scilicet visionibus & donis Dei mihi collatis gloriabor: pro me autem non: idest, non gloriabor indè, quasi à me acceperim, quia à Deo habui; sed si pro me oportet gloriari, nihil gloriabor „ nisi in infirmitatibus meis „: idest non habeo, undè possim gloriari, nisi de infirma conditione mea: hæc S. Th. Discant hoc Pauli exemplo,*

Tom. V.

S

qui

qui vitam spiritualem profitentur, si gratiis ac donis à Deo ornentur, ea pro viribus occultare: quòd si oporteat ex obedientia vel alio debito ea detegere, sic detegant, ut appareat gloria Dei, pro qua & ipsi & alii glorientur; sed & appareat etiam infirmitas propria, pro qua sola (si licet) gloriari possunt.

X. Præmissâ igitur humili protestatione: *Veniam*, inquit Paulus, *ad visiones & revelationes Domini*: ubi S. Th. Lect. 1. ait: *Differentia est inter visionem & revelationem; nam revelatio includit visionem, & non è converso; nam aliquando videntur aliqua, quorum intellectus & significatio est occulta videnti: & tunc est visio solum; sicut fuit visio Pharaonis Gen. 41., & Nabuchodonosor Daniel. 2. sed quando cum visione habetur significatio intellectus eorum quæ videntur, tunc est revelatio. Unde quantum ad Pharaonem & Nabuchodonosor, visio de spicis & statua fuit solum visio: sed quantum ad Joseph & Danielelem, qui significationem visorum habuerant, fuit revelatio & Prophetia. Utrumque tamen scilicet visio & revelatio quandoque fit à Deo, Daniel. 2., Est Deus in Cælo revelans mysteria, Osee 12., Ego visiones multiplicavi eis., . . Quandoque verò à malo spiritu: Hierem. 23., Prophetæ prophetabant in Baal., Apostolo autem facta est & visio & revelatio, quia secreta quæ vidit plene intellexit à Deo, non à malo spiritu. Unde dicit, Veniam autem ad visiones & revelationes Domini.,*

XI. At quamvis Paulus in eo raptu viderit, & ea quæ vidit plene à Deo intellexerit; nescivit tamen, utrum in illa visione anima ejus fuerit totaliter separata à corpore, an verò animâ ejus existente conjunctâ corpori, mens ejus fuerit à sensibus corporeis alienata; & i deò dicit *sive in corpore, sive extra corpus nescio*. Sciebat tamen, ea, quæ viderat & intellexerat, propriè ac libero mentis judicio vidisse: scio, inquit, *hominem in Christo*. Et in hoc procul fuit ab hæresi seu insaniam, in quam postea Montanistæ inciderunt, volentes (ut refert Eusebius L. 5. Hist. c. 17.) suos sectarios in raptibus, quos comminifcebantur (imò & Prophetas omnes) sic rapi extra se, ut loquerentur & operarentur, quid dicerent vel quid agerent nescientes.

XII. Tanta tamen & tam mirabilia fuerunt arcana, quæ vidit & intellexit, ut fateatur humano sermone exprimi non posse: *Raptus est in Paradisum, & audivit arcana verba, quæ non licet homini loqui*. Hoc certum judico, quòd, cum ejusmodi raptus ad audienda arcana verba ad eum finem ordinatus fuerit, ut de Fidei mysteriis posset Gentes instruere; & hæc ratione eodem anno contigerit, quo declaratus fuit universalis Doctor & Magister Gentium; Paulus tunc plene intellexerit omnia my-

ste-

ſeria, quæ docturus erat, & veritates, quas in ſuis Epiſtolis poſtea deſcripſit. Hæc omnia ſe per revelationem agnoviſſe dicit, & præcipuè vocationem Gentium, ad Epheſ. 3. v. 3. Probabile etiam eſt, clarè viſiſſe Humanitatem Chriſti in gloria ſedentis, nec non Angelorum Choros, & intellexiſſe Cantica, quæ in laudem omnipotentis Dei continuè canunt, & totum Patriæ cœleſtis ſplendorem viſiſſe, ex S. Greg. L. 10. Moral. c. 8.

Probabile etiam eſt, eum viſiſſe Deum non per ſpeculum in ænigmate, ſed facie ad faciem, & ut in ſe eſt, eo modo, quo clare videtur à Beatis. Ita ſentit S. Auguſtinus L. 12. de Geneſ. ad litt. c. 38. & 34., & Ep. 147. cap. 13.; quem ſecutus eſt S. Th. pluribus in locis, & maxime in 2. ad Cor. cap. 12. Lect. 1.: *Nec enim, inquit, eſt probabile, ut Moſes miniſter veteris Teſtamenti ad Judæos, viderit Deum, & Miniſter novi Teſtamenti ad Gentes & Doctor Gentium hoc dono fuerit privatus.* Alii tamen contrarium ſentiunt; ſed quia hanc quæſtionem egi tom. in 1. p. Tract. de Viſione Dei qu. 2. dub. 1. §. 2., ideo hic abſtineo.

XIII. Hunc Pauli raptum innotuiſſe etiam Paganis, colligunt aliqui ex Luciano Philoſopho Gentili, ſive alio antiquiore, qui inducit Chriſtianum nomine Tryphonem dicentem, ſe fuiſſe renatum aqua baptiſmatis ab iſto Galilæo (quo nomine ex dictis vocabantur Chriſtiani à Paganis quibuſdam) qui elevatus in æra fuerat uſque ad tertium Cœlum, & res admirabiles ibi didicerat.

Occaſione hujus raptus Hæretici Cainiſtæ, Epiphanio teſte hæref. 38. cap. 2., librum quemdam infamem ab ipſis compoſitum S. Paulo ſuppoſuerunt, quo etiam Gnoſtici utebantur: eum vocabant *Elevatio S. Pauli*. S. Auguſtinus etiam in Joann. tract. 98. meminit libri ſub nomine Pauli, titulum præferentis *Apocalypſis S. Pauli*, fabulis reſerti, in quo venditabatur, ea arcana deſcribi, quæ S. Paulus dicit eſſe inenarrabilia nec licere homini ea loqui. Iſte liber fortè ille fuit, de quo Sozomenus lib. 7. Hiſt. cap. 29. dicit magno in pretio habitum fuiſſe V. Seculo apud multos Monachos; qui narrabant, ſe ſub Theodoſio I. illum inveniſſe Tharſi in domo S. Pauli; ejus tamen libri addit Sozomenus nullam apud antiquos notitiam extitiſſe. Quo fit, ut jure dubitari poſſit, an fuerit illemet, de quo Epiphanius dicit, apud Cainiſtas celebrem fuiſſe: cò vel maxime, quòd neque Auguſtinus neque Sozomenus dicunt, librum iſtum ipſis notum res infames continuiſſe, aliàs neque Monachi eum ut librum bonum celebrarent. Hoc verum eſt, quòd Sozomenus, cùm à quodam antiquo Eccleſiæ Tharſenſis Presbytero de hoc libro inquiſiſſet, reſponſum

accepit, se nunquam audivisse hunc librum Tharsi fuisse inventum, sed potius se credere hoc ab Hæreticis dolose excogitatum ac evulgatum fuisse.

XIV. Miraberis fortè, Lector, dum Paulum, quem hæcenus audisti ad tertium Cælum raptum, ibique supernis illustrationibus adeo insignitum, ac si beatis Spiritibus consors in gloria evasisset; inferius statim audieris, Satanæ viribus quasi derelictum, & ab eo colaphizatum; nec quamvis ter rogantem, ut à tali hoste eriperetur, fuisse à Deo exauditum. Cessabit tamen admiratio, dum adverteres, hoc in bonum ejus fuisse permissum, ne scilicet in tanta gratiarum abundantia sui met oblitus aliquem superbientis animi stimulum pateretur. Ita enim Ipse 1. Cor. 12. enarratis donis, quibus in suo raptu fuerat cumulatus, subjungit v. 7. : *Et ne magnitudo revelationum extollat me, datus est mihi stimulus carnis meæ angelus Satanæ, qui me colaphizat. Propter quod ter Dominum rogavi, ut discederes à me : & dixit mihi : Sufficit tibi gratia mea, nam virtus in infirmitate perficitur.*

XV. Porro quid intellexerit Paulus nomine stimuli carnis suæ, quem vocavit Angelum Satanæ, non una Patrum fuit sententia. Chrysostomus Homil. 26. in 2. ad Cor. censuit, Paulum eo nomine intellexisse obstaculum, quo Satan per Hymenæum, Philetem, & alios veritatis inimicos, progressui Evangelii obstitabat; hi enim opera Satanæ exercebant & Paulum in persona propria affligebant : à quo dissentire non videtur Nazianzenus Orat. 32., dum putat, hunc angelum Satanæ fuisse invidiam, quæ Diabolus felicibus Pauli in prædicatione progressibus invidet. Verùm similes pœnæ & cruciatus spiritum potius affligunt, quàm carnem; cùm tamen Satanam ipsum affligentem vocet *stimulum carnis suæ*. Alii propterea de aliqua corporali infirmitate pita violento dolore capitis, aut alio simili exponunt : & S. Thomas in 2. ad Cor. cap. 12. Lect. 3. dicit, de dolore Iliaco posse intelligi his verbis : *Datus est inquam, mihi,, stimulus,, cruciatus corpus meum per infirmitatem corporis, ut anima sanetur, quia ad litteram dicitur, quod fuit vehementer afflictus dolore Iliaco.*

XVI. Alii verò (& quidem communiùs) censent, stimulum carnis fuisse vehementem tentationem, & carnis concupiscentiæ motum : & referunt Hieronymum, Bedam & alios veteres : Unde S. Gregorius L. 10. Moral. cap. 8. modò 10. admiratur, S. Paulum eodem tempore simul in se ipso gestasse Cælum & Infernum; Cælum, ob sublimitatem supernorum luminum, & suarum virtutum; Infernum verò, propter tenebras, quas in ipso



ipso suæ carnis tentationes causabant. Hoc sentit etiam S. Th. citato loco dicens: *Vel, stimulus carnis meæ, idest concupiscentia, surgens ex carne mea, à qua multum infestabatur Rom. 7.* Non enim quod volo &c. Igitur ego ipse mente servio Legi Dei &c., Unde Augustinus dicit, quod iurant ei motus concupiscentia, quos tamen Divina gratia refranabat. Iste, inquam, stimulus est Angelus Satana, idest Angelus malignus. Est autem Angelus à Deo missus seu permissus, sed Satana; quia Satana intentio est, ut subvertat: Dei verò ut humiliet, & probatum reddat. Timeat peccator, si Apostolus, & Vas Electionis securus non erat. Hactenus S. Thom., & hæc est omnium ferè Recentiorum sententia.

XVII. De remotione huius stimuli sollicitus erat Paulus. Propter quod ter, inquit, Dominum rogavi, ut discederes à me, Fortè pluries hoc petiit (ait S. Th.) sed expressè & instanter per eum petiit, vel ter idest multis; ternarius enim est numerus perfectus: & verè ipse rogandus est, quia ipse vulnerat & medetur. Dominus autem eum non exaudivit: nam infirmus nesciens processum Medici apponentis mordax emplastrum, rogat Medicum, ut removeat quem tamen, sciens Medicus causam, quare faciat, scilicet propter sanitatem, non exaudit eum, quantum ad voluntatem petentis, magis curans de ejus utilitate. Sic Paulus dicit ego rogavi: sed Dominus respondit: non, sed sufficit tibi gratia mea: hæc te adjuvante infirmitas non erit ad mortem, sed ad vitam & robur; ego enim de veneno antidotum faciam. De hoc videndus est S. August. L. 3. de Bonifacium c. 7. & alibi.

Nec valet si dicas, hoc esse contra promissum Christi Joan. 14. v. 13.: *Quodcumque petieritis Patrem in nomine meo, hoc faciam;* vel enim indiscretè petiit, & sic peccavit petendo; vel discretè, & sic debebat exaudiri. Nam respondeo ex S. Thom. citato; quòd sicut potio in quantum secundum se est amara est vitanda, tamen, qui considerat eam utilem ad sanitatem, eam appetit: ita stimulus carnis secundum se est asilgens & vitandus, in quantum verò est via ad virtutem, & exercitium virtutis, non est refugiendus, sed saltè patienter tolerandus, vel etiam appetendus: *Apostolus autem*, inquit S. Thom., *quia nondum revelatum ei erat illud secretum Divinae providentiæ, ut ad utilitatem suam cederet, considerabat sibi malum quantum in se est; & idè petierat suam amotionem, nec in eo peccavit: sed Deus qui ordinaverat hoc ad bonum humilitatis suæ, non exaudivit eum quantum ad ejus voluntatem: quod tamen sciens possèd Apostolus gloriabatur cum diceret, Libenter gloriabor in infirmitatibus meis.* Et licè non exaudiret eum quantum ad voluntatem, exaudivit tamen eum,

¶ CXXX

*Exaudiat Sanctos suos, quantum ad ejus utilitatem: Unde dicit Hieronymus in Epist. ad Paulinum, „ Bonus Dominus, qui sæpe non tribuit quod volumus, ut tribuat, quod malleamus. „*

XVIII. Cognovit Paulus, quantum infirmitas sua, inhabitante in ipsa virtute gratiæ Dei, acciperet roboris: unde fidenter postea dicebat à v. 9: *Libenter gloriabor in infirmitatibus meis, ut inhabites in me virtus Christi. Propter quod placeo mihi in infirmitatibus meis, in contumeliis, in necessitatibus, in persecutionibus, in angustiis pro Christo: cum enim infirmor, tunc potens sum. Quia quando infirmor, idest, quando infirmitatem meam cognoscens in gratia Dei confido, tunc potens sum; & sic virtus in infirmitate perficitur. Virtus enim (inquit S. Thom.) perficitur in infirmitate dupliciter, scilicet materialiter & occasionaliter. Si accipitur materialiter, tunc est sensus: virtus in infirmitate perficitur, idest infirmitas est materia exercenda virtutis; & primò humilitatis, secundò patientiæ, Jacobi 1., Tribulatio patientiam operatur, teritiid temperantiæ, quia ex infirmitate debilitatur somes, & temperatus efficitur quis. Si verò accipitur occasionaliter, tunc virtus in infirmitate perficitur, idest infirmitas est occasio perveniendi ad perfectam virtutem, quia homo sciens se infirmum magis sollicitatur ad resistendum; & ex hoc quoddam magis resistit & pugnat, efficitur exercitator, & per consequens fortior: & idè Judicum 3. legitur, quoddam Dominus noluit destruere omnes habitatores terræ, sed aliquos reservavit, ut scilicet filii Israel exercerentur pugnando cum eis. Sic etiam Scipio volebat destructionem Civitatis Carthaginensis, ut scilicet dum Romani haberent hostes exterius, non sentirent hostes interiores, contra quos durius bellum est quàm contra exteriores, ut ipse dicebat. Sic ergo infirmitas Pauli exercitata & pugnans contra hostes, tum externos tum internos, adeò per gratiam Dei evasit perfecta & fortis, ut nec Gentes omnes totumque Orbem adversum se conjuratum timeret, ut infra videbimus, sed intrepidè diceret: Omnia possum in eo qui me confortat (Philipp. 4. v. 13.)*

XIX. Paulus igitur sciens, se ad præliandum adversus quodcumque genus hostium Apostolico ministerio à Deo destinatum, sic vitam suam composuit, tamquam in continuo agone constitutus. Sic enim ipse 1. Cor. 9. v. 25: *Omnes, inquit, qui in agone contendit, ab omnibus se abstinere. . . . ego igitur sic carro, non quasi in incertum; sic pugno, non quasi aerem verberans; sed castigo corpus meum, & in servitutem redigo; ne forte cum aliis prædicaverim ipse reprobus efficiar. Nedum enim ea, quæ Apostolatus sunt, docendo implebat, sed vitæ severitate corpus suum*  
jeju-

jeuniis vigiliis humilitate patientiâ spiritui servire coge-  
bat, & rationi sensualitatem subiciebat. Ibat gaudens à conspectu  
Concilii & Principum, quoniam dignus habitus esset pro no-  
mine Jesu contumeliam pati (Act. 5. v. 41.) Gloriabatur, se tan-  
quam insipientem ac stultum contemni, tamquam vilem pau-  
perem nudum manibus suis sibi victum quærentem despici,  
tanquam purgamentum hujus Mundi & omnium peripsēma  
haberi: maledictionibus, blasphemiis, persecutionibus, bene-  
dictionibus obsequiis patientiâ respondebat. Ita characterem  
sui Apostolatus depingit Corinthiis, qui eum despiciebant 1.  
Cor. 1. v. 10.: *Nos stulti propter Christum, vos autem prudentes in  
Christo, nos infirmi, vos autem fortes: vos nobiles, nos autem igno-  
biles: Usque in hanc horam & esurimus & sitimus & nudi sumus,  
& colaphis cadimur, & instabiles sumus: & laboramus operantes  
manibus nostris: maledicimur & benedicimus, persecutionem pati-  
mur & sustinemus: blasphemamur & obsecramus: tanquam purga-  
menta hujus Mundi facti sumus omnium peripsēma usque ad huc.*  
Iste ergo Paulus, ut stultus vilis nudus ut purgamentum ut  
peripsēma habitus, totum Mundum Christo subegit; relinquens  
exemplum, quod imitentur quicumque Apostolicum Ministe-  
rium ad Gentes assumunt, ut non gloriam suam non quæstum  
non lucrum quærant, sed unicè gloriam Christi. Sic enim tan-  
dem de illis Nationes dicent, quod olim impii Sap. 5. v. 3. &c.:  
*Hi sunt, quos habuimus aliquando in derisum, & in similitudinem  
improperii.... Ecce quomodo computati sunt inter filios Dei &  
inter Sanctos fors illorum est.*

XX. Quâ verò vivendi ratione se gesserit S. Paulus, osten-  
dunt supra citata verba: *laboramus operantes manibus nostris*: nam  
quamvis ipse, & Barnabas, sicut cæteri Apostoli, haberent pote-  
statem de Evangelio vivendi 1. Cor. 9. v. 7.: *Quis enim militat  
suis stipendiis unquam? Quis plantat vineam, & ac fructu ejus non  
edit? Quis pascit Gregem, & de lacte Gregis non manducat?* Ipse  
tamen hac potestate noluit uti v. 15.: *Ego autem nullo horum usus  
sum*: tum ne eos quibus prædicabat gravaret neque hoc onere  
ab Evangelio retrahi possent; & idē 1. Thessal. 2. v. 7. & 9.:  
*Memores enim estis, fratres, laboris nostri & satigationis; nocte ac  
die operantes, ne quem vestrum gravavimus, prædicavimus in vobis  
Evangelium Dei*: tum ut se à quibusdam Pseudo apostolis fecer-  
neret, qui propter quæstum Corinthiis prædicaverant 1. Cor. 11.  
v. 9.: tum ut exemplum Fidelibus daret otium vitandi; sic 2.  
Thess. 3., ubi postquam dixit, se in nullo eos gravasse, subjungit  
v. 9.: *Non quasi non habuerimus potestatem, sed ut nos metipsos for-*

*mam*

*nam dāremus vobis ad imitandum nos. Quare hoc præcipuè observavit apud Corinthios, Thessalonicenses, & in Asia, nam Act. 20. v. 34.: Ipsi scitis, inquit, quoniam ad ea, quæ mihi opus erant, & his qui mecum sunt, ministraverunt manus istæ.*

Hæc eādē ratione nec ipse nec Barnabas mulieres, quæ eis ministrarent, sicut cæteri Apostoli faciebant, secum ducebant: unde 1. Cor. 9. v. 6. ait: *Aut ego solus & Barnabas non habemus potestatem hoc operandi?* Non negaverim tamen, quin aliquando subsidia pro se ac suis à Fidelibus transmissa receperit, de quo ad Philipp. 4. agit gratias dicens v. 15.: *Scitis autem & vos, Philippenses, quod in principio Evangelii, quando profectus à Macedonia nulla mihi Ecclesia communicavit in ratione dati & accepti, nisi vos soli: quia & Thessalonicam semel & bis in usum mihi misistis: ubi S. Th. Leā. 2.: A quibusdam enim (inquit) nihil accipiebat, scilicet Corinthiis & Thessalonicensibus, & quia Corinthiis erant avari, & cum turbatione ministrassent: & quia Thessalonicenses erant otio dediti, laborabat, dāns eis exemplum laborandi: Ipsi verò (Philippenses) erant boni in absentia & presentia: unde dicit 2. Cor. 1. v. 8.: „Alias Ecclesias expoliavi, accipiens stipendium ad ministerium vestrum, . . . Et hoc est argumentum, quod Papa potest ab una Ecclesia accipere in subsidium aliarum, non autem sine quacumque causa. Ita S. Thomas. Quo genere officij Paulus laboraret, ostendi supra §. 1. num. 4., nunc resumamus Historiam.*

## §. VII.

*Prædicatio in Cypro, Magi obsecratio, Proconsulis  
Conversio, Sauli in nomen Pauli mutatio.*

I. **S**aulus & Barnabas post acceptam impositionem manuum missi à Spiritu Sancto, relicta Antiochia, ubi aderant multi ministerio ac Fidelibus in Fide confirmandis idonei, nec non Phœniciâ, utpotè Palæstinae propinquâ, Cyprum regionem magis remotam navigare decreverunt; & assumto adiutore Joanne Marco, quem è Jerusalem adduxerant, pertranseuntēs Seleuciam, Salaminam Insulæ Cyprī Urbem præcipuam devenerunt. Ita refert Lucas Act. 13. v. 4.: *Et ipsi quidem missi à Spiritu Sancto abierunt Seleuciam, & inde navigaverunt Cyprum; & cum venissent Salaminam, prædicabant Verbum Dei in Synagogis Judæorum. Habebant autem & Joannem in ministerio: ubi Chrysostomus Hom. 28.: Ordinati, inquit, simul exierunt, & in Cyprum navigarunt, eò quod illic nulla essent insidia, & Verbum Dei jam disse-*

*disseminatum esset: Antiochia quidem jam multi erant: Phœnicia prope Palestinam erat, Cyprus non item. Ceterùm ne quæras quare, quando spiritus moventur; non solum enim spiritus sunt ordinati, sed etiam missi.* In hac insula prædicatum jam fuisse Evangelium in dispersione, quæ facta fuerat sub Stephano, habetur Act. 11. v. 19. sed ibi dicitur, quod non fuit annuntiatum nisi solis Judæis, qui etiam ulteriori instructione indigebant, & rursus annuntiandum erat etiam Gentilibus. Illuc ergo Saulus & Barnabas cum adventassent, primò in Synagogis Judæorum Verbum Dei prædicare cœperunt, ne superba Natio se postpositam videns, ad illud recipiendum obstinatior redderetur.

II. Interea addit Lucas v. 6.: Perambularunt universam insulam usque Paphum alteram insulæ extremitatem. Quod conicere licet non pervenisse, nisi elapso jam anno ab eorum ordinatione, nempe anno Christi 45., aut etiam biennio, ut putat Baronius ad ann. Christi 46., cum de hoc nihil certi statui possit. Insulæ Cypri erat tunc Proconsul quidam nomine Sergius. De hoc dubitatur, quomodo Sergius iste dicatur à Luca Proconsul, & non potius Prætor, cum Insula Cyprus non esset Proconsularis, sed Prætoria, nam ut refert Strabo L. 14. in fine, Insula Cypri erat inter Provincias Imperatori subjectas, ad quas regendas non mittebantur Proconsules, ut ad eas quæ ad Populum Romanum spectabant, sed Prætores seu Proprætores, qui eam Imperatoris nomine gubernarent. Hoc dubium solvit Tilmontius Nota 14. in Paulo; quod Cypri Insula fuerit aliquo tempore Imperatoria, & nomine Imperatoris per Prætores gubernata. Refert tamen Dio L. 53., quod Augustus eam postea Populo restituit, ejusque nomine regi per Proconsulem cœpit: ideoque Sergius benè dicitur Proconsul, cum Saulus & Barnabas illuc accesserunt: sicut 25. aut 30. annis post Sergium sub Vespasiano Eprius Marcellus dicitur Proconsul Cypri. Aliâ viâ se expedit Baronius ad ann. 46. num. 11. dicendo, quod cur Sergius non Prætor sed Proconsul à Luca nominetur, ea videtur esse ratio, quod eadem prætoria Provincia honoris causâ sæpè data est administranda Ciliciæ Proconsuli, ut inter alios Publio Lentulo. quod non illi tantum sed & successoribus æquè fuisse concessum par est credere; cum nullibi se legisse dicat Baronius aliquem Insulæ Cypri Prætorem. Unde colligit, se putare Sergium hunc Proconsulem dici, quod etiam Ciliciam Proconsularem Provinciam administraret; sed à brevi hac digressionem ad rem nostram redeamus.

III. Narrat ergo S. Lucas Act. 13. à v. 6., quod Cum Saulus & Barnabas

Tom. V.

T

Bar-

Barnabas perambulassent universam Insulam usque Paphum, inven-  
nerunt quemdam virum Magum Pseudo-Propbetam Judæum, cui no-  
men erat Bar-Jesu, qui erat cum Proconsule Sergio Paulo viro pru-  
dente. Hic, accersitis Barnaba & Saulo; desiderabat audire Ver-  
bum Dei: resistebat autem illis Elymas Magus (sic enim interpre-  
tatur nomen ejus) quærens avertere Proconsulem à Fide. Saulus  
autem, qui & Paulus, repletus Spiritu Sancto intuens in eum,  
dixit: O plene omni dolo & omni fallacia, fili Diaboli, inimice  
omnis justitiæ, non desinis subvertere vias Domini rectas. Et nunc  
ecce manus Domini super te, & eris cæcus non vicens solem usque  
ad tempus. Et confestim cecidit in eum caligo & tenebra; & circu-  
iens quærebat, qui ei manum daret. Tunc Proconsul, cùm vidisset  
factum, credidit; admirans super Doctrina Domini. Hucusque  
Lucas.

IV. His nobis proponuntur Proconsul cupiens audire Ver-  
bum Dei, Elymas Magus resistens, Paulus illum increpans &  
obcæcans, & tandem Proconsul admirans & credens. Super quæ  
Chrysostomus Hom. 28. advertit: Primò, Magum istum Ely-  
mam obistere Paulo, sicut Magum Simonem Petro. Rursum,  
inquit, *Magus Judæus, sicut Simon*. Secundò, Magum indigna-  
tum fuisse, non cùm aliis Saulus & Barnabas prædicarent, sed  
cùm Proconsule eos accersisset: *Considera ipsum, dum aliis prædi-  
cabant, non multum indignantem, sed cùm Proconsulem adissent;*  
prævidebat enim, Proconsule in Christum credente, se ejus au-  
toritate ac patrocinio destituendum fore. Tertiò, quòd non  
obstante resistantiâ Magi Proconsul voluerit audire Apostolos:  
& ita Samaritani fecerunt, qui, non obstante Simonis Magi  
resistantiâ, voluerunt audire Petrum, & sic conversi sunt: *Quòd  
autem in Proconsule mirum est, quòd illius magiæ præoccupatus, vo-  
luerit Apostolos audire: sic & Samaritani fecerunt, & ex compa-  
ratione victoria apparet, & magia vincitur.*

V. Paulus verò detectâ Magi malitiâ, quâ auertere à salute  
conabatur Proconsulem, non contumeliis sed justâ increpatione  
illum aggrediens: *Non desinis, inquit, subvertere vias Do-  
mini?* Quasi dicat, ait Chrysostomus: *Non contra nos decertas &  
pugnas, sed vias Domini rectas subvertis.* Indè ad multam in  
eum procedens: Eris, inquit, cæcus: & statim cæcus factus  
quærebat, qui eum manu duceret. Sed cur cæcitate potius  
quàm aliam pœnam imprecatus, Paulus Magum percussit? Ut  
obcæcatis oculis corporis, ad lucem veritatis aperiret oculos  
mentis; sperans, & in ipso eventurum, quod in se ipso expertus  
fuerat: & ideo non dixit illi *eris cæcus simpliciter, sed eris cæcus  
usque*

usque ad tempus. Unde Chrysostomus: *Quo ipse, inquit, reductus est signo, hoc & illum vult reducere: & illud*, usque ad tempus, non paucientis dictum est sed convertentis: nam si paucientis esset, illum in perpetuum fecisset cecum. Nunc verò non hoc agit, sed ad tempus, ut Proconsulem lucratur. Ex Chrysostomo igitur, & modo quo locutus est Paulus, si non certum, valde saltem credibile apparet, Magum istum post aliquod tempus ejuratâ magiâ, Fidem Christi amplexum fuisse, & sic duplici lumine corporis & mentis donatum evasisse. Non me fugit, Baronium ad ann. 46. num. 12. aliter sentire, ait enim: „Tantum enim absuit ut „Elymas Magus cæcitate percussus aliquando resipuerit, ut „magis ac magis in Evangelicam Doctrinam insaniens (quod „testatur Dionysius L. de Divin. nom. cap. 8.) librum ediderit „adversus Pauli prædicationem & Christi Fidem. „ Si recentius Criticorum induerem spiritum, testimonium, cui Baronius fedit, deberem cum risu excipere, illudque ceu apocryphum & falso Dionysio Areopagitæ affictum statim rejicere. Sed quia, ut supra dixi, me tanti non facio, ut contra veterum traditionem audeam insurgere: dicam, salvâ Baronio reverentiâ, ex testimonio Dionysii dicentis, Elymam Magum librum contra Pauli prædicationem & Christi fidem scripsisse, non haberi quòd hunc librum scripserit post Pauli adventum & sui cæcitatem, & non potius ante, & rursus licet scripserit post, nunquam tamen resipuerit. Cùm enim cæcitate percussus fuerit usque ad tempus, adest ratio credendi, ad tempus quidem cæcitate & errore fuisse detentum, non tamen usque ad extremum. Tandem dicere possem, me Libros Dionysii non rejicere quidem ut apocryphos & spurios, sed neque illos suscipere ut canonicos, quin in eos aliquid falsi aut deceptionis irrepere potuerit.

VI. Proconsul igitur subitâ Magi cæcitate percussus, & admirans Doctrinam Dei, statim credidit, & se in Christi servum mancipavit. Quid postea huic Proconsuli Sergio Paulo post Conversionem acciderit, nec Scriptura, nec probata Historia tradunt. Solùm habemus, eum fuisse virum sapientiâ & prudentiâ clarum, qui apud se Magum quemdam Numinibus, ut ipse censebat, acceptissimum retinebat. Accepto tamen de adventu Pauli & Barnabæ in Cyprum nuntio, ad se accessit, ut Verbum Dei audiret, jussit. Elymas Magus impedire Præsidem ab hoc congressu conabatur, sed frustra: nam à Paulo objurgatus & cæcitate percussus fuit: quod factum Proconsulem traxit ad Christi Fidem. De ipso postea nihil. Volunt quidam (apud Bol-

land. 22. Mart.) hunc Proconsulem fuisse Sergium primum Ecclesiæ Narbonensis Episcopum : accuratiores tamen Critici existimant , Sergium primum Narbonensem Episcopum , esse duobus seculis ad minus Sergio Proconsule posteriorem .

VII. Quod hic in controversiam vocari solet , est , an hæc duplex victoria de Mago cæcitate percussio , & de Sergio Proconsule ad Fidem converso , à Paulo reportata , fuerit causa , vel saltem occasio , ut nomen Sauli in Pauli nomen illi verteretur . In hac resolvenda , non uua est Patrum sententia . Chrysostomus Homil. 28. in Acta , censet Saulo inditum fuisse Pauli nomen post ejus Ordinationem , sicut Simoni *Cepha* seu *Petri* nomen à Christo , postquam eum ad Apostolatam vocavit : *Hic nomen illius mutatur post Ordinationem : id quod etiam Petro accidit* . Idem videtur sentire Theodorus in cap. 1. ad Rom. dicens , hoc nomen Pauli à sua familia eum non accepisse , sed eo post suam vocationem decoratum fuisse , sicut Simon nomine Petri fuit insignitus ; non designat tamen tempus , quo post Ordinationem & vocationem Pauli nomen assumeret , an statim , an aliquantò post .

VIII. Alii , ut Origenes in 1. ad Rom. volunt , ab initio Apostolum fuisse binomium , nempe Saulum & Paulum nomine , & retinuisse nomen Sauli , dum apud Judæos versaretur ; nomen verò Pauli , utpotè nomen Romanum usurpasset , cum primò cœpit annuntiare Evangelium Nationibus , Græcis nempe ac Romanis . Ac reverà S. Lucas hic incipit eum nomine Pauli vocare v. 9. *Saulus qui & Paulus* , dum eum in Cypro statuit , & Sergium Paulum Proconsulem convertentem describit . Hanc advertens circumstantiam S. Hieronymus ad Philemonem dicit , tunc eum accepisse Pauli nomen tanquam characterem hujus primæ victoriæ , quam Jesus Christus ei dedit supra Dæmonem ; cui assentiri videtur S. August. L. 8. Confess. cap. 4. . Aliqui tamen humilitatem Pauli considerantes volunt , hoc nomen Paulum sibi non arrogasse , sed potius ab ipsomet Proconsule Sergio Paulo suum nomen more Romano ei tanquam suæ salutis auctori dono dedisse .

Ut res fuerit , conformius videtur Actis Apost. & etiam Patribus , Apostolum ante vel non habuisse , vel usui non habuisse Pauli nomen , & tunc solum eo nuncupari cœpisse , postquam Proconsulem ejusdem nominis Christo lucratus fuit : sive quòd ipsemet illud assumeret , ut Deo gratias ageret de victoria à Dæmone reportata , sive propter Græcos quibuscum cœperat conversari : sive quòd Proconsul ipse in gratiam accepti be-



beneficii & amicitiae signum cum suo nomine donare voluerit.

IX. Quaestionem hanc de Pauli nomine discretè tractat S.Th. in cap. 1. ad Rom. Lect. 1., cujus verba sunt sequentia : *Circa nomen Pauli tria consideranda sunt . Primum quidem proprietates ejus : Hoc enim nomen ( secundum quod his litteris describitur ) non potest Hebraicum esse , quia apud Hebraeos non invenitur hoc elementum P . , sed potest esse Graecum & Latium : si tamen aliquod elementum ei propinquum sumatur , id quod est P . potest esse Hebraicum .*

*Secundò consideranda ejus significatio : secundum enim quod potest Hebraicum esse , idem est quod Mirabilis vel Electus : secundum autem quod est Graecum , idem est quod Quietus : secundum verò quod est Latium , idem est quod Modicus : & hac quidem ei conveniunt . Electus quidem fuit quantum ad gratiam : Unde Act. 9. v. 15. „ Vas electionis est mihi iste „ Mirabilis fuit in opere , Ecclesiastici 43. „ Vas admirabile opus excelsi „ Quietus in contemplatione Sup. 8. v. 16. „ Intrans in domum meam conquiescam cum illa „ Modicus per humilitatem 2. Cor. 15. v. 9. „ Ego autem sum minimus Apostolorum „ .*

*Tertiò considerandum est , quando sit hoc nomen Apostolo impositum , cum tamen ante Saulus vocaretur , ut habetur Act. 9. Circa hoc triplex est opinio . Hieronymus dicit , quod cum prius vocaretur Saulus , postmodum voluit vocari Paulus propter quoddam insigne factum quod fecit , scilicet quia convertit Sergium Paulum Proconsulem ut habetur Act. 13. sicut & Scipio dictus est Africanus , quia devicit Africam . Alii verò dicunt , quod hoc nomen impositum est sibi propter profectum virtutum , qui ex hoc nomine signatur , ut dictum est . Imponuntur enim divinitus quibusdam nomina à principio nativitatis ad designandam gratiam , quam à principio consequuntur , sicut patet de Joanne Baptista Luca 1. Quibusdam verò mutantur nomina ad designandum profectum virtutis eorum , ut Chrysostomus dicit : Sicut patet de Abraham Gen. 17. & Petro Matth. 16. Alii verò dicunt , & melius , quod Paulus fuit à principio binomius : Consuetum enim erat apud Judaeos , ut simili cum nominibus Hebraicis assumerent sibi nomina illarum Gentium , quibus serviebant , sicut Graeci servientes nominabantur nominibus Graecorum , ut patet de Jafone & Menelao 2. Machab. 4. : Hoc autem nomen Paulus ab antiquo celebre fuit apud Romanos : & ideo cum diceretur Saulus secundum Hebraeos , vocatus est etiam Paulus secundum Romanos : quo nomine non videtur usus , nisi postquam cepit Gentibus predicare . Unde Act. 13. dicitur „ Saulus qui & Pau-*

& Paulus „ & hoc magis approbat Augustinus . Hactenus S. Thomas .

## §. VIII.

*Predicatio Antiochiæ Pisidiæ, Iconii, Lystris  
& usque ad Illyrium .*

I. **P**roconsulem Christo lucratus Paulus cum suis absque mora è Papho discedit . *Perpende* ( inquit Chrysostomus Hom. 28. in Acta ) *illos non istic moram trabentes , utpote Proconsule jam credente , neque adulatione & honore emolliti sunt , sed statim operi se dediderunt , & in transmarinam Regionem se contulerunt .* Ubi enim narravit Lucas , quòd Proconsul credidit admirans &c. statim nullo interjecto , subjicit cap. 13. v. 13. : *Et cum à Papho navigassent Paulus & qui cum eo erant , venerunt Pergeam Pamphyliae : Joannes autem discedens ab eis , reversus est Hierosolymam . Illi verò pertransientes Pergeam , venerunt Antiochiam Pisidiæ .* Joannes Marcus discedit , vel longioris itineris tædio vel amore Patriæ , & reversus est Hierosolymam . Illi autem Pergeam Pamphyliae relinquentes , & alias prætercurrentes Civitates , Antiochiam Pisidiæ Metropolim iter direxerunt . Quòd cum navigio appulissent , Paulus Apostolico ministerio , quod in Cyprosolum transeunter obierat , fixè ac sedulò exercendo sese accinxit .

II. Ingressi Paulus & Barnabas Antiochiam die Sabbati , induti ( ut notat Chrysostomus Hom. 28. ) habitu Judæorum , ne malè haberentur , aut pellerentur , rectà ad Synagogam se contulerunt v. 14. : *Et ingressi Synagogam die Sabbatorum sederunt . Post lectionem autem Legis & Prophetarum , miserunt Principes Sacerdotum ad eos dicentes : Viri fratres , si quis est in vobis sermo exhortationis ad plebem , dicite .* Ubi Chrysostomus : *Sederunt , ( inquit , ) ut sermoni viam pararent , nec priores loquantur , sed invitati , & quasi hospites provocati .* Ideoque Synagogæ Princeps , videns hospites illos sedentes , ex urbanitate ad illos misit , ut si quid exhortationis dicendum haberent ad Populum , loquerentur . Hoc erat quod expetebat , quia ad hoc venerat Paulus . Unde statim surgens , & manu silentium more Judæorum indicens , coepit loqui . Notat Chrysostomus Hom. 29. Barnabæ modestiam ubique cedentis Paulo , ut & Joannis ubique cedentis Petro ; Barnabas enim duxerat Saulum Damasco , & antiquior & venerabilior erat , sed ambo ad communem utilitatem specta-

clabant, & Jesu gloriam, ideoque ad hanc promovendam, eminentiori gratiâ ornatum Paulum sciens, ei libenter loco cedit.

III. Paulus os suum aperit, & ut boni Oratoris partes impleat, ad se animos audientium trahendo, à Divina bonitate exordium sumit, ostendens, quot & quanta in gratiam eorum Nationis fecerit Deus: Primò enim in brachio excelso eduxit Majores eorum ex Ægypto, per quadraginta annos sustinuit eos in deserto, septem Gentes destruxit, ut eis terram Chanaan traderet possidendam, dedit eis Judices usque ad Samuel, eis potentibus dedit Regem Saul, deinde David. Cumque sermo super David cecidisset; in mentem eis revocavit promissiones de Salvatore Israel ex ejus stirpe nascituro, & has promissiones ostendit eis fuisse adimpletas in Christo Jesu, etiam ipsius Joannis Baptiste testimonio; subinde de ejus morte loquitur à Prophetis prædicta, & per habitantes Jerusalem & Principes ejus, ex ignorantia impleta, suspendentes eum in ligno. Quem tamen tertiâ die Deus suscitavit à mortuis, cujus adhuc testes sunt multi, qui viderunt eum vivere, nec ampliùs moriturum, quod ex Scripturis demonstrat. Demum hunc esse unicum Salvatorem à Prophetis prædictum ostendens, concludit v. 38. : *Notum igitur sit vobis, viri fratres, quia per hunc vobis remissio peccatorum annuntiatur: & ab omnibus, quibus non potuistis in Lege Moysi justificari; in hoc omnis qui credit, justificatur. Videte ergo ne superveniat vobis, quod dictum est in Prophetis: nimirum, quòd qui non crediderit, dispergetur. Ubi nota discretum Pauli loquendi modum. Ne Judæos, quos alloquitur, absterreat, crimen mortis Jesu non in totam Gentem Judaicam rejicit, sed in habitantes Hierusalem & Principes eorum: quorum etiam crimen minuire curat dicens, quòd ex ignorantia fecerunt, & fecerunt, quia sic oportuit fieri. Itaque ignorantia peccatum erat: Vide, quomodo illos leniter defendit: Neque hoc tantum, sed etiam ita fieri oportuisse adjicit (Chrysostomus Hom. 39.)*

IV. Hoc discreto & suavi loquendi modo, tantum abfuit, ut Judæos audientes exasperaret Paulus, quin potiùs desiderio illum iterum audiendi accensû v. 43. : *Exeuntibus illis, rogabant, ut sequenti Sabbato loquerentur sibi verba hæc. Cumque dimissa esset Synagoga, secuti sunt multi Judæorum, & colebantium advenarum Paulum & Barnabam, qui loquentes suadebant eis, ut permanerent in gratia Dei. Super quæ Chrysostomus Hom. 30. : 'Vidistin', inquit, Pauli prudentiam? Non tunc tantum in admiratione fuit; sed etiam iterum audiendi desiderium immisit illis, cum semina quæ-*

dam inieciſſet, ac nondum abſolviffet, neque verbis ſuam faciffet, ut illos ſibi conciliaret ac benevolos redderet; neque omnia ſimul ingerendo, naufeam pareret. *Dixerat, remiſſionem peccatorum per Hunc ſibi annuntiarī: quomodo autem, non declaravit. . . . Viden' quanta alacritas? Sequebantur illos, inquit, (multi ex Judæis & profelytis) cur illos non ſtatim baptizavit? Non erat tempus. Perſuadere oportebat, ut firmi maverent.*

V. Hiſce tamen fauſtis initiis non reſpondit progreſſus. In diſtā Sabbatī die magnus undique in Synagoga ad audiendum Paulum concurſus factus eſt: ſic v. 44.: *Sequenti verò Sabbato penè univerſa Civitas convenit audire Verbum Dei: ſed quia fortè etiam Gentiles contra Judaicas regulas in Synagoga intraverant; ſive quia invidiam conceperant: Videntes turbas Judæi, repleti ſunt zelo & contradicebant bis, quæ à Paulo dicebantur, blaſphemantes. Quare Paulus & Barnabas zelo accenſi liberioribus verbis eis dixerunt: Vobis oportebat primùm loqui Verbum Dei: ſed quoniam repellitis illud, & indignos vos judicatis æternæ vitæ; Ecce convertimur ad Gentes: ſic enim præcepit nobis Dominus: quaſi dicerent: nos implevimus, quod vobis injundum erat, primò veniendi ad vos; ſed quia hæc gratiā vos indignos judicatis non dicunt quia indigni eſtis) idèo vobis ſententiā veſtrā dereliſtis, aliud præceptum Dei implentes convertimur ad Gentes. Sententiā hæc exitialis Judæis æquè fuit materia gaudiū Gentilibus; ideoque v. 48. dicitur: Audientes autem Gentes gauiſe ſunt, & gloriſicabant Verbum Domini & crediderunt quotquot erant præordinati ad vitam æternam. Diffeminabatur autem Verbum Domini per univerſam Regionem: Merito, inquam, gaudebant Gentes, dum audiebant, ſe vocari in poſſeſſionem eorum, quæ Judæis promiſſa fuerant. At Judæi nihil de hac jactura commoti imò furore obcaſati, concitaverunt mulieres religioſas & honeſtas, & primos Civitatis, & excitaverunt perſecutionem in Paulum & Barnabam, & ejecerunt eos de ſinibus ſuis: at illi excuſſo pulvere pedum in eos, venerunt Iconium. Hoc facto implentes terribile illud, quod jufferat Chriſtus, dicens Lucæ 9. v. 5. „Et ſi quis, vos non receperit, egreſſi excutite pulverem pedum veſtrorum, Neque hoc temerè fecerunt, ſed poſtquam ejeſti ſunt ab illis. Ita ex Chryſoſtomo Hom. 30., qui addit: Caterùm neque hoc Diſcipulis nocuit, ſed magis perſeverarunt in verbo: ideo hoc declarans adjicit: v. 52. „Diſcipuli autem replebantur gaudio, & Spiritu Sancto, Magiſtri namque ærumna Diſcipuli fiduciam non tollit, ſed alacriorem illum reddit.*

VI. Ejeſti igitur Antiochiā Piſidiæ Paulus & Barnabas ven-

ne-

nerunt Iconium Lycaonia Urbem. Illic quamvis à Deo suæ cæritati derelictos jam pronuntiaſſent Judæos, attamen obliiti malorum, quæ in ipsos intentaverant, urgente caritate, eorum corda adhuc verbo Dei pulsare decreverunt. Ingressis igitur Synagogam res initio benè cessit; nam Act. 14. v. 1. dicitur: *Factum est autem Iconij, ut simul introirent in Synagogam Judæorum, & loquerentur; ita ut crederet Judæorum & Græcorum copiosa multitudo.* Verùm qui increduli fuerant Judæi, suscitaverunt & ad iracundiam concitaverunt animas Gentium adversus fratres, quasi commoverent Populum; vel aliis calumniis eos onerando: non tamen abierunt Apostoli; *Quia non pellebantur, sed tantum impugnabantur* (inquit Chrysostomus Hom. 30.) sed ibi diu morati sunt: unde v. 3.: *Multo igitur tempore demorati sunt, fiducialiter agentes in Domino testimonium perhibente verbo Gratia suæ, dante signa & prodigia fieri per manus eorum.* Licet autem Chrysostomus inter signa reputet, quòd auditores crederent; præter hoc tamen existimo alia Prodigia & Miracula patraſſe, quibus verbo Gratia, quod prædicabant, Deus testimonium daret. Hoc tempore creditur, S. Paulum Theclam ad Christum Iconii convertiſſe; & ut nuptiis ad quas quærebatur renuntiaret, persuasiſſe. Imò Chrysostomus Hom. 25. in Acta, tanto ardore videudi Paulum eam fuiſſe accensam, dicit, quòd *ut Paulum videret, aurum suum dedit.* Dum tamen Apostoli Iconii sedulam Christo navabant operam, eique Fideles multiplicabant, non destiterunt Judæi increduli zizaniorum semina contra eos ferere; adeo ut dicat Lucas 9. 4.: *Divisa est autem multitudo Civitatis, & quidam erant cum Judæis, quidam verò cum Apostolis:* sed demum videntes, incredulorum Judæorum operâ etiam Magistratum Gentium in suam necem misceri, ac sibi lapides ultra contumelias infare, abierunt. V. 5.: *Cùm autem factus esset impetus Gentilium & Judæorum cum Principibus suis, ut contumeliis illos afficerent, & lapidarent eos: Intelligentes confugerunt ad Civitates Lystram & Derbeu, & universam in circuitu Regionem, & ibi Evangelizantes erant.*

VII. Ex his magis magique apparet, Apostolorum de uno ad alium locum fugam, non metu mortis, sed studio se ipsos servandi ulteriori prædicationi ac novis gravioribusque periculis, fuiſſe promotam: ideoque fugâ Antiochiâ elapsi, per universam Lycaoniam verbum annuntiantes, Lystram & Derben devenerunt anno Christi 46., sive ut vult Baronius 48. Lystris existens Paulus, ut refert S. Lucas cap. 14. v. 7., Claudum ab utero matris suæ solo vocis imperio sanavit: *Et quidam, inquit, vir*

Tom. V.

V

Ly-

*Lystris infirmus pedibus sedebat, claudus ex utero matris suæ, qui nunquam ambulaverat. Hic audivit Paulum loquentem : qui intuitus eum & videns quia Fidem haberet, ut saluus fieret, dixit magnâ voce : Surge super pedes tuos rectus : & exilivis & ambulabat : sanitate scilicet tum corporis tum animæ per Fidem donatus. Cum S. Lucas hoc primum inter miracula à S. Paulo parata particulariter narret, putant aliqui, antea à S. Paulo nullo editum miraculum, inter quos videtur esse Chrysostomus, ut supra : sed præterquamquod ex dictis multa signa & prodigia dum Iconii morarentur operatos fuisse dicit Lucas, negari saltèm non potest, subitam Elymæ Magi cæcitatem ad Pauli vocem visibile ac verum fuisse miraculum.*

VIII. Prodigiosa ista sanatio in tantam admirationem Turbas, quæ eam viderunt, attraxit ut Paulum & Barnabam duos Deos, qui sub forma hominum ad eas descendissent, conclamarint : Barnabam quidem, quia (ut opinatur Chrysostomus) aspectu venerabilior, vocantes Jovem, Paulum verò, quia dux verbi erat, appellantes Mercurium : adeoque hæc popularis existimatio crevit, ut Sacerdos ipse Jovis victimas ut Diis eis immolare paratus esset. Ita v. 10. *Turbæ autem cum vidissent, quod fecerat Paulus, levaverunt vocem suam Lycaonicè dicentes : Diis similes facti hominibus descenderunt ad nos : & vocabant Barnabam Jovem, Paulum verò Mercurium, quoniam ipse erat dux Verbi. Sacerdos quoque Jovis, qui erat ante Civitatem, tanros & coronas ante januas afferens, cum Populis volebat sacrificare.*

At Apostoli, quibus nihil esse poterat horribilius, quam gloriam Deo eripi, pro qua vnicè promovenda periculis se ipsos ac vitam suam exponebant, ad hoc velut ad blasphemiam exhorrentes, ac vestimenta sibi scindentes, in medium Turbarum se projecerunt, clamantes & dicentes : *Viri, quid hæc facitis ? Et nos mortales sumus, similes vobis homines, annuntiantes vobis ab his vanis converti ad Deum vivum, qui fecit cælum & terram & mare, & omnia quæ in eis sunt. Quæ considerans Chrysostomus Homil. 31. ait : Vide Apostolos omnia cum vehementia facientes : sciderunt vestes, exilierunt, clamarunt : quæ fiebant omnia ex affectu aversantes, & lucus signa dantes. Lucus quippe verè erat, lucus non consolabilis, si quidem voluissent pro Diis haberi & idololatriciam inducere, quam solum venerant. Illud porro erat Diaboli machinamentum ; at illi non quiescunt ; sed quid ? „ Nos similes vobis passibiles sumus homines „ inquirunt : statim ab initio malum subverterunt : non dixerunt simpliciter homines, sed sicut vos. Deinde, ne viderentur Deos venerari, audi quid adjiciant, Annun-*

tiantes vobis ab his vanis converti ad Deum vivum,, &c. Hæc & alia Apostoli dixerunt: *Et hæc dicentes vin sedaverunt Turbas, ne sibi immolarent*, v. 17.

IX. Verùm, ut variabilis est hominum genius, Apostolos, quibus insanientes tanquam Diis immolare volebant, mox furentes lapidibus obruere ac necare tentarunt; sic enim Lucas v. 18.: *Supervenerunt autem quidam ab Antiocchia & Iconio Judæi; & persuasis Turbis, lapidantesque Paulum, traxerunt extra Civitatem, existimantes eum mortuum esse*. Non contenti, Apostolos expulsi sunt à Civitatibus suis, eos quoque in alienis persequuntur: *Verè Diaboli filii* (inquit Chrysostomus Homil. 31.) *non in Civitatibus modò suis, sed extra illas hoc faciunt: & tanto studio curabant prædicationem de medio tollere, quanto Apostoli illam firmare conabantur*; & quod rarius est, in eadem Civitate, in qua apud Turbas in tanta admiratione fuerunt, ut Dii proclamarentur, mox ab eisdem, vel saltè à multis quærentur ad necem. Putat S. Asterius Orat. 12., lapides istos, quibus lapidatus est Paulus, servivisse Divinæ justitiæ ad puniendum ipsum de lapidibus, quos, etsi aliorum manu, ipse jecerat in Stephanum, ut sic eodem supplicio expiaret culpam.

Cum tamen Paulus, quem lapidantes reliquerant tanquam mortuum, adhuc vivus esset v. 19.: *Circumdantibus eum Discipulis, surgebat insuper Civitatem*. Magna sanè alacritas: in eandem Civitatem, à qua lapidibus ejectus fuerat & penè extinctus, impavidus revertitur.

X. Ne tamen ibi morans magis irritaret, & quidem inutiliter, persecutores: *Postera die profectus est cum Barnaba in Derben*. Ibi quasi oblitus lapidum, quibus nuper ferè ad interitum obrutus fuerat, & ac si mors ei præsentata ad illi se exponendum magis eum animasset, Evangelium etiam ibi prædicare cœpit: ut dici possit, Paulum posse quidem occidi, sed non vinci. Gregorius in Job. L. 31. cap. 15. Cum ergo ibi multos Jesu Christo Discipulos acquisivissent, dicit Lucas v. 20., quòd *reversus est Lystram & Icoium & Antiochiam (Pisidiæ) confirmantes animas Discipulorum, exhortantesque, ut permanerent in Fide: & quoniam per multas tribulationes oportet nos intrare in Regnum Dei: & cum constituisset illis per singulas Ecclesias Presbyteros, & orassent cum jejunationibus, commendaverunt eos Domino, in quem crediderunt*. Hæc erant hortamenta, hæc monita, quæ Discipulis Apostoli relinquebant: his totam terram Christo lucrati sunt, his Fides inter persecutiones firma permansit: & adhuc inde ejectis Apostolis, Lystris Iconiis & Antiochiæ stabant

Ecclesiæ, quibus regendis Apostoli in reditu Presbyteros constituerunt. Ubi etiam notat Chrysostomus, quòd Paulus Lyrensisbus relictis, *prius in Derben venit, dans illis respirandi locum à furore, & tunc rursus venit Lystram Iconium & Antiochiam: furentibus illis cedens, sedatos verò adiens: Vides, eos non omnia per gratiam, sed etiam per proprium studium administrasse.*

XI. Demum *Transientes Pisidiam, venerunt in Pamphyliam: & loquentes Verbum Domini in Perge, descenderunt in Attaliam; & inde navigaverunt Antiochiam, unde erant traditi gratiæ Dei, in opus quod compleverunt. Cum autem venissent & congregassent Ecclesiam, retulerunt, quanta fecisset Deus cum illis, & quia aperuisset Gentibus ostium Fidei. Morati sunt autem tempus non modicum cum Discipulis.* Hucusque Lucas Act. 14. à v. 23. ad 27. Antiochiam igitur Syriæ, unde discesserant, reversi sunt; ut illi florantissimæ Ecclesiæ in qua ordinati fuerunt nuntiarent, quæ Deus per illos fecisset in Gentibus, scirentque, etiam illis ostium ad Fidem jam esse apertum; ac in quibusdam, maxime ex Hierosolymis, cessaret scrupulus ad Gentes abeundi. Antiochiam etiam reversi sunt (quod Chrysostomus Hom. 31. observat) ut narrantes ea, quæ fecerant, Ecclesiæ à qua missi fuerant testimonium redderent suæ fidelitatis & obedientiæ; post tanta & tam mirabilia, quæ patrarent & passi fuerant haud minùs humiles.

XII. Cùm S. Lucas, narrato reditu Pauli & Barnabæ Antiochiam, dicat, quòd *morati sunt tempus non modicum cum Discipulis*: nec de iis quidquam ampliùs loquatur usque ad annum, quo Concilium Hierosolymis celebratum fuit, nempe Christi 51. Idcirco obscurum reliquit, quid hoc medio tempore egerint, & quò prædicationem suam asportaverint. Incertum etiam est, quantum temporis spatium interfluxerit à reditu eorum Antiochiam usque ad ann. 51., qui ex dictis fuit annus Concilii; nam Baronius, qui ad ann. 49. ponit reditum Pauli & Barnabæ Antiochiam, solius biennii spatium interponit. Alii verò ex Recentioribus, Tilmontius Nota 17. & Calmet *in Paulo*, ad quinquennii spatium extendunt. Videntur enim statuere ann. 44. Paulum & Barnabam Antiochiâ post ordinationem dimissos, anno 46. desinente illuc fuisse reversos, & sic supra relatum prædicationis cursum duobus annis perfecisse: unde usque ad ann. 51. Concilii, quinque ferè anni intercurrerint: & quid hoc tempore egerint, certò deprehendi non possit. Missâ ergo quæstione de annis à reditu Antiochiam ad Concilium;

XIII. Ve-



XIII. Verisimile existimatur, hoc mediò tempore (quantumcumque fuerit) Paulum post consummatam per totam Iudæam, quam antea inchoaverat, prædicationem, eam ad Illyricum usque, ubi ante non fuerat nominatus Christus, deportasse: ad hoc enim tempus credibile est, ipsum respexisse Rom. 15. v. 19. *cùm dans gloriam Deo de iis, quæ verbo aut factò operatus fuerat in Gentibus, ait: In virtute signorum & prodigiorum, in virtute Spiritus Sancti, itaut ab Jerusalem per circuitum usque ad Illyricum repleverim Evangelium Christi. Sic autem prædicaui Evangelium hoc, non ubi nominatus est Christus, ne super alienum fundamentum edificarem, sed sicut scriptum est: Quibus non est annuntiatum de eo, videbunt, & qui non audierunt, intelligunt. Quibus apparet, in iis tantum locis pedem fixisse, ubi nihil hæcenus de Christo auditum fuerat, alia vero loca solum excurrisse. Porro dum dicit: Ab Jerusalem per circuitum, ut ait Chrysostomus Homil. 29. in cap. 15. ad Rom. numerat & Urbes & Regiones & Gentes & Populos, non eos tantum, qui sub Romanis, sed eos etiam, qui sub Barbaris erant. Ne mihi enim solum Phœnicem & Syriam & Ciliciam & Cappadociam adeas: sed etiam quæ retrò sunt cogita, Saracenos, Persas, Armenios, aliosque Barbaros: idèd enim dixit, per Circuitum, ut non solum viam tritam carpas, sed etiam Australem Asiam mente percurras. Similiter dum addit usque ad Illyricum, indicat, se non solum, usque ad confines Illyrici prædicatione pervenisse, puta Epirum, sed intra ipsum Illyricum, ut sentit S. Hieronymus Ep. 148. Unde Gregorius L. 27. Moral. cap. 6. meritò Paulum comparat nubi, quæ vento caritatis perflata universam terram excurrenit, pluviam Verbi vitæ expandendo.*

XIV. Ad hæc tempora referuntur passiones & persecutiones, quas perpassus fuit Paulus. Nam præter eas, quas ex Luca supra retulimus, alias & quidem graves sibi illatas, sicut & pericula quæ superavit, recenset ipse 2. Cor. 11. à v. 23. & de eis gloriatur dicens, se quinquies à Judæis triginta novem flagrorum ictibus fuisse cæsum: *Et Judæis quinquies quadragenas (plagas) una minis accepi:* (numquam enim Iudæi hunc numerum excedere solebant, notante Moyse, ne ultra 40. ictus infligantur. Deuterom. 25. v. 3.) : *Ter à Romanis virgarum animadversionem tolerasse Ter virgis cæsus sum:* Semel lapidibus impetitum fuisse (nimirum Lystris, ut supra vidimus) *Jemel lapidatus sum:* Ter naufragii periculum subisse *ter naufragium feci:* ac die nocteque in profundo maris fuisse, *die nocteque in profundo maris fui.* Hæc ultima verba diversimode exponuntur, S. Hilar-

rius

rius L.6. de Trinitate sentit, Paulum integrâ die demersum in profundo maris fuisse, & Divino prodigio servatum, idem dicit S. Th. in cap. 11. 2. ad Cor. Lect. 5. his verbis: *Semel fletit sub aqua per diem & noctem, Divinâ eum virtute protegente*. Sulpitius Severus Ep. 1. putat, eum velut alterum Jonam triduo in imo maris mansisse. Quidam apud Theophylact. existimant, in imo putei latuisse, ut denuò imminens à Lystrensibus lapidum periculum evitaret. Alii apud Baron. ad ann. 58. num. 43. malunt intelligere de Carcere Cyziceno, cui nomen *Bubos*, sive profundum, ubi Paulus detentus fuit; volunt enim id quod additur *Maris* in Vulgata, in textu non legi, sed solum *in profundo*. Communiter tamen Patres, Chrysostomus, Theodoritus, Eusebius, & Recentiores plurimi censent, Apostolum ita locutum, ut exprimeret, se ad eò cum undis nocte ac die colluctatum, ut in profundum maris dejecti videretur.

Alia deinde enarrans, quæ passus fuerat, ait v. 26.: *In itineribus sæpe, periculis fluminum, periculis latronum, periculis ex Genere, (idest à Judæis) periculis ex Gentibus, periculis in Civitate, periculis in solitudine, periculis in mari, periculis in falsis fratribus; in labore & arumna, in vigiliis multis, in fame & siti, in frigore & nuditate &c.* Hæc enim omnia longorum itinerum, & eorum maximè, quibus omnia necessaria defunt, commensus esse solent. Et hoc magis experiebatur Paulus, qui non ut cæteri Apostoli, in itineribus suis pias feminas aut alios, qui sibi necessaria ministrarent, secum ducebat, sed ex suis laboribus plerumque, ne ulli molestus esset, sibi victum comparabat.

XV. Hæc omnia hætenus recensita passus quidem fuerat Paulus antequam Epistolam secundam ad Corinthios scriberet, nempe, ante annum Christi 58.; non tamen saltè omnia passus fuit illo medio tempore, quod à reditu Antiochiam usque ad adventum Hierosolymam occasione Concilii anno 51. interfuit; cum seriò cogitanti aliqua appareat passum fuisse ante, ut lapidationem Lystris; aliqua etià post. Neque tamen hinc quispiam putet, nihil humanum fuisse in Paulo, quo passionibus & afflictionibus corporis premeretur, sed omnia naturali quadam constantia quasi insensibilis ad ea contemneret; homo enim erat, ut cæteri, timori cæterisque infirmitatibus obnoxius. Se talem confitetur 1. Cor. 2. v. 3.: *Et ego in infirmitate & timore & tremore multo fui apud vos, & 2. Cor. 1. v. 8.: Non enim volumus vos ignorare fratres de tribulatione nostra, quæ facta est in Asia: quoniam supra modum gravati sumus supra virtutem; itant*

*taderet nos etiam vivere. Sed ex hac infirmitate carnis in Paulo magis elucebat ardor caritatis ejus erga Deum, & animi vigor, quo à Dei gratia roboratus omnia obstantia contemnebat, & omnia quamvis ardua aggrediens fortiter superabat. Hinc fiebat, ut in persecutionibus magis gauderet, quàm in signis & prodigiis, quæ per Dei gratiam operabatur. Quod in ipso & aliis Apostolis admirans Chrysostomus Hom. 31. in Acta ait: Nusquam dicit, ipsos reверsus esse gaudentes, quòd signa fecissent; sed quòd digni habiti fuissent pro nomine Ejus contumeliam pati: nam & hoc à Christo edociti fuerant dicente. Lucæ 10. v. 20., Nolite gaudere, quia dæmonia vobis subjiciuntur, Verùm enim ac sincerum gaudium hoc est: aliquid pati pro Christo. Deinde in Civitates omnes illas venerunt, in quibus periclitati fuerant.*

## §. IX.

*Gesta post Concilium, Separatio Barnabæ à Paulo.*

**I.** P Oskularet Ordo Historiæ, ut hîc agerem de Concilio ab Apostolis Hierosolymis coacto: quæ illius occasio fuerit, & quid in eo statutum; sed quia de hoc egi Cap. 1. §. 12. in S. Petro; idcirco ibi dicta Lector adeat, ne inutiliter eadem repetantur. Hoc certum est, Paulum cum Barnabæ eidem interfuisse Act. 15. Cum enim quidam descendentes de Judæa docere cœpissent Antiochiæ, absque Circumcisione & observantiâ Legis neminem posse salvari, factâ super hoc seditione, Paulo & Barnabâ pro viribus resistentibus, Apostolos aliosque Seniores Hierosolymam existentes super hoc consulere visum est. Missi ergo Paulus & Barnabas ad Urbem, causam ad Apostolos detulerunt; neque enim Paulus, quamvis tantâ signorum auctoritate munitus, litem hanc dirimere censuit; sed Deo sibi revelante hoc iter assumpsit, quod ipse enarrat Galat. 2. factum quatuordecim annis post primum, quod egerat anno 37. nempe post suam conversionem tertio. Hoc itinere Paulus & Barnabas transeuntes per Phœniciam & Samariam magno gaudio affecerunt fratres, conversionem Gentium eis narrantes. Hierosolymam appulsi, benignè suscepti fuerunt, ibi tamen easdem contentiones, quas Antiochiæ, & propter quas sedandas venerant, invenerunt. Quidam enim Fideles ex Phariseis conversi Gentes ad Circumcisionis & legalium observantiam obligandas esse contendebant. Re tamen ad cœtum Apostolorum & Sacerdotum ad hunc finem coactum, delatâ, aliter statutum & decretum, ethnicis ad Fidem

dem adductis, exceptâ abstinentiâ ab idololatria, fornicatione, suffocato & sanguine, nihil ultra imponendum.

II. Synodicam Concilii Epistolam Paulus & Barnabas ad Antiochenos detulerunt, quibus adjungendos Judam cognomento Barfabam & Silam, viros inter Fideles spectatissimos (qui fortè erant ex 70. Discipulis) ut majorem rei fidem facerent, censuerunt. Qui cum Antiochiam pervenissent, congregatâ Ecclesiâ Concilii Epistola lecta est: & ab Ethnicis Christo nomen dantibus, sicut & tota Ecclesia cum gaudio suscepta. Tenorem præfatæ Epistolæ supra citato loco expendi & difficultates aliquas solvi, quæ ibi videri possunt.

III. Prætereundum non est quod ipse Paulus narrat Galat. 2. v. 2. nempe iter hoc monente Spiritu Hierosolymam assumis-  
se, ut exponeret publicè Doctrinam, quam prædicabat apud Gentes, eamque præcipuè cum Petro Jacobo & Joanne circa quædam difficultia conferret, num ad veritatem Evangelii procederet: *Ascendi autem, inquit, secundum revelationem, & contuli cum illis Evangelium quod prædico in Gentibus, seorsum autem iis, qui videbantur aliquid esse, ne fortè in vacuum currerem aut cucurrissem.* Ubi S. Thom. Lect. 1.: *Contuli, inquit, non ut addiscerem, quia jam doctus eram à Christo; non ut certificarer, quia sic certus sum, quòd si Angelus diceret contrarium, non crederem ut supra 1. Cap. sed contuli propter duo: scilicet ad insinuandam unitatem Doctrinæ meæ cum Doctrina aliorum Apostolorum. 1. Cor. ,, Idipsum dicatis omnes,, &c. . . Item ad vitandum calumniam aliorum. Apostolus enim, quia non fuerat conversatus cum Christo, nec edoctus ab Apostolis, sed statim post Conversionem suam incipit prædicare, quæ erant odiosa Judæis & specialiter de vocatione Gentium, & quòd non debebant servari legalia: sic ergo contulit Evangelium: & infra ,, Ne in vacuum currerem, aut cucurrissem,, Vocat autem prædicationem suam cursum propter velocitatem suæ Doctrinæ, quia in modico tempore à Jerusalem usque in Illyricum & usque in Hispaniam prædicavit Evangelium: unde posset dici de illo illud Psalmi 147. v. 15. ,, Velociter currit sermo ejus,, & 2. Thessal. 3. ,, Fratres orate pro nobis, ut sermo Domini currat,, &c. Sed numquid dubitabat, quòd in vacuum curreret? Dicendum est, quòd sibi non dubitabat, sed illis, quibus prædicaverat, quia nisi ab illis firmiter teneretur sua Doctrina, quantùm ad illos in vacuum cucurrisset; & idè voluit conferre cum eis, ut dum scirent auditores, quòd Doctrina sua concordaret cum Doctrina aliorum Apostolorum, & approbaretur ab eis, firmitus ejus Doctrinam tenerent; & sic quantùm ad eos non in vanum curreret. Ita S. Thom. Quid ad hæc Proteftan-  
tes*

tes hodierni, qui spiritu privato, quem sibi fingunt, nec ullis signis probare possunt, Evangelium prædicant; & dum eorum Doctrina utpotè sensui Catholicæ Ecclesiæ contraria reprobatur, tantum abest, ut se in vacuum currere arbitrentur, quin potius velint, se solos certos esse, sibi solis quasi verè Evangelicis credi, & ab Ecclesiæ Pastoribus Spiritum veritatis jamdiu recessisse? Quid, inquam, quando Paulus Spiritu Sancto revelante odoctus, qui multis signis Evangelii sui veritatem probaverat, non vult sibi soli credi, sed Doctrinam suam ab Ecclesia probari, timens, ne hoc omittendo, apud eos quibus prædicabat, in vacuum curreret? Paulus Spiritu Christi, qui est Spiritus veritatis & unitatis, agebatur: qui verò aliter se gerunt, Spiritu non Christi, sed Antichristi & Satanz, qui spiritus superbiæ mendacii & schismatis est, se agi manifestant.

IV. Collatâ igitur Doctrinâ, quam prædicabat Paulus, cum ea, quam prædicabant Apostoli Petrus Jacobus Joannes & ceteri, nihil inventum fuit corrigendum, nihil Doctrinæ tam puræ ac perfectæ addendum, sed communi calculo conclusum fuit, quod Deus vocaverat Paulum ad conversionem Gentium, sicut Petrum ad conversionem Judæorum, ideoque dexteræ sibi invicem in socius & societatem dederunt. Ita Paulus v. 7. & 9. : *Cum vidissent, quod creditum est mihi Evangelium præputii, sicut & Petro Circumcisionis. . . . Et cum cognovissent gratiam, qua data est mihi, Jacobus & Cephas & Joannes, qui videbantur columna esse, dexteræ dederunt mihi & Barnabæ societatis, ut nos in Gentes, ipsi autem in Circumcisionem*: sic Paulus & Barnabas Apostoli ad Gentes declarati sunt: hoc solo eis injuncto onere caritatis, ut scilicet hortarentur Fideles Nationum, ad subveniendum Fidelibus, qui in Judæa manebant, utpotè in angustias & necessitatem redactis, quod vel bona sua vendidissent & pretium ad pedes Apostolorum detulissent, vel quod bonis suis Judæorum rabie spoliati fuissent, quod Paulus se implevisse testatur v. 9. dicens: *Autem ut pauperum memores essemus: quod etiam sollicitus sum hoc ipsum facere* & inferius apparebit.

V. Dum post Hierosolymitanum Concilium de abrogatione Legalium Paulus adhuc Antiochiæ moraretur, contigit, ut illuc adventaret Petrus, quem cum observasset Paulus, advenientibus à Judaismo convertis, à mensis Gentilium se subtrahere, putans, posse illum hoc facto aliis videri in ea sententia, quod Legalia adhuc essent de necessitate observanda, contra nuperrima in Concilio statuta, Apostolicâ libertate ac zelo ipsum reprehendit. De hoc jam egi supra c. 1. in Petro §. 2. à n. 10. ; illuc ergo lectorem remitto.

VI. Nunc Historiæ ordinem resumendo, sic prosëquitur S. Lucas Act. 15. v. 32. : *Judas autem & Silas ( post præsentatam Antiochenis Epistolam Concilii ) & ipsi cum essent Propheta , verbo plurima consolati sunt fratres & confirmaverunt . Facto autem ibi aliquo tempore dimissi sunt cum pace à Fratribus ad eos , qui miserant illos : visum est autem Sila ibi manere , Judas autem solus abiit in Jerusalem .* De Juda Barsabas dicto nil aliud ex Scriptura habemus , nisi quod fuerit vir inter primos ex Fratribus , & dono Prophetiæ ornatus : de Sila assumpto postea in Socium à S. Paulo inferius sermo erit .

VII. Interea v. 35. *Paulus & Barnabas demorabantur Antiochia , docentes & Evangelizantes cum aliis pluribus Verbum Dei ; sed Paulus , quem sollicitudo Ecclesiarum quiescere non permittebat , post aliquot dies dixit ad Barnabam , v. 36. : Revertentes visitemus Fratres per universas Civitates , in quibus prædicavimus Verbum Domini , quomodo se habeant .* Assentiebatur Barnabas , sed comitem itineris habere volebat Joannem Marcum ita petentem ( erat enim ei consobrinus , eumque Barnabas genio facilis & indulgens consolari cupiebat . ) *Paulus autem rogabat eum ( ut qui discessisset ab eis de Pamphylia , & non esset cum eis in opus ) non debere recipi : non enim idoneum militiæ Apostolicæ judicabat illum , qui ( ut supra cap. 13. v. 13. ) vix ei adscriptus , factus fuerat desertor ; sed Barnabam contendente Marcum secum habere comitem , Paulo verò reluctante ( v. 39. ) : Facta est dissensio , itant discederent ab invicem ; & Barnabas quidem assumto Marco navigaret Cyprum , Paulus verò electo Sila profectus est traditus gratia Dei à Fratribus .*

VIII. Discordia hæc opinionum fuit , non animorum , in mente manens , non transiens ad voluntatem : idem volebant Paulus & Barnabas , nempe gloriam Dei & Fidei bonum , sed sub diverso lumine : uterque salutem Marci Joannis cupiebat ; sed Paulus severitate volebat ut culpam agnosceret & resipisceret , Barnabas lenitate sua , ne desperaret : uterque finem consecutus est ; nam & hæc discessione ad plures Provincias Christi Fides fuit deportata , quam si conjuncti permansissent ; & Joannes Marcus Barnabæ fidelis comes , magis Christo adhærens , meruerit ut Pauli comes iterum effectus fuerit , & ut perseverans usque ad mortem in ministerio , inter sanctos ad diem 27. Septembris fuerit relatus .

Super hoc audiendus est Chrysostomus Homil. 34. in Acta discurrens : *Sic & in Prophetis diversas sententias comperimus , & varios mores , verbi gratia Elias austerus , Moyses mitis . Hic igitur*

gar vehementior est Paulus : sed sic tamen vide mansuetudinem ejus : „Rogabat, inquit, ut qui discessisset ab eis de Pamphylia, non debere recipi, „ Ut enim Dux exercitus nollet bajulum semper habere sordidum, sic neque Apostolus. Hoc etiam alios docuit, & illum emendavit : ergo ne improbus Barnabas ? Minime ; imo valde absurdum esset id putare. Quomodo non absurdum esset ob rem adeo levem illum dicere improbum ? Sed vide, primùm hinc nihil mali provenisse, si cum integris Gentibus sufficere possent, separati sint ; imò etiam hinc magnam prodixisse bonum. Deinde si hoc non accidisset, non facile separari voluissent . . . Sed si separari oportebat, inquit, verò uterque docere institueretque volens, alter aliâ viâ processit ; quod crimen fuerit ? Multa ex humana mente faciebant ; non enim erant lapides, aut ligna : & vide Paulum accusantem & causam dicentem : reverebatur enim Barnabam præ humilitate multa, qui in tantis rebus sibi consors & secum fuerat ; sed non ita reverebatur, ut officium negligeret : uter ergo melius consuluerit, non est nostrum pronuntiare . . . In hac questione observandum, non in quo dissenserint, sed in quo mutuo consenserint : sic majus bonum ex separatione prodixit, atque inde ortum est. Quid ergo ? Inimicex recesserunt ? Absit, vides enim postea Barnabam multis laudibus à Paulo celebrari in Epistolis. Dissensio, inquit, facta est, non inimicitia, neque contentio. Hactenus Chrysostomus.

Deinde proferens suam sententiam sic prosequitur. Mibi videtur, illum separationem prudenter esse factam, illosque mutuo dixisse : quandoquidem ego volo, tu autem vis ; ut ne pugnemus, loca distribuamus. Itaque multum sibi mutuo cedentes hoc faciebant. Vinam nos quoque tales separationes admitteremus, ut ad predicandum abiremus . . . Plurimum verò Marco profuit hac pugna. Pauli namque severitas convertit illum, benignitas autem Barnaba fecit ut ne relinqueretur. Itaque pugnant quidem, ad unum verò finem lucrum pertingit. Paulum enim videns velle discedere, multum exterritus, se ipsam damnavit ; iterumque Barnabam videns ita sibi patrocinantem, valde illum dilexit ; & ex Doctorum pugna emendatus est Discipulus ; tantum absuit, ut id offendiculo ei esset. Hæc placuit ex Chrysostomo exscribere, quia in hoc facto omnia mirè componunt. Sed relinquamus Barnabam cum Joanne Marco in Cyprum navigantem.

IX. Paulus ergo electo Silâ Fidelium precibus Gratia Dei

commendatus: *Perambulabat Syriam & Ciliciam confirmans Ecclesias* (v. 41.) ubi Chrysostomus: *Vide, inquit, Pauli prudentiam: non prius ad alias transit Urbes, quàm eas quæ Verbum acciperat visitasset: qui etiam ex illo verbo „perambulabat“, colligit iter pedestrem egisse: Ac deinceps pedes ambulabat, ut itinere videntibus se proderet: commendans quæcumque transibat, ac præcipiens custodire præcepta Apostolorum, edita scilicet in Concilio Hierosolymitano.*

## §. X.

*Paulus suscipit & circumcidit Timotheum, prædicat in Galatia, vocatur in Macedoniam.*

**I**Ta Ecclesias suis exhortationibus in Fide confirmans, & numero Fidelium augens, ait S. Lucas cap. 16. à v. 1., peruenit Derben & Lystram Urbes Lycaoniæ, quæ suæ Prædicationis terminus fuerant. Ibi (& probabiliter Lystris) erat Discipulus quidam nomine *Timotheus, filius mulieris Iudææ Fidelis, patre Gentili.* Huic testimonium bonum reddebant, qui in Lystris erant, & Iconio Eratres. Hunc voluit Paulus secum proficisci, & assumens circumcidit eum, propter Judæos, qui erant in illis locis. Sciebant enim omnes, quiddam pater ejus erat Gentilis. Cum autem pertransirent Civitates, tradebant eis custodire dogmata, quæ erant decreta ab Apostolis & Senioribus, qui erant Hierosolymis. Ad hoc factum nemo non judicabit, Paulum pugnas se contra se ipsum, & contra Dogmata Apostolorum, quæ tradebat: quibus (& quidem ipso promovente) Circumcisio sublata fuerat. Qui enim Judæis prædicabat tollendam esse Circumcisionem, nunc propter Judæos ipse Timotheum circumcidit: certè hoc factum videtur totam ejus Doctrinam evertere: & tamen totum prudentia Pauli fuit, ut sic facilius Circumcisionem tolleretur (inquit Chrysostomus Hom. 34. in Acta): *Qui tantopere pugnaverat propter Circumcisionem, qui omnia moverat, & non prius desistit, donec rem perficeret: confirmato Dogmate, circumcidit Discipulum. Non modò alios non cohibet, sed hoc & ipse facit: nihil Paulo prudentius: omnia ut conducerent, spectans, nihil temerè & ex præjudicata opinione agebat.* Hunc voluit, inquit, secum proficisci: *Hoc mirabile est, quoddam assumserit eum, propter Judæos, inquit, qui erant in illis locis. Hæc causa circumcidendi fuit: non enim tulissent audire verbum ab incircumciso: Et cur? Vide præclarum opus: circumcidit, ut Circumcisionem tolleretur. Dogmata enim prædicabat.*

Apo



*Apostolorum: Viden pugnam & per pugnam adificationem? Non ab aliis impugnabantur, sed ipsi contraria facientes, ita Ecclesiam edificabant. Dogma afferebant non circumcidendi, & circumcidit: & abundabant, inquit, numero quotidie: Vidiſti utilitatem Circumciſionis? Ita Chryſoſtomus.*

II. Nolim tamen, ut aliquis ex hoc Pauli facto; qui licet prædicaret tollendam eſſe Circumciſionem, tamen Timotheum prudenter circumcidit, ut ſic libentiùs à Judæis audiretur prædicans contra Circumciſionem & ſic faciliùs Circumſionem, tolleretur; deduceretur, ita hoc exemplo poſſe prudenter ac licite Miſſionarios noſtrorum temporum Ritus aliquos paganici ſeu alterius falſæ Religionis, contra quos prædicant, in ſuis Diſcipulis recens ad Chriſtum converſis tolerare, ut libentiùs ab Infidelibus ſuis Concivibus auditi, faciliùs etiam eos inducere poſſint, ad eos relinquendos, & puritatem Chriſtianæ Religionis amplectendam.

III. Non inquam, quia in utroque caſu nimis diverſa eſt ratio. Ritus enim Paganici, ſive cujuſcumque alterius falſæ Religionis, ſunt per ſe & ab intrinſeco mali; & ideo nullius boni finis obtentu, vel nullâ bonâ cauſa ſunt admittendi. At Ritus Circumciſionis & cæteræ Legales obſervantiæ pro tempore quo prædicabat Paulus, redditæ quidem fuerant inutiles ac nullius neceſſitatis ad ſalutem & proinde non amplius obligantes (& hoc eſt quod declaraverat Concilium Hieroſolymitanum, & Paulus prædicabat); nondum tamen earum uſus factus erat malus & illicitus; & erant quidem mortuæ, ſed nondum evaſerant mortiferæ, ſicut poſtea; & ideo poterant ſine crimine adhiberi, dummodò in eis non poneretur ſpes, nec neceſſariæ putarentur, quia earum tempus jam tranſierat: nec enim ſtatim, ſed paulatim fuerant deſtruendæ, ut quemadmodum dicit Auguſtinus Synagoga cum honore ſepeliretur. Eâdem ratione alias in aliis circumſtantiis Legis obſervantias Paulus admittit mirâ ſapientiâ & Caritate omnibus ſe accommodans, infirmus infirmis, Judæis Judæis, omnibus omnia factus, ut Chriſto lucrificeret, atque interdum obſervabat Legem, ut majori facilitate & auctoritate Legis ſervitutem aboleret, prout S. Spiritus ei ſuggerebat. Videndus eſt S. Auguſt. Ep. 82. alias 19. ad Hieron.

IV. Sed cur, inquires, Paulus, qui ſpontè circumcidit Timotheum, conſtanter Titum circumcidere antea reſuſcaverat, etſi iuſtarent Judæi, unde Galat 2. v. 5; *Quibus*, inquit, *neque ad horam ceſſimus ſubjectione, ut veritas Evangelii permaneat apud vos.*

V. Variè respondetur. Quidam voluere, quòd Paulus esse nollet Titum circumcidi; ad vitandam tamen seditionem cessit, permittens illum circumcidi. Sic Tertullianus L. 5. contra Marc. cap. 3. Unde in præfatis verbis: *Quibus neque ad horam cessimus*, dicunt, illud *neque* mendosè additum esse, & dici debere: *quibus ad horam cessimus*. Alii tamen, inter quos Ambrosius, apud S. Thom. in cap. 2. ad Galat. Lect. 1., volunt quidem, illud *neque* superflue apponi, & S. Paulum ad horam cessisse; sed intelligunt cessisse, non ut circumcideretur Titus, sed Timotheus; ut sit sensus: non permisi circumcidi Titum, sed Timotheum propter introductos falsos fratres, quibus propter hoc *cessimus ad horam subjectione* circumcidendo Timotheum, *ut veritas Evangelii permaneat*; quæ habet, quòd nec præputium, nec Circumcisio aliquid conferat, sed Fides.

Verius tamen censeo, verba Epist. ad Galatas non esse corrupta, sed legendum: *Quibus neque ad horam cessimus*, scilicet ut circumcideretur Titus, de quo ibi ante locutus fuerat v. 3.: *Sed neque Titus, qui mecum erat, cùm esset Gentilis, compulsus est circumcidi*.

Statuto ergo, quòd Paulus noluerit circumcidi Titum, viget difficultas, cur Timotheum postea circumcidit? Cui S. Thom. citato loco occurrit dicens: *Quòd fuit specialis causa, quare Timotheus circumcisus fuit, & non Titus; quia Timotheus fuit ex patre Gentili & matre Judæa, Titus verò ex utroque parente Gentili: & sententia Apostoli erat, quòd qui ex aliquo parente Judæo nati fuerant, circumciderentur; qui verò totaliter ex Gentilibus parentibus nati essent, nullo modo debeant circumcidi*.

Probabilior tamen est prior responsio, quam idem S. Thomas ibi suggerit, nimirum ideò Paulum restitisse, ne Titus circumcideretur; quia subintroducti falsi fratres hoc volebant, ut hoc factò suum confirmarent errorem, Legem scilicet etiam post Christum obligare, & Gentes, quæ ad Fidem veniebant, debere subijci Legi. Ad hoc enim subintroierunt, ut in servitutem Legis & carnalium observantiarum redigerent, sicut ante Passionem Christi, quod non est faciendum: & ideò dicit Paulus, *ut veritas Evangelii permaneat apud vos*, in nullo cessimus; ne occasionem daremus eis, qui sine Circumcisione dicebant, vos non posse salvari; quod est contra veritatem Evangelii, quod prædicavi vobis. Et sic Circumcisio Titi in iis circumstantiis fuisset actus protestativus eorum erroris contra veritatem Evangelii, quod nullo modo debet fieri: sicut, ut alibi ostendi, non licet

Chri-

Christiano, vel Catholico illis actibus communicare, vel eos in se admittere, in quibus sciunt, Hæreticos aut Infideles velle, ut suos errores illis actibus protestentur. Hoc autem in Timotheo non comigit; tunc enim jam definitum erat, Circumcisionem & alia Legalia non amplius obligare; nec Paulus Timotheum circumcidit, quia Judæi peterent, sed sponte sua id fecit, tum ut ostenderet, Circumcisionem non obligare quidem, sed nondum esse mortiferam, tum ut Judæi libentiùs audirent sibi prædicari, Circumcisionem non esse ampliùs necessariam; hoc audientes à non suspecto quia à jam circumciso, quod de facto evenit ut supra dixi.

VI. *Ratio autem* (inquît S. Thom. citato loco) *quare post passionem Christi non debent servari Legalia, assignatur à Chrysothomo talis. Manifestum est enim, quòd Instrumentum, quod fit de aliqua promissione seu fœdere tenet tantùm, quousque compleatur fœdus & promissio, quibus completis Instrumentum prædictum in hoc non tenet. Circumcisio autem est quoddam Instrumentum promissionis & fœderis inter Deum & Fideles homines; unde & Abraham accepit Circumcisionem in signum promissionis, ut dicitur Gen. 17. Et quia Christi peractâ passione soluta sunt promissio & completum fœdus, idèò post passionem non tenet nec valet Circumcisio.*

VII. Lycaoniam relinquentes Paulus Sila & Timotheus Phrygiam & Galatiam pertranseunt: *Transientes autem Phrygiam & Galatia Regionem* &c. Act. 16. v. 6. Pertransiisse autem has Regiones imprimendo ibi non sola vestigia pedum, sed opus, prædicationis nempe Evangelii & Doctrinæ Apostolorum, vel in ea confirmando Fideles, ut fecerat per Syriam & Ciliciam (Act. 15. v. 41.) credibile est: transitus enim Pauli non erant otiosi, sed relinquebant fructum in Regionibus, per quas pertransibat: quod ex eo etiam colligitur, quòd cum aliquot post annos in Galatiam & Phrygiam venisset, dicit S. Lucas Act. 18. v. 23., quòd erat perambulans ex ordine Galaticam Regionem & Phrygiam, confirmandus omnes Discipulos. Signum est ergo, quòd in priori transitu Evangelii semina jecerat; ni fortè dicatur, quòd ea invenerit in Galatia jacta jam prædicatione D. Petri. Utrumque tamen verificari potest, & quòd Petrus primus semina Evangelii in Galatas fuderit, & similiter primus Paulus: nimirum primus Petrus in solos Judæos, primus Paulus in Gentes. Certum est, quòd cum Paulus primò ad Galatas venit, fuit ab eis exceptus velut Angelus Dei, & sicut Christus Jesus, & ipse fatetur Galat. 4. v. 13. & 14.

VIII. Pertransitâ Phrygiâ & Galatiâ, in animo habebant Ver-

Verbum Dei annuntiare in Asia (proprie tali, quæ Joniam Æoliam Lydiam complectitur, sicut & Ephesum) sed ut refert Lucas Act. 16. v.6.: *Verati sunt à Spiritu Sancto loqui Verbum Dei in Asia*. Illi nec quærentes causam statim paruerunt. Unde Chrysostomus Hom. 24. ait: *Quare prohibiti fuerunt, non dicit, sed tantum prohibitos fuisse; nos docens, ut solam obtemperemus, nec causas inquiramus*: & Auctor Lib. de Vocat. Gent. L. 2. cap. 3. apud Leonem dicit, relinquendum esse Sapientiæ Æternæ scire, quo consilio malit hos Populos modò veritatis lumine perfundere, & non alios, quos tamen vult, sed postea. Et S. Gregorius L. 28. Moral. cap. 6. putat, hæc occulto Dei iudicio facta, quia in Asia aliqui essent, qui mererentur in sua infidelitate perire: vel tandem, ut ait Chrysostomus citato loco, Asiam & Mysiam aliasque Asiæ Provincias Deus Joanni Evangelistæ reservabat, qui diutius ibi moraturus, & Ecclesias fundaturus erat, & Paulum ad alias partes destinaverat. Propterea (ait Lucas v. 7.): *Cum venissent in Mysiam, tentabant ire in Bithyniam, & non permisit eos Spiritus Iesu, qui eos aliò vocabat*.

IX. *Cum autem pertransissent Mysiam descenderunt Troadem, Mysiæ sive Phrygiæ Urbem*. Dum illuc pervenisset Paulus, noctu sibi per visum apparuit Macedo quidam stans, & deprecans eum & dicens, *Transiens in Macedoniam adiuva nos* v. 9. Cognovit tunc Paulus, quamnam esset voluntas Dei, & nil amplius quam ei obsequi cogitans, sine mora illuc iter disposuit: unde v. 10.: *Ut autem visum vidit statim quæsevimus proficisci in Macedoniam, certi facti quod vocasset nos Deus Evangelizare eis*: quo novo verbo quæsevimus indicat Lucas, se tunc cœpisse comitem fieri indivisum Pauli. Hunc Macedonem, qui in visu Paulo apparuit, fuisse Angelum Macedoniæ præsidem, qui sub hac forma Paulo apparuit, & pro suis Clientibus opem prædicationis efflagitavit, sentiunt multi. Apparuit autem per somnium non per visionem, quia noverat, Paulum statim & faciliè athensum, ideoque non dixit præcipiens, sed obsecrans sicut medicum pro iis, qui curatione indigebant. Itaque certi, Spiritum Dei, qui ante vetuerat eos ire ad prædicandum in Asiam & Bithyniam, esse illum eundem, qui per somnium Paulum vocabat in Macedoniam, consensu navigio illuc recto cursu iter direxerunt. Sic Act. 16. v. 11.: *Navigantes autem à Troade, recto cursu venimus Samothraciam, & sequenti die Neapolim (Urbem Maritimam Macedoniæ) & inde Philippos (Coloniam tunc Romanorum) quæ est prima partis Macedoniæ Civitas Colonia. Eramus autem in hac Urbe diebus aliquot conferentes*.

X. Dum

X. Dum Philippis moras traherent, die unâ Sabbatorum (v. 13.) egressi Paulus & socii Silas & Lucas foras portam juxta flumen, ubi videbatur Oratio esse, sedentes loquebantur mulieribus, quæ convenerant: *Neque enim tantum ubi Synagoga erat, sed etiam foris precabantur, quasi locum quempiam assignantes* (inquit Chrysostomus Hom. 35. in Act.) Hæc autem Oratoria communia Judæis erant & Samaritanis, regulariter extra Urbes posita quantum iter Sabbati patiebatur, & locum Synagoga in locis, ubi non erat, obtinebant. De his Epiphanius hæres. 80.: *Fuerunt, inquit, quidam antiquitus Orationum loci, tum inter Judæos extra Civitatem, tum inter Samaritanas, velut etiam in Aethiis & Apostolorum invenimus, ubi purpurarum venditrix Lydia Paulo occurrit: & sic quoque Divina Scriptura narrat, quod videbatur locus orationis esse: & accesserunt & docuerunt Apostoli mulieres, quæ illo tempore convenerant. Sed & Orationis locus est in Scimitis, quæ nunc appellatur Neapolis, extra Urbem in campestri regione, duorum ferme signorum distantia, speciem Theatri præferens, in aere & sub Dio constructus à Samaritanis, qui omnia Judæorum imitantur.* Ita Epiphanius. Inter mulieres autem, quæ Paulum ibiloquentem audiebant, (v. 14.) *quædam mulier nomine Lydia purpuraria Civitatis Thiatirenorum (id est vel purpuræ fabricatrix, vel purpuræ mercimonium exercens) colens Deum audit: cujus Dominus aperuit cor intendere his, quæ dicebantur à Paulo.* Ubi Chrysostomus Homil. 35. ait: *Aperire itaque Dei est, attendere verò illius: res igitur erat & Divina & Humana.* Hæc igitur credens petiit baptizari cum tota domo sua: *Cum autem (v. 15.) baptizata esset, & domus ejus, deprecata est, dicens: si judicasti me Fidelem Domino esse, introite in domum meam & manete: & coegit eos.* De hac muliere, inquit Chrysostomus Homil. 35., *Considera, quomodo susceperis omnibus: Deinde vide prudentiam, quomodo obsecres Apostolos, quam humilia proferas verba, cum quanta sapientia., Si judicatis me, inquit, Fidelem Domino: Nihil ad persuadendum aptius: quem non emollirent hæc verba? Non rogavit, non precatam tantum, non eorum arbitrio rem reliquit, sed etiam coegit. Id enim significat illud, coegit nos, id est his verbis. Quantos in una femina Fides illico produxit fructus! sed in ea continuavit usque in finem: unde in Martyrologio de ea fit memoria ad diem 3. Augusti.*

XI. Dum adhuc Philippis morarentur singulare factum evenit, quo Paulus & Silas in angustias re ducti, à Deo tandem prodigiosè erepti fuere. Hoc Lucas Act. 16. à v. 16. ita enarrat: *Factum est autem, euntibus nobis ad Orationem, puellam quandam*

Tom. V.

Y

ba-

*habentem spiritum pythionem obviare nobis, quæ quæstus magnum præstabat Dominis suis divinando. Hac subsecuta Paulum, & nos, clamabat dicens: Isti homines Servi Dei excelsi sunt, qui annuntiant vobis viam salutis. Hoc autem faciebat multis diebus: Dolens autem Paulus, & conversus spiritui dixit: Præcipio tibi in nomine Jesu Christi exire ab ea: & exiit eadem hora. Sed cur spiritus iste Pytho (idest futura prænuntians), qui certè Dæmon erat puellæ insidens, de Apostolis, qui Regnum ejus destruebant, aded favorabiliter loquitur? & rursus: cur Paulus Dæmonem istum causæ suæ patrocinantem increpat ac expellit? Utrumque dubium excitat Chrysostomus. Homil. 35: dicens: Cur & Dæmon talia locutus est, & Paulus prohibuit? Respondet: Et ille malignus, & hic prudenter agebat: volebat enim non fide dignum reddere: Nam si testimonium ejus Paulus admisisset, multos etiam Fideles decerpisset, ut ab illo approbatus: Ided illos predicat, ut sua stabiliat. Ab initio Paulus illum quidem respuit, sed non eiecit, quia nolebat tam facile signa edere: sed quia perseverabat, & opus monstrabat, ided præcepit illi ut exiret. Ita ex Chrysostomo: qui post multa Dæmonem illum sic increpat: O scelestè & scelestissime! Si ergo nosti, illos viam salutis annuntiare, cur non egredieris lubeus? Sed id ipsum quod Simon volebat, cum diceret, Date mihi, ut cui imposuero manus, accipiat Spiritum Sanctum, : hoc & iste faciebat: quia videbat, illos celebrari, ita simulat; hac ratione sperans, se relinquendum esse in corpore, si eandem predicaret... Si ab hominibus testimonium non accipit Christus, nec à Joanne, multo minus à Dæmone.*

XII. Sed quid ejecto Dæmone secutum sit, audiamus: *Videntes autem Domini ejus (puellæ); quia exivit spes quæstus eorum, apprehendentes Paulum & Silam adduxerunt eos ad Principes: & offerentes eos magistratibus dixerunt: Hi homines consurbant Civitatem nostram, cum sint Judæi: & annuntiant morem, quem non licet nobis suscipere neque facere, cum simus Romani. En Dæmon, qui ante per os puellæ dicebat Paulum & socios esse Servos Dei, qui annuntiauit viam salutis, à Paulo ejectus in iræm: versus contraria loquitur per os istorum, tanquam homines seditiosos: eos evulgans, consurbant, inquit, Civitatem nostram. Quo factum est, ut, quos eo edito miraculo adorare oportebat, & pro servatoribus ac beneficiis habere (tantum egit spes quæstus amissa) profèquatur Lucas: Et incurrit plebs adversus eos: & magistratus, scissis tunicis eorum, jusserunt eos virgis cadi: & cum multas plagas eis imposuissent, miserunt eos in Carcerem, præcipientes Custodi, ut diligenter custodiret eos. Qui cum tale præceptum accepisset,*

pisset, misit eos in interiorem Carcerem, & pedes eorum strinxit ligno (ait Chrysostomus, ac si diceret in Nervo; Nervo enim bovis pedes eorum constringere morem fuisse apud Romanos sentiunt multi.)

XIII. Sed totum hoc Divinâ providentiâ factum, nam quantum diligentior custodia erat, tantum miraculum splendidius (inquit Chrysostomus) Quare sequitur. *Mediâ autem nocte Paulus & Silas orantes laudabant Deum, & audiebant eos qui in custodia erant. Subito verò tremotus factus est magnus, ita ut moverentur fundamenta Carceris: & statim aperta sunt omnia ostia, & universorum vincula soluta sunt. Expergescit autem Custos carceris, & videns januas apertas Carceris, evaginato gladio volebat se interficere, assumans fugisse viros. Clamavit autem Paulus voce magnâ dicens: nihil tibi mali feceris, universi enim hic sumus. Petitque lumine introgressus est: & tremefactus procidit Paulo & Sila ad pedes: & producens eos foras, ait: Domine, quid me oportet facere, ut salvus fiam? At illi dixerunt: Crede in Dominum Jesum, & salvus eris tu & domus tua. Et locati sunt ei Verbum Domini cum omnibus, qui erant in domo ejus. Et tollens eos in illa hora noctis, lavit plagas eorum: & baptizatus est ipse, & domus ejus continuo. Cùmque perduxisset eos in domum suam, apposuit eis mensam, & latatus est cum omni domo sua, credens Deo. Vide hic Gratiae oeconomiam: solum ab infidelitatis vinculo custodem istum, ejusque domum volebat: disponit, ut Apostoli ob solutam à Dæmone puellam in vincula & carcerem conjiciantur, ut terræmotu concussus Custos Carceris januas videns apertas, timens eos fugisse, velit se interficere, sed voce Pauli ad eum clamantis, deterritus, ad pedes ejus procidat, & subito credens in Jesum cum domo sua baptizetur, eorum plagas lavet, & ad mensam invitet: & sic dicat Chrysostomus Homil. 36.: *Lavit eos & lotus est. Illos quidem à plagis abluit, ipse à peccatis ablutus est: nutrit & nutritus est.* Hæc lucra Paulus è Vinculis & Carceribus ad Christum afferebat.*

XIV. Per larâ fortè ad Magistratum facti notitiâ, pergit Lucas v. 35.: *Et cùm dies factus esset, miserunt Magistralus lictores dicentes: Dimitte homines illos. Nuntiavit autem Custos Carceris verba hæc Paulo: quia miserunt Magistralus, ut dimittamini: nunc igitur exeuntes, ite in pace. Paulus autem dixit eis: Casus nos publicè, indemnatos homines Romanos miserunt in Carcerem, & nunc occultè nos ejiciunt? Non ita: sed veniant, & ipsi nos ejiciant. Nuntiaverunt autem Magistralibus lictores verba hæc: & timueruntque, audito quod Romani essent: & venientes deprecati sunt eos,*

*Et educentes rogabant, ut egredierentur de Urbe.* Quibus verbis triplex delictum Magistratibus Paulus opponit, ait Chrysostomus Hom. 36., nempe quoddam Romanos, quod non damnatos, quoddam publice in Carcerem coniecissent. Id tamen, quod Magistratus timuere, fuit quoddam Cives Romanos virgis verberassent; quod vetitum erat, utpotè supplicium fervorum. & contra privilegia Romanorum; inter quæ fortè etiam erat, quod injuria eis publice illata, non occultè, sed publico honore à Magistratibus compensaretur: ex quibus apparet, non solum Paulum, sed & Silam Romanum Civem fuisse.

XV. Porro hoc honore se dimittendum censuit Paulus, non propter se, qui potius in ignominia propter Christum gloriabatur, sed propter Fideles, qui ibi erant, & maxime Lydiam ejusque domum; ne ipso discedente, tamquam sequaces virorum Romana jura turbantium persecutioni forent expositi. Ideoque v. 40.: *Exeuntes de Carcere introierunt ad Lydiam, & visi fratribus, consolati sunt eos, & profecti sunt.*

XVI. Quamvis autem talia Philippis passus sit Paulus, Philippenses tamen corpore relinquens secum gestavit in corde, ut testatur ad Philip. 1. v. 4.: *Semper in cunctis orationibus meis pro omni vobis cum gaudio deprecationem faciens, super communicatione vestra in Evangelio Christi à prima die usque nunc.* Unde patet, quod estò ibi aliquos contradictores invenerit, multos tamen Fideles ibi reliquerit; ac tales, ut ab eis in necessitatibus subsidia plus quàm ab aliis semper obtinuerit; ea enim semel atque iterum Thessalonicam illos ad se misisse, & cum à Macedonia profectus esset, nullam aliam Ecclesiam subsidia sibi communicasse præter solam Philippensem, fatetur ipse ibid. cap. 4. v. 15. & 16.; nec non Philippenses fuisse fratres illos, qui è Macedonia venientes Corinthum, quæ sibi ibi necessaria erant, detulerunt, indicat ipse 2. Cor. 11. v. 9.. Primò etiam dum esset in Carceribus Romæ, idem erga ipsum officium pietatis per Epaphroditum exercuisse, testatur Philip. 4. v. 18.. Jure ergo tum propter in Fide profectum, cum etiam ob singularem in se beneficentiam, speciali dilectione Philippenses Paulus complectebatur.

\*\*\*



## §. XI.

*Paulus prædicat Thessalonicæ, Berææ, & Athenis.*

I. **P**hilippis ergo exeuntes Paulus & Socii per Amphipolim & Appolloniam se contulerunt Thessalonicam Caput & Metropolim Macedoniæ. Ita Lucas cap. 17. v. 1.: *Cùm autem perambulassent Amphipolim & Appolloniam, venerunt Thessalonicam, ubi erat Synagoga Judæorum.* Hic Chrysostomus Homil. 37. Rursus, inquit, parvas prætercurrunt Civitates, & ad majores festinant: quòd inde quasi ex fonte verbum deberet in vicinas Urbes manare. Cùm autem Thessalonicæ esset Synagoga Judæorum v. 2.: *Secundùm consuetudinem Paulus introivit ad eos, & per Sabata tria differebat eis de Scripturis, adaperiens, & insinuans, quia Christum oportuit pati, & resurgere à mortuis, & quia hic est Jesus Christus, quem ego annuntio vobis.* Adhuc recentia illi erant mala quæ passus fuerat, & plagæ quas Philippis acceperat nondum plenè sanatæ, & adhuc pergit prædicans & quidem in Synagoga Judæorum, à quibus tota semper in eum commotio. Sed mala & plagæ pro Christo animum Pauli non terrent, sed roborant & accedunt.

II. Sed nunquid Paulus erat Apostolus missus ad Gentes, sicut Petrus Jacobus & Joannes ad Judæos? Hoc fatetur ipse Galat. 2. v. 9., ubi dicit, quòd Jacobus Cephas & Joannes dextras dederunt mihi & Barnabæ societatis, ut uos in Gentes, ipsi autem in Circumcisionem. Cur ergo quòcumque pervenit, statim Synagogam Judæorum ingreditur, eisque prædicat? Hoc est in alieno agro semen jacere.

Respondet Chrysostomus Homil. 37., quòd sicut etiam illi Gentibus loquebantur, licet ad Circumcisionem segregati; ita & hic sapius cum Gentibus agebat, nec tamen Judæos negligebat, ut ne viderentur divisi esse: & quomodo, inquit, prius in Synagogas intrabat? Sed Gentilibus persuadebat per Judæos, & ex iis, quæ Judæis dicebat; sciebat enim, hoc Gentilibus ad Fidem adducendis idoneum esse.

III. Prædicante igitur Paulo Judæis & Gentilibus (v. 4.) *Quidam ex eis (Judæis) crediderunt & adjuncti sunt Paulo & Silæ, & de coelestibus Gentilibusque multitudo magna, & mulieres nobiles non paucæ.* Hi Verbum Pauli tamquam verè Verbum Dei suscipientes, adedò profecerunt, ut de eis Paulus ipse 1. Thessal. 1. v. 7. dicat, quòd forma facti fuerint omnibus credentibus

tibus in Macedonia & in Achaja, & ab eis diffamatus fuerit sermo Domini non solum in Macedonia & in Achaja, sed & in omni loco Fides eorum, quæ est ad Deum profecta sit, ut sibi non sit necesse quidquam loqui: quæ repetit ibidem cap. 2. v. 14., addens, propterea ipsos tanta à Contribulibus suis passos esse, quanta fratres Ecclesiarum Dei, quæ sunt in Judæa, passi fuerant à Judæis. Quare ( cap. 2. v. 7. & 11. ) erga illos se gerebat sicut nutrix & Pater erga filios; & v. 8. cupiebat non solum tradere eis Evangelium Dei, sed etiam animam suam pro illis ( cap. 3. v. 1. ) Ad eos confirmandos misit Timotheum; cap. 4. multis salutaribus monitis eos instruit de vita etiam futura, de futuro iudicio; & cap. 5., ut ad illud parati semper inveniantur, ostendit eis v. 2., quòd *Dies Domini sicut sur in nocte ita venit.* Et Epist. 2. cap. 2. idem argumentum prosequens, ne seducantur eos præmundens contra adventum Antichristi ejusque præcursorum, concludens v. 15.: *Itaque fratres state; & tenete traditiones, quas didicistis, sive per sermonem, sive per Epistolam nostram.*

IV. Speciali hac dilectione Fideles Thessalonicae prosequatur Paulus, quia eorum in Fide sinceritatem & constantiam detexerat. Sed infidelitas, quæ in multis præsertim ex Judæis permanerat, eorumque corda induraverat, multum laboris, & periculi peperit Paulo, ut dicam. Hospitabatur Paulus apud Fidelem quemdam *Jasonem* nomine. Huc ergo, qui obdurati manserant Judæi, concitatâ perditorum turbâ furentes venerunt; quærentesque Paulum & Silam, nec inveniētes, Jasonem ipsum tamquam conspirationis in Cæsarem complicem ad Magistratus rapuerunt. Ita Act. 17. v. 5.: *Zelantes autem Judæi, assumentesque de vulgo viros quosdam malos, & turbâ factâ, concitaverant Civitatem; & assistentes domui Jasonis, quærebant eos producere in Populum. Et cum non invenissent eos, traherant Jasonem, & quosdam fratres ad Principes Civitatis, clamantes; quoniam hi, qui Urbem concitant, & huc venerunt, quos suscepit Jason, & hi omnes contra decreta Cæsaris faciunt, Regem alium dicentes esse Jesum. Concitaverunt autem Plebem, & Principes Civitatis audientes hæc. Vides apertam calumniam. Annuntiaverat Paulus, Christum Jesum oportuisse pati, & resurgere à mortuis, & isti dicunt, eos facere Regem alium & hunc esse Jesum. Jure ergo dicit Chrysostomus Homil. 37., quòd quia rationabilem causam non habebant, ex tumultu semper hæc omnia perficiunt, & assumptis improbis hominibus.... Et quia illis nihil decretis contrarium dicebant, nec Civitatem concitabant, in aliud illos crimen ducunt, & læsæ majestatis falsò accusant. Eorum tamen clamores*

res non obstitērunt, quin Magistratus Jasonem aliosque Fideles datā satisfactione, idest cautione præsentandi Paulum, si contra eum aliud emerisset, liberos dimiserint. Unde v. 9. : *Et acceptā satisfactione à Jasone & ceteris, dimiserunt eos.* Ubi Chrysostomus : *Vide, inquit, quomodo satisfactione datā Jason Paulum emisit : & ita animam suam pro illo posuit.* Itaque supra Jasonem totum periculum & tota gloria hujus actionis cecidit.

V. Quis fuerit iste Jason, qui ad eò pro Paulo laboravit, rem adhuc ambiguam puto. Censent aliqui, hunc eundem fuisse, qui cum Timotheo, Luca ( seu Lucio ), & Sosipatro, de quibus Paulus Rom. 16. v. 21. ait : *Salutat vos Timotheus adjutor meus, & Lucius & Jason & Sosipater cognati mei*, quibus indicare videtur, hos sibi cognatione aliquā sanguinis fuisse conjunctos. Hujus sententiæ est Chrysostomus Homil. 32. in Epist. ad Rom. dicens : *Jasonis hujus Lucas quoque meminit, fortitudinemque ejus nobis commendat dicens, quod duxerint eum ad Magistratus Urbis clamantes : & alios quoque verisimile est, ex insignibus fuisse.* Neque enim simpliciter cognatos memoraret, nisi pietate sibi similes essent. Certè quod Paulus primò Thessalonicam veniens apud Jasonem hospitatus sit, quod pro salvando Paulo Jason se ipsum cautionem dederit, indicant eum fuisse arcto aliquo vinculo cum Paulo priùs conjunctum. Patriam quidem Thessalonicam habebat, sicut Sosipater Berceam in Macedonia, Urbes à Tharsò uude erat Paulus valdè distitas. Sed ut supra dixi s. r. novum non est, familias in Regionibus remotis degentes aliquo cognationis genere esse conjunctas. Origenes videtur sentire, Jasonem & Sosipatrum fuisse Gentiles, quamvis non neget, potuisse esse Judæos. Græci utrumque venerantur in Menologio ad diem 28. vel 29. Aprilis. Bollandus ad diem 28. Aprilis utrumque inter 70. Discipulos recenset. Baronius ad diem 12. Julii duos Jasones distinguit, unum Thessalonicensem S. Pauli cognatum, alterum origine Cyprum, quem Acta cap. 21. v. 16. vocant *Mnason*, & hunc dicit fuisse unum ex 70. Discipulis ; sed in rem tam incerta non vacat diutius immorari.

VI. Sedato tumultu, quem Thessalonicæ adversum Paulum excitaverant Judæi, ne ulteriori periculo exponeretur (Act. 17. v. 10.) : *Fratres confestim per noctem dimiserunt Paulum & Silam in Berceam* ( Thessalonicæ non multum distantem ) : *Qui cum venissent, in Synagoga Judæorum introierant* ( nihil territi ijs, quæ ob id sibi Thessalonicæ acciderant ). Ibi Paulus veritatem Verbi, quod prædicabat, urgere cœpit ex Scripturis, ostendendo ex eis Jesum esse Christum promissum. Quod argumentum teste Chry-

Chrysoſtomo Homil. 37. in Acta, ad convincendum plus valet quàm ſigna : & reverà Berœæ ita contigit. Nam Berœenſes, utpote Theſſalonicenſibus faciliores (v. 11. & 12.): *Suſceperunt verbum cum omni aviditate quotidie ſcrutantes Scripturas, ſi hæc ita ſe haberent. Et multi quidem crediderunt ex eis, & mulierum Gentilium houellarum, & viri non pauci.* Inter iſtos fuiſſe Soſipatrem, ſeu Sopatrem, de quo ſupra (ut enim Act. 20. 4. dicitur, natus erat Berœæ & Patrem habuit Pyrrhum) cenſent multi; quo poſito, eorum ruit opinio, qui putant, quòd Soſipater ſeu Sopater fuerit unus ex 70. Diſcipulis. Dicuntur autem *ſcrutantes Scripturas, ſi hæc ita ſe haberent*, non ut crederent, jam enim crediderant, inquit Chryſoſtomus, ſed ut certiores fierent de Chriſti Paſſione, quam in Scripturis prædictam, & in Jeſu impletam, Paulus prædicabat.

VII. Facilitas hæc & felicitas, quàm apud Berœenſes Evangelium obtinuerat, Theſſalonicenſium furore ac invidiâ interrupta eſt. Nam (v. 13. & 14.) *Cùm cognoviſſent in Theſſalonica Judæi, quia & Berœæ prædicatum eſt à Paulo Verbum Dei, venerunt & illuc commoventes & turbantes multitudinem. Statique tunc Paulum dimiſerunt fratres, ut iret uſque ad mare. Silas autem & Timotheus remaſerunt ibi.* Hæc Pauli ſors, ut à quocumque loco deſcenderet pulſus, Providentiæ Dei opus erat, ne alicubi quieſcendo, prædicatio extingueretur. Poterat Deus à furentibus ubique illos præſervare; at non ubique Gratià operabatur, ſed ſinebat illos humana agere, illos excitans & expergefaciens, atque in ſollicitudinem injiciens: Vide ergo, uſque Philippos ſervavit eos: inde verò non item (Chryſoſt. Hom. 37.)

*Qui autem (v. 15.) deducebant Paulum, perduxerunt eum uſque Athenas; & accepto mandato ab eo ad Silam & Timotheum, ut quàm celeriter venirent ad illum, proſecti ſunt. Dimiſiſſus fuerat ſolus; & quamvis ſolus non Athenis ſolùm ſed toti Orbi ſufficeret, noluit tamen operi manum apponere, niſi laboris ſocios & adiutores ſecum haberet, adeòut irrequietus eſſet, donec venirent. Sic v. 16.: Paulus autem cùm Athenis eos expectaret, incitabatur ſpiritus ejus in ipſo, videns idololatriæ deditam Civitatem.*

VIII. Athenarum Civitas omnium ſcientiarum & præſertim Philoſophicarum celeberrima cultrix olim erat, ad illam vividiora ac litterarum amantiora ingenia conſuebant; ſed quia veri Dei cognitio aberat, omnis idololatriæ ac erroris ſedes effecta fuerat, adeò ut nulla eſſet Civitas, quæ Idolis ac ſuperſtitionibus magis abundaret, ut ex Auguſt. ſerm. 150. cap. 1.

Con.

Contra hæc ergo incitatus spiritus Pauli disputare coepit, tum diebus Sabbatorum in Synagoga apud Judæos ac Profelytos ; tum quotidie publicè, & in foro apud colentes Deos ; ex quibus in Urbe novitatum cultrice non paucos auditores habebat : ac inter istos quosdam Epicureos ac Stoicos, quorum aliqui per contemptum vocabant eum *feminivertium*, alii Doctrinam Dæmoniorum inducentem appellabant. Sic v. 17. : *Disputabat igitur in Synagoga cum Judæis, & colentibus* (idest profelytis ex Chrysostomo Hom. 38.) & *in foro per omnes dies ad eos, qui aderant. Quidam autem Epicurei & Stoici Philosophi differebant cum eo, & quidam dicebant: Quid vult feminivertius hic dicere? Alii verò novorum Dæmoniorum videtur annuntiator esse; quia Jesum & Resurrectionem annuntiabat eis.* Hi autem non ut Judæi furentes in eum irruerunt, sed ad Areopagum secundum jura judicandum adduxerunt v. 19. : & *apprehensum eum ad Areopagum duxerunt.*

IX. Areopagus autem ex Baronio ad ann. 52. n. 2. & 3. erat locus juxta Mare, Promontorium Martis dictum, unde nomen Areopagi sumtum, licet Augustinus L. 18. de Civit. Dei c. 10., & alii hujus nominis aliam afferant causam. Hujus Judices, quorum erat causas majores nempe sanguinis morum ac Religionis judicare, à loco Areopagitæ dicebantur. Hi probatæ integritatis, sapientiæ, & rerum experientiæ viri esse debebant. Nemo ad hoc tribunal assumebatur, nisi prius per annum in Magistratu inferiori, dicto Thesmothetæ (ad quem nec eligi poterat nisi publico antea vitæ testimonio irreprehensibilis adinventus) specimen sui dedisset. Quod si quis dolo intrusus, nec talis, qualis putabatur, deprehensus fuisset, ab Areopagitarum numero spontè discedere cogebatur. Ter tantum in mense Areopagum ascendebant judicaturi, quartò, tertio, & pridè Kal. Qui causam dicturi erant, ab omni verborum eloquentia ac sermone ad persuadendum composito abstinere jubebantur, sed simplici narratione rei gestæ id perficiebant : & hoc ne verborum illecebris judices flecterentur : & qui secus egisset, præconis voce tacere cogebatur. Eâdem quoque ratione, ne Judices miscrando reorum commoverentur aspectu, ipsâ nocte, nullis admotis luminibus, tabellarem quisque dabat sententiam ; unde in proverbium venit illud *Areopagitâ taciturnior* : sicut etiam ab exacta Judicum in judicando rectitudine factum fuit, ut quisque summæ viri integritatis hoc *Areopagitæ* cognomine demonstraretur. Hoc tribunal, etiam Atheniensibus à Romanis subjugatis, Athenis perseverasse apparet, quia adhuc erat illuc adveniente Paulo. Quin & Romani Proconsules Asiæ perdifficiles

causas ejus judicio definiendas committebant , ut Cn. Dolabellam fecisse, ex Valerio testatur Gellius L. 12. c. 7.

X. Adductus ergo in Areopagum Paulus interrogatus fuit v. 19. : *Possumus scire , quæ est hæc nova , quæ à te dicitur , Doctrina ? Nova enim quadam inferis auribus nostris : volumus enim scire , quidnam velint hæc esse ( Athenienses autem omnes , & advena hospites , ad nihil aliud vacabant , nisi aut dicere , aut audire aliquid novi . )* Ad perdifficilem sanè provinciam vocabatur Paulus , ad loquendum nempe coram Senatu , à quo vel Romani ipsi judicia quasi Leges acceperant , in suorum Deorum cultu adèd rigido , ut capitis supplicium immineret ei , qui vel Deos negaret , vel inconsulto ipso novam Religionem teutaret inducere . Si teste Josepho L. 2. contra Appionem , existimantibus Atheniensibus Solem esse Deum , Anaxagoras , qui dicebat , aliud non esse solem , quàm saxum ignitum , paucorum sententiâ morte damnatus fuit ; si contra Diagoram Melitum talentum decreverunt ei , qui occideret eum , quia eorum Mysteria deridere ferebatur . Si Protagoras , eo quòd de Diis Atheuientium , an essent , revocasset in dubium , nisi citò fugisset , fuisset occisus . Si Socrates ipse à Melito de eodem Crimine accusatus , ducentis octoginta & unâ sententiis morte mulctatus fuit . Quid Paulo non erat timendum , qui contra omnes Deos , quos ipsi colebant , erat locuturus , ut ipsi s unicum verum assereret Deum , hominem Judæum , à Judæis ipsis crucifixum ?

XI. Impavidus tamen & simul circumspectus Paulus non illos tamquam idololatras apertè accusat , nec illorum Deos damnat , sed potiùs eos Religioni nimium addictos declarans , dicit , se , cùm inter eorum simulacra invenerit aram *Deo ignoto* sacram , venisse ad annuntiandum eis Numen , quod ignorantes colebant : *Stans autem Paulus in medio Areopagi ait ( v. 22. ) Viri Athenienses , per omnia quasi supersticiosos vos video . Præteriens enim , & videns simulacra vestra , inveni & aram , in qua scriptum erat IGNOTO DEO . Quod ergo ignorantes colitis , hæc ego annuntio vobis .* Hanc loquendi artem in Paulo commendat Chrysostomus Homil. 38. in Acta his verbis : *Ac si illos laudaret videretur nihil molestum dicere , Quasi supersticiosos , inquit , vos video , id est quasi pios .* „ In qua scriptum erat Ignoto Deo , : *Quid est hoc ? Athenienses quis per multa tempora acceperant Deos etiam extraneos , nempe templum Minervæ , Panæ , aliosque alinude : timentes ne fortè quis alius nondum natus sibi esset , qui tamen coleretur alibi , ad majorem securitatem , huic quoque aram crexerant . Quia verò non erat manifestus Deus , inscriptum erat , Ignoto Deo ,*

Deo „. *Hunc ergo Jesum Christum esse, Paulus dicit, imo potius universorum Deum. „ Quem ergo ignorantes colitis, inquit, hunc ego annuntio vobis „ Vide, quomodo ostendat, ipsos jam pridem ipsum acceptavisse: nihil extraneum, inquit, nibilque novum assero: Quo refutat, quod illi perpetuo dicebant: Quæ est ista nova à te prolata Doctrina? Ita Chrysostomus.*

XII. Hieronymus tamen in Epist. ad Titum cap. 1. sentit, aram illam non uni tantum, sed pluribus ignotis Diis fuisse dicatam, ait enim: *Inscriptio autem Aræ non ita erat, ut Paulus asseruit, Ignoto Deo „ sed ita: Diis Asiæ Europæ & Lybiæ, Diis ignotis & peregrinis. Verum quia Paulus non pluribus Diis indigebat ignotis, sed uno tantum ignoto Deo, singulari verbo usus est, ut doceret suum illum esse Deum, quem Athenienses in Aræ titulo prænotassent, & eum recte scientes colere deberent, quem ignorantes venerabantur, & nescire non poterant. Eumenius verò titulum his verbis conceptum tradit in Acta cap. 17. Diis Asiæ Europæ & Lybiæ, Deo ignoto & Peregrino. Sed hæc non faciliè admiserim; nisi fortè dicatur, fuisse quidem Athenis aras dicatas Diis ignotis & peregrinis, sed fuisse unam specialem Deo ignoto sacram; & ad hanc respexisse Paulum. Nam apud Lucianum in Philopatr. habetur homo Gentilis jurans Per Ignotum Athenis, & ex persona Triphontis Nos autem illum Athenis Ignotum inventum adorantes &c. Placitis enim antiquorum & Philosophorum, ut Trismegisti & aliorum, quin & Sybillinis oraculis (ut Tertull. Apolog. cap. 46., Euseb. de Præpar. l. 8. cap. 5. L. 11. cap. 8. 9.) receptum erat, dari unum Deum invisibilem & ineffabilem, unde ne cui Numini suus honor decisset, Athenienses huic Aræ erexerant: quia tamen cum hunc Deum cognovissent, non sicut Deum glorificaverunt (Rom. 1. v. 21.) propterea ad hunc colendum Athenienses Paulus hortatur. Vide Baron. ad ann. 52. n. 7. & 9.*

XIII. Postquam ergo hoc loquendi modo magis attentos, & audiendi cupidos adstantes reddidit, cœpit eis exponere quis esset ille Deus, quem ignorantes colebant (à v. 24.) nempe Deus, qui fecit Mundum & omnia quæ in eo sunt: *Hic Celi & Terræ cum sit Dominus non in manufactis templis habitat, nec manibus hominum colitur indigens aliquo, cum ipse det vitam & inspirationem & omnia: Deinde ostendit, hunc formasse ex uno omne genus hominum, qui licet aded sit excelsus, non longè tamen est ab unoquoque nostrum, in ipso enim vivimus movemur & sumus: Ipsius enim & genus sumus, ut Aratus quidam ex eorum Poetis dixit. Quo statuto sic infert: Genus ergo cum finis*

*Dei, non debemus æstimare, auro & argento aut lapidi sculpturæ artis & cogitationis hominis Divinum esse simile.* Quibus propositâ homini suâ nobilitate, quod nempe de genere Dei ipse sit, demonstrat, quàm indignum sit æstimare aurum, argentum, lapides, quæ homo ipse facit, & proinde homine viliora sunt, Divinum aliquid habere.

XIV. Ita igitur universâ Idololatriâ, quamvis non eam expressè impugnando, eversâ, eos hortari incipit, ut pœnitentiam agant super ignorantia, quâ honores Divinos aliis, quàm ipsi vero Deo, nescientes detulerunt, ut rigorem, quo in extremo judicaturus est, declinent; quod obtinebant, si pœnitentiam concipiant in Fide illius, quem Deus statuit propitiatorem pro omnibus, & quem Deus suscitavit à mortuis, nempe Jesum. Hæc Pauli ad Athenienses Concio; adversus quam nihil quod opponerent, invenerunt, nisi quia eam clauferat asserendo resurrectionem mortuorum. Unde v. 32. dicitur: *Cùm audissent autem resurrectionem mortuorum, quidam quidem irridebant, quidam verò dixerunt: Audiemus te de hoc iterum.* Sic Paulus exivit de ædificiis eorum. At, inquit Chrysostomus Homil. 39., *Cur Paulus, cum sic persuasisset, ut Athenienses dicerent, Audiemus te de hoc iterum, cumque nulla essent pericula, festinat Athenienses relinquere?* Respondet. Fortè sciebat, se non multum lucri facturum. Alioquin etiam à Spiritu Corinthum ducebatur: & infra. *Jure Corinthum, ut dixi, à Spiritu ducitur, in qua manere oportebat; Athenienses enim etsi novæ concionis amatores essent, non attendebant tamen. Neque enim curabant; sed ut semper quid dicendum haberent: id quod etiam fecit ut secederent. . . . Attamen persuasit Dionysio Areopagita, & aliis quibusdam; nam qui de vita rectè agenda curabant, citò verbum acceperunt: ceteri verò non item. Videtur ergo Paulus satis habuisse, quod Fidei semina jecisset.*

XV. Aliquos ergo suâ concione Paulus Christo lucratus fuit. Unde cap. 17. v. 34. dicitur: *Quidam verò viri adhaerentes ei crediderunt, in quibus & Dionysius Areopagita, & mulier nomine Damaris, & alii cum eis.* Is fuit celebris ille Dionysius Senator Areopagi, qui postea à S. Paulo ordinatus primus Athenarum Episcopus fuit, & glorioso martyrio coronatus, ut omnia Martyrologia testantur, sub cujus nomine scripta, adhuc extant, quamvis Recentiores Critici, ut dixi, ea illi abjudicare conentur. Damarim autem fuisse Dionysii conjugem, plures Patres asseruerunt, ut Ambrosius Epist. ad Vercell., Chrysostomus L. 4. de Sacerd. cap. 7. dicens: *Rursus Areopagita ille, qui fuit superstitionissima Civitatis illius Civis, nonne una cum Uxore, audisti tau-*

*lura*



rām Pauli Concione, illum secutus est? His addit Hilduinus in Arcopag. apud Surium die 9. Octob., ut legere per extensum, quis poterit in Baronio ad ann. 52. n. 11., Dionysium ex discursu habito cum Paulo discessisse quidem conceptā jam Fide in Christum, sed baptizatum fuisse cum Damari uxore, & tota domo sua, vi miraculi cæci nati à Paulo sanati. Sed quanta Fides huic narrationi sit addibenda, determinare non audeo. Hæc anno Christi 52. arbitror contigisse.

## §. XII.

*Pergit Corinthum: Quid ibi egerit?*

I. **D**Um Paulus Athenis moraretur, Timotheus, qui cum Sila Berœæ remanserat, ad eum venit: cūque didicisset, Thessalonicenses à contribulibus suis multa pati, Paulus, qui eos specialiter diligebat, desiderabat eos videre (1. Thessal. 2. v. 17. & 18.) sed impediēte eum Satanā, judicavit ad illos confortandos mittere Timotheum, manens ipse Athenis solus, (quod signum est, Silam aliquā causā detentum vel Berœæ, vel alibi, Athenas cum Timotheo non venisse). Hoc scribit ipse 1. Thess. 3. v. 1. 2.: *Propter quod non sustinentes amplius, placuit nobis remanere Athenis solis: & misimus Timotheum fratrem nostrum & ministrum Dei in Evangelio Christi, ad confirmandos vos, & exhortandos pro Fide vestra.* Ex quibus colligitur, Paulum moram non brevem, sed aliquot saltē mensium, Athenis traxisse.

II. Tandem ait Lucas Act. 18. v. 1. Paulus egressus ab Athenis venit Corinthum, totius Achajæ seu Græciæ & Athenarum Metropolim. Propter hoc, & etiam quia inter duo maria sita, quibus omnibus partibus Orientis & Occidentis communicabat, Corinthus & Populo & divitiis abundabat: ejus tamen Civēs quantò divitiis abundabant, tantò earum tenaces erant & avari, ut supra tetigi. Eloquentiæ fastum ostentasse ac scientiarum, amatores fuisse creduntur, sed effræni impudicitiae dediti. Ad hanc ergo Urbem misit Spiritus S. Paulum, ut ibi maneret anno uno & sex mensibus v. 11.: *Sedit autem ibi annuū unū & sex menses, docens apud eos Verbum Dei; & circa finem anni 52. Corinthum adventasse, probabile est.*

III. Cū Corinthum advenisset, ibi inveniens (v. 2.) quemdam Judæum nomine Aquilam Ponticum genere, & Priscillam uxorem ejus (eo quod præcepisset Claudius discedere omnes Judæos à Ro-

à Roma) accessit ad eos. Et quia ejusdem erat artis, manebat apud eos (erant autem scenofactoria artis). Consueverat Paulus, ut sepe dixi, ne onere esset illis quibus prædicabat, labore manuum suarum victitare. Hoc multò magis apud Corinthios exercere voluit, ne occasionem acciperent dicendi, cum prætextu lucri, vel saltèm victum ab aliis sibi comparandi, Orbem prædicando circumire: quod Corinthii avari, facillè dubitassent. Hæc ratione inventis Aquilâ & Priscillâ eandem, ac ipse artem scenofactoriam (nempè tentoria faciendi, ut supra dixi §. 1. n. 4.) exercentes, apud illos divertit, & cum eis laborans de opere suo vivebat. Porrò Aquila & Priscilla licèt fixum domicilium Romæ haberent, Corinthum tamen venerant occasione generalis Edicti, quo Imperator Claudius Judæos omnes Româ exire paulò ante mandaverat.

IV. Sequitur v. 4.: *Et disputabat in Synagoga per omne Sabbatum, interponens nomen Domini Jesu, suadebatque Judæis & Græcis.* Fuit ipse primus, qui nomen Jesu Corinthi annuntiavit, & Evangelii fundamenta ibi jecit. Unde 1. Cor. 3. v. 6.: *Ego, inquit, plantavi, & v. 10. fundamentum posui.* Singulis diebus Sabbati in Synagoga disputans Judæis & Græcis Evangelii veritatem suadere conabatur. Interea Timotheus & Silas è Macedonia Corinthum venerunt: quorum adventu non parum gavisus fuit Paulus; tum quia non ampliùs solus, sed in laboribus socios habere incipiebat; tum quia Timotheus Thessalonicâ reversus (quod eum ut supra miserat) retulit ei, quantum in pietate & Fide constantes Fideles illius Urbis juveuisset. Eos videndi majori æstuabat desiderio; sed quia impeditus, non multò post ad eos scripsit priorem Epistolam, in cujus titulo nomina Silvani & Timothei conjunxit 1. Thess. 1. v. 1.: *Paulus & Silvanus & Timotheus Ecclesie Thessalonicensium &c.* Hunc Silvanum eundem esse, quem Lucas in Actis appellat Silam, sentit inter alios Hieronymus Ep. 144. diceus, mendum esse legere *Silvanum* pro *Sila*. Theodoritus tamen putat idem esse nomen latinè redditum; mos enim Judæis erat, qui apud exterarum Regionum degebant, sua nomina accommodare usui nationum: ita etiam Aëlius in 2. ad Cor. cap. 1. Hanc Epistolam scriptam fuisse Corinthi paulò post reditum Timothei, indicant illa verba c. 3. v. 6.: *Nunc autem veniente Timotheo ad nos à vobis, & annuntiante nobis Fidem & Caritatem vestram, & quia memoriam nostram habetis bonam semper desiderantes nos videre, sicut & nos quoque vos: idèò consolati sumus &c.* Unde non Athenis, ut aliqui putarunt, sed Corinthi data fuit (quamvis supra tom. 1. de Auth. Lib.

Lib. novi Test. cap. 2. §. 1. num. 15. in suspenso reliquerim) & creditur fuisse primam ex omnibus, quas Paulus scripsit.

V. In hac priore Epistola, specialia dilectionis signa erga Fideles Thessalonicenses exhibet, & simul estimationis eorum Fidei & constantiæ in ferendis persecutionibus. Laudat eorum caritatem erga omnes Christianos Macedoniæ; eos tamen monet, ut matrimonio sanctè utantur, ut evitent otium laborando manibus; ut mortuos desineant quidem, sed modo digno Fide, quàm profitentur, scilicet non sicut cæteri, qui spem resurrectionis non habent; & taudem ut semper vigiles sint, & parati ad adventum supremi Judicis.

VI. Non multò post, anno scilicet 53., manens adhuc Corinthi, scripsit ad eosdem secundam Epistolam, eundem titulum Pauli Silvani & Timothei præferentem: quod arguit, eam, sicut & primam, Corinthi non Athenis scripsisse, nempe post reditum Timothei Thessalonicæ, qui ab Athenis missus rediens Paulum jam Corinthi invenierrat, ut dictum est. Occasio hanc scribendi fuit hæc. Resciverat Paulus, quosdam Pseudo-Apostolos sub pietatis specie quæstum ambientes, monitos, quòd Thessalonicenses ad sua bona largienda essent cæteris promtiores, evulgare cœpisse, jam instare Mundi finem, & hoc divinitus sibi fuisse revelatum: & ad hoc etiam vel e mentitâ Pauli Epistolam afferebant, vel priorem Epistolam ejus falsâ interpretatione trahebant. Volebat Paulus, ut se optare sapius testatus fuerat, ad illos à deceptione tuendos transire, sed cum non posset, his verbis ad eos scripsit c. 2. v. 1.: *Rogamus autem vos Fratres, per adventum Domini Nostri Jesu Christi, & nostræ Congregationis in ipsum; ut non cito moveamini à vestro sensu, neque terreamini, neque per Spiritum, neque per Sermonem, neque per Epistolam tanquam per nos missam, quasi iusserit dies Domini. Ne quis vos seducat ullo modo.* Hortatur deinde illos ad fereudas persecutiones, & ut se subtrahant ab illis, qui otiosè vivere, volunt.

VII. Silâ igitur & Timotheo jam ad eum Corinthi reversis, dicit Lucas cap. 18. v. 5.: *Instabat verbo Paulus, testificans Judæis esse Christum Jesum. Contradicientibus autem eis, & blasphemantibus, excutens vestimenta sua, dixit ad eos: Sanguis vester super caput vestrum; mundus ego ex hoc ad Gentes vadam.* Inde relicto hospitio Aquilæ, qui Judæus erat, ut quod comminatus fuerat facto comprobaret, se recepit in domum Titi Justi, qui Gentilis erat sed profelytus, Synagogæ conjunctam (V. 7.) *Et migrans inde, intravit in domum cujusdam nomine Titi Justi, coleutis Deum,*

*Deum, cujus domus erat conjuncta Synagoga.* Elegit domum Synagoga vicinam, ut viderent Judæi, se illos prorsus non deservisse, sed paratum esse amplecti si vellent: *Vicinus erat* (inquit Chrysostomus Homil. 39.) *ut ex vicinia zelum haberent, si vellent,* & ut Judæi sæpè videntes Gentiles ad Christum converti & Paulum frequentare, saltè quâdam æmulatione ad idipsum & ipsi moverentur: Uno verbo: totum agebat Paulus erga Judæos, ut illos ad poenitentiam traheret, ac illis se subtrahebat, ut eum ardentius quærerent.

VIII. *Justus* iste, ad cujus domum Paulus divertit, à Luca vocatur etiam *Titus*; & quamvis Chrysostomus Hom. 39. solo Justo nomine ipsum appellet, & *migrans venit in domum Justo*: omnia tamen Manuscripta tum Græca tum Latina Titum Justum eum nominant, quin & Syriaca & Arabica. Voluerunt aliqui, hunc Titum esse illum eundem Pauli Discipulum, ad quem Paulus scripsit, & cui Ecclesiam Cretensem administrandam commisit; sed immeritò. Nam primò iste Titus, ad quem Paulus scripsit, semper vocatur Titus, nunquam verò Titus Justus. Deinde: iste erat Pauli Discipulus etiam antè Concilium Hierosolymitanum, & consequenter antequam Paulus veniret Corinthum. Tertio iste missus à Paulo Corinthum 2. Cor. 12. v. 18. erat veluti Socius Pauli in ministerio, & de ministerio potens vivere: hoc autem dici non poterat de viro Corinthio magis, quàm de cæteris ad quos scribebat; Titus autem Justus Corinthius erat. Hunc Titum Justum dicit Lucas esse *colentem Deum*; Chrysostomus hoc nomine intelligit *Profelytum*. Alii autem *Colentes Deum* volunt fuisse omnes illos, qui ex commercio cum Judæis verum Deum adorare didicerant, sive Circumcisionem & alias Legis observantias suscepissent, ut Profelyti, sive non, ut erat Cornelius.

IX. Separationem Pauli à Judæis fuisse, ut dixi, comminatoriam solum & ad terrorem, indicat Lucas v. 8., ubi narrans Conversionem Crispi Archisynagogi ait: *Crispus autem Archisynagogus credidit Domino cum omni domo sua*: quem Paulus, nectum suscepit, sed etiam suis manibus baptizavit, ut testatur ipse 1. Cor. 1. v. 16., tanquam factum singulare dicens: *Neminem vestrum baptizavi, nisi Crispum & Cajum...* Non enim misit me Christus baptizare, sed Evangelizare. Hunc tradunt postea Ecclesiam Aeginensem propè Athenas administrasse. Festum ejus unà cum Cajo seu Gajo, de quo infra, celebrant Latini ad diem 4. Octobris.

X. Præter Crispum Judæum, inquit S. Lucas, *Multi Corin-*  
thio-

*thiorum ( Gentilium ) credebant & baptizabantur*, manibus fortè Timothei & Silæ adjutorum Pauli. Verùm quia de hoc Sila seu Silvano, ut supra dixi, nulla amplius fortè mentio erit, sciendum, ejus festum in Martyrol. Rom. diei 13. Julii consignari his verbis: *In Macedonia Beati Silæ, qui cum esset de primis Fratribus, & ab Apostolis ad Ecclesias Gentium unà cum Paulo & Barnaba destinatus, prædicationis officium Gratiæ Dei plenus instanter consummavit, atque in passionibus suis Christum clarificans postmodum requievit.* Quibus indicari videtur, non sinè Martyrii palma decessisse. Græci, qui Silam à Silvano distinguunt, utriusque unà cum Crescente, Egenete, & Andronico in suo Menologio ad diem 30. Julii commemorant. His adherentes Dorotheus in Synopsi & Hyppolitus in libello 72. Apost. Silam, Episcopum Corinthiorum faciunt, Silvanum verò Thessalonicensium. Sunt qui de Sila locutum Paulum existiment 2. Cor. 8. v. 18., cùm ait: *Misimus etiam cum illo ( Tito ) fratrem, cujus laus est in Evangelio per omnes Ecclesias. Non solum autem, sed & ordinatus est ab Ecclesiis comes peregrinationis nostræ.* Attamen S. Chrysostomus & S. Thomas volunt, Paulum in dictis verbis respexisse potiùs ad Barnabam, sive ad Lucam.

XI. Quò magis Evangelium Corinthi, Paulo prædicante, progressibus augebatur, *ed majus ipsi tunc erat periculum, multis credentibus, & ipso Archisynagogo,* ( inquit Chrysostomus Hom. 39. in Acta ). Unde ut ipse testatur 2. Cor. 11. v. 9., multis etiam necessariis ad victum caruisset, nisi à fratribus de Macedonia ei subventum fuisset. Imò 1. Cor. 2. v. 3. fatetur, se in timore & terrore multo fuisse propter insidias & pericula, quæ illi imminabant; quibus tamen à munere suo Apostolico nihil deterrebatur. Quare Chrysostomus Homil. 6. in 1. ad Cor. observans illa verba *In timore & tremore multò fui apud vos*, ait: *Quid dicis? Paulus quoque timebat pericula? Timebat, & valdè timebat, Etiam si enim Paulus esset; at homo erat. Hoc autem non erat Pauli crimen, sed infirmitas natura, & propositi encomium, quòd mortem & plagas timens, nihil indignum ex timore fecerit. Itant qui dicunt, illum non timuisse plagas, non modò illum non honorent, sed & multam ex laudibus demant. Nam si non timebat, quæ perseverantia, quæ Philosophia in ferendis periculis? Ego verò idèò illum admiror, quòd timens, nec modò timens, sed tremens in periculis, semper cucurrit coronatus, & nulli cessit periculo, expurgans Orbem, & ubique terrarum & marium prædicationem seminans.* His Pauli constantiam laudat Chrysostomus.

XII. Poterat autem Paulus timorem in periculis vincere,

Tom. V.

Aa

aderat

aderat enim ei Is, quo confortante omnia poterat. Unde refert Lucas Act. 18. v. 9., quòd in hisce angustiis laboranti, *Dixit Dominus nocte per visionem Paulo: Noli timere, sed loquere, & ne taceas: Propter quod ego sum tecum: & nemo apponetur tibi, ut noceat te, quoniam Populus est mihi multus in hac Civitate.* Quà promissione roboratus sedit ibi annum & sex menses, docens apud eos Verbum Dei. Existimant tamen multi cum Baronio ad ann. 58. num. 44., illis 18. mensibus non sic Corinthi mansisse, quin ad alias propinquiores Achajæ Civitates prædicatione excurrerit, atque iterum Corinthum rediens dictum tempus expleverit; & sic verificetur, quòd tribus vicibus venerit Corinthum, ut ipse dicit 2. Cor. 13. v. 1.: *Ecce tertio hoc venio ad vos.* Cùm de secundo ejus adventu Corinthum neque ex Luca neque ex Epistolis Pauli mentio habeatur.

XIII. Dum Paulus Corinthi moraretur, hospitatus fuit non solum apud Aquilam & Titum Justum, sed etiam (sive in hoc primo, sive in alio adventu) apud Cajum seu Gajum, & apud Phœben Ecclesiæ Cenchreensis (Suburbii, quod Coriuthi versus Asiam portus erat) Diaconissam. De Cajo testatur ipse Rom. 16. v. 23.: *Salutat vos Gajus hospes meus:* hunc suis manibus baptizasse, 1. Cor. 1. v. 14. ipse dicit: fuisse genere Macedonem, constat Act. 19. v. 29., incolam tamen Corinthi, ac eundem Apostolum euntem in Asiam cum Aristarcho Ephesum usque comitatum fuisse, ubi diutius substitit. Hunc aliqui confundunt cum Cajo seu verius Gajo, cui S. Joannes tertiam ex suis Epistolis inscripsit: plerique tamen distinguunt & volunt, hunc fuisse alium S. Pauli Discipulum Derbensem in Lyconia. Cui hospitii S. Pauli unà cum Crispo Festum agitur die 4. Octobris. De Phœbe Diaconissa, sui etiam & multorum hospite, mentionem facit ad Rom. 16. v. 1.: de qua Martyrol. Rom. 3. Sept. ait: *Corinthi Natalis Sanctæ Phœbes, cujus meminit beatus Apostolus Paulus ad Romanos scribens.*

XIV. Dum Paulus Corinthi adhuc maneret, ut refert Baronius ad ann. 53. num. 35., Achajam factam tunc Provinciâ Proconsularem (ex Lege Clodia, ut Cicero ait Orat. in Pison.) curabat Junius Gallio Lucii Annæi Senecæ germanus frater, qui à Junio Gallione adoptatus, priore nomine relicto, scil. Marci Annæi Novati, de adoptantis nomine nuncupari cœpit Gallio. Is igitur in Proconsulatum, sub Nerone in gratiam Senecæ fratris Neronis præceptoris vel assumptus, vel in eo saltè confirmatus fuit. Indolis erat lenis, & jucundæ, dignus propterea, cui Seneca germanus libellum de Ira inscripserit. Commem-  
tamen

tamen cum Seneca fratre fortunam expertus, Nerone iubente extinctus fuit.

XV. Cùm ergo Gallio Corinthi ageret, Judæi de more in Paulum concitati, ad ejus tribunal Apostolum rapuerunt. Factum narrat Lucas Act. 18. à v. 12. his verbis: *Gallione autem Proconsule Achaja, insurrexerunt uno animo Judæi in Paulum, & adjuxerunt eum ad tribunal, dicentes: Quia contra Legem hic persuadet hominibus colere Deum. Incipiente autem Paulo aperire os, dixit Gallio ad Judæos: Si quidem esses iniquum aliquid, aut facinus pessimum, Viri Judæi, rectè vos sustinerem; si verò quæstiones sunt de verbo & nominibus, & Lege vestra, vos ipsi videritis: Judex ego horum nolo esse: & minavit eos à tribunali.* Unde videntes, Proconsulem eorum instantiam nihil curare, pergit Lucas, *Apprehendentes autem omnes Sosthenem Principem Synagogæ* (qui fortè Crispo successerat & Paulo favebat), *percutiebant eum ante tribunal, & nihil eorum Gallioni curæ erat.* Et addit Chrysostomus in procæmio 1. ad Cor., quòd etiam Paulus verberatus coram ipso est: ex quo idem Chrysostomus Homil. 39. in Acta colligit Judicis æquitatem & mansuetudinem, & ex adverso Judæorum audaciam & furorem. Poterat secundùm Leges Proconsulares etiam in causis de Religione judicare; tantùm tamen detulit Religioni Judæorum, ut à judicio abstinerit. Poterat & quasi debebat injuriam percussione coram ipso pro tribunali sedente irrogatam vindicare, sed maluit in hoc etiam eorum furenti amentia ignoscere.

XVI. S. Augustinus Ep. 93. aliàs 48. cap. 2. & Beda in Acta putant, Sosthenem fuisse percussum non à Judæis sed à Græcis Gentilibus. Cùm enim Pagani malè exceptos à Judice Hebræos cernerent, Præsidis exemplo audaciores facti, de Principe Synagogæ sive ludibrium, sive ultionem de Paulo sibi capiendam putarunt. Paria Cajetanus, Lyranus, Grotius & alii senserunt, quibus prævit Petrus Comest. Hist. Scholast. in Acta c. 91.

Alii verò, ut dixi, sentiunt, Sosthenem à Judæis fuisse percussum, quòd eum clam favere Paulo deprehenderent, inter quos Chrysostomus Hom. 39. in Acta: & favet Martyrol. Rom. ad diem 28. Novembris his verbis: *Apud Corinthum Natalis Sancti Sosthenis Discipuli beati Pauli Apostoli, cujus mentionem facit idem Apostolus Corinthiis scribens. Hic ex Principe Synagogæ conversus ad Christum, ante Gallionem Proconsulem acriter verberatus præclaro initio Fidei sua primordia consecravit.* Unde diversus est iste Sosthenes ab illo, quem Eusebius L. 1. Hist. Eccl. c. 12. inter 70. Discipulos recenset.

## §. XIII.

*Adventus Pauli Ephesum: de Aquila, Priscilla  
& Apollo.*

L Cùm Judæi nil ampliùs moliri possent contra Paulum, cui Deus suam protectionem, ut supra, promiserat, quæ etiam factum fuit, ut Gallio eorum accusationes contra ipsum contemneret, acquieverunt. Unde potuit Paulus usque ad complementum 18. mensium Corinthi manere, atque inde incolumis discedere. Sic enim ait Lucas Act. 18. v. 18.: *Paulus verò cùm adhuc sustinisset dies multos, fratribus valesaciens, navigavit in Syriam (& cum eo Priscilla & Aquila), qui sibi totonderat in Cenchris caput: habebat enim votum.* Hæc postrema verba quibus dicitur, quòd Paulus cùm esset Cenchris Corinthi Portu, totondit sibi caput, quia habebat votum, indicant, cum voto Nazaræorum fuisse obstrictum, cã tonsione declarans, se à voto esse solutum. Votum hoc abstinentiam à vino & capillos non tondendos injungebat, donec voti tempus esset completum. Caremoniæ & obligationes hujus voti distinctè exponuntur Num. 6., ubi additur, quòd si contingat, etiam ante tempus impleti voti aliquem coram Nazaræo mori, tunc tenebatur statim sibi tondere caput, & iterum septimâ & octavâ die offerre duas turtures, & inde iterum inchoare voti tempus. Hanc fuisse causam, cur Paulus Cenchris caput totonderit, censent aliqui, quia scilicet aliquis coram eo ibi mortuus fuerit; omisit tamen turtures offerre, quia hoc Hierosolymis tantum fieri poterat.

II. Nec miretur aliquis, Paulum, qui tanto zelo exarsit contra observantiam Legalium, votum legale Nazaræus observasse: nam, ut superius dixi, conatus Pauli fuit persuadere, observantiam Circumcisionis & aliorum Legalium non esse ampliùs necessariam ad salutem, ut aliqui è Judaismo conversi contendeabant; non tamen eam ita damnare, ut si quis ex pietate vel motivo honesto aliquid Legalium pro eo tempore admittere judicaret, id non posset. Hæc ratione ut supra dixi Timotheum circumcidit, votum Nazaræatus observavit, & alia admisit, ut Judæos faciliùs ad Christum traheret, ut ipse ait 1. Cor. 9. v. 20.: *Factus sum Judæis tanquam Judæus, ut Judæos lucrarer &c.*, ostendens eis, se honorare eorum Legem tanquam Sanctam quia à Deo, non tamen tanquam necessariam quia ejus tempus jam præterit: de quo videri potest Augustinus

Ep. 82.



Ep. 82. aliàs 19. ad Hieron., ubi ait: *Ipsum verò Paulum non ad hoc id egisse; quòd vel Timotheum circumcidit, vel Cenchreis votum persolvit, vel Hierosolymis à Jacobo admonitus, cum eis, qui noveant, legitimam illa celebranda suscepit; ut putari videretur, per ea Sacramenta etiam Christianam salutem dari: sed ne illa, quæ prioribus ut congruebat temporibus in umbris veram satisfactionem Deum fieri jusserat, tamquam Idololatriam Gentilium damnare crederetur. Hoc est enim, quod illi Jacobus ait (Act. 21. v. 21.) auditum de illo esse, quòd discissionem doceat à Moyse: quod urique nefas est, ut credentes in Christum discindantur à Propheta Christi.* Ita August. Ut ergo hanc accusationem depelleret Paulus, votum Nazaræatus & aliqua alia Legalia identidem frequentabat.

III. Dubitat aliqui, an solus Paulus comam totonderit, an etiam Aquila, imò & ejus uxor Priscilla, cum feminæ à voto Nazaræatus non excluderentur Num. 6. v. 1. : cui respondetur, solum Paulum totondisse ex voto; id enim verba citata Luca ostendunt, qui in singulari loquitur totonderat, habebat enim votum. Quamvis autem dicat *Et cum ea Priscilla & Aquila*, sub parenthesi ponitur; & significat, istos cum eo navigasse, non cum eo totondisse.

IV. Paulus navigans Syriam pervenit Ephesum, ibique Aquilam & Priscillam reliquit; & ingressus Synagogam disputabat cum Judæis (Act. 18. v. 19.): reliquit autem Aquilam & Priscillam Ephesi (ait Chrysostomus Hom. 40. in Acta), *Vel quia volebat illos circumducere, ideò reliquit, vel potiùs, ut Doctores manerent Ephesiis. Ipsi verò postea Corinthi habitaverunt: de quibus etiam magnificè testificatur, & Romanis scribens salutat ipsos. Quare videtur mihi, ipsos postea venisse Romam, utpotè qui libenter frequentabant loca, unde ejecti fuerant, sub Nerone.* Hæc Chrysostomus. Verùm eos Ephesi adhuc moratos fuisse anno 57., quo Paulus primam ad Corinthios dedit Epistolam; eumque hospitio suscepisse, colligitur ex illo 1. Cor. 16. v. 19.: *Salutant vos in Domino multùm Aquila & Priscilla cum domestica sua Ecclesia, apud quos & hospitor.* Eos tamen jam fuisse Romæ anno 58., mortuo Claudio & Nerone Imperante, quo ad Romanos Paulus scripsit constat Rom. 16. v. 3. ait: *Salutate Priscam & Aquilam adjutores meos in Christo Jesu. Qui pro anima mea suas cervices supposuerunt, quibus non solus ego gratias ago, sed & cuncta Ecclesia Gentium & domesticam Ecclesiam eorum.* Vocat autem Priscam, quam alibi Priscillam; quia Priscilla est diminutivum Priscæ: quibus patet quantum hi duo conjuges pro Evangelio laboraverint, exponendo vitam pro salute Pauli, ho-

spi-

spitalitatem exercendo, non solum erga ipsum, sed erga cunctos Fideles tam ex Judæis quam ex Gentibus, cui omnes eorum domestici cooperabantur, adeo eorum Domum Paulus Ecclesiam nuncupet. De eis insigne textit elogium S. Jo: Chrysostomus Homil. 30. in Ep. ad Romanos. Post aliquod tempus Aquila & Priscilla Româ in Asiam reversi sunt, eosque S. Paulus anno Christi 65. in secunda Epistola ad Timotheum cap. 4. v. 19. salutari jussit. Ibidem diem clausisse feruntur. Martyrio obiisse Chrysostomus loco citato supponit, dicens: *Respice laborem illorum circa predicationem, martyrii coronam, in pecuniis liberalitatem, erga Paulum dilectionem, erga Christum amorem.* Eorum Festum die 8. Julii celebrant Latini; Græci verò in Menologio die 13. Februarii, ubi sic dicitur inter multa: *Post mortem verò Apostoli, cum Christum profiteri non desisterent, correpti ab Idololâtris, post multa tormenta decollati sunt.* Hæc de Aquila & Priscilla.

V. Nunc redeundo ad S. Paulum, Is cum venisset Ephesum introgressus Synagogam, ut consueverat, iude abire decrevit: *Rogantibus autem eis (Act. 18. v. 20.) ut ampliori tempore maneret, non consensit: sed valescens, & dicens, Iterum revertar ad vos, Deo volente profectus est ab Epheso: & descendens Cæsaream, ascendit et salutavit Ecclesiam, et descendit Antiochiam.* Ita in Vulgata. In textu autem Græco, etiam apud Chrysostomum legitur: *Sed valedixit eis dicens, Oportet me omnino Festum, quod instat, agere Jerosolymis. Iterum autem &c.* Quibus apparet, causam, quare Paulus voluit Epheso statim proficisci, fuisse, quia intendebat interesse festo, quod Jerosolymis proximè celebrandum erat anno Christi 54.: quapropter assumpto navigio descendit Cæsaream, & inde ascendit Jerosolymam impleudæ Religionis causa. Queritur proinde quale fuerit hoc Festum, ad quod pergere Paulus properabat. Aliqui, inter quos Grotius in cap. 18. Actorum, censent fuisse Festum Paschæ, quia ex praxi Scripturæ Festum sine addito stat pro Festo Paschatis: verum si ita esset, oportuisset, ut Paulus mense Februarii Epheso discessisset, & proinde mense navigationis minùs proprio. Alii censent fuisse Festum Pentecostes, quod secundum Bucherii calculum eo anno in 29. Maii incidit, & sic initio Aprilis anni 54. Ephesum reliquisset.

VI. Verum quidquid sit, Paulus salutata Ecclesiâ, quæ Jerosolymis erat, descendit Antiochiam, et (ut habetur v. 23.) facto ibi aliquanto tempore profectus est, perambulans ex ordine Galaticam Regionem, et Phrygiam, confirmans omnes Discipulos.

Ca-

Cæsaream, ad quam Paulus profectus est Epheso, probabilius est, fuisse Cæsaream Palæstinæ, quæ iter præbebat Ierosolymam; non verò Cappadociæ, quæ ab itinere Ierosolymam valde distabat. Antiochiam fuisse non Pisidiæ sed Syriæ, putat Chrysostomus Homil. 40. in Acta dicens: *Cur ergo versus Antiochiam concedit? . . . Humano quodam affectu Civitatem illam prosequebatur. Ibi enim appellati sunt Discipuli Christiani, ibi traditus est Gratia Dei, ibi dogmatis negotia perfecit: & propterea aliquanto tempore ibi moratus est. Deinde ne cuiquam deesset, ordine Galatiæ & Phrygiæ Ecclesias visitans, ac Discipulorum conventus faciens, omnes in Fide confirmabat.*

VII. Eo tempore, quo Paulus præfatas Provinciâs peragrabat, imò paulò post ejus discessum, Judæus quidam nomine, Apollo genere Alexandrinus Ephesum venit. Hic licet adhuc Cathecumenus, utpotè solo baptismo Joannis initiatus, quia tamen viarum Domini peritus, & eloquens ac in Scripturis versatus, cepit de Jesu in Synagoga disserere. Quem audientes Aquila & Priscilla, de Religione plenius instruxere, & fortè Baptismo Christi etiam tinxerunt. Ita narrat S. Lucas Act. 18. à v. 24.: *Judeus autem quidam Apollo nomine, Alexandrinus genere, vir eloquens, devenit Ephesum potens in Scripturis. Hic erat edoctus vias Domini, et fervens Spiritu loquebatur, et docebat diligenter ea, quæ sunt Jesu, sciens tantum Baptisma Joannis. Hic ergo cepit fiducialiter agere in Synagoga: quem cum audissent Priscilla et Aquila, assumerunt eum, et diligentius exposuerunt ei viam Domini.*

VIII. Baptizatum fuisse Baptismo Christi Apollo ab Aquila & Priscilla post pleniorē expositionem de viis Domini, probabile est, ut dixi. Attamen Chrysostomus Hom. 40. in Acta Sic hic, inquit, Baptisma Joannis tantum sciebat, quomodo servebat Spiritu? Spiritus enim non ita dabatur. Si autem, qui post illumsuerunt, opus habuere Christi Baptismo, multò magis hic opus habuisset: quid ergo dicendum? neque enim sine causa utrumque posuit Scriptur. Videtur mihi, hunc esse unum ex centum viginti, qui cum Apostolis baptizati sunt: vel si non ita sit, quod in Cornelio, in hoc quoque factum est. Sed non baptizatur, donec illi accuratius exposuerunt. Hoc mihi verum esse videtur, quia baptizari illum oportebat, quoniam duodecim alii nihil perfectè noverunt, neque ea quæ Jesum spectant: verisimile est autem eum baptizatum fuisse. Quibus estò ambigat Chrysostomus, quando & à quibus Apollo baptizatus fuit Baptismo Christi, supponit tamen certum, illum fuisse Baptismo Christo baptizatum, & probabilius post

accipit

accuratam expositionem de Jesu, ab Aquila & Priscilla ei factam.

IX. Post modicum temporis transire in Achajam exoptavit Apollo. Re cum fratribus collata, obtinuit ab eis litteras ad Discipulos ibi existentes, ut eum susciperent. Illuc autem, & maximè Corinthum Metropolim perveniens, adeò feliciter laboravit, ut ea, quæ Paulus ibi plantaverat, opportunè irrigaverit, teste Paulo ipso 1. Cor. 3. v. 6.: *Ego plantavi, Apollo rigavit*. Ita Lucas Act. 18. v. 27.: *Cum autem vellet ire in Achajam, exhortati fratres, scripserunt Discipulis, ut susciperent eum. Qui cum venisset, consulit multum his, qui crediderant. Vebementer enim Judæos revincebat publicè, ostendens per Scripturas, esse Christum Jesum*. In tanta æstimatione à Corinthiis habitus fuit, vt quidam ejus sequelæ addicti, illius Doctrinæ studiosiores, dicerent, se esse Apollo, aliis interim dicentibus se esse Pauli, aliis se esse Cephæ: quo parum absuit, ne schisma excitaretur. Unde ad hoc præfocandum præcipuè, Paulus priorem Epistolam ad Corinthios scripsit; in qua c. 3. eis ostendit, quòd licèt ipse plantaverit, Apollo rigaverit; attamen *Neque qui plantat est aliquid, neque qui rigat, sed qui incrementum dat Deus: qui autem plantat & qui rigat, unum sunt*.

Porro tantum absuit, ut hæc studiorum divisione Apollo se extolleret, ac se à Paulo divelleret; quin potius Corintho relicto Ephesum ad Paulum transierit; à quo etiam rogatus, ut Corinthum rediret, noluit tamen saltèm pro illo tempore. Testis est Paulus ipse 1. Cor. 16. v. 12. dicens: *De Apollo autem fratre vobis notum facio, quoniam multum rogavi eum, ut veniret ad vos cum fratribus: & utique non fait voluntas, ut nunc veniret: veniet autem cùm ei vacuum fuerit*. Imò S. Hieronymus in Epist. ad Titum cap. 3. tradit, eam divisionem occasione sui inter Corinthios ortam, adeò Apollo displicuisse, ut Corintho relicto, in Cretam cum Zena Legis perito confugerit; nec prius rediisse, quàm per Apostolum Paulum dissidentes animi conciliarentur: tandem verò rebus compositis Corinthum reversum, à Paulo Corinthiorum Episcopum fuisse constitutum. Græci tamen in Menologio Basilii Imp. ad diem 9. Decembris faciunt eum Episcopum Cæsareæ: in alio Menologio Canisii 8. Decembris Episcopum Duræ, vel juxta alia Menol. Colophonis in Asia; eumque unum ex 70. Discipulis faciunt: Ferrario autem est Episcopus Coni five Iconii in Phrygia, ex quibus patet incertum esse cujus Urbis Episcopus fuerit. Eum martyrio obiisse unà cum aliis Discipulis, autumat Menologium Basilii loco supra citato. §. XIV.

§. XIV.

*Reditus & Mora Pauli Ephesi, & quid ibi egerit.*

I. **F** *Actum est* (inquit S. Lucas Act. 19. v. 1.) *cum Apollo esset Corinthi, ut Paulus peragratis superioribus partibus venires Ephesum*, ubi triennio mansit (Act. 20. v. 31.) ut ibi fundaret Ecclesiam, secum comites habens Cajum & Aristarchum Macedonenses (cap. 19. v. 29.) ac Timotheum Derbensensem seu Lytrensensem, & Erastum Corinthium (ibid. v. 32.), qui ei adjuutores erant in ministerio. Hic dubium emergit, an Paulus Ecclesiam Ephesi primus fundaverit, quam deinde sua praesentia confirmare, & sua morte honorare S. Joannes Evangelista debebat. In quo partem affirmativam tenuit secundo Saeculo Irenaeus L. 3. cap. 3., ubi loquens de Ecclesiis, quae suo tempore poterant testificari Apostolicam Traditionem, postquam ut testem principalem protulit Ecclesiam Romanam ab Apostolis Petro & Paulo fundatam, & deinde omnes alias Asiae Ecclesias, concludit: *Sed & qua est Ephesi Ecclesia à Paulo quidem fundata, Joanne autem permanente apud eos usque ad Trajani tempora, testis est verus Apostolorum Traditionis*: quibus asserit, Joannem quidem Ephesi diu mansisse, sed Ecclesiam jam à Paulo fundatam invenisse. Et quidem si Acta Apostolorum conferimus, primum qui illuc appulerit Paulum fuisse deprehendemus. Accedit, quod Pauli genius erat ibi annuntiare Evangelium, ubi nondum Christus fuerat nominatus, ne super alienum fundamentum aedificaret, ut ipse fatetur Roman. 15. v. 20.: quod etiam indicatur, quia Paulus Ephesi non transeuntes, sed ex consilio & per triennium praedicans moratus fuit, quod nullibi forte fecit. Unde etiam admissio, quod Petrus & Joannes illac antea pertransierint, cum ibi moram non traxerint, par est credere, Ecclesiam ibi non crexisse. Erant quidem aliqui Fideles Ephesi, ut Aquila, Priscilla, & aliquis forte, qui in primo Pauli adventu Corintho cum comitati fuerant, vel aliqui ex alia parte illuc appulsi, sed Fidelium coetus, qui est Ecclesia, ante hunc Pauli reditum Ephesi nondum erat.

II. Anno igitur à suo discessu elapso, non enim minore tempore potuit itinera praenarrata perficere, rediit Paulus Ephesum, hoc est anno Christi 55., cumque ibi (ait Lucas c. 19. v. 2.) invenisset quosdam Discipulos, dixit ad eos: *Si Spiritum Sanctum accepistis credentes? At illi dixerunt ad eum: sed neque si Spiritus*

Tom. V.

B b

Sun-

*Sanctus est, audivimus. Ille verd ait: In quo ergo baptizati estis? Qui dixerunt: In Joannis Baptismo. Dixit autem Paulus: Joannes baptizavit Baptismo pœnitentiæ Populum dicens: In eum, qui venturus esset post ipsum, ut crederent, hoc est in Jesum. His auditis baptizati sunt in nomine Domini Jesu. Et cum imposuisset illis manus Paulus, venit Spiritus Sanctus super eos, & loquebantur linguis, & prophetabant: erant autem omnes viri fere duodecim. Hi ut putat Chrysostomus Hom.40., ex iis forte erant, qui tunc Jerusalem se contulerant & abierunt: & baptizati sunt: sed etiam baptizati, Jesum non sciebant. Quo facto aperte revivitur error Calvinii, volentis Baptismum Joannis esse eundem cum Baptismo Christi: contra quem alibi dixi. Unde Chrysostomus Hom.40. in Acta: Rectè autem dixit Baptisma Joannis Pœnitentiæ esse, non autem remissionem: erigens illos suadensque eis hoc, vacuum fuisse Baptismum illum. Nam posterius dati Baptismi opus erat remissio illa. Neque, quòd modo impositione manuum non dentur nobis Charismata illa Linguarum & Prophetiæ, conquiri debemus. Nam inquit Chrysostomus ibi: Nihil hinc nobis damni, si nobis attendere voluerimus. Caput bonorum habemus per Baptismum: peccatorum remissionem accepimus, sanctificationem, Spiritus participationem, adoptionem, vitam æternam. Quid ampliùs vultis? Signa? Sed cessaverunt. Fidem habes, Spem, Caritatem, qua manent. Hæc quare: hæc signis sunt majora. Ita Chrysostomus.*

III. Statim ac Ephesi fixit pedem Paulus, cùm (v.8.) Introgressus Synagogam cum fiducia laquebasur per tres menses, disputans, & suadens de Regno Dei. Utique se in Synagogas immittit, & ab eis occasionem accipit. Nam Gentes (ait Chrysostomus Hom.41.) jam zelo fervebant, & libenter eum suscipiebant: Volebat Discipulos à Judæis abstrahere, ut facilius cum Gentibus congregarentur. De Regno Dei disputabat, eosque ad Regnum invitabat: quis talia prædicantem libenter non audisset? Sed contrarium de more evenit. Unde v.9.: Cùm autem quidam indurarentur, & non crederent, maledicentes viam Domini coram multitudine, discedens ab eis segregavit Discipulos, quotidie disputans in schola Tyranni cujusdam. Hic Paulo accidit, quod sæpè & maximè Corinthi evenerat, ut relietâ Synagogâ Judæorum. Dei gratiam respuente, ad Gentes demigrare cogeretur. Quæri solet, quid intelligatur nomine Tyranni cujusdam, in cujus scholam ad prædicandum Paulus se recepit.

Putant aliqui, fuisse Principem seu Optimatem aliquem, qui domum suam in eum usum concesserit. Plerique tamen sentiunt, nomen esse Gentilis cujusdam inter amicos Apostoli, qui

Fidem Christi susceperat. In hac schola seu domo feliciter, quam in Synagoga res Paulo successit. Nam sequitur v. 10. : *Hoc autem factum est per biennium : ita ut omnes, qui habitabant in Asia, audirent Verbum Domini, Judæi, atque Græci :* qui sive ex partibus vicinioribus Asiæ ad illum confluebant, sive quia Paulus toto illo biennio non Ephesi hæsit, quin identidem per alias Asiæ partes prædicando discurreret.

IV. Dum Ephesi Paulus moram traheret, placuit Deo per ipsum signa mirabilia facere, ut dicat Lucas v. 11. : *Virtutesque non quaslibet faciebat Deus per manum Pauli : itant etiam super languidos deferrentur à corpore ejus sudaria & semicinctia, & recedebant ab eis languores, & spiritus nequam egrediebantur.* Quæ admirans Cyrillus Jerosol. Catech. 17. ait : *Tantaque super eo gratia Spiritus erat, ut non solum contactus ipsius sanitatem resunderet ; verum etiam delata à carne ejus sudaria & semicinctia morbos curarent, & malos spiritus abigerent.* Quid ad hæc Novatores Sanctorum reliquias contemnentes ? Scriptura narrat, sudaria & semicinctia à corpore Pauli delata, eis quibus imponebantur ægris attulisse sanitatem, & eorum contactu Dæmones à corporibus fugisse territos. Si modò illa ipsa Pauli sudaria & semicinctia extarent, & ob ipsorum oculos Novatorum ponerentur : plus dicam : si fimbria vestis Christi, cuius contactu Hemorrhoiis curata fuit, eis exhiberetur, quid quæso facerent ? Averfarentur ne ? redigerent ne per contemptum in cineres, ut alibi fecerunt, aut eas conculcarent, vel in auras spargerent ? Peiores ipsis Dæmonibus essent, qui eorum aspectu terrii statim fugiebant, vel saltè illis pares essent, qui eadem averfabantur. Norint ergo ? velint, nolint, eadem virtute, quâ Christus fimbriam vestis suæ donavit, ditasse etiam Reliquias & vestes servorum suorum, ut eis, qui cum Fide eas tangunt, gratias quas orant virtute Christi impertiantur, juxta ejusdem promissum Jo: 14. v. 12. : *Qui credit in me, opera quæ ego facio & ipse faciet, & majora horum faciet :* sed de his alibi per dignitate egi. Ideoque hæc sufficiant.

V. An inter cætera dona, quibus S. Paulus ornabatur, fuerit etiam istud: quòd umbra sui corporis transeuntis ægros sanaret : negativè censet Baronius ad ann. 55. num. 11. : ubi ait, quòd estò Chrysostomus Hom. 8. in Ep. ad Rom., & Hom. 6. in 1. ad Cor. hoc videatur asserere, rhetoricâ amplificatione potius quàm rei veritate locutus sit, cum de solo Petro hoc Scriptura referat Act. 5. v. 15. Cæterum Chrysostomus Hom. 8. ad Rom. hoc non tribuit determinatè Paulo, sed Apostolis vagè : ait enim : *Quâ*

igitur excusatione digni fuerimus, si cum illorum umbra & vestimenta mortem depellerent, nec orationes quidem nostræ passiones reprimant? In eodem sensu loquitur Augustinus tract. 44. in Joan. dicens: Numquid nox erat, quando transeuntibus Discipulis ægri cum lectulis ponebantur, ut vel umbrâ transeuntium tangerentur? Cyrillus L. 6. contra Julian. hoc etiam Joanni & aliis tribuens: Qui, inquit, Christi tempore fuerunt, Petrum dico & Joannem, aliasque, qui umbrâ solâ corporum ægri tudines sanabant, Paulum eximit cum &c. Non est ergo inverisimile, alios a Petro ac etiam Paulum solâ umbrâ corporis ægros sanasse, licet de solo Petro Scriptura hoc exprimat.

VI. Videntes quidam Judæi, invocato Jesu, & impositis sudariis & semicinctiis Pauli, Dæmones à corporibus fugari hoc idem & ipsi Exorcismis tentaverunt: Quid eveniret narratur Act. 19. v. 13. sic: Tentaverunt autem quidam & de circumstantibus Judæis Exorcistis invocare super eos, qui habebant Spiritus malos, nomen Domini Jesu, dicentes: Adjuro vos per Jesum, quem Paulus prædicat. Erant autem quidam Judæi Sceva Principis Sacerdotum septem filii, qui hoc faciebant. Respondens autem Spiritus nequam dixit eis: Jesum novi & Paulum scio: vos autem qui estis? Et insiliens in eos homo, in quo erat Dæmonium pessimum, & dominatus amborum, invaluit contra eos, itant nudi & vulnerati effugerent de domo illa. Hoc autem notum factum est omnibus Judæis, atque Gentilibus, qui habitabant Ephesi: & cecidit timor super omnes, & magnificabatur nomen Domini Jesu. Ausus verè temerarius, & dignus, qui Dæmonem ipsum haberet vindicem & ultorem. Non credentes in Jesum, imò ad lucrum & quæstum Jesu nomine abutentes, Dæmonem ejicere tentabant. Res hæc displicuit quodammodò etiam Dæmoni, adeò ut qui debuerat esse adiutor eorum flagitii, eos vel invitus punire coactus sit. Simile quid Lucæ 9. v. 49. & 50. accidisse narrat Christo Joannes: Vidimus quemquam in nomine tuo ejicientem Dæmonia, & prohibuimus eum: quia non sequitur nobiscum. Et ait ad illum Jesus: nolite prohibere: qui enim non est adversum vos, vobiscum est. Cur ergo hoc idem facientes hic non permittit, ut faciant, sed punit? Respondet Chrysostomus Hom. 41. in Acta, quòd tunc non impediebatur, quia tunc initium rerum erat. Etenim & Judas sur non cohibebatur. Ananias verò & Sapphira interfecti sunt. Multi Judæi obfistentes, nihil passi sunt: Elymas verò excacatus est. „ Non enim, inquit, veni ut Judicem Mundum, sed ut salvetur Mundus, „ Accedit quòd, ut ait Ambrosius in caput 9. Lucæ, illi occulti erant Discipuli propter metum, sicut Joseph & Nicodemus;



mus ; & idèd non prohibuit , quia sciebat quid in tempore essent facturi . At isti ( addit Chrysostomus ) *Judæi adhuc manentes , ex ipso nomine lucrari volebant ; itaque omnia ad gloriam & lucrum faciebant ;* & idèd justè prohibiti & puniti sunt : & etiam , ut ait infra , videtur illos irridendi causâ hoc fecisse , ideoque plebunturs itant posthac nemo auderet temerè hoc Nomen proferre .

VII. Meritò igitur hoc factum , & quia publicum , & quia in personis conspicuis , nempe septem filiis Scævæ Principis Sacerdotum , evenit , omnes timore concussit , & gloriam Nominis Jesu mirè promovit . Unde v. 18. : *Multi credentes veniebant confitentes , & annuntiantes actus suos . Multi autem ex eis , qui fuerant curiosa scitâti , contulerunt libros , & combusserunt coram omnibus ; & computatis pretiis illorum , invenerunt pecuniam denariorum quinquaginta millium . Ita fortiter crescebat Verbum Dei ; & confirmabatur .* Ecce quomodo ad promovendam gloriam suam etiam Dæmone usus est Christus : Hoc ( inquit Chrysostomus citatus ) *Fidelium multos ad confessionem deduxit , hoc & timorem ipsi incussit ; maximumque hoc argumentum fuit , Deum omnia nosse . Priusquam à Dæmonibus redarguerentur , se ipsos accusabant , timentes ne eadem paterentur , & jure quidem . Quando enim adiutores Dæmones accusatores illorum erant non auxiliares , qualis spes supererat , nisi confessio per opera ?* Hos quos Lucas vocat credentes , volunt aliqui , fuisse Paganos tunc conversos , & primò Fidem Christi amplectentes ; veriùs tamen creditur , fuisse Christianos , qui terrore concussi se peccatores confitebantur .

Qui verò combusserunt libros , censent aliqui fuisse Paganos , tunc ad Fidem conversos , alii verò , ut supra , censent fuisse eosdem jam credentes , qui licèt ante errores in illis libris contentos ejurassent , libros tamen apud se adhuc retinebant . Libri autem isti magici erant & astrologici : quo exemplo consuevit Ecclesia posterioribus seculis libros magicos , & ab Hæreticis contra Fidem Catholicam conscriptos , igni tradere publicè comburendos . Quoad Libros Magicos S. Augustinus in Psal. 61. circa finem de quodam Mago , qui conversus fuerat , ait : *Nostis , in Actibus Apostolorum esse scriptum , quia multi perdidit , idest talium artium homines & doctrinarum nefariarum sectatores , omnes codices suos ad Apostolos detulerunt , & incensi sunt libri tam multi , ut pertineret ad Scriptorem estimationem eorum facere , & summam pretii conscribere . . . . Perierat ergo iste ; nunc quaesitis , inventus , adductus est : portat secum codices incendendos , per quos fuerat incendendus , ut illis in ignem missis , ipse in refrigerium transeat .* De  
Li-

Libris verò Hæreticorum comburendis extant Christianòrum Imperatorum Leges Cod. Theodos. L. ultim. de Hæreticis.

VIII. Dum Ephesi moraretur Paulus, magis magisque Verbum Dei crescebat, & confirmabatur; sed non decrant adversarii, qui illud oppugnarent, nec persecutiones præsertim à Judæis: quæ estò Lucas omittat, ipse scribens ad Corinthios Ep. 1. cap. 16. v. 8. & 9. indicat his verbis: *Permanebo autem Ephesi usque ad Pentecostem. Ostium enim mihi apertum est magnum & evidens, & adversarii multi: & cap. 15. v. 30.: Ut quid & nos periclitamur omni hora? Quotidie morior per vestram gloriam, Fratres, quam habeo in Christo Jesu Domino nostro. Si secundum hominem ad bestias pugnavi Ephesi, quid mihi prodest, si mortui non resurgunt?* Quibus fatetur, tot fuisse pericula & insidias, quæ ejus vitæ Ephesi parabantur, ut quotidie crederet se moriturum. Difficultas est in ultimis verbis, quibus dicit, se Ephesi pugnavisse ad bestias. Origenes enim in Periarcho L. 2., & ex eo Nicephorus L. 1. cap. 25., censent in sensu litterali esse accipienda, nimirum quod Paulus Ephesi fuerit reverà in Amphiteatro expositus bestiis devorandus, sed Divina virtute præservatus. Tertullianus etiam L. de Pudicitia cap. 22. loquens de Martyribus, dicit: *Jam ad bestias depugnaverat Paulus Ephesi.* S. Cyprianus Ep. 6. hortans nos, ut Pauli documenta secleremur, ait: *Qui post carcerem sæpe repetitum, post flagella, post bestias, mitis & humilis perseveravit.* Sicut ergo Paulus revera in carceribus fuit, ac flagella sustinuit; ita revera vult Cyprianus, damnatum fuisse ad bestias: & S. Hilarius L. contra Auxentium: *Anne, inquit, aliquam sibi assumebant e Palatio dignitatem, hymnum Deo in carcere inter catenos & post flagella cantantes (Apostoli), edictisque Regis Paulus cum in Theatro spectaculum ipse esset, Christo Ecclesiam congregabat?* Certè Sancti non dicuntur facti spectaculum in Theatro, nisi bestiis expositi.

IX. Baronius autem ad ann. 55. num. 5. & c. censet, verba Pauli esse accipienda in sensu metaphorico, itaut bestias intellexerit homines bestiales, & ferinos, sicut cum 2. ad Timotheum 4. v. 17. dicit: *Liberatus sum de ore Leonis*, per Leonem intelligens Neronem. Addit, quòd si ad bestias damnatus fuisset, hoc in 2. Epistola, quam post duos annos ad Corinthios scripsit, inter certamina memorasset, qui enim ibi cap. 11. cætera etiam his minora enumerat, non omisit: sibi que favere putat Chrysostomum Homil. 40. in 1. ad Cor., ubi ait: *Quid est, Si secundum hominem? Quod ad hominem attinet pugnavi cum bestiis: & ex modo loquendi Pauli pugnavi ad bestias se colligere autumat,*

mat, nam qui bestiis tradebantur ad mortem, non exponebantur ut pugnarent cum bestiis, sed ut à bestiis vorarentur : & concludit, quòd contraria opinio fundatur in libro apocrypho, qui inscribitur *Acta Pauli*. Utramque opinionem Lectoris iudicio permitto, ut eligat, quam maluerit.

X. Multa etiam Ephesi passum fuisse Paulum occasione Apollonii Tyanæi insignis Magi, qui circa illa tempora nempe annum 56. vel 55. illuc advenit, credibile est. Ejus Historiam seu veriùs præstigias scripsit Philostratus. Hic tantam apud Ephesios æstimationem obtinuit, ut cum statuâ donatum inter Divos retulerint. Ephefo relicto, mox in Græciam, deindè Romam Neronis Imperio iuchoato venit, ubique magicis suis illusionibus Populos dementans ; adeòt illum Christo conferre vel etiam præferre, aliqui conarentur, ut ait Augustinus Ep. 138. aliàs 5. ad Marcellinum cap. 4. : sic permittente Deo, ut sicut Magi olim in Ægypto coram Pharaone Dei opera per Moysen facta æmulari conati sunt, æque irrita reddere : sic & Simon & Apollonius Magi Petri & Pauli opera virtute Christi facta, æmulari, & sic Verbum Dei infirmare coram Gentibus, conarentur. At sicut Moyses Ægyptios Magos confudit ; sic & Petrus Christi ope Simonem prostravit, & Paulus Apollonio contempto aliiq; Magis devictis, Christum toto Orbe clariorem reddidit, ut nec Simonis nec Apollonii memoria nisi in opprobrium remanserit. Quamvis Philostratus Apollonium in Cælum sublatum ut Christum scribere, conatus sit ; hoc tamen impium esse mendacium, vel ipse modus, quo idem Philostratus loquitur, apertè demonstrat, ut inter alios probat Eusebius L. contra Hieroclem Confutat. Libri 8. Philostrati de morte Apollonii.

XI. Superius 5. 12. & 13. probabiliter dixi, quòd etsi Paulus triennio Ephesi moratus sit, non sic tamen ibi hæsit, quin ad alias partes discurrerit pro sui Apostolatus munere ; tum occasione itineris Jerosolymam, tum etiam post : & præcipuè Corinthum iterum rediisse, & Galatiam percurrisse non semel. Nunc in eadem sententia permaneo. Et quoad Corinthum, maximè : quia estò Lucas de secundo itinere Pauli Corinthum nihil dicat, illud tamen indicat Paulus ipse 2. Cor. 13. dicens : *Eccetertio hoc venio ad vos*. Porro cùm hic secundus adventus Corinthum nullibi legatur expressus, valdè credibile est, eo triennio, quo Ephesi moratus est, saltèm per brevem putamen-  
fis moram contigisse.

Ephesi etiam didisse Epistolam ad Galatas, credibile est, quamvis alii Nicopoli, alii Romæ datam putent, ut alibi dixi ;

ubi

ubi ostendi , argumentum hujus Epistolæ totum esse in persuadendo eis, Christianos exemptos esse ab onere Legis contra quosdam, qui oppositum eis prædicabant. Galatis prædicaverat Petrus, ut ex prima ejus Epistola ad Populos Ponti, Galatiæ, Capadociæ directâ apparet, sed solis Judæis. Postea veniens Paulus, & incipiens verbum facere etiam Gentibus, cum eis ostenderet Legalia jam cessasse, nec ad eorum observantiam teneri; commoti, fortè Judæi, qui Petrum de hoc nihil differentem audierant, coeperunt spargere, Paulum prædicare contraria iis quæ eis prædicaverat Petrus, eumque despiciere, quasi minorem Petro: propter quod Pauli Discipuli multa passi fuerant, ut testatur ipse Galat. 3. v. 4. Id ergo resciscens Paulus ad eos Epistolam scripsit, in qua c. 1. v. 8. anathema dicit cuicumque, etiamsi esset ipse, aut Angelus de Cælo, qui aliam Doctrinam ab ea, quam ipse docuerat, evangelizaret: deinde cap. 2. ostendit, suam Doctrinam eandem esse cum Doctrina Jacobi Petri & Joannis, qui dexteram unionis ipsi dederunt, ut ipse in Gentes, illi verò in Circumcisionem irent: addens, cum sibi visus esset Petrus factio suâ oppositum comprobare, se palàm ipsum reprehendisse, nec Petrum ei contradixisse. Tandem plura ex Scripturis profert, ut Galatas ab hoc errore abducatur & sciant, se non esse ampliùs servos sub Lege, sed liberos sub Gratia constitutos.

## §. XV.

*Mittit in Macedoniam Timotheum, scribit Priorem Epistolam ad Corinthios: & seditio Ephesi contra ipsum.*

**L** Postquam Lucas Act. 19. dixit, quòd ex factio Dæmonis contra filios Scevæ fortiter crescebat Verbum Dei, addit v. 21.: *His autem expletis, proposuit Paulus in Spiritu, transitâ Macedoniâ & Achajâ ire Jerusalem, dicens: quoniam postquam fuero ibi, oportet me & Romam videre.* Desinente igitur anno Christi 56., vel 57. inchoato ut vult Baronius, Paulus (inquit Chrysostomus Homil. 42. in Acta) *satis moratus in illa Civitate (Ephesi) vult iterum aliò migrare: & idè mittit Timotheum & Erastum in Macedoniam, ipse verò manet Ephesi. Quomodo autem initio volens in Syriam abire, in Macedoniam revertitur? Ut ostendat, se non omnia propriâ virtute facere.* Hæc Chrysostomus. Volebat ergo Epheso discedere post Pentecosten. Unde 1. Cor. 16. v. 8.: *Permanebo autem Ephesi usque ad Pentecosten, & pertransitâ Macedo-*

cedoniâ & Achajâ, Corinthi hyemare, ut ibi ait v. 6.: *Apud vos autem forsitan manebo, vel etiam hyemabo . . . Nolo enim vos modò in transitu videre: spero enim me aliquantulum temporis manere apud vos, si Dominus permiserit.*

II. Dixit Paulus *Oportet me Romam videre*. Hoc enim se à pluribus annis desiderasse, testatur Rom. 1. v. 10. his verbis: *Semper in orationibus meis obsecrans, si quo modo tandem aliquando prosperum iter habeam in voluntate Dei veniendi ad vos: quod repetit v. 13. & cap. 15. v. 23.* summopere optabat illius Ecclesiæ videre Fideles (quorum Fides, ut ipse dicit Rom. 1., v. 8. annuntiabatur in universo Mundo) ut apud illos sicut apud cæteras Nationes aliquem fructum & spirituales gratias promoveret, in Fide suâ præsentia & dictis magis magisque roboraret, & tandem vicissim gauderent in Fide quam profitebantur. Chrysostomus Hom. 42. in Acta advertens, quòd Paulus proposuit in Spiritu oportere se Romam videre, arguit hoc Spiritu prophetico eum dixisse: at certè tunc ei *nondum fuerat revelatum* tempus ac modus, quo ire debebat.

III. Interim tamen dum Asiam relinquere cogitabat, ait Lucas Act. 19. v. 22., *Mittens in Macedoniam duos ex ministrantibus sibi, Timotheum & Erastum, ipse remansit ad tempus in Asia* & injungens Timotheo, ut iret Corinthum 1. Cor. 4. v. 17. monens Corinthios, ne illum spernant sed audiant tanquam se ipsum, & completo opere eum dimittant, ut ad se revertatur. Ita 1. Cor. 16. v. 11.: *Ne quis ergo illum spernat: deducite autem illum in pace, ut veniat ad me; expecto enim illum cum fratribus.* Creditur autem Paulus misisse in Macedoniam Timotheum & Erastum, ut pararent Collectas seu Eleemosynas pro Fidelibus Jerosolymis degentibus. Ita Beda in cap. 19. Act.: *Premisit Discipulos ad præparandas eleemosynas, quas Jerosolymam erat allaturus, ne cum ipse veniret, tunc collecta fierent.*

IV. Erastus seu Erastes, quem cum Timotheo Paulus misit Corinthum, Patriâ Corinthius erat, ab ipso Rom. 16. v. 23. Arcarius Civitatis appellatus, scilicet Præfectus Ærarii Corinthiorum, qua in Urbe tunc Paulus morabatur (quamvis Græci Recentiores eum faciant Præfectum Ærarii Jerosolymæ). Hic munere suo abdicato, & Pauli sequelæ addictus Ephesum petiit ubi Paulus anno 56. versabatur. Inde ab eo cum Timotheo in Macedoniam missus fuit, ut dixi. Corinthi ambos unà cum Paulo anno 58. fuisse deducitur, quia Paulus in Epistola ad Romanos, quam Corinthi manens scripsit, nomine utriusque Romanos salutavit Rom. 16. v. 21. & 23.. Exinde verisimilius creditur, Era-

Tom. V.

Cc

stum

rum indivisibilem Pauli in itineribus comitem fuisse, quousque hic Corintho transiens Romam ivit ad martyrium. Tunc eum Erastum Corinthi reliquit 2. ad Tim. 40. v. 30. *Erastus remansit Corinthi*. Ufuardus, Ado & Martyrologium Romanum ad diem 26. Julii tradunt, Erastum in Macedonia ab Apostolo relictum Episcopum Philippis fuisse, ibique martyrio coronatum. Græci verò ad diem 10. Novembris volunt, eum fuisse unum, ex 70. Discipulis, Jerosolymitanæ Ecclesiæ primum Oeconomum, deindè Episcopum Paneadis creatum ibi in pace quiescisse. Quibus fides adhibenda sit, latet.

V. Paulus Ephesi adhuc manens nuntium accepit de contentionibus Corinthi subortis inter Fideles, ac veluti schisma inter eos parientibus, dum quidam eorum dicebant, se esse Pauli, quidam Apollos, quidam Cephæ, quidam verò Christi, de quo supra §. 14. aliqua dixi. Hanc autem notitiam accepisse se dicit ab illis, qui erant de domo Chloes 1. Cor. 1. v. 11. : *Significatum est enim mihi de vobis, fratres mei, ab iis, qui sunt Chloes, quia contentiones sunt inter vos : & ut putat Chrysostomus in 1. ad Cor. cap. 16. v. 17. Homil. 44. fortè per Stephanam Fortunatum. & Achajum, qui Paulum Ephesi adierant, unde ait : Gaudeo autem in presentia Stephanæ, Fortunati, & Achajici, quoniam quod vobis deerat, ipsi suppleverunt*, sive voce narrantes, sive (ut putat Chrysostomus citato loco) etiam litteras nomine illius Ecclesiæ deferentes, ut Paulum de iis, de matrimonio, virginitate, & aliis consulcerent, de quibus in priorè Epistola eos instruit. Chloes autem, de cujus domo isti venerunt, secundum plures mulier erat Corinthia Fidelis; sunt tamen qui velint, non feminam sed virum fuisse. Interim verò, fortè ob divisionem exortam Corintho abierat, & apud Paulum Ephesi se receperat.

VI. Ut hisce dissidiis occurreret, scripsit Paulus Ephesi priorè Epistolam ad Corinthios aliquantò ante Pentecostem anni sequentis, sive in fine anni præcedentis, sive initio sequentis Christi 57., ut vult Baronius. Et quidem post seditionem à Demetrio excitatam, de qua infra, missa creditur per Stephanam, Fortunatum, & Achajum, non per Timotheum, qui missus à Paulo in Macedoniam fuerat, nec adhuc Corinthum pervenerat. Unde 1. Cor. cap. 16. v. 10. dicit : *Si autem venerit Timotheus, videte, ut sine timore sit apud vos : opus enim Domini operatur, sicut & ego : & hortatur eos, ut eum expeditè dimittant, ut ad se veniat, eum enim expectat*. Signum ergo est, quod Timotheus tunc cum Paulo non erat. Loco igitur Timothei Epistolæ

ti-

titulus Sothenem nominat, qui ille ipse creditur, qui Princeps Synagogæ Corinthi fuerat, & propter Paulum, cui postea adhæsit, fuit flagellatus, de quo supra. Putarunt quidam, Paulum prius aliam Epistolam ad Corinthios scripsisse modò deperditam, moti, quia 1. Cor. 5. v. 9. dicit: *Scripsi vobis in Epistola, ne commisceamini fornicariis*, & v. 11.: *Nunc autem scripsi vobis, non commisceri*. Ita Haymo existimans, parvam Epistolam fuisse à Paulo eis missam, ut moneret, fornicariis talibus non misceris qualis fuerat Corinthius ille, qui habebat uxorem patris sui; sed quia illud malè intellexerant, putantes, quòd hoc non diceret Fidelibus, idèò scripsit eis hanc secundam, cui adhærere videtur S. Thomas in cap. 5. ad Cor. Lect. 3.. Veriùs tamen cum Baronio ad ann. 57. num. 23., ex Chrysostomo Hom. 16. in 1. ad Cor. & aliis, dici debet, illa Pauli verba ad ea potiùs, quæ proximè dixerat v. 1. in eadem esse referenda, quàm ad aliam Epistolam, cuius nulla est mentio. Ita sentit etiam Beda in hunc locum.

VII. Argumentum huius Epistolæ exposui supra tom. 1. de Lib. Novi Fœderis cap. 2. §. 1. num. 7. Solùm occurrit scrupulus, quomodo occasione schismatis inter Corinthios aliqui dicerent *Ego sum Cepha*, idest Petri, cum Petrus Corinthi autè fuisse non legatur, sed solus Paulus primò, deinde Apollo. Scrupulum tollere, conatur Alexander in cap. 1. primæ ad Cor. dicens, quòd hoc fortè dicebant Judæi, qui Petro prædicante ad Christi Fidem Romæ conversi, ab eoque instituti & baptizati Corinthum postea venerant, ibique domicilium elegerant. Aliter tollit Baronius ad ann. 57. num. 3. his verbis: „ Non sic dice-  
 „ bant alii se esse Cephæ, quòd Cephas Corinthi prædicasset;  
 „ sicut nec qui se dicerent esse Christi, id ob eam causam profi-  
 „ tebantur, quòd Christus cum in humanis esset, illis Evange-  
 „ lium annuntiasset: sed potiùs, quo illam contentionem &  
 „ scissuram Ecclesiæ declinarent, rem ad suum Principem re-  
 „ ducentes (quòd sic falli non possent) dicebant, se esse primò  
 „ omnium post Christum Pastoris & Ecclesiæ Capitis Petri Di-  
 „ scipulos, alii verò Auctoris omnium Christi. Idcirco idem  
 „ Paulus inferiùs (cap. 3.) nulla de Cepha habita mentione, nec  
 „ de Christo, sed quia sui tantùm causâ, & Apollo, fuerat oborta  
 „ contentio, subdit v. 4.: *Cùm enim quis dicat: Ego quidem sum*  
 „ *Pauli, alius autem Ego Apollo; nonne homines estis? Quid igitur*  
 „ *est Apollo? Quid verò Paulus? Ministri ejus, cui credidistis, &*  
 „ *unicuique sicut Dominus dedit. Ego plantavi, Apollo rigavit;*  
 „ *sed Deus incrementum dedit.* Sicque videas, cùm de Ministe-  
 „ rio & Officio agitur prædicationis, nullam ampliùs (secun-

„dum nuper dictam sententiam) de Petro haberi mentionem,  
 „eò quòd nondum prædicasset ipse, sicut Paulus & Apollo,  
 „Corinthiis Evangelium: sed quòd in Ecclesia primum tene-  
 „ret, esse ab aliis superius nominatum, sicut & Christum: ut  
 „quia ille omnium Pastor, hic verò esset Christianæ Religionis  
 „principium. Hactenus Baronius.

VIII. Nunc ad Act. Apost. revertamur, Ephesi adhuc morabatur Paulus, quia ibi, ut dixi, & Verbum Dei quotidie augebatur, nec deerant adversarii, contra quos pugnaret. Unde 1. Cor. 16. v. 9. causam suæ permanentiæ Ephesi exponens ait: *Qstium enim mihi apertum est magnum & evidens, & adversarii multi.* Ephesus enim utpotè totius minoris Asiæ Metropolis, & quòd in illa esset Dianæ Templum (de quo paulò infra) omnium Gentium concursu celeberrimum, & quòd denique Proconsul Asiæ illic agere consuevisset, ad quem necesse erat ex tota Provincia homines convenire, peropportunos ipsi visus est locus, ubi diutius Evangelium prædicando consisteret, & amplam Ecclesiam Christo erigeret. Quia etiam viris inter Gentiles doctis ac facundis abundabat: unde Philostratus L. 8. de illa dicit: *Abundat bonarum artium studiis, Philosophis, Oratoribusque re-  
 dundat, ut verè dici possit, eam Civitatem non equitum robore, sed  
 clarorum hominum millibus ceteras superare, in eaque plurimum vi-  
 gere sapientiam:* idcò Paulus, qui non aliud optabat, quàm in agone pro Christo contendere, hanc elegit, ubi diutius subsideret, ac pugnaret: sed quod in eum non valuerunt zelo Religionis sapientes, amore quæstus & pecuniæ tentarunt Artifices.

IX. Ephesi igitur apud Paganos summo in honore habebatur quædam statua eburnea, seu ex alia materia, quam putabant è Cœlo delapsam, eamque sub Dianæ nomine colebant: ei crexerant magnificentissimum Templum, ad quod ex omni parte idolatra confluentes quasdam argenteas statuas cum suis ædiculis, sive superstitionis sive voti causâ offerebant: quæ res in magnum argentariorum opificum quæstum & lucrum cedebat.

Videns ergo quidam Demetrius, opificum argentariorum caput, Pauli predicationes ad evertendum Dianæ & totius Idolatriæ cultum conspirare, accitis cæteris suæ artis opificibus, seditionem contra Paulum excitavit: quam his verbis describit Lucas Act. 19. à v. 23.: *Facila est autem illo tempore turbatio non  
 minima de via Domini. Demetrius enim quidam nomine, argenta-  
 rius, faciens ades argenteas Dianæ, præstabat artificibus non mo-  
 dicum quæstum. Quos convocans, & eos qui huiusmodi erant opifices,  
 dixit:*



*dixit: Viri, scitis, quia de hoc artificio est nobis acquisitio: & videtis & auditis, quia non solum Ephesi, sed penè totius Asiae Paulus hic suadens avertis multam Turbam dicens: quoniam non sunt Dii, qui manibus fiunt. Non solum autem hac periclitabitur nobis pars in redargutionem venire, sed & magnæ Dianæ Templum in nihilum reputabitur, sed & destrui incipiet majestas ejus, quam tota Asia & Orbis colit. Vide callidam argentarii artem. Orationem ducit non solum ab utili, sed & ab honesto, ut duplici laqueo audientes capiat, & cupiditatis lucri, & Religionis: quod ei benè cessit.*

X. *Nam his auditis repleti sunt ira & exclamaverunt dicentes: Magna Diana Ephesorum: & impleta est Civitas confusiones & impetum fecerunt uno animo in theatrum, rapto Gajo & Aristarcho Macedonibus, comitibus Pauli. Paulo autem volente intrare in Populum, non permiserunt Discipuli. Quidam autem & de Asia Principibus, qui erant amici ejus, miserunt ad eum, rogantes, ne se daret in theatrum. Popularis furor illico accenditur, sicut stipula cum igne invaditur, maximè cum de lucri jactura agitur, nec limites habet. Impavidus tamen Paulus in furentes se se injicere zelo Dei abreptus non timet, Discipulis tamen & amicis Asiae Principibus eum deterrentibus obtemperat: neque enim (ait Chrysostomus Hom. 41.) erat vana gloria cupidus, vel ambitiosus. Jure dicere potest Ephesi se pugnasse ad bestias. Illos Asiae Principes Pauli amicos Chrysostomus Hom. 42. in Acta dicit fuisse Christianos: Alii autem putant fuisse Pontifices paganos, qui Ephesum venerant ad celebrandos ludos in Theatro in honorem Dianæ, qui ditissimi erant. Theatrum autem (inquit Beda hic) locus est semicirculi figuram habens, in quo stantes Populi ludos scenicos intus inspiciebant. Unde & à spectacula Græcè Theatri nomen accepit. Itaque sicut Arator ait:*

*Non alio decuit causam, meritisquæ Dianæ  
Lascivos tractare foro, capit area turpis  
Cœcilii deformis opus.*

XI. *Adedò incompositus ac cæcus tumultus erat, ut alii aliud clamarent nescientes quid dicerent, nec cur convenissent. Alii autem aliud clamabant: erat enim Ecclesia confusa, & plures nescierunt, qua ex causa convenissent. Adedut vel ipsi Judæi Divinâ dispensatione unum ex suis è Turba extraxerint, qui tumultum sedaret. De turba autem detraxerunt Alexandrum, prope lentibus eum Judæis: Alexander autem manu silentio postulato, volebat reddere rationem Populo. Quem ut cognoverunt Judæum esse, vox facta est omnium quasi per horas duas clamantium: Magna Diana Ephesorum.*

Sed

Sed cum nihil proficeret, tumultum tandem compescuit Scriba Civitatis (quem aliqui putant fuisse eundem Alexandrum, alii verò alium virum Paganum) Oratione prolaxa, ostendens eis, quòd tumultus iste tanquam seditio coram Cæsare reputabitur, idèdque ei debebunt rationem reddere: esse Ephesi Judices, ad eos confugiant, & quod justum erit obtinebunt. Quibus Populus acquievit: unde sequitur: *Et cum sedasset Scriba Turbas, dixit: Viri Ephesi, quis enim est hominum, qui nesciat, Epheforum Civitatem cultricem esse magnæ Dianæ, Jovisque prolis? (Dianam enim Jovem & Latonam parentes, & Apollinem fratrem habuisse Ethnici putabant) cùm ergo his contradici non possit, oportet vos sedatos esse, & nihil temerè agere. Adduxistis enim homines istos, neque sacrilegos, neque blasphemantes Deam vestram. Quid si Demetrius, & qui cum eo sunt artifices, habent adversum aliquem causam, conventus forenses aguntur, & Proconsules sunt, accusent invicem. Si quid autem alterius rei queritis: in legitima Ecclesia poterit absolvi. Nam & periclitamur argui seditionis hominibus: cùm nullus obnoxius sit (de quo possimus reddere rationem) concursus istius. Et cum hæc dixisset dimisit Ecclesiam, idest cœtum Populi jam acquiescentis.*

XII. Occasione prænarrati tumultus mentio tantùm fit Gaii seu Caii & Aristarchi Macedonum, qui in Theatrum rapti vix ne occiderentur evaserunt. Hi Paulum Corintho Ephesum comitati, ibi cum illo substitere. De Cajo seu Gajo dixi supra §. 12.: Aristarchus verò, cujus etiam meminit ad Coloss. 4. v. 10. & ad Philem. v. 24. Scilicet ipse Macedo Thessalonicâ oriundus erat. Hic Epheso cum Paulo digressus, euntem in Asiam & exindè Judæam ac tandem Romam comitatus est, ubi sub Nerone capitali sententiâ damnatus obiit post Paulum, juxta Græcorum traditionem in Menol. 15. Aprilis; qui etiam eum faciunt Episcopum Apamæ in Syria: Thessalonicæ autem Latini in Martyrol. ad 4. Augusti his verbis: Aristarchus *ab eodem Apostolo Thessalonicensium Episcopus ordinatus post longos agones sub Nerone coronatus à Christo quievit.*

XIII. Nulla hic Titii mentio fit: supponitur enim missus cum alio Discipulo à Paulo Corinthum ad ibi sedandas contentiones, ut habetur 2. Cor. 12. v. 18.: *Regavi Titum & nisi cum illo fratrem* (& hoc fuisse labente anno 56.) Nondum autem, fuisse Titum reversum, cùm Paulus Ephesum reliquit, ex eo constat, quia cùm Epheso Troadem venisset, ibi manere voluit quia Titum non invenit, ut ipse 2. Cor. 2. v. 12. scribit: *Cùm venissem autem Troadem propter Evangelium Christi, &*

*ostiana*

*ostium mihi apertum esset in Domino, non habui requiem spiritui meo, eo quod non invenerim Titum fratrem meum: sed vates faciens eis profectus sum in Macedoniam.*

## §. XVI.

*Gesta & Itinera Pauli Epheso Miletum usque.*

I. **S** Edato tumultu, quem Demetrius excitaverat, cum in Asia tribus annis demoratus fuisset, dicto vale Discipulis, Ephesum relinquit iturus in Macedoniam. Ita Act. 20. v. 1.: *Postquam autem cessavit tumultus, vocatis Paulus Discipulis, & exhortans eos, valedixit, & profectus est ut iret in Macedoniam.* Discessum hunc circa finem Maii anni 57. contigisse, probabiliter aliqui autumant: cum enim eo anno juxta calculum Bucherii Pascha contigerit die 10. Aprilis; & S. Chrysostomus in 2. ad Cor. Hom. 1. censeat, cum statim post Pentecostem Epheso discessisse, juxta illud quod 1. Cor. 16. v. 8. scripserat: *Permanebo autem Ephesi usque ad Pentecostem:* sit ut circa finem Maii inde discesserit. Ex hoc fit, cum circa medium anni 54. Ephesum venisse, & circa finem Maii anni 57. inde discessisse, ibique, triennio permanisse. Quomodo autem sequenti anno 58. pervenerit Jerosolymam tempore Pentecostes, inferius pro viribus exponitur.

II. Putat Baronius ad ann. 57. num. 186., Paulum discessurum in Macedoniam, ne Ecclesiam Ephesinam penitus pastore destitutam relinqueret, Timotheum Discipulum amantissimum ibi remanere voluisse: quod se colligere existimat ex 1. ad Tim. 2. v. 3.: *Rogavi te ut remaneres Ephesi cum irem in Macedoniam, ut denuntiaries quibusdam, ne aliter docerent, neque insisterent fabulis, & genealogiis interminatis, quæ quæstiones præstant magis, quam adificationem Dei, quæ est in Fide.* Ne tamen doctissimo Annalium parenti acquiescam, tenet me S. Lucas Act. 20. v. 4., ubi inter comites Pauli revertentis per Macedoniam post moram trium mensium recensetur Timotheus, ut statim dicam. Imò Timotheum secutum fuisse Paulum, dum iret in Macedoniam, ex eo etiam apparet, quia Epistola secunda ad Corinthios in Macedonia data amborum nomine inscripta est, & in Epistola ad Romanos Corinthi scripta eodem anno nomine Timothei Romanos salutat; quod signum est, Timotheum tunc cum eo fuisse. Igitur hoc certum est, Timotheum fuisse à Paulo relictum Ephesi, ut ibi tanquam Episcopus Ecclesiam regeret, & hoc cum

cùm iret in Macedoniam: sed cùm pluries in Macedoniam se contulerit Paulus, incertum est, in quo itinere & in quo anno illum reliquerit. Censet Calmet. in Dict. V. Timotheus, cum fuisset à Paulo relictum Ephesi, dum secundo Romam iret, anno ipsi 64., & citat Concilium Chalcedonense, & Constit. Apostol. L.7. cap.46.: sed hæc rei præsentis non sunt.

III. Paulus igitur profectus est Epheso, ut iret in Macedoniam. Cùm autem (v.2.) perambulasset partes illas, & exhortatus eos fuisset multo sermone, venit ad Graciam. Ubi cùm fuisset menses tres, facta sunt illi insidia à Judæis navigaturo in Syriam: habuitque consilium, ut reverteretur per Macedoniam. Comitatus est autem eum Sopater Pyrrhi Beræensis, Thessalonicensium verò Arislarcbus & Secundus & Gajus Derbeus & Timotheus; Asiani verò Tychicus & Trophimus. Hi cùm præcessissent, sustinuerunt nos Troade. Nos verò navigavimus post dies Azymorum à Philippis, & vertimus ad eos Troadem in diebus quinque, ubi demorati sumus diebus septem. Hæc Lucas.

IV. Epheso igitur relicto, primò venisse Troadem Paulus creditur; sed cùm ibi, ut putaverat, Titum non invenisset, noluit ut supra dixi ex 2. Cor.2. v.12. ibi morari; sed consensu navigio, & assumto secum Timotheo abiit in Macedoniam. Quid ibi egerit, Lucas paucis perstringit, solum dicens, quòd exhortatus fuit multo sermone illarum partium Fideles: magnam illius anni partem, puta quinque vel sex menses, in eis confirmandis, esse scriptum non sit, creditur insumisse. Dum Macedoniam perambularet, suo adventu Titus eum valde consolatus est: sic enim scribit 2. Cor.7.v.5.: Cùm venissemus in Macedoniam nullam requiem habuit caro nostra, sed omnem tribulationem passi sumus (tum ab Infidelibus, tum propter Fideles, quos valde infirmos invenerat unde addit) foris pugna, intus timores; sed qui consolatur humiles, consolatus est nos Deus in adventu Titi. Consolatio autem fuit; quia, ut ibi prosequitur, Titus ei retulit optimum Ecclesiæ Corinthi, ad quam eum miserat, statum: quòd omnes Fideles (ut in sua priore Epistola jussérat) se ab incestuoso etiam quoad mensam separaverant; cum tamen per Timotheum & Titum pro venia deprecabantur, asserentes illum emendatum de patrato incestu poenitentiam agere, & humilem Christi ovem effectum esse. Eum etiam certiore reddit Titus de elemosynis à Corinthiis paratis pro Judææ pauperibus. Unde eorum exemplo usus fuit, ut ad simile caritatis officium Fideles Macedoniæ magis accenderentur: quod adeò præstitere, ut eorum promittitudinem proponat Corinthiis ipsi imitandam.

V. Pro-

V. Propterea statuit secundam Epistolam ad Corinthios dare, & ut majorem efficaciam obtineret, & ipso illuc cum Macedonibus veniente omnia parata essent, hortatur Titum, ut Corinthum rediens ipse Epistolam deferat; cui novo itineri Titus libenter se exposuit, ut habetur 2. Cor. 8. v. 16. 17., eique ut habetur v. 18. adjuunxit alium fratrem, *Cujus laus est in Evangelio per omnes Ecclesias*: quem alii putant fuisse Barnabam, alii Silam, alii Lucam; imò, ut v. 22. addidit, tertium, quem fuisse Apollo, aliqui autumant. Ex his apparet, hanc posteriorem ad Corinthios Epistolam fuisse potius ex Macedonia, & fortè Philippis quam ex Græcia scriptam. In ea ostendit, se ad ipsos non venisse, ne daret occasionem tristitiæ: Corinthio inceptuoso veniam indulget: suum erga eos amorem testatur: hortatur ut in Fide permaneant; ut eleemosynas sollicitè parent: contra eos qui sibi detrahebant invehitur. Narrat gratias, quibus à Deo cumulatus fuerat, & simul carnis suæ infirmitates. Demùm ad precipientiam sollicitat eos, qui peccaverunt, ne cum venerit eos punire cogatur.

VI. Peragratīs Macedoniae partibus, tandem in Græciam seu Achajam veniens Apostolus, tribus ibi mensibus substitit, quos Corinthi saltē majori ex parte egit; & hic fuit tertius ejus adventus Corinthum ut promiserat 2. Cor. 12. v. 14.; nec Corinthiis gravis fuit, cū de more labore manuum suarum viveret. Quid ibi egerit scriptum non legitur. Delatis secum eleemosynis collectis ex Macedonia, vivens eas quoque quas invenerat jam collectas in Achaja & maxime Corinthi, de itinere Jerusalem cogitabat. Interim verò antequam discederet, anno 58. Epistolam ad Romanos conscripsit, quam fuisse Corinthi scriptam ex eo colligitur, sive quia itinere quasi continuo nullibi moram faciens Corintho Jerusalem perrexit, sive quia nomine multorum, qui tunc cum eo Corinthi erant (ut Caii, apud quem hospitabatur & qui Corinthi domicilium habebat, Erasti Arcarii Civitatis, & aliorum Roman. 16. v. 23. & 21.) sive tandem quia eam misit per Phœben Corinthi Diaconissam; quam Romanis plurimum commendat v. 1. & 2.: scripta fuit manu cujusdam nomine Tertii, distante ut supponitur Paulo: unde cap. 16. v. 22. habetur: *Saluto vos ego Tertius, qui scripsi Epistolam in Domino*. Iste Tertius amanuensis erat S. Pauli, quem aliqui confundunt cum Sila, quia *Silas* Hebraicè idem sonat ac Latine *Tertius*. Hunc Græci ad diem 10. Novembris faciunt Episcopum Iconii post Sospatrum.

VII. In hac Epistola (inquit S. August. exposit. inchoata in  
Tom. V. Dd

Epist.

Epist. ad Romanos) docere intendit, omnibus venisse gratiam Evangelii Domini nostri Jesu Christi: quod propterea etiam Gratiam vocari ostendit, quia non quasi debitum iustitia redditum est, sed gratuita datum. Ceperant etiam nonnulli, qui ex Judæis crederant, tumultuari adversus Gentes, & maximè adversus Apostolum Paulum, quod incircumcisos & Legis Veteris vinculis liberos admittebat ad Evangelii gratiam; prædicans eis, ut in Christum crederent, nullo imposito Circumcisionis iugo. Sed planè tantà moderatione, uti nec Judæos superbire permittat tamquam de meritis operum legis, nec Gentes meritò fidei adversus Judæos inflari, quod ipsi receperint Christum, quem illi crucifixerunt: tanquam enim (sicut alio loco dicit) pro ipso Domino legatione fungens, hoc est pro Lapide Angulari, utramque Populum tam ex Judæis quàm ex Gentibus connectit in Christo per vinculum gratiæ, utrisque auferens omnem superbiam meritorum, & iustificandos utrosque per disciplinam humilitatis associans. Ita Augustinus.

VIII. Post moram trium mensium in Græcia, idest Corinthi, decrevit tandem ire in Syriam, & ad fideles Judææ deferre elemosynas, quas in Macedonia & Græcia collegerat. Per mare iter instituere in animo habebat, sed cum detexisset, à Judæis sibi parari insidias, in Macedoniam reverti, mutatò consiliò, decrevit. Eum comitati sunt Sopater & alii, quos ex Luca supra retulimus, Philippos usque, unde ejus jussu Troadem præcedentes illius adventum ibi expectarunt. Ipse autem cum Luca Philippis mansit, judicans aliquantulum ob eorum pietatem cum Philippensibus immorari; & etiam, quia iustabat dies festus Paschæ, quem, ut ait Chrysost. hom. 43., nonnisi in magnis Urbibus transigere curabat. Contigit autem eo anno dies festus secundum Bucherium die 25. Martii, ibique dies Azymorum celebravit. Quibus transactis (fortè die Mercurii 3. Aprilis) navem conscendens spatio quatuor dierum Troadem, ubi Socii eum sustinebant, pervenit, ibique diebus septem permansit, ut ex Luca supra didicimus.

IX. Dum Troade esset Paulus, factum mirabile operatus est. Unà Sabbati (idest Dominicà die) quâ Fideles conveniant ad frangendum Panem, Paulus in crastinum profecturus, prædicare eis cœpit, ac tanto ardore profectus est, ut sermonem protraxerit usque ad mediam noctem. Ita narrat Lucas Act. 20. v. 7.: *Unà autem Sabbati, cum convenissemus ad frangendum panem, Paulus disputabat cum eis profecturus in crastinum, protraxitque sermonem usque in mediam noctem.* Quòd Una Sabbati intelligatur prima dies post Sabbatum idest Dominica, explora-

ra-

raturum est; quia, ut ait Augustinus Epist. 86. modò 36. ad Casulanum cap. 12., *Una Sabbati tunc appellabatur dies, qui nunc Dominicus appellatur, quod in Evangelio apertius invenitur. Nam dies Resurrectionis Domini prima Sabbati à Matthæo, à cæteris autem tribus Una Sabbati dicitur; quem constat eum esse, qui Dominicus postea appellatus est.* Dubium faciunt illa ultima verba *Protraxit sermonem usque ad mediam noctem*: nam, ut ait Augustinus, aut post peractum diem Sabbati noctis initio fuerant congregati, quæ antequam nox ad diem Dominicum, hoc est ad Unam Sabbati pertinebat; & ita eadem nocte fracturus panem, sicut frangitur in Sacramento Corporis Christi, produxit sermonem usque ad mediam noctem, ut post Sacramenta celebrata, rursum usque ad diluculum alloquens congregatos, quoniam multum festinabat, ut proficisceretur Dominico die: aut certè si in Una Sabbati, non per noctem, sed per diem horum Dominici fuerint congregati, eo ipso, quo dictum est, *Paulus disputabat illis exisurus aliâ die*, expressum est causa producendi sermonis, quia fuerat exisurus, & eos sufficienter instruere cupiebat. Hæc Augustinus. Quæ secunda expositio videtur conformior Scripturæ, & Patribus Chrysost. hom. 43., Bedæ in c. 20. Act. dicentibus, quod erat Dominica dies, cum in Cœnaculo fuerunt congregati. Nec stupeat aliquis, quod illâ die jejuni ab omni cibo manserint: hoc enim non fuit, quia, ut falsò putabant Manichæi & Priscillianistæ, die Dominico jejundandum esset, sed quia illis magis curæ fuit salutaribus Pauli monitis animam pascere, quàm corpus materiali cibo; præsertim quia, ut ait Augustinus citatus, *tunc ex illis terris, sicut consequentia docent, ita discessurus erat, ut jam non esset eos in carne visurus.*

X. Gaudium tamen Fidelium audientium Paulum inopinato eventum turbavit Diabolus, quem à v. 8. Lucas sic narrat: *Erant (in tertio superiori Cœnaculo, ubi sermonem habebat noctu Paulus) lampades copiosæ in Cœnaculo, ubi eramus congregati. Sedens autem quidam adolescens nomine Eutychus super fenestram, cum mergeretur somno gravi, disputante diu Paulo, ductus somno cecidit de tertio cœnaculo deorsum, & sublatuſ est mortuus. Ad quem cum descendisset Paulus, incubuit super eum: & complexus dixit: Nolite turbari, anima enim ipsius in ipso est. Ascendens autem, frangensque panem & gustans, satisque allocutus usque in lucem, sic profectus est. Adduxerant autem puerum vivensem, & consolati sunt non minime. Hoc factum comparans Beda cum Tabitha, quam Petrus suscitavit: *Et idè, inquit, illa in diebus infirmata moritur, hic medâ nocte cadit & moritur. Illa post mortem tota in cœnaculo ponitur, hic tertio cœnaculo delapsus**

*psus deorsum mortuus iugetur. Iste præsente & docente; illa absente Magistro. Ad hunc Paulus descendit, ad illam Petrus suscitatus ascendit. Illa mox viso Petro resedit, hic nocte mediâ defunctus tandem mane resurgit, & iustitiæ sole afflante adducitur. Hæc Beda, ut ostendat operosiores esse resurrectionem eorum, qui per negligentiam (ut de isto Juvene dormiente putat) quam eorum, qui per infirmitatem peccant (ut de Tabitha supponit).*

XI. Troade igitur die Lunæ 17. Aprilis anni 58. profectus Paulus pedestri itinere usque Asson perrexit, Lucâ & aliis per mare dimissis. *Sapè (inquit Chrysost. hom. 43.) Paulus à discipulis segregatur. Ecce namque jam ille pedes iter facit, illi verò navis: quod levius erat, illis cedit, quod molestius ille assumit. Pedes ibat, tum ut multa dispensaret, tum ut doceret illos, nè ab eo separarentur.* Asson urbs erat Mysiæ maritima, non multùm Troade distans. Quò cum pervenissent discipuli, assumto Paulo, qui cum eis navem conscendit, venerunt Mitylenem Insulæ Lesbi Metropolim itinere fortè unius diei. In crastinum contra Chium steterunt, sequenti die Samum, & alterâ Miletum pervenerunt. Narrat hoc Lucas c. 20. à v. 13. *Nos autem ascendentes navem navigavimus in Asson, inde suscepturi Paulum: sic enim disposuerat ipse per terram iter facturus: cum autem convenisset nos in Asson, assumto eo, venimus Mitylenem, & inde navigantes sequenti die venimus contra Chium, & alia applicuimus Samum, & sequenti die venimus Miletum.* Deinde assignans causam, cur Paulus itinera ad eò acceleraret, subiungit v. 16. *Proposuerat enim Paulus transnavigare Ephesum, nè qua mora illi sciret in Asia: festinabat enim, si possibile illi esset, ut diem Pentecostes faceret Ierosolymis.*

## §. XVII.

*Pauli itinera Ierosolymam usque:*

I. **V**olebat Paulus præterire Ephesum, quia timebat, ne ibi cogeretur moram trahere, & sic impediri, ne, ut proposuerat, adesset Ierosolymis in festo Pentecostes: nolebat tamen suo Apostolico ministerio deesse. Quare, ut ait Lucas v. 17. *A Mileto mittens Ephesum vocavit majores natu Ecclesiæ. Qui cum venissent ad eum, & simul essent, prolixa oratione eos affatus est, quam quisque apud Lucam legere poterit.* In ea primò summâ humilitate ac moderatione exposuit, quid pro illis egisset: deinde eis nuntiat, se Ierosolymam pergere, & quid in ea sibi even-



eventurum sit ignorare, nisi quod spiritus per omnes Civitates sibi protestatur, vincula & carceres Jerosolymis eum manere; nihil tamen horum se vereri, dummodò consummet cursum suum, & ministerium verbi, quod accepit à Domino Jesu; addendo, se scire, quòd non ampliùs visuri essent faciem suam. Propterea tertio eos hortatur, ut attendant sibi, & universo Gregi, cui regendo à Spiritu Sancto sunt præpositi, quia ipse scit, quòd post discessionem suam intrabunt viri loquentes perversa, & Populum à recta Fide seducentes, & hi ex ipsius exurgent: tandemque promittit, se in Orationibus suis memorem fore ipsorum, sicut per triennium, quo cum illis mansit, nocte ac die facere non cessavit. Et protestatus se nihil ab eis quæsisse, nisi eorum salutem, orationem clausit. Undè v. 36. *Et cum hæc dixisset, positis genibus suis oravit cum omnibus illis. Magnus autem fletus factus est omnium: & procumbentes super collum Pauli, osculabantur eum: dolentes maximè in verbo, quod dixerat, quoniam ampliùs faciem ejus non essent visuri, & deducebant eum ad navem.*

II. Considerans hæc Chrysostomus hom. 45. in Acta. Hoc, inquit, illorum erga ipsum affectum ostendebat. Procumbebant autem in collum, utpote qui postremos amplexus darent, & multam ex concione dilectionem haurissent, & amicitiam. Nam si nos cum vulgò discedimus, ingemiscimus, etsi sciamus, nos iterùm conventuros, quomodò illi non sine doloris affectu à Paulo avulsi fuissent? Ego Paulum quoque flevisse puto. Censent, maximè ex Recentioribus non pauci, quòd Paulus quando Ephesiis dixit *Ecce scio quòd ampliùs non videbitis faciem meam*, non fuerit locutus spiritu prophetico, sed humano. Cùm enim spiritus ei revelasset vincula carceres, & alia quæ passurus erat Jerosolymis, existimavit, se ibi tradendum morti, quod utique evenisset, nisi Deus aliter disposuisset. Sed cùm hoc nondum fuisset Paulo revelatum, ex proprio existimabat, se ampliùs Ephesios non visurum. Cæterùm cùm postea saltem animum habuisset redeundi in Orientem Romæ, colligere se putant ex ejus Epistolis Romæ datis, Philipp. 1. v. 26. 2. v. 24. *Veniam ad vos citò: Ad Philemonem v. 22. (qui creditur habitasse Ephesi, seu Colossis:)* *Para mihi hospitium: nam spero per orationes vestras donari me vobis:* & ex Epist. ad Hebræos, quam Romæ, vel saltem in Italia scriptam autumant, c. 13. v. 23. *Cognoscite fratrem nostrum Timotheum dimissum: cum quo (si celeritùs venerit) videbo vos.* De factò autem hoc suum propositum implevisse arguunt, quia (licet contrarium sentiat Baronius) postea reliquit Ephesi Episcopum Timotheum, & Cre-

& Cretæ Titum , & Bercæ Onesimum . Sed de hoc infra . Credibile ergo est , Paulum incertum quid sibi Jerosolymis eventurum esset , dixisse Ephesiis , quòd faciem suam *fortè* non essent ampliùs visuri .

III. Cùm non plus unâ die Miletì substitisset Paulus , secundùm computum Chrysostomi hom. 45. inter lacrymas & amplexus , Majores natu Ephesi quasi violentiâ quâdam abstractum deduxerunt eum ad navem die 22. Aprilis . Die autem sequenti 23. Aprilis , quæ Dominica fuit , ait S. Lucas c. 21. v. 1. &c. Cùm autem factum esses ut navigaremus abstracti ab eis , recto cursu venimus Coum ( Insulam Arcipelagi ) & sequenti die Rhodum , & inde Pataram ( urbem Lyciæ ) ; & cùm invenissemus navem transfratentem in Phanicem , ascendentes navigavimus . Cùm apparuissemus autem Cypro , relinquentes eam ad sinistram , navigavimus in Syriam , & venimus Tyram : ibi enim navis expositura erat onus . Hoc in itinere , dicit Chrysostomus , quinque dies insumit , & idèò Tyrum pervenit die Dominico 30. Aprilis , idest vigesimo sexto die post discessum Philippis .

IV. Pergit S. Lucas v. 4. &c. Inventis autem discipulis , mansimus ibi ( Tyri ) diebus septem : qui Paulo dicebant per spiritum , ne ascenderet Jerosolymam . Et expletis diebus profecti ibamus , deudentibus nos omnibus cum uxoribus & filiis usque foras Cæsaream : & positis genibus in litore oravimus . Et cùm valescissimus invicem , ascendimus navem : illi autem redierunt in sua . Nos verò navigatione expletâ à Tyro descendimus Ptolemaidam ; & salutatis fratribus , mansimus die unâ apud illos . Ex quibus conjicitur , quòd Tyro discesserit die 7. Maii , die pariter Dominico ; quòd eâdem die Ptolemaidam pervenerit , cùm paucis horis de uno ad alium locum navigatio perficiatur ; & quòd reliquum ejusdem diei Ptolemaidæ consummans , sequenti nempe 8. Maii Cæsaream transierit , ibique aliquot diebus , ut die 14. Maii Jerosolymis esse posset , moratus sit .

V. Porro quid Paulo Cæsareæ contigerit sequitur v. 8. Aliâ autem die ( 8. Maii ) profecti venimus Cæsaream . Et intrantes domum Philippi Evangelistæ , qui erat unus de septem , mansimus apud eum . Huic autem erant quatuor filie virgines prophetantes . ( Ipsæ , ait Chrysostomus , nihil prædicunt Paulo , sed solum Agabus . ) Sequitur enim : Et cùm moraremur per dies aliquot , supervenit quidam à Judæa Propheta , nomine Agabus , ( qui olim ut supra famem prædixerat ) . Is cùm venisset ad nos , tulit zonam Pauli , & alligans sibi pedes & manus , dixit : Hæc dicit Spiritus Sanctus : Virum , cujus est zona hæc , sic alligabunt in Jerusaleme

*Judai, & tradent in manus Gentium. Quod cùm audissemus, rogabamus nos, & qui loci illius erant, ne ascenderet Jerosolymam. Tunc respondit Paulus, & dixit: Quid facitis stentes & affligentes cor meum? Ego enim non solùm alligari sed & mori in Jerusalelem paratus sum propter nomen Domini Jesu. Et cùm ei suadere non possemus, quiescimus, dicentes: Domini voluntas fiat. Post dies autem istos preparati ascendebarum in Jerusalem.*

VI. Intrepida sanè Pauli constantia! De malo sibi imminente non dolet, dolet solùm de lacrymis discipulorum; undè Chrysost. hom. 45. *Super vobis, inquit, ploro, non super passionibus meis; pro illis etiam mori volo.* Et infra. *Vide illum, quando spiritus non prohibebat, obsequentem. Dicebant, ne des te in Theatrum, & non dedit. Sæpè illum educebant, & morem gessit. Per fenestram iterum effugit. Et nunc, ut ita dicam, innumeris rogantibus, & Tyri, & Casarea stentibus, & innumera gravia prædicantibus, non cedit, quamvis non modò gravia prædicerent, sed etiam per spiritum prædicerent. Si ergo spiritus iussit, cur contradicebant? Quia nesciebant spiritus scopum. Alioquin verò adhortationem illam per spiritum non faciebant. Sed Paulo Spiritus revelaverat, quæ eventura erant, ut ex eorum prænotione confirmato magis esset animo, ait Cyrillus Jerosolym. Cateches. 16.*

VII. Narrationem hanc itineris Pauli Jerosolymam enumeratione, quam facit Chrysost. citato loco, placet concludere. Dicit ergo: *Post Azyma in Troadem venerunt diebus quinque: deinde ibi dies septem, suntque dies duodecim. Deinde in Assum, Myrilenem, contra Chium in Trogylium, in Samum, Miletum. Dies omnes sunt octodecim. Postea in Conum, in Rhodum, Pataram, sunt viginti & una dies. Deinde isthinc per dies quinque Tyrum, usque sunt dies viginti sex. Ibi postea septem dies, sunt dies triginta tres: hinc Ptolemaidem unâ die, sunt dies triginta quatuor. Deinde Casarea manet pluribus, quàm alibi diebus. Et tunc demum inde illos adducit Propheta. Sic completur dies Pentecostes, & ibi illam peragit. Quâ exactâ dierum enumeratione apertè colligitur, Paulum potuisse die Pentecostes Jerosolymis adesse, quæ eo anno die Dominico 14. Maii probabiliter contigit.*



## §. XVIII.

*Adventus Pauli Hierosolymam, & quid ei ibi acciderit.*

I. **R** Eliſſâ Cæſareâ comitantibus multis venit Paulus Jerosolymam. Ita c. 21. v. 16. *Venerunt autem & ex discipulis à Cæſareâ nobiscum, adducentes ſicum, apud quem hospitemur Mnasonem quemdam Cyprium antiquum discipulum.* Mnason iste ex Judæis oriundus ab ipso Jesu Fidem hauſiſſe, atque ab ipſo inter 70. Discipulos annumeratus creditur. In Catalogo tamen 70. Discipulorum S. Hippolyto tributo, *Mnaſo* non legitur, ſed *Jaſon*, apud quem S. Paulus Theſſalonicæ divertit: ſed iſte à Mnafone diverſus exiſtimatur. Ut ut tamen ſit, S. Lucas Mnasonem vocat antiquum discipulum.

Pergit S. Lucas c. 17. *Et cùm veniſſemus Jerosolymam, libenter exceperunt nos Fratres. Sequenti autem die introibat Paulus nobiscum ad Jacobum, omneſque collecti ſunt Seniores.* Quos cùm ſalutaſſet, narrabat per ſingula, quæ Deus ſeciſſet in Gentibus per miniſterium ipſius. At illi cùm audirent, magnificabant Deum. Erat Jacobus frater Domini, & Episcopos Jerosolymorum; ad hunc Paulus ab omni ſactu alienus, ceu ad illius Urbis Præſulem ſeſe primò præſentat: ad hunc cum Paulo convenerunt Seniores; apud iſtos unâ cum Jacobo collectos exponit Paulus ſingula, quæ Deus per ſuum miniſterium ſecerat in Gentibus, quæ audientes glorificabant Deum.

II. Quia ſciebant, Judæos, qui multi Jerosolymis erant, malè de Paulo ſentire, tanquam de Legis Moſaicæ contemptore; ut hanc calumnioſam ſuſpicionem à ſe depelleret, eam hortati ſunt, ut aliquo actu Legis obſervantiam, & præcipuè Nazaræatus, publicè profiteretur: *Dixeruntque ei: Vides, frater, quos millia ſunt in Judæis, qui crediderunt, & omnes amulatores ſunt Legis. Audierunt autem de te, quia diſceſſionem doceas à Moyſe eorum, qui per Gentes ſunt, Judæorum dicent, non debere eos circumcidere filios ſuos, neque ſecundùm conſuetudinem ingredi. Quid ergo eſt? utique oportet convenire multitudinem, audient enim te ſuper-veniſſe. Hoc ergo fac, quod tibi dicimus: ſunt nobis viri quatuor, eorum habentes ſuper ſe. Hiſ aſſumtis ſanctifica te cum illis, & impende in illis, ut radant capita; & ſciant omnes, quia quæ de te audierunt, falſa ſunt, ſed ambulas & ipſe cuſtodiens Legem. De his autem, qui crediderunt ex Gentibus, nos ſcripſimus, judicantes, ut abſtineant ſe ab idolis, immolato, & janguine, & ſuffocato, &*

*fornicatione.* Hoc dicebant, ait Chrysost. homil. 46. *Quasi consilium dantes, non quasi imperantes.* Et hoc, ut tolleret præventionem, quâ imbuti Judæi, qui Christi fidem susceperant, malè de ipso sentiebant. Cæremonia hæc in hoc sita erat, ut quis quatuor viris Nazaræatus voto adstrictis sese conjungeret, & in eorum tonsuræ cæremonias & oblationes pecuniam, vel totam, vel partem impenderet; ita enim fiebat, ut alterius meriti partem consequeretur. Qui autem Nazaræatus alterius particeps fieri volebat, Templum adibat (ait Maimonides in num. 6.) & sic dicebat Sacerdoti: Tali tempore suum Nazaræatum N. absolvit: ego vel partem, vel totum impendam in sumtus, qui in ejus tonsura exiguntur. Hoc actu Religionem Judaicam expressè profitebatur. Undè Josephus l. 19. Antiquit. c. 5. ostendit, Herodem Agrippam Religionem Judæum esse, quia *multos Nazaraeos condere mandavit.*

III. Paulus ergo, qui, ut supra dixi §. 13. & habetur Act. 18. v. 18. spontè tale Votum in tenebris miserat, sine mora eorum consilio acquievit. Quare v. 26. dicitur: *Tunc Paulus assumptis viris, postera die purificatus cum illis intravit in Templum, annuntians expletionem dierum purificationis, donec offerretur pro unoquoque eorum oblatio.* Censent aliqui, & ipsum per septem dies votum Nazaræatus emisisse. Imò S. Hieronymus in c. 2. ad Galat. putat, Paulum, qui in Cenchris caput sibi totonderat, factò calvitio, hic pro se etiam oblationem fecisse. Sed ad neutrum horum asserendum S. Lucas nos cogit.

IV. Hoc tamen cogitatum præservando à furore judaizantium Paulo nihil profuit; sequitur enim v. 27. *Dum autem septem dies consummarentur, hi, qui de Asia erant Judæi, cum vidissent eum in Templo, concitaverunt omnem Populum, & iniecerunt ei manus clamantes: Viri Israelitæ, adjuvate: hic est homo, qui adversus Populum & Legem, & locum hunc, omnes ubique docens, insuper & Gentiles induxit in Templum, & violavit locum sanctum istum. Viderant enim Trophimum Ephesium in Civitate cum ipso, quem astimaverunt, quoniam in Templum introduxisset Paulus. Commotaque est Civitas tota, et facta est concursio Populi: & apprehendentes Paulum traxerunt eum extra Templum, et statim clausæ sunt januæ. Odium istorum in Paulum ex eo procedebat (inquit Augustinus Epist. 19., modò 82. ad Hieron. c. 2.) Ipsum enim seuserant vehementissimum Gratia Prædicatorem, et intentioni eorum maximè adversum, docentem non per illa hominem justificari, sed per gratiam Jesu Christi.... Et ideo illi invidiam et persecutionem molientes concitare, tanquam inimicum legis, mandatorumque*

*Divinorum criminabantur, ac si omnia, quæ Legi sunt, repro-  
baret; & propterea ad hanc calumniam declinandam in Tem-  
plum Nazarethus votum impleturus ingressus est: sed inaniter:  
nam furore obcæcati, putantes fortè hanc esse simulationem,  
maximè videntes Trophimum Gentilem cum eo ingressum in  
Templum, magis exarserunt, putantes Paulum illuc eum intro-  
duxisse.*

V. Iste autem Trophimus erat discipulus Pauli, & Epheso-  
oriundus, qui ex Idolorum superstitione fuerat ad fidem Christi  
operâ ejusdem Apostoli conversus: & factus indivisus ejus co-  
mes in itinere, Jerosolymam cum secutus fuerat. Cum ergo Ju-  
dæi scirent, eum ex Gentilibus satum esse, videntes eum cum  
Paulo in Templo, rati ab eo fuisse introductum, in Paulum  
tanquam Templi profanatorem irruerunt. Ferunt, Trophimum  
Apostolum Romam traductum non deferuisse, ac deinde eun-  
dem in libertatem redactum anno 63. in Hispaniam primùm,  
deinde in Gallias comitatum fuisse, ac ab Apostolo Arelate  
Episcopum constitutum. Sed hoc ultimum non satis firmo ni-  
titur fundamento. Cum enim anno 67.2. ad Timotheum c.4.v.20.  
scribat Paulus, se Trophimum infirmum reliquisse Mileti,  
oporteret, quodd post annum relicta Ecclesiâ in Asiam transiis-  
set; quod non est credibile. Martyrologium tamen Romanum  
ad diem 29. Decembris eum talem fatetur his verbis: *Arelate  
Natalis S. Trophimi, cujus meminit S. Paulus ad Timotheum scri-  
bens, qui ab eodem Apostolo Episcopus ordinatus præfatus Urbi pri-  
mus ad Christi Evangelium prædicandum directus est: ex cujus præ-  
dicationis fonte, ut Sanctus Zosimus Papa scribit, tota Gallia Fidei  
vivulos accepit.* Græci autem eum colunt die 15. Aprilis: qui  
addunt, eum post mortem Pauli, jussu Neronis, Martyrio Ro-  
mæ coronatum fuisse.

VI. Nunc ad Paulum redeamus: Tractum extra Templum,  
& clausis januis furentes Judæi quærebant eum occidere, sed  
non permisit Deus: sequitur enim v.31. *Quærensibus autem eum  
occidere, nuntiatur est Tribuno Cohortis: quia tota confunditur  
Jerusalem. Qui statim assumtis militibus & Centurionibus decur-  
rit ad illos. Qui cum vidissent Tribunum et milites, cessaverunt  
percutere Paulum.* Tribunus iste vocabatur Claudius Lyfias (de  
quo infra Act. 23. v.26.) qui Cohortem præsidariam Jerusalem  
regebat. Hic ereptum Paulum è manibus eorum, nesciens cau-  
sam tumultus in eum excitati, putans fortè esse aliquem sedu-  
ctorem, alligari jussit. Cap. 21. v.33. *Tunc accedens Tribunus  
apprehendit eum, & jussit eum ligari catenis duabus: et interroga-*  
but

bat, quis esset, & quid fecisset. Alii autem aliud clamabant in Turba. Et cum non posset certum cognoscere præ tumultu, iussit duci eum in Castra. Et cum venisset ad gradus, contigit, ut portaretur à militibus propter vim Populi. Sequebatur enim multitudo Populi clamans: Tolle eum. Hic Chrysost. hom. 46. Quid est, inquit, „Tolle eum“, Mos erat Judæis contra eos, quos damnarent, ita loqui, ut & contra Christum fecerunt dicentes „Tolle illum“, hoc est, de numero viventium dele.

VII. Et cum cepisset (v. 37.) induci in Castra Paulus, dicit Tribuno: Si licet mihi loqui aliquid ad te? Hic modestiam & humilitatem Pauli admiratur Chrysostomus: priusquam loquatur, loquendi licentiam petit: Qui (Tribunus) dixit: Gracè nosti? Nonne tu es Ægyptius, qui ante hos dies tumultum concitasti, & eduxisti in desertum quatuor millia virorum Sicariorum? Quis autem fuerit iste vir Ægyptius, narrat Josephus lib. 20. Antiquit. c. 6., & L. 2. de bello Judaico c. 2., Ægyptius iste (nativitate & religione proculdubio Judæus) fingens se Prophetam, adveniens in Provinciam (Judæa) Magus cum esset, triginta fere millia hominum (inter quos S. Lucas numerat quatuor millia Sicariorum) vanâ seductione deceperat. Et circumducens eos de solitudine in Montem, qui vocatur Olivarum, promissit eis, illinc se viros suos iussu cadere Hierosolymorum moenia, & per eorum ruinas patefacto in Civitatem aditu, eam à Romanorum tyrannide liberaturos. Hoc cognito Felix Judææ Præfex stipatus multis equitibus ac peditibus erumpens invasit Turbam ab Ægyptio seductam, & Judæorum etiam multitudine juvante, eorum quadringentis occisis, ducentos vivos cepit, reliquis dispersis; inter quos Ægyptius ipse pugna elapsus disparuit. Hunc ergo Paulum esse, Lyllas Tribunus existimavit, dum ei dixit Nonne es Ægyptius?

VIII. Verum (v. 39.) Dixit ad eum Paulus: Ego homo sum quidem Judæus à Tarso Cilicia non ignota Civitatis municeps. Rogo autem te: permitte mihi loqui ad Populum. Et cum ille permisisset, Paulus stans in gradibus, annuit manu ad Plebem, & magno silentio facto allocutus est lingua Hebræa, idest Hebreo-Syriaca, tunc apud Palæstinos vulgari. Hanc Pauli concionem ad Populum per extensum refert Lucas c. 22. à v. 1. In ejus exordio quam leni ac miti animo esset ostendit, dum eos, qui eum quærebant ad mortem, sic alloquitur tanquam amicos, imò tanquam fratres, & patres: Viri fratres, & patres, inquit, audite. Eorum quæ dicturus est ipsos testes appellat. Se ipse virum Judæum in Tarso natum, in Jerusalem nutritum, educatum ad pedes Gam-

malielis, ac in Lege eruditum, nec non æmulatorem Legis, sicut & ipsos, adeò ut, quod ipse Princeps Sacerdotum testificari poterat, persecutus fuerit usque ad mortem eos, qui à Lege desciscerent. Dum hanc necem executurus Damasco appropinquaret, subitâ luce perfusum, ac in terram prostratum audivisse de Cælo vocem dicentem sibi: *Sanle, Sanle, quid me persequeris?* & petenti, *quis es Domine?* responsum fuisse: *Ego sum Jesus Nazarenus, quem tu persequeris;* atque iterum postulanti *quid faciam Domine?* ei imperasse, ut iret Damascum, ubi diceretur ei, quid eum deberet facere. Cùmque ad manus deductus, erat enim nimîa luce factus cæcus, Damascum accessisset, venisse ad eum Ananiam, à quo baptizatus lumen recuperavit. Cùmque subinde reversus in Jerusalem oraret in Templo, in stupore mentis sibi dictum fuisse, ut velociter exiret à Jerusalem, & iret ad Gentes: *Vade, quoniam ego in Nationes longè mittam te.*

IX. Hucusque Paulum pacato animo Populus audivit. Sed cùm hæc postrema verba de missione ejus ad Nationes seu Gentes audissent c. 22. v. 22. *Levaverunt vocem suam dicentes: Tolle de terra hujusmodi; non enim fas est eum vivere. Vociferantibus autem eis, & propicientibus vestimenta sua, & pulverem jactantibus in aerem, jussit Tribunus induci eum in Castra, & flagellari cadi, & torqueri eum, ut sciret propter quam causam sic acclamarent ei.* Vide superbam Judæorum invidiam. Sibi ipsi solis datum fuisse Christum contendunt, nec quamvis dicat Paulus, se ad Gentes missum à Deo, acquiescere volunt; sed magis furunt. Vide etiam, inquit Chrysostomus hom. 48. in Acta) quàm temerè agit Tribunus: *Cùm oportuisset, ut examinaret, au res ita se haberet, illosque ipsos interrogaret; is nihil horum faciens jubet illum flagellis cadi. . . . Atqui ab illis ediscendum erat, qui acclamabant, & interrogandum, num aliquid ex ejus dictis inculpandum haberent. Verùm ille temerè potestate suâ utitur, & illorum gratiam captas: Non enim curabat, ut justè ageret, sed ut illorum injustum furorem placaret.*

X. Jam parata erant Paulo flagella; sequitur enim v. 25. *Et cùm adstrinxissent eum loris, dixit adstanti sibi Centurioni Paulus: Si hominem Romanum & indemnatum licet vobis flagellare? Quo audito Centurio accessit ad Tribunal, & nuntiavit ei dicens: Quid acturus es? Hic enim homo Civis Romanus est. Duo crimina objicit Paulus, & quòd non liceret Civem Romanum flagellare, & quòd inauditum. Centurio tamen omisso secundo, quamvis ordinem justitiæ vulneret, solum primum, quia violans pri-*



privilegia Imperatorum, detulit ad Tribunal *Accedens autem Tribunus dixit illi. Paulo) Dic mihi, si tu Romanus es?* At ille dixit: *Etiam.* Et respondit Tribunus: *Ego multā summā Civilitatem hanc consecutus sum.* Et Paulus ait: *Ego autem & natus sum.* Quasi diceret (inquit Beda in c. 22. Act.) *In hoc ego plūs te Romanus sum, quod non alibi natus Romanum nomen emi, sed ipsorum sum Civitate progenitus.* Tarsenses enim, ut dixi, prærogativā Civis Romani potiebantur, & Paulus secundū Chrysoſt. ex Patre Romano erat. Protinūs ergo disceſſerunt ab illo, qui eum torturi erant. Tribunus quoque timuit, postquam reſcivit, quia Civis Romanus eſſet, & quia alligasset eum. Ex quo volunt aliqui, eum statim etiam à vinculis solviſſe, quia æquē indignum erat Civem Romanum catenis vincire. Sed ex modo loquendi Lucæ non videtur, nisi die ſequenti, fuiſſe solutus: ſequitur enim v. 30. *Posteriā autem die volens ſcire diligentius, qua ex cauſa accuſaretur à Judeis, solvit eum, & juſſit, Sacerdotes convenire & omne Concilium, & producere Paulum, statuit inter illos.*

XI. Cū ergo conveniſſent cap. 23. v. 1. *Intendens in Concilium Paulus ait, Viri fratres, ego omni conſcientiā bonā converſatus ſum ante Deum uſque in hodiernum diem. Princeps autem Sacerdotum Ananias (ac ſi protuliſſet blaſphemiam) præcepit aſtantiſ ſibi percutere os ejus. Conſiderat Chryſoſt. hom. 48. hinc moderationem Pauli, hinc Sacerdotis furorem. Quid enim Paulus dicit? *Non mihi conſcius ſum, quod vos laſerim, vel quid his vinculis dignum fecerim.* Quid ergo Princeps Sacerdotum? Cū oportuiſſet compungi, quod in ipſorum gratiam injuſtè ligatus fuiſſet, ille aliud adjicit, & jubet eum verberari. Bonus certè & mitis Princeps Sacerdotum. Sequitur autem v. 3. *Tunc Paulus dixit ad eum: Percutiet te Deus, paries dealbate.* Et tu ſedens judicas me ſecundū Legem, & contra Legem jubet me percuti? Et qui adſtabant dixerunt: *Summum Sacerdotem Dei maledicis?* Dixit autem Paulus: *Nesciebam Fratres, quia Princeps eſt Sacerdotum: ſcriptum eſt enim: Principem Populi tui non maledices.**

XII. Difficultatem ingerit hoc Pauli reſponſum Summo Pontifici. Qui enim in una maxilla percuiſus debuerat præbere alteram juxta Chriſti monitum Matth. 5. v. 39., & Lucæ 6. v. 29. qui etiam 1. Cor. 4. v. 12. ſcripſerat *maledicimur, & benedicimus, cur hic percutienti inſultat, & maledicit?*

Hanc difficultatem tollit S. Auguſtinus L. de Mendacio c. 15. dicens, Paulum præbuiſſe percutienti alteram maxillam, eiſque benedixiſſe corde, eſſō ore ejus injuſtitiam reprehenderit; cum quo ſtat, quod patienter ſuſtinuerit. *Exemplum, inquit,*

pa-

patientie nullum, quàm ipsius Domini potentius & excellentius invenimus: at ipse cùm alapa percussus esset, non ait: Ecce altera maxilla, sed ait „Si malè dixi, exprobra de malo: si autem bonè, quid me cædis? „Ubi ostendit, illam præparationem in corde faciendam. Quod etiam Apostolus Paulus utique noverat: nam & ipse cùm esset alapa percussus ante Pontificem, non ait: Percute maxillam alteram, sed „Percutiet te Dominus, inquit, paries dealbate: & tu sedes judicare me secundum Legem, & contra Legem jubes me percuti? „altissimè intuens Sacerdotium Judæorum jam tale factum fuisse, ut nomius forissecus niteret, intrinsecus autem luteis concupiscentiis sorderet: quod transitarum esse vindictâ Domini videbat in spiritu, cùm ille diceret: sed cor paratum habebat, non solum ad alias alapas accipiendas, sed etiam qualibet tormenta pro veritate patienda, cum eorum dilectione, à quibus illa patiretur.

Idem docet L. 1. de serm. Domini in Monte c. 19., ubi ostendens, Paulum patientiâ & clementiâ suâ corrigere voluisse eos, à quibus patiebatur, ait: Nam & Pontificis jussu percussus, quod contumeliosè visus est dicere, cùm ait „Percutiet te Deus, paries dealbate, minis intelligentibus convitiâ sonat; intelligentibus verò prophetia est. Paries quippe dealbatus hyprocrisis est, idest simulatio Sacerdotalem præferens dignitatem, & sub hoc nomine tanquam candido tegmine interiorum quasi luteam turpitudinem occultans. Nam quod humilitatis fuit, mirabiliter custodiit, cùm ei diceretur, Principi Sacerdotum maledicis respondit: Nescivi, Fratres, quia Princeps est Sacerdotum... Ubi ostendit quantâ tranquillitate illud dixisset, quod iratus dixisse videbatur, quod tam citò tam mansuetè respondit, quod ab indignantibus & perturbatis fieri non potest. Et in eo ipso intelligentibus verum dixit, nescivi, quia Princeps est Sacerdotum: tanquam si diceret: Ego alium scivi Principem Sacerdotum, pro cuius nomine ista sustineo, cui maledicero fas non est, & cui vos maledicistis, cùm in me nihil aliud quàm ejus odistis nomen. Hæc & alia peracutè Augustinus ibi.

XIII. Hoc idem exponens Beda in Acta c. 23. ait: Non perturbatione animi commotus hoc dixit, sed utique prophetando locutus est: quia figurale illud Pontificium, quod erat in parietis dealbati similitudine, percipiendum esset ac destruendum, cùm jam verum Sacerdotium Christi, Apostolis Evangelium prædicantibus, advenisset. Et inde est quod ait „Percutiet te Deus, non dixit: Percutiat. Indicativo utique modo hoc ipsum futurum significans, non optativo maledicens. Quod tranquillo enim animo hæc diceret, sequenti responsione manifestat, dicens „Nesciebam, Fratres, quia

Prio-

Princeps est Sacerdotum. *Nam etsi hunc verè noverat in novo Testamento Principem non esse Sacerdotum, tamen erudiens alios, atque erga eos, qui in potestate sunt, modestius conversari monens, ipse quoque hic voluit temperare.* Ita Beda.

XIV. Quæri solet primò. An Paulus reverà sciverit, illum, cujus jussu percutiebatur, esse Principem Sacerdotum. Volunt aliqui, Paulum reverà scivisse, Ananiam tunc esse Principem Sacerdotum: qui enim Jerosolymis fuerat nutritus, educatus, & in Lege eruditus, ignorare non poterat, Caput illius Religionis, maximè quia ipsa dignitas semetipsam manifestabat; dixisse autem se nescire spiritu prophetico, quia Sacerdotium illud jam umbratile evaserat, ut dictum est. Alii verò cum Chrysostomo hom. 48. volunt, Paulum reverà ignorasse Ananiam tunc esse Principem Sacerdotum, quia cum ibi cum solemnitate non interesset, sed aliis de Concilio permixtus esset, dum percuteretur, à quo percuteretur in ea turbatione advertere non potuit: Et cum à viginti quatuor annis Jerosolymis abfuisset, facile erat, quòd Ananiam facie non cognosceret, & quòd tunc Princeps Sacerdotum esset.

XV. Quæri solet secundò. Quis fuerit iste Ananias. De hoc Josephus L. 20. Antiquitat. c. 3., fuisse Nebedæi filium, qui privato per Herodem Regem Chalcidis Josepho Camydæ filio, ei in Pontificatu successus fuit. Deinde cap. 5. propter dissidium ortum inter Judæos & Samaritanos, à Quadrato Præfecto Auanias Summus Pontifex & Ananus Dux Romam vincti missi fuere, ut apud Claudium Cæsarem facti sui rationem redderent. Sed Ananias mox absolutus regressus est. Hujus Ananiæ, utpotè ditissimi ac munificentissimi, valdè studiosi erant Judæi. Prædonum tamen ministerio etiam post abdicatum Pontificatum decimas Sacerdotales sibi usurpabat, quæ impunè sicut & alia faciebat ob gratiam Albini Præfecti Judææ, quem largis muneribus sibi comparaverat. Tandem ut refert Josephus L. 2. de bello Judaico c. 18., post rebellionem Judæorum contra Romanos Duce filio ejus Eleazaro, *Pontifex Ananias circa Euripos Regia Domus latens capitur, & à Latronibus interficitur cum Ezechia fratre.* Quibus impleta fuit Pauli prædictio: *Percutiet te Deus:* quod contigit anno Christi 66.: sed ad Paulum redeamus.

XVI. Interea animadvertens Paulus, ex iis qui Concilio adstant, alios Phariseos esse, alios Sadduceos, elatà voce exclamavit, se quòd Phariseorum Sectam profiteretur in judicium delatum fuisse. Ita Lucas cap. 23. v. 6. *Sciens autem Paulus, quia una pars esset Sadduceorum, & altera Phariseorum, exclama-*

*vit*

uit in Concilio: Viri fratres, ego Phariseus sum, filius Phariseorum; de spe & resurrectione Mortuorum ego iudico. Et cum hæc dixisset, facta est dissensio inter Phariseos & Sadduceos, & soluta est multitudo. Sadducei enim dicunt, non esse Resurrectionem, neque Angelum, neque Spiritum: Pharisei autem utraque confitentur. Factus est autem clamor magnus. Et surgentes quidam Phariseorum pugnabant dicentes: Nihil mali invenimus in homine isto. Quid si Spiritus locutus est ei, aut Angelus? Et cum magna dissensio facta esset, timens Tribunus, ne discerneretur Paulus ab ipsis, iussit milites descendere, & rapere eum de medio eorum, ac deducere eum in castra. Hic permisit Deus, ut Paulus humano modo, à gravioribus, quæ illi imminebant, periculis se extricaret. Tres veritates palam confessus est, quas aliqui fatebantur, alii negabant, ideoque eo relicto inter se digladiari cœperunt. Ne tamen in hoc tumultu Paulum ceu illius auctorem Sadducei dilaniarent, illum Tribunus ab eorum manibus in castra deducere cogitavit. *Timet Tribunus* (inquit Chrysost. hom. 49.) *ne discerpatur, quia dixerat, se Romanum esse*, ac ne illi in crimen verteretur, quod Romanum Civem non defendisset, sed furori Populi permisisset. Tum etiam quia fortè jam noverat testimonio Phariseorum, cum nihil dignum morte fecisset. Porro Dominus, qui in gravioribus periculis præstò adest Servis suis, Paulo non defuit: nam v. 11. *Sequenti nocte affluens ei Dominus, ait: Constans esto: sicut enim testificatus es de me in Jerusalem, sic te oportet & Romæ testificari.*

Ita de Paulo disposuerat Deus, ut de ipso testificaretur Romæ, sicut fuerat testificatus in Jerusalem. Sed aliter disponebant insana consilia hominum, ut statim dicam.

## §. XIX.

*Paulus mittitur Cæsaream, & quid ibi ei contigerit.*

**I.** Ecce nova in Paulum conjuratio v. 12. *Facta autem die collegerunt se quidam ex sacerdotibus, & devoverunt se dicentes, neque manducaturos, neque bibituros, donec occiderent Paulum. Erant autem plus, quam quadraginta viri, qui hanc conjurationem fecerant. Qui accesserunt ad Principes Sacerdotum, & Seniores, & dixerunt: Devotione devovimus nos nihil gustaturos, donec occidamus Paulum. Nunc ergo vos notum facite Tribuno cum Concilio, ut producat illum ad vos, tanquam aliquid certius cognituri de eo. Nos verò priusquam appropiet, parati sumus interficere illum.* Oh

VO-

votum! Oh jejunium sacrilegum! *Perpende*, inquit Chrysoſt. hom. 49. quomodo illi neceſſitatem quamdam ſibi impoſuerunt, cum ſeſe devoverunt. Ecce jejunium homicidii mater. Sicut Herodes per juramentum neceſſitatem ſibi impoſuit: ſic & iſti. Tales enim ſunt Diaboli venandi artes, pietatis nimirum ſpecie laqueos tendit . . . Et vide nequitiam ingentem: non ſatis habent, quod ſeſe mutuo corrumpant, ſed etiam Principem unum corrumpere ſatagunt.

II. Hæc tamen machimenta diſſipavit Deus; nam v. 16. Cùm auდიſſet filius Sororis Pauli inſidias, venit & intravit in caſtra, nuntiavitque Paulo. Vocauit autem Paulus ad ſe unum ex Centurionibus, ait: Adoleſcentem hunc perduc ad Tribunal, habet enim aliquid indicare illi. Ubi Chryſoſt. Vide, inquit: etiam poſtquam apparuit ei, iterum permittit eum humano more ſervari. Et jure Paulum admiremur, quomodo non turbatus fuerit, neque dixerit: Quid hoc eſt? Num deceptus ſum à Chriſto? Sed nihil hujusmodi cogitavit, vel accidit ei; ſed ſolam credidit: neque tamen quia credidit dormitavit; ſed quæ humanam ſapientiam provideri poterant, non prætermittit. Idcirco adoleſcentem mittit ad Tribunal per Centurionem v. 8. Et ille quidem aſſumens eum duxit ad Tribunal, & ait: Vincit Paulus rogavit me hunc adoleſcentem perducere ad te habentem aliquid loqui tibi.

Apprehendens autem Tribuus manum illius, ſeceſſit cum eo ſecurum, & interrogavit illum: Quid eſt, quod habes indicare mihi? Ille autem dixit: Judæis conve-nit rogare te, ut craſtinam die producas Paulum in Concilium, quaſi aliquid certi inſiſturi ſint de illo. Tu verò ne credideris illis, inſidiantur enim ei viri ampliùs quàm quadraginta, qui ſe devoverunt non manducare, neque bibere, donec interficiant eum: & nunc parati ſunt, expectantes promiſſum tuum. Tribuus igitur dimiſit adoleſcentem, præcipiens ei, ne cui loqueretur, quoniam hæc nota ſibi feciſſet.

III. Hujus adoleſcentis ex Sorore Pauli nepotis nomen reperire non licuit. Hoc certum, Deum fuiſſe uſum iſtius miniſterio ad præſervandum ab inevitabili nece Apoſtolum, & operam Tribuni; ut ex iis, quæ acciderant, ejus dicto præſtaret fidem, & incolumitati Pauli ſtatim manum apponeret: Sequitur enim v. 23. Et vocatis duobus Centurionibus, dixit illis: Parate milites ducentos, ut eant uſque Cæſaræam, & equites ſeptuaginta, & lancearios ducentos a tertia hora noctis, & jumenta præparate, ut impoſponent Paulum ſalvum perducant ad Felicem Præſidem. ( Timuit enim, ne fortè raperent eum Judæi, & occiderent; & ipſe poſtea calumniam ſuſtineret, tanquam accepturus pecuniam ) ſcribens Epiſtolam continuentem hæc.

*Claudius Lysias optimo Præsidi Felici salutem.*

*Virum hunc comprehensum à Judæis, & incipientem interfici ab eis, superveniens cum exercitu eripui, cognito, quia Romanus est. Voleusque scire causam, quam objiciebant illi, deduxi eum in Concilium eorum: quem inveni accusari de questionibus Legis ipsorum, nihil verò dignum morte, aut vinculis habentem criminis. Et cum mihi perlatum esset de insidiis, quas paraverant illi, misi eum ad te, devotians & accusatoribus, ut dicant apud te. Vale.*

IV. Super hæc Chrysostr. hom. 49. *Videm, inquit, quomodo externorum sententiâ innocens erat Paulus, ut & Christus apud Pilatum? Et infra. Vide Epistolam, quâ ipse defenditur. Nihil, inquit, inveni dignum morte, sed potiùs accusationem contra illos, quàm contra hunc. Sic illum occidebant: sed primò, inquit, eripui illam mox interficiendum à Judæis. Deinde addit, deduxi enim ad illos, & neque sic aliquid accusandum habuere: & cum oportuisset illos ex priori conatu deterri, & erubescere, rursus occidere tentant, ut clarior causa evadat. Et cur accusatores mittit? Ut in tribunali, ubi hæc accuratius examinabantur, infons declararetur. Ita Chrysostr.*

V. *Milites ergo (v. 31.) secundum præceptum sibi assumentes Paulum, duxerunt per noctem in Antipatridem. Et postera die dimissis equitibus, ut cum eo irent, reversi sunt ad castra. Qui cum venissent Cesaræam, & tradidissent Epistolam Præsidi, statuerunt ante illum & Paulum. Cùm legisset autem & interrogasset, de qua Provincia esset: & cognosceus, quia de Cilicia: Audiam te, inquit, cùm accusatores tui venerint, iussitque in pratorio Herodis custodiri eum. Ex hæcenus dictis concludi potest, Paulum mansisse Jerosolymis novem diebus, nimirum septem, antequam turbâ factâ ejiceretur de Templo (cap. 21. v. 37.), & duobus postea: rursus novem diebus expletis, post tertiam noctis Jerosolymis educum, die decimâ, seu undecimâ Cesaræam pervenisse: incertum enim est, an spatio noctis & diei sequentis iter Jerosolymis Cesaræam perfici potuerit.*

VI. Probabile est, Judæos ignaros ejus, quod de Paulo factum fuerat, sequenti die accessisse ad Tribunal postulantes ab eo Paulum, ut in eum, quod conjuraverant, impleverit: & valde turbatos fuisse, cùm audierunt, eum ex eorum manibus elapsum, Cesaræam ad Præsidentem traductum fuisse, coram quo accusationes contra ipsum deferre deberent. Tantus tamen & adeo implacabilis exterminandi Paulum furor erat, ut vel Summus Sacerdos ipse cum quibusdam Senioribus Cesaræam adire, ac se coram Felice Præside sistere, decreverint. Sic enim c. 24.

à v. i. legitur : *Post quinque autem dies descendit Princeps Sacerdotum Ananias cum Senioribus quibusdam, & Tertullo quodam Oratore, qui adierunt Præsidentem adversus Paulum; & citato Paulo cepit accusare Tertullus dicens: Cùm in multa pace agamus per te, & multa corrigantur per tuam providentiam, semper & ubique suscipimus, optime Felix, cum omni gratiarum actione. Ne diutius autem te protraham, oro, breviter audias nos pro tua clementia. En callidam Oratoris artem, laudibus Judicem præoccupat, ejus æquitate omnia componi, ac providentiâ corrigi dicens, suamque obedientiam ei spondens; & ut attentio-rem reddat, brevitate in dicendo promittit: Invenimus, inquit, hunc hominem pestiferum & concitantem seditiones omnibus Judæis in universo Orbe, & auctorem Seditionis Sectæ Nazaræorum. Quis etiam Templum violare conatus est, quem & apprehensum volumus secundam Legem nostram judicare. Superveniens autem Tribunus Lyfias cum vi magna eripuit eum de manibus nostris, jubens accusatores ejus ad te venire: à quo poteris ipse judicans de omnibus istis cognoscere, de quibus nos accusamus eum. Adjecerunt autem & Judæi, dicentes hæc ita se habere. His accusat Paulum ceu hominem pestiferum concitantem seditiones, non in una Urbe, sed in universo Orbe, Auctorem Sectæ Nazaræorum (hoc nomine tacite Christianos intelligens) Legis, ac Templi Profanatore. Lyfiam etiam accusat, quod vi eum ab eorum manibus eripiens justum judicium impederit.*

VII. Audiens hæc, solitâ modestiâ simul & fiduciâ ad hæc objecta v. 10. Respondit Paulus (annuente sibi Præside dicere) *ex multis annis (nimirum 8. vel 9.) te esse judicem genti huic sciens, bono animo pro me satisfaciam. Potes enim cognoscere, quia non plus sunt mihi dies, quam duodecim, ex quo ascendi adorare in Jerusalem. Et neque in Templo invenerunt me cum aliquo disputantem, aut concursum facientem Turbâ, neque in Synagogis, neque in Civitate: neque probare possunt tibi, de quibus nunc me accusant. (quibus calumniam seditionis à se avertit.) Confiteor autem hoc tibi, quod secundum Sectam, quam dicunt hæresim, sic deservio Patri & Deo meo, credens omnibus, quæ in Lege & Prophetis scriptæ sunt: spem habens in Deum, quam & bi ipsi expectant Resurrectionem futuram Justorum, & Iniquorum. In hoc & ipse studeo, sine offendiculo conscientiam habere ad Deum & ad homines semper. Post annos autem plures, elemosynas facturus in Gentem meam veni, & oblationes & vota. In quibus invenerunt me purificatum in Templo, non cum Turbâ, neque cum tumultu. Quidam autem ex Assu Judæi, quos oportebat apud te præsidem esse, & accusare, si quid*

*haberent adversum me, aut hi ipsi dicant, si quid invenerunt in me iniquitatis, cum stem in Concilio, nisi de hac solummodo voce, quæ clamavi inter eos stans: Quoniam de resurrectione Mortuorum ego judicor hodie à vobis. Hoc alacri & tranquillo animo suæ innocentiae confusus loquitur coram Præsidente Paulus, simplici narratione eorum, quæ fecit, ab omni criminis accusatione se purgat, & insuper accusatores ipsos nihil contra eos dicens (quamvis innumera dicere potuisset) provocat ad dicendum, si quid contra ea, quæ dixerat, & ultra habeant quid opponant. Hæc est (inquit Chrysostomus hom. 50.) copiosa iustificatio, non fugere ab accusatoribus, sed paratum esse ad reddendam omnibus rationem.*

VIII. At quia Tertullus Orator Lyfiam Tribunum memoraverat dicens, illum vi abduxisse Paulum, propterea subditur v. 22. *Disputavit autem illos Felix, certissime sciens de via hac (id est non opus habens discere, sed ut repelleret Judæos) dicens: Cuius Tribunus Lyfias descendit, audiam vos. Iustitque Centurioni custodire eum, & habere requiem, nec quemquam de suis ministrare ei. Si requiem habere jubet, ergo illum à crimine liberum judicat. Cur ergo (ait Chrysost. hom. 51.) detinet eum? In Judæorum gratiam, vel etiam sperans se pecunias accepturum esse; dixerat enim Paulus, se eleemosynas detulisse; ideòque frequenter eum accersibat, & loquebatur cum eo. Sequitur enim v. 24. Post aliquot autem dies veniens Felix cum Drusilla uxore sua, quæ erat Judæa, vocavit Paulum, & audivit ab eo fidem, quæ est in Christum Jesum (audivit aure quidem, sed non corde) Disputante autem illo de Iustitia, & Castitate, & de futuro Judicio, irremissibilis Felix respondit: Quod nunc attines, vade: tempore autem opportuno accersam te. Simul & sperans, quòd pecunia ei daretur à Paulo, propter quod & frequenter accersens eum loquebatur cum eo, amore pecuniæ, quam sperabat, & in gratiam Judæorum, non veritatis ac iustitiæ. Undè ut dicitur biennio ipsum detinuit.*

IX. Porro quis fuerit iste Felix, & quæ Drusilla, videamus. Claudius Felix à Claudio Imperatore (qui etiam ei Claudii nomen, utpotè sibi accepto, addidisse creditur) in Præfectura Judææ Cumano successit anno Christi 52., ut aliqui volunt. Fratrem habuit Pallantem, cui omne iniustitiæ genus agere permisit. Uxorem habuit Drusillam Agrippæ Senioris filiam, & Junioris sororem. Hanc, quæ jam Azizi Regi Emessænorum nupsérat, ut Viro priore repudiato secum nuptias iniret, sollicitavit, quòd maxime opera cujusdam Magi nomine Simonis obtinuit, illà consentiente, ut refert Josephus L. 20. Antiq. cap. 5.

S. Lu-



S. Lucas eam Judæam vocat, quia dum Azizi uxor esset, unâ cum eo eam Religionem profitebatur, sed postquam Felici nupsit, eam abdicasse aliqui putant. Femina erat pulcherrima, sed minus pudica. Cùm ergo horum duorum Conjugum nota esset injustitia & impuritas, propterea Paulus accersitus disputationem coram eis habuit de Justitia & Castitate ac futuro Judicio. Nihil tamen profecit; nam licet Felix terrefactus fuerit, jussit tamen Paulum reduci in carcerem, ubi lucri capiendi spe eum biennio detinuit, donec propter querelas contra ipsum excitatas, Provinciam Porcio Festo Successori cedens, Romanam revocatus anno Christi 60. ibique de tributorum impositionibus, de vi, aliisque criminibus à Judæis accusatus (ait Josephus L. 20. Antiquit. cap. 7.) *Dedisset omnino pœnas injuriarum, quibus Judæos affecerat; nisi Nero eum donasset Pallantis fratris precibus, qui tum in pretio erat apud Principem.* Dimittens tamen Provinciam, à carcere non dimisit Paulum. Undè v. 27. dicitur. *Biennio autem expleto, accepit Successorem Felix Porcium Festum. Volens autem gratiam præstare Judæis Felix, reliquit Paulum vincitum.*

X. Festus ergo (Act. 25. v. 1.) cùm venisset in Provinciam, post triduum ascendit Jerosolimam à Cæsariæ. Adieruntque eum Principes Sacerdotum & Primi Judæorum adversus Paulum, & rogabant eum, postulantes gratiam adversus eum, ut juberet perducere eum in Jerosolem, insidias tendentes, ut interficerent eum in via. Biennali carcere Pauli nondum exsaturata rabies Judæorum sanguinem ejus sitit, & cùm non haberet undè posset eum in judicio condemnare, iterum ad insidias confugit.

Recusavit tamen Festus Paulum Judæis tradere; nec hoc sine Divino consilio. Undè v. 4. *Festus autem respondit, servari Paulum in Cæsariæ; se autem maturius profecturum.* Demoratus autem inter eos dies non amplius quàm octo aut decem, descendit Cæsariæ, & alterâ die sedit pro tribunali, & jussit Paulum adduci. *Qui cùm perductus esset, circumsteterunt eum, qui ab Jerosolyma descenderant Judæi, multas & graves causas objicientes, quas non poterant probare; Paulo rationem reddente, quoniam neque in Legem Judæorum, neque in Cæsarem quidquam peccavit.* Convictus Præses rationibus Pauli, benè vidit, ex odio, non crimine aliquo contra ipsum procedi, idèdque tanquam innocentem liberum dimissit. Sed pluri faciens toti Populo gratificari, quàm unius hominis innocentiam tueri, novum judicium Paulo proponit, & quidem à suis conjuratis inimicis faciendum. Sic v. 9. *Festus autem volens gratiam præstare Judæis, respondens Paulo dixit:*

*dixit: Vis Ierosolymam ascendere, & ibi de his judicari apud me? Dixit autem Paulus: Ad Tribunal Caesaris sto, ibi me oportet judicari. Judæis non nocui, sicut tu melius nosti. Si enim nocui, aut dignum morte aliquid feci, non recuso mori; si verò nihil est eorum, quæ hi accusant me, nemo potest me illis donare. Caesarem appello. Tunc Festus cum Concilio locutus respondit, Caesarem appellasti? Ad Caesarem ibis.*

XI. Neque hic quis culpet Paulum, quòd ad declinandam mortem, quam à Judæis sibi imminere certò sciebat, ad Ethnicum Imperatorem, & quidem Neronem, appellarit. Nam, ut ait August. Epist. 185. (aliàs 50.) c. 7., *Neque enim & Apostolus Paulus viâ suâ transitoria consulebat, sed Ecclesiæ Dei, quando contra eos, qui eum occidere conspiraverant, consilium illorum Tribuno, ut proderetur, effecit.... Romanas etiam Leges implorare minime dubitavit, Civem Romanum se esse proclamans, quos tunc affligi verberibus non licebat. Itemque ne Judæis eam interimere cupientibus traderetur, Caesaris poposcit auxilium, Romani quidem Principis, sed non Christiani. Ubi satis ostendit, quid postea facere deberent Christi Dispensatores, quando Imperatores Christianos periclitante Ecclesiâ reperirent.* Ita Augustinus exemplo Pauli justificat factum Antistiti Catholicorum sui temporis, qui ad coercendos Donatistas auxilium ab Imperatoribus postularunt. S. Athanasius Apolog. de fuga sua putat, cum ad sic agendum peculiari Spiritus Sancti instinctu motum fuisse. S. Chrysostomus verò hom. 51. dicit, Paulum non dubitasse, quin Deus, qui illi promiserat se eum ducturum Romam, posset eum præservare à nece, etsi in manus Judæorum se traderet: sed judicavit, voluntariè intrare in pericula fore tentare Deum, ideòque elegit viam humanam tutiorem & justam, appellando ad Caesarem; sic enim periculum declinabat, & Deo totum committebat; imò promissum Dei implere festinabat: unde ait Beda hic. *Quòd appellat Caesarem, & Romam ire festinat, ideò facit, ut prædicationi diutius insisteret, cumque multis hinc credentibus, atque omnibus coronatus iret ad Christum.*

XII. Sequitur Lucas Act. 25. à v. 13.: *Et cum dies aliquos transacti essent, Agrippa Rex (alicujus partis Judææ, filius illius, qui Petrum carcere clausit) & Bernice (soror ejus, vel uxor, ut Chrysost.) descenderunt Caesaream ad salutandum Festum. Et cum dies plures ibi demorarentur, Festus Regi indicavit de Paulo, dicens: Vir quidam est derelictus à Felice vinculus: de quo cum essem Ierosolymis, adierunt me Principes Sacerdotum, & Seniores Judæorum, postulantes adversus illum damnationem. Ad quos respon-*

*di;*

*di: Quia non est Romanis consuetudo damnare aliquem hominem, priusquam is, qui accusatur, praesentes habeat accusatores, locumque defendendi accipiat ad ablucenda crimina. Cùm ergo hinc convenissent sine ulla dilatione, sequenti die sedens pro tribunali iussi adduci Virum. De quo cùm stetissent accusatores, nullam causam deserebant, de quibus ego suspicabar malum. Quaestiones verò quasdam de sua superstitutione habebant adversus eum, & de quodam Jesu defuncto, quem affirmabat Paulus vivere. Hæsitans autem ego de huiusmodi quaestione, dicebam, si vellet ire Ierosolymam, & ibi iudicari de istis. Paulo autem appellante, ut servaretur ad Angustum cognitionem, iussi servari eum, donec mittam eum ad Cæsarem. Hæc Festus. Agrippa autem dixit ad Festum: Volebam & ipse hominem audire. Cras, inquit, audies eum.*

XIII. *Alterà autem die cùm venisset Agrippa & Bernice cum multa ambitione, & introissent in Auditorium cum Tribunis & Viris principalibus Civitatis, jubente Festo, adductus est Paulus. Et dicit Festus: Agrippa Rex, & omnes, qui simul adestis vobiscum viri, videtis hunc, de quo omnis multitudo Iudeorum interpellavit me Ierosolymis, petentes & acclamantes, non oportere eum vivere amplius. Ego verò comperi nihil dignum morte eum admisisse. Ipse autem hoc appellante ad Angustum, iudicavi mittere. De quo quid certum scribam Domino non habeo. Propter quod produxi eum ad vos, & maxime ad te, Rex Agrippa, ut interrogatione factâ, habeam quid scribam. Sine ratione enim mihi videtur mittere vivum, & causas ejus non significare. Discursus iste Festi continet Apologiam pro S. Paulo ejusque innocentia. Sed cur, o Feste, si innocentem fateris, si ignoras quid contra ipsum opponi possit: Cur, inquam, eum tradere voluisti ejus accusatoribus judicandum, seu verius interficiendum? Si justum judicium tulisses, ipse ad Cæsarem non appellasset. Si ignoras, quid contra ipsum scribas ad Cæsarem, cur eum liberum non dimittis? At Festus voluit imitari Pilatum, qui estd nihil criminis fateretur se reperire in Jesu, in gratiam tamen tumultuantis Populi, & Cæsaris timore, eum dimittere ausus non fuit.*

XIV. *Festus tamen instante Agrippâ vult iterum coram ipso audire Paulum, ejusque de eo sententiam aperiri. Sic & Pilatus de Jesu sententiam Herodis exquisivit. Videamus ergo, an par utriusque fuerit fors. S. Lucas ergo cap. 26. à v. 1. Agrippa verò ad Paulum ait. Permittitur tibi loqui pro temetipso. Tunc Paulus extendit manus capitis rationem reddere. De omnibus, quibus accusor à Judæis, Rex Agrippa, astimo me beatum apud te, cùm sum defensusurus me hodie. Maxime te sciente omnia, & quæ apud Ju-*

*daos sunt consuetudines, & quaestiones: propter quod obsecro patienter me audias. Primò ergo exponit, se, ut omnes norunt, à juventute Jerosolymis eruditum fuisse in Secta Phariseorum, secundum quam certam spem Resurrectionis à Mortuis professus est, & de hac modò se judicari. Secundò fatetur, sibi ab initio nomen Jesu Nazareni invisum fuisse, multos ex ejus Sectatoribus carceribus inclusisse, occidisse, vel in eorum necem consensisse, & per omnes Synagogas ejus nomen blasphemare compulisse. Verùm cum acceptà à Principibus Sacerdotum potestate ad acrius eos persequendos pergeret, à Jesu medià die profratum fuisse (& hic narrat modum, & ordinem conversionis suæ.)*

*Deinde subdit v. 19. Undè, Rex Agrippa, non fui incredulus caelesti visioni: sed his, qui sunt Damasci primum, & Jerosolymis, & in omnem Regionem Judææ & Gentibus annuntiabam, ut penitentiam agerent, & converterentur ad Deum, digna penitentia opera facientes. Hac ex causa me Judæi, cum essem in Templo, comprehensum tentabant interficere. Auxilio autem adjutus Dei usque in hodiernum diem sto, testificans minori atque majori, nihil extra dicens, quàm ea, quæ Prophetæ locuti sunt futura esse, & Moyses. Si passibilis Christus, si primus ex Resurrectione Mortuorum, lumen annuntiaturus est Populo, & Gentibus. Porro cum Paulus hæc postrema verba protulisset; & probaret, quòd Christus annuntiaturus esset lumen Populo & Gentibus, commotus Faustus, qui Gentilis erat: v. 24. Insanis, inquit, Paule; multa te litteræ ad insaniam convertunt.*

*Et Paulus: Non insano, inquit, optime Feste, sed veritatis & sobrietatis verba loquor. Scit enim de his Rex, ad quem & constanter loquor: latere enim eum nihil horum arbitror; neque enim in angulo quidquam horum gestum est. Deinde testimonium ab ipso Rege postulans, Credit, inquit, Rex Agrippa, Prophetis? Scio, quia credis. Agrippa autem ad Paulum: In modico suades, me Christianum fieri (non enim ad hoc erat dispositus) Et Paulus: Opto apud Deum, & in modico & in magno, non tantum me, sed etiam omnes, qui audiunt, hodie fieri tales qualis ego sum. exceptis vinculis his. Licet hoc non obtinuerit, ut omnes qui aderant, fierent Christiani, sicut ipse; obtinuit tamen, ut omnes nihil in eo dignum morte, aut vinculis esse faterentur. Sequitur enim v. 30. Et exsurrexit Rex, & Praeses, & Bernice, & qui assidebant eis, & cùm secessissent, loquebantur ad invicem, dicentes: Quia nihil morte dignum, aut vinculis dignum quid fecit homo iste. Agrippa autem Festo dixit: Dimitti poterat homo hic, si non appellasset Cæsarem.*

## §. XX.

*Pauli Navigatio & Adventus.*

I. **P**Aulus ergo quamvis non semel pronuntiatus absolvendus, non solum à morte, sed etiam à vinculis, ac demum fuisset reipsa dimissus; quia tamen Cæsarem appellavit, oportuit eum Romam mitti. *Verùm* (inquit Chrysost. hom. 53. *hoc ex Providentia factum est; non solum autem hoc, sed etiam quòd cum vinculis abiret. Ideo dixit, Usque ad vincula quasi malè operans, Si enim Dominus ejus cum iniquis reputatus est, multò magis hic: sed sicut ille gloriam non curavit, ita neque hic. Quare c. 27. v. 1. &c. ait Lucas: Ut autem judicatum est navigare eum in Italiam, & tradi Paulum cum reliquis custodiis (idest aliis vinctis) Centurioni nomine Julio Cohortis Augusta, ascendentes navem Adrumetinam, incipientes navigare circa Asia loca, sustulimus (aliàs solvimus) perseverante nobiscum Aristarcho Macedone Thessalonicensi. De hoc Aristarcho supra dixi §. 15., loquens de seditione à Demetrio Argentario Ephesi excitata.*

II. *Sequenti autem die (v. 3.) devenimus Sidonem. Humanè autem tractans Julius Paulum, permisit ad amicos ire, & curam sui agere (utique sub alicujus militis custodia; Verisimile enim est, eum malè habuisse à vinculis, à metu, à raptationibus, ait Chrysost. loco citato v. 4.) Et inde cùm sustulissimus, subnavigavimus Cyprum, propterea quòd essent venti contrarii. Et pelagus Cilicia & Pamphylia navigantes, venimus Lysram quæ est Lycia. Et ibi inveniens Centurio navem Alexandrinam navigantem in Italiam, transposuit nos in eam. Mutatà tamen nave non mutarunt ventum. Nam v. 7. Cum multis diebus tardè navigaremus, & vix devenissemus contra Gnidam (Urbem, ac Promontorium Cariaë) prohibente nos vento adnavigavimus Creta, juxta Salmonem (Urbem & portum Cretæ, à Plinio dictum L. 4. cap. 12. Sammonium, hodie verò Caput Salamani.) Et vix juxta navigantes venimus in locum quemdam, qui vocatur Boniportus (situs in Meridionali Cretæ ora) cui juxta erat Civitas Thalassa, seu Lassa. Sic Deus, qui poterat ventis imperare, ut rectò ac placido itinere Romam ut ei ipse promiserat deducerent, nihil mutat, sed permittit eum contrariis ventis navigare. Sed etiam hic mirabiliter operatur; nam ut tutò navigent, non sinit eos in pelagus se immittere, sed semper juxta terram navigare facit. Et si, ut dicemus, eos in extrema labi pericula postea permisit, ma-*

gis offendit potentiam suam eos præservando. Unde v. 9.

III. *Multo autem tempore peracto, & cum jam non esset tuta navigatio, eò quòd & jejunium jam præterisset, consolabatur eos Paulus, dicens eis: Viri, video, quoniam cum injuria, & multo damno non solum oneris & navis, sed etiam animarum nostrarum, incipit esse navigatio. Cum dicat Lucas, quòd non erat tuta navigatio, eò quòd & jejunium jam præterisset, de jejunio Hebræorum loqui visus est. Sed cum plura Judæis solemnia essent, dicente Zachariâ cap. 8. v. 19. Jejunium quarti, & jejunium quinti, & jejunium septimi, & jejunium decimi (mensis) erit domui Juda in gaudium & lætitiâ; controvertitur, de quo jejunio intellexerit Lucas. Pro quo sciendum ex Hieronymo in cap. 8. Zachariâ, quòd jejunium quarti mensis, qui apud nos vocatur Julius, die septimâ, & decimâ ejusdem mensis celebrabatur: quando descendens Moytes de Monte Sina Tabulas Legis abjecit, atque confregit, & juxta Jeremiam muri Civitatis primùm rupti sunt. Jejunium quinti mensis, qui nobis est Augustus, agebatur in lugubrem memoriam seditionis ortæ occasione exploratorum Terræ Sanctæ, in cujus pœnam omnes eam iugredi prohibiti sunt, exceptis duobus Chaleb & Josue; quo mense alia multa infortunia Judæis postea acciderunt, quæ narrat Hieronymus. Jejunium septimi mensis, qui nobis est October, fiebat, quia eo mense occisus est Godolias, & Judæ Tribus ac Jerusalem reliquæ dissipatæ. Tandem decimi mensis, nobis Januarii, jejunium fiebat, quia, ut habetur Ezech. 33. v. 21., quintâ die decimi mensis venit Nuntius de vastatione Civitatis Jerusalem. His præmissis,*

IV. Ad controversiam præsentem venientes, Baronius ad ann. 58. n. 167. putat, Lucam intelligere de jejunio decimi mensis idest Januarii, non septimi; nam eo mense non videtur interdicta navigatio, quia tempus hyemale longè præcedit. Et confirmat, quòd cum post dies quatuordecim tempestate jactati in Melitam insulam pervenissent, ibidemque tribus consumtis mensibus infemasent, dicendum videtur, Pauli navigationem nonnisi instante hyeme cœptam: sicque mense Julii Romam adventasse.

Alii verò, præsertim Recentiores, ad jejunium septimi mensis verba Lucæ trahunt, quòd eo anno circa diem 22. Septembris celebratum putant, sicque initio Octobris Pauli navigationem consignant, quo tempore frequentes in mari esse solent tempestates. Et maximè, quia Lucas absolutè dicens quòd jejunium jam præterisset, videtur loqui de Jejunio solemniori, qua-

quale erat illud Expiationis, quod mense septimo Tizri, qui nostro Septembri respondet, inter ceteros poenitentiae actus à Judæis fiebat. Ideoque tres menses, quos hyemando Paulus Melitæ consumsit, fuisse menses Novembris, Decembris, & Januarii, quo desinente, marique placabili facto Melitā discesserit, & mense Februarii Romam pervenerit: nihil est enim, inquit, quod ad mensem Julii adventum Pauli Romam differre cogat. Huic opinioni videtur favere Chrysostomus hom. 53., dum ait, quodd *In ipsa serè hyeme venerint in partes Creta*: si autem mense Januarii venissent; in ipsa hyeme non serè in hyeme venissent. Sed his relictis.

V. Paulus ergo non puris conjecturis, sed prophetico Spiritu prævidens, quæ eventura erant pericula, à navigatione ulterius proseguenda dehortabatur. Ita Chrysost. hom. 53. *Itaque Paulus iussit manere, & futura prædixit: illi verò festinantes, cum à loco prohiberentur, volebant in Phænice hyberuare.* Atque ita factum est; nam v. 11. proseguitur Lucas: *Centurio autem Gubernatori & Nauclero magis credebat, quàm bis quæ à Paulo dicebantur.* Et cum aptus portus non esset ad hyemandum, plurimi statuerunt consilium, navigare iudè, si quo modo possent, devenientes Phænicen hyemare, portum Cretæ respicientem ad Africam & ad Corum. (Phænix portus erat Cretæ in parte Meridionali Occidentem spectans) *Aspirante autem Austro, aestimantes propositum se tenere, cum sustulissent de Assou, legebant Cretam.*

VI. At statim se deceptos agnovērunt, & nisi in gratiam Pauli, qui Dei promisso Romam incolumis pervenire debebat, præservati fuissent, omnes naufragio vitam miserè finiissent. Sequitur enim à v. 14. *Non potest multum autem misit se contra ipsam ventus Typhonicus, qui vocatur Euro-Aquilo.* Cùmque arrepta esset navis, & non posset conari in ventum, datâ nave statibus ferebatur, in Insulam quandam decurrentes, quæ vocatur Gauda (sive Claudia prope Cretam) potuimus vix obtinere Scaphâ. Quâ sublata adiutoris utebantur accingentes navem, timentes ne in Syrtim inciderent, summisso vase, (demissis velis) sic ferebantur. Valida autem nobis tempestate jactatis, sequenti die jactum secerrunt. Et tertiâ die suis manibus armamenta navis projecērunt. Neque autem Sole, neque Syderibus apparentibus per plures dies, & tempestate non exiguâ imminente, jam ablata erat spes omnis salutis nostræ.

Et cùm multa jejunatio fuisset, tunc stans Paulus in medio eorum dixit: *Oportebat quidem, o Viri, audito me, non tollere à Creta, lucrique facere injuriam hanc & jacturam.* Et nunc suadeo

G g 2

vobis

vobis bono animo esse, amisso enim nullius anima erit ex vobis; præterquam navis. *Assistit enim mihi hæc nocte Angelus Dei, cuius sum ego & cui deservio, dicens, Ne timeas Paula, Casari te oportet assistere. Et ecce donavit tibi Deus omnes, qui navigant tecum. Propter quod bono animo estote, Viri: credo enim Deo, quia sic erit, quemadmodum dictum est mihi. In Insulam autem quamdam oportet nos devenire.* Hæc Paulus fide plenus.

*Sed postea quam quartadecima nox supervenit, navigantibus nobis in Adria circa mediam noctem, suspicabantur Nauta sibi apparere aliquam Regionem. Qui & submittentes bolidem ( idest perpendiculum ad maris altitudinem explorandam ) invenerunt passus viginti; & passum inde separati, invenerunt passus quindécim. Timentes autem, ne in aspera loca incideremus, de puppi mittentes anchoras quatuor, optabant diem fieri. Nautis verò quærentibus fugere de navi, cùm misissent scapham in mare, sub obtentu quasi inciperent à prora anchoras extendere, dixit Paulus Centurioni & militibus: Nisi hi in navi manserint, vos salvi fieri non potestis. Tunc absciderunt milites funes scaphæ, & passi sunt eam excidere.*

*Et cùm lux inciperet fieri, rogabat Paulus omnes sumere cibum dicens: Quartadecim die hodie expectantes jejuni permanetis, nihil accipientes. Propter quod rogo vos accipere cibum pro salute vestra: quia nullius vestram capillus de capite peribit. Et cùm hæc dixisset, sumens panem gratias egit in conspectu omnium, & cùm fre-gisset caput manducare. Animæ quiores autem facti omnes, & ipsi sumserunt cibum. Eramus verò universa animæ in navi ducenta septuaginta sex. Et satiati cibo alleviabant navem iacentes triticum in mare.*

*Cùm autem dies factus esset, terram non agnoscebant: Sinum verò quemdam considerabant habentem litus, in quem cogitabant, si possent, ejicere navem. Et cùm anchoras sustulissent, committebant se mari, simul laxantes iuncturas gubernaculorum: & levato artemone secundum auræ statum teudebant ad litus. Et cùm incidissent in locum Dithalassam ( vulgò linguam terræ subtus aquam ) impegerant navem: & prora quidem fixa manebat immobilis, puppis verò solvebatur à vi maris. Militum autem consilium fuit, ut custodias occiderent, ne quis cùm enataffet effugeret. Centurio autem volens servare Paulum prohibuit fieri: iussitque eos, qui possent natare, emittere se primos & evadere & ad terram exire: & ceteros alios in tabulis ferebant, quosdam super ea, quæ de navi erant. Et sic factum est, ut omnes animæ evaderent ad terram.*

VII. Cui



VII. Cui, si in tanto vitæ periculo constitutus fuisset, animus non concidisset, dum vel sola facti narratio horrorem incutit? Solus tamen Paulus constanti animo intrepidus fidem nandum servat in se, verum & aliis inspirat, eos ad spem adhortatur, & ad sumendum cibum invitat, ac suâ fide omnes à naufragio evidenti præservat. Jure ergo dicit Augustinus in Psal. 123., quod in eo naufragio alii aliquam rerum suarum jacturam fecerunt, solus Paulus suâ fide ditior evasit. *Multis*, inquit, *naufragaverunt cum Paulo: amatores hujus sæculi passi sunt naufragium, & nudi omnes exierunt: illi & quod foris habebant, amiserunt, & domum cordis sui invenerunt inanem. Paulus autem in corde ferebat patrimonium Fidei suæ; nullis fluctibus, nullis tempestatibus potuit auferri; nudus exiit, & dives exiit.*

VIII. Duo in hoc facto consid erat Chrysost. hom. 53.: Unum quod Deus permisit navem perdi, ut magis agnoscerent periculi gravitatem, viderent Pauli prophetiam opere completam, & discerent, ab ipso solo à periculo fuisse ereptos. Alterum, ut apprehenderemus, quantum profit in societate Sanctorum conversari. *Sed dixerit quispiam, cur non navem servavit? ut discerent quantum periculum evaserint, quia non humani auxilii totum erat, sed Dei manus sue navi servantis. Itaque justis etiam tempestate sint etsi in mari vel in pelago, nihil grave patiuntur, imò & alios secum servant. Si navi periclitante & naufragium passâ, vincti à Paulo servati sunt, cogita, quid sit Virum sanctum habere domi.* Hæc Chrysostomus.

IX. Cùm ergo in littus evasisent, tunc cognoverunt, Regionem illam esse Melitæ Insulam, ubi ab incolis etiam barbaris benignè excepti fuere. Ita S. Lucas cap. 28. v. 1. &c. *Et cùm evasissemus, tunc cognovimus, quia Melita insula vocabatur. Barbari vero præstabant non modicam humanitatem nobis. Accensâ enim pyram, reficiebant nos omnes, propter imbrem, qui imminuebat, & frigus. Cùm tamen Paulus, qui nulli labori parcebat, sarmenta collegisset, ut injiceret in pyram, Vipera in eis latens cum momordit, sed gratiâ Dei, quæ illi semper aderat, nullam inde læsionem sensit, mirantibus omnibus, qui proinde Paulum esse Deum existimarunt. Sic enim à v. 3. Cùm congregasset autem Paulus sarmentorum aliquantam multitudinem, & imposuisset super ignem, Vipera à calore cùm processisset, invasit manum ejus. Ut verò viderunt Barbari pendentem bestiam de manu ejus, ad invicem dicebant: Vtique homicida est homo hic, qui cum evaserit de mari, ultio non fuit eum vivere. Et ille quidem excutiens bestiam in ignem, nihil mali passus est. At illi existimabant, eum in tumorem convertendum,*

*dum, & subito casurn, & mori. Din autem illis expectantibus, & evidentibus nihil mali in eo fieri, convertentes se dicebant, eum esse Deum.*

Sic Deus suis gratiis quòcumque ibat Paulum comitabatur. Imò in Pauli gratiam hoc donum illi Insulæ adhuc hîcæ temporibus concessum fuisse, seruit Baronius ad ann. 58. n. 172. & alii, ut Serpentes omnes ibi veneno careant, & quamvis aliquem momorderint, nihil detrimenti afferant. Adduntque aliâ veneniferas bestias solum illud non pati, & aliundè delatas statim interire, ibi præcipuè ubi S. Paulus anguem habuit insectum, in specu nempe; undè tellus & petra contra venenatos morsus præsentissima remedia efferuntur. Et cujusdam itinerantis testimonio pueros ibidem tutò Scorpiones tractare, didicimus. Quæ quidem virtus nou insita à natura sola reputanda est, cum illius Regionis Incolæ venenato Viperæ morfu Paulum occidendum (ut dicit Lucas) expectarent sed Divino muneri per meritum, & benedictionem Pauli adscribenda.

X. Hujusce prodigii fama evulgata celebrem ac veluti Numen quoddam existimari apud Insulares illos fecit Paulum. Inter præcipuos erat quidam Publius, qui Paulum cum suis per triduum hospitio benignè recipiens, ab eo Patris sanationem miraculosè reportavit: quo factum fuit, ut omnes Insulæ infirmi ad Paulum accederent, & curarentur. Ita v. 7. *In locis autem illis erant prædia Principis Insulæ nomine Publii, qui nos suscipiens triduo benignè exhibuit. Contigit autem, Patrem Publii febribus, & dysenteria vexatum jacere: ad quem Paulus intravit, & cum orasset, & imposuisset ei manus, salvavit eum. Quo facto omnes, qui in Insula habebant infirmitates, accedebant, & curabantur. Qui etiam multis honoribus nos honoraverunt, & navigantibus imposuerunt, quæ necessaria erant.*

XI. Porro cum ejusmodi gratiis ornaretur à Deo Paulus, ut ad Christi fidem Populos attraheret, credibile est, tribus mensibus, quibus Melitæ moratus est Christum prædicans, multos ex audientibus ab infidelitate ad Fidem convertisse. Ita Chrysostomus homil. 54. *Palàm autem est, inquit, eos qui sic illum exceperunt verbum predicationis accepisse. Neque enim trimestri tempore disseruisset, nisi illi verè credidissent, & fructum exhibuissent.* Itaque hinc indicium est, magnum fuisse credentium numerum. Inter credentes præcipuum fuisse Publium, totamque ejus Familiam, sentit S. Greg. L. 27. Moral. cap. 11. modò 18., & totam ferè Insulam Christi Fidem suscepisse, putant multi. Publium hunc Paulo imposterum adhæsisse, censent cum Adone non-

nonnulli, à quo Episcopus institutus muneri prædicationis deputatus fuerit: Athenis verò Episcopum egisse, ibique martyrium fuisse. Sed Publium Athenarum Episcopum post Dionysium Arcopagitam oportet fuisse alium ab ipso, cum sub Marco Aurelio Martyr occubuerit.

XII. Post exactam Melitæ trium mensium moram, navigationem refumisit Paulus. Sic v. 11. *Post menses autem tres (necessariis ad victum à Melitenensibus benè instructi) navigavimus in navì Alexandrina, quæ in Insula hyemaverat, cui erat insigne Castrorum (seu Castor & Pollux, ut legit Chrysost.) Undè Beda hic: Credo, inquit, primitus insigne Castorum esse positum, sed vitio librarium litteram adjectam, sicut frustra panis pro frusta, & appropriat pro appropriat sæpè scriptum in antiquissimis exemplaribus invenimus. In Græco enim pro insigni Castorum, Parafimo dioscuris scriptum est: Dioscuri autem gemini Castores, idest Castor & Pollux græcè vocantur. Testis est urbs Colchorum, quæ ab Amphito & Circio geminorum aurigis facta, ex eorum nomine Dioscoria cognominata est. Quos ob id Gentiles in mari Deos invocant, quia in prodigiis Nantarum, si solitaria stellæ in navi vel antennis apparuerint, periculosi; si verò geminæ, prosperi cursus sunt. nuntia. Quarum adventu fugari diram illam appellatamque Helenam ferunt. Hæc Beda. De hoc Baron. ad ann. 59. n. 3. Sequitur autem v. 12. Et cùm venissemus Syracusam, mansimus ibi tri-duo. Iudè circumlegentes devenimus Rhegium, & post unum diem, flaute Austro, secundâ die venimus Puteolos; ubi inventis Fratribus rogati sumus manere apud eos dies septem: & sic venimus Romam. Si ergo Puteolis invenerant Fratres, seu Christianos, signum est, quod prædicationis Evangelii illuc præcesserat. Sic Chrysost. hom. 54. Jam, inquit, in Siciliam pervenerat prædicationis, jam usque Puteolos pertigerat: quo autem prædicante non dicit: fortè S. Petro, qui jam in illis partibus fuerat.*

XIII. Cùm ergo Fideles, qui Romæ erant adventum Pauli rescivissent, obviam ei processerunt usque ad forum Appii, & tres Tabernas v. 13. *Et iudè cum andissent Fratres, occurrerunt nobis usque ad Appii forum, ac tres Tabernas. Erat inquit Baronius ad ann. 59. n. 3., ut ex Plinio L. 14. cap. 6., in Agro Setino in via Appia locus positus. Tres autem Tabernæ contra Antium, undè Cicero ad Atticum Epist. 29. L. 2. Emersum commodè ex Antio in Appiam ad tres Tabernas. Distabat ab Urbe forum Appii quinquaginta & unum milliæ. Tres verò Tabernæ ad trigésimum tertium lapidem positæ erant. De foro Appii nulla modò sunt vestigia, vel si quæ extant, palude Pontinâ facta sunt*

sunt inaccessa. Tres verò Tabernas illas esse ferunt, quæ hodie corrupto vocabulo vulgò dicitur *Cisterna*. Hucusque ergo Fidelium officia erga Paulum processerunt, ac si qui victus Romam ducebatur, triumphantis more ingressum faceret; Quem contigisse anno Christi 59., colligit idem Baronius n.4. ex Eusebio in Chronico, & Hieronymo de Script. Eccles. in Paulo, ubi ait. *quod post Passionem Domini vigesimo quinto anno, idest secundo Neronis, eo tempore, quo Festus Procurator Judææ successit Felici, Romam victus mittitur. Vigessimus autem quintus annus à Passione Domini, quæ contigit anno 33. incidit in annum 58., quo Paulus à Festo fuit dimissus: & sic sequenti anno post hyemem Romam pervenit. Quo autem mense, incertum, ut supra dixi: verno tamen tempore ineunte, probabilius putamus, Chrysostomo hom. 54. dicente: Vide, quomodo in tanta navigatione ad nullam appellunt Civitatem, sed ad Insulam, & hyemem totam transgunt in navigatione.*

XIV. Tanta ergo erat apud Fideles Romæ existentes Pauli existimatio, ut ejus adventum prævenientes omni timore seposito usque ad quinquaginta millia passuum obviam ei processerint. Quos cum vidisset Paulus, gratias agens Deo, accepit fiduciam (v. 15.) idest ex eorum aspectu accepit fiduciæ augmentum, & consolationem. Cum autem (v. 16.) venissemus Romam, permissum est Paulo manere sibi cum custodiente se milite. Victos omnes, cum Romam pervenisset, Julius Centurio Præfecto Prætorii consignavit. Erat is Afranius Burrhus vir moribus honestis, & qui suasionibus suis quantum poterat, pravam Neronis inclinationem compescere curabat. Quid de aliis victis egerit nescitur, de Paulo solum scribit Lucas, quod cum vel ipsis Paganis admirationi & existimationi esset, ei permisit, ut in particulari diverforio moraretur cum solius militis custodia ad ejus magis securitatem contra Judæorum insidias, quam ad impediendam fugam. Unde Chrysost. hom. 54. ait: *Itaque non illum custodiebant, sed curabant, ne illi aliquid molestum accideret. Non enim licebat in tanta Civitate, ubi Imperator erat, & libertas, aliquid præter ordinem fieri. Ita semper per ea, quæ videntur contra nos esse, pro nobis omnia fiunt. Custos enim Paulo erat. Satis autem unus Pauli custodiæ erat, nam ibi non licebat Judæis (ut alibi) seditionem movere.*

XV. Tribus à suo adventu Romam diebus requievit Paulus: Post tertium autem diem (v. 17.) convocavit primos Judæorum. Cumque convenissent, dicebat eis: Ego, Viri fratres, nihil adversum plebem faciens aut morem paternum, victus ab Ierosolymis

*lymis traditus sum in manus Romanorum. Qui cùm interrogationem de me habuissent, voluerunt me dimittere, ed quòd nulla esset causa mortis in me. Contradicientibus autem Judæis, coactus sum appellare Cæsarem, non quasi Gentem meam habens aliquid accusare. Propter hanc igitur causam rogavi vos videre & alloqui. Propter spem enim Israel catenâ hâc circumdatus sum. Ita de more placidus alloquitur Paulus; suam innocentiam exponit, camque probat ipsorum Romanorum testimonio, qui eum liberum dimittere voluerunt. Poterat hic ea, quæ Judæi contra ipsum Jerosolymis machinati fuerunt, referre, sed noluit; satisque ei fuit suaviter dicere, eos suæ libertati se opposuisse, & propterea se coactum fuisse Cæsarem appellare: concludens suæ persecutionis causam esse, quia prædicaret adventum Messiae, illius nempe, qui erat tota spes Israel: & his se Discipulum Jesu Christi declarat.*

XVI. *At illi (v. 21.) dixerunt ad eum. Nos neque litteras accepimus de te à Judæa, neque adveniens aliquis Fratrum nuntiavit, aut locutus est de te malum, Rogamus autem à te audire, que sentis; nam de Secta hac notum est nobis, quia ubique ei contradicitur. Cùm constituissent autem illi diem, venerunt ad eum in hospitium plurimi, quibus exponebat testificans Regnum Dei, suadensque eis de Jesu ex Lege Moysi & Prophetis à mane usque ad vespèram. Et quidam credebant his, quæ dicebantur; quidam verò non credebant. Cùmque invicem non essent consentientes discedebant, dicente Paulo unum verbum: Quia benè Spiritus Sanctus locutus est per Isaiam Prophetam ad Patres nostros, dicens: Vade ad Populum istum, & dic ad eos: Aure audietis, & non intelligetis: & videntes videbitis, & non perspicietis. Incrassatum est enim cor Populi hujus, & auribus graviter audierunt, & oculos suos compresserunt: ne forsè videant oculis, & auribus audiant, & corde intelligant, & convertantur, & sanem eos. Notum ergo sit vobis, quoniam Gentibus missum est hoc salutare Dei, & ipsi audient. Et cùm hac dixisset, exierunt ab eo Judæi, multam habentes inter se quæstionem. Quàm irritati hoc verbo adèd forti, eorumque pervicaciam volneranti, exierunt Judæi, judicet prudens. Nihil tamen contra ipsum (apertè saltem) aggredi ausi sunt, quia Romæ erant, ubi auctoritate non pollebant, ut in Judæa. Atque ita omnes eorum conatus adversùs Paulum hoc effecerunt, ut eum ducerent ad locum, in quo ampliùs impedire non possent, quin Evangelium plenâ libertate annuntiaret: Deo sic disponente pro amicis suis, ut per media, quæ magis opposita videbantur, pervenirent felicius ad finem.*

XVII. Ita Paulo contigit: sequitur enim v. 30. *Manfit autem*

Tom. V,

Hh

biennio

*biennio toto in suo Conditio* { operâ manuum suarum non alieno sumtu vivens, ut notat Chrysost. hom. 55. ) & *suscipiebat omnes, qui ingrediebantur ad eum: Prædicant Regnum Dei, & docens, quæ sunt de Domino Jesu Christo cum omni fiducia, sine prohibitione.* Hisce verbis S. Lucas nos deferit: & ut Chrysostomus ait hom. 55. *Relinquit auditorem sciëntem, ut ex se ipso deinceps ratiocinetur.* Reliqua ex ipsius Pauli Epistolis, ut fieri poterit, colligam.

Quid toto illo biennio Paulus egerit, paucis claudit Lucas, dum ait, quod erat prædicans & docens ea, quæ sunt Jesu Christi cum omni fiducia siue prohibitione.

## §. XXI.

*Gesta Pauli Romæ in prioribus Vinculis.*

I. **R**omana igitur vincula, quibus biennio detinebatur Paulus, Evangelio valdè profuerunt. Ita enim ipse scribit ad Philipp. 1. v. 12., & 13. *Scire autem vos volo, Fratres, quia quæ circa me sunt, magis ad profectum voverunt Evangelicita ut vincula mea manifesta fierent in Christo in omni Prætorio, & in cæteris omnibus: aded ut ex ipsa Imperatoris aula plures ad Fidem adduxerit.* Apparet hoc ex Epist. ad Philipp. 4., ubi v. 22. dicit: *Salutant vos omnes Sancti, maxime autem qui de Cæsaris domo sunt,* idest qui de Aula & Familia Neronis conversi sunt ad Christum. Commæcium enim litterarum habuisse cum Seneca Neronis Præceptore, tradit S. Hieronymus L. de Script. Eccles. qui propterea Senecam catalogo Scriptorum Ecclesiasticorum inserit: cui S. Augustinus Epist. 54. modò 153. consentit: libro tamen 6. de Civit. Dei cap. 11. oppositum sentire videtur, dum ait, Senecam de Christianis nihil scripsisse. Ut autem fuerit, certum est, quod Epistolæ Senecæ ad Paulum & Pauli ad Senecam, quæ modò exhibentur, apocryphæ sunt, ut ostendi tom. 1. Verit. Relig. Christi. cap. 4. de Lib. Apocr. §. 6. Tantam etiam apud domesticos Neronis suâ alacritate sibi gratiam conciliavit Paulus, ut vel ipsi Poppeæ Neronis Concubinæ, ejusque pocillatori gratus esset, ut ait Chrysost. hom. 46. in Acta.

II. Videntes aliqui, continuâ Pauli in vinculis prædicatione celebre fieri etiam in aula Imperatoris Evangelium, ad illud & ipsi prædicandum excitati sunt, diverso tamen animo. Nam quidam ex zelo & amore Christi hoc munus susceperunt: Quidam verò ex invidia & livore adversus Paulum, ut dilata-

tio-

tionem & progressu Evangelii in Urbe, & Fidelium crescente numero, excitaretur Infidelium, & maxime Neronis furor adversus Paulum. Ita ipse scribit Philipp. 1. à v. 14., talem ex vinculis suis fuisse Evangelii profectum, ut *plures à Fratribus in Domino confidentes vinculis meis abundantiùs auderent sine timore Verbum Dei loqui. Quidam quidem & propter invidiam & contentionem, quidam autem & propter bonam voluntatem Christum pradicant. Quidam ex caritate, sciutes, quoniam in defensionem Evangelii posui sum. Quidam autem ex contentione Christum annuntiant, non sincere, existimantes pressuram se suscitare vinculis meis. Cæterùm quovis animo sive ex bona voluntate, sive ex invidia ut ei afflictionem augeat, id præstent, dummodò verè Christum annuntient, ipsis ignoscit.*

III. Philippenses, auditâ Pauli captivitate, sicut in aliis occasionibus, nova sui amoris & liberalitatis argumenta erga ipsum exhibere non destiterunt. Miserunt itaque Epaphroditum eorum Apostolum cap. 2. v. 25. idest Episcopum, tum ut ad eum pecuniam eorum nomine deferret; tum ut in necessitatibus personaliter ei assisteret. Generosam hanc amoris testleram adeo grato animo excepit Paulus, ut ad Philippenses scribens cap. 4. v. 18. dicat: *Habeo autem omnia, & abundo: repletus sum acceptis ab Epaphrodito, quæ misistis odorem suavitatis, hostiam acceptam, placeantem Deo. Deus autem meus impleat omne desiderium vestrum &c.* Contigit autem, ut Epaphroditus lethali infirmitate Romæ corripetur, quod maximâ tristitiâ Paulum affecit: undè cap. 2. v. 17. *Infirmatus est, inquit, usque ad mortem: sed Deus misertus est ejus, non solum autem ejus, verum etiam & mei, ne tristitiam super tristitiam haberem.* Quâ infirmitate, reditus Epaphroditi cum Pauli Epistola ad Philippenses in annum sequentem 61. dilatus fuit.

IV. In hac Epistola postquam eis exposuit fructum in Evangelio, quem ex suis vinculis reportabat, eis agit gratias de subsidio ad se transmissio, suumque amorem erga illos testatur: addens; quamvis mallet pro Christo mori, sperare tamen se illos iterum visurum. Deinde hortatur ad humilitatem exemplo Christi, qui humiliavit semetipsum factus obediens usque ad mortem; rursus ut ambulent tanquam filii lucis; ut caveant ab inimicis Crucis Christi, idest Judæis; ac demum ut perfectam invicem servant caritatis unionem. Hanc præcipuè rogat, ut servant Evodia & Syntyches, femine sanctitate quidem & bonis operibus illustres, & quæ cum ipso in Evangelio laboraverant; sed quia idipsum sapere non videbantur, idcirco com-

mendat eas cuidam, qui fortè erat majoris auctoritatis, sive consanguineus aut maritus alterutrius ex illis, ut eas in pace continuat. Syntyches memoria fit in Martyrol. Rom., Bedæ, Usuardi, Adonis, ad diem 22. Julii his verbis: *Philippis S. Syntyches, cujus beatus Paulus Apostolus meminit.*

V. De Epaphrodito, qui à Philippensibus, ut supra, ad Paulum missus Epistolam ad eos detulit, censet Theodoritus, Ecclesiæ illius Episcopum fuisse; motus ex eo, quòd vocetur Philippensium Apostolus. Cum enim non possit dici illius Urbis Apostolus, quòd ipse primus in eam Fidem invexerit; hoc enim Paulus fecit; reliquum est ut illius Urbis Episcopus fuerit à Paulo constitutus; nisi nomen Apostoli pro Nuntio seu Legato, non pro dignitate accipiatur. Ejus festum apud Græcos die 8. sive 9. Decembris, insuper 29. & 30., Martii tanquam unius ex 70. Discipulis celebratur, necnon inter Episcopos Andriacæ, sive Audrajæ recensetur. In quodam sermone Metaphrasti tributo legitur Epaphroditus quidam Tarracinæ Episcopus, qui legitur etiam in Martyrol. Rom. die 22. Martii. Sed hic dicitur ordinatus Tarracinæ Episcopus à beato Petro, non à Paulo. Alium etiam recenset Dorotheus in Synopsi Adriæ Episcopus. Quare Baronius tres putat fuisse diversos hoc nomine appellatos. Quid autem sit, judicet Lector.

VI. Unus ex præclarioribus captivitatis S. Pauli fructibus fuit Onesimi conversio, quem ex mancipio fure & transfuga Jesu Christi servum adeo fidelem effecit, ut meruerit à Paulo postea appellari (ad Philemonem v. 10.) suus filius, quem genuit in vinculis, v. 12., tanquam sua viscera. De hoc Onesimo locutus sum tom. 1. Ver. Relig. Christ. cap. 2. de Epist. Pauli s. 1. n. 20. Ad rem præsentem dico, Onesimum Colossensem in Phrygia mancipium fuisse Philemonis ejusdem Urbis Incolæ, qui Fidem susceperat & Pauli amicus erat. Onesimus ergo reus furti non modici ab hero suo aufugiens Romam venerat, ubi cum de Paulo audisset, ad eum accessit, culpam suam confessus est, ac ejus patrocinium apud herum imploravit. Paulus humaniter illum excipiens, simulque de fuga & furto increpans, mysteriis Fidei eum imbuit, & baptizavit. Optasset illum apud se retinere, ut sibi adjutorio esset in suis angustiis, sed nolens id facere absque consensu Philemonis, eum ad ipsum remisit tradens ei Epistolam, inter Canonicas relatam, in qua Philemonem enixe rogat, ut reatum Onesimo condonet, eumque in gratiam suam, & simulatum tanquam se ipsum recipiat. Philemon Epistolâ perlectâ, Onesimum non jam ut servum, sed ut fratrem & amicum



cum accepit, quem paulò post Romam ut Paulo ministraret, remisit. Cujus ministerio Paulum usum fuisse constat, quòd per ipsum Epistolam, quam ad Colossenses anno 62. scripsit, misit.

VII. Onesimus ab eo tempore totum Divinis ministeriis se dedit. Const. Apost. L. 7. cap. 46. fertur à Paulo Berœæ in Macedonia Episcopus constitutus, tunc fortè cum Romam ad martyrium revertebatur. Martyrologia Bedæ, Usuardi, & Romanum die 16. Februarii faciunt eum Episcopum Ephesiorum, à Paulo post Timotheum ordinatum, eumque Romam victum perductum, ibique lapidatum, martyrium consummatè, ac de eo locutum S. Ignatium Epist. ad Ephes. anno 107. : sed hæc nutare videntur. Tum quia Paulus Timotheo non fuit superstes, ut post ipsum possit alium Ephesiorum Episcopum instituere. Tum quia non est credibile, Onesimum, qui in ætate jam adultæ ad fidem venerat, anno 107. adhuc vixisse, & Ecclesiæ Ephesinæ præfuisse. Verius ergo loqui videntur, qui putant, Onesimum Ephesiorum fuisse diversum à Philemonis servo. Græci in Menologio die 15. Februarii nihil loquentes de Episcopatu dicunt: *Post mortem verò S. Pauli à Tertullo Romæ Præfeco comprehensus, ductusque Putolos, flagris gravissimè caditur. Cumque à Christo ad Idolorum cultum disciscere vellet, quin potius fidentis animo diceret, se credere in Christum factorem Cæli & Terræ & maris, & omnium quæ in eis sunt; ad iram Tertulli concitatus, contusis minutim cruribus, ad Dominum quem dilexerat migravit.* Quibus apparet, nihil certi in hac re statui posse.

VIII. De Philemone, præter ea, quæ superius citato loco dixi, Civis locuples Colossarum Urbis Phrygiæ fuit: unà cum uxore Appia ab Epaphra Pauli Discipulo fide initiatus creditur, cum Paulus eam Urbem nunquam ante adierit. Ei tamen fuit addictissimus, adeò ut Paulus summâ confidentiâ ad eum scribat; imò roget eum, ut si quando Colossas ire Deus illi permiserit, paret sibi hospitium; eique fortè unà cum Archippo Ecclesiam illam commiserat, cum tunc Epaphras Romæ captivus esset cum Paulo, ut constat v. 23. Hujus viri nomen celebre reddidit Onesimi servi reitas. Vir adeò pius ac religiosus cum tota sua Familia erat, ut ejus domus à Paulo v. 2. Ecclesia nuncupetur. Colossensium Episcopum faciunt Const. Apost. L. 7. cap. 4. Gazensem verò in Palæstina Ecclesiam gubernasse, & munus Apostoli in ea exercuisse, volunt Græci: quod verius existimo, ut infra dicam. Colossas tamen reversus cum uxore Appia ibi Martyrio coronatur. Undè Martyrol. Rom. die 22. Novembris: *Colossis, inquit, in Phrygia Sanctiorum Philemonis & Appiæ*

*pie Sancti Pauli Discipulorum, qui sub Nerone Imperatore, cum Gentiles in die festo Dianæ invassissent Ecclesiam, cæteris fugientibus tenti, jussu Artoclis Præsidis verberibus cæsi, & in foveam usque ad reves inclusi, lapidibus opprimuntur.*

IX. Post scriptam ad Philemonem Epistolam per Onesimum missam, aliam scripsit ad Colossenses, seu ad Colossensium Ecclesiam, quam etiam per Onesimum misit, non quidem eodem tempore, ut aliqui putaverunt, sed diverso, nimirum ut putant Chrysostomus & Theodoretus, anno sequenti 62., postquam Philemon iterum misit Onesimum ad Paulum. Occasio hanc Epistolam scribendi, ut tomo 1. Ver. Relig. Christ. c. 2. §. 1. n. 13. tetigi, fuit: Quia cum ab Epaphra, qui lucem veritatis Colossis cum magno fructu effuderat, & qui cum eo tunc Romæ erat, audivisset, iis in partibus quosdam spargere, quod non debeamus accedere ad Deum per Jesum Christum, utpotè supra nos nimis elevatum, sed per Angelos: propterea postquam Jesu Christi excellentiam eis descripsit, ostendit, eum unicum esse, qui nos Deo reconciliavit, esse Caput Ecclesiæ expandens super omnes spiritum & vitam; monens eos, ut caveant à seductioribus Philosophis, seu Legem inducere volentibus. Deinde in moribus eos informat, pro se eos precari optat, discretè cum Infidelibus conversari: demum ut hæc, & similiter Laodicensium ad ipsum Epistola, apud utramque legatur Ecclesiam. Scripserant enim Laodicenses Epistolam ad Paulum; ex quo aliqui moti dixerunt, Paulum quoque particularem Epistolam ad illos rescripsisse. Sed hoc falsum esse, ostendi tomo 1. Ver. Rel. Christ. cap. 4. de Apocryphis §. 5.

X. Epaphras, ut dixi, Colossis Christum annuntiaverat, & probabiliter etiam Laodiceæ, & Hieropoli in Phrygia, ideòque ad Colossenses scribens cap. 1. v. 7. ait: *Sicut didicistis ab Epaphra carissimo conservo nostro, qui est fidelis pro vobis Minister Jesu Christi.* Is enim Fidei mysteriis à Paulo initiatus, convertendis Colossensibus concivibus suis operam contulit; ideòque ipse potius, quàm Philemon creditur Colossensium Episcopus constitutus. Cum ergo Epaphras Romam eo tempore, quo Paulus in vinculis detinebatur, venerit, eadem & ipse vincula toleravit. Hæc occasione statum Ecclesiæ Colossensis ei retulit cap. 1. v. 8. *Qui etiam manifestavit nobis dilectionem vestram in spiritu.* Undè ei significans periculum, in quo erant, ne à quibusdam vanæ Philosophiæ sectatoribus puritas Fidei, quam susceperant, corrumperetur, movit Paulum ad præfatam Epistolam scribendam, in qua cap. 2. v. 8. inter cætera eos monet: *Videte, ne quis vos de-*

*decipiat per philosophiam, & iuvenem fallaciam, secundum traditionem hominum, secundum elementa mundi, & non secundum Christum.*

Epaphræ festus dies in Martyrol. Ufuardi, Adonis, & Rom., diei 19. Julii consignatur his verbis: *Natalis Sancti Epaphræ, quem Sanctus Paulus Apostolus Concaptivum appellat. Hinc ab eodem Apostolo Colossis Episcopus ordinatus, clarus virutibus, ibidem martyrii palmam pro ovibus sibi commendatis virili agone percepit, cuius corpus Romæ in Basilica Sanctæ Mariæ Majoris conditum est. Quod ex veteribus ejusdem Ecclesiæ Monumentis se etiam collegisse testatur Baronius in Notis, tamquam Colossis Romam translatum.*

XI. Dum Paulus adhuc Romæ esset, vel saltem in aliqua Urbe Italiæ (de hoc enim controvertitur) scripsit Epistolam ad Hebræos, hoc est ad Hebræos ad Christum conversos Jerusalem & Palæstinæ. De hac Epistola, an sit Pauli & Canonica olim dubitatum fuit, tum à Græcis, tum à Latinis: imò & hodie à quibusdam ex Heterodoxis adhuc controvertitur. Eam esse Pauli & Canonicam, fusè ostendi tom. 1. Ver. Relig. Christi. c. 3. de libris olim dubiis §. 6. ; ubi momenta contraria solvuntur, ideoque Lectorem illuc remitto.

## §. XXII.

### *Pauli Itinera in Hispanias & in Orientem.*

I. **P**aulus Romanis vinculis biennio detentus tandem libertati restitutus fuit, anno Christi 62. vel 63. Cujus autem operâ, & quo studio liberatus fuerit, & Judæorum calumniæ fuerint dissipatæ, scriptum non est. Probabiliter credi potest, hoc factum fuisse favore amicorum, quos non paucos Romæ acquisierat, etiam ex Neronis Aula, maximè cum Nero non in tantam, ut postea, erupisset crudelitatem. Undè Bedæ in c. 28. Act. *Non solum, inquit, Romæ predicare prohibitum non est, sed necdum Neronis imperio roborato, nec in tanta erumpente scelera quanta de eo narrans historia, dimissus est, ut Evangelium Christi in Occidentis quoque partibus predicaret.*

II. E carcere igitur liberatus Apostolus, variis Italiæ partibus peragratis, in Hispaniam juxta plures Patres contendisse fertur. Ita enim sentiunt Athanasius Epist. ad Dracontium, *Studium, inquit, suis Sancto Viro (Paulo) usque ad Illyricum Evangelium predicare, neque seguescere, neque omittere, quin Ro-*

Romam iret, & in Hispanias ascenderet, ut pro graviore labore majori frateretur mercede laboris. Cyrillus Jerosol. Catech. 17. de eodem S. Paulo scribit: *Ab Jerosolymis usque ad Illyricum disseminavit Evangelium, qui Regiam quoque Romam instituebat, & in Hispaniam usque promissitudinem predicationis ostendit. Epiphanius hæres. 17. Paulus in Hispaniam profectus est, Petrus vero sæpe Pontum, & Bityniam visitavit.* Chrysostomus præfat. in Epist. ad Hebræos de S. Paulo: *Cum igitur, inquit, biennium Romæ exegisset in vinculis, tandem dimissus est: deinde in Hispanias profectus, ivisti illic Judæos quoque, ac tunc fortasse Romam reversus est, quando & supplicium jussu Neronis pertulit.* Theodoritus in cap. 1. Epist. ad Philippenses ait: *Quæ Actorum nos docuit historia, quod duobus annis primum Romæ per se degit, per se habitans in suo conducto: cum autem illinc profectus esset in Hispaniam, & illis etiam Divinum Evangelium tradidisset, reversus est, & tunc fuit truncatus capite.* Hieronymus in cap. 11. Isaiæ: *Paulus, inquit, in Hispaniam Alienigenarum portatus est navibus, in Amos. cap. 5. Et Gregorius L. 31. Moral. cap. 22. Ecce ipse, quem ad testimonium jam sæpè deduximus, Paulus, cum nunc Judæam, nunc Corinthum, nunc Ephesum, nunc Romam, nunc Hispanias peteret, ut in peccati morte jacentibus æternæ vitæ gratiam nuntiaret, quid se aliud quàm esse Aquilam demonstrabat? Hisce omnibus, aliisque testibus fidem auget Paulus ipse, qui scribens ad Romanos cap. 15. v. 24. ait: *Cum in Hispaniam proficisci cæpero, spero quod præteriens videam vos, & à vobis deducar illuc, si vobis primum ex parte fructus fuero.* Habebat ergo in animo Paulus ire in Hispaniam, postquam Romam venisset: cum ergo Romam venerit, sit, ut inde digressus in Hispaniam iter direxerit. Unde Hieronymus Epist. 28. modò 53. ad Lucinium, & Beda in cap. 28. Act. colligunt, cum in Hispaniam de facto ivisse.*

III. Hoc idem ex Romano Martyrol. deducitur ad diem 12. Martii, ubi memoriam faciens Pauli Narboneusis Episcopi à Paulo constituti, dicit, quod Paulus, cum in Hispaniam pergeret, ibi eum reliquit. Ex Adone, qui in Chronico ad annum 59. asserit, S. Paulum eodem in itinere Trophimum Arelate reliquisse, Viennæ verò Crescentium. Tandem ex Menologio Gregorum die 29. Septembris, ubi de SS. Xanthippa, & Polyxena hæc habet: *Sancta Xanthippa, Claudio Romanorum Cæsare, uxor Probi Hispania Præfæcti, sororem virginem nomine Polyxenam habuit. Cum autem Sanctus Paulus Apostolus in Regionem Hispaniæ venisset, Christumque predicaret, illum adiit Xanthippa, atque ab*

eo Fidem edocta, primùm quidem baptizata fuit: deinde Viro suo persuasit, ut Christianus fieret. Similiter & soror ejus Polyxena edocta quidem tunc ab eodem Apostolo fuit, sed post ejus discessum cum audisset Andream magnum Apostolum Patris in Achaja Fidem veritatis predicare, profecta ad eum est, ab eoque, postquam perfectiùs quæ ad Christum pertinent didicisset, Baptismum suscipit. Mox rediit in Regionem suam, ubi reperit sororem suam Xanthippam omni virtutum genere fulgentem, à qua cum gaudio excepta est. Cumque ambæ multos Christi Fidem docuissent, finem vivendi fecerunt. Hæc Menologium.

IV. Tot tamen tantisque testibus Recentiores quidam refragari non verentur, adventum Pauli in Hispaniam vel negantes, vel in dubium revocantes. Moventur autem primò: quia Innocentius I. in Epist. ad Decentium scribit, Apostolorum neminem præter Petrum Hispanias aliasque Occidentis Regiones Evangelicâ doctrinâ imbuisse: *Legant, inquit, si in his Provinciis alius Apostolorum invenitur, aut legitur docuisse. Quod si non legant, oportet eos hoc sequi, quod Romana Ecclesia custodit, à qua eos principium accepisse non dubium est.*

Secundò Ex Gelasio I. apud Gratianum Causa 22. qu. 2. Cap. Beatus dicente: *Beatus Paulus Apostolus non idè, quod abfit, fefellisse credendus est, aut sibi extitisse contrarius, quoniam cum ad Hispaniam se promississet iturum, dispositione Divinâ, majoribus occupatus ex causis, implere non posuit quod promissit. Quantum enim ipsius voluntatis interfuit, hoc pronuntiavit, quod reverà voluisset efficere. Quantum enim ad Divini secreta consilii (quæ ut homo omnia non potuit, licet Spiritu Dei plenus, agnoscere) supernâ prætermisit dispositione præventus. Volebat ergo S. Paulus in Hispaniam ire, sed de facto non ivit. Et in hac opinionem videtur propendere S. Thomas in cap. 15. ad Romanos Lect. 3.*

Quod verò de Xanthippa & Polyxena, à Paulo in Hispania converfis, à Græcis recentioribus sine solido fundamento asseri dicunt.

V. Nihilominus testimonio prædictorum Patrum, asserentium Pauli in Hispania prædicationem, standum esse judico. Undè ad primum dico, Innocentium illâ exceptione non excludere S. Paulum, sed solùm alios Apostolos, qui tantùm in Provinciis Orientis Evangelium promulgarunt. Cum enim Innocentius Hispaniarum Ecclesias ad Romanæ Ecclesiæ Ritus traducere contendat, & hos constet nedum à S. Petro, verùm & à S. Paulo institutos, ac in illas Regiones, quas Fide imbuendas suscepit, translatos ac propagatos, nulla subest ratio, cur S. Paulum

excipiat ab eorum numero, qui in Occidentalibus & ipsis Hispaniæ Provinciis Evangelium annuntiarunt. Solius tamen Petri meminit, quòd Romanæ & primæ Sedis Episcopus esset, cui cæteræ Ecclesiæ Catholicæ unitatis vinculo ut matriçi coherent.

Ad secundum dico, Gelasium S. Pauli profectiorem in Hispaniam prorsus non inficiari, sed solùm pro eo tempore, quo se cum executurum promiserat. Sponderat enim Romanis, se statim atque Collectas Jerosolymam in Pauperum levamen detulisset, Romam venturum, & inde in Hispaniam profecturum. Quod tam citò implere non potuit, cùm eum prohibuerint graves erumne, quas Jerosolymis à Judæis passus est, & carceris angustiae, in quo solido biennio Romæ Nero detinuit, quarum cùm ad Romanos scriberet præsciis nondum erat: quod non tollit, quin liber dimissus, promissum suum impleverit. S. Thomas verò utramque opinionem proponit, sed rem ex professo non tractat. Quòd verò commentitium sit, de Xanthippa & Polyxena à Paulo in Hispania conversis, faciliè dicitur, sed non ita facile, quia solis conjecturis, probatur. Nec hoc à solis recentioribus Græcis dicitur, sed ex Menologio Basilii Imperatoris seculo nono edito sumitur. Earum etiam meminit Martyrologium Romanum ad diem 23. Septembris. Sed de hoc satis.

VI. Subiundè Paulus in Orientem reversus, creditur in Judæam iter instituisse. Quamquam enim tot & tam gravia à Judæis passus esset, adhuc tamen scribens ad eos peramanter promissit, se ad eos iterum profecturum. Cap. 13. ad Hebr. v. 23. *Cognoscite fratrem nostrum Timotheum dimissum: cum quo (si celerius venerit) videbo vos.* Quibus significat, Timotheum fuisse & ipsum in carceribus, & postea dimissum. Quibus autem in carceribus Timotheus fuerit, dubitatur. In Romanis cum Paulo, quem Romam secutus fuit, putant aliqui. Et quidem Timotheum fuisse Romæ cum Paulo, apparet ex Epistolis, quas Romæ Paulus scripsit, nimirum ad Philemonem, ad Philippenses, & Colossenses; nam earum tituli unà cum Pauli nomine præferunt nomen Timothei. Sed cùm scriberet ad Hæbreos, Timotheus cum illo non erat, nam dimissum expectabat, ut veniret. Probabile ergo est, quòd Paulus ad Philippenses miserit Timotheum, ut statum eorum Ecclesiæ ad ipsum deferret, quod promiserat Philipp. 2. v. 19. & 23.; & quòd in itinere propter nomen Jesu Christi carceri fuerit mancipatus. Undè Paulus sequenti anno ad Hæbræos scribens, dicere potuerit, Timotheum esse quidem è carcere dimissum, sed nondum ad se venisse.

se . Ideò autem hoc de Timotheo Judæis scribit , quia noverat , cum non esse eis odiosum , cum in eorum gratiam ipsum circumcissioni subjecisset . An verò ex Italia immediatè transierit Paulus in Orientem , affirmant , qui eum in Hispaniam non ivisse contendunt . Nos verò , qui , ut supra , in Hispaniam profectum fuisse volumus , dicimus eum post aliquod tempus in Hispania transactum , in Orientem & maximè in Judæam transmissum .

VII. Judæâ relicta alias Asiæ partes recurrit . Colossenses invisisse probabile est ; hoc enim Philemoni promiserat ad Philem . v. 22. *Semel autem & para mihi hospitium ; nam spero per orationes vestras donari me vobis* . Aliquo etiam tempore mansit Ephesi : indè discedens in Macedoniam ibi Timotheum reliquit , eique curam Asiæ reliquit 1. ad Timot. 1. v. 3. sicut rogavi te , ut remaneres Ephesi , cum irem in Macedoniam . Eum enim non reliquisse Ephesi in primo suo discessu ante vincula Romana , ex eo colligitur , quòd Timotheus Paulo comes fuit in itinere Romam , & cum eo Romæ erat , ut nuper dixi . Cum in Macedoniam Paulus transisset , creditur Philippenfes invisisse memor promissi , quod eis fecerat Philipp. 2. v. 24. : *Confido autem in Domino , quoniam & ipse veniam ad vos citò* .

VIII. Ex Macedonia scripsisse fertur priorem Epistolam ad Timotheum , in qua & communia Episcoporum munera , & peculiariora ipsius profèquitur , & ut modico vini haustu vitio stomachi succurrat , hortatur . Monet eum etiam , ut caveat ab iis qui Fidei veritatem falsis doctrinis corrumpunt , ex quibus est Hymenæus & Alexander , quos , inquit , tradidi Satanae , ut discant non blasphemare ( cap. 5. v. 20. ) Fuit Hymenæus , ut videtur , Civis Ephesinus , prius quidem Christi Fidem amplexus , sed deinde in eorum hæresim lapsus , qui Carnis Resurrectionem , utpotè jam factam , futuram negabant . Ita 2. ad Tim. 2. v. 17. ubi adjungit etiam Philetum , dicens : *Es sermo eorum ut cancer serpit , ex quibus est Hymenæus , & Philetus , qui à veritate excedunt , dicentes , Resurrectionem esse jam factam , & subvertunt quorundam fidem* . Eorum error , ut putat S. Augustinus tract. 19. in Joann. , erat , nullam esse Resurrectionem Carnis , sed solum animæ à peccato ad Gratiâ per Fidem & Baptismum . Jam faciam esse ( inquit August. ) Resurrectionem dicebant , sed eo modo ut alia non speraretur : & reprehendebant homines , qui sperabant Resurrectionem Carnis , velut jam Resurrectio , quæ promissa erat , credendo impleteretur in mente . Ex his patet , Hymenæum , & Philetum adhuc in suo errore permansisse , dum Paulus secundam

ad Timotheum Epistolam scriberet. An verò postea resipuerint, igo-  
ratur.

De Alexandro quem cum Hymenæo tradidit Satanæ Paulus, fuisse fabrum ærarium prodidit, perversa & ipsum contra Fidem docuisse, scimus: an verò in errore Hymenæi, an in alio fuerit, latet.

IX. Priusquam fortè adiret Ephesum, Cretam pertransie-  
rat Paulus, ibique jactis fundamentis Fidei, Titum, ut eam gu-  
bernet, reliquit. Cùmque proposuisset hyemare Nicopoli  
Urbe sive Epiri, sive ut alii volunt Thraciæ in introitu Macedo-  
niæ, illuc se contulit. Sed cùm Titum apud se esse optaret, sive  
ut eum in regendis Cretæ Ecclesiis, quæ illi cordi erant, magis  
instrueret, sive ut interim ad fundandas alias Ecclesias ejus ope-  
râ uteretur, scripsit ad eum Epistolam, hortans ut ad se veniat,  
promittens, se illuc missurum Tychicum vel Artemam, ut ejus-  
vices implerent, ubi Hieronymus in cap. 3. ad Titum ait, Pau-  
lum reliquisse Titum Cretæ. *Ut quia Cretenses nuper credide-  
rant, recedente Paulo & ad alias Ecclesias transeunte, non dimis-  
terentur orphani, sed haberent Apostolicum Virum, qui ea quæ  
videbantur deesse corrigeret. Quia ergo post fundamentum aliarum  
Ecclesiarum necessarius erat Titus, qui adificium superstrueret,  
scribit ei, ut cùm Artemam vel Tychicum, unum scilicet è duobus,  
qui secum fuerant, Cretam misisset, impleturum locum ejus; ipse  
Nicopolim veniret, ibi se hyematurum esse testans. Ex quo pa-  
ternus Pauli in Cretenses probamus affectus. Necessarium habet  
Titum in Evangelii ministerium; tamen non enim ante ad se vult ve-  
nire, nisi in locum ejus Artemas vel Tychicus successor adveniret.  
Nicopolis ipsa est, quæ ob victoriam Augusti, quod ibi Antonium  
Cleopatramque superavit, nomen accepit. Hæc Hieronymus.*

Chrysostomus verò homil. 6. in Epist. ad Titum super illa  
verba: Cùm misero ad te Artemam aut Tychicum, festina ad me  
venire Nicopolim, ait. Quid sibi hoc vult, quum jam eum presece-  
ras Insula, & rursum ad te ipsum vocas? Non, inquit, hoc ago,  
ut illum à suo removeam studio atque ministerio, sed ut à me instru-  
tior doctiorque discedat. Nam quod illum non idcirco ad se vocas,  
ut secum circumducas, & ubique comitem habeat; audi quid sequi-  
tur: Illic enim hyemare decrevi. Nicopolis Thraciæ Civitas est.  
Quibus Chrysostomus vult, Paulum vocasse Titum ad se solum  
ad tempus, ut eum magis instructum Cretam remitteret. Sed  
hoc difficultatem habet. Nam 2. ad Timoth. v. 16. legitur Titus  
missus in Dalmatiam: non ergo rediit Cretam. Ille observet  
lector, quod etsi alibi in dubio reliquerim locum, ubi scripta  
fuerit



fuerit Epistola ad Titum, ex supradictis tamen colligere poterit, Nicopoli, vel prope illam fuisse scriptam .

X. Artemam ergo misit Cretam Paulus , ut vices Titi in regimine illius Ecclesiæ gereret, sive ut in eodem illi succederet . Unde licet de illo nihil ultra sciamus ; quantæ tamen virtutis esset, ex hoc unico argumento conicere licet . Tychicum apud se retinuit . Erat is ex Provincia Asiæ , Pauli in multis itineribus comes : per ipsum misit Epistolam ad Colossenses cap. 4. v. 7. ad Ephesios cap. 9. v. 21 ; mittebat autem eum non solum ut Epistolas deferret, sed ad invisendum statum illius Ecclesiæ, de quo eundem Apostolum certiores faciebat . Hinc meruit, ut ab eodem elogio carissimi fratris & fidelis ministri ornaretur, ut ex locis citatis apparet, eumque cogitaverat mittere Cretam in locum Titi . Fertur, cum Epistolam ad Ephesios detulisset, eò etiam misum, ut Timothei illius Ecclesiæ Episcopi tunc Romæ versantis vices gereret . Tychici memoriam Latini faciunt in Martyrol. die 29. Aprilis, his verbis : *Apud Paphum in Cypro Sancti Tychici Discipuli Beati Pauli Apostoli, quem idem Apostolus in suis Epistolis carissimum Fratrem, Ministrum fidelem, & Conseruum suum in Domino appellat.* De eo Usuardus, Ado, & alii . Hunc fuisse primum Chalcedonensis Ecclesiæ Episcopum, tradit Dorotheus in Synopsi . Græci verò in Menologio die 9. Decembris volunt, Tychicum Sotheni in Episcopatu Colophonis successisse, & Martyrio vitam finisse .

XI. Anno sequenti, quem fuisse annum 65. plures putant, fertur S. Paulus Ephesum rediisse, ut Timotheo promiserat 1. ad Timoth. 3. v. 14. *Hæc tibi scribo, sperans me ad te venire citò, & cap. 4. v. 13. Dum venio, attende lectioni, exhortationi & doctrinæ.* Chrysostomus hom. 1. in 2. ad Timotheum existimat, Paulum alibi impeditum implere promissum non potuisse, ideòque hanc secundam Epistolam ad eum scripsisse . *Quid sibi vult, inquit, quòd secundum quoque ad Timotheum Epistolam scribis ? Dixerat, spero celerius venire ad te, Frustratus ille fuerat spe, & expectatione suâ ; consolatur eum litteris corporalis presentie vice fortassis ob hoc ipsum marentem.* Hoc tamen non obstante, probabile est, Paulum redeundo Ephesum, quod promiserat implevisse, & hoc fuisse antequam Troadem veniret, ut statim dicam .

XII. Venit ergo Troadem, ubi apud quemdam nomine Carpum hospitatus fuit, qui Pauli erat Discipulus . De isto Carpo Græci in Menologio die 26. Maii tanta dicunt, ut non plura de ipso Paulo dicere possent : Dicunt enim : *Quod fuit inter septuaginta*

septuaginta Discipulos, & Apostolos ab ipso Christo adnumeratus, qui magno Paulo in predicatione ministrans, Divinasque illius Epistolas ad illos, quibus eas mittebat, deferens, multos ex Ethnicis ad Christi Fidem adduxit, ac fulgore Paracliti mentem illustratam habens, tanquam inaccessible Sydnus ab Oriente exurgens universum Terrarum Orbem Divinis doctrinis illuminavit, càm magna quotidie miracula patraret, & iniquissimos Spiritus ejiceret, atque Urbes Populosque ad Christi Fidem traduceret. Multas proinde ab Infidelibus ærumnas sustinuit. Verùm virili animo gloriosum agonis certamen suscipiens, Principum iratum animum non formidavit. Quapropter cùm Deum in suis membris glorificasset, ab ipso est gloriôsè magnificatus, atque in pace decedens in Dei manus tradidit spiritum. Hæc de Carpo Græci. Quo autem fundamento, nescitur, cùm vel Paulus ipse suos Discipulos commendare solitus, de Carpo nil aliud, quàm nomen dicat. Latini in Martyrol. die 13. Octobris solum dicunt: *Apud Troadem Asia Minoris Urbem natalis S. Carpi Discipuli Beati Pauli Apostoli*. Berœensem Episcopum fuisse tradunt Græci, in Creta autem Dionysius Areopagita Epist. 8. ad Demophylum, cui accedit S. Nilus, dicens, hunc Carpum Episcopum cœvum Apostolis fuisse. Videri potest Baronius ad ann. 59. num. 16., ubi ex Dionysio citato narrat Carpi quandam visionem ob nimiam in peccatores severitatem.

XIII. Discedens Paulus Troade apud Carpum hospitem suum reliquit Penulam, idest vestem exteriorem protegentem à pluvia, sive ut alii volunt sacculum ad reponendos libros, sive suarum Epistolarum, sive alios, & membranas, quæ fortè erant Sacræ scripturæ volumen. Colligitur ex 2. ad Timoth. 4. v. 13. *Penulam, quam reliqui Troade apud Carpum, veniens, offer tecum, & librum, maxime autem membranas*; ubi Chrysostomus hom. 10. in cap. 4. 2. ad Timoth.: *Pallium*, inquit, *hic penulam dicit, alii loculos putant, in quibus libri condebantur. Quid autem illi libris opus erat, quum esset migraturus ad Dominum? At tunc eis maxime egebat, ut eos Fidelibus commendaret habendos atque servandos ab his doctrinæ illius vice.*

XIV. Circa hæc tempora Paulum Miletum venisse, creditur, ubi Trophimum infirmum reliquit, ut ipse dicit 2. ad Timoth. 4. v. 20. *Trophimum autem reliqui infirmum Mileti*. Ubi Chrysostomus hom. 10. ad Paulum: *Cur obsecro inquit, non illum sanasti? Cur reliquisti? Nonne omnia Apostoli poterant? Nonne per gratiam omnia dispensabant?* Respondet: *Plurima enim permittebat Deus hujusmodi fieri, ut infirmitatem naturæ mortalis ostenderet,*

De

De Trophimo egi supra §. 18. Hisce temporibus affigi etiam possunt persecutiones, quas in eadem 2. Epist. cap. 3. v. 11. se passum memorat, *Persecutiones, passiones, qualia mihi facta sunt Antiochia, Iconii & Lystris*: quas, ut ait Chrysostomus hom. 8. in cap. 3. 2. ad Timoth., ideo solas inter plurimas numerat, quia *nota erant Discipulo reliqua, & fortassis ista ut recentia omisit prius memorat.*

## §. XXIII.

*Paulus Romam reversus carceri traditur.*

I. **P**ost tantos terrâ marique toto ferè terrarum Orbe exant-  
latos labores, præsciens Paulus tempus resolutionis suæ  
instare, ut eos gloriosâ morte pro Christo coronaret, Romam  
iterum adire decrevit. Colligunt hoc Patres ex secunda Episto-  
la, quam ad Timotheum scripsit, in qua post salutaria monita,  
quibus Timotheum imbuat cap. 4. v. 6. ait: *Ego enim jam delibor,*  
*& tempus resolutionis meæ instat. Bonum certamen certavi, cursum*  
*consummavi &c.* Ex quibus colligit S. Augustinus L. 2. de peccat.  
meritis cap. 16., cum Divinâ revelatione cognovisse & suam  
imminentem passionem & in passione victoriam: *Et ideo talibus*  
*verbis certus securusque gaudebat, quia de victoria futuri certa-*  
*minis certum eum securumque jam fecerat, qui eandem passionem jam*  
*illi revelaverat imminentem.* Et serm. 299., *Ego, inquit, jam im-*  
*molor, confirmatum illi erat revelatione; non enim hoc sibi huma-*  
*na infirmitas promittere auderet.* Et S. Athanasius Apologiâ de  
fuga sua addit, Petro & Paulo fuisse revelatum etiam Marty-  
rium Romæ subeundum: *His, inquit, auditis verbis, oportet*  
*vos Romæ Martyrium subire, profectum non disfulere suum, imò*  
*potius gaudentes abierunt; & ille quidem ut ad suos properans, de*  
*nece sua gaudebat; hic verò cum tempus adesset, nequaquam exhor-*  
*vuit, sed gloriabundus ait, Ego enim jam delibor, & tempus re-*  
*solutionis meæ instat, &c.*

II. Paulus ergo Romam proficiscens Corinthum pertransi-  
vit, ubi Erastus Civis remansit 2. ad Timoth. 4. v. 20. Cum ergo  
Romam pervenisset, invento ibi Petro, unâ cum isto totum se  
dedit instruendis Judæis in Synagogis, & ab infidelitate aver-  
tendis Paganis in plateis & publicis cœtibus. Inter cætera au-  
tem Moralis Christianæ adversus voluptates sensus & omne  
libidinum genus suadere cœpit. Quæ audiens Nero factus jam  
vitiorum omnium & maxime libidinis vile mancipium, de eo  
ex-

exterminando cogitare cœpit; ut refert S. Asterius hom. in Petrum & Paulum versùs finem. Id verò maximè Neronis animum in Paulum excitavit, quia cùm, ut supra dixi ex Chrysof. hom. 46., Pincernæ, & Concubiinæ Neronis aliquo modo in priori adventu Paulus innotuisset, in hoc secundo, fert Traditio, familiarius ad utrumque accedentem, eisque Fidem Christi persuadentem, utrumque tandem Christo lucratum fuisse. Quod Neronis iram, qui feminam illam deperibat, adedò commovit, ut Paulum carceri tradi iusserit. De hoc Chrysostomus L. 1. adversus oppugnatores vitæ Monasticæ ad eos arguendos, qui castitatis propositum damnabant, exemplum fumit, dicens: *Hic itaque Nero Beatum Paulum, cujus tempore regnabat, de iisdem accensum, de quibus vos ipsi Sanctos Viros insinulatis: pellicem enim ejus, quam ille deperibat, cùm ad Fidei doctrinam amplectendam induxisset, ab impio ejus consortio abduxit: hæc, inquam, illi crimina objiciens, ac corruptorem, seductorem, & his similibus nominibus, quæ vos modò profertis, Paulum appellans, primò ipsum in vincula conjecit: cùm autem ut puella munita dare desineret, ipsi persuadere non posset, necavit tandem.* Ita Chrysof.

III. Creditur Paulus, ut se defenderet, stetit primò coram Nerone. Sed qui in prioribus vinculis amicos multos etiam de domo Cæsaris habuit (ad Philipp. 4. v. 22.) in his secundis ab omnibus derelictum se dolet. 2. ad Timoth. 4. v. 16. *In prima mea defensione nemo mihi adsuit, sed omnes me dereliquerunt.* Hæc tamen Pauli querela cadit quidem super illos, qui ex aula Neronis antea illi favebant, vel qui apud Principem existimationem habentes eum juvare poterant; sed non super Lucam, aliosque Sanctos tunc Romæ existentes: hi enim quamvis summam in Paulum pietatem adhuc foverent, quia tamen in eadem causa cum ipso erant, juvamen illi se non posse afferre noverant, propriam quoque vitam pro illo exhibentes.

IV. Verùm quamvis Paulum dereliquerint homines, Deus tamen ipsum non dereliquit, Gratiâ suâ confortans & roborans, & ut passionibus alacriter ferret, & ut prædicationis opus compleret. Sic ipse ait 2. ad Timoth. 4. v. 17. *Dominus autem mihi assistit, & confortavit me, ut per me prædicationis impleatur, & audiant omnes Gentes, & liberatus sum de ore Leonis.* Per Leonem indicans Neronem, à quo se liberatum dicit, sive tunc effugerit mortem, quam illi fuerat comminatus, sive quia fuerit integrè libertati constitutus, ut aliqui volunt, ut potuerit coram omnibus Gentibus Romæ existentibus opus prædicationis complere: sed postea in vincula conjectus. Ita sentit Chrysostomus hom. 10.

in 2.

in 2. ad Timoth. cap. 4. his verbis: *Quam verò dicit primam defensionem? Neroni jam assisterat, & illasus effugerat: ubi verò Pincernam ejus instituit, ac Fidei Sacramentis instruxit (dicas etiam pellicem) tunc jam ipsum capite truncavit.*

Alii autem existimant, verba illa *In prima mea defensione* referri à Paulo ad tempus præteritum, quando scilicet appellatione usus Romam à Festo missus est, defensione auditâ fuit absolutus, & in Hispaniam profectus est, & ad alias Geutes excurrens, eis Evangelicæ doctrinæ lucem attulit. Primam vocavit defensionem, quâ in illa profecione usus est, & liberatus fuit ab ore Leonis, idest Neronis. Ita Alexander in cap. 4. 2. ad Timoth. citans Chrysostomum, & Theodorum. Priori tamen expositioni standum esse censerem.

V. Derelictus ab omnibus Paulus fuit; nam omnes etiam Asiatici, qui Romæ erant, ab eo recesserunt, ut 2. ad Timoth. 1. n. 15.: *Scis hoc, quod aversi sunt à me omnes, qui in Asia sunt, ex quibus est Phygellus, & Hermogenes.* Ubi Chrysostomus hom. 3. *Erant, inquit, fortè tunc Romæ plerique Asiatici: sed nemo, ait, assistit mihi, nullus me recognovit, omnes à me alieni effecti sunt.* Specialiter autem Phygellum, & Hermogenem nominat, quia hi duo, nedum ab ipso sed & à Fide defecisse, creduntur. Phygellus seu Phygellus Asiaticus erat, & saltem apparenter Christianus, de eo nihil sanè honorificum legimus: Metaphrastès in serm. de SS. Petro & Paulo facit eum Episcopum Ephesiorum, qui Judæis fidelibus, ut à Fide deficerent, auctor fuit: sed hæc dubiæ fidei sunt. Hermogenes, si Abdiæ credimus, Magus fuit à S. Jacobo Majore cum Phygello ad Fidem ductus: Apostolum secutus, cum eum in vincula coniectum videret, ipsum reliquit. Contra Hermogenem scripsit Tertullianus negantem Resurrectionem futuram, quippè quæ jam facta fuisset: sed hic alius fuit ab eo, de quo hic agimus. Si auctori sub Anbrofii nomine in cap. 1. 2. ad Timoth. fides sit: *Hi, quos memorat (Phygellus & Hermogenes) fallaciæ plebi erant. Simulabant enim amicitias Apostolo, ut adhaerentes ei addiscerent, undè illi calumniam facerent, aut per alios immitterent. Qui postea quam viderunt manifestatos se, recesserunt ab eo.*

VI. Deus tamen, qui Paulum non deserebat, misit in solamen ejus Onesiphorum, qui ab Asia ad ipsum ferè ab omnibus derelictum profectus maximo subsidio ei fuit. Undè 2. ad Tim. 1. v. 16. ita eum commendat: *Dei misericordiam Dominus Onesiphori Domui, quia sæpè me refrigeravit, & cutenam meam non erubuit. Sed cum Romam venisset, sollicitè me quaesivit, & invenit.*

Tom. V.

Kk

Det

*Det illi Dominus invenire misericordiam in illa die . Et quanta Epheſi miniſtravit mihi , tu melius noſti . Ecce quàm gratus quàm pius erga benefactores ſuos . Oneſiphori feſtum Græci celebrant die 29. Aprilis . Eum faciunt Epiſcopum Colophonis in Aſia , deinde 8. Decembris Epiſcopum Cæſarææ faciunt , Martyrem , & unum ex 70. Diſcipulis . Latini verd in Martyr. Rom. die 6. Septembris , his verbis : In Hellesponto . Sancti Oneſiphori Apoſtolorum Diſcipuli , cujus meminit S. Paulus ad Timotheum ſcribens , qui ibidem unâ cum S. Porphyrio inſſu Hadriani Pro-Conſulis acriter verberatus , & à ferocibus Equis raptatus , ſpiritum Deo reddidit .*

VII. Dum Paulus in extremis hiſce vinculis detineretur , non aded arctè custodiebatur , quin ſibi vel alloquendi aliquem vel ſcribendi copia fieret . Hoc ergo tempore , non ante , ut putant aliqui cum Baronio , ſecundam Epiſtolam ad Timotheum ſcripſiſſe puto . Hanc Chryſoſtomus hom. 9. deſcribit tanquam Teſtamentum morituri Patris ad filium monita ei relinquentis , eumque abſentem ante mortem videre cupientis . Sciebat , ad hoc nuntium maximo mœrore Timotheum afficiendum . Nam ( inquit Chryſoſtomus ) ſi Eliſæus ad extremum uſque Magiſtro conjunctus , illumque intueus novo ac peregrino modo Mundo excedentem , ſcidit veſtimenta ſua : quid hanc paſſarum putas , cùm audiret , quem ita diligebat & à quo ſic amabatur . Magiſtrum ex vita migraturum , & quodd ipſe nec vicino quidem mortis tempore ſui meruiſſet , quod omniùm maximè vel maſſiſſimum eſt ? Non enim ita præterito tempore gratificamur contuberniis , ſicut graviter ferimus , quum de ſanctis propinquâ mortis horâ deſtituimur . Idcirco ubi aſſatim illum conſolatus eſt , tunc de morte proxima loquitur , neque id facit temerè , ſed eis vocabulis utitur , quæ illum maximè ſolari poſſunt , & gaudio implere , dum ſacrificium eam rem potiùs arbitratur eſſe , quàm mortem , peregrinationemque & ad meliora tranſitum . „ Ego enim , inquit , jam delibor &c. Curſum conſummaui , reposita eſt mihi corona „ &c.

VIII. Propterea hortatur illum , ut citò veniat ad ſe cap. 4. v. 8. *Feſtina ad me venire citò .* Tum ut ipſi morituro aſſiſtat , eo vel maximè quòd omnes eum dereliquerint , & remaſerit quaſi ſolus . *Demas enim me reliquit diligens hoc ſeculum , & abiit Theſſalonica : ubi Chryſoſt. hom. 10. Huic ſolè detrabat , inquit , non derogandi illi ſed confirmandi nos ſtudio , ne inter pericula laboresque molleſcamus .* Cæterùm Demam iſtum non ſolùm reliquiſſe Paulum , ſed & Chriſtum , dum in patriam Theſſalonicam ſe recipiens ad hæreſim Cerinthi , Ebionis , & aliorum Chriſti Di-

vinitatem negantium defecit, S. Epiphanius hæresi 51. tradit. Imò ut ajunt Dorotheus in Synopsi & Pseudo-Hippolytus de 70. Discipulis, factus fuit Sacerdos Idolorum. Reliqui Discipuli in alias Partes ab eo fortè Evangelii causâ missi erant, ut Crescens in Galatiam, Titus in Dalmatiam, Tychicus Ephesum. Quarè Timotheum hortatur, ut assumat, & secum ducat Joannem Marcum, sibi utilem in ministerio v.11. *Lucas enim est mecum solus.* Undè v.21. Timotheum sic hortatur, *Festina autem hyemem venire.* Tanta autem sollicitudo Pauli de adventu Timothei cum Marco, ne remaneret solus, non erat præcisè propter se ipsum, sed propter Evangelium, ne Fideles in sua morte perturbarentur. Erant enim tunc Romæ Fideles, sed timebat, ne ejus exitu deterriti, vel in Fide nutarent, vel si ex primoribus essent, turbas excitarent. Ita Chrysostomus hom. 10.: *Itaque, inquit, & Timotheum non sui causâ, sed Evangelii vocat, ut nullam in ipsius morte Fideles perturbationem paterentur, quum adessent plerique ex Discipulis ejus, tur.que prohiberent, eosque consolarentur, qui illius necem æquanimiter ferre non poterant: quippe eos, qui Romæ crediderant, singulares esse memorabilesque esse crediderim.*

IX. In hac Epistola totus est Paulus in suadendo Timotheo, ut munera Episcopi fideliter impleat, nec ullo humano respectu demoveatur; ut teneat firmiter sanam doctrinam, quam ab ipso acceperat, & in ea stet, ut devitet eos, qui sub specie pietatis semper nova quærentes, nunquam veritatem assequuntur, sed vanis quæstionibus ac illusionibus huc illucque distrahuntur, additque cap.3. v.8.: *Quemadmodum autem Jaanes & Mambres resistunt Moysi: ita & hi resistunt veritati, homines corrupti mente, reprobi circa Fidem.* Hi duo, quorum nomina alibi in Scriptura non leguntur, fuerunt duo ex Magis, quos Exodi 7. v.11. Pharaon vocavit, ut suis incantationibus Moysi prodigia æmulerentur. Paraphrastes Jonathan in num.22. tradit, eos habuisse Patrem Balaamum, quem euntem ad Balac Regem Moab comirati sunt. Artapanus scribit, Pharaonem ex Ægypto Superiori supra Memphim Magos illos accivisse contra Moysen. Ambrosius ( seu verius Hilarus Diaconus ) in 2. ad Timoth. 3. v.8. Fratres fuisse refert, qui videntes, quoddam virtus Moysi in operibus cresceret, humiles sacri confessi sunt cum dolore vulnere, Deum in Moysè operatum. Nonnulli credunt eos cum patribus suis avolasse, alii submersos in mari Rubro cum Ægyptiis, alii sublatos fuisse à Phinees in bello contra Madianitas. Sed hæc ex Apocryphis sumta sunt. Palladius in

sua historia Lausiaca cap. 15. refert, S. Macarium aliquibus diebus in desertum à sua Sede remotum datâ operâ divertisse, ut sepulchrum horum præstigiatorum videret, quod in horto arboribus confito invenit, ubi domus erat sumtuoso apparatu instructa, cujus ingressum Dæmones prohibebant. Verùm Vir Sanctus, illis in fugam actis, domum lustravit, ac deinde ad sua reversus est. Fabula ne an historia hæc sit, judicet quispiam.

X. Hisce postremis in vinculis Epistolam quoque ad Ephesios Paulum scripsisse, non pauci autumant; & colligunt primò: quia hoc tempore Tychicum solitum ejus Tabellarium misit Ephesum. 2. ad Timoth. 4. v. 12. *Tychicum autem misi Ephesum*: secundò, quia titulus hujus Epistolæ non præfert nomen Timothei unâ cum S. Paulo, ut Epistola ad Colossenses, & aliæ, quæ in primis vinculis scriptæ fuerunt, ut ad Philipenses, & ad Philemonem. Epistola ergo ad Ephesios videtur scripta eo tempore, quo Timotheus non erat Romæ cum Paulo, ac proinde non in primis sed in secundis Neronianis vinculis. Hanc autem se misisse per Tychicum, scribit ipse cap. 6. v. 21. : *Ut autem & vos sciat, quæ circa me sunt, quid agam, omnia vobis nota facies Tychicus*. Quæ verba collata cum jam allatis ex secunda ad Timoth., *Tychicum autem misi Ephesum*, arguere videntur, quòd Paulus, dum scriberet secundam ad Timotheum, misisset jam Tychicum cum Epistola ad Ephesios. S. Hieronymus ipse in cap. 3. ad Ephes. dubitare videtur, an ad Ephesios scripserit, dum disponderet Romæ ire in Hispaniam, an verò postquam in Hispaniam perrexisset, quamvis in Epist. ad Philemonem putet ad Ephesios eum scripsisse, quando ad Philipenses & Colossenses scripsit, hoc est in primis vinculis. Sed quidquid sit de hoc: Epistolæ hujus argumentum sunt potissima Fidei mysteria, Redemptionis nempe, Justificationis per mortem Christi, gratuitæ Prædestinationis, Vocationis Gentium, duorum Populorum unio in unum corpus per Jesum Christum, & tandem ejusdem Capitis super omnes Creaturas & spirituales & corporales eminentia.





## §. XXIV.

*Pauli Martyrium.*

I. **Q**Uantum temporis effluxerit inter solutionem à primis Neronianis vinculis & hæc postrema, à quibus transit ad Martyrium, certum non est. Ex itineribus tamen, quibus Hispaniam aliasque Occidentis & Orientis non pede tantum sed zelo & peregrinatione peragravit, apertè colligi potest, plures annos intercessisse. Octo fuisse censet Baronius ad ann. 61. num. 2., qui, ut diximus de S. Petro, Martyrium utriusque consignat anno Christi 69. Alii, qui ejus cum Petro Martyrium anno 66. contigisse volunt, solos quinque assignant intercurrisse. Alii tandem maximè ex Antiquis, plures, adeò ut sicut supra dixi, ubi certò figam pedem me lateat. Videantur quæ dixi de S. Petro §. 14. num. 9. Tota difficultas, ut puto, ex hoc pendet, an Petrus & Paulus Martyrium passi sint, antequam Nero iret in Achajam, an verò post ejus reditum Romam. Qui enim putant primum, Apostolorum Martyrium anno Christi 66. Nervæ & Vestini Consulibus accidisse putant, ut Pagi-  
us, Tilmontius, Calmet, alique. Qui verò existimant secundum, ut Baronius, Alexander &c. volunt, eos occisos fuisse Fontejo-Capitonio & Cajo Julio Rufo Consulibus anno 69., & Neronis Imperii decimo tertio, anno enim sequenti Nero occisus fuit, & hoc probabilius esse, superius arbitratus sum.

II. Causæ, quæ ad Paulum ultimo supplicio afficiendum tandem Neronem impulerunt, fuisse creduntur: primò: Prædicatio Evangelii, à qua licet in vinculis Paulus non cessabat, plures ab idololatria ducens ad Christum: secundò & fortè præcipuè, quia cum Paulus feminis, quas ad fidem adducebat, castè & pudicè vivere suaderet, & inter istas ipsam Neronis Pellicem ad fidem & castitatem traxisset, quod optimè ei contingere potuit, Nerone in Achajam profecto; Romam reversus Nero, videns se eâ recusante amplius abuti non posse, totum furorem in Paulum ut auctorem homo impudicissimus convertens, eum necari jussit. Hanc fuisse causam, asserit Chrysost. L. 1. adversus Oppugnatores vitæ Monast. dicens: *Cum autem ut puella monita dare desisteret, ipsi (Paulo) persuadere non posset, iracundus tandem.* Tertio aliqui putant, Martyrio Pauli causam etiam dedisse Simonis Magi interitum, in quo etiam Paulum partem habuisse existimant: Nero enim æquè magicis artibus, ac impudiciis deditus erat.

III. Pau-

III. Paulus ergo cum à Petro, quem habebat in passione socium, mutuâ prius salutatione in osculo sancto impartitâ divinus esset, ad supplicii locum rectâ perducitur. Inter eundem quid acciderit, certum non est. In Actis passionis ejus Lino suppositis multa leguntur, quæ tamen apocrypha reputantur. Baronius ad ann. 69. num. 10., ut traditum narrat, Paulum, cum ad locum pergeret passionis, comitantibus Populorum Turbis innumeris, venissetque ad portam Urbis, habuisse obviam Matronam nobilissimam Plautillam nomine, Flaviæ Domitillæ Matrem, à Petro baptizatam (ut in Martyrol. Rom. die 20. Maii) Hanc cum flentem vidisset Apostolus, ab ea velum petiit, quo feriendus gladio de more tegeret oculos. Consuevisse enim etiam Judæos fasciâ velare oculos eorum, qui capite truncandi erant, tradit Josephus de bello Judaico L. 7. cap. 14. ; quod illa statim tradidit, postea, ut erat pollicitus, receptura. Locus, ubi hæc facta sunt, dicitur esse propè portam Hostiensensem, ob id veteri memoriâ consecratus.

Traditur etiam, dum sic ad Martyrium duceretur, tres milites, qui ex apparitoribus erant, ad fidem convertisse: quos in Fide constantes idem Nero die 2. Julii gladio percuti iussit. Horum memoria fit eadem die in Martyrol. Rom. his verbis: *Roma Passio Sanctorum trium Militum, qui in Martyrio Beati Pauli Apostoli ad Christum conversi, cum eo celestis gloria participes fieri meruerunt.* Agunt de iis etiam Ado, Ufuardus, & alii. Eorum nomina (ait Baronius in Notis) ex veteribus Manuscriptis sunt, *Longinus, Acestus, & Megistus.* Ubi verò ad locum supplicio destinatum, dictum *ad Aquas Salvias*, tertio ab Urbe lapide (alio nomine *Gutta jugiter manans*) Paulus pervenisset, alacri animo, ut diù exoptaverat, jugulum præbuit. In eodem loco alii Martyres vitam pro Christo dedisse feruntur: & præcipuè de S. Zenone & Sociis in Martyrol. Rom. die 8. Julii legitur: *Roma ad Guttam jugiter manantem Natalis Sanctorum Martyrum Zenonis, & aliorum decem millium ducentorum trium.*

IV. Mirabile est id quod fertur, nimirum quòd cum iclu Carnificis Pauli caput truncaretur, non tam sanguinis quàm lactis fluenta è sectis venis effluerint. Hujus inauditi prodigii mentionem faciunt, non sola Lini Acta, sed Ambrosius ferm. 68. in Nat. Apost. his verbis: *De Pauli verò cervice cum eam persecutor gladio percussisset, dicitur fluxisse lactis magis unda quàm sanguinis: & mirum in modum Sanctum Apostolum Baptismi gratiâ in ipsa cade extitisse splendidum potius, quàm cruentum.* Chrysostomus etiam (seu alius sub ejus nomine) ferm. de Principibus

bus Apost. : *Qualis locus, inquit, tuum, Panse, sanguinem excepit, qui lacteus apparuit in ejus veste, qui te percussit? Qui quidem sanguis barbaricum illius animum reddidit melle dulciorem, ut ipse unà cum sociis ad Fidem traduceretur, ita affectis?* Quibus etiam prædictorum trium militum conversionem iudicare videtur. Hoc tamen, quod de lacte unà cum sanguine ex Pauli cervice manante dicitur, à Criticis valde suspectum habetur. Tum quia Acta Linæ apocrypha sunt. Tum quia Sermo allatus Ambrosii fœtus dubius est, & sermo Chrysostomi ad spuria amandatur in recentioribus editionibus.

V. Fertur etiam, Caput Sancti Pauli abscissum tres saltus emisisse : undè tres fonticuli statim eruperunt, quorum primus lactis saporem aliqua ex parte reddat ; cæteri quamvis à primo haud longè distiti paulò diversum gustui saporem afferant, quasi venæ in ipso primo fluxu lac dederint : deinde verò sanguinem. Locus frequenti Fidelium visitatur concursu, & *Trinum Fontium* dicitur. Sudarium, quod à Plautilla, ut supra, recepit, Martyrio expleto eidem per visum apparens Apostolus postea restituit : illudque esse creditur, quod Constantia Augusta magnâ instantiâ a S. Gregorio Magno ad se mitti postulavit ; qui se excusavit, sibi concessum non esse, quòd unà cum Apostoli corpore eodem clauderetur sepulchro, ut patet Lib. 4. Epist. 30. ad eam datâ. Corpus verò Pauli, à Lucina clarissima femina Senatoria sublatum, in suo prædio Via Ostiensi honestissimè tumulatum fuit. Hæc ex Baronio ad ann. 69. num. 13.

VI. S. Clemenſis Papa 1. Cor. cap. 5. dicit, Neronem ipsum Martyrio Pauli fuisse præseutem. Putabat Tyrannus iste, creptâ Paulo vitâ ruituram Ecclesiam, cujus ipse eximius fuerat architectus. Impiè tamen desipuit : Christus, qui Sanguine suo Ecclesiam fundavit, voluit ut suorum etiam sanguine erigeretur, & Apostolorum præcipuè, quos ad eam toto terrarum Orbe erigendam velut architectos delegarat. Nullo (inquit S. Leo serm. 8. in Nat. Apost.) *crudelitatis genere destrui potest Sacramento Crucis Christi fundata Religio. Non minuitur persecutionibus Ecclesia, sed augetur : & semper Dominicus Ager segete ditiori vestitur, dum grana, quæ singula cadunt, multiplicata nascuntur. Unde duo ista præclara Divini seminis germina in quantam sobolem pullularint, Beatorum millia Martyrum protestantur : quæ Apostolicorum æmula triumphorum Urbem nostram purpuratis & longè latèque rutilantibus Populis ambierunt, & quasi ex multarum bonore gemmarum confecto uno diademate coronarunt. Quantum autem honoris ex Martyrio ac sepulchro Petri & Pauli Roma-*

manæ Urbi accesserit, exaggerat Chrysostomus hom. 32. in Epist. ad Rom., præter alios Patres ferè omnes.

VII. An Timotheus passioni Pauli præsens fuerit, scriptum non legi; probabile tamen judico, præsentem fuisse. Cum enim, ut dixi, Paulus ejus adventum tam enixè sollicitaret 2. ad Timoth. 4. v. 8. *Festina ad me venire citò*; non est credibile, Discipulum fidelissimum, ut Magistrum ferè ab omnibus derelictum ante mortem videret, adventum suum distulisse: eò vel maximè quia hoc commodè facere poterat; nam Epistolam eum invitans ante hyemem scripserat cap. 4. v. 21. *Festina ante hyemem venire*; Paulus autem solùm 29. Junii sequentis anni Martyrium passus est.

VIII. Eodem anno ac eadem die, quo S. Petrus, passus fuit & Paulus, ut ostendi supra cap. 1. §. 14. num. 8., non tamen in eodem loco. Nam Petrus in Vaticani colle, Paulus verò ad *Aguas Salvias* via Ostiensi passus est: nec eodem supplicii genere; nam Petrus, ut ibi dixi, Cruci affixus fuit capite in terram verso; Paulus verò gladio capite truncatus, fortè quia cum esset Civis Romanus minùs ignobili supplicio mulcandus. Estò autem Gregorius Nyssenus instrumentum Martyrii etiam Pauli dicat fuisse Crucem, nisi secundùm metaphoram loquatur, contra omnes Patres sentit.

IX. Qualis fuerit Pauli effigies & statura, si Antiquis fides est, calvus fuit & nasum habens aquilinum: ita eum describit Triphon (apud Lucian. in Philop.) qui Critiam catechumenum instruens ait: *Quando me Galilæus ille convenit, recalvafter, naso aquilo, qui tertium usque ad Cælum per aerem ingressus est, quæque optima & pulcherrima sunt inde didicit, per aquas nos revolvit &c.* ubi de Paulo eum loqui ex eo liquet, quòd nemo Apostolorum aut Christianorum raptus fuisse ad tertium Cælum præter Paulum legatur. Vocat autem Galilæum, quia eo nomine tunc vocabantur Christiani, maximè ab Ethnicis. Staturæ autem fuisse exiguæ colligitur, quia ut ipse dicit, Damasco per murum demissus fuit in sporta seu canistro. Tum quia ut 2. Cor. 10. v. 10. quidam dicebant, *præsentia autem corporis infirma*. Quare congruit id quod de ipso narratur à Nicephoro L. 2. cap. 37. *Paulus corpore erat parvo, & contracto, atque incurvo, & paululùm inflexo, facie candidâ, annosque plures præseferente, & capite modico. Oculis multa inerat gratia, supercilia deorsùm versùs vergebant, nasus pulchrè inflexus, idemque longior, barba densior, & satis promissa, eaque non minùs, quàm capitis coma canis resperisa erat*. Hæc ille. Quæ non aliundè hausserit, quàm ex auti-

antiquis imaginibus de Paulo à cœvis efformatis. Refert enim Eusebius L.7. hist. cap.18., se vidisse servatas ad sua tempora imagines Petri, Pauli, & Christi antiquitus efformatas: *Quippè qui præci illi absque ullo discrimine cunctos de se benemeritos, Gentili quâdam consuetudine, tanquam Servatores colere hujusmodi honoribus consueverant.*

X. Sancti Pauli vinculis specialis honor quovis tempore delatus fuit. Ea tanti fecit Chrysostomus hom.8. in Epist. ad Ephesios, ut dicat: *Si quis mihi daret totum Cælum, aut illam Catenam; ego illam præferam. Si quis me apud Superos collocaret cum Angelis, aut cum Paulo victo, eligerem carcerem & vincula.... Vellem nunc esse in illis locis, in quibus dicuntur manere illa vincula, & meritò Viros illos admirarer propter Christi desiderium. Vellem videre Catenas, quas pestimescunt quidem & horrent Dæmones, reverentur autem Angeli.* His aliisque encomiis vincula Pauli celebrat Chrysostomus. Hinc S. Gregorius L.4. Epist. Ep.30. Constantinæ Augustæ aliquid de corpore Apostoli Pauli pro Ecclesia, quam in honorem ejusdem in Palatio ædificabat, enixè postulanti, postquam se excusavit, non audere è corporibus Apostolorum aliquid detrahere propter terrores, quibus percussus fuerant, qui hoc attentarunt, respondet, se limaturam ex vinculis S. Pauli ad eam transmissurum, his verbis: *Sed quia Serenissimæ Domine tam religiosum desiderium vacuum esse non debet, de Catenis, quas ipse Sanctus Paulus Apostolus in collo & in manibus gestavit, ex quibus multa miracula in Populo demonstrantur, partem aliquam vobis transmittere festinabo, si tamen hanc tollere limando prævaluerò. Quia dum frequenter ex catenis eisdem multi venientes benedictionem petunt, ut parvum quid ex limatura accipiant, afflitit Sacerdos cum lima, & aliquibus petentibus ita concitè aliquid de catenis ipsis excutitur, ut mora nulla sit. Quibusdam verò petentibus diù per catenas ipsas ducitur lima, & tamen ut aliquid exinde exeat, non obtinetur.* Hæc S. Gregorius de veneratione, quâ S. Pauli vincula suo tempore habebantur, & de mir aculis, quæ Deus in illis operabatur.

Hæc sunt Sancti Pauli Apostoli Gesta, quæ si quis attentè ac seriâ mente perpenderit, continuum Divinæ Gratiæ portentum, ac pro veritate Religionis Christianæ, quam ipse prædicabat, potissimum ducere poterit argumentum: si enim à Deo missus non fuisset, nec talia nec tanta agere & pati potuisset. Undè in eo impleta fuit prædictio facta Ananiæ à Domino Act.9. v.15.: *Vade, quoniam vas electionis est mihi iste, ut portet nomen meum coram Gentibus & Regibus & filiis Israel: Ego enim ostendam illi, quanta oporteat eum pro nomine meo pati.*

Tom.V.

L1

CA-

## CAPUT III.

## De S. Andrea Apostolo .

## §. I.

*Patria , Genus , Vocatio &c.*

I. **Q**Uæ de S. Andrea Apostoli Genere, Vocatione, & Apostolatu dici possunt, ferè omnia nobis exhibet Evangelium. Patria ejus fuit Bethsaida Civitas Galilææ: Patrem habuit Jonam seu Joannem, fratrem verò Simonem seu Petrum Apostolum. Hoc totum dicit Joannes cap. 1. Quis horum fratrum natu major fuerit, ambigitur, ut observavi cap. 1. §. 1. num. 2. ; professione ambo Piscatores erant. Andreas erat unus ex Discipulis Joannis Baptiste. Illum frequenter adibat, horis nempe à piscatione vacuis, non tamen semper cum illo erat. Porro cùm quâdam die audisset Joannem dicentem, quòd Jesus esset *Agnus Dei*; horum verborum mysterium divinitus edoctus, ipse cum alio Discipulo, relicto Joanne, Jesum sequi cœpit. Joann. 1. v. 35. &c.: *Altero die iterum stabat Joannes, & ex Discipulis ejus duo. Et respiciens Jesum ambulantem, dicit: Ecce Agnus Dei. Et audierunt eum duo Discipuli loquentem, & secuti sunt Jesum. Conversus autem Jesus, & videns eos sequentes se, dicit eis: Quem queritis? Qui dixerunt ei: Rabbi (quod dicitur interpretatum Magister) ubi habitas? Dicit eis: Venite, & videte. Venerunt, & viderunt, ubi maneret; & apud eum manserunt die illo: hora autem erat quasi decima. Erat autem Andreas frater Simonis Petri unus ex duobus, qui audierant à Joanne, & secuti fuerant eum. Hæc initia Apostolatus Andreae. Qui, ut prosequitur Joannes v. 41., invento fratri suo Simoni dicit: *Invenimus Messiam (quod est interpretatum Christus)* & adduxit eum ad Jesum. Intuitus autem eum Jesus dixit: *Tu es Simon filius Jona: Tu vocaberis Cephas, quòd interpretatur Petrus.* Sed de Petro egi supra cap. 1. §. 2.*

II. Non sic tamen Andreas cum Socio accesserunt modò ad Jesum, ut cum eo indivisi permanerent, sed ut scirent, ubi habitaret; ideòque apud illum steterunt unâ die, & fortè etiam nocte, ut sentit Augustinus tract. 7. in Joann. & postea recesserunt: *Modò ergo (inquit S. Doctor) quòd illum sequuntur isti duo, non quasi non necessarij sequuntur, sed videre voluerunt, ubi habitaret. . . . Ostendit eis ille ubi maneret, & fuerunt cum illo.* Quàm  
bea-

*beatum diem duxerunt, quàm beatam noctem? Quis est qui nobis dicat, quæ audierint illi à Domino? Edificemus & nosmetipsi in corde nostro, & faciamus domum, quod veniat ille, & doceat nos, colloquatur nobis.*

III. Quis autem fuerit alter Discipulus Joannis, qui cum Andrea accessit ad Jesum, Evangelista non dicit. Hinc Chrysostomus homil. 18., aliàs 17. in Joann. : *Cur ergo, inquit, alterius nomen non profert? Quidam dicunt, eum qui hoc scripsit, ipsam esse qui sequutus est: Alii contra, quia ille non ex conspicuis erat, nihil præter necessaria sibi dicendum esse putasse. Idem dicit S. Thomas in cap. 1. Joann. Lect. 15., his verbis: Et hujus quidem (Andræ) nomen describitur, ad ostendendum Andrea privilegium, quod insignis fuerit. Alterius enim nomen tacetur: aut quia ille alius fuit Joannes Evangelista, cujus consuetudo est in suo Evangelio, cum de eo agitur, nomen suum non exprimere propter humilitatem: aut secundum Chrysostomum non fuit aliquis insignis, nec fecit aliquod magnum; unde non fuisset utilitas nomen ejus ponere. Sic enim & Lucas (Lucæ 10.) nomina septuaginta duorum Discipulorum, quos Dominus binos misit ante faciem suam, non posuit, quia non erant solennes personæ & insignes, sicut Apostoli fuerant. Aut secundum Alcuinum ille Discipulus fuit Philippus. Et hoc patet: quia statim postquam Evangelista persecutus est de Andrea, persequitur de Philippo dicens: In crastinum autem voluit exire in Galilæam, & invenit Philippum &c.*

IV. Ex dictis primus omnium, qui ad Christum factus ejus Discipulus accessit, Andreas fuit. Unde S. Gaudentius serm. 17. ubi dixit, primum & Angelum & Prophetam & Apostolum fuisse Joannem Baptistam, qui missus à Deo est, destinatus eum nuncupatur Apostolus; subdit: *Post hunc habemus Andream beatissimum, primum Joannis ipsius Discipulum, deinde Salvatoris, quem priorem Christus Apostolum scribitur elegerisse.* Andreas ergo, ut supra dixi, post moram unâ cum Socio apud Jesum factum, inveniens Simonem fratrem adduxit eum ad Jesum: cum eo tamen non plus unâ die manentes, ad propria idest ad piscationem reversi sunt. Eorum exemplo & verbo dicentium se invenisse Messiam, etiam Philippum, qui pariter è vico Bethsaidæ erat, Christi sequela se tradidisse, putat Chrysostomus hom. 20., aliàs 19. in Joannem; & hinc admiratur potentiam Jesu, qui nullis adhuc editis signis, è Galilæa primos ad se attraxerit: Unde nec Prophetæ prodibat, neque aliquid boni exibat. Rustica quippè Gens erat, agrestis, aspera. Andream, Petrum, & Philippum dixisse Nathanaeli Joan. 1. v. 45., Quem scripsit Moyses

in Lege & Prophetis, invenimus Jesum Filium Joseph à Nazareth,, censet S. Augustinus L. 12. contra Faustum cap. 44. En ex Andrea Petrum, Philippum, & Nathanaelem Christo acquisitos. Quia tamen nemo illorum adhuc fixè & permanentè ei se mancipaverat, putat Epiphanius hæres. 51., neminem horum nuptiis Canæ cum Christo adfuisse, quamvis oppositum senserint alii, ut suo loco dixi.

V. Circa finem ejusdem anni 30., ut ex Matth. 4. v. 18. Marci 1. v. 16., & Lucæ 5. v. 2., præteriens Jesus juxta mare Galilææ, vidit Andream unà cum Petro piscantem, & eos vocavit; promittens, se eos facturum piscatores hominum, qui relictis retibus & navi ei deinceps immobiliter adhæserè. Sequenti anno 31., post peractum Jerosolymis Pascha, reversus Jesus in Galilæam, duodecim elegit, quos Apostolos nominavit, inter quos primus recensetur Petrus, secundus Andreas Matth. 10. v. 2., & Lucæ 6. v. 14. Anno 32. ineunte, cum Jesus in desertum fecisset, eumque quinq; mille homines comitati fuissent, & à Discipulis suis postulare, quo nodò tantam multitudinem se triduo sustinentem pascere posset (Joann. 6. v. 8.) Andreas indicavit ei puerum habentem quinque panes ordeaceos & duos pisces. Anno etiam 33. paucis ante Passionem diebus (Joann. 12. v. 22.) cum quidam Gentiles, qui ascenderant Jerosolymam, ut adorarent in die Festo, desiderarent videre Jesum, accesserunt ad Philippum; Philippus autem dixit Andree, & ambo dixerunt Jesu. Et Marci 13. v. 3., Andreas unus ex quatuor Apostolis fuit, qui Jesum interrogaverunt de tempore, quo ruina Templi futura erat. Demum post Ascensionem inter Apostolos, in Cœnaculo Adventum Spiritus Sancti expectantes, Act. 1. v. 13. Andreas recensetur. Hæc sunt, quæ de Andrea, præter ea, quæ ipsi cum cæteris Apostolis sunt communia, specialiter in Sacra Scriptura habemus. Reliqua ex historiis decerpemus.

## §. II.

*S. Andree Prædicatio, Martyrium, Acta &c.*

**L**Varietas, quæ de Actis Prædicationis S. Andree Antiqui locuti sunt, ea non satis explorata reliquit. Faciã inter Apostolos totius Orbis distributione, quò quisque Evangelii veritatem deferret, Andree contigisse Scythiam, sentit Origenes L. 5. in Genes., his verbis: *Cum Sancti Apostoli & Disci-*



*scipuli Salvatoris nostri per universam Orbem dispersi essent, Thomas quidem, ut à Majoribus traditum accepimus, Partbiam sortitus est, Andreas verò Scythiam. Quod ex eodem Origene narrat Eusebius L.3. hist. cap.11. Addunt alii ex Sophronio de Viris Illustr., prædicationem extendisse ad Sogdianos, Saccos, & etiam Æthiopes. In Græciam lumen Fidei expauldile, sentit Theodoritus in Psalm.116. in Epirum Gregorius Nazianzenus Orat. 25. & in Achajam S. Hieronymus Epist.119. ad Marcellam. Et S. Paulinus carm.24. addit, hunc Piscatorem, cum Argos adventasset, vauam Philosophorum eloquentiam confudisse, hisce verbis :*

*Hic pater Andreas, hic qui piscator ad Argos  
Missus, vauiloqnas docuit mutescere linguas :  
Qui postquam Populos, ruptis erroris iniqui  
Retibus, explicuit, traxitque ad retia Christi,  
Thessalicas fuso damnavit sanguine Patras.*

Menologium Basilii ad diem 30. Novembris Andree prædicationem his verbis describit: *Hic germanus magni Apostoli Petri frater, post Ascensionem Domini nostri Jesu Christi, prædicavit in in tota maritima ora Bithynia, Ponti, Thraciæ, & Scythiæ. Deinde magnam Sebastopolim illustravit, quam fluvii duo interfecundant Pfarus & Phasis, cujus sunt accolæ interiores Æthiopes. Postremò Patras Achajæ in Peloponesum migravit.*

II. Philastrius cap.88. Bibl.PP. Tom.4. è Ponto in Græciam transiisse dicit; addens, Synope Civitate Ponti antiquam esse Traditionem, Populum illum ab Andrea & Petro Verbum Veritatis hausisse, & adhuc ostendi Cathedralam, ex qua fama est, utrumque prædicasse, & servari imaginem præsentam S. Andree miraculis celebrem. Fundasse etiam Ecclesiam Constantinopoli, olim Byzantio, sentiunt Græci in Menologio die 31. Octobris, ibique Stachym Episcopum constituisse: ajunt enim, *Sanctus Apostolus Stachys ab Andrea Sanctissimo Apostolo Episcopus Byzantii ordinatur.* Quibus eadem die consuevit Martyrol. Romanum his verbis. *Constantinopoli S. Stachys Episcopi, qui à Beato Andrea Apostolo primus ejusdem Civitatis Episcopus ordinatus est.* Idem sentit Pseudo-Hippolytus in L.71. Discip., ex quo Dorotheus in Synopsi. De hoc Nicephorus Callixtus L.2. hist. cap.39. dicit, S. Andream, cum prædicasset in Cappadocia, Galatia, & Bithynia, & subiudè circumisset Pontum Euxinum ex parte Meridionali, tandem venisse Byzantium, ibique aliquandiu prædicasse. Sed cum vidisset, tyrannum Zeuxippen ejus vitæ insidiari, in locum vicinum se transfuisse, ubi biennio

moratus fundavit Ecclesiam, & Stachym Byzantii Episcopum reliquit, ac deinde Synopem se recepit.

III. Hæc tamen historia de adventu S. Andrea Byzantium suspecta redditur. Tum quia antiqui Græci, qui Sedem Constantinopolitanam extollere adeo conati sunt, de hac prærogativa nihil unquam dixere, alioquin non prætermisuri, si vera fuisset. Tum quia Nicolaus I. acriter tenet, Ecclesiam Constantinopolitanam à nemine Apostolorum fundatam fuisse. Baronius ad ann. 44. n. 12. hoc esse falsum reputat, alioquin Byzantium prima Sedes ejus Provinciæ fuisset; quod tamen falsum esse constat, quia prima Sedes erat Heraclea: undè Gelasius Papa ad Episcopos Dardaniæ, agens adversus Acacium, *Cujus, inquit, Sedis Episcopus? Cujus Metropolitana Civitatis Antistes? Nonne Parochia Heracleensis Ecclesiæ?* Additque, quòd si Byzantium ab aliquo Apostolorum Episcopum accepisset, à Petro potiùs accepisse dici deberet; id enim eruitur ex Agapeti Papæ Litteris ad Mennam à se ordinatum Episcopum Constantinopolitanum, quæ Litteræ in V. Synodo Aët. 2. recitatæ fuerunt, in quibus hæc leguntur: *Et hoc dignitati suæ (Mennæ) addere credimus, quòd à temporibus Petri Apostoli nullum alium unquam Orientalis Ecclesiæ suscepit Episcopum manibus nostræ Sedis ordinatum. Et forsitan ad demonstrationem laudis ipsius, vel ad destructionem inimicorum instans res tanta provenit, ut illi ipse similis esse videatur, quos in his quandoque partibus Apostolorum primi electio ordinavit.* Hæc Agapetus. Verùm hoc testimonium cum loquatur in generali de Episcopis Orientis, non determinatè de Episcopatu Constantinopolitano, non concludit, hunc à S. Petro institutum primò fuisse, sed potiùs alios Orientis Episcopatus Ponti & Bithyniæ, ubi S. Petrus prædicavit. Quidquid autem sit: cum de Episcopatu Byzantii, ab Andrea vel alio ex Apostolis instituto, nemo probatæ fidei ante Nicephorum sit locutus, res incerta est.

IV. Prædicationem suam Patris in Achaja S. Andreæ Martyrio coronasse (etsi de circumstantiis aliqui dubitent) puto non negabitur. Sic enim habetur in Martyrol. Rom. 30. Nov. *Apud Patras Achajæ Natalis S. Andreæ Apostoli, qui in Thracia & Scythia Christi Evangelium prædicavit. Is ab Ægea Proconsule comprehensus, primò in carcere clausus est, deinde gravissimè casus, ad ultimum in Cruce suspensus, in ea Populum docens biduo supervixit: & rogato Domino, nec eum sineret de Cruce deponi, circumdatus magno splendore de Cælo, ascendente postmodum lumine, emisit Spiritum.* Græci etiam in Menol. Basilii ad eamdem

dem diem ajunt : *Postremò Patras Achajæ in Peloponesum migravit , ubi ab Ægea Proconsule in Crucem sublatu8 est , atque ita mortem obiit.*

V. De S. Andree Martyrio extant Acta , quorum titulus præfert , ea fuisse scripta à Presbyteris & Diaconibus Achajæ , oculatis testibus eorum quæ narrant , & directa Ecclesiis totius Orbis . Certè si hæc genuina essent , magis antiqua & authentica post Sacras Scripturas monumenta forent , quæ habeat Ecclesia . Verùm rigidiores nostrorum temporum Critici ea vel tanquam spuria rejiciunt , vel ut suspecta habent . Ea rejiciunt Heterodoxi moderni , quia veritatem , & realem præsentiam Corporis Christi in Eucharistia , quam ipsi negant , nimis apertè testantur . In eis enim S. Andreas sic alloquitur Ægeam Proconsulem : *Ego Omnipotenti Deo , qui unus & verus est , immolo quotidie , non Taurorum carnes , nec Hircorum sanguinem , sed immaculatum Agnum in Altari , cujus carnem , posteaquam omnis Populus creditum manducaverit , Agnus , qui sacrificatus est , integer perseverat ac vivus .* Scio , hoc monumento nos non egere ad hoc Catholicum dogma adstruendum , quod Scriptura & Traditio mirâ consensione confirmant : quia tamen veritatis hostes ad vivum ferit , idèò illud fide spoliare nituntur .

VI. Suspectum & dubium habent etiam ex Catholicis severiores Critici quidam : primò , quia non redolet illius primi seculi simplicitatem : secundò , quia in eo Trium Divinarum Personarum , ipsa Trinitatis , Consubstantialitatis voce exprimitur confessio his verbis : *Hoc esse Unigenitum Filium , quod est & ille qui genuit :* quâ phrasi contra Arianos non dimicarunt Patres : tertio , quia ante octavum seculum nemo Patrum horum Actorum meminit : quartò , quia S. Andree Acta plures Pontifices & Patres ut apocrypha respuerunt : quintò , quia ex eis non satis apparet quomodò S. Andreas ante Proconsulem steterit , an vocatus , an spontè se Martyrio offerens . Et insuper quomodò S. Andreas noluerit è Cruce deponi , quasi suæ necis ipse auctor fuerit . Demum incredibile est quod ajunt , universam Achajam in Ægeæ mortem conspirasse , cùm eo tempore major Populi pars in Christianos deserviret . His aliisque , rigidioribus Criticis hæc Acta suspecta redduntur .

VII. Nihilominus ad ea tanquam genuina & sincera tuenda cum Natali Alexandro hist. seculi 1. cap. 12. art. 10. moveor auctoritate Patrum , & Auctorum Ecclesiasticorum , qui ab octavo seculo ea laudarunt . Inter quos primi occurrunt Etherius Uxamensis Episcopus , & Beatus Presbyter , qui anno 788. contra Eli-

Elipandi errorem scribere . Ita enim habent Lib. 1. pag. 525. in Bibl. PP. Parisiensii Tom. 4. *Iste ( Christus ) est Agnus immaculatus, qui quotidie, ut Beatus Andreas ait, in Altari Crucis sacrificatur : cujus carnes posteaquam omnis Populus credentium manducaverit, & ejus Sanguinem biberit, Agnus, qui sacrificatus est, integer perseverat ac vivus.* Idem sub finem seculi 9. sensit Remigius Monachus Antisiodorensis in p. 21., ubi de Sacramento Eucharistiæ : *Quamvis, inquit, hoc Sacramentum à pluribus accipiat, non tamen, ut videtur, in partes est divisum, sed totum in singulis est indivisum, Andrea Apostolo sit testante : Agnus quamquam sacrificatus est, integer perseverat ac vivus.*

Succedentibus seculis eadem Acta in auctoritatem habuerunt Petrus Damiani serm. 2. in Natali S. Andreae ; Lantfrancus Cantuariensis L. de Corp. & Sanguine Domini ; S. Bernardus Abbas, qui in sermonibus, quos habuit de S. Andrea, plura ex dictis Actis refert, ut legenti constabit ; Ivo Carnotensis, qui serm. de Convenientia Veteris & Novi Sacrificii : *Ecce, inquit, ad memoriam veniunt verba B. Andreae Apostoli, quibus asserit, & in Cælis esse Corpus Domini, & de Altari posse sumi Corpus Domini, cujus carnes cum sint comestæ &c.* Sed hoc me magis movet, quòd Ecclesia totum ferè de S. Andrea Officium ex præfatis Actis legit . Num ergo tot Patres qui per octingentos annos ea Acta susceperunt, Ecclesiam ipsam, quæ eos suâ auctoritate probat, deferam, ut Hæreticorum cavillis & quorundam Recentiorum conjecturis subscribam ?

VIII. Nec ea quæ opponunt me à sententia deterrent . Non primum ; nam undè colligunt, præfata Acta styli illius seculi simplicitatem non redolere ? An quia de Sacramento Eucharistiæ & reali Corporis Christi in eo præsentia apertis verbis loquuntur ? Hoc dicent Heterodoxi . Sed numquid de hoc aperte etiam Scriptura non loquitur, ut suo loco contra ipsos demonstramus ? Non secundum, nunquid enim Consubstantialitatem sui cum Patre præcipuè non expressit Christus Joann. 10. v. 30., cum ait : *Ego & Pater unam sumus.* Et v. 38. *Pater in me est, & ego in Patre.* Trinitatem verò Matth. 28. v. 19., cum ait, *baptizantes eos in nomine Patris & Filii & Spiritus Sancti ?* Non tertium ; quia argumentum est merè negativum, fortè enim inter persecutiones Acta illa in aliquibus Ecclesiis latuerant, ut eorum notitia nisi in octavo seculo non apparuerit ; neque credibile est, Patres, quibus primò innotuerunt, & qui eis contra Hæreticos usi sunt, hoc fecisse, nisi de eorum veritate certû essent ; nec subsequendum seculorum, inòd nec Eccle-

sia ea Acta acceptasset, nisi ea legitima esse agnovissent.

Non quantum; quia Acta S. Andreae, quae Pontifices & Patres antiqui inter apocrypha rejecerunt, non sunt haec, quae à Presbyteris Achajae de ejus Martyrio scripta sunt, sed alia, quae ab Haëreticis exarata vel falsò supposita circumferebantur. Talia sunt, quae Innocentius I. & Gelasius I. apocrypha declararunt, nimirum quae à Noxocharide & Leonide Philosophis conscripta sunt, ut Innocentius Epist. 3. ad Exuperium testatur cap. 7.: talia quae Philastrius haëresi 88. reprobatur. Non enim erant Acta Passionis S. Andreae, sed Acta eorum, quae in itinere à Ponto in Græciam fecerat, in quibus nulla passionis ejus mentio, & quibus Manichæi ad suos errores abutebantur, & aliqua ridicula tanquam prodigia inseruerant, nimirum ut pecudes & canes & bestiae loquerentur, similesque esse animas hominum animabus pecudum, ut ibi dicit Philastrius. Nihil autem horum Acta, quae defendimus, indicant. Talia sunt etiam, quae S. Augustinus (seu ut alii volunt Evodius) L. de Fide contra Manichæos cap. 38. explodit. Eorum enim auctor, ut ibi, fuerat quidam Leucius, qui plura indigna S. Andrea, & Manichæis faventia in eis supposuerat, de quibus nec vola in Actis passionis ejus à Presbyteris Achajae scriptis reperitur. Acta ergo reprobata non sunt Acta passionis S. Andreae, de quibus agimus.

Neque quantum; nam Acta dicunt, quod Ægeam Proconsulem Prædicationi Evangelicæ resistantem Andreas liberrimè increpavit, cumque renueret sacrificare Idolis, dicens, se quotidie sacrificare uni Deo Agnum in Altari, qui integer perseverat ac vivus, propterea comprehensus, in carcere detrusus fuit. Quid hic contra Apostolicum Ministerium, quo Matth. 10. liberè loqui præscribitur coram Regibus & Præsidibus, & tradi propter nomen Jesu? Minus movet quod Acta præfata dicant, S. Andream in Cruce positum rogasse, ne à Cruce dimitteretur: non est enim sibi auctor mortis qui vitam pro Christo dare peroptat, & positus in supplicio ab eo tolli recusat, & descendere renuit, cum Christus ipse, cujus imitator voluit esse Andreas, è Cruce descendere noluerit.

Minus obest quod ultimò adjicitur de morte Ægeae Proconsulis. Quid enim repugnat, quod Populus valde Andream prædicationi addictus, & ex magna parte Christi Fidem amplexus, videns crudelitatem in Apostolum, in ejus necem conspici-  
raverit? Uno verbo hæ Criticorum ratiunculæ non me movent, ut à tot seculorum sententia recedam, & non sentiam tanquam

Tom. V.

M m

pro-

probabilius, Acta passionis S. Andreæ, prout ad nos deveniunt, saltem quantum ad substantiam esse admittenda.

IX. Circa genus supplicii, quo S. Andreas affectus fuit, conveniunt ferè omnes fuisse Crucem. Circa modum & qualitatem Crucis discordes sunt. De modo, volunt aliqui fuisse clavibus Cruci affixum, quia sic mos erat crucifigere; & capite in terram verso sensisse visi sunt antiqui Græci. Probabilius tamen creditur fuisse Cruci funibus alligatum, & capite in Cælum erecto. Ita referunt Acta. Cum enim biduò manserit in Cruce docens Populum, id certè contingere non potuisset, si clavibus confixus fuisset, & capite in terram verso. Hunc singularem modum excogitavit Ægeæ crudelitas, ut diutius pateretur. De qualitate Crucis; S. Petrus Chrysologus serm. 133. censet fuisse alligatum arbori, quam Pseudo-Ippolytus dicit fuisse olivæ, ut duobus ramis arboris fursùm erectis brachia Apostoli alligaretur, & reliquum corporis a recto arboris penderet hanc figuram Y referendo, ex quo fortè Pictores S. Andreæ Crucem sub forma X pingendi morem sumserunt. Alii autem volunt Andreæ Crucem fuisse figuræ Crucis Christi. Ferunt, Massiliæ apud S. Victorem adhuc asservari Crucem, in qua passus est S. Andreas ejusdem prorsus figuræ, quæ est Crux Christi.

X. Tempus passionis S. Andreæ incertum est. Estò enim omnia Martyrologia Latinorum, & Græcorum Menologia eam diei 30. Novembris consignent, annum tamen non statuunt. Censent proinde aliqui eum passum non fuisse nisi in persecutione Domitiani anno Christi 95. ; sub quo emanavit generale Edictum, ut omnes Christiani Idolis sacrificarent. Volunt enim, ab anno 67. Neronem concessisse Achajæ libertatem, & hanc innovatam fuisse à Vespasiano, qui denuò Achajam erexit in Provinciam, & in ea Magistratus stabilivit: undè inferunt, ab ea quam excitavit Nero usque ad illam, quam renovavit Domitianus anno 95., nullam in Christianos fuisse persecutionem ab Imperatoribus excitatam: aliàs oporteret dicere, Andream jussu Magistratus Achajæ, non Proconsulis, fuisse morti additum, quod est contra hæcenus dicta: præter quàm quòd certum non est, Magistratus in Coloniiis habuisse damnandi ad mortem potestatem.

Alii ergo probabilius censent, nihil ob stare, quin Andreas sub persecutione Neronis eodem anno, quo Petrus & Paulus, passus sit, ita ut Petrus & Paulus passi sint die 29. Junii. Andreas verò die 30. Novembris. Ita hanc opinionem videntur inclinare Baronius ad ann. 69. num. 54., & Tillemontius de S. Andrea No-

Nota 3. Baronius tamen, ut dixi, Martyrium Petri & Pauli refert ad ann. 69., Tilmontius verò ad ann. 66.; cum ex nuper dictis supponat, anno 67. concessam fuisse Provinciæ Achajæ à Nerone libertatem. Sed laboramus in incertis.

XI. S. Andreæ corpus è Cruce sublatum sepultum Patris fuisse, curante Maximillâ ab Apostolo ad Fidem conversâ, fertur. Hanc fuisse Ægeæ Proconsulis uxorem tradunt aliquj, quæ cum post susceptam Fidem Viro suo conjugaliter misceri renueret, iratus Ægeas, Apostolum, cujus suasionem eam hoc detrectare existimavit, Cruci addixit. Sed hoc falsò asseritur. Tum quia Apostoli lenocinia quidem prohibebant, sed matrimonia non dissolvebant. Tum Acta præfata dicunt, Ægeam eum unice quia Idolis nollet sacrificare, morti tradidisse. Undè hoc non ex Actis à Presbyteris Achajæ conscriptis, sed potius ex iis, quæ Leucius confixit crediderim emanasse. De eis enim S. Augustinus (sive Evodius) L. de Fide contra Manichæos hæc habet: *Attendite in actibus Lencii, quos sub nomine Apostolorum scribit, qualia sint, quæ accipitis de Maximilla uxore Ægetis: quæ cum non vellet Marito debitum reddere, cum Apostolus dixeris: „Uxori Vir debitum reddat, & similiter Uxor Viro „: Illa supposuerit Marito suo ancillam suam Eucliam nomine, exoruant eam, sicut ibi scriptum est, adversariis lenociniis & fucationibus, & eam nocte pro se vicariam supponens, ut ille nesciens, cum ea tanquam cum uxore concumberet. Hæc & alia indigna ibi narrantur, meritò explodenda.*

XII. S. Andreæ Corpus quamvis apud Patras primò sepultum, fuit tamen postea Constantinopolim translatum unâ cum Corpore S. Lucæ Evangelistæ, & Timothei Beati Pauli Discipuli. De tempore quo facta fuit hæc translatio controversatur. Quidam enim volunt, eam Constantino Magno imperante, factam esse anno 336., qui in honorem Apostolorum Ecclesiam ibi ædificaverat, atque in ea sibi sepulchrum condiderat: *Quò scilicet precationum, quæ in honorem Apostolorum ibi celebranda erant, etiam mortuus particeps fieret. Cum igitur duodecim illic capsas, quasi sacras quasdam columnas, in honorem ac memoriam Apostolici Collegii erexisset, suam ipsius arcam in medio constituit, quæ senas utrinque Apostolorum capsas dispositas habebat. Atque id in eo loco, ubi Corpus ipsius post mortem decenter deponendum esset, solertissimè providit. Ita Eusebius L. 4. de Vita Constantini cap. 60.: quibus addit Socrates L. 1. hist. cap. 40., quòd eam Ecclesiam eo consilio ædificaverat, ut Imperatores & Pontifices ab Apostolorum Reliquiis hand procul abessent. Hoc ergo votum suum implere*

cœpisse putant, Andreæ Corpus ex Achaja illuc transferendo.  
Favet S. Paulinus Poemate 26., modò 17. his verbis.

*Nam Constantinus proprii dum conderet Urbem  
Nominis, & primus Romano in nomine Regum  
Christicolam generet, Divinum mente recepit  
Consilium, ut quoniam Romæ manibus urbis  
Æmula magnificis strueret tunc mœnia cœptis,  
His quoque Romuleam sequeretur dotibus Urbem,  
Ut sua Apostolicis muniret mœnia latus  
Corporibus: tunc Andream devexit Achivis  
Timotheumque Asiâ &c.*

S. Hieronymus etiam L. contra Vigilantium ait: *Sacrilegas  
fuit Constantinus Imperator, qui Sanctas Reliquias Andream, &  
Luca, & Timothei transfudit Constantinopolim?* Sibi tamen in hoc  
constantem non fuisse Hieronymum infra videbimus. Favet  
Menologium Basilii die 30. Novembris, ubi de Reliquiis San-  
cti Andreæ Patris in Achaja primò depositis, ait: *Postea verò  
Constantini Imperatoris jussu à Sancto Artemio unâ cum Sanctis  
Apostolis Luca & Timotheo Constantinopolim translata sub Sacra  
Apostolorum Mensa condita fuerunt, gratiam curationum emit-  
tentibus.*

XIII. Alii verò contendunt, Translationem hanc factam  
fuisse sub Constantio filio, anno Imperii ejus vigesimo, Christi  
verò 358. vel 359., & afferunt pro se S. Hieronymum. Tum  
L. de Scrip. Eccles. in Luca, ubi ait: *Sepultus est Constantino-  
poli, ad quam Urbem vigesimo Constantii anno ossa ejus cum Reli-  
quiis Andream Apostoli translata sunt.* Tum in additione ad Chro-  
nicon Eusebii anno 20. ejusdem Imp.: *Constantio, inquit, Ro-  
mam ingressò, ossa Andream Apostoli & Luca Evangelistæ à Con-  
stantinopolitanis miro favore suscepta.* Mirum sanè, quodd in uno  
Hieronymo tanta sit discrepantia. Cæterùm sub Constantio,  
non sub Constantino hanc translationem factam esse asserit  
Theodorus Lectòr L. 2. fragment., ubi de Constantio ait: *Hu-  
jus temporibus allata sunt Constantinopolim Reliquiæ Sanctorum  
& Apostolorum Timothei autem diem octavum Kalendas Julias, An-  
drea autem & Luca ante diem quintum Nonas Martias, & deposti-  
ta sunt in magna Ecclesia Sanctorum Martyrum.* Idem refertur in  
Fastis, quos nomine Idatii edidit Jacobus Sirmondus. In Chro-  
nico etiam Alexandrino. Id etiam eruitur ex Artemii Martyris  
Actis, quæ recitant Metaphrastes die 28. Octobris, & Nice-  
phorus hist. L. 10. cap. 11., ubi legitur, Artemium augu-  
rali præfecturâ nobilitatum ejusmodi translationis negotium  
sibi



sibi ut viro religiosissimo traditum à Constantio curassè.

Crediderim ergo, Constantinum hoc quidem in animo habuisse, sed vicinâ morte præventum implere non potuisse, sed à Constantio filio fuisse postea impletum: undè Eusebius, qui in Vita Constantini omnia ejus religiositatis acta per censet, de hac translatione mentionem non facit.

XIV. S. Gregorius Magnus, referente Baronio ad an. 581. num. 8. & 9., erexit Romæ Monasterium (in quo aliquandiu ipse sub Monachi professione vixit) sub titulo S. Andreæ, de quo loquitur L. 8. Epist. Ep. 11., & L. 11. Epist. 44. Varia miracula protectione ejusdem Apostoli ibi edita narrat, & præcipuè quòd quibusdam Monachis è dicto Monasterio abscedere tentantibus, sub specie Senis apparuit, eosque à fuga deterruit. Refert etiam idem Baronius in Notis Martyr. ad diem 9. Maji ex Codice antiquo Bibl. Vatic. plut. 3. num. 153., quòd cum idem S. Gregorius adhuc Diaconus missus fuisset Legatus Constantinopolim ad Tiberium Imperatorem, ab eo obtinuit brachium S. Andreæ Apostoli, & brachium S. Lucæ Evangelistæ, quæ secum detulit Romam, & anno secundo sui Pontificatus collocavit in Ecclesia S. Andreæ ad Clivum Scauri Romæ existente, ubi brachium S. Andreæ adhuc asservatur.

XV. Martyrologium Rom. die 9. Maji supponit, Corpus B. Andreæ Constantinopoli Amalphim translatus his verbis: *Corpus autem S. Andreæ longo post tempore Amalphim delatum, ibi pio fidelium concursu honoratur, ex cujus sepulchro liquor ad angores curandos jugiter manat.* Ex Archivis Amalphitanæ Ecclesiæ habetur, fuisse delatum à Cardinali Petro de Capua patriâ Amalphitano, dum à legatione Constantinopolis, paulò post à Gallis captæ, reverteretur, ac subindè ab eodem 8. Maji 1210. Cathedrali Ecclesiæ Amalphi donatum, & in Confessione Ecclesiæ inferioris ab ipso erectæ repositum, ubi adhuc asservatur. Addit Baronius in Notis ad 9. Maji, Caput ejusdem Apostoli ad Ædes Sacras S. Petri ejus germani in Vaticano à Pio II. fuisse Romam delatum. Cujus rei gestæ memoriam tunc editam in manuscripto Codice se legisse dicit; sed undè Pius hoc sacrum Caput detulerit, omittit.



## CAPUT IV.

## De S. Jacobo Majore.

## §. I.

*Patria, Apostolatus, Martyrium.*

1. S. **J**acobus, qui consuevit dici *Major*, ut distinguatur à S. Jacobo Minore Episcopo Jerosolymitano, fratrem habuit S. Joannem Apostolum & Evangelistam. Creditur S. Jacobus dictus *Major*, quia major natu Jacobo Minori, sicut etiam fuit major natu Joanne fratre, qui inter Apostolos junior existimatur. Jacobus ergo Major & Joannes fratres Patrem habuere Zebedæum, quem ut Christum sequerentur reliquerunt, & Salomen Matrem, quam inter mulieres, quæ Christum de more comitabantur, eique dum esset in Galilæa ministrabant, & emerunt aromata, ut demortui corpus ungerent, refert Marcus cap. 15. v. 41., & cap. 16. v. 1. Ista fuit, quæ materno, sed humano, amore ducta, ut habetur Matth. 20. v. 20., accessit ad Jesum cum filiis suis petens, ut unum eorum sedere faceret ad dexteram, alterum ad sinistram in Regno suo. Quam petitionem, utpotè immoderatam & ex vana ambitione promotam, Christus rejecit. Hujus tamen errorem excusat Ambrosius L. 5. de Fide cap. 2. dicens: *Et si error, pietatis tamen error est. Nesciunt enim materna viscera patientiam* &c. Et infra: *Considerate etiam Feminam, hoc est, sexum fragiliorem, quem Dominus propria nondum confirmaverat Passione. Considerate, inquam, Evæ illius primæ mulieris heredem, transfugā in omnes immoderate cupiditatis successionē labentem, quam Dominus adhuc proprio Sanguine non redemerat, . . . Hereditario igitur mulier delinquebat errore.* Aliunde tamen hujus Salome erga Christum amorem Evangelium commendat. Una enim ex illis fuit, quæ eum nec in passione, nec in morte, nec post mortem, nec in sepulchro positum deferuerunt. Una ex illis fuit, quæ à Monumento Dominico non recedens meruit, ut Christi, postquam resurrexit, apparitione in Fide confirmaretur, in qua usque ad mortem perseverans Jerosolymis sepulta fuit. Ejus memoria fit in Martyrol. Rom. 22. Octobris, ubi appellatur *Maria Salome*. Distinguunt enim quidam tres Marias, Mariam Matrem Jesu (aut Mariam Magdalenam) Mariam Jacobi, & Mariam Salome: sed

sed de hoc fides est solum apud apocryphas Scripturas . Alii Salomen filiam S. Josepho ex priori conjugē tribuunt . Ita Græci recentiores ad diem 8. Maji in Menæis . Quod tamen falsum esse alibi ostendi . Hæc de Salome . De Zebedæo ejus viro nil aliud scimus , nisi quod Jacobus & Joannes fuerunt ejus filii .

II. Jacobum & Joannem habuisse patriam Bethsaidam Galilææ , ut Petrum & Andream , credimus , similemque cum his sociatos piscatoriam artem exercuisse : simul enim piscantes erant Petrus & Andreas , Jacobus & Joannes , quando Christus eos vocavit Matth. 4. v. 18. & 21. , & Lucæ 5. v. 1. & 10. . Jacobum & Joannem fuisse genere Nobiles , putat S. Hieronymus Ep. 16. modò 96. ad Principiam , ait enim : *Unde & Jesus Joannem Evangelistam amabat plurimum , qui propter generis nobilitatem erat notus Pontifici , & Judæorum insidias non timebat : in tantam , ut Petrum introduceret in atrium , & staret solus Apostolorum ante Crucem , Matremque Salvatoris in sua reciperet , ut hereditatem Virginis Domini Virginem Matrem filius Virgo susciperet .* Piscatori quidem vacabant , sed ad eam mercenarios adhibebant . Unde Marci 1. cum Jesus eos vocasset de navi dicitur v. 20. : *Es relicto patre suo Zebedæo in navi cum mercenariis secuti sunt eum .* Et propterea Origenes L. 1. in Celsum aliquantum conditione extollit supra Petrum & Andream .

Nilominus Piscatores & ipsi erant , qui & retia propriis manibus lavabant & reficiebant Lucæ 5. v. 2. , & Matth. 4. v. 21. , & ex navigio tota illorum victus ratio pendebat , ut ait Basiliius in Regulis fusioribus Reg. 8. Quare Chrysologus serm. 28. censet , eos fuisse de communi vulgi , absque litteris , absque studio , qui nec legere didicissent , idedque in eis nec plus nobilitatis , nec scientiæ , nec divitiarum , quàm in Petro & Andrea recognoscit . Et Hilarius L. 2. de Trinitate num. 13. dicit de Joanne fratre , mirabilius quàm mortuos excitasse , fuisse , quod mysterium generationis Filii Dei Sapientibus Mundi prorsus ignotum , *Piscator egeus , ignotus , indoctus , manibus lino occupatus , veste vridâ , pedibus limo oblitus , totus è navi , adeò feliciter toti Orbi proposuerit .*

III. Quoad tempus , quo Jacobus & Joannes Christo se adjunxerunt , censet Epiphanius hæresi 51. , tunc fuisse , quando Andreas cum uno ex Discipulis Joannis accessit ad Jesum Joann. 1. Hunc enim unum inominatum vult fuisse vel S. Jacobum , vel S. Joannem , imò utrumque à Christo vocatum ante S. Philippum : quod ex eo arguere se putat , quia in enumeratione Apostolorum Matth. 10. v. 2. & 3. ac Lucæ 6. v. 14. Jacobus

bus & Joannes priores Philippo semper recensentur. Sed, ut supra dixi, incertum est, quis fuerit ille unus, qui cum Andrea accessit ad Christum; imò non pauci censent, fuisse hominem gestis obscurum, de quo nulla amplius mentio facta fuerit. Ordo autem, quo numerantur Apostoli, non videtur certò designare ordinem temporis. Nam prior tempore accessit Andreas, & tamen Petrus prior recensetur. Quomodocumque tamen sit, ordo historię cogit nos, ut asseramus, quod de Petro & Andrea diximus, nimirum Jacobum & Joannem non statim ita adhæsisse Christo, quin ad sua, & maxime ad victum ex piscatione quærendum, identidem redirent. Et propterea S. Epiphanius hæresi 51. incertum relinquit, an nuptiis Canæ interfuerint. Tunc ergo solum totaliter relictis omnibus Christo adhæserunt, quando Matth. 4. v. 22., & Marci 1. v. 20. secuti sunt eum. Ita S. Augustinus L. 2. de Conf. Evang. cap. 17.: *Tunc enim non subducitis ad terram navibus tanquam curâ redendi, sed ita eum secuti sunt tanquam vocantem ac jubentem, ut eum sequerentur.* Tunc enim reliquerunt retia, navem, Patrem, mercenarios, nihil sibi reservantes.

IV. Jacobum & Joannem *Boanerges*, sive ut aliqui volunt *Bana-reges*, seu *Boanreges*, idest *Filios tonitru* Christus appellavit Marci 3. v. 17., ubi postquam dicitur, quòd Christus Simoni imposuit nomen Petrus, additur: *Et Jacobum Zebedai & Joannem fratrem Jacobi, & imposuit eis nomina Boanerges, quod est Filii tonitru.* Filius autem tonitru fulmen est, sicut filius pharetræ dicitur sagitta à Jeremia. Hoc autem nomen eis imposuit, quia spiritu nimis fervido & igneo eos dignoverat. Porro tales esse ostenderunt se, quando quibusdam Samaritanorum Christo hospitium denegantibus Lucæ 9. v. 54.: *Cùm vidissent Discipuli ejus Jacobus & Joannes, dixerunt, Domine, vis dicimus, ut ignis descendat de Cælo, & consumat illos?* Ubi Ambrosius in cap. 9. Lucæ: *Et bene, inquit, præsumunt, quia ad sermonem suum ignis de Cælo descenderet, quoniam sunt Filii tonitru.* Jesus autem, cujus Spiritus erat à vindicta alienus, eos increpavit: undè sequitur v. 55.: *Et conversus increpavit illos, dicens: Nescitis, cujus spiritus estis. Filius hominis non venit animas perdere, sed salvare.* Ubi Ambrosius citato loco ait: *Nec Discipuli peccant, qui legem sequuntur. Sciebant enim, & Phinees reputatum ad justitiam, qui sacrilegos interemerat, & ad preces Eliæ ignem descendisse de Cælo, ut Propheta vindicaretur injuria.* Sed is erat quidem Spiritus Legis, non talis est Spiritus Christi, & ideo illis dicit: *Nescitis, cujus spiritus estis.* Nec tamen in hoc, ut

ut Manichæi putabant, Lex Nova Veteri contraria est : vindicta enim, quam Lex permittebat, sine odio erat; at istam, quam duo Apostoli petebant, odium comitabatur, & idè reprehenditur. Ita S. Augustinus L. contra Adimantum cap. 17. : *Quam vindictam, inquit, sine odio nondum Apostoli animo ceperunt, quando irati eis, à quibus non recipiebantur hospitio, quæsiuerunt de Domino, utrum vellet, eos petere ignem de Cælo, sicut Elias fecerat, quo igne homines inhospitales consumerentur. Tunc respondit eis Dominus, dicens, eos nescire, cujus spiritus filii essent, & quòd ipse liberare venisset, non perdere : quoniam illi animo inimico perdere cupiebant eos, quos volebant igne consumi.*

V. Cùm eis loqueretur de Templi ruina Matth. 24. v. 9., Jacobus & Joannes fratres unà cum Petro & Andrea, quando hæc futura esset, ab eo petierunt. Hos duos fratres Jacobum & Joannem cum Petro voluit testes esse tum suæ Transfigurationis in Monte Matth. 17. v. 1., Marci 9. v. 1., & Lucæ 9. v. 28. Tum suæ agoniz in horto Gethsemani, Matth. 26. v. 37., Marci 14. v. 33.. Aliquot post Resurrectionem diebus hi duo Fratres cum Petro Thoma & Nathanaele, Joann. 21. v. 2., ascenderunt navem ut piscarentur; cùmque nihil cepissent, stetit Jesus in littore ( non tamen cum cognoverunt ) petiitque ab eis, an aliquid pulmentarii haberent, & respondentibus : non : dixit eis Jesus : *Mittite in dexteram navigii rete, & invenientis. Miserunt ergo : & jam non volebant illud trahere præ multitudine piscium.* Tunc dicente Joanne Petro : *Dominus est :* Petrus misit se in mare, reliqui navigio ad terram venerunt trahentes rete piscium : *Et cùm descendissent in terram, viderunt prunas positas & piscem superpositum & panem, & Jesu eos invitante, quamvis præ timore non auderent, cum eo manducarunt.* Ex his apparet, Petrum Jacobum & Joannem speciali prærogativâ inter ceteros Apostolos à Christo distinctos fuisse. Nihilominus ait Clemens Alexandrinus apud Eusebium L. 2. hist. cap. 1. *Post Servatoris Ascensum, Petrum Jacobum & Joannem, quamvis Dominus ipsos ceteris prætulisset, non idcirco de primo honoris gradu inter se contendisse, sed Jacobum cognomine Justum Jerosolymorum Episcopum elegisse.*

VI. De S. Jacobi Majoris Prædicatione Scriptura tacet : Nos ea, quæ circa ipsam apud Historicos controvertuntur, s. frequenti proponemus. Interim quæ de ejus Martyrio Apostolorum Acta cap. 12. v. 2. indicant, exponemus. Herodes igitur Agrippa Rex Judæorum Magni Herodis filius, volens Judæis contra Fideles, & præcipuè contra Apostolos, Jerosolymis ob-

latrantibus satisfacere, *misi manus ut affligeret quosdam de Ecclesia: occidit autem Jacobum fratrem Joannis gladio*. Hoc compendio mortem S. Jacobi Majoris describit Scriptura. Fortè autem in Jacobum primò apposuit manum Herodes, quia zelo prædicationis hunc magis infestum & odibilem habebant Judæi. Unde sequitur: *Videns autem quia placeret Judæis &c.* Ita Chrysostomus hom. 57. modò 56. in Matth., ubi de Jacobo ait: *Judæis quippè ita acer & vehemens esse videbatur, ut Herodes munus maximum se præbiturum Judæis putaret, si illum occideret*. Et homil. 66. modò 65. *Ab initio enim, inquit, magno ferebatur ardore, & missis humanis omnibus, ad tam ineffabile culmen ascendit, ut statim occideretur*. Sicut Joannes frater excelluit in dilectione, ita Jacobus in fortitudine & ardore vitam fundendi pro Christo. Undè cùm Christus ambos interrogasset, *„Potestis bibere calicem, quem ego bibiturus sum?„* promptam illam responsionem: *Possimus*: Jacobo tribuit Chrysost. hom. 57. nuper citata. Sicut ergo Protomartyr inter Fideles fuit Stephanus, sic Protomartyr inter Apostolos Jacobus fuit.

VII. Quid singulare in Jacobi Martyrio, tanquam ex Traditione acceptum, refert ex Clemente Alexandrino Eusebius L. 2. hist. cap. 9. his verbis: *De hoc Jacobo rem prorsus memorid dignam refert Clemens in septimo Institutionum Libro, prout eam à Majoribus acceperat. Ait enim, enim, qui Jacobum judicio obtulerat, cùm illum vidisset Christi Fidem liberè consentientem, commotum Viri constantiâ, se quoque Christianum esse affirmasse. Ambo igitur, inquit, simul ad supplicium ducti sunt. Cùmque inter eundem rogasset Jacobum comes, ut sibi veniam daret, paulisper moratus Jacobus: Pax tibi, inquit, statimque illum osculatus est. Ita simul ambo capite truncati interiire. An iste, qui conversus ad Christum comitem se fecit Jacobi in Martyrio, fuerit ejus accusator, an verò apparitor seu miles; res est, quæ ab aliquibus in quæstionem vertitur. Fuisse accusatorem censet Valeſius in Notis ad dictum cap. Eusebii. Tum quia id exprimere videntur illa verba: Qui eum judicio obtulit. Quamvis enim prædicationis Fidei Christi, quæ Jacobo vertebatur in crimen, publicè ab ipso fieretis accusationi tamen locus erat, sive quia oportebat, ut essent aliqui qui reos caperent, & ad Judices damnandos adducerent, sive quia cùm Jacobus fortè se occultasset, ab isto, qui eum ad Agrippam duxerat, detectus fuisset. Tum etiam quia hoc indicant illa verba: ut sibi veniam daret. Si enim fuisset purus apparitor aut minister, non erat opus ut veniam postularet: Miles enim, qui Judici exhibet noxiū, cùm imperio Judicis obsequatur, videtur culpâ vacare. Ita Valeſius.* Huic

Huic tamen postremo non assentior. Ministri namque subalterni à culpa non eximuntur, quando obediunt Judici præcipienti contraria Legi Dei, & ut agant contra Aggressus Dei: magis enim obediendum est Deo quàm hominibus, alioquin milites, qui, ut Pilati imperium exequerentur, Christum flagellis cæciderunt, & Cruci affixerunt, omni culpâ vacassent, quod nemo dicit. Sive ergo fuerit accusator, sive purus Minister, peccavit, idèdque conversus ad Christum veniam à Deo & Jacobo petere debuit.

VIII. Tempus, quo Jacobus Martyrium subiit, fuit impetrante Claudio: Ita Eusebius L. 2. hist. cap. 9.: *Eodem tempore, Claudii scilicet Augusti principatu, Herodes Rex aggressus est affligere quosdam ex Ecclesia, & Jacobum Joannis fratrem gladio interfecit*: Anno scilicet secundo sui Imperii, Christi verò 44. Quidam, ut refert Baronius ad annum 44. num. 2., putarunt, eum passum fuisse Martyrium secundâ die Azymorum, moti ex aliquorum sententia, quam S. Hieronymus in cap. 43. Ezechielis audacem vocat: *Qui ajunt duos hædos immaculatos post Passionem Domini oblatos esse ad Altare Domini (die secundo) Jacobum & Stephanum; quorum alter de Apostolorum numero, moti ex septem Electis in Ministerium Domini princeps fuit. . . . Hunc (Jacobum) interfecit Herodes, & quasi hædum immaculatum post Passionem Salvatoris in die immolationis secunda*. Ita refert Hieronymus. Diem autem secundam post Passionem Domini secundam Azymorum intelligebant, supponentes primâ die Azymorum Christum fuisse passum. Audiendi tamen non sunt. Estò enim S. Jacobi passio circa vel prope Pascha, quo tempore passus est Christus, contigerit, non tamen post Pascha, aut secundâ die Azymorum. Nam S. Lucas Act. 12. v. 3. postquam dixit, quòd Herodes occidit Jacobum fratrem Joannis gladio, subdit: *Videns autem quia placeret Judæis, apposuit ut apprehenderet & Petrum. Erant autem dies Azymorum*. Cùm ergo, quando Herodes proposuit apprehendere Petrum, essent jam dies Azymorum, & jam occidisset Jacobum; clarum est, hunc ante Pascha occidisse, reservans Petrum occidendum diebus Azymorum completis; unde subditur: *Volens post Pascha producere cum Populo*: nec enim credibile est, Herodem, qui nisi transactis diebus Paschalibus volebat occidere Petrum, intra eosdem dies occidisse Jacobum. Paulò ante Pascha eum occidit. Cùmque anno 44., Judæorum Pascha in diem 2. Aprilis inciderit, fit, ut circa finem Martii Jacobus fuerit Martyrio coronatus. Cur autem aliâ die, & mense S. Jacobi festum Ecclesia celebrat, inferius dicam.

IX. S. Jacobum perpetuam servasse Virginitatem æquè ac S. Joannem fratrem ejus, ait S. Epiphanius hæres. 58. cap. 4. : qui etiam hæres. 78. cap. 23. asserit, eos, uti & S. Jacobum ; nunquam capillos sibi totondisse, nunquam balneis fuisse usos, nunquam carnes, aut pisces comedisse, unam solam tunicam, unum solum pallium lineum gestasse.

## §. II.

*Prædicatio S. Jacobi in Hispaniis.*

I. CUM de S. Jacobi Majoris prædicatione Scriptura nec verbum faciat, imò nec priorum seculorum Traditio aliquid ad nos detulerit, posterioribus seculis locus apertus fuit disceptandi, ad quæ loca prædicationem suam extenderit, & præcipuè an ad Hispaniam ; in quo affirmant aliqui, Hispani maximè gloriam hanc suæ Genti asserere conantes. Negant verò alii, & quidem plures præsertim ex Recentioribus.

II. Rationes affirmandi sunt : Primò Auctoritas S. Isidori in Libro de Vita & Morte Sanctorum cap. 73., ubi de S. Jacobo scribit : *Hispania atque Occidentalium Locorum Populis Evangelium prædicationis insudit.*

Secundò Breviarium Toletanum à S. Isidoro institutum, in quo sacer Hymnus habetur S. Jacobi, accessum in Hispaniam his verbis attestans.

*Magni deinde Filii Tonitru  
Adepti fulgent prece Matris inclita  
Utrique vitæ culminis insignia ;  
Regens Joannes dexterâ solus Asiam,  
Et levâ frater positus Hispaniam.*

In Breviario etiam Ordinis Prædicatorum sequens Antiphona in primis Vesperis recitatur : *O lux & decus Hispania, Sanctissime Jacobè, qui inter Apostolos primatum tenes, primus eorum Martyrio laureatus &c.*

Tertiò Venerabilis Beda in Collectaneis, agens de divisione Apostolorum, Jacobum hunc in Hispanias fuisse profecturum, testatur.

Quartò Idem refert Turpinus Archiepiscopus Remensis in Libro de Gestis Caroli Magni.

Quintò Callixtus II. Litteris Apostolis hanc Hispaniensem Ecclesiarum Traditionem confirmat.

Sextò S. Julianus Episcopus Toletanus in Comm. in Nahu



hum Prophetam, quos ex manuscripto Codice Biblioth. Bavaricæ edidit Henricus Canisius in verba illa cap.1. *Et nebula pedum ejus*, nomine pedum Domini Sanctos Apostolos intelligens, ait: *Isti ergo pedes Domini fuerunt, qui enim prædicando per uniuersum Orbem detulerunt. Petrus enim eum Romam, Andreas Achajam, Joannes Asiam, Philippus Galliam, Bartholomæus Partbiam, Simon Egyptum, Jacobus Hispaniam, Thomas Indiam, Mattheus Æthiopiam, Judas eum retulit Mesopotamiam, Jacobus Alphai eum retulit Ierosolymam. Quisque suâ sorte Christum sparsit sine sorde: Per Paulum verò toto dispergitur Orbe. Floruit autem S. Julianus cadente septimo seculo; obiit enim anno Christi 691. Si ergo loca, ad quæ dicit cæteros Apostolos detulisse Christum, non vertuntur in dubium; cur negabitur quod dicit de S. Jacobo, qui Christum detulit in Hispaniam?*

Septimò Freculphus Lexoviensis Episcopus, qui medio seculo 9. floruit, in Chronico (quod extat in Bibl. PP. Tom.14. pag.1061.) cap.4.: *Jacobus*, inquit, *filius Zebedæi frater Joannis duodecim Tribubus, quæ sunt in dispersione Gentium, scripsit; atque Hispania & Occidentalium Locorum Populis Evangelium prædicavit.*

Octavò idem testatur Walfridus Strabus in Poemate de 12. Apostolis apud Henricum Canisium Tom.6. antiquæ Læctionis, ubi de S. Jacobo ita canit.

*Primus Hispanas convertis dogmate Gentes,  
Barbara Divinis convertens dogmata dictis.*

Vixit Strabus eodem seculo 9., natione Germanus, Monachus S. Benedicti.

Nonò, suffragatur Notkerus Monachus S. Galli, seculi 10. auctor, in Martyrol. ad diem 25. Julii his verbis: *Hujus Beati Apostoli (Jacobi) sacratissima Ossa ad Hispanias translata, & in ultimis earum finibus condita, celeberrimâ illarum Gentium veneratione colantur: nec immeritò, quia ejus corporali præsentia & doctrinâ, atque signorum efficaciam, idem Populi ad Christi Fidem conversi referuntur.* Idem testantur Zacharias Chrysopolitanus in præfat. Harmoniæ quatuor Evang., Otho Frisingensis Lib. 3. Chron. cap.15. Vincentius Bellovacensis L.8. Speculi Historialis cap.6. & 7., Martinus Polonus in Chronico ad annum Christi 34., Thomas Cantipratanus L.2. de Apibus cap.25.

Demum hoc probat, inquirunt, immortale monumentum, scilicet Templum S. Mariæ del Pilar nuncupatum, Cæsaraugustæ erectum, & B. Virgini à S. Jacobo Apostolo ejusdem B. Virginis adhuc viventis jussu consecratum. Jacobo enim Apostolo in

Hi-

Hispanias prædicanti Ipsa Jerosolymis degens, super Columnam ex jaspide sese conspicuam exhibuit, eumque de Templo ibi in sui honorem erigendo monuit. Hoc miraculum omnes Hispani earum rerum Scriptores referunt. Hæc sunt quæ pro adventu & prædicatione S. Jacobi in Hispaniam asserri solent.

III. Rationes verò hoc negandi sunt: primò quia S. Jacobus primus omnium Apostolorum Jerosolymis ab Herode occisus fuit, antequam Apostoli varias in Provinciis dividerentur. Hæc enim Apostolorum divisio facta non fuit ante secundam persecutionem ab Herode excitatam, in qua Jacobus occisus fuit. Nam in prima persecutione, qua lapidibus obrutus est Stephanus, Apostoli dispersi non sunt, sed soli Discipuli, ut constat ex Act. 8. v. 1.: *Facta est autem in illa die persecutio magna in Ecclesia, quæ erat Jerosolymis, & omnes dispersi sunt per Regionem Judææ & Samaria, præter Apostolos.*

Confirmatur hoc ex Controversia, quæ seculo 13. mota fuit inter Archiepiscopum Toletanum & Compostellanum de Jure Primatus, quæ in Conc. Lateranensi IV. præsentè Innocentio III. agitata fuit. Parere detrectabat Archiepiscopo Toletano Compostellanus, suæ Ecclesiæ antiquitatem & nobilitatem à S. Jacobo accersens, nimirum quòd Compostellana Ecclesia & sanctissimi illius Apostoli Corpus asservet, & quòd idem Apostolus Hispaniam Fide imbuerit. Contrà in plena Synodo Rodericus Ximinius Archiepiscopus Toletanus, petit à Summo Pontifice licentiâ pro causa sua ita locutus fuit: *Si inducat etiam Compostellanus Antistes Divini Verbi prædicationem, & plurimorum conversionem ad Fidem Christi in Hispania per Jacobum Apostolum factam; qui Divinam Paginam voverunt, testimonium perhibeant. Ego tantum legi, datam ei fuisse potestatem prædicandi in Hispania: sed interim cum per Judæam & Samariam Divinam Legem seminare, sub Herode Jerosolymis truncato capite exhalavit Animam, & Domino reddidit. Quomodo ergo ibi prædicavit, quòd nondum ingressus est? Aut sine prædicatione, quos obsecro, convertit ad Dominum? Memini bene, in primis me annis accepisse à quibusdam sanctis Monialibus & religiosi Viduis, paucos admodum ejus prædicatione ad Fidem conversos esse: in qua cum tam exiguos progressus effeci videret, in Patriam reversus, fato suus est.* Hæc habentur Tom. 7. Concil. Harduini ad Concil. Lateran. IV. pag. 82., ubi etiam additur: *Quæ omnia peregit publicè Rodericus Ximinius Romæ in sui Primatus causa, quam obtinuit. Nam Summus Pontifex primatus honorem eidem coram omnibus detulit.* Cum ergo Archiepiscopus Toletanus adventum S. Ja-

S. Jacobi in Hispaniam, ejus ibi prædicationem tanquam mulierum vanam narrationem coram Generali Concilio, & Romano Pontifice traduxerit, & propterea causam vicerit; maximum argumentum est, rationes à Compostellano allatas, de adventu & prædicatione S. Jacobi in Hispania, à Concilio & Summo Pontifice nihili factas fuisse.

IV. Ex his à Ximenio dictis apparet, quomoddò exponendus sit S. Hieronymus, qui in Caput 34. Isaïæ ait: quòd *Spiritus (Domini) congregavit eos (Apostolos) dederitque eis sortes, atque diviserit, ut alius ad Indos, alius ad Hispanias, alius ad Illyricum, alius ad Græciam pergeret; & unusquisque in Evangelii sui atque doctrinæ Provinciâ requiesceret*. In primis enim S. Hieronymus non dicit, quis fuerit Apostolus, cui in sortem data fuerit à Spiritu Dei Hispania. Deinde dato, quòd ipse Apostolus fuerit S. Jacobus, quia tamen Martyrio præventus, opus implere non potuit.

Ex controversia inter Archiepiscopum Compostellanum & Toletanum colligitur etiam, iuane esse quod de S. Jacobi professione in Hispanias jactatur Callixti testimonium: illud enim ad redarguendum Toletanum Compostellanum Antistes non solum non produxit, sed cùm Toletanus ejusdem Callixti auctoritate contra ipsum uteretur, nihil legitur respondisse. Sic enim Toletanus agebat: *Si antiquitatem Compostellanae Ecclesiæ pro te facere existimas, antiquitas ista centum & novem spatio annorum continetur: quod sic persuadeo: Dominus Callixtus Papa ad instantiam Principis, Cleri, & Populorum Hispaniæ, Metropolitancum jus antiquæ & celeberrimæ Civitatis Emeritenfis Compostellam transfudit, anno Domini millesimo centesimo vigesimo quarto: tum quia Civitas Emeritenfis erat sub dominio Sarracenorum constituta: tum quia peregrinantium devotio ob reverentiam B. Jacobi, cujus Corpus ibidem creditur esse sepultum, in melius semper cresceret. Nam usque ad hæc tempora Oratorium quoddam admodum parvum erat locus ille, in quo nunc sita est Compostellana Ecclesia. His ergo, si falsæ essent, respondere debuisset Compostellanus Antistes: quod cùm non fecerit, clarum est, cum nihil ex Callixto all. proferre pro se potuisse.*

V. Secunda negandi ratio sumitur ex Gregorio VII. L. 1. Regesti Epist. 64. datâ ad Alphonsum & Sanctium Hispaniarum Reges, quos ita alloquitur: *Cùm Beatus Apostolus (Paulus) Hispaniam se adivisse significet, ac postea septem Episcopos ab Urbe Roma ad instruendos Hispaniæ Populos à Petro & Paulo Apostolis directos fuisse; qui destructâ Idololatriâ Christianitatem fundaverunt,*

runt,

runt, Religionem plantaverunt, ordinem & officium in Divinis cultibus agendis ostenderunt, & sanguine suo Ecclesias dedicaverunt; vestra diligentia non ignoret: quantam concordiam cum Romana Urbe Hispania in Religione & Ordine Divini Officii habuerit, satis patet. Et infra. Unde enim non dubitatis, vos suscepisse Religionis exordium, restat etiam, ut inde recipiatis in Ecclesiastico Ordine Divinum Officium; quod Innocentii Papæ ad Eugubinum directâ Episcopum vos docet Epistola; quod Hormisdæ ad Hispanensem missa decreta insinuant; quod Toletanum & Bracarense demonstrant Concilia. Porro si à S. Iacobo illata esset Fides Christi in Hispanias, & septem illi Episcopi Discipuli ejus fuissent; Gregorius VII. Ecclesiarum Hispaniæ foundationem ad Paulum dumtaxat Apostolum, & ad Petri Paulique Discipulos non retulisset; neque id certissimis antiquitatis monumentis confirmasset.

VI. Tandem S. Hieronymus in cap. 5. Amos de S. Paulo hæc habet: *Qui vocatus à Domino effusus est super faciem universæ terræ, ut predicaret Evangelium de Jerosolymis usque ad Illyricum, & edificaret non super alterius fundamentum, ubi jam fuerat prædicatum; sed usque ad Hispanias tenderet & Mari Rubro, imò ab Oceano usque ad Occasum curreret.* Si ergo S. Jacobus in Hispania prædicasset: vel ante S. Paulum prædicasset; & sic S. Paulus prædicasset ibi Christum, ubi jam fuerat prædicatus, & super alterius fundamentum edificasset: vel post; & hoc est impossibile, quia cum S. Paulus Hispaniam adivit, S. Jacobus jam fuerat Martyrio coronatus. Hæc sunt negantium S. Jacobi in Hispaniam adventum præcipua fundamenta.

VII. Ad rationes autem pro sententia affirmante respondent. Ad primam, quod Liber ille sub nomine S. Isidori de Vita & Morte Sanctorum reverà S. Isidori non est, cum in eopla sint Isidoro indigna, imò & putida mendacia, inter quæ hoc est, quod Jacobo fratri Joannis tribuit Epistolam, quæ est Jacobi fratris Domini. Præterea in contrarium stat de hoc silentium omnium Patrum usque ad septimum seculum, quo Isidorus vixit.

Ad secundam dicunt, quod in Officio Toletano recitatur, esse hymnum particularis Ecclesiæ, nec ab Ecclesia Romana probatum. Imò cum ex dictis Gregorius VII. monuerit Ecclesias Hispaniæ ut in Ritibus & Officiis Ecclesiæ Romanæ, à qua per Petrum & Paulum fundatæ sunt, se conformarent; satis iudicavit, se Hymnum illum oppositum canentem improbarestanquam in Traditione saltem non probatâ fundatum; ut dicebat Rodericus Ximinius Archiepiscopus Toletanus in Conc. Lateran. IV. supra laudatus. Quod verò additur de Antiphono-

phona, quæ in Breviario Ordinis Prædicatorum recitatur, non juvat; nam in ea solum dicitur, quod S. Jacobus sit *lux & decus Hispaniæ*, quod optimè verificatur per hoc, quod Hispania decoretur ejus corpore; quod ad illud venerandum ex toto Orbe peregrinentur Fideles; & quod ejusdem Apostoli speciali gaudeat patrocinio: quæ omnia subsistunt, estò vivens illuc nunquam accesserit.

Ad tertiam dicunt, Collectanea illa de Vit. & Gest. SS. esse opus Bedæ auctore indignum, cum multis scateat nugis ac mendaciis, ut Critici observant, & maxime quod S. Philippus in Gallias Fidem intulerit; cum constet, Apostolorum neminem per se ipsum in Galliis prædicasse. Præterquam quod non dicit, quod S. Jacobus de facto profectus sit in Hispaniam, sed quod in divisione Hispania illi contigerit: quod optimè salvatur, etsi nunquam illuc profectus sit, quia Martyrio præventus.

Ad quartam similiter dicunt, Librum illum Turpini, seu potius Tilpini Episcopi Remensis, supposititium esse & fabulis scatentem, cujus nec Flodoardus, nec Hincmarus, nec alii gravissimi Scriptores illius avi meminerunt, unde nullius auctoritatis est.

Ad quintam, ex supradictis apparere potest, falsam esse Callixti narrationem. Nam si veram existimasset Compostellanus Antistes, eam intorssisset in Archiepiscopum Toletanum in Concilio Lateranensi, maxime cum iste auctoritate Callixti contra ipsum ad suum Jus probandum uteretur.

Ad sextam, ex S. Juliano Episcopo Toletano, dato, Commentarium illud esse genuinum ejus scriptum, quod multi negant; & maxime conjicitur, quia Episcopus Compostellanus rem agens cum Toletano, ut supra, hoc testimonio ad sua prætena jura tuenda usus non est; dici potest, Julianum hoc dixisse ex ea, quæ tunc spargebatur, Traditione, estò non fundata: sicut etiam dixit, S. Philippum in Galliis prædicasse, cujus tamen nullum adest fundamentum.

Ad septimam, octavam, & nonam respondent, omnes præfatos Auctores vixisse post octavum seculum. Freculphus enim sub Ludovico Imperatore anno 840., Walfridus vivere desit anno 849., Notkerus anno 912., Zacharias Chrysopolitanus anno circiter 1101., quos secuti sunt alii sequentium seculorum Scriptores. Cum enim post octavum seculum opinio illa invalisset, eam indiscussam omnes illi Auctores amplexi sunt. Sed precedente tempore, re funditus perpensâ, & comperto, quod Scripturæ non congruit, quod antiqua Monumenta desunt,

quod Romani Pontifices Innocentius I. & Gregorius VII. contrarium supponunt, & quod in gravissima super hoc habita in Concilio Lateranensi disputatione, Roderici Ximenii contrarium asserentis sententiam Concilium & Pontifices probaverunt; intrusa Traditio de prædicatione S. Jacobi in Hispania, tanquam parum stabili fundamento nixa, languescere ac nutare cœpit.

Id verò, quod ultimò additur de Ecclesia Deiparæ adhuc viventi, ipsâ jubente, à S. Jacobo erecta Cæsaraugustæ, majorem præferret difficultatem. Quis enim credat, Virginem humillimam sibi adhuc inter mortales viventi Ecclesiam erigi jussisse? Quis hoc licuisse credat sub Ethnicis Imperatoribus ac Principibus, mediis in persecutionibus: iis in temporibus, quibus Christiani Tempia nulla habebant, sed privatis in domibus & in cryptis cœtus suos agere solebant?

VIII. Hec sunt, quæ prædicationem S. Jacobi in Hispania apud multos difficilem reddunt. Quibus pensatis, hæreo anceps. Eam ut certam statuere non præsumo. Sed nec etiam hanc gloriam Nationi, à qua in Theologicis nutritus sum, cuius amor plurimum debeo, eripere, animum habere possum. Baronio adhærebo, qui in Notis ad Martyrol. die 25. Julii. Prædicationem S. Jacobi in Hispania protestatur, se non sic mordicus defendere, ut invitos ei adstipulari cogat, sed potius ut ostendat, quæ de ea dicuntur non esse adeò impossibilia, ut pro monstro habenda sint. In primis enim Auctores contrarii opponunt, solum post seculum octavum hanc opinionem invaluisse. Eisd. sed hoc est argumentum merè negativum, quod non convincit: ex hoc enim quod ante octavum seculum de hoc mentio facta non legatur, non probatur verè non fuisse. Imò cum quotquot post octavum seculum sequentibus seculis scripserunt, hoc idem asseruerint, & in Breviario Romano inserta fuerit, colligitur potius eos præfatam Traditionem fundamento nixam invenisse, ne dicatur eam cæco modo amplexos fuisse.

Nec obstat, quod S. Jacobus primus ante Apostolorum divisionem martyrio decesserit. Nam S. Jacobi in Hispaniam profectio tunc potissimum potuit contigisse, cum post necem Stephani Protomartyris secuta est statim dispersio omnium Discipulorum: & licet dicat S. Lucas in Actis, omnes dispersos esse præter Apostolos, hoc potest intelligi ex majori parte, non quod nullus eorum omnino discesserit. Sicut cum ibidem ait, omnes Discipulos dispersos esse per Regiones Judææ & Samariæ, non tamen tollitur, quin Ananias tunc temporis Damascus profectus sit, ibique Evangelium prædicaverit. Imò eo tem-

tempore intermedio è nece Stephani usque ad carcerem Herodis, fatentur ipsi Adversarii, S. Petrum fundasse Ecclesiam Antiochiæ, & per Pontum, Cappadociam, Asiam, & Bithyniam Evangelium prædicasse. Quidni ergo potuit S. Jacobus hoc eodem tempore Hispaniam, ad quam fuerat destinatus, adire, ibique semina Evangelii jacere, ac Jerosolymam ad Martyrium redire; cum maximè ab anno 34., quo Stephanus Martyrium sustulit, usque ad 44. quo Jacobus gladio fuit peremptus, decem anni effluerint? Sanè si Jacobi & Joannis mater Salome eadem dispersione fugata in Italiam venit, & apud Henricos itinere fatigata in pace quievit, ut produnt vetera Monumenta Ecclesiæ Verulanæ, ubi ejus corpus asservatur; valdè credibile sit, eam Jacobum filium in Hispaniam euntem comitatam, festam itinere ac ætate ibi defecisse. Tandem ut habetur Galat. 1. v. 18., cum S. Paulus tertio è sua Conversione anno (Christi 37.) Jerosolymam venisset, dicit, quòd præter Petrum alium Apostolorum vidit ueminem, nisi Jacobum fratrem Domini. Ubi ergo tunc erant alii? ubi Jacobus frater Joannis? quò ierat? certè ad prædicandum. At cur non ad Hispaniam pertransire potuit usque ad ann. 44.?

IX. Dico tamen cum Baronio citato loco, hæc de accessu Jacobi in Hispanias non sic accipienda esse, ut illic prædicaverit Evangelium Gentibus (nondum enim decreto Apostolorum fuerat illis ostium ad Fidem apertum) sed Judæis tantum suis Gentilibus Christum annuntiavit; ne sic quidem, ut aliquam ibi fundarit Ecclesiam: & in hoc sensu accipienda sunt verba Innocentii I. Papæ ad Decentium, neminem Apostolorum præter S. Petrum Hispaniam Fide imbuisse; quibus, sicut ut supra dixi non excludit S. Paulum, ita nec excludit S. Jacobum, modo tamen explicato. Neque obest, quòd S. Paulus dicat, se ibi solum prædicasse, ubi annuntiatus non fuerat Christus: undè cum Paulus in Hispaniis prædicaverit, sequatur, quòd à nullo alio, nec à Jacobo fuerit ibi Christus annuntiatus. Nam Apostoli verba possunt accipi non generaliter, sed restrictè ad Gentes, quarum specialiter ipse Doctor erat: Jacobus autem annuntiaverat Christum solis Judæis, sicut fecerat Petrus, cum primò percurrit Pontum Galatiam &c., unde primam Epistolam scribit *Electis advenis dispersionis Ponti, Galatiæ &c.*, idest Judæis dispersis per illas Regionem. Vel possunt accipi regulariter, sed non semper: nam Paulus etiam Romæ prædicavit, ubi tamen ante ipsum annuntiatus fuerat Christus, & tanto cum profectu, ut antequam Romam adiret, Romanis cap. 1. v. 8. scribat gratias

agens Deo, quòd Fides eorum annuntiatur in universo Mando.

Quod verò Rodericus Ximenius adventum S. Jacobi in Hispanias inter narrationes Monialium & Viduarum retulerit, non obest. Nam Ximenii intererat id, quod poterat suæ causæ obesse, deprimere. Sic nec quod Compostellanus nihil opposuerit, arguit, se hâc ratione fuisse convictum; sed potius noluisse de hoc contendere, & ob alias potiores causas cessasse. Non desunt tamen qui hanc contentionem apocrypham censeant. Hæc dixi, ut appareat, adventum S. Jacobi in Hispaniam non esse merum commentum, ut aliqui jaçant. De hoc videri possunt Emmanuel Sousa, qui duobus Tomis Adventum & Gesta S. Jacobi in Hispaniis propugnat, & Iguatius Cattoira, qui idem novissimè demonstrativè ostendere conatur.

### §. III.

#### *De Fefso & Translatione Corporis S. Jacobi.*

I. **D**E S. Jacobo agunt Græci in Menologio pridie Kalendas Aprilis, circa quem diem creditur contigisse ejus Martyrium; nam ex dictis hoc paulò ante Festum Paschæ contigit, Pascha autem eo anno Christi 44. in secundam diem Aprilis incidit. Menologium tamen Basilii necem S. Jacobi fratris Sancti Joannis assignat diei 15. Novembris. Ibi enim inter cætera ait: *Post Domini autem Ascensionem, & Deiparæ dormitionem, Joannes quidem Epbesum abiit, prædicationis munere ibi fungens; Jacobus verò relicto Jerosolymis, duodecim Tribus Israel percurrens, Dominum nostrum Jesum Christum ubique annuntiabat. Quamobrem ab Herode Tetrarcha in Cesarea Palestina Urbe comprehensus, ejusque jussu gladio cæsus, in Cælum avolvit. In his tria sanè difficilia reperio. Primum, quòd Martyrium Jacobi die 15. Novembris ponit, cùm ex Luca habeatur paulò ante Pascha contigisse. Secundum, quòd post dormitionem Deiparæ dicat, Jacobum Christum annuntiasse Tribus Israel, cùm communis sententia ferat, Deiparam in senectute obdormivisse, & proinde post Jacobi Martyrium; & ideò non potuisse post ejus dormitionem Christum annuntiare. Tertium, quòd Jacobus Martyrium subierit Cæsareæ, cùm ex Actis Apostolicis appareat, eum Jerosolymis passum fuisse. Ut enim habetur Act. 12. v. 18. Herodes non descendit Cæsaream, nisi post liberationem Petri è carcere: Petrum autem Jerosolymis fuisse ab Herode carceri traditum constat, quia ibi erat Jacobus frater Domini* Epi-



Episcopus Jerosolymorum, & domus Mariæ Matris Joannis Marci, in quam Petrus è carcere se recepit. Tunc autem cum Petrus è carcere liberatus fuit, imò & antequam conjiceretur in carcerem, Jacobus jam gladio cæsus fuerat.

II. Latini verò S. Jacobi Festum celebrant die 25. Julii tanquam die, non Martyrii, sed Translationis Corporis ejus ab Jerosolymis ad Hispanias. Sic enim in Martyrologio Romano legitur: *Sancti Jacobi Apostoli fratris Beati Joannis Evangeliste, qui propè festum Paschæ ab Herode Agrippa decollatus est. Ejus sacra Ossâ ab Jerosolymis ad Hispanias translata, & in ultimis earum finibus apud Galliciam recondita celeberrimâ illarum Gentium veneratione, & frequenti Christianorum concursu, Religionis & voti causâ illuc advenantium, piè coluntur.* De Translatione Ossium S. Jacobi, eorumque in Hispania existentia nullam puto esse controversiam. Rodericus ipse Ximinius cum Compostellano Antistite de primatu contendens, hoc ei concedit, dicens: *Si nobilitatem etiam sepulture inducant, quod ibi Divus jaceat Jacobus, libenter assentior cum his, qui istud asserant.* De modo & tempore Translationis dubitatur. Quidam putant, Corpus Sancti Jacobi de Jerusalem Iriam Hispaniæ & Galliciæ Urbem delatum eodem sui Martyrii anno, fortè à Discipulis ejus, & inde Compostellam. Hoc præfatus Rodericus etiam refert addens: *Licet quidam asserant, Corpus ejus Jerosolymis requievissè: postea raptum à Discipulis delatum esse & sepultum apud Compostellam.* Ita in Concil. Later. IV. Hoc idem eruitur ex Concilio Ovetensi anno 872. sub Joanne VIII. Papa, & Alphonso Galliciæ Rege, ubi de Consecratione Ecclesiæ (Compostellaniæ puto) sic habetur: *In Altari quoque, quod est super Corpus Beati Jacobi Apostoli, quod consecratum fuerat à septem Discipulis ejus, quorum nomina sunt hæc, Calocerus, Basilus, Pius, Chrysogonus, Theodorus, Athanasius, Maximinus; tamen nemo ex dictis Episcopis ausus fuit aliquid in eo agere, nisi tantum Orationem, Missamque cantare.* Hos tamen septem fuisse Discipulos, non S. Jacobi, sed SS. Petri & Pauli Româ in Hispaniam missos, scribit Gregorius VII. Lib. 1. Regesti Epist. 64.

III. Hanc Translationem Corporis S. Jacobi Jerosolymis in Hispaniam colligit Baronius ad ann. 816. num. 62. ex quadam Epistola Leonis III. (quæ tamen inter ejus Epistolas non legitur) qua asseritur, eodem anno fieri contigisse, quo idem Sanctus Apostolus truncatus est capite; tunc & fuisse sublatum Corpus, quod canibus atque volucris expositum fuit, navigioque impositum Iriam Flaviâ delatum ad octavum Kalend. Augusti,

sti, inde verò Compostellam. A quibus sublatum fuerit, non dicit: probabiliter aliqui existimare possunt, quod à Judæis aliquibus Gallæcis, qui à Jacobo Jerosolymis Fidem susceperant, ac in Patriam redeuntibus eam hoc thesauro ditare voluerint. Sed dubitari primò potest, an in his extrémis Hispaniæ partibus Judæi essent, deinde hoc etiam dato, valdè probabile est, primos Christianos moram elegisse iis in locis, in quibus Fides jam stabilita erat, nec remeare voluisse ad loca, in quibus Christus nondum fuerat annuntiatus, si alioquin ad Fidem propagandam destinati non essent. Mortuo autem S. Jacobo, nonnisi post multos annos Fides à Paulo invecita fuit, nisi sentiamus, S. Jacobum Apostolum ante mortem Fidei semina ibi jecisse.

IV. Addit Baronius ibidem, factum fuisse, ut urgentibus in Christianos persecutionibus, mortuisque illis, qui tantum thesaurum detulerant, locus manserit omninò incognitus, omnisque ejus memoria penitus interierit: adeò Venantius Fortunatus, qui præcipuos Hispaniæ & cultu celebriores Sanctos recenset, solum Vincentium Martyrem nominat, Joannem verò Ephesi, & Jacobum Jerosolymis sepultos esse, supponat his versibus, carmine de Bodegísilo Duce.

*Præcipuum meritis Ephesus veneranda Joannem*

*Dirigit, & Jacobum terra beata suum.*

Fortunato igitur, qui sexto seculo vivebat, ignotum erat S. Jacobi Corpus in Hispanias fuisse translatum.

Seculo tamen octavo, Rege Hispaniarum Alphonso Casto, non sine speciali Dei providentia S. Jacobi Reliquiæ per aliquot secula absconditæ detectæ sunt. Ita Baronius ad ann. 816. n. 53. addens, quod ex hoc tempore ille sacer locus totius Orbis concursu fuit frequentatus, insignitus ibi patris miraculis, Populos è Regionibus etiam remotis adhuc attrahentibus. Huic narrationi consentit Natalis Alexander Hist. Eccles. secul. 8. cap. 8. art. 5. dicens: „Regnante Alphonso Casto S. Jacobi Apostoli „Reliquias in Gallæcia inventas memorant, & Episcopalem „Iriæ Flaviæ Sedem, retento nomine, & Bracarenfis Metro- „politani jure servato, Compostellam à Leone III. translata „fuisse, honestandi loci causâ. „Accedit Mariana L. 7. cap. 10. citans Monumentum Compostellæ asservatum, quo Alphonfus Castus testatur, Corpus S. Jacobi Apostoli suo tempore repper- „tum fuisse. Quantæ tamen auctoritatis, & quibus verbis sit conceptum hoc Monumentum, Mariana non refert.

V. Quare Recentiores Critici, inter quos Tilmonius Nota 7. & 8. in S. Jacobum Majorem ostendere conatur, varia nimis

mis & proinde incerta esse documenta de tempore & modo Translationis & Inventionis Corporis Jacobi Majoris. Pater Joannes de Bosco Cœlestinus Bibl. Floriacensis p.2. prodit Manuscriptum exaratum, ut putat, circa annum millesimum ab ejusdem Abbatiae Monacho, in quo narratur, Corpus S. Jacobi translatum fuisse Jerosolymis in Gallæciam, non ferè statim post Apostoli mortem, sed Jerosolymis sepultum, postea Jesu Christi nomine per totum Orbem diffuso, inde extractum, fuisse illuc delatum à Ctesiphonte uno ex Episcopis per Apostolos ordinatis ad effundendum Evangelii semen. De facto autem in Martyrol. Rom. die 15. Maji inter Viros à Sanctis Apostolis Episcopos ordinatos, & in Hispanias Româ missos ad prædicandum ibi Evangelium, recensetur Ctesiphon. Sed cum iste dicatur ordinatus, & Româ, non Jerosolymis missus, difficile creditu videtur, quod ab isto Corpus S. Jacobi fuerit Jerosolymis in Gallæciam asportatum.

Magis verisimile existimare videtur Tilmontius, quod inter seculi septimi turbationes & rapinas, quibus Sarraceni tunc & postea Palæstinam devastarunt, Corpus S. Jacobi fuerit aliquâ occasione in Gallæciam delatum, ibique ignotum ob invasiones Maurorum usque ad seculum octavum mansisse, & sub Alphonso Rege detectum. Quæ conjectura, inquit, estò carens probatione, ex his tamen, quæ de hac re variè dicuntur, probabilis apparet, ac omnes difficultates de eadem tollit, & melius ac facilius tuetur, Reliquias, quæ Compostellæ asservantur, verè S. Jacobi Majoris esse. Hoc ego concludam, quod quidquid sit de tempore & modo, quo Corpus S. Jacobi in Hispaniam & Compostellam translatum sit, hoc certò tenendum est, illud ibi vere asservari: non enim permisset Deus totum Orbem, & per tot secula in errore versari.

An autem verum sit, quod refert Bollandus 3. Januarii, varias Corporis ejusdem Apostoli partes (ut caput, brachium &c.) inde extractas, fuisse aliis Ecclesiis Belgii & Galliæ dono datas, aliis discutiendum relinquo.



## CAPUT V.

## De Sancto Joanne Apostolo &amp; Evangelista.

## §. I.

*Genus & Gestu ante Passionem Jesu.*

I. **E**X præcedenti Capite, & alibi dictis, satis constat, S. Joannem Evangelistam Galilæum è vico Bethsaide Jacobi Majoris fratrem germanum fuisse, Zebedæum & Salomen parentes habuisse, & artem piscatoriam exercuisse. Putarunt aliqui, alium Discipulum Joannis Baptistæ, qui Joann. 1. v. 40., cum Andrea secutus est Jesum, ipsum Joannem Evangelistam fuisse, qui nomen suum ibi reticuerit. Sed oppositum probabilius esse ostendi supra cap. 3. §. 1. Hoc certum, quod, ut referunt Matth. cap. 4. v. 21. & Marcus cap. 1. v. 19., cum esset in navi cum Jacobo fratre & Zebedæo Patre, vocatus a Jesu, ipse & Jacobus relicto Patre navi & retibus secutus est eum. Cum Apostolos designavit Marci 3. v. 17. ambobus *Boanerges* idest Filii Tonitruum seu Fulminis nomen imposuit, quasi fragore prædicationis ei totum Orbem subacturi essent: quod maxime implevit Joannes, tum Apostolatu suo, quo totum serè Orbem penetravit; tum & maxime sublimitate scientiæ, quæ arcana Divinitatis Jesu detexit & explicavit, quasi nubes, quibus nobis tegebatur, scindens.

II. Cæteris Apostolis junior fuisse creditur, ætatis nempe annorum 25. aut 26. & quod à longo tempore quo in terris supervixit aperte colligitur. Quamvis tamen cæteris Apostolis ætate minor, omnibus tamen merito & sapientia par, imò & superior fuit. Speciali propterea dilectione ipsum Jesus prosequabatur, ita ut, cum Joannes de se ipso loquitur, hoc vocabulo se ab aliis distinguere consueverit, Joann. 13. v. 23. cap. 19. v. 26. cap. 21. v. 7. & 20.: *Discipulus quem diligebat Jesus*. De quo S. Augustinus tract. 124. in Joann. instituit quæstionem, quis præferendus, an Joannes quem Jesus plus cæteris diligebat, an Petrus qui plus cæteris diligebat Jesum, quam post multa resolvit sic: *Quantum autem ipse sapio, meliorem, qui plus diligit Christum, feliciorem verò, quem plus diligit Christus, facile responderem: Si justitiam Liberatoris nostri minus eum diligentis, à quo plus diligitur, & enim plus, à quo minus diligitur, quemadmodum defendere, perviderem.*

III. Quia

III. Quia tamen S. Joannes de se dicit quidem, se esse Discipulum quem diligebat Jesus, sed non dicit causam, qua præ cæteris eum diligeret, reliquit locum eam inquirendi. Chrysostomus homil. 33. in Joann. putat, causam fuisse ejus modestiam & humilitatem, quâ præ cæteris se gerebat: cum enim cæteri Christum sæpè alloquerentur, eumque interrogarent, ut Petrus ut Philippus ut Judas ut Thomas, Joannes *nisi tantum semel in gratiam Coepostoli sui Petri rogantis se*, quem ut coryphæum venerabatur, & cum quo mutuus specialis amor intercedebat, Jesum interrogavit. Unde Chrysostomus prosequitur: *Videtur mihi, inquit, ille modestiam & mansuetudinem magnam exhibuisse quapropter sæpè non ita liberè & fidenter agere deprehenditur. Hac quanta sit virtus, ex Moyse arguitur, nam hæc illum talem effecit: nihil enim par humilitati est: ideo hinc beatitudines Corinthus incipit; nam quasi adificii maximi fundamentum jacturus, humilitatem primam posuit.*

Alii & communiùs censent, specialis hujus dilectionis causam fuisse singularem Castitatis amorem, quo præ cæteris Joannes etfi junior fervebat, in summa enim castitatis custodia ab infantia vixerat, à nuptiis semper alienus. S. Joannem mansisse virginem, Scriptura quidem non asserit, ei tamen maximè favet: ideoque in hanc sententiam descendunt Scriptores Ecclesiastici præcipui, tum Recentiores tum Veteres. Manichæi ipsi (ut habetur apud Augustinum L. 30. contra Faustum cap. 4.) hoc pro explorato habebant; imò hoc Joannis exemplo ad damnandas nuptias abutebantur. S. Hieronymus Lib. 1. contra Jovin. hoc sensit. Unde ad eum alludens S. August. tract. 124. in Joann.: *Sunt, inquit, qui seuserint, & hi quidem non contemptibiles sacri eloquii tractatores, à Christo Joannem Apostolum propterea plus amatum, quoddam neque uxorem duxerit, & ab inenute pueritia castissimus vixerit. Hoc quidem in Scripturis Canonicis non evidenter apparet, verumtamen id quoque multum adjuvat congruentiam hujusce sententiæ, quoddam ea vita per eum significata est, ubi non erunt nuptiæ.* Porro licet Augustinus hic aperte non asserat Joannis Virginitatem, eam tamen fatetur Lib. de Bono Conjugali cap. 21. Joannis Virginitatem inter cæteros extollit S. Hieronymus in cap. 56. Itaque his verbis: *Talem fuisse Enochum, quem Jesus amabat plurimum, Evangelistam Joannem, Ecclesiasticæ tradunt Historiæ, qui recubans super pectus Jesu, qui Petro tardius ambulante elatus virginittatis alis cucurrit ad Dominum; qui in secreta Divinæ se Nativitatis immergens, ausus est dicere quod cuncta secula nesciebat,* In principio erat Verbum, &c.. Scio, ali-

quos putasse, Sponsum in Nuptiis Canæ fuisse Joannem; sed hoc rejeci supra, dum agerem de Nuptiis Canæ in Vita Christi.

IV. Sancto ductus zelo & amore erga Jesum, Marci 9. v. 37., Joannes: *Magister*, inquit, *vidimus quendam in nomine tuo ejicientem Dæmonia, qui non sequitur nos & prohibuimus eum*. Jesus tamen; qui interiora scrutabatur, & quid futurum esset præsciebat, non quasi eum arguens, sed potius instruens, non esse impediendos à bono debiles, quamvis totum, quod facere deberent, nondum faciant; respondit: *Nolite prohibere: nemo est enim, qui faciat virtutem in Nomine meo, & possit citò malè loqui de me. Qui enim non est adversum vos, pro vobis est*.

V. Unà cum Jacobo fratre Transfigurationi Jesu Christi assistit Joannes. Ambo se vero spiritu Evangelico nondum repletos ostenderunt, cum petierunt, ut ignis de Cælo descenderet super Samaritanos, qui eis hospitium denegaverant, & cum per Matrem à Jesu sibi postularunt, ut unum ad dexteram, ad sinistram alterum sedere faceret in Regno suo; & tandem cum paulò ante Pàllionem, quando ruina Templi esset eventura, quæsierunt.

VI. Volens Jesus ultimam cum Discipulis celebrare Cœnam, ut eam pararent, misit Petrum & Joannem. Hinc aliqui, maxime ex Græcis Nicephorus & Cedrenus, existimarunt, domum, in qua paraverunt Paschalem Cœnam, pertinuisse ad Joannem, qui licet corde & animo cum cæteris Apostolis omnia reliquisset, ut Christum sequeretur, in effectu tamen domum retinebat, in qua parentes ejus Zebedæus & Salome habitabant. Sed hoc esse falsum, ostendi supra de Vita Christi, agens de ultima Cœna; & ipsa Christi verba declarant Lucæ 22. v. 9., nam Petro & Joanne quærentibus, *ubi vis paremus?* respondit Jesus: *Ecce introeuntibus vobis in Civitatem, occurret vobis homo quidam amphoram aquæ portans, sequimini eum in domum, in quam intrat, & dicetis Patrifamilias domus: Dicit tibi Magister: Ubi est diversorium, ubi Pascha cum Discipulis meis manducem?* Et ipse ostendet vobis Cœnaculum magnum stratum; & ibi parate. Euntes autem invenerunt, sicut dixit, & paraverunt Pascha. Domus igitur, in qua celebrata fuit Cœna, ignota erat etiam Joanni, ac proinde non erat ad illum pertinens, sed potius Diversorium publicum paratum pro iis, qui Cœnam Paschalem agere volebant; qualia Jerosolymis multa esse debebant, præsertim illis diebus, quibus ad Pascha ex diversis partibus Judæi confluebant.

VII. Pretiosius suæ dilectionis signum exhibuit Joanni Jesus, cum permisit eum in sinu suo inter cœnandum recumbere.

Hoc

Hoc caractere se ipsum designat Joann. 13. v. 23. : *Erat ergo recubens unus ex Discipulis ejus in sinu Jesu, quem diligebat Jesus*. Et cap. 21. v. 20. : *Conversus Petrus vidit illum Discipulum, quem diligebat Jesus, sequentem, qui & recubuit in Cœna super pectus ejus*. Inde edidit secreta Cœlestia, quæ propinaret nobis, inquit S. Augustinus tract. 1. in Joann. & tract. 36. : *Hoc rutilabat quod biberat*. Non enim sine causa de illo in isto ipso Evangelio narratur, quia & in convivio super pectus Domini discumbebatur. De illo ergo pectore in secreto bibeat : sed quod in secreto bibit, in manifesto eruditavit, ut perveniat ad omnes Gentes non solum Incarnatio Filii Dei & Passio & Resurrectio; sed etiam quid erat ante Incarnationem, Unicus Patri, Verbum Patris, coeternus Generanti, æqualis ei, à quo missus est ; sed in ipsa missione minor factus, quo major esset Pater. Et in Psalm. 144. : *Ille avidissimus epulator Joannes Apostolus, cui non sufficiebat ipsa mensa Domini, nisi discumberet super pectus Domini, & de arcano ejus biberet Divina secreta, quid eruditavit?* „ In principio erat Verbum, & Verbum erat apud Deum, „ Cognoscens hoc Petrus, in ea turbatione, quâ omnes Apostolos posuerunt verba Christi dicentis Joann. 13. v. 21. *Unus ex vobis tradet me*, videns Joannem in sinu Jesu recubentem : *Innit ei dicens: Quis est ac quo dixit?* Joannes autem cum recubisset supra pectus Jesu, dicit ei : *Domine quis est?* Tunc Jesus, cum indicasset eum esse, cui intinctum panem porrexisset, intinctum panem dedit Judæ Iſcariotæ, quo eum esse traditorem Joanni indicavit. Sed cur Petrus alioquin ad Jesum interrogandum promptus, per se ipsum hoc à Christo non quaesivit, sed usus est Joanne? *Quia* inquit Chrysost. hom. 71. modò 72. in Joannem) pridem correptus fuerat, & tacere volentem cohibuerat, & ubique comparet amore ardens, sed increpatur : ideò timens, neque querit, neque loquutus est, sed Joannis operâ vult ediscere : qui nimirum solus modestus humilis & quietus suæ innocentiae conscius, turbatis aliis, in sinu requiescebat.

## §. II.

*Gesta à Passione Jesu.*

1. **A**bsolutâ Cœnâ, in hortum Gethsemani Jesus se contulit initium suæ Passionis daturus ab agonis, quam ibi pertulit, secum adducens unâ cum Petro & Jacobo etiam Joannem. Interea proditore Judâ cum satellitibus superveniente, ut Jesum comprehenderet, *Tunc* (inquit Matthæus cap. 26. v. 56.) *Disci-*

*puli omnes relicto eo fugerunt*. Non obstante tamen quòd Matthæus dicat, quòd *omnes fugerunt*, in quæstionem vertitur, an etiam S. Joannes fugerit. Et ipsum fugisse, sentiunt Ambrosius in Psalm. 36., Gregorius L. 14. Moral. cap. 13., Bedæ quos sequitur Baronius ad ann. 34. n. 65.: qui putant Joannem fuisse adolescentem illum, de quo Marcus cap. 14. v. 51. & 52. ait: *Adolescens autem quidam sequebatur eum amictus sudone super nudo, & tenuerant eum. At ille rejectâ sudone, nudus profugit ab eis*. At ex modo loquendi Marci videtur hic adolescens à tribus Discipulis diversus fuisse. Nam postquam dixit, quòd Discipuli relinquentes eum omnes fugerunt, subjungit: *Adolescens autem quidam &c.*, quibus videtur, quòd adolescens iste fuerit alius à Discipulis, & fortè qui de vicina domo audito strepitu multitudinis, è lecto solo linteo coopertus surgens accurrerit, ut alibi dixi. Verius ergo crederem, & Joannem illo primo impetu fugisse, non tamen procul, sed sicut Petrum, qui esset & ipse fugisset, à longè tamen secutus fuit Christum usque ad Atrium Caiphae, & cum eo Joannem. Ita sentit Chrysostomus hom. 85. modò 84. in Matth., ubi de Petro ait: *Iugens Discipuli ferveat, cum fugientes videret, non fugit sed stetit, & cum illis introivit. Nam etsi Joannes quoque hoc fecerat, sed notus erat Pontifici*. Hoc dicerem, ut salvem Matthæum & Marcum dicentes, quòd tunc omnes fugerunt. Cum autem cum Christo soli tres essent, Petrus Jacobus & Joannes; si nec Petrus nec Joannes ullo modo fugerunt, solus Jacobus fugit: quomodò ergo omnes fugerunt?

II. His Chrysostomus supponere videtur, illum Discipulum, qui utpotè notus Pontifici, introivit in atrium Caiphae, ut Joann. 18. v. 15., fuisse ipsum Joannem. Quod homil. 82. modò 83. in Joann., apertè confirmat dicens: *Quis est alius Discipulus? Qui hæc scripsit. Et cur non se nominat? Nam cum supra petrus Jesu recubuit, jure nomen occultat. Nunc autem cur idipsum facit? Eadem de causa. Nam hic quoque rem præclaram narrat, quòd nempe omnibus aufugientibus, ipse sequeretur, idèò nomen tacet suum, & Petrum priorem ponit, sui que tamen meminisse coactus est, ut edifcas, eum accuratius, quàm alios, ea quæ in aula gesta sunt enarrare, utpotè qui intus esset. Et vide, quomodò laudem præcidat suam. Ne quis enim diceret, quomodò omnibus fugâ semotis, ipse etiam ulterius quàm Simon ingressus est, addit, Quia notus erat Pontifici, ut nemo miretur, si sequutus sit, nec ejus fortitudinem celebret. His fortitudinem simulque modestiam Joannis commendat Chrysostomus, & confirmat hom. 10. in Act. 4. v. 13., ubi dicitur, quòd Annas & Caiphas videntes Petri & Joannis con-*



constantiam, cognoscebant eos, quoniam cum Jesu fuerant. Nimirum, inquit, in Passione. Hi enim soli tunc unum erant, quando viderunt illos humiles, dejectos. Quod illos maxime in admirationem rapiebat, repentina nempe mutatio. Nam illic erant Annas & Caiphas, & hi etiam adstabant illis.

III. S. Augustinus rem hanc in medio relinquit, ait enim tract. 113. in Joann.: *Quisnam iste sit Discipulus, non temere affirmandum est, quia tacetur. S. let autem se idem Joannes ita significare & addere, quem diligebat Jesus, Fortassis ergo & hic ipse est. Quisquis tamen sit &c.*, ubi nec affirmat, nec negat. S. Thomas tamen in cap. 18. Joann. Lect. 3. absolute dicit, Et alius Discipulus, scilicet Joannes, *cujus nomen ipsemet occultat humilitatis gratia. Mystice autem per hos duos Discipulos duæ vitæ intelliguntur, quæ Christum sequuntur, scilicet Activa, quæ signatur per Petrum, & Contemplativa, quæ per Joannem. Quæ intelligentia videtur communior, ut alibi dixi.*

IV. Cum autem Joannes esset notus Pontifici, S. Thomas citato loco dicit, quod ei erat notus, *vel quia Pater Joannis ejus servus erat, vel aliquis ex consanguineis suis.* S. Hieronymus Epist. 16. modò 96. ad Principiam vult, notum fuisse Pontifici ob nobilitatem generis; ait enim: *Qui propter nobilitatem generis erat notus Pontifici, & Judæorum insidias non timebat: intantum ut Petrum introduceret in atrium.* Quomodo autem generis nobilitate floreret, qui filius Piscatoris erat, non percipio. Nicephorus L. 1. cap. 28. putat, Joannem notum fuisse Pontifici, quia cum in Galilæa quoddam prædium haberet, illud eidem Pontifici vendiderat, & ex pretio domum Jerosolymis emerat, sitam in circuitu Montis Sion. Sed hoc divinando dicitur.

V. Hoc certum est, Joannem solum sequutum fuisse Christum usque ad Crucem. Nam de Petro post negationem & poenitentiam nulla amplius mentio fit, nisi post Resurrectionem. Joannes autem se ipsum stantem cum Maria Matre Jesu describit Joann. 9. v. 16., quod celebrant Hilarius L. 6. de Trinitate, Hieronymus Epist. 16. modò 96., & alii: ejusque erga Christum constans dilectio ad tantum honorem ipsum perduxit, ut Jesus suo Testamento Mariæ Matris filium loco sui morientis constituerit: *Cum vidisset ergo Jesus Matrem, & Discipulum stantem, quem diligebat, dicit Matri suæ: Mulier ecce filius tuus. Deinde dicit Discipulo: Ecce mater tua. Et ex illa hora accepit eam Discipulus in sua.* Hic exclamat Ambrosius L. de Institut. Virginis cap. 7.: *Claudite ora impii, aperite aures pii: audite quid Christus loquatur. Testatur de Cruce Dominus Jesus, & paulisper pu-*

bli-

blicam differt salutem, ne Matrem inhonorem relinquat. Subscribitur Joannes in Testamento Christi. Legatur Matri pudoris defensor, testimoniam integritatis. Legatur & Discipulo Matris custodia, pietatis gratia commendatur. Et ex illo suscepit eam Discipulus in sua. Non utique Christus faciebat divorcium, non Maria relinquebat Virum. Sed cum quo Virgo habitare debebat, quàm cum eo, quem Filii heredem integritatis sciret esse custodem? Ex hoc facto commendatur etiam Joannis Virginitas. Undè Hieronymus L. 1. adv. Jovin.: Ut brevi, inquit, sermone multa comprehendam, doceamque cujus privilegii sit Joannes; imò in Joanne virginitas: à Domino virgine, Mater virgo, virgini Discipulo commendatur. Quo etiam Jesus aliud Fidei Sacramentum confirmavit, quòd nimirum Maria alium quàm seipsum filium non haberet. Ita S. Paulinus Epist. 50. aliàs 43. ad Augustinum his verbis: Et illud quod ad fidem pertineret, salutiferam pietatis suæ sacramentum, arcanâ Divini ratione consilii sub hac voce conjugatus, ut alii Matrem delegaret promatre habendam, & vice suâ consolaudam, atque illi vicissim novum filium vice corporis sui traderet, imò ut ita dixerim gigneret: quo ostenderet, eam præter se, qui ex ea Virgine natus esset, nec habuisse filium, nec habere: quia nec Salvator tantoperè curam desolationis habuisset ejus, si illi unicuique filius non fuisset. Quibus, ut ait etiam Ambrosius L. de instit. Virginis cap. 6., calumnia Hæreticorum præcluditur, qui Mariam alios ex Joseph habuisse filios contendebant.

VI. Accepit ergo eam Joannes in sua. Sed (inquit Augustinus tract. 119. in Joann.) in qua sua Joannes matrem Domini accepit? Neque enim non ex eis erat, qui dixerunt ei: (Matth. 19. v. 27.) Ecce nos dimisimus omnia, & secuti sumus te.... Quomodò ergo matrem Magistri & Domini sui Discipulus & famulus accepit in sua, ubi aliquid suum nemo dicebat? An quia paulò post in eodem libro (Act. 4. v. 34. 35.) dicitur: „Quotquot enim possessores prædiorum vel domorum erant, vendentes offerebant pretia eorum, & ponebant ad pedes Apostolorum; distribuebatur autem unicuique, quæ prout opus erat, intelligendum est, sic distributum fuisse huic Discipulo quod opus erat, ut illic etiam beatæ Mariæ tanquam Matris ejus portio poneretur; magisque sic debemus accipere quod dictum est, Ex illa hora suscepit eam Discipulus in sua, ut ad ejus curam quidquid ei esset necessarium pertinere? Suscepit ergo eam in sua, non prædia quæ nulla propria possidebat, sed officia quæ propria dispensatione exequenda curabat. Ita S. Augustinus. Ex illa ergo die Joannes curam & officium suscepit, ut ex distributionibus, quæ inter Fideles fiebant, suppeditaretur id, quod ad

Bea-

Beatæ Virginis tanquam Matris suæ sustentationem erat necessarium. Credibile enim est, Matrem Domini in eadem, in qua Joannes, domo postea inhabitasse; ubi enim poterat S. Virgo securius immorari, quàm cum eo, quem sciebat datum esse à Filio sibi filium, hæredem, ac Virginitatis suæ fidelem custodem? Ex cujus etiam familiari colloquio discere poterat Divina, quæ postea tradidit mysteria, quàm Mariæ Virginis, quæ Arca fuerat Sacramentorum? Unde, inquit Ambrosius L. de Inst. Virg. cap. 7., *non miror præ cæteris loquentum mysteria Divina, cui præsto erat Arca Cælestium Sacramentorum.*

VII. Stetisse autem S. Joannem juxta Crucem, etiam Christo mortuo, ejus testimonio comprobatur, dum ipse dicit, se vidisse è latere Christi paulò post mortem lanceâ aperto Sanguinem & Aquam fluentem, ait enim cap. 19. v. 34. & 35.: *Unus militum lancea latus ejus aperuit. Et continuò exiit Sanguis & Aqua. Et qui vidit, testimonium perhibuit, & verum est testimonium ejus. Et ille scit, quia vera dicit, ut & vos credatis.* Qui vidit, ait Sanctus Thomas in cap. 19. Joann. Lect. 5., *ipse est Joannes*, Et verum est testimonium ejus, *Hoc est, non ab aliis audiui, sed ipse præsens vidi, & verum est testimonium. Merito sanè. Contumeliam narrat; non magnum quid & mirabile, ut possis contra suspicari: Verùm ille Hæreticorum ora comprimens, & futura prænuntians mysteria, atque contentum in ipsis thesaurum considerans, minutatim recenset ea, quæ gesta sunt.* Ita Chrysost. homil. 85. aliàs 84. in Joann.

Ipsâ Resurrectionis die, nuntiante Mariâ Magdalenâ, se non invenisse Corpus Jesu in sepulchro, & fortè fuisse inde ablatum, statim Joannes ipse cum Petro cucurrit ad monumentum. Joannes tamen pervenit primus, non tamen introivit, sed solum, postquam Petrus intravit, & vidit & credidit: non tamen tunc credidit Jesum resurrexisse, sed credidit verum esse, quod Maria dixerat, Corpus Jesu non esse in monumento. Ita S. Augustinus tract. 120. in Joann.: *Non ergo eum credidit resurrexisse, quem n. sciebat oportere resurgere. Quid ergo vidit, quid credidit? Vidit scilicet inæve monumentum, & credidit quod dixerat Mulier, eum de monumento fuisse sublatum*, Nondum enim sciebant Scripturam, quia oporteret eum à Mortuis resurgere. *Et ided quando id ab ipso Domino audiebant, quamvis apertissime diceretur, consuetudine audiendi ab illo parabolas, non intelligebant, & ali- quid aliud eum significare credebant.*

VIII. Aliquot post Resurrectionem diebus, septem Discipuli, inter quos erat Joannes, post integræ noctis piscationem cum  
nihil

nihil preceperant, & Jesu apparente in littore, & jubente ut in dexteram navigii mitterent rete, immensam piscium multitudinem cepissent (Joann. 21. v. 7.) primus Joannes fuit, qui Jesum esse nuntiavit Petro: *Dixit ergo Discipulus ille, quem diligebas Jesus, Petro: Dominus est. Simon Petrus cum audisset, quia Dominus est, tunicâ succinxit se (erat enim nudus) & misit se in mare.* Hoc factum observans Chrysostomus homil. 87. aliâ 86. in Joan. *Ut autem, inquit, cognoverunt illum, tunc proprios sibi mores exhibent Discipuli Petrus & Joannes. Ille ferventior, hic sublimior. Ille promptior erat, hic perspicacior. Idem Joannes prior Jesum cognovit, Petrus prior illum adiit. Joannes unâ cum aliis tunc cum Jesu pranderunt. Cum prandissent, Petrus, cui totum Orbem regendum Dominus tunc commiserat, videns Joannem sequentem v. 21. dixit Jesu, hic autem quid? Sed cur Petrus sic de Joanne, ut quem exitum ille habiturus sit, interroget? audiatur Chrysostomus hom. 88. aliâ 87. in Joann.: *Hic amorem ostendit, quem erga illum habuit: nam Petrus Joannem admodum amabat, ut ex sequentibus liquet, perque totum Evangelium hæc necessitudo ostenditur, necnon in Actibus Apostolorum. Quia ergo magna ipsi prædixerat, Orbem commiserat, Martyrium prænuntiabat, majorem quam cæterorum amorem ejus indicaverat, volens Petrus hanc consortem habere, dixit, Hic autem quid,? An non eadem nobiscum via incedet? Nolebat Petrus à Joanne separari, quem diligebat; sed nimis curiosam interrogationem præcens Jesus respondit Sic vel: Si eum volo manere donec veniam: quid ad te? Ex hoc Christi responso putarunt aliqui, Joannem adhuc vivere, ejusque mortem reservari ad finem Mundi: sed hoc alibi rejeci, & præcipuè in Theologiæ tom. 16. quæst. 1. de Antichristo Dub. 6. §. 3. num. 17. & inferius aliqua addam.**

IX. Refert Eusebius L. 2. hist. cap. 1. ex Clemente Alexandr., quod Jacobo Justo & Joanni & Petro Dominus post Resurrectionem Scientiæ Donum impertiit. Quod illi cæteris Apostolis, bi verò septuaginta Discipulis, quorum unus fuit Barnabas, tradiderunt. Fateor, me in Evangelio & Actibus Apostolicis non reperire, Donum Scientiæ hoc ordine à Christo collatum fuisse, ut immediate solis tribus, deinde per ipsos aliis Apostolis datum in alios septuaginta fuerit transfusum, sed potius Spiritum veritatis omnia docentem fuisse æqualiter omnibus promissum Joann. 16., & omnes eo fuisse repletos, qui in Cœnaculo erant: *repleti sunt omnes Spiritu Sancto (Act. 2. v. 4.)* Omnes enim Apostolos Jesus mittebat in Mundum, sicut ipse fuerat à Patre missus. Joan. 17. v. 18. septuaginta autem Discipulos misit ipse in omnem Civitatem

tatem & locum, Lucæ 10. v. 1., ad annuntiandum omnibus se ipsum; ac proinde omnibus immediatè creditur donum Scientiæ infudisse ad cognoscenda myſteria Fidei, quæ annuntiare debebant. At modò hoc donum Scientiæ manet quidem in Eccleſia; ſed quia non omnes ad Fidem annuntiandam mittuntur, idèò, non omnibus illud donum datur: *Divisiones enim gratiarum ſunt: unde alii datur ſermo Sapientiæ, alii donum Scientiæ &c.*, ut docet Paulus 1. Cor. 12. Quia tamen hæc, ut idem Paulus ibidem dicit, non dantur, niſi quatenùs ſunt membra ejusdem corporis, quod eſt Eccleſia, cujus caput eſt Chriſtus; idèò qui de hoc corpore Eccleſiæ non ſunt, quales præcipuè ſunt, qui per hæreſim ab eo ſe præciderunt, hujus doni Scientiæ participes non ſunt.

His convincitur, donum Scientiæ non habuiſſe antiquos Hæreticos, qui ſe *Gnoſticos* ab excellentia ſcientiæ, idèſt cognoscentes ſive ſcientes jaclabant. Nec illud habere modernos Hæreticos, quamvis inaniter glorientur, cuique ex ipſis datum eſſe Spiritum Scientiæ ad intelligendas Scripturas, nec egere ut ab alio doceantur; quos alibi fuſè confutavi. Nam ſicut membrum præciſum à corpore non participat de bonis corporis; & ut ait Chriſtus Joann. 15. ſicut palmes, qui non manſerit in vite, non eſt capax ferendi fructum vitis, ſed areſcit; ita qui non manet in Chriſto, & in corpore ejus, quod eſt Eccleſia, fructus & bona ejus percipere non poteſt. Sed ad Joannem redeamus.

X. Non diù poſt acceptum Spiritum Sanctum Joannes & Petrus aſcendentes in Templum, Claudio ex utero matris ſuæ liberam gradiendi facultatem dederunt. Quo commoti Sacerdotes & Magiſtratus, Act. 4., eos carceri tradiderunt; die tamen ſequenti educlis præceperunt, ne ampliùs in nomine Jeſu loquerentur. Ipſi tamen reſponderunt, ſe teneri magis audire Deum, quàm ipſos. Cùmque nihil territi minis proſequerentur enarrare, quæ viderant & audierant, carceri iterùm cum aliis Apoſtolis traditi ſunt, ac flagellis caſi; eoſque occidiſſent, niſi à Gamaliele deterriti fuiſſent. In diſperſione Fidelium poſt necem Stephani, cùm Philippus in Samaria multos baptizaſſet, illuc Joannes cum Petro miſſus eſt; ut eis Spiritum Sanctum darent. Hæc & alia Geſta fuſè expoſui Cap. 1. de S. Petro. Ibi ergo diſta videantur. Solùm advertenda eſt hæc Joannis cum Petro mutua conjunctio & amicabile ſamiliaritas: *Hi* (inquit Chryſoſtomus hom. 8. in Acta) *magnum inter ſe concordiam habere conſpiciuntur. Huic innuit Petrus: ſimul ad ſepulchrum ambo veniunt: de Joanne dicit Petrus Chriſto*, „hic autem quid,? Simul inſuper ad Templum vadunt, ſimul in Samariam mittuntur. Licèt atate

Tom. V.

Qq

diſpa-

disparēs, sed in virtutibus & maximè in amore erga Jesum pares. Sic Ambrosius L. 2. de Officiis cap. 20. : *Plerumque etiam virtutibus pares, disparēs aetatibus, sui delectantur copulā, sicut delectabantur Petrus & Joannes. Nam adolescentem legimus in Evangelio Joannem, & suā voce, licet meritis & sapientiā nulli fueris Senioram secundus; erat enim in eo senectus venerabilis morum, & cana prudentia. Visa enim immaculata bonæ senectutis stipendium est.*

XI. Cū S. Paulus tertio à sua Conversione anno Jerosolymam venit, nullum alium Apostolorum ibi invenit, præter Petrum & Jacobum Minorem: quo indicatur, nec S. Joannem, nec cæteros Apostolos ibi fuisse. Quò autem tunc ierint, ignoratur. Interfuisse S. Joannem Concilio Jerosolymitano, colligitur, tum ex Galat. 2. v. 9., ubi S. Paulus eum recenset unā cum Petro & Jacobo Minore tanquam Columnas Ecclesiæ, & qui Jerosolymis dexteram societatis ei dederunt. Et Chrysost. homil. 33. in Acta advertens, in præfato Concilio solos Petrum & Jacobum fuisse loquutos, ait: *Nil hic Joannes, nihil alii Apostoli loquuntur, sed tacent, nec indignantur: sic vana gloriā vacui animi erant.* Judæorum infirmitati, quantum licuit, circa legalium tolerantiam indulgisse fertur; idèoque in celebri controversia de die Paschatis Asiatici Episcopi, qui contendebant Pascha celebrandum esse 14. Lunā, potissimū suæ sententiæ fundamentum ponebant in Joanne, qui illud tali die, non die Dominico sequenti, semper celebraverat. Unde Polycrates Episcopus Asiæ ( apud Euseb. L. 4. hist. cap. 4. ) in Epist., quam ad Victorem, & Romanam scripsit Ecclesiam, inter alios suæ Traditionis testes assert Joannem his verbis: *Præterea Joannes, qui in sinu Domini recubuit: qui etiam Sacerdos fuit, & laminam gessavit, Martyr denique & Doctor extitit. Hic, inquam, Joannes apud Ephesium extremum diem obiit. . . . Hi omnes diem Paschæ quartadecimā Lunā juxta Evangelium observarunt, nihil omnium variantes, sed Regulam Fidei constanter tenentes.*

XII. Quid S. Joannes egerit, & quò migraverit usque ad Domitianī persecutionem, incertum est. Ea enim, quæ Pseudo-Prochorus de Gestis à Joanne in Asia, præcipuè de Templo Dianæ Joannis virtute prostrato, jure rejiciuntur à Baronio ad ann. 44. num. 30. & aliis. Nam Templum Dianæ Ephesiæ ( propter quod, ut supra dixi, tanta passus fuit Paulus ) permanisse usque ad Gallieni Imperatoris tempora, quando ( ut auctor est Julius Capitolinus in Gallieno ) à Gothis est expilatum & crematum. Metaphrastes ad diem 5. Septembris, cum in Phrygia

gia ac præsertim Hierapoli prædicasse, ibique usque ad Philippi adventum permansisse refert. Cæterum hoc certum putatur, Joannem non semper in Asia permansisse, sed alias Orientis Regiones perlustrasse. Ad Parthos enim transmigrasse ( præcipue propter Judæos ibi expansos ) ex titulo ejus primæ Epistolæ olim ad Parthos inscriptæ, ut ex Augustino L.2. Qu. Evangelic. cap.39. colligitur; & ultiores Orientis partes usque ad Indos & Bactoras Christi Fide imbuisse, ex earum Gentium antiqua Traditione à Patribus Societatis, ad Indos Missionis Evangelicæ causâ profectis, accepimus.

## §. III.

*Mora S. Joannis in Asia usque ad exilium.*

I. **V**erisimile est, anno Christi 62. vel 63. S. Joannem Jerosolymam se contulisse, ut cum aliis Apostolis novi illius Ecclesiæ Episcopi electioni interesset, qui dignus esset, ut Jacobo Minori Martyrio jam coronato in regimine succederet. Electus autem fuit Simeon Cleopæ filius, seu *Cleopha* Jesu Christi consanguineus. Ita refert Eusebius L.3. hist. cap.11.: *Post Martyrium Jacobi, & continuò subsequutam Jerosolymorum expugnationem, fama est, Apostolos ceterosque Domini Discipulos, qui adhuc supersisteret agebant, ex variis locis in unum convenisse, & und cum iis, qui Dominum secundum carnem propinquitate generis contingebant ( plerique enim eorum adhuc in vivis supererant ) in commune consuluisse, quis in Jacobi locum succedere mereretur. Omnes itaque uno consensu Simeonem filium Cleopæ illius, cujus in Evangelii sit mentio, Episcopali Sede æquum judicaverunt. Creditur autem Simeon patrnelis fuisse Servatoris. Nam Cleopam fratrem fuisse Josephi, testatur Hegesippus.* Hæc multa exhibent discutientienda, quæ ad præsens non pertinent. Hinc solum arguo, quod si omnes Apostoli, qui tunc in vivis erant, ad hoc conveniunt, convenit etiam Joannes. Quod tamen an verum sit, alteri judicandum relinquo.

II. Hoc certum est, S. Joannem in Asia Minori Evangelium prædicasse, ibique diu mansisse, præsertim in Urbe Ephesi, ut ex Polycrate apud Eusebium L.5. hist. cap.24. nuper retuli. Ephesum tamen non venisse, ut ibi diu subsisteret, nisi prius aliis Regionibus pertransitis, & proinde nisi post annum Christi 66., probabile est. Prius tamen Ephesi fuisse, ibique cum Beata Virgine habitasse, Ephesini Patres testati sunt Actiōne 1., ubi de

Civitate Ephesina dicunt : *In qua Joannes Theologus , & Despara Virgo Sancta Maria* ( subintellige aliquando habitaverunt ) quamvis S. Epiphanius hæret. 78. hoc non admittat, dicens : *Equidem cum Joannes in Asiam instituerit profectiorem , nusquam dicit Scriptura , quòd adduxerit secum Sanctam Virgineum* . Sed de hoc, an B. Virgo fuerit Ephesi , & ibi obierit, egi de Vita Christi .

Mariani quoque Magdalenam S. Joannem secutam Ephesum , & cum eo ibi convixisse, ac denique obiisse, sentiunt Photius Cod. 275. , & alii ex Græcis . Latini tamen inter se dissentiunt . Hujus tamen loci non est rem hanc examinare .

III. Sed ut ad incepta redeam , Joannes toto Orbe doctrinâ effusus , corpore sedem fixit in Asia . Ita Chrysostomus homil. 1. modò 2. in Joann. : *Evangelio suo universum comprehendit Orbem , corpore autem mediam tenuit Asiam , ubi olim philosophabantur omnes Græci disciplina homines* . Præcipuè autem tenuit Ephesum Asiæ Minoris Metropolim : ubi Ecclesiam curavit , non fundavit ; jamenim Ephesi , & in aliis Asiæ partibus fundatæ fuerant Ecclesiæ à SS. Paulo & Petro . Ita L. 3. cap. 3. : *Sed & quæ est Ephesi Ecclesia , à Paulo quidem fundata, Joanne autem permanente apud eos usque ad Traiani tempora , testis est verus Apostolorum Traditionis* . Neque Ephesinam Ecclesiam curavit & rexit tanquam Episcopus , huic enim ante à Paulo datus fuerat Timotheus ; sed tanquam Apostolus Timotheum doctrinâ & auctoritate suâ juvans & muniens . Alioquin monitio seu correctio, quam nomine Dei dirigit ad Angelum, idest Episcopum Ephesi Apocal. 2. v. 1. , *Angelo Ephesi Ecclesie scribe*, esset ad se ipsum directâ . Sed nec videtur correctio ista directâ fuisse ad Timotheum, quasi, Timotheus à prima Caritate excidisset ; nimis severè agendo contra quosdam Pseudo-Apostolos, nempe Nicolaitas : erat enim genio mitis & lenis, & propterea ipsis Judæis acceptus . Undè alii censent , cum Joannes Apocalypsim scriberet anno 97. Timotheum jam Martyrio fuisse sublatum , & correctionem fuisse ad alium , qui, Timothei Successore nondum destinato , Ecclesiam illam loco Episcopi tunc nimis severè administrabat , nolens tolerare in ea malos . Vide S. August. Epist. 43. alias 162. cap. 8. . Quidquid autem sit ; certum est, primum Ecclesiæ Episcopum in Concilio Chalcedonenſi agnitiū fuisse Timotheum .

IV. Non latet , S. Hieronymum L. de Script. Eccles. cap. 9. de S. Joanne dicere , quòd , *interfectio Domitiano & Actis ejus ab nimiam crudelitatem à Senatu rescissi, sub Nerva Principe rediit Ephesum , ibique usque ad Trajanum Principem perseveravit* ,



*totas Asia fundavit rexitque Ecclesias : & Tertullianum L. 4. ad versum Marcionem cap. 3. , quod Ordo Episcoporum (Asia) ad originem recensus in Joannem stabit auctorem . Hoc tamen in stricto sensu non est accipiendum . Scimus enim, SS. Petrum & Paulum plures Ecclesias etiam in Asia fundasse , ac in eis constituisse Episcopos ; nec dubitari potest , primum Ephesi Episcopum fuisse Timotheum à Paulo constitutum , antequam illuc adventaret Joannes . Accipiendum est ergo potius in lato sensu , nimirum , quod Joannes non omnino totas , sed pro majori parte Ecclesias Asiae fundaverit , ac eas , quas jam fundatas invenit , confirmavit ac extendit opere verbo ac scriptis . Nec aliter esse potuit . Nam cum ibi diu moratus fuerit , imò usque ad mortem , facile est credere , eum in pluribus Ecclesiis Episcopos instituisse , Ecclesiasticum Ordinem sanxisse , ac alia in eis bona promovisse , ac si illas ab initio fundasset : quod nec Petrus nec Paulus , ad alias partes vocati , ex integro perficere potuerunt . Consulatur Eusebius L. 3. hist. cap. 23. , ubi narrans , quid in Asia ageret Joannes , maxime post reditum ab exilio , dicit , quod cum ex Pathmo Ephesum rediisset , ad finitimas quoque Provincias rogatus se contulit , partim ut Episcopos constitueret , partim ut Ecclesias integras disponderet ac formaret , partim etiam ut homines sibi à Divino Spiritu indicatos in Clerum quendam , seu sortem Domini seponeret .*

V. Ex Apollonio Scriptore Ecclesiastico tertii incuntis seculi , acerrimo Ecclesiae contra Cataphrygas & Montanistas haereticos defensore , idem Eusebius L. 5. cap. 18. refert , S. Joannem Ephesi mortuum suscitasse : quod confirmat Sozomenus L. 7. hist. camp. 27. . Quemdam etiam Asiae Praesbyterum , qui sub nomine S. Pauli falsa quaedam ejus itinera cum S. Thecla conscripserat , de falsitate convictum atque confessum , fuisse à S. Joanne gradu depositum , indicat Tertullianus L. de Baptif. cap. 17. ; & S. Hieronymus L. de Script. Eccles. cap. 7. aperte his verbis : *Sed & Tertullianus vicinus eorum temporum refert , Presbyterum quendam in Asia . . . convictum apud Joannem , quod auctor esset libri , & confessum se hoc Pauli amore fecisse , loco excidisse .*

VI. Ut pro viribus aliquid dicam circa controversiam de tempore , quo S. Joannes venit in Asiam , & praecipue Ephesum suppono , cum non semel , sed pluries venisse , semper tamen post S. Paulum , & Ecclesias ab eo fundatas , ut supra dixi . Primò quidem anno Christi 57. : & tunc fortè comites habuit Beatam Virginem & Mariam Magdalenam , quæ , ut aliqui volunt ,  
ibi

ibi remanserint, ibique obierint. Secundò venisse anno propè mortem Apostolorum Petri & Pauli, Nerone adhuc imperante, & tunc Ephesi perseverasse, donec à Domitiano exilio pulsus Romam ductus fuit. Ita Photius Cod. 254., ubi ait: *Etenim ibi (Ephesi) habitavit, naufragium jam ad litus passus, & è mari adhuc spirans eiectus, dum Nero crudelis in Christianos sæviret.* Deinde post exilium Ephesum reversus ibi perseveravit. Ita Photius ibidem: *D. Joannes ab exilio liber venit Ephesum, undè prius à Domitiano relegatus fuerat.* Non audeo asserere, ante annum Christi 57. S. Joannem in Asiam, & præcipuè Ephesum saltem titulo prædicationis adventasse; ne Paulo præjudicem, cui Patres fundationem Ecclesiæ Ephesinæ, & aliarum quoque attribuant; sicut & alias in Asia à S. Petro antea fundatas volunt plures. Ubi autem tempore illo intermedio fuerit Joannes, incertum est.

VII. S. Joannem in Asiam venisse speciali Spiritus Sancti instinctu, scribit Epiphanius hæres. 51. cap. 2., ut Cerinthi hæresim & Ebionitarum confunderet, qui in hac conveniebant blasphemia, nimirum Jesum Christum esse purum hominem. Addebat etiam Cerinthus, Christi Regnum post Resurrectionem terrenum futurum, & homines in carne, concupiscentiis, & foedis libidinibus subjectam vitam acturos: Quem errorem apud Judæos quoque viguisse constat, qui omnia, quæ à Prophetis de Christi Regno dicuntur, carnaliter intelligebant: quo errore imbuta fuisse videtur S. Joannis Mater, cum à Christo petiit, ut juberet duos suos filios unum à dexteris, à sinistris alterum sedere in Regno suo. De S. Joanne cum Cerintho hoc narrat Irenæus L. 3. cap. 3., tanquam acceptum à Polycarpo ipsius Joannis Discipulo, nimirum quòd *Joannes Domini Discipulus in Epheeso iens lavari, cum vidisset intus Cerinthum, exilierit de balneo non lotus, dicens: fugiamus hinc, ne balneum corruat, in quo est Cerinthus veritatis inimicus.* Ex quibus Irenæus concludit: *Tantum Apostoli, & horum Discipuli habuerunt timorem, ut ne verbo tenus communicarent alicui eorum, qui adulteraverant veritatem: quemadmodum & Paulus ait ad Titum 3. v. 10. Hoc factum referunt etiam Epiphanius hæres. 30. cap. 25., & Eusebius L. 3. hist. cap. 28. (ex eodem Irenæo) ubi Cerinthi hæresim ex professo describit.*

\*\*\*

§. IV. Joan-

## §. IV.

*Joannis Martyrium Romæ, & Exilium in Pathmos.*

I. **D**Um S. Joannes Ecclesiæ Asiæ, manens Ephesi, placidè Apostolicâ auctoritate in Fide confirmaret, anno Christi 92. secundum Baronium & Alexandrum, vel secundum alios 95., Imperii verò Domitiani anno 15., excitata fuit in Christianos quarta, secunda tamen post Neronianam, in Christianos persecutio, quæ tamen sequenti auno unâ cum vita Domitiani finem sortita fuit. De hac Tertullianus in Apogetico cap. 5. ad Gentes sic loquitur: *Consulite Commentarios vestros: illic reperietis primum Neronem in banc Sectam, tum maximè Romæ orientem, Casariano gladio ferocisse. Sed tali dedicatore damnationis nostra etiam gloriamur. Qui enim scis illum, intelligere potest, non nisi græde aliquod bonum à Nerone damnatum. Tentaverat & Domitianus portio Neronis de crudelitate, sed quæ & homo facilè cæptum repressit, restituit etiam quos relegaverat. Tales semper nobis insectatores, injusti, impii, turpes, quos & ipsi damnare consueverat, & à quibus damnatos restituere soliti estis.* Domitiani enim Actis per Senatum rescissis, à Nerva successore restituti fuere, ut dicitur.

De hac etiam Eusebius L. 3. hist. cap. 17., quæ cap. 19 addit, quòd cum Domitianus universus, qui à Davide generis sui originem ducerent, interfici jussisset, vetus fama est, posteros Judæ ejus, qui secundum carnem frater Christi fuerat, à quibusdam Hæreticis esse delatos, utpotè qui & Davidis stirpe essent oriundi, & ipsius Christi propinquitatem fruerentur. Hæc ab Hegesippo se accepisse, Eusebius testatur. Ex quo cap. 20. profertur, quòd cum ad Domitianum à quibusdam delati & adducti essent quidam nepotes Judæ, qui secundum carnem frater Christi vocabatur, adhuc superstites, Domitianus, qui de adventu & Regno Christi, perinde ac Herodes sibi metuebat, eos interrogavit, utrum ex stirpe Davidis essent oriundi, qui id verissimum esse confessi sunt: *Deinde sciscitatus est ex illis Domitianus, quantas possessiones, quantumque pecunia haberent. Illi verò, novem tantummodò denariorum millia sibi ambobus suppeteret, dixerunt, quorum dimidia pars singulis competeat: eos verò facultates nequaquam se in argento habere, sed in estimatione agrorum: ex quorum fructibus & tributa persolverent, & sibi ipsis non sine proprio labore victum compararent. Simulque manus ostendere cæperunt,*

*runt, dardicem cutis, impressumque altè manibus callum ex laboris assiduitate, in testimonium operis sui proferentes. Postremò interrogati de Christo & Regno illius, cuiusmodi id esset & quando, quibusve in locis appariturum: responderunt, non hujus Mundi, nec Terrarum imperium illud esse, sed Angelicum & Cæleste, quod in fine seculorum futurum esset, tunc cum Christus adveniens cum gloria Vivos simul & Mortuos judicabit, & unicuique operum suorum mercedem tribuet. His auditis Domitianus nihil adversus illos asperius decrevit, sed vilitatem hominum aspernatus liberos abire jussit: missoque edito persecutionem adversus Ecclesiam commotam compescuit. Illos verò ad hunc modum dimissos Ecclesiis posthac præfuisse narrant, utpotè Christi Martyres simul ac propinquos; & pace demum Ecclesiæ redditâ ad Trajan usque tempora vitam perduxisse. Hæc Eusebius ex Hegeſippo. Quibus videtur, Domitianum hanc excitasse persecutionem ex timore potiùs amittendi Imperii, quàm ex odio Religionis Christianæ; & proinde non solum contra Christianos, sed & contra Judæos, qui Stirpis Davidicæ quomodolibet essent: & rursùm persecutionem etiam vivente Domitiano mitigari cœpisse.*

II. Hæc igitur persecutione vigente, ut idem Eusebius ibid. cap. 18., Joannes Evangelista quorundam calumniis & ipse apud Domitianum accusatus, ejus jussu Epheſo exulare coactus fuit, ac Romam ductus. Quinam fuerint Joannis calumniatores, incertum est. Baronius ad ann. 93. num. 1. fuisse putat sive Apollonium Tyanæum, quem in Christianos fuisse insensissimum, omnes norunt; sive Euphratem Philosophum Apollonii perneccsarium, tunc apud Domitianum agentem, his efficiis assuetum; aut Ebionem hæresiarcham, cum quo præcipuè rem habebat Joannes, tum Romæ præsentem; vel quem alium Christiani nominis hostem. Ferunt quædam Epistolæ Domitiani, & Proconsulis Asiæ ultrò citròque, datæ de Joanne impietatis reo constituto Romam mittendo, deque ejus Gensis coram Domitiano. Sed quia auctorem præferunt Prochorum, fide in multis suspectum, nihil certi ex iis asseri potest.

III. Hoc, quamvis ab eodem auctore prolatum, quia tamen aliis magnæ auctoritatis Scriptoribus comprobatum, ut certum propono, nimirum Joannem Romæ in ardentis olei dolium seu caldarium fuisse immisum, ac inde nullam læsionem passum, incolumem prorsus evasisse. Hujus prodigiosi facti testes sunt, Tertullianus L. de præscript. cap. 36. his verbis: *Habet Romam, unde nobis quoque auctoritas præstò est. Statu felix Ecclesia, cui totam doctrinam Apostoli cum sanguine suo profuderunt; ubi*  
Pe-

*Petrus Passioni Dominica adequatur, ubi Paulus Joannis exitu coronatur, ubi Apostolus Joannes, posteaquam in oleum igneum demersus nihil passus est, in Insulam relegatur. Testis est S. Hieronymus; tum L. 1. contra Jovin., ubi: Refert autem, inquit, Tertullianus, quod Romæ (est alii legant à Nerone, quod ex dictis falsum esse constat) missus in ferventis olei dolium, purior & vegetior exiverit, quam intraverit: tum in Cap. 20. Matth., ubi ait: Si legamus Ecclesiasticas Historias, in quibus fertur, quod & ipse propter Martyrium sit missus in ferventis olei dolium, & inde ad suscipiendam Coronam Christi Athleta processerit, statimque relegatus in Patmos Insulam sit, videbimus Martyrio animum non deuisse, & bibisse Joannem calicem confessionis, quem & tres pueri in camino ignis biberunt, licet persecutor non suderit sanguinem. Testatur Ecclesie Traditio in Martyrologiis Bedæ, Uuardi, Adonis, & in Romano, ubi die 6. Maji hæc habet: Romæ Sancti Joannis ante Portam Latinam, qui ab Epheso jussu Domitiani victus Romam perductus, & judicante Senatu ante eandem Portam in olei ferventis dolium missus, purior & vegetior inde exiit, quam intravit: quibus videtur supponi, hoc præsentem Senatu factum esse; cujus miraculi in perpetuum monumentum extat adhuc Romæ Ecclesia sub eo titulo, in qua aliqua instrumenta dicti Martyrii aservantur, & Festus dies 6. Maji in universa Ecclesia celebratur.*

IV. Hinc apparet, ut supra dixi ex Hieron. in cap. 20. Matth., impletum fuisse, quod ei & Jacobo fratri prædixerat Christus: *Calicem quidem meum bibetis.* Joannes enim etiam bibit Calicem Passionis: licet enim Martyrium, seu effectus Martyrii, ei defuerit, ipse tamen Martyrio non defuit, cui se animo paratum exhibuit ac subjecit, non minus quam tres Pueri camino ignis. Unde Eusebius L. 3. hist. cap. 31. S. Joannem Apostolum Martyrem & Doctorem appellat: *Non enim* (inquit August. Serm. 106. de diversis, modò Serm. 296. cap. 4.) *quia Joanni Apostolo passio defuit, ideo passionis animus præparatus deesse potuit. Non est passus, sed potuit pati. Præparationem enim ejus Deus noverat. Quem admodum tres pueri arsurus missi sunt in caminum, non victuri. Negabimus eos Martyres, quia flamma eos urere non potuit? Interroga ignes, passio non sunt: interroga voluntatem, coronati sunt; „ Potens est enim Dominus, dixerunt erueri nos de manibus tuis: sed estis non: Ibi sunt certa pectora & stabilis Fides, ibi virtus inconcussa, ibi certa victorias; sed etsi non, Notum tibi sit, Rex, quoniam Statuam, quam statuisti, non adoramus, „ (Daniel. 3. v. 17. & 18.) Aliud Deo placuit: non arserunt, sed ignem Idololatriæ in animo Regis extin-*

*extinuerunt*. Sicut ergo Infantes ab Herode occisi Martyres fuit, quia passi sunt corpore, estò non voluntate. Ita Joannes Martyr erit, quia voluntate passus est, estò non opere.

V. E' ferventis olei dolio incolumis, stupentibus qui aderant, S. Joannes à Domitiano in Insulam Pathmos relegatus fuit, & quidem, ut sentiunt S. Victorinus Episcopus Pictaviensis & Martyr sub Diocletiano, & Primasius celebris in Africa Episcopus sexto seculo in suis super Apocal. Commentariis, ad metalia damnatus: quod ordinarium supplicium erat eorum, qui vulgaris conditionis exilio mulctabantur. Hoc tamen, an verum fuerit de Joanne, statuere non audeo: maximè quia scripta S. Victorini à Gelasio Papa inter apocrypha recensentur, ut ex Baronio in Notis ad Martyr. die 2. Novembris. Pathmos: verò Insula est Maris Ægei inter Sporades media inter Icarium & Promontorium Miletii, 13. sive 30. milliaria ambitu exæquans, quæ nul. à majori gloriâ fulget, quàm quòd Apostolum exulem habuerit, unde in ea adhuc ostenditur antrum, ubi à Joanne scripta Apocalypsis fertur.

VI. Circa tempus, quo S. Joannes mansit exul in Pathmos, discordes invenio historicos. Baronius anno 92. vult eo anno, qui fuit Domitiani novus, in Pathmos eum fuisse amandatum. Nec tamen statim eam, quam scripsit Apocalypsim, accepisse, sed solum ad finem Imperii. Domitiani eam vidisse à motu ex eo quod Irenæus dicit L. 5. cap. 30. ubi loquens de Apocalypsi, ait: *Verque enim ante multum temporis visum est, sed penè sub nostro seculo. ad finem Domitiani Imperii*: hoc autem medio tempore incubuisse Joannem instruendis in Christi Fide illis Insularibus. Vult ergo idem Baronius, quòd solum anno Christi 97., & Domitiani 14., Apocalypsim acceperit & scripserit, & proinde anno sui exilii quinto. Et hoc eodem anno occiso Domitiano, & successore Nervâ, Joannes ab exilio revocatus reversus est Ephesum. Ita Baronius ad annum 97. num. 13. Alii volunt, S. Joannem solum anno Christi 95., & Domitiani 12., in Pathmos relegatum fuisse, & anno 97. ab exilio revocatum fuisse: sive à Domitiano ipso, qui à persequendo Ecclesiam destitit, omnesque exules revocavit. Ita Tertullianus Apolog. cap. 5. dicens: *Tentaverat & Domitiani portio Neronis de crudelitate, sed qua & homo, facile captum repressit, restituitis etiam quos relegaverat*: sive, ut verius videtur, ab ejus successore Nervâ, cum enim Domitianus anno 96. mense Septembri occisus fuisset, ejusque Acta à Senatu rescissa, Nerva Joannem ac cæteros exules liberavit. Quo fieret, ut vix duobus annis in Pathmo Joannes man-

ferit. Favet S. Hieronymus L. de Script. Eccles. cap. 9. his verbis: *Quartodecimo igitur anno, secundam post Neronem persecutionem movente Domitiano, in Patmos Insulam relegatus scripsit Apocalypsim* (quartusdecimus autem Domitiani annus incidit in annum Christi circa 95.) *interfecto autem Domitiano anno 96. & Actis ejus ob nimiam crudelitatem à Senatu rescissis, sub Nerva Principe rediit Ephesum.* Idem sentit Eusebius L. 3. hist. cap. 23.: *Post Domitiani mortem reversus ab exilio, quod in Insula pertulerat: quod antea cap. 20. dixerat.* Et hæc opinio apud plerosque Recentiorum videtur plausibilior.

VII. Postliminio igitur S. Joannes revocatus, in Urbem Ephesum rediit, ibique, eam aliasque Asiæ Ecclesias in Fide confirmans, ad finem usque vitæ suæ permansit. Idem autem rediit, quia ibi parvum hospitium habebat, & quia diuturnâ in ea Urbe morâ multos sibi benevolos comparaverat. Ferunt, quòd cum Ephesum pervenisset, Timotheum illius Urbis Episcopum Martyrio sublatum eodem anno 22. Januarii repererit. Acta Martyrii Timothei dicunt, eum, ut desiderio & precibus Episcoporum qui apud ipsum erant annueret, illius Ecclesiæ curam suscepisse, eamque ad Trajani imperium gubernasse: sed si ita esset, fieret, ut correctiones & minæ, quas Dei jussu fecit in Angelum idest Episcopum Ephesi Apoc. 2., ipsum percuterent: quod non videtur probabile. Nisi fortè dicatur, eas directas esse ad eum, qui post Timothei mortem, antequam ipse eam susceperet, pro eo temporis intervallo eam regebat. Sed etiam hæc multa difficilia sunt. Volunt aliqui, S. Joannem Apocalypsim recepisse quidem dum esset in Patmos, eam tamen Ephesi scripsisse & vulgasse.

VIII. De Libro Apocalypsis, eiusque in Ecclesia auctoritate, egi in Tomo 1. Verit. Relig. Christi. tract. de Auctoritate Lib. Relig. Christi. cap. 3. §. 7., ubi ostendi, quòd licet olim ab aliquibus de ejus auctoritate fuerit dubitatum, sanior tamen etiam Antiquorum pars illum ut Divinum in Canonem recepit, quod modò apud omnes etiam Hæreticos exploratum est: idemque inter Libros Sacros, estò non Proto-Canonicos, Deutero-Canonicos tamen seu secundi Ordinis recensetur. Videat ergo studiosus quæ ibi dixi, ne eadem inutiliter repetam. Hoc sane Heterodoxi moderni abutuntur, ad Papam ejusque affectas omnia, quæ in eo prædicuntur Ecclesiæ & Sanctis, trahentes, eumque impudentissimè blasphemantes, quos contempere satius est quàm impugnare. Inter ejusmodi adest *Paraphrasi Apocalypscos* sub Jacobi Britanniæ Regis nomine à Jacobo Monta-

cuto Winthonienſi Epifcopo edita, opus Chriftiani Regis nomine indignum. Sed adverſus Petrum, ejuſque in Cathedra Succeſſores clament quantum velint, eique ruinam minitentur Hæretici, firmum ſemper ſtabit Chriſti promiſſum: *Et portæ Inferi non prævalebunt adverſus eam.*

## §. V.

*Latronem Joannes convertit.*

**I.** **P**ratereunda non eſt celebris Hiſtoria, quæ de S. Joannis caritate amplum exhibet teſtimonium. Eam retert Euſebius L. 3. hiſt. cap. 23, ut ex Clementis Alexandrini Libro inſcripto: *Quiſnam Dives ſalutem poſſit conſequi* ( qui fortè excidit ) hauſtam, quam iſdem Euſebii terminis ſubjiciam: *Cùm poſt obitum Tyranni ex Inſula Patbmo Epheſum rediſſet Joannes, ad finitimas quoque Provinciâs rogatus ſe contulit, partim ut Epifcopos conſtitueret, partim ut Eccleſias integras diſpouter ac formaret, partim etiam ut homines ſibi a Divino Spiritu indicatos in Clerum quemdam ſeu sortem Domini ſeponeret. Cùm ergo ad quamdam Urbem veniſſet: haud longè diſſitam à Civitate Epheſo, cujus etiam nomen à nonnullis reſertur, Fratresque ſuis ſermonibus conſolatus fuiſſet, ad extremum viſo juvene quodam ſtructurâ corporis egregio, vultu non inveniſto, & ſerventi indole prædito, converſus ad eum, quem ordinaverat Epifcopum, Hunc, inquit, coram univerſa Eccleſia & ſub teſtimonio Chriſti ſtudioſè tibi commendo. Cùm verd Epifcopus eum juvenem ſuſcepſiſſet, & curæ ſibi impoſterum fore polliceretur; iterùm Joannes eadem, quæ priùs, mandare & conſeſſari non doſſitit. Poſt hæc Joannes quidem Epheſum regreſſus eſt. Presbyter verd adoleſcentem ſibi traditum in domum ſuam ſuſcipiens educavit, fovit, atque continuit: tandemque Sacramentum Baptiſmi eidem tradidit. Deinceps Sacerdos de priſtina cura atque cuſtodia paulatim remiſit, quippè cùm perfectiſſimo cuſtode appoſito, Chriſti videlicet ſignaculo ( Confirmationis ) juvenem communiſſet.*

**II.** *Illum ergo præmaturâ, poſitum libertate, æquales quidam ſibi adjungunt deſider ac diſſoluti, & flagitiis omnibus aſſuefacti. Ac primùm quidem magnificis conviviiſ adoleſcentem illicitiunt; nocturn deinde ad ſpoliandos obvios egreſſi, ſecum illum adducunt: inde ad majorum ſclerum ſocietatem cohortantur. At ille ſenſim aſſueſcebas pravitati, & tanquam generoſus & eſſranis æquus à recto tramite abreptus, ac ſranum commordens, quanto majore animi indole præditus erat, tantò acutiùs in præcepti ſerebatur. Poſtremò abjectâ ſpe ſalu-*



salutis, quam in Deo posuerat, nihil jam mediocre animo designabat, sed grandi aliquo scelere perpetrato, quandoquidem jam de salute sua penitus desperaverat, parem cum cæteris pœnam subire dedignabatur. Affinis igitur illis ipsis sodalibus, & instituto Latronum collegio, ipse prompto animo dux eorum effectus, violentiâ cadibus atque atrocitate cæteros superabat.

III. Aliquanto post tempore, cùm negotiis cujuspiam necessitas incidisset, iterum in eam Urbem accitus est Joannes; qui cùm venisset, & cuncta, quorum gratiâ advenerat, ordinaisset: Agedum, inquit, Episcopo, redde nobis depositum, quod ego & Christus tibi commendavimus, sub testimonio Ecclesiæ, cui præsides. Ad hæc Episcopus, primò quidem mirari, cùm existimaret pecuniam, quam non accepisset, à se per calumniam repeti; & sicut adhibere fidem non poterat reposcenti ea, quæ minimè haberet; ita nec Joanni disfidere audebat. Sed ubi Joannes juvenem, inquit, & animam Fratris depono; tunc Senex, demisso vultu suspirans atque illacrymans, ait, mortuus est. Quomodo, inquit Joannes, & quo mortis genere? Deo mortuus est, ait ille; malus quippe evasit & perditus, & ad extremum latro. Itaque nunc pro Ecclesiâ montem occupavit cum suis simillimis commilitonibus.

IV. His auditis Apostolus, scisiâ veste, & cum ingenti gemitu caput feriens: Bonum, inquit, animæ Fratris custodem reliqui. Sed jam equus mihi præsid sit, & ductor itineris. Inde ab Ecclesiâ, itaut erat, profectus, conscenso equo properavit. Cùmque ad locum venisset, ab iis, qui excubias agebant latronibus capitur: non ille fugam parans, nec veniam deprecans, sed vociferans; ad hoc ipsum veni, deducite me ad ducem vestrum. Is verò ut erat armatus interrim expectabat. Sed ubi accedentem propius agnovit Joannem, præ pudore in fugam se convertit. At Joannes concito cursu hominem persequi instituit, oblitus ætatis suæ, identidem clamans: Quid me patrem tuum fugis, fili, inermem & seuem? Misere mei, fili: noli timere: adhuc superest tibi spes salutis. Ego pro te satisfaciam Christo. Tuâ causâ mortem libenter excipiam, quemadmodum Dominus pro nobis mori sustinuit. Animam meam pro tua vicariam dabo. Sita modò, & mihi crede; a Christo missus sum.

V. Hæc ille auditis, primam quidem vultu in terram demisso substitit; deinde armis abjectis, tremens in lacrymas effusus est. Et accedentem Senem complexus, gemitu ac lamentis quantum maxime poterat, veniam rogabat, & lacrymis quasi altero quodam Baptismo expiatur, solam dextram occultans. Tum Apostolus spondens, ac dejerans, se veniam ipsi à Servatore impetravisse, oransque, ac in genua provolutus, ad dextram ipsam juvenis, utpote pœ-

ni-

nitentia expurgatam deosculans, ipsum in Ecclesiam reduxit. *Exinde partim crebris orationibus Deum deprecans, partim continuatis una cum juvene jeuniis simul decertans, omnibus denique verborum illecebris animum ejus demulcens, non prius abscessit, quàm illum Ecclesiæ restituisset, magnumque sinceræ pœnitentiæ exemplum, & iteratæ regenerationis ingens documentum, & conspicuæ resurrectionis trophæum omnibus ostendisset.* Hactenus Eusebius.

VI. Hoc factum plura nobis observanda proponit. Primum Episcopi illius, cui adolescentis cura à Joanne demandata fuerat, desidia ac negligentia monet sacros Ministros, ut in animarum sibi commissarum curâ vigiles sint ac solertes, ne si eorum negligentia percant, eas de manu eorum Deus requirat, ut comminatur Ezechiel. 34. v. 10.: *Ecce ego ipse super pastores requiram gregem meum de manu eorum, & cessare faciam eos, ut ultra non pascant gregem, nec pascant amplius pastores semetipsos, & liberabo gregem meum de ore eorum, & non eris ultra eis in escam.*

VII. Secundum: In Adolescente isto, qui licet benè educatus ac instructus, & signaculo Christi munitus, ex communione tamen cum perditis, citò ipse perditissimus evasit; discere debent maximè juvenes, sibi etsi benè educatis pravorum consortium & familiaritatem fugiendam esse, memores illius Psal. 17. v. 27.: *Cum perverso perverteris, & 1. Cor. 15. v. 33.: Corrampane bonos mores colloquia mala.*

VIII. Tertium: In Joanne adeò de salute illius Juvenis sollicito, ut sine mora, nullâ habitâ ratione ætatis, relicta Ecclesiâ, ad eam procurandam cucurrerit, lacrymis & amplexibus perditum Juvenis cor emollierit, ad pœnitentiam flexerit, & ad Ecclesiam gaudens reportarit. Quis non videat ad praxim revocata exempla, quæ proposuit Christus Lucæ 15. tum v. 4. de eo, qui habens centum oves, si perdiderit unam ex illis, dimittis nonaginta novem, vadit ad illam, quæ perierat, donec inveniat eam, & cum invenerit eam, imponit in humeros suos gaudens, & veniens domum convocat amicos & vicinos, dicens illis: *congratulamini mihi, quia inveni ovem meam, quæ perierat?* tum v. 15. de Patre erga filium paternæ domus desertorem, & vivendo luxuriosè totius substantiæ suæ dissipatorem, qui cum illum vidisset à longè venientem misericordiâ motus est, & accurrens cecidit super collum ejus & osculatus est eum? Quis, inquam, non videat, Joannem dilectum Discipulum hinc monita Magistrî sui imitatum fuisse?

IX. Quartum: Tandem in isto juvene à statu perditionis ad statum salutis subito revocato, omnes etsi perditæ vitæ collige-  
re

re possunt, nemini de sua salute desperandum, si Gratia vocanti respondere velit. Hinc Chrysostomus L. 1. ad Theodorum lapsum, qui ab Ecclesiastico Statu ad secularia negotia lapsus erat, & insuper profanis amoribus irretitus, cum quadam puella, quam deperibat, nuptias inire tentabat, ut eum à lapsu deterreat, eique ostendat non esse difficilem ad pristinam virtutem reditum, inter alia hujus Adolescentis factum proponit, dicens: *Quæ vero pertinent ad juvenem illum, qui antea Discipulus Joannis filii Zebedæi fuerat, postea autem longo tempore latronum dux fuit, deinde sacris beati Viri manibus captus, à recessibus & speluncis Latronum ad pristinam virtutem, ipse non ignoras, sed non minus quam nos hæc omnia probe nosti, teque sæpius audiivi admirantem illius mansuetudinem, quod cruentam antea dexteram exosculatus sit, hærens in amplexu adolescentis, sicque illum ad priora reduxerit.* Quibus etiam ostendit, facilius à peccato retrahi animas suavitatem, quam asperitatem & rigorem.

X. De Adolescente præfato Rufinus, vertens ea quæ dicit Eusebius, ait, Apostolum ei gubernium Ecclesiæ postea tradidisse, cum eum etiam Ecclesiæ præficeret: quam interpretationem aliqui secuti sunt: sed hæc lectio admittenda non est: fasset enim nedum singulare, sed directe oppositum Disciplinæ, quam ex ipsi Apostolis traxit Ecclesia, quæ nunquam passa fuit, ut ad dignitates Ecclesiastici Clericatus eleventur illi, qui propter crimina post Baptismum commissa pœnitentiæ obligati fuissent. Joannes juvenem post pœnitentiam in Ecclesiam quidem recepit, sed Ecclesiæ nullo modo præfecit.

## §. VI.

*Scribit Evangelium & Epistolas.*

L. DE Evangelio S. Joannis egi Tom. 1. de Ver. Relig. Chiff. Tract. de Auctorit. Lib. cap. 1. §. 5., ubi dixi, non esse adeo certum, quo loco & tempore illud scripserit, quibusdam & præsertim Veteribus, ut Irenæo Lib. 3. cap. 1., volentibus illud scripsisse Ephesum, & quidem post reditum à Pathmo, ut Epiphanius hæres. 51. aliis verò, inter quos est auctor Synopsis Athanasianæ, putantibus, illud scripsisse, dum adhuc in Pathmo exisset, & illud post reditum Ephesum solum publicasse, quæ opinio apud recentiores Græcos plausibilis est, quam quidam Latinorum non refugiunt. Probabilior tamen sententia est, post reditum à Pathmo illum nedum evulgasse sed & scripsisse: illud enim

enim scripsit rogatu tum Discipulorum, ut scribit Eusebius Lib. 6. hist. cap. 14., tum omnium Episcoporum Asiæ, ut ait, Hieron. in prologo sup. Matth. & Lib. de Script. Eccl. cap. 9.: quod signum est, eum scripsisse in Asia & Ephesi. Egisse autem S. Joannem, cum Evangelium scripsit, annum ætatis nonagesimum & supra, scribit S. Epiphanius loco laudato.

II. Causas, quibus moti Asiæ Episcopi ejusque Discipuli rogarunt Joannem, ut tribus jam editis Evangeliiis suum, & quartum adderet, dixi citato loco ex S. Irenæo Lib. 3. cap. 11., Hieronymo de Script. Eccl. cap. 9., & Eusebio Lib. 3. hist. cap. 24. fuisse duas: unam, contundere Cerinthi & Ebionis hæresim, negantium, Christum ante Mariam fuisse, adeoque esse purum hominem asserentium, & non Deum; & propterea Joannes in sui Evangelii initio & progressu, totus est in ostendenda Christi Divinitate, ubi alii de eo tanquam homine locuti fuerant: alteram, ut suppleret ea, quæ alii tres Evangelistæ de Christi gestis omiserant, nimirum ea, quæ duobus primis annis suæ prædicationis Christus gesserat. Ita prælaudati auctores. Unde S. August. Lib. 1. de Conf. Evang. cap. 4., & Tract. 36. in Joan. *Ceteri, inquit, tres Evangelistæ tamquam cum homine Domino in terra ambulabant, de Divinitate ejus pauca dixerunt: istum autem quasi pignerit in terra ambulare, sicut ipso exordio sui sermonis intonuit, erexit se non solum super terram, & super omnem ambitum aeris & cæli, sed super omnem etiam exercitum Angelorum, omnemque constitutionem invisibilem potestatum, & pervenit ad eum per quem facta sunt omnia, dicendo „ In principio erat Verbum, & Verbum erat apud Deum, & Deus erat Verbum: hoc erat in principio, apud Deum. Omnia per ipsum facta sunt, & sine ipso factum est nihil „ Huic tantæ sublimitati principii etiam cætera congrua prædicavit, & de Domini Divinitate quomodo nullus alius est locutus. Hoc rutabatur, quod biberat. Non enim sine causa de illo in isto ipso Evangelio narratur, quia & in convivio super petrus Domini discumbebatur. De illo ergo petore in secreto bibebar: sed quod in secreto bibit, in manifesto erutavit, ut perveniat ad omnes Gentes, non solum Incarnatio Filii Dei & Passio & Resurrectio; sed etiam quid erat ante Incarnationem Unicus Patri, Verbum Patris, coæternus Geveranti, æqualis ei, à quo missus est: sed in ipsa missione minor factus, quo major esset Pater. His sublimitatem Evangelii Joannis super cætera tria celebrat Augustinus.*

III. Non tamen hoc insigne Opus Joannes statim aut sponte aggressus est, suâ renitente humilitate. Ut enim ait Eusebius L. 3. hist. cap. 24.: *Admirabiles illi prorsusque Divini Apostoli*

*Ser.*

*Servatoris nostri, cùm essent vitâ quidem & moribus castigatissimi, & omnibus virtutibus ornati, sermone autem ipso rudes essent atque inculti; freti Divina atque mirifica virtute ipsis à Servatore concessa, artificioso verborum ornatu Magistri sui præcepta exponere, neque noverant, neque item conabantur: sed adjuvantis ipsos Spiritus Sancti demonstratione & virtute Christi, quæ per ipsos plurima perpetrabat miracula, tantummodò utentes, votivam Regni Cælorum tantummodò nuntiabant. Neque curæ illis erat libros scribere, quippè qui longè præstantiore ministerio & supra humanas vires posito fungerentur. Deinde ponit exemplum Pauli, qui licet Divina ac innumera mysteria exponere potuerit, tamen præter paucissimas Epistolas nihil scriptum reliquit, & ceteri Apostoli præter Matthæum & Joannem nihil scripserunt. Hæc asserere volui, ut appareat quod alibi fusè contra modernos Heterodoxos ostendi, nimirum Apostolos habuisse quidem à Christo mandatum prædicandi Evangelium, non autem scribendi; & qui scripserunt, necessitate quâdam impulsos hoc fecisse.*

IV. Hoc eodem consilio S. Joannes ad scribenda mysteria, quæ prædicabat, agrè inducebatur: sed cùm aliqua in scriptis à tribus prioribus Evangelistis omiſsa essent, eaque ad Fidem de Christi Divinitate, quæ tunc impugnabatur, aliaque ejusdem Gestâ plenè dignoscenda, necessaria, rogantibus amicis & Asiæ Præsulibus, & Sancto Spiritu cum movente, ad scribendum Evangelium adductus est. Nec tanto operi manum apponere voluit, nisi prius à tota Ecclesia per jejunium lumine à Deo implorato. Rem totam narrat Hieronymus in prologo Comment. in Matth. his verbis: *Is (Joannes) quum esset in Asia, & jam tunc Hæreticorum semina pullularent Cerinthi Ebionis & cæterorum . . . , coactus est ab omnibus pene tunc Asiæ Episcopis, & multarum Ecclesiarum legationibus, de Divinitate Salvatoris altius scribere, & ad ipsum (ut ita dicam) Dei Verbum non tam audaci quàm felici temeritate prorumpere. Et Ecclesiastica narrat Historia, quum à Fratribus cogeretur ut scriberet; ita facturum se respondisse, si iudicio jejunio, in commune omnes Deum precarentur: quo expleto, revelatione saturatus, in illud præmium Cælo veniens eruditus.* In principio erat Verbum &c. Hoc exemplo omnes, qui Sacra scribere, & mysteria tractare aggrediuntur, monentur, quomodò se gerere, quid præmittere debeant, ut opus & feliciter inchoent & feliciter perficiant.

V. Non igitur mirum est, si Joannis Evangelium, licet posterius tempore, dignitate tamen præcipua Scripturæ pars habeatur; omnesque Patres in eo specialiter celebrando conspirent.

Illud enim fuisse scriptum, ait S. Paulinus Epist. 21. aliàs 24. ad Amandum, *Quasi columna firmamentum adjiceret fundamentis Ecclesie, priores Evangelii Scriptores consensu auctoritate confirmans, ultimus auctor in libri tempore, sed primus in copite Sacramenti.* Addens quòd Joannes transcendit Moysen, qui usque ad Caput Mundi & visibilium Creaturarum exordia scientia terminos extendit. Iste & Evangelistis cæteris altius volans penetravit & Cælos, & omnes Creaturas etiam spirituales & supremas transgressus, in ipsum se Creatorem arduâ mente direxit, & ab illa ineffabili Generatione ordiens, Unicum Dei Filium Patri cœternum apud eum detexit & nuntiavit. Quare S. August. Lib. 1. de Conf. Evang. cap. 6. observans, ex aliis tribus Evangelistis unum in leone, alium in homine, alium in vitulo figurari, ait: *Hæc autem animalia tria sive Leo sive Homo sive Vitulus in terra gradiuntur; unde isti tres Evangeliste in his maximè occupati sunt, quæ Christus in carne operatus est, & quæ præcepta mortalis vite exercenda carnem portantibus tradidit. At verò Joannes super nubila infirmitatis humanæ velut Aquila volat, & lucem incommutabilis veritatis acutissimis atque firmissimis oculis cordis intuetur.* Hæc Augustinus: quæ repetit Tract. 36. in Joann.

VI. Nec soli tamen Christiani sed & ipsi Philosophi ipsum initium Evangelii Joannis: *In principio erat Verbum* &c. legentes, demirabantur. Unde S. Augustinus L. 1. de Civit. Dei c. 29. refert: *Quòd initium Sancti Evangelii, cui nomen est secundum Joannem, quidam Platonici, sicut à Sancto sive Simpliciano, qui postea Mediolanensi Ecclesie præsedebat Episcopus, solebamus audire, aureis litteris conscribendum, & per omnes Ecclesias in locis eminentissimis proponendum esse dicebat.* Alius etiam Platonici (apud Eusebium L. 11. Præpar. Evang. cap. 19.) nomine Amelius, qui circa finem tertii seculi vixit, in iis, quæ de Verbo Dei dicit, Joannem laudat, etsi eum Barbari nomine appellat. Sic enim ex Heraclito dicebat: *Atque hoc planè Verbum erat, per quod sempiternum cœlum esset, existerant omnia quæ fiebant, quemadmodum Heraclitus loqueretur: quòd ipsum videlicet Barbarus etiam ille apud Deum in Principii gradu ac dignitate constitutum, imò & Deum simul esse pronuntiat: per quod facta simpliciter omnia sint, in quo quidquid factum est, & vivens, & vita, & aliquid pro sua quoque natura fuerit: idem porro in corpora delabi tradit, & carne indutum humanam speciem præferre, sic tamen, ut sua in terra natura majestatem ostendat: adeoque solum ubi jam fuerit, Dei locum donò capessere, ac Deum prorsus eundem esse, quæ erat, priusquam in corpus hominemque descenderet.* Hæc Amelius.

lius. Unde Eusebius: *Quæ, inquit, profectò non jam subobscurè adumbrata, sed palàm, nudàque, quod ajant, fronte ex illa barbari hominis Theologia translata esse nemo non videt. Barbarus autem ille, quem vocat, æquis porrò fuit, nisi Joannes Servatoris nostri Evangelista, qui Hebraus ex Hebræis erat? Cujus hæc est ipso statim Evangelii sui exordio Theologia.* „ In principio erat Verbum, & Verbum erat apud Deum, & Deus erat Verbum. „ Hoc erat in principio apud Deum, omnia per ipsum facta sunt, & sine ipso factum est nihil. Quod factum est, in ipso vita erat, & vita erat lux hominum. Et Verbum caro factum est, & habitavit in nobis. Et vidimus gloriam ejus, quasi Unigeniti à Patre. „ His ostendere conatur Eusebius, Joannis doctrinam in Evangelio de Verbo Dei facto carne sapientum Græcorum doctrinæ non repugnare, imò ab eis probari.

VII. Hinc factum est, ut sententia Joannis de Verbo in sui Evangelio, si vel ab ipsis Platoniciis & Græcis Philosophis probata fuerit, multò magis ab Ecclesiis Catholicis quovis seculo recepta, ejusque Evangelium eam continens à nullis unquam nisi ab Hæreticis repudiatum, quales fuerunt *Alogi* secundo seculo, sic dicti quasi *sine Verbo*, seu *carentes Verbo*, de quibus S. Augustinus l. de hæres. cap. 30. 2 *Alogi*, inquit, *propterea sic vocantur, tanquam sine Verbo* (Logos enim græcè Verbum dicitur) *quia Deum Verbum recipere noluerunt, Joannis Evangelium respuentes, cujus nec Apocalypsim recipiunt, hæc videlicet Scripturas negantes esse ipsius.* Ubi nota, non ausos fuisse Joanni refragari: *Pudet enim* (ait Epiphanius in Panario Lib. 2. hæres. 1. num. 3.) *B. Joanni contradicere; quid & ipsum inter Apostolos fuisse numeratum & à Domino præcipuè dilectum non dubitent, qui & sacra mysteria pro rei dignitate patefecit, & supra Domini pectus incubuit. Quare aliam damnandorum Apostoli Scriptorum causam commenti sunt. Negant hæc Joannis, & Cerinto tribuunt. Sed hic se cæcos esse produnt, subdit Epiphanius: Qui enim fieri potest, ut hæc à Cerinto scripta sint, quæ Cerinto potissimam repugnant? Hic enim recentem ac nudum hominem esse Christum asseruit. Contra Joannes perpetuò fuisse Verbum, atque à Cælo delapsum & carnem esse factum pronuntiat.*

VIII. In Evangelio Joannis revocata olim in dubium fuit historia de Muliere Adultera, quasi absit ab antiquioribus & prioribus exemplaribus, inter quos, ut refert Sixtus Senensis Lib. 1. Biblioth. Sanctæ, fuit Euthymius Monachus Græcus 12. seculi in Comment. cap. 8. Joannis; propterea volens, nullum eam esse interpretatum. Quod quidem de Chryostomo,

Origene, Cyrillo, Alexandrino, Nonno, & Theophylacto verum est. Alii tamen, ut Ambrosius, Augustinus, & alii eam ut genuinam Evangelii Joannis partem agnoscunt, ut dixi To. 1. de Verit. Relig. Christ. de Auctorit. Lib. cap. 3. §. 8. num. 60., quæ studiosus adire poterit.

IX. Præter Evangelium tres quoque Epistolas Joannes scripsit. De prima, ut ostendi citato loco cap. 2. §. 2. n. 25., numquam dubitatum fuit; sapit enim planè Joannis stylum, ut apud Eusebium L. 7. hist. cap. 25. demonstrat Dionysius Coriuthius. Unde inter Proto-canonicas est recensenda, etiam quoad illa verba: *Tres sunt qui testimonium dant in Cælo*, ut ibi probavi n. 26.

X. De secunda & tertia dubitatum olim fuit, an essent Joannis, ut dixi citato loco cap. 4. §. 4.; utramque tamen eam legitimam Joannis tæxum, & ut Canonicam Veteres agnoverunt, & ut Canonicam suscepit & suscipit Ecclesia, ut ibi ostendi, & rationes dubitandi solvi. Secunda creditur data ad quamdam Matronam nomine *Electam*. Quamvis autem voluerint aliqui, hoc nomen Electa non fuisse nomen personæ, sed vel nomen gentilitium vel nomen honoris, communius tamen creditur fuisse nomen proprium personæ: multò minùs nomen alicujus Ecclesiæ, ut aliqui autumant. Tertia ad quemdam Cajum data est, quem aliqui putant fuisse unum ex Discipulis S. Pauli hujus nominis, quo etiam usum fuisse S. Joannem, ut annuens in conscribendo Evangelio, censet Athanasius in Synopsi. In hisce duabus Epistolis nomen Apostoli non assumit, sed Senioris, quia non sunt ad aliquam Ecclesiam directæ, sed ad particularem personam amicitie titulo. Vocat autem se Seniore, quia non fuit ad aliquam Ecclesiam directæ, sed ad particularem personam amicitie titulo. Vocat autem se Seniore, quia non fuit ad aliquam Ecclesiam directæ, sed ad particularem personam amicitie titulo. Vocat autem se Seniore, quia non fuit ad aliquam Ecclesiam directæ, sed ad particularem personam amicitie titulo. Vocat autem se Seniore, quia non fuit ad aliquam Ecclesiam directæ, sed ad particularem personam amicitie titulo.

## §. VII.

*Joannis Mors. Quid de opposita opinione?*

**Q**Uia, ut ait S. Hilarius L. 10. de Trinit., Joannem non elegerat Christus ad Fidem Martyrio firmandam, sicut Petrum & Jacobum, sed verbo & prædicatione; ideo ipsum ad extremam usque senectutem perduxit. Aded ut in extreme-



tremis suæ vitæ diebus, cum se ipso pergere ad Ecclesiam amplius non posset, inter Discipulorum brachia ad eam deferretur: & cum non posset amplius longo sermone disserere, non aliud in ore haberet, nisi ut se Discipuli mutuò diligerent. Ita S. Hieronymus in Caput. 6. ad Galat. his verbis: *Beatus Joannes Evangelista, quum Ephesi moraretur usque ad ultimam senectutem, & vix inter Discipulorum manus ad Ecclesiam deferretur, nec posset in plura vorum verba contexere, nihil aliud per singulas solebat proferre collectas, nisi hoc, Filioli, diligite alterutrum. Tandem Discipuli & Fratres, qui aderant, tadio affecti, quòd eadem semper audirent, dixerunt: Magister, quare semper hoc loqueris? Qui respondit dignam Joanne sententiam: Quia præceptum Domini est; & si solùm fiat, sufficit.*

II. Eum usque ad Trajanæ tempora Ephesi moratum fuisse testantur Irenæus L. 2. cap. 39. modò 22., & L. 3. cap. 3., Eusebius L. 3. hist. cap. 23., & Hieronymus de Script. Eccles. cap. 9.; Trajanus autem Nervæ successit anno 98. ineunte. Sub ejus Imperii anno tertio Eusebius in Chronico putat, S. Joannem Ephesi placidè obiisse, Trajano & Frontonio tertio Consulibus, qui fuit annus 68. post Christi mortem, & Christi 103. Cùmque Joannes sex aut septem annis ætate minor Christo fuerit, sit ut nonagesimum quartum annum ageret, quando mortuus fuit. His consentire videtur S. Hieronymus de Script. Eccles. cap. 9., ubi ait: *Interfecto autem Domitiano, & Actis ejus ob nimiam crudelitatem à Senatu rescissis, sub Nervæ Principe rediit Ephesus: ibique usque ad Trajanum Principem perseverans totas Asia fundavit rexique Ecclesias; & consecutus senio sexagesimo octavo post Passionem Domini anno mortuus, juxta eandem Urbem sepultus est.* Idem sentit S. Epiphanius hæres. 51. cap. 12. Alii tamen ætatem S. Joannis producant usque ad annum 98. & 99.: ita Cedrenus. Alii usque ad 106., alii usque ad 120.; quod tamen verisimile non videtur. Chronicon Alexandrinum anno 104. eum mortuum facit, ætatis autem annorum 100. & mensium septem. Sed hæc incerta sunt.

III. Ephesi fuisse sepultum, supra dixi ex Hieronymo; ejusque sepulchrum extare, colligitur ex Epistola Cœlestini Papæ, qui Episcopos in Concilio Ephesino congregatos hortatur, ut doctrinam Joannis sequantur, in ea Urbe maximè, in qua sortem habebant ejus Reliquias venerandi, & penes se habendi. Ita Act. 2. Conc. Ephes.: *Vos hortor, inquit, Fratres beatissimi, respiciatur illa sola dilectio, in qua utique secundum vocem Joannis Apostoli, cujus Reliquias præsentis veneramini, manere debemas.*

Et

Et Episcopi, qui illuc ex Syria venerant, sibi non fuisse permis-  
sum deosculari Reliquias Martyrum, & præsertim Joannis Apo-  
stoli, conquesti sunt. Ex ejus sepulchro, refert S. Augustinus  
Tract. 123., perennem manare pulverem, quo in varias Terras  
deportato plura miracula fiunt: & hic est, de quo S. Ephræm  
Patriarcha Antiochenus anno 530. apud Photium Bibl. Cod. 229.,  
supponens S. Joannem nondum esse mortuum, licet in sepulchro  
positum, ait: *Cum in aliquo loco, ut ajunt, illius monitu positus  
esset, quasitus mox inventus non est, sed diffundens Santimoniam  
e loco, quo brevi tempore continebatur, à quo tanquam Santis-  
sime fonte sacrum unguentum haufimus.* S. Gregorius Turonensis de  
Gloria Mart. cap. 30. asserit, præfatum prodigium ad sua tempora  
continuasse, vocans terram mannæ farinæ similem; addens, eam  
quodcumque delatam infirmos miraculosè sanare. De hac Græci  
multa in suis libris dicunt. In Menologio Basilii die 8. Maji  
hæc habentur: *Sepulchrum, in quo magnus Apostolus & Evan-  
gelista Joannes, paulò post transferendus, depositus fuit, sanctum  
Cinerem, quem incolæ Manna appellant, Spiritu Sancto annuens,  
octavo mensis Maji die quotannis extemplo emittit emanatque,  
quem qui accedunt accipientes, in curationem uniuersorum morbo-  
rum, in animarum sanitatem, & in corporum medelam, eo utuntur.*

IV. Verùm quia ex mox dictis apparet, Græcorum opinio-  
nem esse, S. Joannem positum fuisse in sepulchro quidem à se  
adhuc vivente electo, & in eo positum eadem horâ mortuum  
esse, sed paulò post mirabiliter à Deo excitatum & aliò transla-  
tum: sive ut alii volunt, fuisse in sepulchro positum solum appa-  
renter mortuum, sed reverà dormientem, ibique in somno con-  
tinuare nisi in extrema die evigilaturum, ac terram quæ ex ejus  
sepulchro exilit, vi ejus respirationis exilire: quæ opiniones in  
eo conveniunt, quòd S. Joannes nondum sit finaliter mortuus  
sed solum moriturus in fine Mundi: propterea cui fundamentò  
nitantur, examinandum est. De quo licet locutus fuerim tom. 16.  
Theol. qu. 1. de Antichristo Dub. 6. §. 3. n. 12. &c., non erit ta-  
men inutile ad rem præsentem ad examen iterum illud revo-  
care.

V. Fundamentum huic quæstioni dat Joannes ipse in suo  
Evangelio cap. 21., ubi narrat, quòd cùm Christus prædixisset Pe-  
tro martyrium & quidem Crucis, his verbis v. 18.: *Cum autem  
senueris extendes manus tuas & alius te cinget, & ducet quò in non  
vis. Hoc autem dixit significans, quâ morte clarificaturus esset  
Deum: Petrus his auditis, cùm vidisset Joannem sequentem,  
dixit Jesu: Domine hic autem quid? Dixit ei Jesus (v. 22.) sic  
enim*

*eum volo manere, donec veniam, quid ad te? Tu me sequere.* Ex his Christi verbis ortum duxit opinio de qua supra, Joannem in vita mansurum, donec Christus veniat Orbem judicaturus: vel quodd si mortuus sit, paulò post resurgens translatus sit ad locum, ubi Henoch & Elias manent adventum Christi Judicis præstolantes.

VI. Voluit aliqui, quodd Petro interroganti de Joanne *hic autem quid?* idest hic autem quem exitum habiturus est? Christus responderit: *Si (non sic) eum volo manere donec veniam, quid ad te?* Quæ locutio est conditionalis nihil ponens in esse, ut ajunt Logici; & facit sensum: etsi eum velim manere donec veniam, quid ad te? quid tua refert? tuum non est decreta mea scrutari. De facto autem ita legitur in textu Græco, in Versione Syriaca, & in aliquibus etiam Latinis Codicibus. Sic etiam Chrysostomus hom. 87. in Joan., S. Cyrillus Alex. Lib. 12. in Joan., S. Hieronymus Lib. 1. in Jovin., & S. Augustinus tract. 124. in Joann. Sed etiam si sequamur Vulgatæ lectionem dicentem: *Sic eum volo manere, donec veniam; quid ad te?* eundem sensum habemus: nimirum Nolo tibi esse socium in martyrio, sed volo, eum tibi superstitem esse, donec veniam hora quâ decrevi illum placidâ morte ad æternam beatitudinem vocandum. Nec enim Petrus interrogabat, an Joannes esset moriturus: nec ue, sed quo genere mortis esset moriturus. Cùm enim Petrus valdè diligeret Joannem, & audisset se martyrio Crucis esse coronandum, curiosè quæsiuit quid futurum esset de Joanne: quam interrogationem, utpote de re ad ipsum non pertinente, Christus rejecit dicens: *Quid ad te?*

VII. Quod confirmatur ex eodem S. Joanne ibi v. 23. Cùm enim ex præcitatis verbis exiisset rumor inter Fratres, quodd *Discipulus ille non moritur*; Joannes hanc Sociorum hallucinationem tollere volens, ait: *Et non dixit Jesus: non moritur: sed si (vel sic) eum volo manere*, idest superstitem esse, *quid ad te?* quid tua refert? Undè S. Augustinus Tract. 124. in Joann. *Quis facile*, inquit, *aliud dictum esse credat, quàm quodd Fratres crediderant qui tunc erant, eò quodd scilicet non esset Discipulus ille moriturus, sed donec Jesus veniret, illâ maueret in vita?* Sed hanc opinionem Joannes ipse abstulit, non hoc dixisse Dominum aperte contradictione declarans. *Cur enim subjungeret, non dixit Jesus: non moritur, nisi ue hominum cordibus quodd falsum fuerat inbaereret?* Si ergo ipso Joanne asserente, Christus non dixit, quodd non esset moriturus, & hoc Joannes dicit, ut corrigat falsam opinionem exortam inter Fratres aperte constat, Joannem sciuisse

se se moriturum, sed non eo genere mortis, quod Christus præ-  
nuntiaverat Petro, & de quo Petrus interrogat. In hac re San-  
ctus Hieronymus L. 1. adv. Jovin. ait: *Post auditam sententiam,*  
*quod ab alto cingendus esset Petrus & dncendus quod nollet; & Cru-*  
*cis fuisset illi passio prophetata, & ille diceret, Domine quid iste,*  
*nolent deferere Joannem, cum quo semper fuerat copulatus, dicit*  
*ei Dominus, Quid ad te, sic eum volo sic esse, & Unde & sermo*  
*exivit inter Fratres, illum Discipulum non moriturum. Ex quo*  
*ostenditur, Virginitatem non mori, nec sordes nuptiarum ablu-*  
*ere cruore Martyrii, sed manere cum Christo, & dormitionem ejus tran-*  
*sire esse non mortem. Cæterum mortuum esse Evangelistam*  
Joannem, apertè ostendunt testimonia Veterum: Polycratis  
Ephesini Episcopi, qui discipulos ipsius viderat apud Eusebium  
L. 3. hist. cap. 31. & S. Irenæi illis temporibus vicini apud eumdem  
Euseb. L. 3. cap. 23. & Tertulliani L. de anima cap. 50. dicentis:  
*Translatum est Henoch & Elias, nec mors eorum reperta est, dilata*  
*scilicet. Cæterum morituri reservantur, ut Antichristum sanguine*  
*suo extinguant. Obiit & Joannes, quem in Adventum Domini re-*  
*manensurum, frustra fuerat spes: Origenis apud Euseb. L. 3. cap. 1. &*  
Dionysii Alexandr. apud eumdem L. 7. cap. 25. & aliorum de  
quibus supra.

VIII. Statuto, quod Joannes Evangelista verè mortuus sit,  
nec oppositum colligatur ex verbis Christi, facile aliter sentien-  
tes sine fundamento loqui vincuntur, maxime à S. Augusti-  
no Tract. 124. in Joann. Qui enim dicunt, Joannem mortuum  
non esse, quia ejus Corpus vel Ossa non inveniuntur; respon-  
deant. Nec corpus Moyse nec sepulchrum ejus unquam inven-  
tum est, teste Scripturâ Deuter. 34. v. 6., & tamen ibi v. 5. di-  
cit: *Mortuusque est Moyses.* Si ergo potuit Deus sepulchrum  
Moyse verè mortui sic abscondere, ut prorsus lateret homines  
ubi esset, cur non potuit sic abscondere sepulchrum & Ossa  
Joannis, ut ubi sint homines adhuc lateat? Quamquam si verum  
est quod scribit Bollandus die 9. Maji, quod Mediolani in Eccle-  
sia Ambrosii sint Reliquiæ Corporis S. Joannis, tortè à S. Ambro-  
sio ibi repositæ, jam Joannis Reliquiæ homines non latuerunt.  
Sed quod plus est, non latuerunt Cælestinum Papani, qui in  
Epist. supra memorata ad Synodum Ephesinam meminit, Reli-  
quias S. Joannis Evangelistæ Ephesi in honore haberi, cumque  
ibi defunctum esse: quarum etiam mentionem fecerunt Orien-  
tales in Epistola Synodica ad Clerum Constantinopolitanum,  
quæ extat in Actis Concilii Ephesini.

IX. Qui dicunt, quod Joannis sepulchrum extat, illudque  
sibi

sibi fieri jussit, ac incolumis ipse fuit præsens, sed eo effusio ac diligentissimè præparato, ibi setanquam in lectulo collocavit, & statim ibi defunctus, miraculosè fuit à Deo suscitatus, & in locum nobis ignotum, fortè cum Henoch & Elia translatus, ibi mansurus usque ad Adventum Christi Judicis. Quæso eos, undè hoc hauserunt? ex quo authentico documento? Certè, ait Augustinus, nonnisi ex quibusdam apocryphis Scripturis? Deinde si Deus voluit Joannem manere cum Henoch & Elia usque ad adventum suum, cur voluit eum mori, ac deinde resurgere? Cur non transtulit illum adhuc viventem, ut transtulit illos? In hanc tamen opinionem descendunt non solum Græci, ut ex Menologio supra relato, & Ephræm apud Photium, sed etiam ex Latinis aliqui à sexcentis annis in eam propendunt, à quibus non dissentit S. Thomas in cap. 21. Joann. lect. 5., ubi rejectâ opinione (de qua statim) volentium, Joannem non esse mortuum, sed dormire, dicit: *Et idèd non est hoc credendum, sed quodd mortuus fuit, & resurrexit etiam in corpore*. Contrarium tamen habetur ex Concilio Ephesino, nobis testante, S. Joannem esse tunc cum illis in ea Civitate.

X. Superfunt qui dicunt Joannem in sepulchro positum, non defunctum, sed defuncto similem cubuisse, & cùm mortuus putaretur, sepultum fuisse dormientem, & donec venias Christus sic manere, suamque vitam scaturigine pulveris indicare; qui pulvis creditur, ut ab imo ad superficiem tumuli ascendat, flatu quiescentis impelli. Ita refert August. citato loco, quod reverà à non levibus hominibus se audivisse fatetur, qui propterea licèt inutile judicet hoc refellere, ne aliis sese misceat quæstionibus, dicit tamen per hoc hanc non solvi quæstionem; nequit enim concipi, quòd Jesus, qui Joannem præ cæteris Discipulis diligebat, illum reliquerit dormientem in sepulchro usque ad finem Mundi, ubi Petrum & cæteros à corpore solvit, ut ante secum essent in gloria. Sic ergo Augustinus relatâ præfatâ opinione, ait: *Sed numquid hinc tanta illa solvitur quæstio, si magno miraculo, qualia potest facere Omnipotens, tandèd vivum corpus in sopore sub terra est, donec veniat terminus seculi? Quin imò fit amplior & difficilior, cur Discipulo Jesus, quem diligebat præ cæteris, in tantum ut super pectus ejus discumbere mereretur, pro magno munere longum in corpore douquerit somnum: cùm beatum Petrum per ingentem Martyrii gloriam ab onere ipsius corporis solverit, eique concesserit, quòd Paulus se concupisse dixit & scripsit, dissolvi & esse cum Christo. Si autem quod magis creditur, idèd Sanctus Joannes ait, non dixisse Dominum, non moritur, ve illis verbis quæ dixit, hoc*

*voluisse intelligi putaretur, corpusque ejus in sepulchro ejus exanime sicut aliorum mortuorum jacet; restat, ut si verè ibi sit quod sparsit fama de terra, quæ subinde ablata succrescit; aut ideo fiat, ut eo modo commendetur pretiosa mors ejus, quoniam non eam commendat Martyrium (non enim eum pro Fide Christi persecutor occidit) aut propter aliquid aliud quod nos latet. Hactenus S. Augustinus; qui addit, manere tamen semper quæstionem, cur dixerit Dominus de homine morituro: sic eum volo manere donec veniam.*

XI. Hanc tamen inferius solvit supponendo, quoddam duæ sunt Vitæ: una in Fide altera in specie, una in Tempore peregrinationis altera in Æternitate mansionis &c. & una bona est sed adhuc misera; & ista significata est per Apostolum Petrum, cui propterea dixit: *tu me sequere*, perferendo mecum passionem & temporalia mala: altera melior & beata; & ista significata est per Joannem, quæ quia in præsentī tempore non est, sed expectanda in futuro, idè de Joanne dixit: *Sic eum volo manere donec veniam*: quod non est sic intelligendum, quasi dixerit remanere vel permanere, sed expectare; quoniam quod per eum significatur, non utique nunc, sed cùm venerit Christus, implebitur. Ita S. Augustinus à studioso videndus.

XII. Eamdem mysticam expositionem sequitur S. Thomas in cap. 21. Joann. Lect. 5., qui addit, quoddam secundum Chrysostomum legitur sic, „Sic eum volo manere, idèst remanere in Judæa, & in hac terra ad prædicandum, & te volo me sequi habendo sollicitudinem totius Orbis, & patièdo pro me & hoc, donec veniam, ad delendum Judæos.... Nam sicut habetur in historiis, Joannes non recessit de Judæa usque ad tempus, quo Vespasianus venit in Judæam cepit Jerusalem, & tunc inde discedens venit in Asiam. Vel secundum Hieronymum, Tu me sequere, per passionem (& sic) idèst Joannem, volo manere, absque passione Martyrii & mortis (donec veniam) ad vocandum eum ad me, ut supra cap. 14. Iterum veniam & accipiam vos ad me ipsum. Hæ probabiles expositiones sunt, dummodò S. Joannem mortuum esse, firmiter teneatur.

## §. VIII.

*De S. Joanne aliqua pro complementto.*

- I. S. Joannis diem Festum Ecclesia Latina peragit die 27. Decembris, & quidem multis abhinc seculis. Nam in Martyrol. S. Hieronymi & in Sacramentario S. Gregorii eandem

dem die notatur, sicut & in Martyrologiis Ufuardi, Bedæ, Adonis, & Romano. Græci verò in Menologio Cardinalis Sirletidie 16. Septembris hæc habent: *Migratio Sancti gloriosi & celebris Apostoli & Evangelistæ Joannis cognomento Theologi.* In Menologio autem Basilii eadem die præter alia habent hæc: *Domini autem die cum Fratres magna Dei opera docuisset, cisque, ut quæ edociti à se fuerant, observarent, præcepisset, imperavit Discipulo, ut assumtis hominibus, & quæ ad sudiendum opus essent, paratis instrumentis, se consequeretur; abiitque in quemdam locum, jussitque egesta altè terrâ, forsan in Crucis figuram effudere. Mox oravit & dixit: Pax vobis Fratres: & in fovea sese composuit; quo aperto Discipuli discessere. Verùm paulò post regressi, visendi eum studio, nequaquam invenerunt.* Quibus suam opinionem confirmant, quòd S. Joannes in sepulchro non manserit, sed paulò post aliò translatus fuerit; de qua supra.

II. Græci, ut vidimus, S. Joannem Evangelistam *Theologi* nomine exornant. Athanasius etiam in Synopsi, Cyrillus Hierosolym. Catech. 12., Gregorius Nyssenus in S. Theodorum, Isidorus Pelusiota L. 3. Epist., Ephræm Syrus patim, & alii, imò & ipsum Concilium Ephesinum. Sed quare hoc titulum eum distinguant, non dicunt. Sanè cum Theologus græcè idem sit ac sermonem faciens de Deo ac de Divinis, cui magis quàm Joanni Theologi nomen aptari poterat, qui Divinorum cognitionem è Christi pectore ebit, eamque tam salubriter edocuit in suo Evangelio, ubi de Verbo Dei tam altè differit, & in Apocalypsi tot & tam profunda mysteria manifestavit? Errant ergo quidam Antiqui, qui Apocalypsim Joanni Theologo tribuentes, eam Joanni Apostolo & Evangelistæ eripiebant.

III. S. Joannis tunicam tempore S. Gregorii, imò ipso petente, delatam fuisse Romam à quodam vicinæ Urbis Episcopo, penes quem illa asservabatur, testis est S. Gregorius L. 3. Epist. Ep. 3. ad Joann. Abbatem his verbis: *De Tunica verò S. Joannis omninò gràtè suscepi, quia sollicitus fui mihi indicare. Sed studeat dilectio tua mihi ipsam tunicam, aut quod melius est, eundem Episcopum, qui eam habet, cum Clericis suis, & cum ipsa ad me transmittere, quatenus & benedictione Tunica perfruamur, & de eodem Episcopo, vel Clericis mercedem habere valeamus.* Eam porò fuisse S. Joannis Evangelistæ Tunicam, & positam Romæ in Basilica Constantiniana (idest Lateranensi) & pluribus coruscasse miraculis, narrat circa annum 875. Joannes Diaconus in Vita Sancti Gregorii L. 3. cap. 59. Quam in eadem Basilica sub Altari Majori, in quo à S. Gregorio creditur reposita, summâ

vereneratione adhuc custodiri, antiqua fert Traditio. Undè Romanus Populus, in necessitatibus ad eam venerandam confluentibus, intercessione S. Apostoli plurima beneficia expertus est.

IV. Polycrates Epheſiorum Episcopus apud Euseb. L. 5. hist. cap. 24., & S. Hieronymus de Script. Eccles. cap. 45. scribit, quòd Joannes, qui supra pectus Domini recubuit, & Pontifex ejus fuit, auream laminam in fronte portabat. Hoc erat honoris insigne, quod antiqui Episcopi gestare solebant ad imitationem Summi Pontificis Judæorum, qui auream in fronte laminam gerebat inscriptam: *Kodesch-la-ſheboab*, idest *Sanctum Domino*, quæ sericâ fasciâ fronti alligabatur.

V. Non est incredibile quod S. Epiphanius hæres. 30. c. 24. narrat, S. Joannem singulare & admirabile vitæ institutum servasse, eandemque vivendi regulam, quam S. Jacobus Minor tenuisse, videlicet capillos totondisse nunquam, balnea non frequentasse: quod si, ut dixi, balneum intravit Epheſi, non ut se lavaret, hoc fecit, sed ut Cerinthum, qui Intus erat, fugiendum esse, Discipulis suis demonstraret. Cujusquam animalis carnes numquam comedisſe, nec nisi unam tunicam & unum pallium lineum habuisse. In Joanne seculum Apostolorum terminum habuit. Plures Discipulos reliquit, inter quos præcipui fuere S. Ignatius S. Polycarpus, ille Episcopus Antiochenus Smyrnenſis iste, & Papias Hierapolitanus Antistes.

VI. His, quæ diximus de austeritate vitæ, quam tenuit S. Joannes, non videtur congruere quod narrat Cassianus Collat. 24. cap. 21., quòd interdum blandiendò pernici solamen caperet: quod facientem cum quidam, qui ad eum venerat ductus publicâ Viri ad eò celebris famâ, vidisset, admiratione, ne dixerim scandalo correptus, quòd Vir, cujus virtus per omnium ora spargebatur, ad actionem ad eò vilem ac puerilem sese dimitteret, Joannes ei responderit hâc similitudine: quòd sicut arcus continuò tensus, nisi aliquando laxetur, facile frangitur: sic oportere, ut spiritui aliqua relaxatio permittatur, ne quasi spiritualibus actionibus continuò debilitatus, & quasi fractus, redatur ineptus ad alia necessaria, vi ac vigore assumenda & exercenda. Videtur, inquam, hoc factum non congruere ideæ, quam de serietate & gravitate vitæ hujus Apostoli omnes concipiunt: ideòque nec Cassianus ipse hoc tanquam certum, aut à probato Auctore acceptum narrat, sed potius ut incertiâ vulgi famâ sparsum proponit, dicens *Fertur*.

VII. Duæ S. Joannis post obitum apparitiones referuntur. Una circa annum 344. Cum enim S. Gregorius Thaumaturgus Ec-



Ecclesiæ Neocæsariensis præfectus fuisset: & ut refert Baronius ad annum 333. n. 15., cum ipse olim Origenis auditor fuisset, illumque dixisse atque scripsisse nonnulla meminisset, quæ à communi aliorum Christianorum Orthodoxorum sententia discrepant: & cum, ministerio Episcopatus quod susceperat exposcente, sciret sibi onus incumbere Evangelicam Veritatem sibi subditis annuntiare, mente anxius, quâ potissimum incederet viâ, & ambiguus diù multumque versatus est. Sed per mirificum quemdam visum, quem ibi Baronius ex Nysseno de Vita Gregorii Thaum. refert, omnis ab eo dubitatio sublata, & vera, quam traderet, doctrina ostensa est. Apparuit ergo ei Beata Virgo, & S. Joannes Evangelista, qui eandem S. Virgine rogante eum docuit Fidei Regulam, quam tutò prædicaret. Hanc Catholicæ Fidei Regulam, inquit Baron. n. 19., Gregorio divinitus impertitam tum Orientalis tum Occidentalis Ecclesiæ cognitam comprobavit, atque ut sacrosanctum depositum cœlitus collatum religiosissimè custodivit. Habetur, eandem quarto seculo desinente manu ipsius Gregorii scriptam adhuc extasse, rursus in quinta Synodo Œcumenica recitatam; & citatam ab Apocrysaïis Gregorii Papæ IX. adversus Germanum Juniorem Episcopum Constantinopolitanum in eam sententiam, quòd Spiritus Sanctus à Patre Filioque procedit. Regula illa Fidei, quam ex Nysseno refert Baronius num. 18., tota est in exponendo Trinitatis Mysterio, & Verbi Generatione, ideòque Joanne Evangelista verè digna.

VIII. Altera Joannis apparitio simul cum S. Philippo Apostolo refertur à Theodorito L. 5. cap. 24., facta Theodosio Seniori Imperatori, quâ ambo Apostoli victoriam contra Eugenium tyrannum polliciti sunt, quod demonstravit eventus. Hoc ex Theodorito per extensum narrat Baronius ad annum 394. a. n. 9. ubi etiam ostendit numisma, utriusque Apostoli effigiem ex una parte, ex alia Theodosii referens.

IX. Auctoritate S. Joannis Evangelistæ plures abusi fuere, sub ejus nomine falsa scripta spargentes. Ebionitæ Librum de itineribus ab ipso factis ei tribuerunt, qui fortè idem est ac ille dictus: *Acta S. Joannis*, quo tum Eucratitæ, tum Manichæi, tum Priscilianistæ utebantur; ejus legitimus auctor creditur fuisse Leutius, homo solitus similes libros falsos & impios componere, & sub alterius nomine ad fidem eis conciliandam evulgare. Hinc Gelasius Papa in decreto de libris apocryphis, ait: *Libri omnes, quos fecit Leutius Iohannis filius David, apocryphi*. Et ante ipsum Innocentius l. ad Exuperium Epist. 3. *Cetera*, in-

inquit, *quæ sub nomine Matthiæ, sive Jacobi Minoris, vel sub nomine Petri & Joannis, quæ à quodam Leutio scripta sunt, vel sub nomine Andree, quæ à Nexocharide & Leonide Philosophis, & sub nomine Thomæ, & si quæ sunt alia, non solum repudianda, verum etiam noveris esse damnanda*, Et S. Augustinus L. 2. de Actis cum Felice Manichæo cap. 6. memorat Acta à Leutio scripta, quæ tanquam Actus Apostolorum scripsit. Fuisse autem Leutium Sectâ Manichæum, S. Augustinus, seu Evodius L. de Fide contra Manichæos cap. 4. & 38. testatur. Cæterum longè autem tempora Manetis hæresiarchæ, ab ipsis ferè Apostolorum temporibus falsa Apostolorum Acta, Joanni tributa, fuisse scripta credibile est.

X. Refert etiam Sixtus Senensis L. 2. Biblioth. verbo *Joannis*, præter præfata Acta à Manichæis S. Joanni tributa, proferri à quibusdam librum quemdam de Transitu & Assumptione Beatæ Mariæ sub nomine S. Joannis Evangelistæ. Sed hujus operis vanitatem arguit Augustinus ( seu quisquis sit alius ) Serm. 35. de Sanctis ( modò in Appendice 208. ) dicens : *Sed nec invenitur apud Latinos aliquis Tractatorum de Mariæ morte quippiam dixisse apertè . . . sed quid de his dico, cùm nec ipse, qui hanc accepit aut Crucem Domini in sua, idest, Joannes Evangelista, de hoc posteris aliquid retinendum, scripsit mandaverit ? Nullus enim hoc fidelius narrare potuit, si illud Deus manifestari voluisset, quàm ille utique qui hanc nutriendam suscepit, nec contra morem filius matrem reliquit. Restat ergo, ut homo mendaciter non fugat apertum, quod Deus voluit manere occultum.*

Inter Liturgias etiam, quibus Æthiopes seu Abassini utuntur, una est, ut refert Cardin. Bona Rerum Liturgic. L. 1. c. 9., quam vocant S. Joannis Evangelistæ. Sed hoc absque fundamento dictum, ut apocryphum rejiciendum est.

XI. Pro complemento quæri potest, cur Christus, qui amore aded speciali S. Joannem prosequeretur, illi ut sui Vicario oves & agnos suos pascendos non commisit, sed Petro ?

S. Hieronymus L. 1. adv. Jovin. postquam dixit, quòd Christus supra Petrum fundavit Ecclesiam, & in Petro unum Caput constituit, ait : *Sed cur non Joannes electus est Virgo ? Respondet : Etati delatum est ; quia Petrus senior erat : ne adhuc adolescens ac penè puer progressa ætatis hominibus præferretur, & Magister bonus, qui occasionem jurgii debuerat auferre Discipulis . . . in Adolescentem, quem dilexerat, causam præbere videretur invidia.* S. Thomas autem Quolib. 4. à 15. assert pro ratione, quòd licet Joannes esset maxime idoneus, quia tamen consan-

gui-

guineus erat ei secundum carnem , idè prætulit ei Petrum in regimine Ecclesiæ . Quod tamen non ita stricte (ut dicit ibi Sanctus Doctor ) intelligendum est , ut non liceat consanguineo æquè idoneo Ecclesiæ curam committere , sed quia licet idoneus esset Joannes , magis tamen idoneum judicavit Petrum : fortè quia licet Joannes esset in sapientia sublimior , Petrus tamen erat in amore ferventior , ut insinuat Chrysost. hom.86. alias 87. in Joann. Idèoque post trinam interrogationem , an diligeret eum plus cæteris , constituit Petrum Ecclesiæ vice sui Pastorem : *Pasce* &c. Sed hæc curiosè inquirenda non sunt . Christus Petro præ Joanne Ecclesiæ suæ curam commisit : ergo justo ac sapienti consilio hoc fecit .

## CAPUT VI.

## De Sancto Thoma Apostolo .

## §. I.

*Quid de eo Evangelium .*

I. **A**postolus iste duplici nomine in Evangelio exprimitur : & vocatur *Thomas* hebraicè , & græcè *Didymus* , quæ duo nomina synonyma sunt ; significant enim gemellum . Nam sicut primus Apostolorum vocatur *Cephas* & *Petrus* , utroque nomine idem significante , nempe *Petram* : ita iste dicebatur *Thomas* & *Didymus* , & utrumque significat geminum seu gemellum . Alterum nomen nimirum *Judæ* ei tribuit Eusebius L.1. hist. cap.13. , ubi ait : *Post Ascensum Jesu Christi Judas , qui etiam Thomas dictus est , Thaddæum Apostolum , unum de septuaginta ad Abgarum misit .* Ait tamen Valesius in Notis ad dictum Caput . , Thomas quidem fuit unus ex duodecim , dicebatur Didymus teste Joanne Evangelista Joan.11. & 20. , sed eundem & Judam esse cognominatum , alibi quod sciam non reperitur . Nisi fortè hunc errorem Eusebii esse dicamus , qui Thomæ cognomentum attribuerit , quod tribuendum , erat Thaddæo . Certè Thaddæus Apostolus alio nomine dictus est Judas .

II. S. Thomæ originem quamvis Evangelium non exprimat , sicut nec ejus vocationem , è Galilæa tamen eam , sicut & cæteros Apostolos , traxisse , par est credere : ex quo tamen Galilæa loco , sicut & quando , & quomodò à Christo vocatus sit ,

res

res in obscuro est. Prima ejus mentio fit in enumeratione eorum, quos Christus duodecim elegit, & Apostolos nominavit Matth. 10. v. 3., Marci 3. v. 18., & Lucæ 6. v. 15. Apostolus ergo anno 31. designatus tribus prædicationis annis Christo comes adhæsit. Ejus tamen Gesta usque ad annum 33. nos latent. Solum paulò ante passionem Christi, cum idem Christus in Bethaniam ad suscitandum Lazarum se contulisset & dixisset: *Lazarus mortuus est . . . eamus ad eum*, Joann. 11. v. 16. de ipso hæc habentur: *Dixit ergo Thomas, qui dicitur Didymus, ad Condiscipulos: Eamus & nos, ut moriamur cum eo*. Nempè, vel cum Lazaro vel cum Christo. Utraque enim expositio probabilis est. Quæ verba, inquit S. Thomas in cap. 11. Joan. Lect. 3. indicare possunt vel affectum dubitantis, vel affectum diligentis. Primo modo ea exponit Chrysostomus: *Nam omnes Discipuli timebant Judæos, & Super alios Thomas. Nam ante passionem infirmior erat aliis & infidelior . . . Unde ex hac dubietate dicit ad Condiscipulos: „Eamus & nos, & moriamur cum illo,, quasi dicat: Iste non timet mortem, penitus vult ire, se & nos volens tradere morti. Secundo modo exponit Augustinus. Thomas enim & alii Discipuli ita Christum amabant, ut vel cum eo præsentem vivere, vel cum eo morti vellent, ne post mortem deserti iterum inconsolati remanerent. Unde ex hoc affectu Thomas dicit ad Condiscipulos „Eamus & nos &c., quasi dicat: ire vult: periculum mortis ei imminet. Nunquid & nos remanebimus, ut vivamus? Absit. Sed eamus & moriamur cum illo. Ita S. Thomas.*

III. Sollicitus Thomas sciendi, quò Christus iturus esset, cum Joan. 14. post Cœnam loquens de suo discessu, eosque invitans, ut eum quò ipse iret sequerentur, dixit: *Quò ego vado scitis, & viam scitis*: respondet S. Thomas v. 5.: *Domine, nescimus quò vadis: & quomodo possumus viam scire*? Augustinus Tract. 69. in Joan. supponens, Thomam ore omnium locutum, miratur & dicit: *Utrumque illos Dominus dixerat scire, utrumque dicit ille nescire, & locum quò itur, & viam quà iur. Sed nescit ille mentiri: ergo illi sciebant, & scire se nesciebant. Convincent eos jam scire, quod se putant adhuc usque nescire,, Dicit ei Jesus: Ego sum Via & Veritas & Vita,,. Quid est, Fratres? Ecce audivimus Discipulum interrogantem, audivimus & Magistrum docentem: & nondum capimus etiam post vocem sonantem sententiam latitantem? Sed quid non possumus capere? Numquid poterant ei dicere Apostoli ejus, cum quibus loquebatur: nescimus? e? Proinde si eum sciebant, & Via ipse est, Viam sciebant: si eum sciebant, & Veritas ipse est, Veritatem sciebant: si eum sciebant, & Vita ipse est, Vitam sciebant.*

*bant. Ecce scire convicti sunt, quod se scire nesciebant. Ita peracutè S. Augustinus. S. Chrysostomus hic hom. 73. aliàs 72. laudat Thomæ reverentiam & timorem, & ait: Vide, quàm reverenter. Non enim dixit: Dic nobis locum; sed, nescimus quò vadis, hoc enim jam olim omnes discere cupiebant.*

IV. Porro quod Thomam celebrem reddidit & singularem, fuit ejus post infidelitatem Fides, ac Fidei confessio. Cùm enim Christus Apostolis post Resurrectionem spectandum se, absente Thomâ, exhibuisset: Ille (Joan. 20. v. 25.) Fratrum testimonio numquam fidem suam præbiturum professus est, nisi nedum oculis, sed & manibus suis vulnus lateris & manuum ac pedum tædæ explorasset: *Nisi videro in manibus ejus fixuram clavorum, & mittam digitum meum in locum clavorum, & mittam manum meam in latus ejus, non credam.* Conscius Jesus incredulitatis Thomæ, volensque eam tollere, post dies octo Apostolis præsentem Thomâ iterum apparens, ei se videndum præbuit, simulque ejus incredulitatem increpans: *Insper, inquit, digitum tuum huc, & vide manus meas, & asser manum tuam, & mitte in latus meum: & noli esse incredulus, sed fidelis.* Confusus ille, omni hæsitatione depositâ, v. 28. respondit & dixit ei: *Dominus meus & Deus meus.* Cui Jesus: *Quis vidisti me, Thoma, credidisti: Beati qui non viderunt & crediderunt.* In hoc tamen singularis est S. Gaudentius, qui Serm. 17. Thomæ desiderium videndi Christum, amoris, non incredulitatis fuisse putans: *Tertius, inquit, Beatus Thomas, qui post Resurrectionem Christi solus desideravit, solusque obtinuit, ut membra Christi curiosis quidem, sed utique dignis manibus contreretaret. Ardentis siquidem desiderii fuit illud, non incredulitatis, quòd Condiscipulis suis, qui ipso absente Dominum viderant, ait: „Nisi videro & contrèclavero, non credam. Erat enim valde anxius, ne non & oculis frueretur eo quod corde credebatur, ne privaretur aspectu illius lucis, quâ se ceteri Apostoli illuminatos gloriabantur.* Pia quidem & favorabilis Apostolo est ista expositio, sed communiori Patrum contraria; imò nec consona videtur sive petitioni Thomæ, sive responso Christi. Ideò cum pluribus sentiendum puto, ex Incredulitate hoc processisse: quam tamen Christus dignatus fuit ex sua pietate sustinere, & ut ex hoc etiam veritas suæ Resurrectionis magis confirmaretur.

V. In hoc facto plura considerarunt Patres. Origenes L. 2. contra Celsum existimavit, Thomam non discredidisse, Jesum fuisse oculis corporalibus visum, ut Mulieres narraverant, eo modo, quo anima videri potest; discredidisse tamen, animam fuisse vitam in eodem corpore, quod prius habebat: idèdque

Tom. V.

Vv

non

non contentus videndi tantum dixit, se velle etiam tangere. Ita Origenes dicens: *Fidem tamen habebat is mulieri se vidisse narranti: neque enim dubitabat, quin anima mortui conspici posset: sed sibi in animum inducere non poterat, eum verè surrexisse eo corpore, quod priori simile esset. Hinc est, quòd non dixerit solummodò, „ Nisi videro, non credam, sed addiderit, „ Nisi mittam manum meam in locum clavorum, & contrectem latus ejus, non credam, „. Quæ quidem Thomas dixit, quia existimavit corporis oculis conspicabile fieri corpus animæ, quæ priorem formam omnino referret.*

VI. An verò Thomas non solum viderit, sed & de facto manu palpaverit manus, pedes, & latus Jesu, communiter affirmare videatur Patres. S. Augustinus Serm. 258. dicit: *Ubi tetigit, exclamavit, Dominus meus & Deus meus, „: Hominem tetigit, Deum cognovit: & tetigit carnem, respexit ad Verbum, quia Verbum caro factum est &c. Idem asserit Tract. 121. in Joann. quamvis oppositum non excludat: Videbat, inquit, tangebaturque hominem, & confitebatur Deum, quem non videbat neque tangebatur, sed per hoc quod videbat atque tangebatur, illud jam remotà dubitatione credebatur. „ Dicit ei Jesus Quia vidisti me, credidisti: „ Non ait, tetigisti me: sed vidisti me: Quoniam generalis quodammodò sensus est visus. Num & per alios quatuor sensus nominari solent: velut cum dicimus: Audi, & vide, quàm benè sonet: olfa, & vide, quàm benè oleat: gusta & vide, quàm benè sapiat: tange & vide, quàm benè caleat. . . . Unde & hic ipse Dominus, „ Inquit, digitum tuum huc, & vide manus meas, quid aliud ait, quam tange & vide? Nec tamen oculos ille habebat in digito: erga se intuendo sive etiam tangendo „ Quia vidisti me, inquit, credidisti „.*

Quamvis dici possit, non ausum fuisse Discipulum tangere, cum se offerret ille tangendum: non enim scriptum est, & tetigit Thomas. Sed sive aspiciendo tantum, sive etiam tangendo viderit & crediderit, illud quod sequitur magis Gentium fidem prædicat atque commendat, Beati qui non viderunt & crediderunt, „. Præteriti temporis usus est verbis tanquam ille, qui quod erat futurum, in sua novata prædestinatione jam factum. Ita Augustinus.

VII. Thomæ dubitatio utilior nobis fuit, quàm aliorum Discipulorum fides promta: quia de Christi Resurrectione argumentum, ut ita dicam, palpabile donavit. Quare S. Gregorius hom. 26. in Evang.: *Non hoc, inquit, casu, sed Divinâ dispensatione factum est. Egredere namque miro modo superna Clementia, ut Discipulus ille dubitans, dum in Magistro suo vulnera palparet*

car-

*carnis, in nobis vulnera sanaret Infidelitatis. Plus enim nobis Thomæ infidelitas ad fidem, quam fides credentium Discipulorum profuit: quia dum ille ad fidem palpando reducitur, nostra mens omni dubitatione postposita in fide solidatur. Et infra: Dum ergo vidis Thomas, dum palpavit, cur ei dicitur, „Quia vidisti me credidisti, Sed aliud vidit, aliud credidit. A mortali quippe homine Divinitas videri non potuit. Hominem ergo vidit, & Deum confessus est, dicens: Dominus meus & Deus meus, Videndo ergo credidit, qui considerando verum hominem, hunc Deum, quem videre non poterat, exclamavit. Sic unicâ confessione & fidem Resurrectionis & Divinitatis asseruit: & homo planè rudis, nec Dialecticæ aut Philosophiæ subtilitatibus instructus, in una Christi Personæ naturam hominis & Dei lumine Gratiæ illustratus agnoscens, omnes postea hæreses, & præcipuè Nestorii orituræ præfocavit.*

VIII. De S. Thoma nil aliud ultra in Evangelio habemus, nisi quòd Joan. 21. v. 2. & 12. post aliquot dies cum ipse unâ cum aliis Apostolis ivisset ad piscandum, apparuit eis Jesus in litore, & cum eo pranderunt. Et Act. 1. v. 13. ubi post Ascensionem Domini inter Apostolos, qui à Monte Oliveti reversi introierunt in Cœnaculum Adventum Sancti Spiritus expectantes ac deprecantes, recensetur Thomas. Reliqua de isto Apostolo ex Traditione sumenda sunt.

## §. II.

*S. Thomæ Prædicatio, Obitus &c.*

1. **I**N distributione Orbis Terrarum, quæ cuique ex Apostolis designati sunt Populi & Provinciæ Evangelii prædicatione imbuendæ, de qua Baronius ad annum 44. num. 33., S. Thomæ Parthos contigisse, antiqua Traditio fuit. Sic Origenes L. 3. in Genes. apud Eusebium L. 3. hist. cap. 1. his verbis: *Et Thomas quidem, ut à Majoribus traditum accepimus, Parthiam sortitus est.* Addit Theodoritus cum aliis L. 3. de Verit. Evang. (apud Baron.) Parthos, Persas, Medos, Brachmanes, Bactrianos, aliasque finitimas Nationes Parthorum imperio subjectas vel finitimas, ab ipso Veritatem Evangelicam suscepisse. Ad Taprobanam quoque Insulam pervenisse, scribit, Nicephorus L. 2. c. 40. quia tamen addit quædam apocrypha de Thoma ad longè politos Populos abire detrectante, & Christo illi apparente, ideo fidem suspendo. Auctor Oper. Imperf. in Matth. hom. 2. putat, eum pervenisse ad Regionem, unde venerant Magi adoratores,

V v 2

Chri-

Christi, eos baptizasse, & adutores in Evangelio habuisse, his verbis: *Cum post Resurrectionem Domini Thomas Apostolus isset in Provinciam illam, adjuncti sunt ei & baptizati ab eo, facti sunt adutores predicationis ejus.*

II. Etiam ad Indos penetrasse, affirmant Gregorius Nazianzenus Orat. 25., ubi recensens Regiones, in quibus singuli Apostoli prædicarunt, ait: *Thomas cum India, S. Paulinus Carmine 25. modò 27.*

*Parthia Matthæum completitur, India Thomam.*

S. Hieronymus Epist. 148., S. Ambrosius in Psal. 45., & alii. An verò S. Thomas ad veros Indos, ut à nobis appellantur, penetraverit, sicut ad veros Æthiopes; dubitant aliqui. Putant enim Indiæ nomen ab Antiquis tributum fuisse cuicumque Provinciæ extra Fines Romani Imperii positæ ex parte Orientali & Meridionali, in quo sensu Parthi etiam sub Indorum nomine comprehendi possunt. Id quod augeat dubium est, quia Theodorus L. 1. hæret. fabul. cap. 26. asserit, quemdam Thomam Manichæi Discipulum ad Indos perrexisse, eis mendacia sui Magistri sub fuce nominis Jesu Christi propinando: estò autem istemalè acceptus inde discesserit, fortè tamen illuc rediit: ex quo fortè dubitari posset, Thomam Manichæi Discipulum cum Thoma Discipulo Jesu Christi ex deceptione confusum fuisse. Sed me hoc non movet: non enim prudenter credi potest, præfatos Patres, qui S. Thomam Apostolum Indis prædicasse, affirmarunt, hoc turpi æquivoco laborasse; ut Thomam Manichæum pro Thoma Apostolo fumerent. Sed de hoc infra cum de loco, in quo S. Thomas obiit, sermo erit.

III. Autumarunt aliqui (tom. 2. Comm. Synopsium, Kirchee Sina illustrata &c.) S. Thomam inter cæteras Regionem etiam Sinicam prædicatione excurrisse, moti auctoritate Breviarii Syriaci hæc habentis: *Per S. Thomam error & idololatria dissipati sunt apud Indos. Per S. Thomam Sina & Æthiopes in agnitionem veritatis conversi sunt. Per S. Thomam Regnum Cælorum advolvit, & ascendit usque ad Sinas.* Ex hac Regione divertisse creditur ad Indos, ubi Martyrium consummavit, ut infra dicam. Accedunt duo Arabes, quorum Itinerarium recens Paritis vulgatum est, dicentes, Reges Sinarum agnovisse aliquid de Christo & Apostolis, & in itinere se pertrantisse Bezomnam, idest Ecclesiam S. Thomæ. Sed quamvis non diffitear, Religionis Christianæ notitiam vetustissimam esse apud Sinas, non tamen ab aliquo Apostolorum eam accepisse crediderim. Neque oppositum evincit quædam inscriptio detecta anno 1628. in Urbe Si-



Siganfū Metropoli Provinciae Kensi, in qua descripta legitur Vita Salvatoris, & prædicatio Evangelii à priscis Patribus. Nam illa inscriptio anno Christi 780. sculpta fuit, ideòque non probat, Evangelium ad Sinas per Apostolos pervenisse, sed potius anno 636. ideòque anno 134. ante sculptum illud monumentum, & ab aliquo 600. annis S. Thoma posteriore. Ita sentiunt plures. Sed quis fuerit qui primò Sinis Christum annuntiaverit, nulla certa fert Traditio.

IV. S. Joannes Chrysostomus hom. 61. modò. 62. in Joandicit, quòd S. Thomas, qui antea omnium infirmissimus apparerebat inter Apostolos, indulgentià & gratià Christi omnium fortissimus tantique animi postea evaserit, ut totum ferè Orbem percurreret, & in iis maximè Regionibus, ubi homines ferocissimi eum quærebant ad necem, moram traxerit. Verba ejus sunt: *Omnes itaque Judæorum impetum formidabant, omnium maximè Thomas, idèd dixit, Eamus, ut & nos moriamur cum eo.* Quidam verò dicunt, ipsum mori optasse. Sed non ita res est: nam potius ex timore loquebatur: sed non increpatus fuit. Ejus enim infirmitatem adhuc tolerabat. Demum certè is omnium fortissimus effectus est & insuperabilis. Nam quod admiratione dignum est, is, quem ante Crucem ita infirmum vidimus, post Crucem & post Resurrectionis fidem serventissimam omnium conspiciamus. Tanta est Christo virtus. Nam qui cum Christo Bethaniam ire non audebat, hic Christo non præsentem Orbem ferè percurrit, in mediis Populis versabatur sanguinariis, qui illum interficere quærebant.

V. Ejus tamen particularia Gesta in suo Apostolatu nos latent. Terebatur apud Manichæos tempore S. Augustini quadam narratio, quam ipse refert L. 1. de Serm. Domini in Monte cap. 30. L. 22. contra Faust. cap. 69., & L. contra Adimantum Manich. his verbis: *Ipsi autem (Manichæi) legunt Scripturas apocryphas, quas incorruptissimas esse dicunt; ubi scriptum est, Apostolum Thomam maledixisse homini, à quo per imprudentiam palmā percussus est, ignorante quis esset, maledictum illud continud venisse ad effectum. Nam cum ille homo, quoniam Minister convivii erat, ut apportaret aquam, exisset ad fontem, à Leone occisus & dilaniatus est. Quod ut manifestaretur ad aliorum terrorem, canis manum ejus intulit mensis, ubi convivebatur Apostolus; atque ita cum canis quæreretur à nescientibus, eisque panderetur, in magnum timorem & magnum h. morem Apostoli eos esse conversos, atque hinc Evangelii exordium commendandi exitiisse.* Hæc apocrypha narratio. Quamvis autem subjiciat ibi Augustinus, in illa eadem Scriptura legi, quòd deprecatus fuerit Apostolus pro illo, in quena

tum-

*temporaliter vindicatum est, ut ei parceretur in futuro Iudicio; eam tamen narrationem inter fabulas Manichæorum recensendam puto, quia indignam Apostolo: qui potius debuisset percutienti unam maxillam, juxta monitum Christi, præbere alteram; & rursus à temporali vindicta commendatum fuisse exordium Evangelii, credibile non videtur.*

VI. Annus, quo vitam suam exitu coronavit S. Thomas, incertus est. Baronius putat fuisse annum Christi circiter 78. Nilus apud Photium Cod. 276. censet, fuisse post annum mortis Pauli, quem tamen ab anno mortis Petri falsò distinguit: sic enim ait: *Stephanus tanquam ramus ab Ecclesia excisus est, & alius palmes Martyrium postulavit. Jacobus & Petrus amputati sunt: alius rursùm Martyr enascitur: quo exciso alium rursùm uberem palmitem radix protulit. Vindemiâ decerptus est Paulus, & alius racemus Martyrio maturescens Thomas apparnit: & undique radin vindemiata fructum tulit uberiores, & germen durabilius, quàm qui vindemiarunt. Etenim qui absciderunt, paulatim arescentes extincti sunt. Ecclesia verò fructibus omni tempore onusta suis terræ suis plantis comprehendit.* Ita Nilus. Martyrio vitam clausisse, quamvis Clemens Alexandrinus L.4. Stromat. ex Heraclione hæretico Valentiniano referat, S. Thomam Martyrem non obliisse, communis tamen sententia Patrum oppositum tenet, ut Nilus supra relatus, Theodorus de curandis Græc. Affectionibus L.8., S. Asterius Orat. 10., S. Gaudentius Serm. 17., & Martyrologia Latinorum Græcorumque Menologia infra referenda.

VII. Quoad locum Martyrii, Regionem fuisse Indiam, Urbem verò Calaminam sentiunt multi. Fuisse Indiam, scribunt SS. Gaudentius Serm. 17., Gregorius Turonensis de Glor. Martyr. cap. 32., asserens, in antiquioribus Martyrol. hoc haberi. Ita Græci in Menologio Sirleti die 6. Octobris his verbis: *Natalis S. gloriosi Apostoli Thomæ. Hic cum Medis, Parthis, Persis, & Indis Verbum Dei prædicasset, in custodiam injicitur à Rege Smidæo, propterea quòd ejus operâ crediderant, & baptizati fuerant Vazanes filius, & uxor nomine Tertia, & Migdonia & Narce: quapropter quinque militibus traditur, qui ad montem quemdam ductum vulnerarunt. Idem in Menologio Basilii eadem die, ubi dicitur: Obsigit Sancto Thomæ Indorum Regio, ubi Christum prædicavit. Cùm autem ad Christi fidem uxorem Regis Indorum, ejusque filium convertisset, desertur ad Regem, qui Thomam in carcerem cum aliis vivis detrudi jussit. Corruptis autem pecuniâ militibus, Regis filius cum matre atque aliis non paucis carcerem ingressi*

gressi, ab eo baptizati sunt; & post idoneum tempus ordinati suere ex his Presbyteri & Diaconi, qui in nomine Christi docebant. Quod ubi Rex intellexit, iratus, eductum è carcere Apostolum, & militibus traditum iussit occidi. Abductum itaque Sanctum in montem, lanceâ transverberatum, interfecerunt. Die autem 30. Junii, ubi fit Commemoratio omnium Apostolorum, de Thoma sic dicitur: Thomas Didymus ab Iudis lanceis confusus.

VIII. Urbs Indiæ, in qua S. Thomas passus fuit, Calamina fuisse creditur. Ita Martyrol. Rom. die 21. Decembris: *Calamina natalis beati Thomæ Apostoli, qui Partbis, Medis, Persis, Hyrcanis, & Brachmanis Evangelium predicavit, ac demum in Indiam pervenit, cum eos Populos in Christiana Religione instruxisset, Regis iussu lanceis transfixus occubuit. Idem sentit Sophronius cap. 8. Hanc Urbem olim Calaminam dictam, eandem esse quæ modò Malapur vocatur, censent Recentiores, præsertim Lusitani: moti ex quadam antiqua inscriptione & effigie ibi reperta, nimirum ejusdem Apostoli ad pedes Crucis lanceâ transixi. In hac re placet referre, quæ Osorius Silvensis Episcopus & rerum Indicarum accuratus Scriptor apud Baronium ad ann. 57. num. 113. narrat, videlicet: In eadem Civitate, quam diximus appellari Malipurem, & nunc postquam à Lusitanis frequentari cepit, S. Thomæ Civitas appellatur, erat in colle Sacellum ædificatum, eò quòd affirmarent Incolæ, eo in loco Thomam fuisse a Religionis hostibus interentum. Erat autem hoc solemnius institutum, ut in eo Sacello octo diebus ante diem Natalem Christi res Divina fieret, & omnes Christiani in eo convenirent. Fuerat quoque ante quatuordecim annos in illo colle inventa Crux in lapide incisa, in cujus fastigio Columba imago insidebat: basis verò erat in specie quadam verbarum, quæ diffundi latissimè videbantur, collocata; & tam fastigium quàm basis & brachia in liliorum formam desinebant. Arcus tam ex eodem lapide sacris nudique muniebat. In arcu erant incisæ litteræ, quas nemo legere poterat. Totum hoc opus integrum, quod erat satis magnum, fuit super Altare ejusdem Sacelli multorum operis statutum. In Cruce eminebant notæ sanguinis insignes.*

IX. Deinde narrato miraculo, quod in illa Cruce contigit, ex qua maculæ & humor sanguineus effluxere, quod apud Baronium citato loco num. 114. legi potest; procedit ad examinandum, quid exprimerent litteræ illæ in prædicto arcu incisæ. Accersito itaque Brachmane litteris & eruditione præstanti petunt, ut illas explicet; qui respondit litteras esse præscas, quibus antiqui Sapientes utebantur, sed earum cognitionem interitisse.

Ro-

Rogatus tamen, ut ascenderet super Altare, quo litteras illas propius dignosceret, primò renuit reverentiâ detentus: *Invitus tamen subiit, & litteras perlegit, quarum vim eam esse dixit, ut unus nota decem & quindecim & viginti litterarum officioungeretur. Sententia uerò litterarum in summa hæc erat:* „ Thomam Divi-  
 „ num Virum fuisse à Dei Filio, cujus erat Discipulus, in eas  
 „ oras Segami Regis tempore missum, ut Dei Summi notitia  
 „ Gentes illas erudiret: ibique Templum extruxisset, & res ad-  
 „ mirabiles effecisset; atque tandem cum genibus flexis ad Cru-  
 „ cem illam affixus orationem ad Deum funderet, à quodam  
 „ Brachmana fuisse hastâ transfixum: Crucem verò ejusdem  
 „ Viri sanctissimi cruore tinctam, ad memoriam virtutis illius  
 „ sempiternam relictam fuisse, . . *Hæc erat sententia, quæ litteris  
 „ continebatur. Fecit autem majorem fidem alius ejusdem Sectæ Vir  
 „ aliundè accersitus grandis admodum natu, & sapientiæ opinione  
 „ præstans, qui litteras in eandem sententiam interpretatus est.* Ha-  
 „ ælenus Oforius, qui addit, prædictæ Crucis exemplum in eo-  
 „ dem ligno, ex quo Templum ædificatum ferunt, inculptum  
 „ cum litteris multorum testimonio comprobatis apud se retinere.  
 „ Sanè ex hoc antiquo monumento colliguntur plura, nempe  
 „ & quòd S. Thomas in Civitate Malipurenſi (olim ut fertur Ca-  
 „ lamina) passus erit; & quòd tempore Apostolorum fuerit usus  
 „ erigendæ Crucis, & adorandæ, & usus etiam Altaris & sacrifi-  
 „ cii, quæ Novatores negant.

X. His non obstantibus, aliqui sibi persuadere non possunt, Meliapurem modò fuisse olim Calaminam, & quidem in Indiis, sed arbitrantur, fuisse potiùs Calamonam Arabiæ Urbem: cum probabilius sit S. Thomæ corpus, postea, ut dicemus, Edessam translatum, ex Urbe Arabiæ deportatum fuisse, quam è Meliapure in Indiis sita. Sed hæc opinio redditur singularis ex hoc, quòd ponit S. Thomam passum fuisse in Arabia, & non in India, quod nemo Antiquorum, quem viderim, hæcenus dixit.

XI. Hujus Apostoli venerandum Corpus ex India Edessam Mesopotamiæ Urbem fuisse postea translatum, Traditio est. Hujus Translationis memoriam ad diem 3. Julii referunt Martyrologia, Bedæ, Usuardi, Adonis, & Romanum his verbis: *Edeſſe in Mesopotamia Translatio Sancti Thomæ Apostoli ex India, cujus Reliquiæ Orthonam in Apulia postea translatae sunt.* S. Gregorius Turonensis L. de Glor. Mart. cap. 32. dicit, hanc Translationem ex India Edessam non statim factam fuisse, sed longo tempore in India æservatum Corpus, fuisse postea inde Edessam translatum, & ibi inhumatum. Quo tollitur difficultas, quæ

quæ aliquos premit, nimirum quomodo seculis illis Apostolicis, quibus Christiani in abscondito vivebant, potuerit defuncti Corpus tam longo itinere, quale est ab India Edessam asportari. Adeo notum & celebre erat temporibus S. Joannis Chrysostomi Corpus S. Thomæ Edessæ asservari, ut Hom. 26. in Epist. ad Hebr. dicat, notum esse & veneratione habitum sepulchrum S. Thomæ, sicut & Petri & Pauli Apostolorum. Unde Socrates Lib. 4. hist. cap. 18., & Sozomenus L. 6. cap. 18. asserunt, quod Edessæ aderat insignis Basilica sub Thomæ Apostoli nomine nuncupata. Testantur hoc etiam Ruffinus L. 2. cap. 5. & Venantius Fortunatus hoc versu

*Producens Thomam munus Edessæ pium.*

Unde concludit Baronius in Not. ad 3. Julii, luce clarius esse, Corpus S. Thomæ Edessam translatum fuisse.

XII. Translationem hanc factam fuisse anno 236., ait Baronius ad eundem annum num. 5. his verbis: *Fertur, hoc anno, bello Persico confecto, translatum fuisse ex India Corpus S. Thomæ Edessam, sed quod absque Antiquorum testimonio tradatur, fides sit apud Auctorem. Caterum baud ipsum integrum transferri permisum, certum est: nam Indi adhuc se illud habere profiteantur, quod & qui res Indicas nostri temporis sunt persecuti, testantur.* Quibus Baronius respexit ad ea, quæ Oforius Episcopus Silvensis Lusitanæ L. 3. de rebus Indicis scribit, nempe Indos nuper recipientes Evangelium affirmare, penes se esse Corpus S. Thomæ Apostoli, à quo Evangelium acceperunt. Ex quo movetur Baronius ad dicendum, quod frequenter de aliis dicitur, idest quod unius Corporis partes in diversa loca distributæ occasionem dederint multis opinandi, vel hic vel alibi unum idemque corpus asservari; ut de Corpore S. Bartholomæi adhuc contentio est. Et hoc eò magis de Corpore S. Thomæ dicendum videtur, quod Orthonam translatus, ibique esse vult Martyrologium, ut vidimus; & pro medietate Goam Meliapurâ delatum volunt Lusitani; ejusque Caput Constantinopolim sub Leone Sapiente deportatum fuisse Græci contendunt: ne dicamus, in aliquibus ex istis locis Corpus vel partem Corporis pro Corpore vel parte Corporis S. Thomæ Apostoli fuisse suppositam. Florentius tamen putat, Edessâ destructâ Corpus Apostoli translatus in Insulam Chium, inde Orthonam, & circa finem quarti seculi deportatas fuisse ejus Reliquias Nolam; & sub Altari Sancti Felicis repositas, scribit S. Paulinus Carm. 24.: alias quoque Brixie in Basilica dicta Concilium Sanctorum custodiri, narrat S. Gaudentius Serm. 17. Sed in re tam varia frustrâ laboramus.

*Tom. V.*

X x

XIII. Re-

XIII. Refertur, apud Indos esse Christianos, qui S. Thomæ dicuntur, utpotè qui ab eodem Apostolo se institutos credant. In Peninsula Iudæ cis Gangem habitant, quamquam occurrant etiam in Regno Cranganor, & finitimis Regionibus, sicut & in Nagapatan, Melchapar, Engamar supra Coccinum, ubi totius Gentis Archiepiscopus Patriarchæ Babylonie subiectus residet. Narrat, primos illos Fideles ab Apostolo institutos, sed deinde in idololatriam relapsos, receptam ab eo doctrinam adeò oblivioni tradidisse, ut ne Christianos quidem unquam in iis Regionibus extitisse recordarentur. Successu temporis vir quidam nomine *Mar-Thome*, sive *Dominus Thomas* Syrus natione (quod ex Theodorito supra tetigi) eò: veniens, extinctum jam Evangelii lumen sedulitate suâ, atque aliorum Sacerdotum opè, quos ex Syria & Ægypto acciverat, iterum excitavit. Hunc Theodoritus putat fuisse illum Manetis Discipulum, qui sub nomine Christi errores Magistri sui illis Populis tradidit. Alii tamen censent, ab hoc Mar-Thome verâ Fide fuisse imbutos, quamvis postea variis erroribus, & præcipuè Nestorianismo infecti reperti fuerint.

XIV. Huic Apostolo, ab Hæreticis præsertim, variâ scripta: fuere supposita, quæ indicavi supra Tom. 1. cap. 4. de Libris suppositis ab Hæreticis §. 2. num. 4., nimirum Acta, Itineraria, Evangelium, Apocalypsis, omnes à Gelasio Papa: damnati. Liber de Itineribus, & rebus ab eodem in India gestis apud Abdiam commemoratur. Acta S. Thomæ: manuscripta græcè in aliquibus Bibliothecis adhuc asservari aliqui dicunt, Evangelium S. Thomæ Auctorem habuit Thomam Manetis Discipulum. Historiam de homine à Leone vorato, quam supra ex Augustino retuli, ex Actis S. Thomæ haustam apud Abdiam leges. Ex iisdem Actis etiam habetur, S. Thomam oleo: non aquâ baptizasse; quod cum Manichæi in usu haberent, facile est credere, tam illa Acta quàm Evangelium sub nomine S. Thomæ, ab aliquo Manichæo & præsertim à Thoma conficta fuisse. De Thomæ Pseudo-Evangelio Cyrillus Hierosol. Catech. 6. hæc habet: *Hujus (Manetis) Discipuli tres fuere, Thomas, Baddas, & Hermas. Nullus quæso legat Evangelium secundum Thomam; non enim est unius à duodecim Apostolis, sed unius de tribus pravis Manis Discipulis.* De Baptismo: verò non in aqua sed in oleo collato dubitatur, an hoc Manichæis in usu fuerit. Manes enim in disputatione cum Archelao n. 50. de Baptismo sic loquitur, quasi quidem remissionem peccatorum non confert, sed tamen à se propter Christi exemplum adhibeatur. Verum

rùm quia S. Turribius Asturicensis in Epist. ad S. Leonem 15. cap. 5. refert, eos non in aqua sed in oleo baptizasse, id forsan Priscillianistis in Hispania peculiare fuit, & fortè etiam posterioribus Manichæis. Nam tertio & quarto seculo, Baptismo Christi ad exemplum eos usos fuisse videtur certius. Sed quia postea Baptismo suo multa fœda miscuerunt, idè Patres aliqui baptizatos ab eis iterùm baptizandos esse censuerunt. Sic Hieron. in dial. contra Luciferianos, Basilii Epist. ad Amphitoch. Can. 1. Sed hæc omittamus.

## §. III.

*An S. Thomas miserit Thaddæum Edessam.*

I. **Q**UÆsitum hoc unum supponit, aliud proponit. Supponit Agbarum Edessenorum Principem gravi infirmitate afflictum, auditâ famâ miraculorum Christi. ægros à quacumque infirmitate curantis, ad eum scripsisse Epistolam, quâ precabatur, ut ad eum sanandum Edessam se conferret. Ad eum autem Christum suâ Epistolâ respondisse, se non posse deferre Judæos, propter quos venerat, missurum tamen unum ex suis, quo sanitati restitueretur. Et hæc est Epistola Jesu ad Agbarum, de qua contentio est, an acceptanda ut genuina, an ut apocrypha rejicienda sit. Hanc rem tractavi Tom. 1. Verit. Reig. Christi. cap. 4. de Lib. apocr. §. 1. ubi perpenſis utriusque partis momentis, quæ ibi Lector videre poterit, causam in medio reliqui. Quia verò adhuc stante dubio, an Christus reverâ Epistolam ad Agbarum dederit, subsistere potest quòd Agbarus nuntios ad Christum miserit; ut enim scribit Matthæus cap. 4. v. 24.: *Abiit opinio ejus in totam Syriam, & obtulerunt ei omnes malè habentes* &c.: & quòd Christus esset non scripto, voce tamen promiserit, se unum ex suis ad eum sanandum missurum, idè exurgere potest alterum quæsitum, an hoc promissum impletum fuerit à Thoma mittente illuc Thaddæum.

II. Hujus missionis historiam, quam ex publicis Edessæ Tabulariis Syriacâ linguâ scriptam, & à se græcè redditam se excerptisse dicit, nobis exhibet Eusebius L. 1. hist. cap. 13., ubi postquam narravit de Epistola scripta ab Agbaro ad Jesum, & de Epistola Jesu ad eundem, subjicit sequentia: *Post Ascensum Jesu Christi Judas, qui etiam Thomas dictus est, Thaddæum Apostolum, unum è septuaginta ad Agbarum misit. Qui cum illuc advenisset, apud Tobiam Tobia filium diversit. Postquam verò se-*

ma de ejus adventu & de miraculis, quæ ab ipso edebantur increbrescere cepit, nuntiatum est Agharo advenisse illum Apostolum Jesu, sicut per litteras promiserat. Capitis igitur Thaddæus morbos quoslibet & languores Divinâ virtute sanare, adeo ut cuncti admiratione caperentur. Proinde cum Agbarus ab illo patrata miracula audivisset, & quo pacto per Nomen & virtutem Jesu Christi morbos fugaret, in suspitionem adductus est, huic ipsum esse de quo Jesus olim ad se perscripserat. Cùm primum me ad eum recepero, ex Discipulis meis aliquem ad te mittam, qui & morbum tuum curet, & vitam tibi tuisque omnibus præstet. Accito igitur Tobia, inquit, potentem quemdam Virum profectum Jerosolymis apud te diversari, & plurimas morborum curationes in nomine Jesu ab illo fieri. Ad hæc Tobias, Certè, inquit, Domine, Peregrinus quidam apud me est, qui plurima edidit miracula. Tum Agbarus: illum velim ad me adducas. Igitur Tobias domum reversus, sic Thaddæum allocutus est. Agbarus hujus Civitatis Regulus accersivit me, iussitque ut te ad ipsum perducerem, quò ipsius aggritudinem cures. Cui Thaddæus: Pergamus, inquit, quoniam ejus potissimum gratiâ sum missus. Postridie ergo Tobias maue assumto Thaddæo ad Agbarum perrexit. Cùmque esset ingressus, Agbarus proceribus suis circumseptus in ipso intrantis Thaddæi vultu Divinum nescio quid videre sibi visus est: quò conspecto statim Thaddæum adoravit. Mirabantur omnes, qui aderam, quippe qui nihil bonum vidissent, quæ Agbari apparuerant. Tum Agbarus Thaddæum interrogavit: Tu ne, inquit, Discipulus es Jesu filii Dei, qui hæc ad me scripsit: Ex Discipulis meis aliquem ad te mittam, qui & morbum tuum curet, & vitam tibi, tuisque omnibus præstet? Cui Thaddæus: quandoquidem, inquit, maximam fiduciam posuisti in Servatore Jesu, qui misit me, idcirco ad te sum missus. Quod si deinceps magis ac magis in eum credideris, sicut omnia, quæ postulas, prout fidem habebis. Hic Agbarus: Adeo, inquit, credidi ei, ut Judæos, qui illum in Crucem egerunt, bello appetere, & ad interuersionem delere voluerim, nisi metus Imperii Romani me ab hoc consilio revocasset. Tum Thaddæus: Dominus, inquit, noster, & Deus Jesus Christus quidquid à Patre mandatū fuerat executus est, perfectisque omnibus ad parentem suum est reversus. Cui Agbarus: Et in ipsum, inquit, credidi, & in Patrem ipsum. Tum Thaddæus: Propterea, inquit, manum tibi impono in Nomine Domini nostri Jesu. Quo facto statim Agbarus morbo & aggritudine, qua laborabat, liberatus est. Hadenus Eusebius. Qui subindè exponit admirationem Populi ob hanc sanationem Agbari & ulterius cujusdam alterius nomine Abdi à podagra, aliorumque mul-



multorum, qui Verbum Dei à Thaddæo audiebant. Qui tandem ab Agbaro rogatus die crastino publicâ concione omnia exposuit de Christo credenda, quæ in Symbolo postea collecta sunt: unde omnes in eum crediderunt. Cumque Agbarus aurum atque argentum Thaddæo dari iussisset: ille accipere recusavit, dicens: Cum nostra dimiserimus, cur aliena capiemus?

III. In hac Eusebii narratione scrupulum primò facit, cur Thomæ uni ex duodecim Apostolis nomen *Judæ* affinxerit, cum dicatur quidem *Didymus*, sed Judas nullibi dictus reperitur. Nomen *Judæ* Thaddæo quidem uni ex duodecim Apostolis tribuitur. Undè lapsus credendus est, vel Eusebii, vel potius Scriptorum. Nec dici potest lapsum in hoc esse, quod Thomæ nomen *Judæ* tribuatur, quod tribuendum erat Thaddæo. Nam, ut infra dicam, Thaddæus, qui Edessam missus est, non est ille, qui *Judæ* cognomen habebat. Nascitur secundò scrupulus, cur Eusebius, Thaddæum missum Edessam vocet Apostolum, & simul dicat esse unum è Septuaginta, cum ex Evangelio Lucæ 10. constet, hos 70. esse à 12. Apostolis distinctos? sed tolli potest dicendo Thaddæum vocari Apostolum non absolutè, sed illius Gentis, ad quam missus fuit: neque enim solis duodecim hoc inditum est vocabulum Apostoli, sed extensum est etiam ad omnes eorum Discipulos comites & adjuutores generali quâdam ratione, dum ad aliquam Gentem primi mittebantur, ut notavit Hieronymus in cap. 1. ad Galat., dicens: *Quatuor autem genera Apostolorum sunt. Unum quod neque ab hominibus est, neque per hominem, sed per Jesum Christum & Deum Patrem. Aliud, quod à Deo quidem est, sed per hominem. Tertium, quod ab homine, non à Deo. Quartum, quod neque à Deo, neque per hominem, neque ab homine, sed à semetipso. De primo genere potest esse Isaias caterique Prophetæ & ipse Apostolus Paulus, qui neque ab hominibus, neque per hominem, sed à Deo Patre & Christo missus est. De secundo Jesus filius Navæ, qui à Deo quidem est Apostolus constitutus, sed per hominem Moysen. Tertium genus est, quum hominum favore & studio aliquis ordinatur, ut nunc videmus plurimos non Dei judicio, sed redeunto favore vulgi in Sacerdotium ordinari. Quartum est Pseudo-Prophetarum & Pseudo-Apostolorum, de quibus Apostolus (2. Cor. 11. 13.) Istiusmodi Pseudo-Apostoli operarii iniquitatis, transfigurantes se in Apostolos Christi, qui dicunt, hæc dicit Dominus: & Dominus non mittit eos. Ita Hieronymus. Apostoli ergo (idest Missi seu Nuntii) de primo genere fuere Duodecim, & alii 70., quos ipse Jesus misit per se ipsum. De secundo ii, quos mittebant Apostoli. De tertio uti-*

nam

nam in Ecclesia plures non essent. De quarto Hæretici sunt, & præsertim Moderni, qui nec à Deo, nec per hominem, nec ab homine, sed a semetipsis missi sunt, ut in vera Ecclesia Tom. 1. fusè demonstravi.

IV. Controvertitur, quis fuerit ipse Thaddæus a S. Thoma Edessam missus. Cùm duo inter Discipulos Christi reperiantur Thaddæi nomine; unus dictus Judas Thaddæus, qui ex duodecim Apostolis fuit; alter Thaddæus, sive juxta Ruffinum *Tartarus*, qui vulgò creditur fuisse frater S. Thomæ Apostoli; sit, ut sepe confundantur, & quod uni convenit, alteri tribuatur. S. Hieronymus in cap. 10. Matthæi putat, fuisse Judam Thaddæum unum ex duodecim, qui ad Agbarum missus fuit: ait enim: *Thaddæum Apostolum Ecclesiastica tradit historia missum Edessam ad Agbarum Regem Osroena, qui ab Evangelista Luca Judas Jacobi dicitur*. Communis tamen sententia fert, Thaddæum Edessam missum non fuisse Judam Thaddæum unum ex duodecim, sed Thaddæum unum ex septuaginta Discipulis, ut notat Eusebius citato loco.

V. De anno, quo S. Thomas misit Thaddæum Edessam non modica contentio est. Eusebius hujus historiæ auctor præcipuus, videtur indicare, hoc accidisse paulò post Christi in Cælos Ascensum, tum ex ejus verbis relatis L. 1. cap. 13., tum ex iis, quæ refert L. 2. cap. 1., ubi inter Gesta ab Apostolis post Christi Ascensum, ait: *Isdem temporibus quæcumque Servator noster Osroenorum Regi promiserat ad effectum perducta sunt*. Thomas enim Divino quodam motu assatus Thaddæum Christiana doctrina præconem & nuntium Edessam misit. Quod ex eo etiam comprobatur, quia Eusebius circa finem Regni Tiberii hoc contigisse indicat, nimirum circa annum Christi 35. vel 36.; imò cùm Eusebius citatus referat missionem Thaddæi, quasi eodem tempore, quo facta fuit Ordinatio Jacobi fratris Domini in Episcopum Ierosolymitanum, quam factam fuisse anno Christi 34. censet Baronius num. 290., non capio quomodò idem Baronius expeditionem Thaddæi ad annum protrahat. Quid in hac obscuritate dicendum, latet: sanè cùm Agbarus esset Gentilis, non Judæus, difficile creditur est, missum ad eum fuisse Thaddæum, antequam Evangelium aperiretur Gentibus per Cornelii Baptismum, imò antequam fieret inter Apostolos divisio Provinciarum, alias non ad Thomam, sed ad Petrum, vel totum Collegium Apostolicum spectasset Prædicatorem mittere Edessam. Factâ autem divisione Provinciarum inter Apostolos, dici posset, quod cùm Thomæ contigisset illa portio Syriæ vel Me-

sopotamiæ , memor promissi Christi facti Agbaro , ad illum Thaddæum Discipulum , vel etiam fratrem suum delegarit . Sed annus , quo facta fuit Apostolorum divisio , incertus est . Baronius enim putat , fuisse annum Christi 44 . , alii annum 36 . Omnia ergo incerta sunt .

VI. Quis fuerit hujus Thaddæi exitus , obscurum est . Quia sæpè cum Juda Apostolo dicto etiam Thaddæo confusus , parum imò nihil honoris obtinuit apud Latinos . Græci in Menol. Basilii die 19 . Juuii illum memorant ; sed Thaddæum , qui Agbarum convertit , volunt fuisse Judam Thaddæum Apostolum . In Menologio tamen Sirleti die 21 . illum distinguunt : sic enim ajunt : *Natalis S. Apostoli Thaddæi , qui Lebæus dictus est . Sanctus Apostolus Thaddæus ex urbe Edessa , Hebræus genere , Divinis litteris eruditus , ascendit Jerusalem in diebus Joannis Baptiste ; ejus prædicationem audiens , & ejus Angelicam vitam admiratus , ab eo baptizatus est . Postea Christum videns , & ejus ipsius infinita miracula , cælestemque doctrinam audiens , secutus est eum : post cujus in Cælum Ascensionem reversus in Patriam Abagaram Regem baptizavit , ejusque lepræ quod reliquum fuerat curavit : cùmque multos alios docuisset , & Fide curasset , Ecclesias edificatis , pertransiit urbes Lyciæ : cùmque Berytum civitatem Phœnicie venisset , & illic multos ad Christi Fidem conversos baptizasset , requievit in Domino . Vide Lector , quàm variè de isto Thaddæo , & de hac historia referant Auctores . Hæc igitur relinquamus .*

## CAPUT VII.

## De Sancto Jacobo Minore .

## §. I.

*Quot Jacobi fuerint .*

I. **T**RIBUS Apostolus iste appellari solet nominibus , nempe Jacobus Minor relatè ad Jacobum fratrem Joannis Evangelistæ & filium Zebedæi , qui nuncupatur Major ; Jacobus Alphæi ; quia Alphæi filius : & Frater Domini , quia ejus Confobrinus : de quibus statim . Hinc factum est , ut aliqui , præsertim ex Græcis , tres Jacobos distinxerint : Jacobum Majorem filium Zebedæi , Jacobum filium Alphæi , & Jacobum fratrem Domini ; & istum è numero duodecim Apostolorum excludant . His referente Baronio ad annum 44 . n. 36 .

con-

consentit Nicephorus L. 2. cap. 3. & 40.; & ante ipsum non defuerit, qui de tribus Jacobis idem sentirent; sed imprudenter, quia sine ullo stabili fundamento. Nam S. Jacobum fratrem Domini non fuisse unum ex duodecim Apostolis fundant in Libris Recognitionum S. Clementi falsò adscriptis, & ejusdem Clementis Constitutionibus, sed apocryphis, ubi L. 2. cap. 54. ex Persona Apostolorum dicitur: *Nos ergo qui digni facti sumus, ut effemus testes adventus ejus cum Jacobo fratre Domini, & aliis septuaginta duobus, & septem Diaconis &c.*: quibus volunt, Jacobum fratrem Domini non fuisse unum ex Apostolis, quia separatim ab illis nominatum. Sed si ita est, cum separatim etiam a septuaginta Discipulis nominetur, nec erit unus ex septuaginta. Quid ergo erit? Jacobus ergo ibi specialiter nominatur, non ut è numero duodenario excludatur, sed potius cum esset frater Domini, hoc speciali caractere exprimitur. Sed quid in apocryphis hæremus? Paulus ipse Galat. 1. v. 19. eum expressè inter Apostolos recenset, dicens: *Alium autem Apostolorum vidi neminem, nisi Jacobum fratrem Domini*; & cap. 2. v. 9. eum inter Apostolos, qui videbantur Ecclesiæ Columnæ esse, refert his verbis: *Et cum cognovissent gratiam, quæ data est mihi Jacobus & Cephas & Joannes, qui videbantur Columnæ esse &c.*

II. Cæterum duos tantum fuisse Jacobos, nempe filium Zebedæi, dictum Majorem, & filium Cleophe, dictum Fratrem Domini, & Minorem, verius judico: Primò quia ita sentit Clementens Alexandrinus apud Eusebium L. 2. hist. cap. 1.: *Uno, inquit, suere Jacobus; alter cognomento Justus, qui ex Templi fastigio præcipitatus, & à fallone sustè percussus interiit; alter qui capite truncatus est.* Porro Jacobi illius Justii meminit etiam Paulus ita scribens: *Alium autem ex Apostolis vidi neminem, præter Jacobum fratrem Domini.* S. Hieronymus licet in cap. 1. Epist. ad Galat., & in cap. 17. Isaïæ, in aliquorum sententia præter duodecim Apostolos à Christo electos tertiumdecimum nominet Jacobum fratrem Domini, & consequenter eum distinguat à Jacobo Alphæi: attamen in L. contra Helvidium, ubi rem dogmaticè tractat, oppositum sentit; ait enim: *Nulli dubium est, duos fuisse Apostolos Jacobi vocabulo nuncupatos: Jacobum Zebedæi, & Jacobum Alphæi. Istum, nescio quem Minorem Jacobum, quem Mariæ filium, nec tamen Matris Domini, Scriptura commemorat, Apostolam vis esse, an non? Si Apostolus est, Alphæi filius erit, & credet in Jesum, & non erit ex illis fratribus, de quibus scriptum est, Neque enim tunc fratres ejus credebant in eum, Si non est Apostolus, sed tertius nescio quis Jacobus, quomodo*

*modò est frater Domini putandus ? & quomodò tertius ad distinctionem Majoris appellatur Minor : quum Major & Minor non inter tres , sed inter duos soleat præbere distantiam , & frater Domini Apostolus sit , Paulo dicente „ Deindè post triennium veni Jerusalem videre Petrum , & mansi apud illum diebus quindecim : „ alium autem Apostolorum vidi neminem , nisi Jacobum fratrem Domini „ Et in eadem Epistola „ Et cognitâ gratia , quæ data est mihi , Petrus & Jacobus & Joannes , qui videbantur Columnæ esse „ . Ne autem hunc putes Jacobum filium Zebedæi , lege Actus Apostolorum . Jam ab Herode fuerat interemptus . Restat conclusio , ut Maria ista , quæ Jacobi Minoris scribitur Mater , fuerit uxor Alphæi &c. En quomodò S. Hieronymus contra Helvidium probat , Jacobum fratrem Domini eundem esse ac Jacobum Alphæi Apostolum .*

III. Addi potest S. Hippolytus in Lib. duodecim Apost. , ubi ait : *Jacobus Alphæi prædicans Jerusalem lapidatus à Judæis occiditur , illicque propè Templum sepelitur , quæ non de alio Jacobo Alphæi , quàm de fratre Domini intelligi possunt ; hic enim , ut dicam , Jerusalemis , ubi erat Antistes , à Judæis occisus fuit . S. Augustinus L. 2. contra Cresconium cap. 37. , Jacobum fratrem Domini Apostolum vocat ; nam de Jerusalemimana Ecclesia ait : Quam primus Apostolus Jacobus Episcopatu suo rexit .* Observandum autem hic est , quòd dignitas Episcopatus Jerusalemiani quantacumque esset , numquam tamen dignitati Apostoli æquiparari poterat . Cum ergo Jacobus frater Domini à S. Paulo Galat. 2. par primis Apostolis agnoscat , dum ait , *Jacobus & Cephas & Joannes , qui videbantur Columnæ esse ;* clarum fit , eum non solum Episcopum , sed & Apostolum fuisse , sicut erant Cephas & Joannes . Nec dicas , fuisse quidem Apostolum , non unum è duodecim à Christo electis , sed modo extraordinario assumptum ultra illos , sicut Matthias Paulus & Barnabas ; nam de his tribus Scriptura nos certos facit , sed de Jacobo , unde certò colligitur ? In Concilio Ephesin. art. 2. cap. 17. vocatur Apostolus unà cum Petro & Joanne .

IV. Nihilominus Græci & Veteres & Recentiores videntur Jacobum fratrem Domini distinguere à Jacobo Alphæi uno ex duodecim . Ita S. Gregorius Nyssenus Orat. 2. in Christi Resurrect. S. Joan. Chrysost. hom. 5. in Matth. Jacobum Jerusalemorum Episcopum ponit in numero eorum , qui in Jesum non crediderunt ante ejus resurrectionem , de quibus Joann. 7. v. 5. dicitur : *Neque enim fratres ejus credebant in eum .* Sed cum Sautus Judas Apostolus , qui & frater Domini dicitur , ab Apo-

stolatus non excludatur ; cur propter hoc excludendus erit S. Jacobus Minor , qui & ipse frater Judæ erat , & idèo frater Domini ? Sanè si à numero Apostolorum excluditur , quia aliquando hæsitavit in Fide , numerus Apostolorum ad paucos reducetur , cùm pauci fuerint , qui in Fide non hæsitaverint . Sicut ergo hoc non obstante veri Apostoli sunt , quia post Resurrectionem omnes in Fide constantes fuere ; ita & Jacobus frater Domini . Undè ut ipse Chrysostomus ibi testatur : *Quando dogmatum causâ Paulus Ierosolymam ascendebat , Jacobum statim adiit , qui ita ad mirandus erat , ut illius Urbis Episcopatum primus acciperet .*

V. Huic opinionì favere videtur S. Cyrillus Hierosolymitanus Catech. 14. de Christi Resurrectione disserens , ubi ait : *Nunc verò Christus resurrexit à mortuis primitiæ dormientium , & apparet Cephæ , postea duodecim Apostolis : si enim uni testis non credis , habes duodecim testes : deinde apparet plus quàm quingentis fratribus simul . Si illis duodecim non credant , quingentos testes recipiant . Postea visus est à Jacobo fratre , primo hujus paræciæ ( Civitatis ) Episcopo .* Verùm ut benè dicit Alexander secul. 1. c. 8. hinc tam malè colligitur , Jacobum fratrem Domini non esse unum ex duodecim , quàm malè colligeretur , S. Petrum è numero duodecim Apostolorum non esse , quia S. Paulus scribit 1. Cor. 15. v. 5. & 7. : *Visus est Cephæ , & post hoc undecim* , sicut scribit : *Visus est Jacobo , deinde Apostolis omnibus .* Sicut ergo sensus est , quòd primò visus sit Cephæ soli , deindè aliis undecim incluso Petro : ita quòd primò Jacobo soli visus sit , deindè Apostolis omnibus incluso in istis etiam Jacobo .

VI. Eusebius suprâ pro nostra sententia relatus , Libro tamén 1. hist. cap. 12. de Jacobo Minore dicit : *Unus hic ex septuaginta Discipulorum numero : ac præterea ex fratribus Domini fuisse perhibetur .* Verùm hæc in uno tantùm Codice habentur , ab aliis desunt , ut observant Critici . Nec Rufinus ea agnoscit , sic enim vertit : *Post etiam dicit , eum visum esse Jacobo , qui erat unus ex his , qui Fratres Domini appellabantur .* Cui Eusebius ipse consentire videtur , dum postea L. 2. cap. 1. , ut suprâ , ex Clemente Alexandrino duos tantùm Jacobos admittit . In sententia igitur apud Latinos communi , duos tantùm esse Jacobos , & ambos Apostolos , standum censèo . Nam , ut dixi , opposita in apocryphis fundatur , nempe in Lib. Recognit. falsò S. Clementi attributis , in Constit. falsò Apostolicis dictis L. 2. cap. 55. , & Pseudo-Dorotheo in Synopsi de 72. Discipulis . Ex hoc fonte eam ebiberunt Glycas & Recentiores Græci . Inter quos adhuc dissensio est , quid de Jacobo Alphæi , quem Apostolum & Ja-

cobo.

cobo Fratre Domini distinctum volunt, factum sit. Glycas enim vult Ostracinæ pro Christo Crucis affixum fuisse; in Menologio Basilii die 9. Octobris dicitur virgis cæsus; in Menologio Sirleti nulla Jacobi Alphæi sit mentio, sed solius Jacobi Fratris Domini die 23. Octobris, his verbis: *Natalis S. Martyris Apostoli Jacobi Fratris Domini*: quibus non videtur eum distinguere à Jacobo Alphæi, sed duos solos Jacobos admittere, nempe Jacobum fratrem Joannis, & Jacobum Fratrem Domini, ut reverà statuendum est.

## §. II.

*S. Jacobi Minoris genus: de Maria, & Cleopha.*

I. **S** Tatuto, S. Jacobum Fratrem Domini eundem esse ac Jacobum Alphæi unum è duobus Apostolis, ejus genus querendum est; nempe qui fuerint ejus Parentes; cur dicatur Frater Domini. Communiter creditur, S. Jacobum Minorem parentes habuisse Cleopham alio nomine Alphæum, & Mariam Cleophæ dictam, Sororem germanam B. Mariæ Matris Jesu juxta illud Joann. 19. v. 25.: *Stabant autem juxta Crucem Jesu Maria Mater ejus, & Soror Matris ejus Maria Cleopha*; idèdque dici Fratrem Domini idèst Consobrinum, quia filium Sororis Mariæ Matris Domini. Placet hic afferre, quæ de hoc dicit S. Thom. in cap. 1. ad Galat. Lect. 5.: *Quare, inquit, Jacobus dicatur Frater Domini à diversis diversimodè dicitur. Helvidius enim dicit, quòd idèd dicitur Frater Domini, quia fuit filius Beatæ Virginis: Dicit ergo, quòd Beata Virgo Christum concepit, & peperit, & post partum Christi concepit de Joseph & peperit alios filios. Sed hic error est damnatus & reprobatus. Item putet esse falsum, quia Jacobus non fuit filius Joseph, sed Alphæi.*

*Alii verò dicant, quòd Joseph ante Beatam Virginem habuit aliam uxorem, de qua habuit filium Jacobum & alios: quæ mortuæ accepit in uxorem Beatam Virginem, de qua natus est Christus, non tamen cognitæ à Joseph, sed per Spiritum Sanctum, ut in Evangelio dicitur. Quia ergo ex Patre nominantur Cognationes, & Joseph putabatur pater Christi; idèd iste Jacobus, licet non fuerit filius Virginis, tamen vocabatur Frater Domini. Sed hoc est falsum: quia si Dominus Matrem Virginem noluit nisi Virgini commendare custodiendam, quomodò sustinuisset Sponsum ejus Virginem non fuisse: & sic perstitisse?*

*Idèd alii dicunt (& in Glossa tangitur) quòd Jacobus iste fuit*

Y y 2

filius

*filius Mariæ Cleopha, quæ fuit Soror Virginis: Dicant enim, quodd Anna Mater Beata Virginis nupsit primò Joachim, ex quo peperit Mariam Matrem Domini, quo mortuo nupsit Cleopha fratri Joachim, ex quo peperit Mariam Cleopha: & ex hac natus est Jacobus Minor, Judas, & Simon; quo mortuo dicitur, quodd nupsit adhuc cuidam terciò, qui vocatus est Salome, ex quo concepit & peperit aliam Mariam, quæ dicta est Salome, & de hac natus est Jacobus Major, & Joannes frater ejus.*

*Sed huic opinioni dupliciter contradicit Hieronymus. Primò quia Salome non est nomen viri, ut etiam in græco apparet, sed est nomen mulieris, quæ fuit Soror Beata Virginis, & ex Zebedæo genuit Jacobum Majorem & Joannem: sicut Maria Cleopha ex Alphæo genuit Jacobum Minorem, Judam, & Simonem. Dicitur autem Frater Domini iste Jacobus, specialiter inter alios Consobrinos: & hoc propter duo: primò propter similitudinem effigiei, quia similis erat Christo in facie, & propter similitudinem vitæ, quia imitabatur Christum in moribus. Vel quia Alphæus pater ejus fuit de cognatione Joseph: & idè quia Judæi cognationis lineam tenere solent à maribus, & Christus putabatur filius Joseph, ut dicitur Luca 3. idè specialiter dictus est Frater Domini, & non alii, qui solam ex Matre conjuncti erant.*

II. Quibus S. Thomas reprobatur primò errorem damnatum Helvidii, volentis, Jacobum dici Fratrem Domini, quia Filium Beata Virginis ex concubitu cum Joseph. Secundò, rejicit opinionem volentium, Jacobum dici Fratrem Domini, quia filium Joseph ex priori conjugè. Hanc opinionem non pauci Veterum amplexi sunt. Epiphanius hæres. 28. cap. 7., Eusebius L. 2. hist. cap. 1., Hilarius in cap. 1. Matth., Ambrosius L. de Instit. Virg. cap. 6., Gregorius Nyssenus Orat. 2. de Resurrect., & alii. S. Augustinus dum esset adhuc Presbyter in Comm. in cap. 1. ad Galatas rem indecisam reliquit dicens: *Jacobus Domini Frater, vel ex filius Joseph de alia uxore, vel ex cognatione Mariæ Matris ejus debet intelligi.* Relinquitur tamen ab omnibus modò hæc opinio: tum obrationem à S. Thoma supra allatam: tum quia fundatur in apocryphis, quæ tamen dicunt, priorem Joseph conjugem fuisse nomine *Eboana*, non Mariam Cleopha, qualis creditur fuisse Mater Jacobi. Quo posito sequeretur etiam, quodd si ista fuisset prior Josephi uxor, ex qua genuit Jacobum Minorem, cum hæc adhuc viveret tempore Passionis Christi, fieret, ut S. Joseph eodem tempore habuisset duas uxores, & cum esset Soror Mariæ Virginis, simul habuisset duas Sorores in uxores.

III. Ter-



III. Tertia opinio, quam refert S. Thomas, quòd Maria Cleophæ Mater Jacobi Minoris fuerit filia S. Annæ ex alio Viro suscepta, & idèo Soror Beatæ Virginis; ac Jacobus hâc ratione fuerit Frater idest Confobrînus Domini, ab aliquibus suscipitur; qui autumant, S. Annam primò Joachim nupsisse, ex quo habuit filiam Mariam Matrem Jesu; deinde cum Cleophæ matrimonio junctam Mariam Cleophæ Jacobi Minoris, Josephi Justî, Simonis Zelotis, & Thaddæi matrem genuisse; è tertiis denique cum Salome nuptiis Mariam uxorem Zebedæi & S. Jacobi Majoris & S. Joannis Evangelistæ Matrem procreasse. In hujus fidem aliqua afferunt Carmina, quæ apud Gersonium Tom.3. sequentia sunt.

*Anna tribus nupsit, Joachim, Cleophæ, Salomeque:*

*Ex quibus ipsa Viris peperit tres Anna Marias:*

*Quas duxere Joseph, Alphæus, Zebedæusque.*

*Prima Jesum: Jacobum, Joseph, cum Simone Judam*

*Alterâ dat: Jacobum dat tertiâ, datque Joannem.*

Hæc tamen non tantæ auctoritatis sunt, ut ad ea amplectenda nos moveant.

IV. Secundum hanc opinionem Maria Jacobi Minoris mater, & Mariæ Virginis soror licet ex alio patre, dicitur Maria Cleophæ ex patre, non ex Viro, qui fuit Alphæus, sicut altera ejus soror dicitur Maria Salome, non ex Viro, qui fuit Zebedæus, sed ex Patre, qui fuit Salome. Alii tamen volunt, eam fuisse vocatam Mariam Cleophæ ex viro Alphæo, qui alio nomine Cleophas dicebatur. Undè apud istos eadem est quæ dicitur Matth. 27. v. 56. : *Maria Jacobi & Joseph mater*, Marci 15. v. 40., & Lucæ 24. v. 10., ac illa quam Joannes cap. 19. v. 25. vocat *Mariam Cleophæ*. Cleopha ergo & Alphæus unum eundemque Virum designant, ut Jacobus filius Mariæ Cleophæ idem sit ac Jacobus filius Alphæi; ita ut *Alphæus* fuerit nomen proprium, Cleophas vero cognomen additum, quia Cleophas sive hebraicè *Cheleph* quod sonat *immutare*, idem significat ac mutabilem; vel ex urbe *Cheleph* in finibus Nephtali in Galilæa, ex qua fortè ille oriundus erat, derivatur. Possêt etiam dici, quòd Maria Beatæ Virginis soror primò nupsit Alphæo, & ex isto suscepit Jacobum, quo mortuo nupsit Cleophæ, ex quo alios filios suscepit. Et sic coaciliari, quod S. Jacobus dicatur *Jacobus Alphæi* Matth. 10. v. 3., & Maria Mater ejus dici possêt à Joanne cap. 19. v. 25. Maria Cleophæ, quia eo tempore nupta erat Cleophæ. Cæterum cum non semper mulieres cognomen sumerent à Viro, sed vel à patre, vel à filio, unde

eadem Maria vocatur Maria Jacobi, Maria Jose, vel à familia; vel aliunde, nihil certi de hoc statui potest, sed solum tenendum, quòd Maria soror Mariæ Virginis quomodocumque vocata, fuerit Jacobi Minoris mater. Ita S. Hieron. L. contra Helvid.: *Restat, inquit, conclusio, ut Maria ista, quæ Jacobi Minoris scribitur mater, fuerit uxor Alphæi, & soror Mariæ matris Domini; quam Mariam Cleophae Joannes Evangelista cognominat sive à patre, sive à gentilitate familia, aut quacumque alia causa ei nomen imponens.* Quod sentit etiam S. Augustinus in cap. 1. ad Galat. supra relatus.

V. Hactenus locutus fui suppositâ opinione supra relatâ à S. Thoma de triplici S. Annæ conjugio, ut salvetur, eas, quas Evangelium vocat Beatæ Virginis sorores, verè tales & germanas sorores fuisse, & qui dicuntur Fratres Domini fuisse ejus consobrinos, quam opinionem secuti fuere Petrus Comestor in Hist. Evangelica cap. 47., Ludolphus Carthus. de Vita Christi par. 1. cap. 5., Ugo à S. Victore qu. 5. in Ep. ad Galat., Jo: Gerson de Nat. B. Mariæ, & pro ea citantur etiam S. Antoninus Hist. par. 1. tit. 4. cap. 6. §. 10., Lanspergius Serm. de Sancta Anna, Bonaventura, Echius, Jacobus de Vorag., Albertus Magnus, Bellouacensis, Jo: Major, & alii. Quia tamen hæc opinio videtur detrahare continentia S. Annæ, & decori ipsius Beatæ Virginis ejus filia, nec fundamentum habet in puriorum seculorum Traditione: propterea recentiores Scriptores passim eam relinquunt; voluntque, S. Annam nec alium habuisse Virum præter Joachim nec alium filium aut filiam præter Mariam Virginem, quam post diuturnam sterilitatem in senectute concepit. Quibus & ipse subscribo: *Nec enim* (dicam cum Fulberto Carnot. Serm. 3. de Nat. Beatæ Mariæ) *decebat, ut hujus singularis Virginis Sanctissimi Progenitores sædarentur plurimorum propagatione filiorum, qui erant futuri unica Matris Domini provisores & educatores egregii.* Idem sentit Damascenus hom. 1. in Nat. Beatæ Virginis: omnesque moderni Scriptores. Nec obest quòd Mariæ in Evangeliiis tribuantur sorores. Nam ut ait Euthymius in Joann. cap. 19.: *Unigenita erat Dei Mater. Mos autem erat apud Hebræos fratrum quoque uxores appellare sorores propter virorum frateruitatem. Joseph quidem & Cleophas viri, Desparæ & aliterius Mariæ, naturâ fratres erant; ipsæ autem eorum uxores affinitate sorores.* Consentit Baronius in Appar. n. 41. dicens: *Porro fratrum & Sororum nomine sæpè in Divinis Scripturis cognatos & propinquos intelligi apertissimum est: nec enim quis dixerit esse mentitum Abraham, cum Saram uxorem sororis nomine*

nuncupavit. Univiram verò fuisse Annam, nec post obduratam sterilitatem, ex voto conceptam, repromissione obtentam, susceptamque in senectute filiam, alios novisse partus, tam veteres, quàm recentiores Orthodoxi Patres sunt professi. Hac ergo præelectâ sententiâ;

VI. Maria hæc S. Jacobi Minoris Mater habuit etiam alios filios, nempe Joseph, Marci 15. v. 40., ubi vocatur *Maria Jacobi Minoris & Joseph*, qui dicitur etiam *Jose*; Judam Thaddæum Apostolum, qui in sua Epist. v. 1. se Jacobi fratrem vocat *Judas Jesu Christi servus, frater autem Jacobi*; & Simonem seu Simeonem: unde Marci 6. v. 3. Judæi de Jesu per contemtum dicebant: *Nonne hic est faber, filius Mariæ, frater Jacobi & Joseph & Judæ & Simonis*? Ex his clarè apparet, hujus Mariæ filios appellari fratres Jesu, nempe cognatos, quia filios Mariæ Cleophae, dictæ sororis matris ejus. Quòd si, ut vult Hegesippus, Cleophas Mariæ vir ponitur fuisse frater Joseph Mariæ Virginis sponsi, fit, ut sicut Maria, quia modo dicto soror B. Virginis, dicebatur Christi Matertera, ut S. Hieronymus Epist. 150. ad Hebid. q. 4. ita Cleophas frater Joseph crederetur patruelis Christi, ut apud Euseb. lib. 3. Hist. cap. 11., & sic duplici titulo vocarentur fratres Domini, tum ratione Matris, tum etiam Patris in hominum æstimatione. De S. Juda & Simone seu Simone Episcopo Jerosolymorum post S. Jacobum infra sermo erit.

VII. De Josepho Jacobi fratre seu Josete, ut eum vocat S. Hieronymus lib. contra Helvid., nihil in historia habemus. Hunc fuisse illum Josephum Barsabam dictum Justum, qui Act. 1. v. 23. assumptus fuit una cum Matthia, ut in locum Judæ proditoris alteruter sufficeretur, aliqui arbitrati sunt. Difficultas tamen est: quia Joseph Barsabas erat unus ex illis, qui secuti fuerant Jesum ab initio, & omni tempore in eum crederant, ut habetur Act. 1. v. 21. & 22. Hoc autem saltem de omnibus, qui dicebantur fratres Domini, asseri non potest, Joanne dicente cap. 7. v. 5. *Neque enim fratres ejus credebant in eum*, sed tunc primò crediderunt, quando instabat festum Tabernaculorum, hoc est sex mensibus ante passionem. Quod cum verum non sit de SS. Jacobo & Juda, qui utpotè Apostoli ab initio in Jesu sequela & fide perinanserunt, saltem de Josepho & Simeone dictum putari debet. Qui tamen primitivam in fide hæsitacionem tantâ postea fide compensarunt, ut & ipsi cum aliis Apostolis (Act. 1. v. 14.) fuerint Spiritu Sancto repleti, eorumque in fide constantiam celebret Chrysostomus homil. 5. in Matth.

VIII. De Maria Jacobi matre hæc scimus: Eam inter priores Fidem Christi suscepisse, ejus fidem comitem in itineribus

bus extitisse, crediturque fuisse unam ex illis, quæ Lucæ 8. v. 3. ministrabant ei de facultatibus suis. Nec illum ultimo Paschate deseruit, sed & cum traditus neci ductus fuit ad Calvarium, ipsum cum aliis secuta est: unâ cum Virgine juxta crucem permansit Marci 15. v. 40., & Joan. 19. v. 25. cadaveri sepeliendo adfuit Lucæ 23. v. 49. 5 die alterâ condiendo cadaveri aromata præparavit Lucæ 24. v. 1. Ad monumentum cum aliis die Dominico veniens, nec invento in eo cadavere, sed accepto ab Angelis de Resurrectione nuntio, statim ad Apostolos detulit, Lucæ 24. v. 9. 10. Dum iret, obvium habuit Christum, cujus illa cum Sociis pedes amplexa est Matth. 28. v. 9. Reliqua ejus gesta sicut & tempus mortis prorsus ignota sunt. In Martyrologio Romano Mariæ Cleophæ festum ad diem 9. Aprilis consignatur his verbis: *In Judæa S. Mariæ Cleophæ sororis Sanctissimæ Dei Genitricis Mariæ.* Et die 25. Maii ponitur ejusdem Translatio: *Verulis in Hernicis Translatio S. Mariæ Jacobi, cujus sacrum Corpus plurimis miraculis illustratur.* Sed hic puto æquivocationem esse. Nam Corpus quod Verulis asservatur non est Sanctæ Mariæ Cleophæ, seu Mariæ Jacobi Minoris matris: sed Mariæ Salome matris Jacobi Majoris & Joannis, quam non illuc translata, sed ibi mortuam esse volunt, ut ex illius Ecclesiæ monumentis ostendit in suo libro Abbas Neschiaroli. Sunt, qui velint ejus exuvias reconditas asservari in Provincia in Urbe, cui nomen *Tres Mariæ* ad ripam Rhodani & maris. Græci autem ad diem octavam Aprilis festum agunt SS. Mulierum, quæ aromatibus Corpus Domini condierunt, quarum corpora se habere contendunt in Ecclesiâ B. Virginis, à Justino II. erecta.

IX. Cleophas (quem, ut dixi, Veteres, Egesippus apud Eusebium lib. 3. Hist. cap. 11., Epiphanius hæres. 78. cap. 7., & alii S. Joseph fratrem, & Jacob filium dicunt ex Maria, sorore Mariæ Virginis appellatâ) filios habuit S. Simonem & Judam & Josè, & secundum aliquos etiam S. Jacobum Minorem: dictus propterea etiam Alphæus. Tota ejus familia Jesu addicta Christum ut Israelis Redemptorem fatebatur. Verum quia Cleophas mysterium Crucis nondum fuerat assecutus, eum exanimatum & mortuum conspiciens, spem Redemptionis amisit. Quare cum eadem Resurrectionis die, tertiâ autem à Christi morte ad Emmaus cum alio discipulo pergeret, ac mutuo de Christo differerent, Christus Jesus eis apparens Lucæ 24. v. 17. *Qui sunt, inquit, hi sermones, quos confertis ad invicem & estis insipientes?* Cui Cleophas, cum esse Jesum non agnoscens, narra-

vit omnia, quæ de Jesu damnatione crucifixione ac morte illis diebus contigerant, addens v. 21. *Nos autem sperabamus quia ipse redempturus esset Israel*: quibus ostendunt se amplius non sperare. At Jesus eorum hæsitacione in fide objurgatâ, ac eis offenso, sic oportuisse Christum pati, & sic intrare in gloriam suam, manifestavit eis se ipsum consecratione panis in Corpus suum, eosque in fide confirmavit. Et hoc factò, dicit S. Hieronymus Epist. 27. modò 86., domum illam, quæ erat domus Cleophæ, Christus in Ecclesiam dedicavit. Quamvis si Cleophas ponitur S. Joseph frater, domus ejus in Galilæa, unde ortus fuit, potiùs quàm in Emmaus statuenda videretur.

X. De Cleophæ gestis nihil ultra novimus. In Martyrologiis Latinorum Bedæ, Usuardi, Adonis & Romano dicitur fuisse à Judæis in eadem domo occisus. Sic enim die 25. Septembris habetur: *In Castello Emmaus Natalis Beati Cleophæ Christi discipuli, quem tradunt in eadem domo, in qua mensam Domino paraverat, pro confessione illius à Judæis occisum, & gloriosâ memoriâ sepultum*. Græci verò illius memoriam celebrant die 30. Novembris his verbis: *Natalis Sancti Apostoli Cleophæ*. Scribit Sozomenus lib. 5. Hist. cap. 21. de Emmaus olim vico, post excidium autem Jerosolymorum dictâ Nicopoli, sequentia: *Ante hanc urbem prope trivium, ubi Christus post Resurrectionem iter faciens cum Cleopha & sociis valedixit, tamquam in alium vicum pergens: fons quidam salutaris est, in quo & homines & animalia variis morbis affecta lavando curantur. Ajunt enim, Christum unâ cum discipulis aliunde venientem ad hunc fontem divertisse, ac pedes in eo abluisse: atque ex eo tempore aquam hanc ad morbos sanandos efficacissimum fuisse remedium*.

XI. De Discipulo comite Cleophæ in itinere ad Emmaus, quis fuerit, ambigitur. S. Gregorius lib. 1. in Job. cap. 1. putat, fuisse ipsum Lucam, qui hoc scripsit, quia se ipsum proprio nomine non appellat. Sicut enim Joannes in suo Evangelio nunquam suum nomen prodit, sed se indicat dicendo *ille vel alius discipulus*: ita Lucas dum nominat Cleopham, alterius autem discipuli nomen tacet, se ipsum fuisse monstravit. Scriptores enim sacri eloquii, quia impulsu Sancti Spiritus agitantur, sic de se in illo testimonium, tamquam de aliis proferunt. Origenes in Jer. hom. 19., Basilii seu quisquis Auctor Comm. in Isaiam c. 6. putant vocatum fuisse Simonem, Epiphanius hæc. 23. c. 6. Nathanaelem, S. Ambrosius tamen in Luc. c. 24. Ammaonem illum appellat dicens: *Sicut se Ammaoni & Cleophæ seorsum jam cessare demonstraverat*. Quis tamen verè fuerit, est incertum.

Tom. V.

Z z

g. III.

## §. III.

*S. Jacobi Minoris qualitates.*

I. **J**acobus qui & Jacob ( nomen frequens apud Judæos & apud Christianos usitatum ) dictus fuit Minor comparatè ad alterum Jacobum fratrem Joannis dictum Majorem . Et hoc cognomine communiter secernitur apud Latinos , à Græcis tamen frequentius vocatur *Frater Domini* ; quo nomine etiam vocatur à Paulo Galat. 1. v. 19. Unde autem isti, præ cæteris Domino secundum carnem junctis, hæc prærogativa *Fratris* ei specialiter indita fuerit , præter supradicta , dici potest cum Origene lib. 1. contra Celsum , fuisse , & quia cum Jesu fuerat educatus , & magis , quia ei in vita & moribus similis erat : *Jacobus ille*, inquit , *est , quem Paulus verus Jesu discipulus , ait se vidisse ut fratrem Domini : fratrem autem non tam ob sanguinis cognationem communemque ipsorum educationem , quam ob mores & doctrinam* . Idem sentiunt Epiphanius hæres. 78. cap. 13. , & Nyssenus Orat. 2. de Resurr.

II. Cur autem dictus fuerit Jacobus Minor , variè loquuntur Patres : aliqui volunt dictum fuisse ab ætate , aliqui à corporis statura . Si primum asseratur , non subsistit opinio S. Epiphaniï hæres. 78. cap. 8. volentis , eum natum fuisse 40. annis ante ortum Jesu Christi ; quo fieret , ut cum mortuus fuerit anno 62. ætæ communis , mortuus fuisset anno ætatis 104. vel 106. ; & cum ei in Episcopatu Jerosolymitano Simeon ejus frater successerit , in ætate decrepita & inepta ad regimen Ecclesiæ ei susceptus fuisset . Addo quòd Mater ejus Maria Cleophæ tempore passionis Christi adhuc vigorem habebat ad itinera cum aliis subeunda , quod stante opinione Epiphaniï verisimile non fuisset ; habuisset enim annos ad minus 90. Et præterea cum in Evangelio recensatur inter sorores Matris Domini , credibile est in matrem Jacobi Minoris in ætate Matris Domini parum disconvenisse , & sic Jacobum ejus filium fuisse in ætate à Christo non multum disparem , præsertim in sententia Origenis & Nysseni volentium , Jacobum fuisse cum Jesu educatum . Quot autem annis Christum superarit , incertum est . An verò Jacobus Minor ætate Jacobum fratrem Joannis superarit , an eo fuerit ætate minor , statui non potest . Dicerem ergo , Jacobum fratrem Joannis dici Majorem relatè ad Joannem , quia erat Major natu ipso , Jacobum autem hunc Minorem appellari , ut ab eo secer-

natur : quod sentit S. Hieronymus lib. contra Helvid : vel dici Minorem non ætate , sed staturâ , idest parvum unde Græcè dicitur *ὁ μικρὸς*.

III. Verùm quia dixi ex Origene , Jacobum hunc fuisse appellatum fratrem Domini , quia ei præ cæteris similis in moribus & doctrina , quo factum est , ut etiam *Jacobus Justus* nuncuparetur , non pigeat audire , quæ Hegesippus ( auctor secundi seculi , qui ex Jacobi discipulis ea , quæ scripsit , accipere potuit ) apud Eusebium lib. 2. cap. 23. refert his verbis : *Ecclesiæ administrationem unâ cum Apostolis suscepit Jacobus frater Domini , qui jam inde à Christi temporibus ad nostram usque ætatem Justus cognominatus est . Nam multi quidem eodem nomine Jacobi vocabantur . Sed hic ab ipso matris utero Sanctus fuit ; nec vinum unquam bibit , nec ficeram ; ab animantium carnibus penitus abstinuit . Comam numquam rotondis ; neque ungi neque lavare balneo corpus unquam solitus . Unus ex omnibus in intimum Templi Sanctuarium ingrediendi jus facultatemque habebat . Neque enim lanicio , sed lined tantum veste utebatur . In Templum solus intrare , atque ibi genibus flexis pro peccatis Populi supplex orare consueverat . Adeo ut genua ipsius instar Cameli occalluerint , dum assidue Deum venerant , & pro salute Populi vota faciens , humi sterneretur . Hic ergo ob singularem justitiam cognominatus est Justus , & Oblis , quod latine munimentum Populi & justitiam significat &c. Ita ex Hegesippo . Hoc postremum confirmat ex Jobio Photius Biblioth. Cod. 222. pag. 642. dicens : *Jacobus verò in quantum virtutis gradum ascendisset , quantamque de se opinionem apud Judæorum Populum excitasset , vel sola ejus appellatio clamat . Ipsum enim Populus propter virtutis magnitudinem , atque agendi cum Deo libertatem , Obilam , hoc est Populi præsidium & protectionem vocabant . Controvertitur an legendum sit Oblis ut Eusebius , an Obila ut Photius , an in utroque mendum sit ; cum Opbilis potius legi debuisset , quod significet Arcem Populi ; sed nostrum non est in hoc laborare .**

IV. Facit quidem gravem difficultatem , quod Hegesippus dicit , nempe S. Jacobum habuisse facultatem unum ex omnibus in intimum Templi Sanctuarium ingrediendi . Vel enim intimum Sanctuarium sumitur pro eo quod dicebatur *Sancta Sanctorum* , & sic nulli licebat ingredi nisi summo Pontifici : vel pro eo quod dicebatur *Sancta* , & hoc solis Sacerdotibus Legis ingredi permissum erat . Cùm ergo Jacobus Sacerdos Legis non esset , & multò minùs Summus Sacerdos , arguunt aliqui , Hegesippum in hoc hallucinatum fuisse vel excessisse . Iuter quos

Scaliger narrationem hanc tanquam inanem fabulam rejicit.

V. Nihilominus Scriptorem adeo antiquum & ferè cœvum, qualis est Hegefippus, primâ facie aspernari, cum in moderato sensu possit explicari, audaciam opere videtur. Petavius ergo, alique non pauci contextum ita exponunt, ut Jacobo soli liceret *Sancta* ingredi, seu sacra illa loca, quæ *Sancta* simpliciter vocabantur, ubi Mensa, Panes Propositionis, Candelabrum & Altare Suffitus extabant: in quæ soli Sacerdotes intrabant, & licet ceteri statim tantum suis ministerii diebus ingredi possent, Jacobo tamen Minori ob ejus eximiam virtutem & sanctitatem quotidie ingredi licebat. Et de hoc loquitur Hegefippus, non de Sancto Sanctorum, quod solus Summus Sacerdos, & quidem semel in anno intrare poterat. Etsi autem illud appellet *intimum Sanctuarii*, solum intendit per hoc locum illum distinguere ab exteriori parte seu atrio, quod Populo permittebatur.

VI. Sed dices: Jacobus Minor non erat Sacerdos; quomodo ergo poterat ei permitti, ut, & quidem continuo, intraret in Sancta solis Sacerdotibus reservata? Reponere possem: B. Virgo Maria, nec erat Sacerdos, nec Sacerdotii capax quia femina; quomodo ergo poterat intrare in Sancta? Et tamen multi (ut supra expendi) viri docti & pii sentiunt illam intrasse non solum in Sancta, sed in Sancta Sanctorum: nec solum intrasse, sed in eo loco educatam per undecim annos speciali privilegio mansisse, & manu Angeli fuisse nutritam. Quod ergo credi non potest, etiam Jacobum Minorem ratione suæ sanctitatis speciali gratiâ in Sancta ingredi, ibique quotiescumque vellet orare fuisse permixtum? Accedit, quod ut præfati Auctores dicunt, solutâ Captivitate Babylonica, tanta non fuit illius loci reverentia, quin notatâ sanctitatis viri, etsi nec Pontificali nec Sacerdotali dignitate aucti, ad illum admitterentur; ad quod probandum afferunt exemplum de Jacobo Minore.

VII. Nullus tamen mihi scrupulus est admittere, Jacobum fratrem Domini Sacerdotali dignitate, vel saltem Levitica fuisse auctum, antequam sese Christo daret. Hoc tamen admissio, oportet statuere S. Jacobum fratrem Domini non fuisse de Tribu Juda, nec filium Cleophae fratris S. Joseph, sed alterius qui dicebatur Alphæus, & erat de Tribu Levi: vel verius quod Maria Cleophae mater ipsius (quæ dicitur B. Virginis foror) descenderet ex filiabus Aaron. Quemadmodum Christus, cujus frater Jacobus dicebatur, esto ex semine David & Tribu Juda esset  
se-



secundum carnem, ex parte tamen Matris Tribum Levi & Sacerdotale genus attingere voluit. Unde S. Augustinus lib. 2. de Conf. Evang. cap. 2. licet asserat, Mariam de stirpe David fuisse, dicit tamen aliquid de sacerdotali genere participasse his verbis: *Cujus femina quoniam nec Sacerdotale genus tacetur, insinuante Luca, quod cognata ejus esset Elisabeth, quam dicit de filiabus Aaron; firmissime tenendum est, carnem Christi ex utroque genere propagatam, & Regum scilicet & Sacerdotum.* Quid igitur impedit, quin Maria Cleophae Mariae Virginis dicta soror stirpem Sacerdotalem aliquo modo contingeret, quo Jacobus ejus filius sacerdotalis gradus capax fieret, eo maxime tempore, quo non accurate, nec adeo secundum rigorem legis res agebantur?

VIII. Huic ob stare potest primò, quòd, ut idem Hegeſippus refert apud Eusebium lib. 3. Hist. cap. 20., Nepotes Judæ fratris Jacobi & Domini delati fuerunt ad Domitianum, quòd essent ex Regia familia David progeniti: quod & ipsi confessi sunt. Secundò non est credibile, aliquem è Sacerdotibus à Christo in Apostolatam fuisse assumptum; & maxime quia solos illiteratos & communes de Populo vocare Christus consueverat.

IX. Respondeo tamen ad primum, Nepotes Judæ fratris Jacobi, qui dicebatur Frater Christi, respondisse, se esse de stirpe Regia David secundum lineam paternam: quod non tollit, quin secundum lineam maternam stirpem Sacerdotalem attingerent. Ad secundum dico, non esse incredibile, quòd Christus, qui Matthæum Publicanum è telonio vocavit, in quem etiam ex Principibus crediderunt, Joann. 12. v. 42., Jacobum fratrem ad se spontè venientem, etsi Sacerdotem Legis, à sui sequela & Apostolatu non rejecerit. Si Act. 6. v. 7. dicitur, quòd Apostolis prædicantibus *multa Turba Sacerdotum obediebat Fidei;* non erit incredibile, quòd vel unus è Sacerdotibus Christo prædicanti obediret, maxime secundum carnem ei conjunctus. Fateor, Christum elegisse in Apostolos homines vulgares & idiotas, sed hoc non tollit, quin unum saltem, qui non esset de infimo ordine elegerit. Addo, quòd cum tunc Sacerdotium carnali propagatione traduceretur; contingere poterat, quòd illiteratus & idiota esset in ministerio. Tales certè erant filii Heli 1. Reg. 2. v. 36., solliciti de pane & argento magis quàm de Legge. Talis fuit quidam Phani seu Phaniſus, ut refert Josephus L. 4. de Bello Judaico cap. 5., cui non ex Pontificibus orto, sed apertè quid esset Pontificatus propter rusticitatem penitus ne-

sciens.

scienti, rure abstracto, Pontificatus honor delatus fuit.

Hæc de Jacobi Miuoris Sacerdotio dixi, non quasi hoc certum statuens, sed ostendens, non esse velut absonum vel incredibile quod dicit Hegesippus de ipso, quòd ei in Sanctuarium ingredi præ sua pietate permetteretur: præsertim cùm inter alios S. Hieronymus L. de Script. Ecclesiast. cap. 2. hoc idem iisdem Hegesippi verbis referat, nec improbet.

X. Refert idem Hieronymus citato loco, in Evangelio dicto secundùm Hebræos, à se in Latinum verso, quo sæpè utitur Origenes, post Resurrectionem Domini hæc legi: *Dominus autem quum dedisset sindonem Servo Sacerdotis, ivit ad Jacobum & apparuit ei. Juraverat enim Jacobus, se non comesturum panem ab illa hora, quâ biberat calicem Domini, donec videret eum resurgentem à dormientibus.* Rursusque post paululùm: *Afferte*, ait Dominus, *mensam & panem*: statimque additur: *Tulit panem & benedixit & fregit & dedit Jacobo Iusto, & dixit ei: Frater mi, comede panem tuum, quia resurrexisti Filius Hominis à dormientibus.* Sed hæc, quæ ex Evangelio apocrypho hausit Hieronymus, si vera essent, probarent, hanc Jesu apparitionem factam fuisse Jacobo ipsâ die Resurrectionis. Porro cùm Evangelia ab Ecclesia ut canonica suscepta nihil dicant de juramento à Jacobo facto non comedendi panem ab illa hora usque dum videret Christum resurgentem, nec de Apparitione Christi post Resurrectionem Jacobo porrigentis panem eumque invitantis ad comedendum, valdè suspecta redditur hæc narratio. Dicit quidem Paulus 1. Cor. 15. v. 6. & 7., Christum visum fuisse Jacobo, sed postquam visus fuit plusquàm quingentis Fratribus. S. Augustinus L. 3. de Conf. Evang. cap. 25. hunc ordinem describens, ait: *Omnium ergo Virorum primò apparuisse intelligitur Petro...* Caterùm si apparuit alicui eorum prius quàm Petro, quod omnes tacuerunt, quis vel dicere audeat vel negare? Et infra: *Probabiliter tamen creditur, posteaquàm Petro apparuit, deinde apparuisse istis duobus, quorum unus erat Cleophas, de quibus Lucas c. 24. v. 15. & c. totum narrat.* Conficitur ergo, quòd ista apparitio Jacobo non die ipsâ Resurrectionis facta fuerit, sed, ut prædixerat Angelus Matth. 28. v. 7., in Galilæa & post dies octo. Quare S. Thomas in cap. 15. 1. ad Cor. lect. 1. dicit, quòd si post omnes numeratas apparitiones apparuisset Jacobo, nimis diù fuisset sine cibo: & hoc est difficile. Et idèò dicendum est, quòd idèò singulariter Christus apparuit Jacobo, quia specialem devotionem ad Christum Jacobus habebat. Et de ista etiam apparitione nihil habetur in Evangelio. Scio, Baronium ad ann 34. num. 211. velle, apparitionem factam ipsâ

ipsâ

ipsâ Resurrectionis die esse diversam ab ista , quam refert Paulus . Sed quo fundamento ponitur hæc diversa apparitio ?

XI. Quod autem ex Evangelio secundum Hebræos refert Hieronymus , quod Christus resurgens sindonem dedit Servo Sacerdotis , falsum est ; quia contrarium Evangelio , in quo asseritur omnia linteamina , quibus involutum Corpus & Caput Christi , fuisse inventa post Resurrectionem in Sepulchro . Sic enim ait Joannes cap. 20. v. 5. &c. , quod ipse currens cum Petro *Venit primus ad monumentum . Et cum se inclinasset vidit posita linteamina , non tamen introiit . Venit ergo Simon Petrus sequeus eum , & introiit in monumentum , & vidit linteamina posita , & Sudarium quod fuerat super Caput ejus , non cum linteaminibus positum , sed separatim involutum in unum locum .*

XII. Clemens Alexandrinus apud Eusebium L. 2. hist. cap. 1. dicit , Christum post Resurrectionem communicasse Scientiæ Donum hisce tribus Jacobo Justo , Joanni , & Petro , & istos aliis Apostolis tradidisse : *Jacobo inquit Justo , & Joanni , & Petro Dominus post Resurrectionem Scientia donum impertit : quod illi ceteris Apostolis , hi verò septuaginta Discipulis , quorum unus fuit Barnabas , tradiderunt .* Hoc Dono , scribit Origenes L. 1. contra Celsum , clariorem effectum Jacobum fuisse , quam Christi cognatione & communi educatione . Et S. Hieronymus ita eum celebrat in cap. 1. ad Galat. : *Nunc hoc sufficiat , ut propter egregios mores & incomparabilem fidem , sapientiamque non mediam , frater dictus sis Domini : & quod primus ei Ecclesiæ præfuerit , quæ primâ in Christum credens ex Judæis fuerat congregata .* Sed his nos invitat Hieronymus ad ejus Episcopatum Jerosolymitanum . Sit ergo

#### §. I V.

##### *Jacobus Justus Episcopus Jerosolymitanus .*

I. S. J Acobum Fratrem Domini fuisse in Episcopum primum Jerosolymorum immediatè à Christo constitutum , sentit Chrysostomus hom. 38. in 1. ad Cor. de eo dicens : *Ipse enim ( Christus ) dicitur ei manum imposuisse ac ipsum ordinasse , & primum Episcopum fecisse Jerosolymis .* Quod & Græci in Menol. Basilii asserunt die 23. Octobris his verbis : *Sanctus Jacobus primus Jerosolymorum Episcopus ab ipso Christo ordinatus .* Idem videtur sensisse S. Hieronymus loco nuper citato , ubi de Jacobo dicit , quod etsi ceteri Apostoli Fratres Domini in Evangelio di-

dicantur : *Sed præcipue hic Frater dicitur , cui filios Matris sue ad Patrem vadens Dominus commendaverat* : Quasi sicut Petro omnes generaliter commendaverat , ita illius primæ ex Judæis Ecclesiæ particularis , speciali Jacobi curæ committeret : unde Bernardus L.2. de Consider. cap.6. : *Jacobus , inquit , qui videbatur Columna Ecclesiæ , unâ contentus est Jerosolymâ : Petro Universitatem cedere . Pulchrè verò ibi positus est suscitare semen defuncti fratris , ubi occisus est ille ; nam dictus est Frater Domini .* Alii tamen etiam ex Veteribus volunt , Jacobo non à Christo immediate , sed ab Apostolis Ecclesiam Jerosolymitanam regendam fuisse traditam , ut Eusebius L.2. hist. cap.23. Hæc tamen componi posse videntur dicendo , Apostolos formali electione secutos fuisse designationem illius à Christo factam , nimirum post Ascensionem solemniter eam omnibus Discipulis declarando , & Jacobum externâ quâdam cæremoniâ speciem Ordinationis præferente inthronizando .

II. Hanc electionem statim post Ascensionem , aut certè post Martyrium Stephani , à tribus Apostolis Petro Jacobo Zebedæi & Joanne fuisse factam , ex Clemente Alexand. refert Eusebius L.2. cap. 1. his verbis : *Ait enim ( Clemens ) post Servatoris Ascensum Petrum , Jacobum , & Joannem , quamvis Dominus ipsos ceteris prætulisset , non idcirco de primo honoris gradu inter se contendisse , sed Jacobum cognomine Justum Jerosolymorum Episcopum elegisse .* Quibus apparet , quàm alieni à Primatus ambitu post acceptum Spiritum Sanctum essent illi , qui sub ipsius Christi adhuc in Terris degentis præsentia de Primatu contende-  
bant . ( Lucæ 22.v.24. ) . Unde Chrysostomus hom.3. in Acta : *Aliorum , inquit , Discipulorum summam humilitatem considera , quo pacto illi thronum concedunt , neque mutuo disceptant . Illa enim Ecclesiæ quasi in Cælis posita erat , seculare nihil habens , non parietibus , non marmoribus , sed eorum qui convenerant sermore resplendens .* Et post multa demonstrans , unde veniant & Episcopatus ambitio & interdum etiam inter ambientes dissidia , concludit : *Sed dicam , qua de causa hac de re dissidia oriantur : quia nempe non quasi ad præfecturam & patrociniū Fratrum accedimus , sed quasi ad honorem & requiem . Si scires enim , Episcopum omnium esse , omnium onera ferre oportere : quòd aliis irascentibus venia detur , illi verò minime ; quòd aliis peccantibus excusatio multa , ipsi verò nulla sit ; ad hanc dignitatem non accurrisses .* Hic enim omnium linguæ expositus est , omnium judicio , sapientium & insipientium ; quotidianis curis atteritur , imò & nocturnis ; multorum odio , multorum invidia patet . Hæc & alia quæ Chrysostomus & ipse Episco-

scopus de Episcopatu sentit, considerent velim, qui Episcopatum tantâ facilitate affectant.

III. Non sic tamen Jacobus Ecclesiam Jerosolymitanam regendam suscepit, ut etiam Apostolos sibi subditos, sed potius ut in ea gubernanda socios haberet. Ita Hegeſippus Apostolorum temporibus proximus apud Eusebium L. 2. hist. cap. 23. : *Ecclesia*, inquit, *administratiouem unâ cum Apostolis suscepit Jacobus Frater Domini*. Aliqui non veriti sunt eum appellare Caput & Episcopum Apostolorum in ea manentium. Hoc certum est, quod Paulus Galat. 2. v. 9. loquens de Apostolis, quos Jerosolymis invenerat, primo loco Jacobum nominat, quasi ibi dignitate præcipuum. Cæterum in Actibus Ecclesiam universam spectantibus primum semper locum obtinet Petrus, ut Acta Apostolica demonstrant. Unde Chrysostomus hom. 87. modò 68. Joan. : *Cur*, inquit, *Jacobus Jerosolymorum thronum accepit ? Respondebo : Petrum non throni hujus, sed totius Orbis Doctorem à Christo statutum fuisse*. S. Jacobi Ordinatio in Episcopum à quibusdam antiquis Martyrologiis assignatur diei 27. Decembris : ex quo aliqui censent, quod Jacobus vel non statim fuerit ordinatus, vel quod Episcopale exercitium non suscepit nisi post Apostolorum discessionem. Apostolis enim proximè discessuris cura fuit relinquere in ea Civitate Pastorem, qui in eorum absentia Populum fidelem ex Judaismo gubernaret. Cæterum etiamsi præsentibus aliis Apostolis Episcopale munus tanquam prius gereret, intelligendum est cum Anastasio Bibliothecario in Annot. ad Conc. Constantinopolit. IV. tanquam primus respectu eorum, qui ab Apostolis ordinati erant, non eorum qui à Domino, quales erant Apostoli, & præcipuè Petrus.

IV. Illius sanctos mores, austeritatem vitæ, Orationis continuum studium, ac justitiæ zelum, aded ut antonomaſticè vocaretur Jacobus Justus, supra §. 3. descripsi ex Hegeſippo, à quibus adjuncta animi lenitas ac suavitas, eum vel ipsis Judæis acceptum reddebat & gratum : & S. Hieronymus in cap. 1. ad Galatas : *Fuit*, inquit, *Vir tantæ sanctitatis & rumoris in Populo, ut fimbriam vestimenti ejus certatim cuperent attingere*. Hoc aliud refert Baronius ex Talmude Hierosolymitano in Sciabat c. 14. : *Rabbi Eligazer filio Dama colubri morsu ægrotante, venisse ad eum Jacobum è Castello Samma, ut in nomine Jesu fabri eum curaret ; sed à Rabbi Ismael prohibitum. Cùmque contrà eum obuiteretur ipse Eligazer, affirmans, id fieri potuisse, inter altercandum, serpente veneno, coram ipso Ismaele extinctus est : qui tunc exclamavit hæc dicens : O te felicem filium Dama, qui ex hoc mundo in pace migrasti*.

*si; nec transgressus es materiam Sapientum!* Hæc ibi, quæ habetur etiam in Talmud Babylonico, ubi Jacobus frequenter per contemptum vocatur *Discipulus Jesu fabri*, ut jure credatur hoc dictum de Jacobo Episcopo Jerosolymitano, qui cæteris Apostolis diversas Provincias obeuntibus apud Judæos remansit.

V. Nec tamen solus Jacobus Episcopus Jerosolymis remansit, sed & aliqui, & fortè non pauci ex Discipulis cum eo remansisse tanquam ejus in ministerio adjuutores, etiam Apostolis abeuntibus, credendi sunt. Erat ergo Jerosolymis florens Ecclesia, quæ non sui tantum sed & aliarum curam haberet. In ea Petrus identidem moratus fuit. Ad eam in arduis difficultatibus consulendam veniebant, & ex ea decreta prodibant. S. Paulus anno 37. primò venit, sed ut habetur Act. 9. v. 26., cum tentavit se jungere Discipulis, omnes timebant eum, non credentes eum esse Discipulum. Barnabas autem apprehensum illum duxit ad Apostolos (nempe Petrum & Jacobum, qui soli tunc ibi erant Galat. 1.) & narravit illis, quomodo in via vidisset Dominum, & quia locutus est ei, & quomodo in Damasco fiducialiter egerit in nomine Jesu: quibus auditis ab Ecclesia acceptatus fuit. Legitur Act. 11. versu 22. (circa annum 42.) quòd cum pervenisset ad aures Ecclesiæ, quæ erat Jerosolymis, ingentes Fidei progressus Antiochiæ fieri, eundem Barnabam illuc misit; & cap. 12. v. 17. anno 44. Petrus miraculosè ab Herodiano carcere liberatus, ut de sua liberatione Jacobus & cæteri Fratres certiores fierent, sollicitus fuit, *nuntiate Jacobo & Fratribus hæc.*

VI. Præterea circa ann. 51. cum quidam à Judæa Christiani (Act. 15. v. 1.) Ecclesiam Antiochiæ turbassent, dicentes etiam conversis ex Gentibus: *Nisi circumcidamini secundum morem Moysi non potestis salvari*: causa hæc deferretur ad Apostolos & Seniores, qui Jerosolymis erant, per Paulum & Barnabam. Ibi habetur Concilium, cui S. Jacobus interest, ac ultimus utpotè Episcopus loquitur, Decretum pro illo tempore mirâ suavitate temperat, ac in suam sententiam trahit Concilium, relinquens Ecclesiæ Præsidibus exemplum, ut asperiora ac duriora aliis relinquant, ipsi verò ea pro viribus salvâ Lege emolliant, ac emollita proponant, & sic infirmos alliciant potius, quam deterreant.

VII. Jerosolymam hæc occasione venit Paulus, ut cum præcipuis illius Ecclesiæ Viris Petro Joanne & Jacobo conferret Evangelium, quod prædicabat in Gentibus, ut testatur ipse Galat. 2. v. 2., quod hi tres, qui ut Columnæ Ecclesiæ habebantur, probavere v. 7. & 9., & admirantes Gratiâ Dei ad con-

ver-

versionem Gentium Paulo datam, dexteris societatis ei dederunt, & etiam Barnabæ: ut hi duo Gentibus, ipsi autem tres Judæis prædicarent. Porro cum Jacobus, utpotè Jerosolymorum Episcopus, speciali titulo Judæorum Apostolus esset: Judæi autem etiam post Jesu Fidem susceptam pro observantiis suæ Legis zelum adhuc retinerent, credibile est, eum in sua Ecclesia aliquas earum ad tempus tolerasse, ut Judæos ad Christum sensim traheret, ut eruitur ex Act. 21. v. 30.: quo factum est, ut cum paulò post Concilium venissent Antiochiam quidam missi à Jacobo, Petrus (qui antea cum Gentibus comedeat) ne qui è Jerosolymis venerant offenderentur, à Gentiliis mensis se subtraheret: quod & alii Judæi & Barnabas fecerunt. Ex quo Paulus occasionem sumsit Petrum reprehendendi, ut habetur Galat. 2. à v. 11. Super quæ S. Irenæus L. 3. cap. 12. ait: *Hi autem qui circa Jacobum Apostoli Gentibus quidem liberè agere permittebant, concedentes nos Spiritui Dei. Ipsi verò eundem scientes Deum perseverabant in pristinis observationibus: ita ut Petrus quoque, timens ne culparetur ab ipsis, ante manducans cum Gentibus, propter visionem, & propter spiritum, qui requieverat super eos; cum tamen advenissent quidam ab Jacobo, separavit se, & non manducavit cum eis &c.*

VIII. Reversus Jerosolymam Paulus anno 58. sequenti die adivit Jacobum & Seniores (Act. 21. v. 17. &c.) cumque eis narrasset Paulus, quanta Deus operatus esset in Gentibus per ministerium suum, gavisi sunt, & magnificabant Deum. Sed, quia de eo sparsus fuerat apud Judæos rumor, quòd doceret discessionem à Moyse; ut hunc tolleretur, hortati sunt eum, ut se purificaret, & sacrificium offerret secundum Legem Nazaræatus: consilium, quod à Jacobo præsertim prodissse creditur, Paulus acceptavit. Ingens fuit numerus Judæorum, qui Jerosolymis Christo nomen dederunt. Quotquot autem ex his crediderunt (inquit Hegesippus apud Eusebium L. 2. hist. cap. 23.) Jacobo operâ & ministerio utique crediderunt. Zelus iste ipso observantia Legalium durasse creditur Jerosolymis usque ad tempora Hadriani, qui Judæos omnes Jerosolymæ aditu prohibuit. Quod quidem, ut ait Sulpitius L. 2. hist. num. 45., Christianæ Fidei multum profuit. Nam cum Jerosolymæ Ecclesia nonnisi ex Circumcisione haberet Sacerdotem, penè omnes Christum Deum sub Legis observatione credebant. Nimirum id Domino ordinante dispositum, ut Legis servitus à libertate Fidei tolleretur: ita ut primum Marcus ex Gentibus apud Jerosolymam Episcopus fuit. Ita Sulpitius Severus. Hoc idem refert Eusebius L. 4. hist. c. 6.

IX. Censent aliqui, S. Jacobum fuisse auctorem, ut Jerosolymis celebraretur Pascha, non amplius Luna 14., sed die Dominico eam sequente, moti ex Eusebio L. 5. hist. cap. 23. & 25., ubi scribit, quod Sanctus Narcissus Jerosolymorum, Theophilus Cæsareæ, Cassius Tyri, Clarus Ptolemaidis, aliique Episcopi in Concilio Palæstino desinente seculo II. congregati: (*Excitata controversia, & quod omnes per Asiam Ecclesia vetustâ quâdam Traditione vive, quartadecimâ Lunâ salutaris Paschæ festum diem celebrandum esse censebant, quo die præscriptum erat Judæis, ut agnum immolarent: eâque omnino Lunâ in quemcumque diem septimanæ incidisset, finem jejuniis imponendum esse statuebant: cum tamen reliquæ totius Orbis Ecclesiæ alio more uterentur, qui ex Apostolorum Traditione profectus etiamnum servatur, ut scilicet non alio quàm Resurrectionis Dominicæ die jejunia solvi liceat.*) Omnes uno consensu Ecclesiasticam Regulam universis Fidebus per Epistolam tradiderunt: ne videlicet ullo alio quàm Dominico die mysterium Resurrectionis Domini unquam celebretur, atque eodumtaxat die Paschali jejuniorum terminum observemus. Hæc Eusebius. Si ergo hæc Concilii decisio supponit, in omnibus totius Orbis Ecclesiis, Asiaticis dumtaxat exceptis, Pascha die Dominico celebrari, & hoc ex Apostolorum Traditione: si Narcissus Jerosolymorum Antistes, qui huic Concilio intererat, decreto subscripsit, nec contrarium suæ Ecclesiæ morem allegavit: signum est quod etiam Jerosolymis hæc Apostolica Traditio servabatur. Unde autem nisi ex Jacobo Episcopo & Apostolo ortum habere potuit?

X. Verum incredibile redditur, S. Jacobum hanc Paschatismutationem in Ecclesiam Jerosolymitanam quoad praxim invexisse. Ecclesia enim illa tunc constituta erat ex ferè solis Christianis, qui venerant ex Judaismo, & qui ex dictis pro observantia Legis zelo ardebant: quare Jacobus in eis aliqua, mortua quidem, sed nondum mortifera, dissimulare cogeatur. Quid ergo dixissent, si statim à Lege Paschatism diem invertissent? Num contra eum non insurrexissent, aut non in crimen ei vertissent, maxime cum eum ad mortem accusarunt? Cum ergo hoc ei non objecerint, indicium est (quidquid in se aliter sentiret) hac in re de Ritu Judaico eum nihil immutasse. Rursus S. Joannes Evangelista, & S. Philippus hac in re infirmitatè Judæorum indulgisse dicuntur apud Eusebium L. 5. cap. 24., qui tamen eisdem rationibus, quibus Jacobus non premebantur: & præcipue S. Joannes, qui triginta annis superstes fuit Jerosolymitano excidio, post quod Legales observantiæ ferè abolitæ fuerunt.



runt. Traditio ergo illa de Paschate die Dominico celebrando quoad praxim ad alios ex Apostolis, non ad S. Jacobum est referenda.

## §. V.

*S. Jacobi Martyrium.*

I. **D**E tempore Martyrii S. Jacobi Jerosolymitani Episcopi apud omnes convenit, hoc accidisse, tunc cum Festo Judææ Proconsule jam defuncto, Albinus ei ab Imperatore Nerone successor destinatus, adhuc in itinere erat, nec in Provinciam pervenerat, & consequenter cum nullo Præside Judæa regeretur. Ita Josephus L. 10. Antiquit. cap. 8., & Eusebius L. 2. hist. cap. 23.. Tota controversia est de anno, quo hoc contigit; in quo tanta est varietas, ut cui tutò adhærere possim ignorem. Quidam, inter quos Tilmontius, anno Christi 62. Martyrium Sancti Jacobi affigunt, Baronius anno 63., Eusebius in Chronico anno 65. Neronis septimo. S. Hieronymus L. de Script. Ecclesiasticis cap. 1. dicit, quòd Jacobus *triginta annos Jerosolymorum rexisset Ecclesiam, idest usque ad septimum Neronis annum*. Non dicit tamen, in quem Christi annum septimus Neronis inciderit, nec à quo Christi anno deducendi sint triginta anni ejus Pontificatus. Nec omninò certum est, à quo anno initium sumserit: si enim ab anno Christi 33. post Ascensum Domini incipimus numerare annos triginta ejus Pontificatus, debemus eum anno Christi 63. cum Baronio asserere Martyrio coronatum fuisse. Verùm quia nec exploratum est, quo anno cœperit Episcopatus Jacobi, cum aliqui velint, eum solum cœpisse factâ Apostolorum in Provincias secessione, nec certum sit eum 30. annis eam Ecclesiam rexisset, cum S. Epiphanius hæres. 78. velit eum solis 24. annis à Passione Christi supervivisse, ideò nihil in hoc statui certum potest. Si tamen observetur ex Josepho L. 7. de Bello Judaico cap. 12. quòd anno, quo Jerosolyma capta est, qui fuit Christi 70., Albinus à septem annis & quinque mensibus Judæam regebat, probabile apparebit, mortem S. Jacobi anno 62. tempore Paschæ accidisse.

II. Causam & modum Martyrii S. Jacobi narrat Eusebius L. 2. hist. cap. 23. ex Hegesippo; cui consentit Josephus L. 10. Antiquit. cap. 8. Occasio ergo seu causa fuit hæc. Cum Paulus ad Cæsarem provocasset, Romamque a Festo Proconsule missus esset, Judæi, qui insidias Paulo struxerant, spe suâ frustrati, in Ja-

Jacobum Fratrem Domini Episcopum Jerosolymitanum rabiem verterunt. Contigit interea, ut Festus moreretur, &, ut Josephus narrat, Cæsar auditâ Festi morte Albinum in Judæam mitteret Præsidentem. Contigit quoque, ut semoto à Summo Sacerdotio Josepho, & jussu privatam vitam agere, Sacerdotium ejus Cæsar dederit Anano, seu Annæ, magni illius Annæ de quo in Evangelio mentio fit Filio, viro audaci & ingenio feroci, sectâ Sadducæo; quod hominum genus severissimum est. *Is igitur tempus opportunum se natum ratus mortuo Festo, Albino adhuc agente in itinere, concilium Judicum advocat, statutumque coram eo Fratrem Jesu Christi Jacobum nomine, & unâ quosdam alios reos impietatis peractos lapidandos tradidit: quod factum omnibus in ea Civitate bonis & Legum studiosis vehementer displicuit; missisque ad Regem (Agrippam) clam nuntiis, rogaverunt, mandaret Anano, ne quid tale post hac ogeret, nam ne nunc quidem rectè egisse. Quidam etiam Albino occurrentes venienti ab Alexandria docuerunt eum, non licuisse Anano sine ipsius consensu advocare Concilium.... & Agrippa Rex eam ob causam post tertium mensam ablatum ab eo Pontificatum Jesu Damnai filio concessit. Hoc Josephi viri Judæi testimonium mirè probat injustam Jacobi necem. Licet tamen Josephus videatur conjungere Jacobi accusationem coram Concilio cum ejus morte, quasi à Concilio damnatus fuerit, hoc fecit more historico, quo sæpe distincta quasi conjuncta proponuntur.*

III. Res ergo, ut ab Hegesippo eam depromsit Eusebius lib. 2. cap. 23., ita evenit. *Quidam ex septem sectis, quæ apud Judæos erant.... interrogarunt eum, quodnam esset Ostium Jesu (idest Institutio ac Fides Jesu, ut ibi exponit Valesius) Quibus ille Jesum esse Servatorem ostendit. His auditis nonnulli eorum Jesum reverà Christum crediderunt. Supra scripta verò secta nec resurrectionem nec futurum Christi adventum, ut unicuique pro meritis mercedem tribuat, credebant (tales erant Sadducæi, ex quorum secta erat Ananus illius cætus caput, ut ex Josepho vidimus) Quotquot verò ex iis crediderunt, Jacobi operâ ac ministerio utique crediderunt. Cum ergo multi ex ipsis etiam primoribus crederent, tumultuari ceperunt Judæi, Scribæ & Pharisei; ed jam ventum esse clamantes, ut propè omnis populus Jesum quasi Christum expectaret. Proinde in unum congregati Jacobum adieunt, bisque eum verbis compellant: Hortamur te, inquit, ut Populi errorem comprimas, qui falsam de Jesu opinionem imbibis, perinde quasi Christus esset. Persuade igitur omnibus, qui festo Paschæ die huc conveniunt, ut de Jesu rectè sentiant. Tibi enim omnes fidem*  
ba-

*habemus & cum universo Populo hoc tibi testimonium perhibemus, iustissimum te virum esse, nec ullum apud te personarum discrimen valere.... Ascende igitur in fastigium Templi, ut in sublimi loco positus, ab omnibus conspici & exaudiri faciliè possis. Nam Paschalis solemnitatis gratiâ cuncta Judæorum Tribus, & ex Gentibus non pauci, huc convenerunt.*

*Post hæc supradicti Scriba & Pharisei cum Jacobum in fastigio Templi collocassent, contentâ voce sic eam alloqui cœperunt. O Juste, cui nos omnes fidem adhibere par est, quandoquidem Populus omnis errat, Jesum sectans Crucifixum, doce nos, quod sit Ostium Jesu suffixi Cruci. Tunc Jacobus editâ voce sic respondit. Quid me, inquit, interrogatis de Jesu filio hominis? Ipse sedet in cælo à dextris summa virtutis, & venturus est in nubibus cæli. Cùmque multi hoc Jacobi testimonio confirmati glorificarent Jesum dicentes, Osanna filio David: Tunc iidem Scriba & Pharisei inter se collocuti: malè, inquit, fecimus, qui tanto testimonio Jesum ornaverimus. Verùm ascendamus, eumque præcipitem dejiciamus, ut ceteri conterriti fidem illi habere desinunt. Couclamare deinde cœperunt ac dicere: O, o, ipse etiam Justus erravit. Et impleta sunt ea, quæ apud Esaiam scripta sunt: Tollamus de medio Justum, quia molestus est nobis: propterea fructum operum suorum manducabunt.*

*Aloq ergo conscendentes, eum præcipitem egerunt. Et quoniam præcipitatus non statim mortem obierat, sed conversus flexis genibus orabat, dicens: Domine & Deus Pater, rogo ut ignoscas illis, quia nesciunt quid faciunt: illi inter se dixerunt: lapidemus Jacobum Justum. Cùmque hominem saxis obruerent, unus è Sacerdotibus ex filiis Rechab filii Rechabim, qui Hieremia suffragio commendatus fuit, contentâ voce: parcite, inquit, quid facitis? Justus orat pro vobis. Interim unus ex iis fullo arrepto fuste, quo vestes exprimere solebat, caput Justus percussit. Atque ita felici martyrio vitam finiit.*

IV. Hæc ex Hegesippo fuit series & exitus gloriosi martyrii Jacobi fratris Domini, qui è fastigio Templi Fidem Jesu prædicans, fortè Anano præcipiente, & lapidibus impetitus orans pro lapidantibus, fuste tandem in capite percussus vitam coronavit; idque circa festâ Paschalia. Ita etiam referunt Clemens Alexandr. apud Eusebium lib. 2. cap. 1., S. Hieronymus lib. de Script. Eccl. cap. 2.: ubi coniungens ea, quæ Josephus & Clemens narrant ait: *Ananus Pontifex adolescens Anani filius de genere Sacerdotali, acceptâ occasione (quod nimirum Albinus præfes necdum ad Provinciam pervenisset) Concilium*

*congregavit, & compellens publice Jacobum, ut Christum Dei Filium denegaret, contradicentem lapidari iussit: qui cum precipitatus de pinna Templi confractis cruribus adhuc semianimis tollens ad cælum manus diceret: Domine, ignosce eis, quod enim faciunt nesciunt, sillonis fuste, quo ada vestimenta extorqueri solent, in cerebro percussus interiit. Hujus Apostoli martyrium celebrant Græci die 23. Octobris, Latini verò die prima Maii.*

V. Sepultum fuisse in eodem loco, in quo passus fuit, censet Hegeſippus apud Eusebium citatum; asserens, usque ad sua tempora mansisse cippum, seu monumenti signum propè Templum, ideòque etiam post Jerosolymorum eversionem ac Templi à Romanis factam. Attamen eum sepultum fuisse in Monte Olivarum, asserit Gregorius Turonensis lib. de Gloria Mart. cap. 27. sed à S. Hieronymo, qui ea loca perlustravit, rejicitur: ait enim lib. de Script. Eccl. cap. 2. *Juxta Templum, ubi & precipitatus fuerat, sepultus est. Titulum usque ad obsidionem Titi, & ultimam Hadriani, notissimum habuit. Quidam è nostris in Monte Oliveti eum putaverunt conditum, sed falsa eorum opinio est.*

VI. Tantum facinus non solum à Fidelibus, sed & à Sapientibus etiam ex Judæis, teste Josepho supra relato, improbatum fuit, qui contra Ananum Pontificem coram Albino conquesti sunt; non solum ab Agrippa punitum, qui Ananum auctorem Sacerdotio privavit, sed etiam fuisse proximam Jerosolymorum cladis causam, Deo injustam Apostoli sui necem vindicante, censuerunt multi. Ita Eusebius lib. 2. cap. 23. sæpè citato ex Hegeſippo & Clemente his verbis: *Porro Jacobus ob singularem justitiam adeò celebris apud omnes & admirabilis fuit, ut Judæorum prudentissimi hanc fuisse causam existimaverint secuta mox obsidionis Jerosolymorum. Quam quidem non ob aliud sibi contigisse, quàm propter scelus in Jacobum admissam, ipse etiam Josephus scripto testari minime dubitavit, cum ait: Hæc omnia contigerunt Judæis propter Jacobum Justum, fratrem Jesu, qui dicitur Christus, qui cum esset omnium consensu justissimus, nihilominus à Judæis necatus fuerat. Cum tamen hæc Josephi verba in nostris Codicibus non legantur, putari debet, vel ea fuisse abrasa, vel à Josepho scripta in alio Volumine, quod nobis non adest. Nec aliter existimare possumus, cum Hieronymus L. 1. adversus Jovinianum, & Origenes L. 1. contra Celsum, eadem ferè verba ex Josepho recitent. Imò Origenes ibi reprehendit Josephum, quòd dixerit, Hæc Judæis contigisse, nempe Jerosolymæ eversionem, ut Jacobus Justus, qui Frater erat Jesu, qui vocabatur*

*tur*

*cur Christus, vindicaretur: cum potius dicere debuisset, hæc in vindictam ipsius Jesu ab ipsis occisi contigisse. Unde concludit: Si ergo dicit (Josephus) excisas propter Jacobum fuisse Jerusalem, cur non fuerit rationi magis consentaneum dicere id accidisse propter Jesum, qui Christus est? Sed quamvis everso Jerosolymorum Jesu Christi neci, qui eam prædixit, tribuenda sit; eam tamen Judæi Jacobi neci tribuerunt, quia proximè post istam, nempe septem post annos secuta est.*

VII. Reliquit nobis S. Jacobus Justus unam Epistolam, de qua licet olim dubitatum fuerit, & adhuc aliqui Heterodoxi dubitent, eam tamen ut Canonicam Ecclesia Catholica suscipit, ut ostendi Tom. 1. Ver. Relig. Christ. Tract. de Libris cap. 3. §. 2. Undè ibi dicta Lector adire poterit. Alii libri sub ejus nomine olim prodire. Celebre fuit illud, quod vocant *Proto* seu veriùs Pseudo-Evangelium Jacobi, adhuc apud Orientales notissimum, sed fabulis refertum, ut agens de Vita &c. Christi ostendi, & Gelasius I. illud ad apocrypha amandavit. Innocentius I. Epist. 3., quæ est ad Exuperium, omnia præter unicam Epistolam Jacobo supposita scripta rejicit, tamquam Hæreticorum sætus præcipuè Manichæi Leucii, vel Ebionitarum, ut observat Epiphanius hæres. 30. De Liturgia S. Jacobo tributa inter Eruditos disputatur. Baronius ad annum 63. num. 17. ei suffragatur, cui adheret Cardinalis Bona. Alii Jacobi eam esse inficiantur. Utriusque partis momenta expendi Tom. 1. de Ver. Relig. Christ. de Libris cap. 4. §. 9. num. 62., ubi rem in medio reliqui. Ibi dicta videri possunt; sicut & Tilmontius Nota 16. in S. Jacobum Min.: ex quibus Lector quodcumque sibi videbitur, ferre poterit judicium.

VIII. Ubi asserventur hujus Apostoli Reliquiæ, incertum est. Compostellam in Gallæcia ejus Caput Jerosolymis translatum anno 1125. aliqui volunt. Alii authentico monumento demonstrare contendunt 4. Martii anno 1380. idem Caput Civitatis Auconæ à Patriarcha Constantinopolitano donatum fuisse, atque illud idem in Urbe dicta *Tres Maria* in Provincia sita illius Incolæ putant asservari. Cum unum tantum Caput non tria S. Jacobus habuerit, in quo ex præfatis tribus locis illud reverà sit, nonnisi divinando asseri potest. Ejusdem Corporis partes, manus, brachia, ossa, in variis locis præsertim Romæ referente Piazzâ in suo Hemerologio ad diem 1. Maji, religiosè custodiri dicuntur. Sed de his satis.

## CAPUT VIII.

## De Sancto Philippo Apostolo.

## §. I.

*Quæ de eonarrat Evangelium.*

**I.** **P**hilippus Apostolus ( à Philippo Diacono , de quo sæpè in Act. Apost. planè diversus ) Bethsaidæ super Lacum Genesareth in Galilæa positæ natus fuit . Sic Joann. c. v. 44. : *Erat autem Philippus à Bethsaida Civitate Andrea & Petri .* Hunc Jesus volens exire in Galilæam eum invenisset , ad sui sequelam vocavit v. 43. : *In crastinum voluit exire in Galilæam , & invenit Philippum , & dicit ei Jesus : sequere me .* Quibus patet , vocationem Andrea & Petri vocationem Philippi unâ die præcessisse . Paruit vocanti Philippus , & sive jam Andrea & Petri dictis instructus , sive testimonio Joannis Baptistæ præventus , quod Jesus esset Messias , statim secutus est eum . Quamvis , ut infra dicam , eum uxorem ac filias habuisse ab aliquibus credatur , Legis tamen & Prophetarum non erat prorsus ignarus . Quare inveniens Nathanaelem v. 45. dicit ei : *Quem scripsit Moyses in Lege & Propheta , invenimus Jesum filium Joseph à Nazareth .* Cumque respondisset Nathanael : *A Nazareth potest aliquid boni esse ?* Nihil territus dicit ei Philippus : *Veni & vide .* Cumque vidisset Jesus Nathanael venientem ad se dixit de eo : *Ecce verè Israelita , in quo dolus non est .* Respondenti autem Nathanaeli : *Unde me nosti ?* Jesus dixit ei : *Præquam te Philippus vocaret , cum esses sub ficu , vidi te .* Respondet ei Nathanael , & ait : *Tu es Filius Dei , tu es Rex Israel .* ( v. 49. ) S. Augustinus Tract. 7. in Joann. admirans hoc Christi de Nathanaele encomium , & hanc subitam de Jesu Divinitate Nathanaelis confessionem , quam Andreas & Petrus necdum ediderant : *Quid ergo , inquit , facimus , Fratres ? Deberet iste primus esse in Apostolis ? Non solum primus non invenitur in Apostolis ; sed nec secundus , nec ultimus inter duodecim Nathanael est , cui tantum testimonium perhibuit Filius Dei dicens : „ Ecce verè Israelita , in quo dolus non est .* *Quæritur causa ? Quantum Dominus intimat , probabiliter invenimus .* Intelligere enim debemus ipsum Nathanaelem eruditum & peritum Legis fuisse : propterea noluit illum Dominus inter Discipulos ponere , quia idiotas elegit , ut confunderet Mandatum &c. Ita Augustinus .

II. Sed

II. Sed ad Philippum revertamur. Hunc Jesu sequela totum se deinceps dedisse, etsi nullo adhuc signo se manifestasset, sentiunt Augustinus L. 2. de Conf. Evang. cap. 17. & Chrysostomus homil. 19. (modò 20.) in Joann. dicens: *Verisimile igitur est, Philippum, quodd Petrum vidisset & Joannem audisset, sequutum esse: credibile quoque est, Christi vocem aliquid in illo operatam esse; noverat enim Christus, quinam idonei futuri essent.* Hinc probabile est, eum triduo post interfuisse Nuptiis Canæ, ad quas Christus cum Discipulis suis fuerat invitatus, & testem fuisse primi illius signi, quod in confirmationem suæ missionis ibi operatus est Jesus, nempe conversionis aquæ in vinum.

III. Eum fuisse declaratum Apostolum solum anno sequenti, nempe 31., apparet Matth. 10. v. 2. & Lucæ 6. v. 13., quando Jesus quinque millia hominum, quæ eum secutæ fuerant in desertum, pascere constituit. Joann. 6. v. 5. dixit ad Philippum: *Unde ememus panes, ut manducet hi?* Hoc autem dicebat tentans enim: ipse enim sciebat, quid esset facturus. Ubi S. Augustinus Tract. 24. Joann. ait: *Nam interrogamus aliquando quod nescimus, audire volentes ut discamus; aliquando interrogamus quod scimus, scire volentes, utrum & ille sciat, quem interrogamus: utrumque hoc noverat Dominus, & quod interrogabat sciebat, quid enim esset facturus ipse noverat, & hoc nescire Philippum, sciebat similiter. Quare itaque interrogabat, nisi quia illius ignorantiam demonstrabat?* De facto se nescire demonstravit Philippus, cum respondit: *Ducentorum denariorum panes non sufficiunt eis: ut unusquisque modicum quid accipiat.* Idem autem Philippum potius interrogavit, quia sciebat, eum instructione indigere. Ita Chrysostomus homil. 42. modò 43. in Joann.: *Cur ergo, inquit, Philippum interrogat? Sciebat, qui Discipuli plus doctrinâ egerent: Hic enim est, qui postea dicit (Joann. 14. v. 8.), Ostende vobis Patrem, & sufficit nobis, idem prius illum instituit. In ultima enim Cœna, cum audisset Jesum loquentem de Patre suo, confidenter dixit, ut sibi & aliis Apostolis ostenderet Patrem, & hoc eis sufficeret. Cui Jesus: Tanto, inquit, tempore vobiscum sum, & non cognovistis me? Philippe, qui videt me, videt & Patrem, ac si diceret, ait S. Augustinus: Si me vidisti, qui omnimodò similis sum, vidisti illum, cui similis sum. Quodd si videre non potes, non saltem credis, quia ego in Patre, & Pater in me est, .... Sed idem Magister Discipulum arguebat, quoniam cor postulantis videbat. Tamquam enim melior esset Pater quàm Filius, ita Philippus Patrem nosse cupiebat: & idem nec Filium sciebat, quò molius esse aliquid credebatur. Ita Christus duas hæreses prævenit: & Sabellii; dicens*

Bbb 2

enim

enim *Qui videt me, videt & Patrem* ostendit Patrem & Filium distinctas esse Personas: Arianam etiam; nam dicens: *Ego in Patre & Pater in me est*: demonstrat, unam Patris & Filii esse Naturam, nec Filium esse minorem Patre.

IV. Dubitatur, an ille Discipulus, qui Matth. 8. v. 22. vocatus à Christo, respondit: *Permitte, me primò ire & sepelire Patrem meum*, & cui Christus dixit: *Sequere me, & dimitte mortuos sepelire mortuos suos*, fuerit S. Philippus. Affirmat Clemens Alexandr. L. 3. Stromat. pag. 436., apertè dissens, quòd Dominus dicit Philippo: *sine mortuos sepelire mortuos suos*. Qui hoc non obstante secutus est Christum, quia *spiritu surrexit, vitia morte affecit, vixit autem Christo*. Tertullianus L. de Baptismo c. 12. dicit, fuisse quidem unum ex Apostolis, qui Patris exequias desepexit; sed quis fuerit, non exprimit. S. Augustinus Serm. 62. aliàs 4. de Verb. Dom. cap. 1. solum dicit, fuisse Discipulum ad altiora destinatum; volebat enim eum esse vivi Verbi Predicatorem ad faciendos victuros; erant autem alii, per quos illa necessitas impleteretur. Probabilius ergo est, illum Discipulum fuisse alium à Philippo: tum quia Evangelista hoc factum refert longè post S. Philippi vocationem: tum quia S. Joannes, qui eam accuratè describit, de hoc nihil dicit, alioquin non prætermisurus. Quis autem fuerit, cum Evangelista non dicat, remanet incertum. De S. Philippo dicitur etiam Joan. 12. v. 20. 22., quòd cum paulò ante Passionem quidam Gentiles, qui ascenderant ut adorarent in die Festo, cuperent videre Jesum, Philippum adire: ille autem unà cum Andrea, cui eorum desiderium communicaverat, rem ad Jesum detulit. Hæc sunt, quæ ex Evangelio de S. Philippo Apostolo colligi possunt.

## §. II.

*An Filias habuerit.*

- Q**uestio satis implicata, & etiam modò controversa est, an S. Philippus Apostolus uxorem habuerit & filias. Cum enim duo sint Philippi nomine: unus Apostolus, de quo hîc: alter Diaconus, & de hoc constet Act. 21. v. 9. habuisse quatuor filias; dubitatur, an hoc etiam de Philippo Apostolo verum sit; an qui hoc asserunt, Apostolum cum Diacono confundant. Utrumque confundere videtur Eusebius L. 3. histor. cap. 31. ex Epistola Polycratis Ephesinæ Ecclesiæ Episcopi ad Victorem Papam, in qua *Joannis suus & Philippi Apostoli*  
eius-



*ejusdemque filiarum mentionem facit, his verbis. „ Nam & in „ Asia, inquit, magna quædam lumina extincta sunt, quæ su- „ scitabuntur in novissimo die Adventus Domini, tunc cum „ de Cælo veniet cum gloria, & universos Sanctos requiret: „ Philippum intelligo, qui fuit unus ex duodecim Apostolis, „ mortuusque est Hierapoli cum binis filiabus, quæ in virgini- „ tate consenuerunt. Altera quoque ejus filia, quæ spiritualem „ quamdam vitam duxit, Ephesi sepulta est.... „ Præterea in Dialogo Cæli, cujus supra fecimus mentionem, Proculus, adver- „ sùs quem instituta est disputatio, de Philippi ejusque filiarum exitu „ planè consentiens cum iis, quæ modò retulimus, sic ait: „ Quatuor „ post hæc Philippi filiæ Prophetides fuerunt Hierapoli Asiæ „ Civitate, ubi etiam earum & patris Philippi sepulchrum „ visitur. „ Hæc ille. Lucas verò in Actibus Apostolorum Philippi „ filiarum meminit, quæ dono prophetiæ ornata apud Cæsaream Ju- „ deæ tunc temporis cum Patre debebant. „ Venimus ( inquit ) „ Cæsaream, & ingressi in domum Philippi Evangelistæ, qui „ erat unus è septem, mansimus apud eum. Huic autem qua- „ tuor filiæ virgines prophetantes „. Hæc enus Eusebius.*

II. In his quis æquivocationem, imò & contradictionem non detegit? Philippum filiarum parentem unam ex duodecim Apostolis fuisse ex Polycrate dicit. Postea ex Luca dicit Philippum earum parentem fuisse Evangelistam unum ex septem. Certè Philippus unus ex duodecim, & Philippus unus ex septem non sunt idem, sed duo. Rursus Philippo uni ex duodecim tres tantum filias ex Polycrate tribuit, Philippo autem uni ex septem quatuor assignat. Tertio ex Polycrate, dicit binas Philippi filias Hierapoli sepultas cum Patre fuisse, tertiam Ephesi; ex Cajo autem omnes quatuor Hierapoli sepultas asserit. Tandem ex Polycrate de duabus dicit, quòd in virginitate obierunt, de tertia hoc tacetur; ex Luca verò omnes quatuor virgines fuisse dicuntur. Imò idem Eusebius cap. 30. ex Clemente Alexandr. dicit, Philippum omnes suas filias nuptui tradidisse; ait enim *Petrus & Philippus liberos ex legitimis nuptiis procreaverunt. Philippi etiam filias viris collocavit.* Si ergo filias viris collocavit, quomodo manserunt virgines? Conciliet ista qui potest.

III. Meritò igitur ait Valesius in Notis ad cap. 31. Eusebii: *Vetus hic error fuit, ut Philippum Diaconum & Evangelistam cum Philippo Apostolo confunderent. Et quia in Actibus Apostolorum cap. 21. Philippi Evangelistæ quatuor filias virgines prophetasse legerant, Philippum Apostolum conjugem habuisse, & filias suscepisse dixerunt. Ita præter Polycratem Clemens Alexandrinus supra*

*ſupra in capite 30., & Papias infra. Verùm ex Actibus Apoſtolorum manifeſtò colligitur, Philippum Diaconum, eum, à quo Eunuchus baptizatus eſt, & qui quatuor habuit filias prophetantes, aliud fuiſſe à Philippi Apoſtolo. Vide Iſidorum Peleuſum in Libro 1. Epiſt. 447., & ſequentibus, ubi id apertiſſimè demonſtrat.*

IV. Nihilominùs non deſunt ex Recentioribus etiam, qui probabile opinentur, S. Philippum etiam Apoſtolum filias habuiſſe; moti auctoritate Veterum: Clementis Alexand. L. 3. Strom. p. 448., ubi contra aliquos, qui Matrimonium damnabant, ait: *An etiam reprobandi Apoſtoli? Petrus enim & Philippus filios procreaverunt*: ubi apertè de Philippo Apoſtolo loquitur: Polycratis etiam; cujus auctoritati pondus addit S. Hieronymus L. de Script. Eccleſ. cap. 45., qui ejus verba referens: *Philippum, inquit, loquor de duodecim Apoſtoliſ, qui dormivit Hierapoli, & duas filias ejus, quæ virgines ſervaverunt, & aliam ejus filiam, quæ Spiritu Sancto plena in Epheſo occubuit*: Papiæ quoque, qui apud Eusebium L. 3. cap. 39., à Philippi (Apoſtoli) filiabus ſcribit ſe accepiſſe, mortuum fuiſſe ab ipſo ad vitam revocatum. Numquid ergo dicemus, omnes iſtos Apoſtoliſ ferè coævot fuiſſe hallucinatos, tribuentes Philippo uni ex duodecim Apoſtoliſ filias, quæ ſoli Philippo Diacono ſunt tribuendæ? Accedunt Græci in Menologio Baſilii die 14. Novembris, ubi Philippo Apoſtolo non tres aut quatuor, ſed ſeptem filias tribuunt: ajunt enim: *Philippus ex duodecim Apoſtoli� annus Barſaida in Galilæa natus, poſt Domini Aſcenſionem multis miraculiſ editiſ, Trajano Imperatore, Hierapolim proſectus eſt cum ſeptem filiabus ſuiſ, & Mariamua ſore ſua.*

V. Sanè ſi omnes præfati in hoc uniformes eſſent, quòd Philippo Apoſtolo tres tantùm filias tribuerent, quarum duæ manſerunt virgines, & iſtæ cum Patre Hierapoli mortuæ ac ſepultæ ſint; tertia verò fortè nupta Epheſi obierit, ubi Philippus Diaconus quatuor genuerit filias, hæcque omnes virgines ac prophetantes; aliquam probabilitatem hæc opinio nanciſci videtur. Et dici poſſet, quòd tertia Philippi Apoſtoli filia, quam dicunt mortuam Epheſi, fuiſſe Hermionem illam, de qua Græci in Menol. Baſilii die 4. Septembris dicunt: *Sancta Martyr Hermione filia Philippi Apoſtoli floruit Trajano Imperatore. Habuit autem ſorem nomine Entychen, cum qua Epheſum perrexit ut Joannem Theologum adorarent &c.* quam Epheſi manſiſſe, ibique Martyrium conſummaſſe volunt. Sed cum nec in hoc concordet ſint; nam Philippo Apoſtolo alii ſolùm tres, alii quatuor, alii ſeptem filias tribuant; idèò nutat etiam in hac parte iſta opinio.

Nec

Nec satis fulciri videtur auctoritatibus Clementis Alexandrini. Nam eodem in loco dicit, quòd Philippus *Filias suas Vi-  
ris tradidit*: alii autem volunt, eas vel omnes vel saltem duas  
mansisse virgines. Insuper de Paulo videtur supponere habuisse  
uxorem, quod est contra communem sententiam, quæ asserit,  
Paulum mansisse perpetuò Cælibem, ut in colloquiis de Cæli-  
batu demonstravi. Nec Hieronymi; nam in loco allegato lo-  
quitur ex sententia Polycratis, cujus verba refert. At L. 1. ad-  
versus Jovinianum suam mentem exponens, ait: *Quamquam  
excepto Apostolo Petro, non sit manifeste relatum de aliis Aposto-  
lis, quòd uxores habuerint: & quum de uno scriptum sit, ac de cæte-  
ris tacitum, intelligere debemus, sine uxoribus eos fuisse, de quibus  
nihil tale Scriptura significet.* Cùm ergo de Philippo Apostolo  
Scriptura non dicat, quòd habuerit uxorem & filias, sed de so-  
lo Philippo Diacono Act. 21., ex mente Hieronymi Philippus  
nec filias habuit nec uxorem. Nec tandem Papiæ, qui sicut in  
aliis tantæ auctoritatis non est, ut cogat nos ipsum sequi; ita  
nec in hoc negotio. Fateor arduum videri, quòd viri Aposto-  
lorum ævo proximi deceptionem pati potuerint; sed arduum  
quoque, quòd iidem ita contrariè inter se loquantur. Undè sicut  
hoc negari non potest, ut jam ostendi; ita non temerè saltè  
suspiciari licebit, eos in hac re aliquid humanum passos esse.  
Quapropter iis in suo sensu relictis, verisimilius censeo, San-  
ctum Philippum Apostolum nec uxorem nec filias habuisse, sed  
perpetuò cælibem perseverasse.

## §. III.

*Reliqua Philippi Apostoli Gesta, Mors &c.*

I. DE Gestis S. Philippi Apostoli altum in Actibus Aposto-  
lorum est silentium, & Patres ac probati Historici vix  
quidquam scriptum reliquerunt. In partitione facta inter Apo-  
stolos obtigisse Asiam Superiorem Evangelio imbuen-  
dam, scribit Baronius ad annum 44. num. 33. ex Nicephoro L. 2.  
cap. 39. Scythiam ad Christum traxisse dicit Martyrol. Rom. ad  
diem 1. Maji, ac demùm reversum in Phrygiam Hierapoli Asiæ  
urbe vitam clausisse. Apud Ildorum de vita & obitu Sanctorum  
Gallis etiam prædicasse legitur, quod & in Breviario Tolerano  
institutionis S. Ildori recitatur. Sed hoc inverisimile commu-  
niter reputatur; cùm nemo ex Veteribus, quibus notum esse  
debuisse, hoc dixerit; & Liber ille, quamvis esset Ildori legi-  
timus

timus, quod à multis dubitatur, esset tamen foetus solum septimo seculo editus. Pro *Gallis* putat Baronius ponendum esse *Galatis*; *Galatæ enim*, inquit, *Gallorum Coloni Phrygiæ partem incolere, teste Plinio L. 5. cap. ultimo*. Ita in Notis ad diem 1. Maji. S. Philippum celebrasse Pascha Lunâ 14., testatur Polycrates apud Eusebium L. 5. hist. cap. 24., ubi pro hac observantia duos solos ex Apostolis refert Joannem & Philippum.

II. Baronius ad annum 54. num. 3. dicit, hoc eodem anno S. Philippum Hierapoli obiisse, ætatis verò suæ 87.: quo fieret, ut solis 24. annis à Passione Domini supervixerit, & sexagenarius Christi Discipulus factus fuerit. Sed quòd hoc anno & hæc ætate obierit, incertum est; cum ex Apocryphis sumtum sit, ut Baronius ipse fatetur. Quòd si admittamus, S. Philippum anno 54. obiisse, clarius apparebit id, quod supra dixi, nempe Philippum Apostolum esse diversum à Philippo, de quo Act. 21. v. 8. & 9. dicitur, quòd apud eum, cui erant quatuor filie virgines, hospitatus est Cæsareæ Paulus: nam hic anno 58., quo Paulus Cæsareæ apud illum divertit, adhuc in vivis erat: Philippum autem Apostolus quatuor annis ante decesserat.

III. S. Philippum Apostolum Hierapoli vitâ functum, omnes admittunt; de genere tamen mortis, non ita. Quidam enim putant, eum in pace absque Martyrio obiisse. Quia Polycrates apud Eusebium L. 5. cap. 24. præcisè dicit, quòd *Hierapoli mortuus est*, sicut de Joanne, quòd *apud Ephesiam diem obiit*: quòd si Philippus confessione Fidei Martyr occubisset, non tacuisset; multum enim contulisset ad ejus intentum probandi exemplo ejus & Joannis, Pascha Lunâ 14. esse celebrandum. Addunt Clementem Alexand. L. 4. Strom. pag. 502.; ubi ex Heracleone Valeutini Sæclatore dicens, Confessionem Christi aliam esse Fidei & vitæ institutione, alteram voce quæ fit etiam apud Potestates, inter eos, qui siue confessione factâ voce apud Mundi Potestates excessere, ponit S. Philippum. Sed cum idem dicat etiam de S. Matthæo, & S. Thoma Apostolis, de quibus, maximè de S. Thoma, certum est in confessione Fidei coram Tyranno obiisse; quamvis hoc neget de S. Philippo, movere non debet: nisi fortè loqueretur de Philippo Diacono, de quo Martyrium subiisse non legitur.

IV. Comuniùs ergo alii volunt, S. Philippum Apostolum Martyrem fuisse, quamvis in specie & qualitate Martyrii non concordent. Baronius enim ad annum 54. num. 3. ex Eusebio in Chron.: *Philippus*, inquit, *Apostolus Christi apud Hierapolim Asiæ civitatem, dum Evangelium in Populo nuntiaret, Cruci affixus lapi-*

*lapidibus opprimitur. Idem sentiunt Latini in Martyrol. Rom. die 1. Maii. Græci verò in Menol. Basilii die 14. Novembris ajunt, quòd Hierapolim unà cum septem filiabus suis, & Mariamna sua, atque Bartholomæo Apostolo profectus est, Docens Verbum Christi, & Infideles ab Idolorum servitute abducens: viperam enim tanquam Deum colebant, è quibus & Nicanora erat Proconsulis uxor. Quare cùm Proconsulis jussu Bartholomæus & Philippus excruciatii fuissent, & sublimibus è muro pedibus penderent, orante Philippo, repentino terra biatu omnes Atbei, unà cum Proconsule, Viperâ, ejusque Sacerdotibus hausti sunt. Deinde Christi beneficio omnes, præter Proconsulem & Viperam, in apertum evasere: solutoque Bartholomæo & Mariamna, Philippus vitâ sanctus est. Idem dicunt die 30. Junii in Commemoratione omnium Apostolorum his verbis: Philippus à Gracis muro suspensus. Hoc ipsum ad diem 1. Maji referunt Bollandistæ ex Synaxario Græco, quod extat apud Collegium Claromontanum Soc. Jesu: ubi additur, quòd Philippum captum calcaneis pedum perforatis mandavit Proconsul inverso capite in ligno suspendi.*

V. Aliud ipsumet Bollandistæ referunt ex pluribus MSS. & Breviariis antiquis Latinis, nimirum „ Quòd cùm S. Philippus in Scythia prædicaret, & tentus & ductus ad Statuam, compelleretur sacrificare, de sub base, in qua statua Martis stabat, exiit draco ingens & percussit filium Pontificis, qui ministrabat ignem Sacrificii, & duos Tribunos, qui præerant Provinciæ, quorum Officiales tenebant in vinculis S. Philippum. De statu autem draconis omnes morbidus redditi ægrotare cœperunt. Tunc hortante Philippo, dejectâ statuâ Martis & contractâ, atque in loco ejus erectâ Christi Cruce, facto silentio Apostolus dixit: Præcipio tibi, Draco, in nomine Domini nostri Jesu Christi, exi de loco isto, & vadens morare in loco deserto, ubi non est accessus hominum, ut nemini noceas. Tunc draco iste fævissimus exiens, cœpit ire festinus, & ultra nusquam comparuit. Philippus autem filium Pontificis, & duos Tribunos, qui mortui fuerant, suscitavit: omnemque Turbam, quæ morbata fuerat à draconis statu, sanitati restituit. Quo factum est, ut per annum unum Philippus Populum illum docens multa millia traxerit ad Christum, & baptizavit.

Ordinatis autem Clericis Episcopis Presbyteris & Diaconibus atque Ecclesiis multis instructis, S. Philippus per revelationem in Asiam reversus in Civitatem Hierapolim, illic hæresim malignam Ebionitarum, qui docebant, quòd

*Tom. V.*

Ccc

„ non

„ non verè natus ex Maria Virgine Dei Filius carnem sumfisset.  
 „ Erant autem ibi duæ filiæ ejus sanctiffimæ virgines , per quas  
 „ Deus multitudinem virginum lucratus est . Beatiffimus au-  
 „ tem Philippus ante feptem dies migrationis fuæ , vocavit ad  
 „ fe omnes Presbyteros & Diaconos , & vicinarum Urbium  
 „ Epifcopos , & dixit eis : Hos feptem dies mihi Dominus in  
 „ ifta vita conceffit . Memores eftote Domini noſtri Jefu Chri-  
 „ ſti : & ſtate viriliter . Dominus autem complebit promiffum  
 „ ſuum , & corroborabit Eccleſiam ſuam . Hæc & his ſimilia  
 „ prædicans Apoſtolus Domini , annorum octoginta feptem ,  
 „ & tentus ab Inſidelibus , crucifixus lapidatuſque perrexit ad  
 „ Dominum , & in eadem Civitate poſitum eſt ſanctum ejus  
 „ Corpus . Et poſt aliquantos annos duæ ſacræ virgines filiæ  
 „ ejus dextrâ levâque ſepultæ ſunt . , Hæc ex prædictis Mo-  
 „ numentis , quæ utinam probatæ fidei eſſent , & non ſuſpecta .  
 „ Factum Draconis cenſeo diſtinctum ab alio ſupra relato de Vi-  
 „ pera , quia illud in Scythia accidiffe narrant , iſtud verò Hiera-  
 „ poli contigit , ut etiam Metaphraſtes teſtatur . In hoc tamen  
 „ conveniunt , quòd aſſerunt , eum Martyrio vitam dediſſe Cruci  
 „ ſive ligno appenſum : quod confirmat Hippolytus ( ſeu alius ) in  
 „ libello de duodecim Apoſtolis his verbis : *Philippus prædicans*  
 „ *in Phrygia Hierapoli crucifixus eſt capite deorſum verſo ſub Domi-*  
 „ *tiano Principe* ( alii volunt ſub Trajano ) *eodemque loco ſepelitur* .  
 „ Licèt autem alii dicant , eum fuiſſe *palo* ſuſpenſum , in idem redit .  
 „ Nam palus ejusmodi poteſt dici Crux , ut notant Gretſerus , Li-  
 „ pſius , & alii . Sic autem ſuſpenſum credibile eſt fuiſſe etiam  
 „ à multitudine lapidibus impetitum , & ſic citius vitam finiſſe .

VI. Duo etiam miracula à S. Philippo patrata magna Græ-  
 „ corum Menæa referunt . Primum „ quòd cùm Hierapolim ve-  
 „ niſſet , & Incolæ eum tamquam præſtigiatores lapidare vel-  
 „ lent , quidam nomine *Heros* vir ſummæ auctoritatis eos de-  
 „ terruit , & Philippum in domum ſuam invitavit . Marcella  
 „ uxor Herois irata volebat , ut hoſpitem dimitteret . Quare  
 „ Heros cùm anceps eſſet , Philippus hortatus eſt eum , ut in  
 „ Fide permaneret : deinde orare cœpit Deum , ut mulierem  
 „ quæ ferociebat emolliret . Statim autem illa mutata , & ad  
 „ pedes Apoſtoli provoluta , unâ cum Viro & tota domo ba-  
 „ ptizata eſt . Propter hoc , Diabolo inſtigante , excitati multi  
 „ Herois ædes incendere cogitabant ; quod cùm Apoſtolus in  
 „ ſpiritu cognoviſſet , intrepide ab illo exivit ; ſed comprehen-  
 „ ſus ad Tribunal perducitur . Ibi Ariſtarchus Concilii Præſes  
 „ comminatus Philippo lapides , niſi magicas artes deponeret ,  
 „ ap-

„ apprehensâ Apostoli comâ ipsum per lutum impulit. Tunc  
 „ Philippus zelo honoris Dei accensus, & propter eos, qui aderant,  
 „ convertus ad Deum: Domine, inquit, verba cordis  
 „ mei omnino iræ expertia facta ipso comple, ut omnes inde  
 „ emendentur; & protensa super comam capitis manus debilitetur.  
 „ Dixerat: cum secuta est Aristarcho membrorum distorsio,  
 „ manus autem subito exaruit, oculus præterea obcæcatus est,  
 „ ambæque aures obsurduerunt. Ad hoc Senatus  
 „ contritus rogavit Philippum, ut peccanti ignosceret. Cui  
 „ ille, hoc esse opus Dei solius, respondit; nec humanâ arte  
 „ tolli posse; nec Aristarchum sanitatem recuperaturum, nisi  
 „ per Fidem ad Deum accesserit.

„ VII. Alterum miraculum sic narratur. Inter hæc funus  
 „ efferebatur ad sepulchrum; & Senatores, qui cum Aristarcho  
 „ erant, retento feretro, per ludibrium dixerunt Apostolo:  
 „ si hunc in vitam revocas, omnes cum Aristarcho Deum tuum  
 „ adorabimus. Tunc Sanctus sablatis in Cælum oculis aliquandiu  
 „ comprecatur, deinde jacentem in feretro placidâ voce allocutus:  
 „ Theophile, inquit. Et statim Mortuus resedit, oculosque aperuit.  
 „ Cui Apostolus iterum: Christus, inquit, jubet: Surge & liber abi.  
 „ Ille cum è funebri lectica descendisset, ad pedes Apostoli illico procubuit: Et gratias,  
 „ inquit, tibi Sancto Dei, quod me ex tristibus Inferorum faucibus  
 „ hæc horâ eripueris, à duobus enim atris & monstrosis  
 „ & crudelibus Cyclopibus rapiebar violenter: quod si paulum  
 „ moratus mihi non adfuisses in tempore, in tetram & exitiale  
 „ tartarum fuisset abreptus.

„ Tunc inexpectatum hoc prodigium omnes in stuporem  
 „ dedit: & quomodo, inquebant, hunc, quem nunquam noverat  
 „ nominatim compellendo excitavit? Reverâ quem hic fortem  
 „ dicit & prædicat, & Deum annuntiat, potens & verax est:  
 „ & nos sine ulâ dubitatione ad hunc currimus & credimus.  
 „ Tunc Apostolus manu silentium, compresso tumultu, indicens,  
 „ imperat Heroi: Super Aristarcho, inquit, manu tuâ signum  
 „ Crucis exprime, & in nomine Sanctissimæ Trinitatis membra  
 „ illius ex ipsius simplicitate læsa corrige. Quod cum fecisset  
 „ Heros, Aristarchum articulis restauratis integrum effecit.  
 „ Super quo miraculo omnes ad pedes Apostoli acciderunt,  
 „ in quibus & Præfectus fuit à mortuis suscitatus Pater,  
 „ qui Princeps Senatus erat unâ cum uxore sua: qui accessit  
 „ ad Apostolum, & avidè catecheseos institutionem accepit,  
 „ & in argumentum constantis Fidei, duodecim Deos

„ aureos, quos colebat, præcepit Apostolo tradi, ut illos in  
 „ usum pauperum erogaret. Quin & reliqua bona sua ita benè  
 „ dispensavit, ut à recta Fide suscepta numquam avelli posse  
 „ videretur.

„ Apostolus autem cùm omnes illic ad Orthodoxam Fidem  
 „ adjunctos in commodum ordinem redegisset, Heroem illis  
 „ Episcopum præfecit, ex ipsis verò Presbyteros & Diaconos  
 „ adjunxit: curavit etiam Tempa excitari, eademque fundari.  
 „ Deinde omnibus in Fide ritè institutis, pacem illis imper-  
 „ tiens, Deumque pro illis deprecans, in Phrygiam, Lycæ-  
 „ niam, & Asiam profectus, illic prædicavit & Christum an-  
 „ nuntiavit.

Sunt, qui hæc duo miracula Philippo Diacono potius,  
 quàm Apostolo tribuant: cùm tamen hæc Hierapoli contigisse  
 dicantur, videntur Philippo Apostolo potius tribuenda, quem  
 Hierapoli prædicasse & mortuum fuisse omnes consentiunt. Et  
 maximè istud de mortuo suscitato, de quo Papias Episcopus  
 apud Eusebium L. 3. cap. 39. scribit, à filiabus Philippi Apostoli  
 se accepisse, suâ ætate fuisse Hierapoli mortuum suscitatum.  
 Unde Chrysostomus (seu alius) homil. de 12. Apostolis ait:  
*Philippus miraculis conservat Hierapolim.* Solùm optandum es-  
 set, ut hæc & alia, quæ de S. Philippo Apostolo afferuntur,  
 à purioribus & sincerioribus Monumentis essent hausta, nec ri-  
 gidioris Critices Professoribus forent suspecta, nec cum Gestis  
 Philippi Diaconi confunderentur.

VIII. S. Philippi Apostoli Corpus Hierapoli diù requievisse  
 apparet ex supra allatis verbis Chrysostomi, sive alterius: quæ  
 indicant iis temporibus adhuc ibi mansisse. Postea inde ablatum,  
 & detentis aliquibus Reliquiis Constantinopoli, transmissum  
 Romam, forsan cum Corpore S. Jacobi Minoris, in Ecclesia  
 Apostolorum nunc PP. Conventualium, ubi nunc asservatur,  
 repositum fuit; quamvis Saussajus in Martyrol. Gallicano velit,  
 utrumque Tolosæ custodiri in Basilica S. Saturnini. Caput au-  
 tem inde Lutetiam Parisiorum delatum in Summa Beata Virgi-  
 nis Ecclesia asservari. Ejusdem Brachium Constantinopolim prius,  
 deindè in Palestinam, tandem Florentiam anno 1204. transla-  
 tum fuisse, narrat historia scripta ab Auctore qui illo tempore vi-  
 vebat: quam Bollandistæ die 1. Maji ex Manuscripto Ecclesiæ  
 Cathedralis Florentiæ per extensum referunt, unâ cum miraculis  
 ad Apostoli intercessionem patris: puellæ nempe in Arno flu-  
 vio demersæ & incolumis restitutæ; & hominis obsecrati, cui  
 visus confectim redonatus fuit.



IX. Mirabilem SS. Joannis & Philippi Apostolorum apparitionem factam anno 394. , Theodosio Imperatori promittentium ei victoriam contra Eugenium tyrannum , narrat Theodorus L. 5. hist. cap. 34. . Suadentibus ducibus Imperatori , ut praelium contra hostem differret , cum Copiæ , quæ supererant , exiguæ essent & fractæ , pius Imperator consilium aspernatus , indecorum arbitrans , ut minùs virtutis & potentiæ tribuatur Cruci Christi , quàm imagini Herculis , quam pro insigni hostis gestabat ; *Oratorium nactus in montis vertice , ubi castra habebat , totam ibi noctem preces ad Deum fundendo transiegit . Sub galli autem cantum somnus invitis irreptus , eum oppressit . Humi ergo jacens , duos quosdam viros videre sibi videbatur albâ veste indutos , & albis equis insidentes : qui bono animo ipsum esse juberent , metamque deponere , & primâ luce arma capere , aciemque ad pugnandum instruere . Auxiliatores enim ac propugnatores se missos esse dicebant , & alter quidem se Joannem Evangelistam esse asebant , alter Philipppum Apostolum . Hanc visionem cum vidisset Imperator , preces fundere non destitit , sed majori alacritate eas offerebat Deo . Idem visum miles quidam cum vidisset , Centurioni suo indicavit . Ille militem deduxit ad Tribunal , Tribunus verò ad Magistrum militum . Qui cum novi aliquid nuntiaturum se crederet , Imperatori id retulit . Imperator id quoque à se visum asserens , abjecto metu fide plenus aciem quamvis exiguam hosti eam contemnenti opponit . Sed promissi veritatem comprobavit eventus . Vehemens enim ventus in hostes ruens cunctas eorum sagittas & jacula & hastas aversit , omniaque eorum tela incassum ferebantur , adeo ut nullus ex Theodosii exercitu aamno afficeretur . Ad hæc pulveris immensa vis in hostium faciem magno impetu delata ipsos palpebras claudere , & periclitantibus opem ferre cogebat . Milites verò Imperatoris Theodosii ex eo turbine nullam incommodum passi alacri animo hostes cedebant . Qui cùm Dei prodigium cognovissent , demissi armis indulgentiam deprecati , eam à pro Imperatore obtinuerunt , ipsumque Eugenium tyrannum captivum ad eum adduxerunt . Hæc fusc Theodoritus .*

X. Philippo Apostolo quædam scripta supposita fuerunt , nimirum Acta , quæ Gelasius in Synodo Romana declaravit apocrypha : item Pseudo-Evangelium , quo teste S. Epiphanio hæresi 26. utebantur Gnostici Hæretici . Plura de filiabus hujus Apostoli narrant ; sed ut supra dixi suspecta sunt , quia Philippi Diaconi potius filia sunt quàm Apostoli , ideo ea omitto . Hujus Apostoli festum , ut dixi , Latini celebrant 1. Maji ; Græci verò 14. Novembris .

CA-

## CAPUT IX.

## De Sancto Bartholomæo Apostolo.

## §. I.

*Genus & Prædicatio.*

I. **D**E isto Apostolo ferè nihil habemus in Evangelio, & pauca ex historiis colligere possumus. In Evangelio ejus solùm fit mentio, cùm sit omnium Apostolorum enumeratio, ut Matth. 10. v. 2., Marci 4. v. 13., Lucæ 6. v. 14. & Act. 1. v. 13.

Bartholomæum Patriâ fuisse Galilæum, ut ceteros Apostolos, qui *Viri Galilæi* ab Angelis vocantur Act. 1. v. 11.: Et cap. 2. v. 7. Judæi audientes Apostolos loquentes variis linguis, admirati dicebant: *Nonne isti ecce qui loquuntur, Galilæi sunt?* ac Piscatoriam & ipsum artem exercuisse, censet Theodoritus L. de Legibus, idque etiam Metaphrastes, aut aliam ignobilem artem secundùm illud Pauli 1. Cor. 1. v. 28. *Ignobilia Mundi & contemtilia elegit Deus, & ea quæ non sunt, ut ea quæ sunt destrueret.* Quarè benè Baronius in Notis ad Martyrol. 1. Maji improbat eos, qui opinantur, Bartholomæum fuisse Syrum genere, & à Rege Ptolemæo duxisse originem; quasi dictus fuerit Bartholomæus, idest filius Ptolemæi. Perperam tamen: nam Ptolemæi in Ægypto, non in Syria regnarunt. Nec Bartholomæus à Ptolemæo dictus fuit; sed cùm esset Hebræus genere, ab hebraicis vocibus *Bar-Tholmai* idest *filius Tholmai*; hoc enim nomen hebraicum est sæpè in Sacris Scripturis repetitum, ut Num. 13. v. 23. Josue 15. v. 14. Judic. 1. v. 10. 2. Reg. 5. v. 3. &c. Quòd autem pro *Bar-Tholmai* dicamus *Bartholomæum*, mirum videri non debet, cùm & in ceteris hebraicis vocibus idipsum contingat, ut eadem Latine vel Græcè reddita non eodem modo pronuntietur. S. Hieronymus tamen in Apologia adversus Ruffinum *Bartholamæus*, inquit, *filius Tholamæi*.

II. Voluerunt aliqui, Bartholomæum eundem esse ac Nathanaelem, de quo Joann. 1.: Ita Rupertus, Janfenius Gandavensis, & alii. Refragatur tamen Augustinus Tract. 7. in Joannem qui, ut Cap. præcedente ostendi, negat Nathanaelem electum fuisse Apostolum, quia eruditus & peritus Legis erat. Volebat autem Christus idiotas eligere, & infirma mundi, ut confunderet

ret fortia : quod in Psal. 6y. pulchè expendens : *Descendis*, inquit, *Dominus Deus noster Jesus Christus reparare Genus humanum, & dare gratiam suam omnibus intelligentibus, quia gratia illius est, non merita eorum ; & ne qualibet persona gloriaretur in carne, infirmos elegit. Nam inde non est electus etiam ille Nathanael. Quid enim tibi videtur, ut Publicanum in telonio sedentem eligeret Matthæum, & non eligeret Nathanael, cui perbibuit testimonium ipse Dominus dicens, „ Ecce verus Israelita, in quo dolus non est, „* Intelligitur ergo Nathanael iste doctus fuisse in Lege. Non quia doctus non esset electurus, sed si istos primò elegisset, doctrina sua merito se electos putaret : ita illorum scientia laudaretur, & laus Christi gratia minueretur. Et post multa. *Elegit ergo Dominus postea & Oratores : sed illi superbirent, si non prius eligeret Piscatores : Elegit divites, sed dicerent merito divitiarum suarum se electos esse, nisi primò elegisset pauperes. Elegit Imperatores postea : sed melius est, ut Romam cum veneris Imperator, ploret ad memoriam Piscatoris, quàm ut Piscator ploret ad memoriam Imperatoris &c.* Ita perpulchrè ut de more S. Augustinus.

III. Qui tamen Bartholomæum eundem putant esse ac Nathanaelem, inter quos citatur Cornelius à Lapide, moventur primò, quia Bartholomæi Vocatio, si Nathanaelis non sit, nullibi describitur. Secundò, Evangelistæ, qui Bartholomæi meminere, Nathanaelem silent : & S. Joannes, qui Nathanaelem nominat, Bartholomæum tacet. Tertiò, quia Bartholomæus non est nomen proprium, cum significet filium Tholmai, vel Tolomæi. Quartò, S. Joannes cap. 21. v. 2. recensere videtur Nathanaelem inter Apostolos, cum inter Apostolos, qui piscatum iherant, Nathanaelem recenset, quibus Christus apparuit.

Sed hæ meræ conjecturæ sunt, quæ à Veterum communi sententia retrahere non debent. Non prima, quia in electione facta à Christo duodecim Apostolorum à tribus Evangelistis Matthæo, Marco, & Luca Bartholomæus semper recensetur. Nec refert, quòd ejus antecedens Vocatio nullibi describatur, nam nec describitur ullibi Vocatio Thomæ, Simonis Cananæi, & Thaddæi ; qui tamen Apostoli ibidem nominantur à Christo. Non secunda ; nam ex eo, quòd tres Evangelistæ Bartholomæum nominant, & silent Nathanaelem ; & Joannes, qui nominat Nathanaelem, fileat Bartholomæum ; nescio quomodò inferri possit, Bartholomæum eundem esse ac Nathanaelem. Non tertia ; nam si Bartholomæus non esset nomen proprium, sed cognomen, Evangelium alicubi indicaret : sicut quia Bar-Jona non est nomen proprium Simonis Petri, indicatur Matth. 16. v. 17.

Bea-

*Beatus et Simon Bar-Jona* : & quia Didymus non est nomen proprium Thomæ, id exprimitur Joann. 11. v. 16. 20. v. 24. & 21. v. 2. *Thomas qui dicitur Didymus*. Cum ergo nullibi dicatur Nathanel Bartholomæus, vel Nathanael qui dicitur Bartholomæus; unde quæso colligunt, non esse nomen proprium? Non quarta; nam ex quo Joannes Nathanaelem recenset inter Apostolos, non inferitur eum esse Apostolum, ibi enim recensentur etiam duo Discipuli. Unde sequitur fuisse quidem unum ex Discipulis, non vero unum ex 12. Apostolis.

IV. S. Bartholomæum Licaonas Majoris Armeniæ Populos Evangelicâ Veritate imbuisse, ac temperantes effecisse, scripsit Auctor homiliæ de 12. Apostolis, Chrysostomo olim tributæ: *Bartholomæus Lycaonas ad temperantiam instituit*. Albanos etiam Christi Fidem docuisse, tradit Sophronius. In Indias penetravit secum deferens Evangelium S. Matthæi hebraicè scriptum, quod ibidem centum post annos reperit Pantænus Philosophus Christianus, ut referunt Eusebius L. 5. Hist. cap. 10., & S. Hieronymus L. de Script. Eccles. in Pantæno cap. 36., ubi ait: *Pantænus Stoica Sæclæ Philosophus juxta quamdam veterem in Alexandria consuetudinem, ubi à Marco Evangelista semper Ecclesiastici fuere Doctores, tanta prudentia & eruditionis, tam in Scripturis Divinis quàm in seculari Litteratura fuit, ut in Indiam quoque rogatus ab illius Gentis legatis, à Demetrio Alexandria Episcopo mitteretur; ubi reperit Bartholomæum de duodecim Apostolis Adventum Domini Jesu juxta Matthæi Evangelium prædicasse, quod Hebraicis litteris scriptum, revertens Alexandriam, secum detulit*. In India etiam citiore Æthiopix finitima prædicasse, confirmant Rufinus L. 10. Hist. cap. 9., & Socrates L. 1. cap. 19. dicens: *Bartholomæo India, quæ Æthiopix confinis est, obigit*. In India, in Arabia Felice, & Æthiopia Orientali prædicasse, Nicetas asserit. In Armenia tandem prædicationis cursum detractâ cute, capite truncatum, Martyrio corollasse, scribunt Theodorus Studites, & quidam nomine Josephus. Sed de hujus Apostoli Martyrio statim dicam.

## §. II.

*S. Bartholomæi Passio & Translatio.*

- I. U T referunt Martyrol. Basilii & Synaxarium Ecclesiæ Constantinopol., cum S. Bartholomæus unâ cum Sancto Philippo & Mariamne hujus sorore hircapolim venissent, ibi-

Ibique Christum annuntiarent, Philippus & Bartholomæus à Proconsule excruciatì è muro seu ligno suspensì fuere. Mortuo verò Philippo, Bartholomæus & Mariamne defuncti corpus sepulture tradiderunt. Quæ au vera sint, statuere non ausim.

II. De anno passionis S. Bartholomæi nihil scimus. De loco & qualitate passionis disceptatur. In India passum fuisse vult Fortunatus hoc carmine,

*Iude triumphautem fert India Bartholomæum.*

Gregorius Turonensis L. de Glor. Mart. cap. 34.: *Apud Asiam inquit passum, agonis ipsius narrat historia: nec ab his dissentiunt, qui scribunt, in Armenia fuisse coronatum Martyrio. Locum censent fuisse urbem Albanopolis seu Urbanopolis in Armenia sitam. De genere seu qualitate mortis diversæ sunt sententiæ. Fuisse Cruci affixum in extrema senectute post flagella, asserrunt Nicetas & Nicephorus lib. 2. cap. 39. & quidem capite in terram verso, ut ait Pseudo-Hippolytus L. de 12. Apost. his verbis: Bartholomæus cùm Iudis predicasset, eisq; conscriptum à Matthæo Evangelium exposuisset, crucifixus est & ipse capite deorsum verso Albani magnæ Armenia Urbe. In Martyrol. Basilii die 11. Junii idem de Cruce sentiunt Græci dicentes: Bartholomæus unus fuit ex duodecim Discipulis, qui cùm in India quam Felicem vocant Christi Fidem predicasset, iisque Populis conscriptum à Matthæo Evangelium tradidisset, in Crucem actus Abarnopolis vitam gloriôsè finivit. In Auclario Flori ad Martyrol. Bedæ legimus, S. Bartholomæum Apostolum decollatum in India interire pro Christo jussu Regis Astiagis. Pseudo-Abdias verò addit flagellis fuisse cæsum & capite truncatum.*

III. Alii eum volunt fuisse vivum excoriatum, & detractâ pelle occisum. Ita Pseudo-Isidorus L. de Vita & morte Sanctorum; idque habent antiqua Lectionaria, ut velut Traditio apud Latinos inoleverit. Utrumque potuit contingere, nempe & quòd S. Bartholomæus fuerit decoriatus, & demum capite truncatus: & ita Martyrol. Rom. 25. Augusti habet: *Sancti Bartholomæi Apostoli, qui in India Christi Evangelium predicavit; inde in Majorem Armeniam profectus, cùm ibi plurimos ad Fidem converuisset, vivus à Barbaris decoriatus est, atque Astiagis Regis jussu capitis decollatione Martyrium complevit. Putant tamen, Astiagem istum non fuisse Regem, sed Regis Polymii sen Polæmonis fratrem, qui propterea Bartholomæum sustulerit, quòd Regem fratrem ad Christum traxerit. Sed, ut verum fatear, omnia hæc sunt incerta.*

IV. Corpus S. Bartholomæi fuisse primò ad Liparim insulam  
Tom. V, Ddd lam

lam translatum, concordant locis citatis Martyrologium Romanum & Menologium Basilii, in quo hæc lego: *Ejus Corpus in plumbeo locato positum & in mare projectum Divinâ Providentiâ usque ad Siciliam in Liparim insulam delatum, ibique emergens conditum fuit: ex quo multorum miraculorum fontes emanant, & accedentes ad ipsam Fideles repentinam morborum suorum curationem recipiunt, & lati bilaresque ad propria redeunt.* Quibus hoc insigne additur à P. Combefis, montem quemdam illius Insulæ flammam eructantem ad septem stadia recessisse. Hoc quidem promissit Christus Matth. 17. v. 19.: *Si habueritis fidem, sicut granum Sinapis, dicetis monti huic: Transi hinc illuc, & transibit, & nihil impossibile erit vobis:* & ad preces S. Gregorii Thaumaturgi factum legimus. Sed quia rarissimum, ut etiam in insula Lipari S. Bartholomæi obtentu contigisse certi essemus, major probatio requireretur. De Translatione Liparim facta agit Gregorius Turon. L. de Glor. Mart. cap. 34., Theodorus Studita, Molanus in Notis ad Usuardum.

Priusquam tamen S. Bartholomæi Reliquiæ ad insulam Liparim transferrentur, eis fuisse illustratam Urbem Daras in finibus Persidis, scribit Theodorus Lector L. 2. Collect. his verbis: *Anastasius Imperator Urbem Daras edificavit. Ea verò jam adificatâ, Bartholomeum Apostolum in somnis vidit, dicentem se occupasse Urbis custodiam. Quare Anastasius Bartholomei Reliquias illuc misit, & in ea Urbe deponi præcepit.* Augustissimum Templum ibi Justinianus Imperator postea edificavit, de quo Procopius L. 2. Edific. Justinian.

V. Facta est autem Corporis S. Bartholomæi alia Translatio ex Insula Liparitana Beneventum anno 832., ut auctor est Sigebertus in Chronico. Leo tamen Ostiensis L. 1. cap. 26. factam scribit anno 840. Alii tamen aliter discurrunt. Volunt ergo anno 808., quo Saraceni Insulam Liparim invaserunt, Sancti Bartholomæi sepulcrum ab iis incensum, & ossa dispersa fuisse: quæ à quodam Monacho Græco collecta, paulò post navi imposita, Beneventum delata subtus Altare ibi recondita fuisse die 25. Octobris anni 809., & proinde annis serè triginta prius. Quâ occasione varia feruntur miracula contigisse. Et hoc ex Epistola quadam seu scripto, hujus Translationis historiam continente, ad Ajonem Episcopum Beneventanum decreto colligi dicunt: addentes ex alterius Græci Auctoris monumento, navem illam à Duce Beneventano ad finem eas Sacras Reliquias asportandi fuisse missam.

Benevento tamen Ossa S. Bartholomæi ab Ottone Imperatore

tore in pœnam fuisse erepta, & Romam delata scribit Otho Frisingensis L. 6. cap. 28. his verbis: *Capto Benevento Beati Apostoli Bartholomæi Ossa inde asportavit, ac Romæ in Lycaonia insula in tumba porphyretica ea collocavit, in terramque suam per Tiberim & mare in præfata Sarcophago deportare cogitavit: sed eo tamen brevi vitæ exempto, pretiosum thesaurum ibi remansisse.* Hæc Otho. Quo autem anno facta fuerit hæc Translatio, dissident Historici. Quidam eam factam volunt ab Ottone II. Imperatore, qui anno 983. 17. Decembris Romæ mortuus est. Baronius tamen ad annum 1000. auctoritate Paschalis II., qui Ecclesiam regebat anno 1113., contendit, eam fuisse factam sub Ottone III. qui cum Beneventum advenisset anno Christi millesimo, petiit sibi concedi Corpus S. Bartholomæi deportandum in Ecclesiam, quam in honorem S. Adalberti erigendam in insula Tiberis Romæ mandaverat.

VI. Hinc oritur quæstio ex Leone Ostiensi L. 2. cap. 24. ubi hoc narrans, ait: *Hujus Abbatis (Monasterii Cassinensis, ex cujus monumentis hoc se hausisse dicit) anno tertio, qui est millenarius ab Incarnatione Domini, memoratus Imperator Beneventanus venit, & penitentia gratiâ, quam illi vir Dei Romualdus indicerat, montem Garganum adiit, reversusque Beneventum S. Bartholomæi Corpus ab eis perulavit. Qui cum illi negare nihil auderent, callidè pro Corpore Apostoli, beati Episcopi Paulini Nolani Corpus, quod erat in majori Ecclesia Civitatis honorificè conditum, ostendere. Illi: nihil fraudis suspicans, eo sublato, recessit. Sed hoc ubi ille rescivit, nimis indignans, Corpus quidem Confessoris Christi Romam ad Insulam honore congruo condidit, sequenti verò tempore Beneventum rursùm advenit, eamque diebus multis audique obfideus, cum nihil ex obsidione proficeret, Romam iterùm rediit &c. & paulò post moritur.* Baronius dicit, à pluribus in hoc falsitatis accusari Leonem Ostiensem, allegatque diversa Acta Pontificum & Imperatorum post annum 1113., ac testimonium Sigeberti Continuatoris Chronici super anno 1157., ut probet, Romæ in præfata Ecclesia olim S. Adalberti, modò S. Bartholomæi in Insula dictâ, unâ cum Corpore S. Paulini, Corpus etiam S. Bartholomæi verè custodiri. Quæstio hæc nostris excitata temporibus fuit, & san. mem. Benedictus XIII. dum esset Archiepiscopus Beneventanus Dissertationem edidit, contendens, S. Bartholomæi Ossa adhuc Beneventi asservari, ac mihi dum ad obsequia illum Beneventi adissem, sacram Urnam, in qua recondita asservantur, diguatus fuit ostendere. De hac tamen causa meum non est nec judicium ferre nec examen instituere.

VII. S. Bartholomæi festum Romæ celebratur 25. Augusti, fortè quia hâc die putatur ejus Corpus Romam Benevento fuisse delatum. Hâc eâdem die celebratur à Græcis in Menologio relatio SS. *Reliquiarum S. Apostoli Bartholomæi*, sive ex Indiâ aut Armeniâ Liparim, sive hinc Beneventum. In reliquis verò Latinorum Ecclesiis die 24. ejusdem mensis colitur, tamquam natalis dies, ut in Martyrol. Bedæ, Ussuardi, Adonis, & in Sacramentario S. Gregorii. Græci verò ex supradictis ejus diem natalem celebrant die 11. Junii unâ cum S. Barnaba.

Huic Apostolo suppositum fuit ab Hæreticis quoddam Evangelium, quod Bartholomæi titulo falsò inscribebant. Detulit quidem Bartholomæus Evangelium Matthæi hebraicè scriptum, illudque eis exposuit, ut Eusebius L. 5. cap. 10., & S. Hieronymus supra citati referunt, sed eum distinctum ac proprium scripsisse, commentum est: ideoque Gelasius illud inter apocrypha rejecit. S. Bartholomæum fuisse sponsum in Nuptiis Canæ aliqui dicunt, allegantes Rupertum & S. Bernardum Abbates: sed quo fundamento hoc dici possit, ignoratur.

## CAPUT X.

## De S. Matthæo Apostolo &amp; Evangelista.

## §. I.

*Ejus Genus, Conditio, Apostolatus &c.*

I. S. **M**atthæus in Evangelio appellatur etiam nomine *Levi* Lucæ 5. v. 27.: *Vidit Publicanum nomine Levi sedentem ad Telonium*. Vocatur etiam *Levi Alphai*, Marci 2. v. 14.: *Vidit Levi & Alphai sedentem ad Telonium*. Dicitur propterea *Levi*, quod hoc esset nomen ejus hebraicum, & *Alphai*, quia Alphai filius esset: ex quo aliqui Veteres, Chrysost. hom. 33. in Matth., Theodoritus in Psal. 67., & Græci in Menol. 16. Novembris eum S. Jacobi Alphai fratrem fuisse putant. Ipse tamen se Matthæum perpetuò nominat: tum Matth. 9. v. 9., ubi suam vocationem à Apostolatu describit: quo nomine appellatur etiam à Marco & Luca, dum nomina Apostolorum recensent. Quod fortasse erat nomen, quod in exercitio muneris sui, exigendi scilicet vectigalia, obtinebat.

II. Hinc aliqui Veteres, ut Clemens Alexandrinus L. 4. Strom., Origenes L. 2. contra Celsum, & ex Recentioribus Gro-



Grotius ad cap. 9. Matth. & Clericus ad Hammond. in Lucam 5. v. 26. , Matthæum à Levi filio Alphæi , de quo supra Marcus & Lucas , his ducti conjecturis distinguunt . Primò , quia Matthæus numquam Levi , aut Levi Matthæi nomine in Evangelio appellatur . Secundò , Heracleon apud S. Clementem Alexandr. de S. Matthæo & de Levi velut de duobus viris agit : quod cum S. Clemens non rejiciat , probare videtur . Tertiò , Origenes testatur , Levi Publicanum à Jesu vocatum in numero Apostolorum non recenseri , nisi in quibusdam exemplaribus Evangelii S. Marci . Grotius autumat , Levi fuisse præfectum Telonii , Matthæum verò ministrum ejus : & convivium factum fuisse , non in Matthæi domo , sed Levi .

III. Verùm hæ conjecturæ sunt , quæ receptam in Ecclesia opinionem lædere non possunt . Non prima ; nam estò Matthæus Levi nomine , aut Levi Matthæi in Evangelio non exprimitur , cum tamen quæ dicuntur de Levi , de Matthæo dicantur , indicant , unam eandem personam esse Matthæum & Levi . Non secunda ; quòd enim Clemens non rejiciat Heracleonem distinguentem Levi à Matthæo , nihil probat ; nam nec rejicit Heracleonem ibi dicentem , Philippum & Thomam Apostolos extra Martyrium mortuos ; cum ut jam ostendi recepta sententia sit , utrumque Martyrio obiisse . Non tertia , nam ea , quæ Matthæus cap. 9. v. 9. de se ipso sub Matthæi nomine enarrat , eadem prorsus sunt , quæ Marcus cap. 2. v. 14. & Lucas cap. 5. sub nomine Levi referunt : dum ergo in numero Apostolorum recensetur Matthæus , recensetur etiam Levi , qui sub alio nomine eadem persona erat . Hinc S. Thomas in Cat. aurea super cap. 2. Marci : *Idem* , inquit , *Publicanus est à tribus Evangelistis nominatus , scilicet : Matthæus à Matthæo cap. 9. ; Levi autem simpliciter à Luca 5. ; Levi autem Alphæi à Marco , filius enim erat Alphæi . Binomios autem secundam Scripturam alios est videre , sicut Socer Moysi quandoque Jetro Exod. 3. quandoque Raguel Exod. 2. vocatur . Sic idem est Levi qui & Matthæus . Sed Lucas Marcusque propter verecundiam & honorem Evangelistæ nomen ponere noluit vulgatum : ipse autem Matthæus juxta illud quod scriptum est ( Prov. 13. ) „ Justus est accusator sui , Matthæum se & Publicanum nominat ; ut ostendas legentibus , nullum debere conversum de salute diffidere , cum ipse de Publicano in Apostolum sit repente mutatus . Ita S. Thomas . Imò Origenes ipse prævalebit contra se ipsum , qui in præfat. Com. in Epist. ad Rom. , & in frag. in Catena in Matth. inserto , communem sententiam tuetur . Quod verò addit Grotius , domum , in qua post Matthæi vocationem*

fa-

factum est convivium, non fuisse domum Matthæi, sed Levi, quia dicitur præcisè factum *in domo*, non *in domo ejus*, scilicet Matthæi, ubi Marcus & Lucas dicunt factum fuisse in domo Levi: jam solum fuit à S. Augustino L. 2. de Conf. Evang. cap. 27. dicente: *Hic Matthæus non expressit, in cujus domo discambebas Jesus cum Publicanis & peccatoribus: unde posset videri, non hoc ex ordine subjunxisse, sed quod alio tempore factum est, recordatus interposuisse; nisi Marcus & Lucas, qui hoc omnino similiter narrant, manifestarent, in domo Levi, hoc est Matthæi, discubuisse Jesum: dixerat enim supra S. Augustinus cap. 26.: Nihil hic repugnat; ipse est enim Matthæus, qui & Levi.*

IV. Matthæus exercitio Publicanus erat, Græcè *Telones*, idest publicæ pecuniæ seu vectigalium seu alterius, quo Populus gravaretur, tributi Exactor. Apud Romanos duo erant Publicanorum genera. Unum eorum, qui per certos à se commissos viros vectigalia ex omnibus Imperii Provinciis exigebant, ipsi verò rationem accepti apud Imperatorem inibant. Et hoc munus honestum erat & ingenuum: undè Cicero Orat. pro Planco: *Flos, inquit, Equitum Romanorum, ornamentum Civitatis, firmamentum Reipublicæ, Publicanorum ordine continentur.* Alterum eorum, qui ab illis ad hoc exequendum constituti erant: & hi omnibus odibiles, veluti publici prædones habebantur. Quare requisitus olim Theocritus, quam omnium ferocissimam belluam haberet, respondit, Urso quidem & Leone monstrasse montana, quorum locum in Urbibus Publicani, & Parasiti (idest scurræ & adulatores) occupant.

Apud Judæos verò, gentem superbam, utpotè qui genus Abraham ex libera natum se esse gloriabantur, undè Joann. 8. v. 33. tumentes dicebant: *Semen Abraham sumus, & nemini servivimus unquam*, Tributa, quæ argumentum servitutis sunt pendere, externis maximè Principibus, quales tunc erant Romani, detestabantur. Inde fuit, ut Galilæi quidam Herodiani seu Discipuli Judææ Gaulonitæ hoc ægrè ferentes Marci 12. v. 14., & Lucæ 20. v. 22. accesserint ad Jesum & dixerint: *Licet ne tributum dare Cæsari, an non? Judæi autem ceteri Ethnicorum loco Publicanos habebant: Matth. 19. v. 17.: Sit tibi sicut Ethnici & Publicanus.* Publicanos propterea à Templo, à Synagogis, ab ipsa precum communione, à judiciis etiam & testimonio ferendo prohibuisse, referunt Grotius ad Matth. 18., & Ligfoot. Hor. Hebr. in Matth. Addunt etiam, munera eorum, non secus ac pretium ex prostitutione receptum, & alia hujus generis, à Templo fuisse rejecta. Hoc tamen non obstante, ætate Chri-

ſi multi erant in Judæa Publicani, etiam de genere Iſraelis, ex quibus Zacchæus eorum Princeps, & Matthæus, qui tamquam miniſter ſedebat in Telonio. Hos Pharifeorum ſuperbia velut infames ac perditos abhorrebat, ideòque Jeſu vitio vertebant, quòd eorum amicitia & convicſu uteretur. Hæc de Publicanis.

V. Matthæus ergo unus ex iſtis erat, patriâ Galilæus, qui Capharnaum morabatur, & telonium ſuum ad mare Tiberiadis Urbi proximum ſtatueraſ. Porro cùm Jeſus illac pertransiens (anno 31.) vidiffet illum ſedentem in Telonio, vocavit eum ad ſui ſequelam, cui ille ſtatim paruit: ita de ſe ſcribit Matthæus ipſe cap. 9. v. 9: *Et cùm tranſiret inde Jeſus, vidit hominem ſedentem in Telonio, Matthæum nomine, & ait illi: Sequere me. Et ſurgens ſecutus eſt eum.* Ubi Chryſoſt. hom. 31., modò 30. in Matth., obſervat & vocantis potentiam, qui improbo Telonio adhuc hærentem ex mediis malis abſtraxit; ſicut & Paulum ſurentem & rabie percitum convertit: & vocati obedientiam; neque enim repugnavit neque dixit: Quid eſt hoc? ſed ſtatim obedivit; neque petiit, ut domum ire liceret, & rem cum ſuis communicaret: & ſicut Petrus & Andreas retia, ſic iſte Teloniarum menſam ſtatim reliquit.

VI. Imò hic conſideranda venit Matthæi humilitas, inquit S. Hieronymus in cap. 9. Matth.: nam *ceteri Evangeliſta propter verecundiam & honorem Matthæi, noluerunt eum nomine appellare vulgato, ſed dixerunt Levi.* Duplici quippè vocabulo ſuit. Ipſe autem Matthæus... Matthæum ſe & Publicanum nominat, ut oſtendat legentibus, nullam debere ſalutem deſperare, ſi ad meliora converſus ſit: quum ipſe de Publicano in Apoſtolum ſit repente mutatus. Quibus etiam confirmat id, quod ſupra dixi, nempe Matthæum & Levi eſſe non duas ſed unam perſonam binominem. Deinde converſus ad diſſipandam Porphyrii & Juliani calumniam ſic proſequitur: *Arguit in hoc loco Porphyrius & Julianus Auguſtus, vel imperitiam Hiſtorici mentionis, vel ſtultitiam eorum, qui ſtatim ſequuti ſunt Salvatorem, quaſi irrationabiliter quemlibet vocantem hominem ſuis ſequuti; quum tanta virtutes tantaque ſigna præceſſerint, qua Apoſtolos, antequam crederent, vidiffe dubium non eſt. Certè ſulgor ipſe & majeſtas Divinitatis occultæ, qua etiam in humana facie reſucebat, ex primo ad ſe videntes trahere poterat aſpectu. Si enim in magnete lapide, & ſuccinis hæc eſſe vis dicitur, ut annulos & ſtipulam & ſeſtucas ſibi copulent; quantum magis Dominus omnium Creaturarum ad ſe trahere poterat, quos volebat?* Hæc Hieronymus.

VII. Cùm

VII. Cùm igitur S. Matthæus telonio abdicato Christum secutus fuisset, eum ac discipulos in domum suam duxit, ubi convivio eos excepit (Matth. 9. v. 10., Marci 2. v. 15. & Lucæ 5. v. 29.) cui intererant ex Publicanis, & familiaribus suis alii. Ea res Phariseos, qui, ut dixi, Publicanos tamquam infame hominum genus execrabantur, vehementer offendit: quapropter cum Discipulis Jesu conquesti dicebant: *Quare cum Publicanis & peccatoribus manducat Magister vester?* Quæ Jesus audiens, respondit: non esse opus sanis medico, sed malè habentibus; ac malle se misericordiam, quàm sacrificium. Hæc sunt, quæ de Matthæo habet Evangelium.

VIII. Ubi duo adverto. Unum, quòd in enumeratione Apostolorum cæteri Evangelistæ Matthæum nominant, solum ipse vocat se *Matthæum Publicanum* cap. 10. v. 3., nimirum, ut ait Eusebius lib. 3. Demonstr. Evang. cap. 5., *Abundantiâ quâdam modestiæ, studium præferens veritatis in suis moribus indicandis, Publicanum se appellavit, neque priorem suam vitam occultare voluit.* Alterum quòd ubi cæteri Apostoli post conversionem ad suam priorem artem identidem redibant, & Petrus cum aliis etiam post resurrectionem ad piscandum reversus fuit: Matthæus tamen ad Telonium postea numquam reversus est. Quia licet Teloniarum munus per se malum non sit, cùm Principes à suis subditis vestigalia exigendi bonum jus habeant; hominum tamen malitiâ vix sine peccato exerceri potest. Unde S. Gregorius Homil. 24. in Evang. ait: *Piscatorem Petrum, Matthæum verò teloniarum scimus: & post conversionem suam ad piscationem Petrus rediit; Matthæus verò ad telonis negotium non resedit: quia aliud est victum per piscationem querere, aliud autem teloneii lucris pecunias augere. Sunt enim pleraque negotia, quæ sine peccatis exhiberi aut vix aut nullatenus possunt. Quæ ergo ad peccatum implicant, ad hæc necesse est, ut post conversionem animus non recurrat.*

## §. II.

*S. Matthæi gesta, & Evangelium.*

L. **T** Antæ austeritatis in victu fuit, ut dicat Clemens Alex. lib. 2. Pædagog. pag. 148.: *Matthæus a populo seminibus haccis & oleis ubique carnibus utebatur.* Apostolatus Matthæi regionem fuisse Æthiopiam, volunt Rufinus lib. 10. cap. 9., Socrates lib. 1. c. 19. & alii: imo Cornelius à Lapide in Matth. pu-

putat, adhuc superesse Ecclesias S. Matthæi in quadam Provincia Æthiopiæ dicta *Sonnar*, unâ ex magis Septe mtrionalibus & Ægypto proximioribus; nec non mortuum fuisse in quadam ejusdem Provinciæ urbe dicta *Luab*, seu *Luch*. Verum Tilmontius Notâ 2. in S. Matth. dissentit; tum quia præfata nomina apud Samfonem & Baudrand in suis Lexicis non leguntur; tum quia primus qui apud Æthiopas sementem jecit Evangelii creditur fuisse seculo 4. S. Frumentius. Alii propterea voluit, S. Matthæum Evangelium annuntiassè Parthis, & in Parthia obiisse. Ita S. Paulinus Carm. 26. modò 27. *Parthia*, inquit, *Matthæum completitur*. Cui consentit S. Ambrosius in Psal. 45. Persis prædicasse alii volunt, ibique cum mortuum asserunt, sive Tarsianæ in Caramania tunc Parthis subdita. Res incerta est. Eum in Æthiopia prædicasse asserit Martyrolog. Roman. die 21. Septembris his verbis: *Natalis S. Matthæi Apostoli & Evangelistæ, qui in Æthiopia prædicans, martyrium passus est*. Menologium Basilii die 16. Novembris dicit: *Multis gentium provinciis peragratis verbum Christi disseminans ad Antropophagos (idest hominum voratores) usque penetravit, apud quos multa tormenta perpassus, tandem creato illic reliquoque Episcopo Platone, Hierapolim Syriæ concessit, ubi plurimis Christiana Fide imbutis atque baptizatis vivendi finem fecit*. Idem S. Hippolytus dicit lib. de 12. Apostolis his verbis: *Obdormivit Hieræ Parthorum civitate*.

II. Ex his videntur Græci asserere, S. Matthæum martyrio non obiisses quod etiam Heracleon dixit apud Clementem Alexandrinum lib. 4. Strom. Aliqui tamen ex Græcis, cum igne absumtum perhibent: & quamvis ut scribit Nicephorus lib. 2. cap. 41. ignem precibus primùm extinxerit, eo tamen iterum excitato martyrem obiisse. Quomodocumque fuerit, martyrem S. Matthæum obiisse, Latini omnes sentiunt. Ejus martyrii historiam Pseudo-Abdias ita describit: Cum Hirtacus Rex Æthiopiæ, frater, & successor Philippi, unicè deperiret Iphigeniam fratris sui filiam, illam virginitatem suam Deo per votum consecrassè intellexit, & hoc votum violare nefas esse, Apostolus ostendit. Quare incensus in illum Rex, missis satellitibus obtruncari jussit; nec in feminam mitior ignem in domum illius injiciendum præcepit. Verùm flante subito divinitus vento, flammæ e domo feminæ in ædes Hirtaci delatæ eas statim absumserunt. Ante excidium Jerosolymitanum mortuum fuisse S. Matthæum, & proinde ante annum 70. quo id accidit, colligit Chrysostomus hom. 77. in Matth.

Tom. V.

Ecc

III.

III. S. Matthæi festus dies, ex dictis, à Græcis colitur die 16. Novembris; à Latinis verò die 21. Septembris, qua die notatur etiam in Martyrologio Bedæ, & in Sacramentario S. Gregorii. Die etiam 6. Maii recolitur memoria Translationis ejus Salernum his verbis: *Salerni translatio S. Matthæi Apostoli, cujus sacrum corpus olim ex Æthiopia ad diversas regiones, & demum ad eam Urbem delatum, ibidem in Ecclesia ejus nomine dedicata summo honore conditum fuit tempore Gregorii Papæ VII.* Ex Æthiopia creditur primò delatum in Britanniam seu Bythiniam, deinde Salernum in Regno Neapolitano anno 954. & inventum autem anno 1080. sedente Gregorio VII. & cujus de hoc extat Epistola (Lib. 8. Registri) 8. ad Alphanum Episcopum Salernitanum, in qua gratulatur de Beati Matthæi Apostoli Corporis inventione; eum hortatur, ut Reliquias debita veneratione prosequatur, & agat cum Roberto Duce ac ejus Conjuge, ut piâ Religione colant sacra pignora. Data est hæc Epistola anno octavo sui Pontificatus 14. Kal. Octobris anni 1080. Constat autem, eundem Robertum per amplam Basilicam eidem Apostolo erexisse, ut scribit Leo Ostiensis in Chron. Cassin. lib. 3. cap. 44. De hoc Baronius ad ann. 954. n. 2. & 1080. n. 43. & in Notis ad Mart. 6. Maii.

IV. Sub falso nomine S. Matthæi quædam scripta olim prodire, ut liber Infantia: Jesu Christi, decreto Gelasii Papæ reprobatus. Hunc librum sub titulo Evangelii laudabant Ebionitæ, eoque abutebantur ad verum Matthæi Evangelium interpolandum. Idem faciebant Cerinthiani, aliique Hæretici primi seculi, sub titulo Evangelii secundum Hebræos. Matthæo tribuitur etiam Liturgia dicta Æthiopum; sed hanc rejicit Cardinalis Bona Rer. Lit. lib. 1. cap. 8. n. 2., utpote nullum in antiquitate fundamentum habentem.

V. Unicum S. Matthæi genuinum opus est Evangelium, quod inter libros Proto-canonicos suscipit Ecclesia. De hoc egi tom. 1. Ver. Relig. Chr. Tract. de Libris Sc. cap. 1. §. 2., ubi ostendi, idiomate Hebraico, non Græco illud primò exarasse, ut communis fert Traditio, quidquid in contrarium sentiant aliqui, inter quos ex Protestantibus Jo. Clericus: cum enim illud scripserit præcipuè in gratiam Judæorum, qui Fidem susceperant, credendum est illud linguâ eis Vulgari, nempe Syro-hebraicâ, ipsum exarasse. De factò, ut supra dixi ex Eusebio lib. 5. cap. 10, & S. Hieron. lib. de Script. Eccl. cap. 36., Pantænus Philosophus Christianus cum apud Indos versaretur, Evangelium S. Matthæi illuc, ut ferebatur, à S. Bartholomæo dela-

tum

tum litteris hebraicis scriptum invenit, secumque Alexandriam detulit, ut S. Hieronymus addit: qui etiam dicit, in Bibliotheca Cæsariensi se reperisse illud hebraicè conscriptum, lib. de Script. Eccl. cap. 3. *Porro ipsum hebraicum habetur usque hodie in Cæsariensi Bibliotheca, quam Pamphylus Martyr consecit.*

VI. Quis primus illud in Græcum verterit, non satis certum est, ait idem S. Hieron. ibi. Circa ann. 488. refossio S. Barnabæ sepulchro in Cypro, scribit Theodorus Lector lib. 2., *Barnabæ Apostoli Reliquia in Cypro sub arbore siliqua reperta sunt, super cujus pectore erat Evangelium Matthæi ipsius Barnabæ manu descriptum. . . . Id Evangelium Zena deposuit in Palatio, in æde S. Stephani: additque Alexander Monachus apud Surium die 11. Junii, quòd in magna quinta Paschæ feria quonannis in Palatii Oratorio Evangelium ex eo libro recitatur.* Ex quo colligi potest, Evangelium illud supra pectus S. Barnabæ manuque ejus exaratum repertum, non Hebraicè sed Græcè fuisse scriptum; aliàs publicè legi non potuisset in Oratorio Imperatoris Græci. Quid ergo absconum esset suspicari, Barnabam ipsum, qui Apostolus erat Gentium, suâ manu Evangelium illud in commodum eorum, quibus prædicabat, ex Hebraico in Græcum vertisse? Quòd si non: concedatur saltem, Apostolorum temporibus, Evangelium Matthæi fuisse ab aliquo Græcè redditum. Volunt aliqui primum, qui ex Hebraico reddidit Græcum Evangelium Matthæi, fuisse S. Jacobum Episcopum Jerosolymitanum, ex eo moti, quòd Auctor Athanasianæ Synopsis circa finem dicit, quòd Evangelium à Matthæo, hebraicâ dialecto Jerosolymis editum, *interpretatum est à Jacobo fratre Domini secundum carnem, qui & primus Jerosolymorum Episcopus constitutus est à SS. Apostolis.* Sed quis non videt, interpretari non esse idem ac in aliam linguam vertere, sed potius in eodem idiomate exponere ac explicare? Imò cum S. Jacobus instruendis Hebræis esset datus; quid opus erat, ut librum patrio idiomate editum in aliud extraneum & minus notum transferret?

VII. Circa tempus, quo S. Matthæus suum scripsit Evangelium, certum apud omnes videtur esse, quòd primus omnium Evangelium scripserit. Quo posito salvari non potest sententia S. Irenæi lib. 3. cap. 1., qui ex una parte videtur admittere Matthæum primum omnium scripsisse Evangelium, quia cum ante alios Evangelistas nominat: ex alia autem dicit: *Matthæus in Hebræis ipsorum linguâ Scripturam edidit Evangelii, cum Petrus & Paulus Romæ evangelizarent & fundarent Ecclesiam.* Si enim, ut notat Baronius ann. 41. n. 15., S. Matthæus scripsit Evange-

liam, postquam Petrus & demum Paulus Romam advenerant, cum Paulus non ante annum 59., & Neronis tertium Romam advenerit, quo tempore Marcus & Lucas sua jam scripserant (uterque enim ante adventum Pauli Romam Evangelium scripserat, ut communis fert sententia) fieret, ut Matthæus non primus omnium sed ordine tertius scripsisset; nec scripsisset ante discessionem Apostolorum in diversas provincias, quod esset contra omnium sententiam: siquidem cum Paulus Romam advenit, divisi jam erant per orbem Apostoli. Vel ergo hac in re Irenæus relinquendus est, vel cum Baronio exponendus, quod cum Petrus primò Romam venit, & fundamenta illius Ecclesiæ jecit, quam postea adveniente Paulo perfecit, tunc Matthæus Evangelium scripsit.

VIII. De anno, quo Matthæus Evangelium scripsit, determinatè statui non potest. Scripsisse eum in Judæa in commodum Judæorum, qui veniebant ad Fidem, ut quisquis etiam privatè Jesum esse Christum à Prophetis prædictum dignoscere posset, & hoc fecisse antequam Apostoli discederent ad Gentes, videntur omnes convenire: sed cum non aequè conveniant in anno, quo hæc discessio facta est; ideò dubius remanet annus, quo Matthæus Evangelium scripsit. Baronius, qui ad annum 44. n. 20. putat discessionem factam hoc anno, existimat, Matthæum Evangelium scripsisse anno Christi 41., septimo post Ascensionem Christi; ita ibidem n. 35. Alii observantes, quod anno 37., quo S. Paulus Galat. 1. venit Jerosolymam, ueminem ibi viderit Apostolorum nisi Petrum & Jacobum fratrem Domini, existimant discessionem jam secutam; & ideo putant, Matthæum Evangelium scripsisse anno 36. Alii tamen, & fortè verius, anno 42. generalem Apostolorum discessionem factam fuisse, autumant hoc discurfu. S. Petrus fundatâ jam Antiochiæ Ecclesiâ Jerosolymam reversus fuit anno 37., ubi cum S. Paulus inivit. Deinde in Pontum, Asiam, Galatiam &c. se conferens, in illis regionibus Evangelium sparsit, & Romam pro prima vice se contulit anno 42. Hoc certè, inquirunt, effectus fuit distributionis inter Apostolos eodem anno factæ, cujus signum est, quod, ut S. Lucas Act. 11. v. 22. refert, Barnabas, qui eodem tempore Antiochiam destinatus fuit, ab Ecclesiâ quæ erat Jerosolymis missus fuit, non ab Apostolis: igitur tunc in Provincias sibi deputatas abierant.

IX. Favere videtur S. Leo serm. 80. his verbis: *Cùm duodecim Apostoli acceptò per Spiritum Sanctum omnium locutione linguarum, imbuendum Evangelio Mundum, distributis sibi terrarum par-*



*partibus suscepissent, beatissimus Petrus Princeps Apostolici Ordinis ad arcem Romani destinatur Imperii. Vi ergo distributionis jam factæ inter Apostolos Petrus Romam destinatur. Hoc autem contigisse postquam Petrus Antiochenam Ecclesiam fundaverat, ac Pontum &c. prædicatione lustraverat, inferius subiicit dicens: Jam Populos, qui ex Circumcisione crediderant, erudierat, Antiochenam Ecclesiam, ubi primus Christiani nominis dignitas est orta, fundaverat: jam Pontum, Galatiam, Cappadociam, Asiam atque Bithyniam Legibus Evangelicæ prædicationis impleverat; nec aut dubius de propectu operis, aut de spatio tuæ ignarus ætatis, tropæum Crucis Christi Romanis arcibus inferebas &c. Hæc S. Leo: quibus conficitur, separationem Apostolorum non contigisse nisi post necem Jacobi, quæ anno 42. ante Pascha contingit, ut notat etiam Vitri ad cap. 12. Act.*

X. Obstat posset, quod refert Eusebius lib. 5. hist. cap. 8. de Apollonio (qui 3. seculo contra Montanistas scripsit) Is enim tanquam ex Veterum Traditione referebat, *Dominum Apostolis suis præcepisse, ne intra duodecim annos Jerosolymis excederent*; quod de anno 44. posset intelligi: tunc enim post Pascha annus duodecimus inciperet. Si enim hæc asserta Traditio admittatur (quod non invitus facerem) jam deberet dici, Apostolos, & præcipuè Petrum, hoc præceptum violasse nam ante annum 44. Petrum Jerosolymâ relictâ plures Provincias peragrâsse constat, ut supra dixi. Nisi fortè dicatur, præceptum illud intelligendum esse de discessione ab urbe Hierosolymæ totali, eundo scilicet ad Provincias valdè remotas.

## C A P U T XI.

### De Sancto Simone Apostolo.

#### §. UNICUS.

#### *Nomen, Gesta, Obitus.*

I. **D**E hoc Apostolo pauca nobis exhibent Scriptura Historia & Patres. Scriptura solum in enumeratione duodecim Apostolorum illius meminit Matth. 10. v. 4., Marci 3. v. 18., Lucæ 6. v. 15., & Act. 1. v. 13.. Matthæus & Marcus vocant eum *Simonem Chananæum*; Lucas verò tam in Evangelio quàm in Actibus appellat eum *Simonem Zelotem*: ex quo occasio nem sumunt Auctores examinandi, cur hæc illi

co-

cognomina aptentur. Volunt, Chananæum dici à verbo *Kana*, quod coincidit cum verbo *Zelotes*. Alii dictum volunt Cananæum à Cana urbe Galilææ ejus patria. Ita S. Hieronymus in cap. 10. Matthæi, ubi ordinem Apostolorum describens: *Primus*, inquit, *scribitur Simon cognomento Petrus ad distinctionem alterius Simonis, qui appellatur Chananæus, de vico Cana Galilææ, ubi aquam Dominus vertit in vinum*. Theodoritus in Psal. 67. vult, eum fuisse de Tribu Zabulon seu Nephtali, ut eum distinguat à Simeone seu Simone, quem S. Marcus cap. 6. v. 3. vocat fratrem Domini filium Mariæ Cleophæ, qui proinde erat de Tribu Juda, frater Jacobi Minoris; eique in Episcopatu Jerosolymitano successit, & fuit unus ex Discipulis, non autem unus ex Apostolis. Sed de hoc infra.

II. Dicitur etiam *Zelotes* ex ardenti zelo, quo movebatur erga Christum ejusque doctrinam: unde Hieronymus Ep. 37. aliàs 53. ad Riparium inter Apostolorum proprietates nominat *Zelum Simonis Chananæi, & Petri severitatem*. Quamvis alii velint, eum dici *Zelotem*, quia erat ex secta Zelotarum, de qua Josephus lib. 5. cap. 1. & alibi, qui tales dicebantur, quia Zelo seu furore patriæ libertatis omnia audebant. Hos cum Herodianis confundunt. Verùm cum Secta hoc nomine solum eruperit quatuor vel quinque annis ante excidium Jerosolymitanum, cujus magna ex parte in causa fuit, teste Josepho lib. 18. Antiqu. cap. 1., ideo ab hac Secta non potuit S. Simon Apostolus dici *Zelotes*. Si Græcos in Menologio Basilii consulimus, dicent die 10. Maii: *Simon magnus Christi Apostolus Zelotes nuncupatus, cum in Cœnaculo unâ cum Sanctis Apostolis esset, visibilisque Spiritus operationem in specie Columba, & in linguis igneis suscepisset, totus igneus effectus, Divinoque zelo repletus omnem quidem Deorum pluvium errorem velut sanum liberè incendit; terram verò propè universam percurrens, illam doctrina sermonibus, pietatisque lumine illustravit, illuminavitque. Vnde & rectè ac verè Zelota cognomen accepit, & duplicem confessionis coruam adeptus est*. Ita Græci, in hoc singulares, dum ajunt, Spiritum Sanctum etiam in specie Columbæ descendisse super Apostolos.

III. Quòd si queratur, quasnam Provinciâs Simon prædicatione percurrerit, prosequuntur sic: *Nam Mauritaniam, totamque Asiorum regionem, & Lybiam universam peragravit, & plures Infidelium ad Dominum convertit: ac demum in Britanniam profectus, Cruci affixus fuit: atque ita spiritum Deo tradidit*. In Menologio autem Card. Siretj hæc habent die 22. Aprilis: *San-*

*Sancti Apostoli Nathanaelis, qui fuit Simon Zelotes. Hic fuit ex Cana Galilææ, ubi Christus Dominus invitatus ad nuptias, aquam in vinum convertit. Et die 10. Maii: Sancti Apostoli Simonis Zelotæ. Hic Simon est Nathanael appellatus, qui Evangelii prædicationem in omnem Mauritaniam, & Afrorum regionem sparsit. Postremò Britanniam profectus, cum multis Evangelii verbo illustrasset, ab Infidelibus crucifixus, illic sepultus est: qui mores habuit Zelo, quem nomine proferebat: ubi vides Simonem Apostolum cum Nathanaele confundunt; quo autem fundamento, nescimus. Imo ut supra dixi Nathanael ex duodecim Apostolis non fuit. Consentit Nicephorus quoad Provincias prædicationis, & mortem in Britannia; solum addens, eum prædicasse etiam in Ægypto & Cyrene.*

IV. Latini verò circa loca prædicationis cum Græcis videntur convenire, exceptâ tamen Britannia, ad quam eum adventasse, ibique martyrium fuisse passum, negant; volentes eum unâ cum S. Juda Taddæo illud in Perside & urbe Sumir subiisse. Ita Fortunatus Pictaviensis Carm. lib. 8. cap. 4., Beda Re-traët. in Acta cap. 1., Pseudo-Abdias lib. 6. At Martyrol. Rom. 28. Octobris dicit, quòd *Simon in Ægypto, Thaddæus in Mesopotamia Evangelium prædicavit; deinde in Persidem simul ingressi, cum innumeram Gentis illius multitudinem Christo subdidicerant, martyrium consummarant.* Et propterea Ecclesia Latina eandem martyrio utriusque consecrat diem. Hoc tamen certum est, ait Baronius in Notis ad Martyr., in qua Provincia Simon prædicaverit, antiquis suboscuro visum fuisse; nam Origenes, Gregorius Nazianzenus, Eusebius, Chrysostomus, Theodoretus, Socrates, cum de cæteris agunt Apostolis, & loca peregrinationis, & Apostolatus eorum describunt, de Simone dicere omittunt. Quoad Britanniam tamen difficile creditu mihi videtur, S. Simonis prædicatione & martyrio fuisse decoratam, nam licet admiserim, quòd ab ipsis ferè Religionis Christianæ incunabulis Fides Christi in eam pervaserit; quòd tamen ab aliquo Apostolorum fuerit illuc deportata, nemo ut puto dixit.

V. Superest, ut audiamus eos, qui Simonem Apostolum, de quo modò, confundunt cum Simone seu Simeone, qui Jacobo fratri Domini in Episcopatu Jerosolymitano successit, ut supra indicatum est. Afferunt primò Pseudo Hippolytum lib. de 12. Apostol. sic dicentem: *Simon Cananæus filius Cleopæ, qui & Judas, post Jacobum Justum creatus Jerosolymorum Episcopus, obiit, sepeliturque eodem loco, cum annos centum viginti*

vixisset. Quæ contraria hucusque dictis sunt; nam primò illi cognomen *Juda* tribuit; deinde facit illum in pace mortuum Jerosolymis ac sepultum, quod est contra id quod dixi tam ex Græcis, quàm ex Latinis; qui volunt, eum varias regiones prædicatione lustrasse, & martyrem obiisse sive in Britannia, sive in Perside.

Putant, se niti auctoritate Eusebii lib. 3. cap. 11., ubi hæc habet: *Post martyrium Jacobi, & continuò subsequens Jerosolymorum expugnationem, fama est, Apostolos ceterosque Domini Discipulos, qui adhuc superstites agebant, ex variis locis in unum convenisse, & unà cum iis, qui Dominum secundùm carnem proquinquitate generis contingebant (plerique enim eorum adhuc in vivis supererant) in commune consuluisse, quis in Jacobi locum succedere mereretur. Omnes itaque uno consensu Simeonem filium Cleopæ, illius cujus in Evangeliiis fit mentio, Episcopali Sede dignum judicaverunt. Et eodem lib. 3. cap. 32. ex Hegesippo: Adsum, inquit, illi & universæ Ecclesiæ præsidet, utpote martyres & agnati Christi. Tandemque profundâ pace Ecclesiæ restituta, ad Trajani usque tempora superstites fuerunt; donec Simeon supradictus Cleopæ filius ejus, qui patruus erat Domini, accusatus similiter ab Hæreticis, & ob eandem causam in jus vocatus est coram Attico Consulari, & per multos dies acerbissimis tormentis excruciatu Fidem Christi constantissimè professus est; adeo ut & Consularis ipse & omnes qui aderant magnopere mirarentur, quâ ratione vir centum ac viginti annos natus tot tormenta perferre potuisset. Tandem verò sententiâ Judicis cruci suffusus est.*

VI. Sed hæc ostendunt quidem, Simeonem electum Episcopum Jerosolymorum post Jacobum fuisse filium Cleopæ, & ex agnatis Domini, non tamen ostendunt, eundem fuisse ac Simonem unum de duodecim. Nam illum semper vocant Simeonem, iste semper Simon vocatur. Ille filius Cleopæ agnatus Domini, & consequenter de Tribu Juda: iste Cananites, & secundum Theodorum in Psalm. 67. de Tribu Zabulon vel Nephthali. Illum nunquam dicunt Apostolum: iste in Evangelio semper inter Apostolos recensetur. Addo, Bedam Retract. in Acta cap. 1., qui antea Simonem Apostolum eundem esse cum Simeone Fratre Domini senserat cum falso Ildoro L. de Vit. & Mort. Sancti. cap. 82., sententiam revocat his verbis: *Porrò Ildorus arbitratur, hunc Simonem esse, qui post Jaco. un Fratrem Domini Jerosolymorum rexit Ecclesiam; quem & nos olim in primo Actorum libro secuti sumus, non ea quæ scripsit scrupulosius discutientes; rati quòd hæc ipse ex certis Veterum bi-*  
sto-

*floriis didicerat : quod ne adhuc quidem negare audemus : ut autem retraheret facient historiæ quædam , quas postea apocryphas deprehendit . Tandem Eusebius L. 3. cap. 31. omnia , quæ de Apostolis dicturus erat , obitu S. Joannis & Philippi concludit , dicens : Expositis igitur hæcenus quæcumque ad notitiam nostram pervenerunt tua de Apostolis ipsis , & de tempore obitus singulorum , tum de sacris voluminibus , quæ nobis reliquerunt &c. ; subinde cap. 32. agit de Martyrio Simeonis filii Cleophæ Episcopi Jerosolymitani . Cum ergo ultimus Apostolorum S. Joannes obierit , si post ejus obitum Martyrium Simeon passus est , infertur , cum non fuisse Simonem unum ex Apostolis . Sed hæc satis .*

## CAPUT XII.

## De Sancto Juda Thaddæo Apostolo .

## §. I.

*Nomen Genus Conditio .*

I. **A**postolus iste S. Judas à S. Matthæo cap. 10. v. 3. , & Marco cap. 3. v. 18. dicitur Thaddæus , & à Luca c. 6. v. 16. & Act. 1. v. 13. Judas Jacobi ; alibi etiam Lebbæus appellatur , maxime à Græcis , & Versionibus Orientalibus . Hinc S. Hieronymus in cap. 10. Matth. de Thaddæo Apostolo ait : *Qui ab Evangelista Luca Judas Jacobi dicitur , & alibi appellatur Lebbæus , quod interpretatur Corculus ( idest Cordatus , sapiens , prudens , solers , acutus . Plin. L. 7. cap. 31. ) Credendumque est , eum fuisse trinomium : sicut Simon Petrus : & filii Zebedæi Boanerges , ex firmitate & magnitudine Fidei nominati sunt . Quidam volunt , Judam & Thaddæum in lingua originali idem esse . Huic Apostolo nomen Zelotis proprium Simonis communicat S. Hieronymus in cap. 4. ad Galat. , ubi viros bono zelo claros enumerans : zelum inquit Apostoli Judæ ( sed non proditoris ) qui ob insignem zeli in se virtutem etiam Zelotis nomen accepit .*

II. Frater erat S. Jacobi Minoris , & consequenter & ipse appellabatur Frater Jesu Christi seu Consobrinus , quia filius Mariæ , quæ vocatur soror SS. Virginis & Cleophæ ; quem aliqui putant fratrem S. Joseph , de quo egi supra cap. 7. de S. Jacobo Minore §. 2. , ubi varias de hoc retuli opiniones . Sunt qui velint , hunc , quem Lucas vocat Judam Jacobi , & Judam Fra-

Tom. V.

F ff

trem

trem Domini esse duos diversos, quia nemo consuevit appellari à nomine fratris sed nomine patris, vel uxor nomine viri. Sed hæc regula sine ullo statuitur fundamento, maxime cum nemo ex Antiquis hunc scrupulum elevaverit. Et merito. Nam si ponimus Judam Jacobi distinctum à Juda Thaddæo Fratre Domini, jam non duodecim sed tredecim Apostolos à Christo electos ponere tenebimur, vel quod Matthæus & Marcus unum inter Apostolos recensuerint, & Lucas eo omisso alium inseruerit, & sic inter se discordent.

III. Thaddæum uxorem habuisse & filios, sentiunt multi. Nicephorus L. 1. cap. 33. ejus uxori Mariæ nomen indidit: & ex Eusebio L. 3. cap. 19. & 20. colligi videtur, duos ejus filios Martyres obiisse. Nam cap. 19. ex Hegesippo dicit Eusebius: *Vetus fama est, posteros Judæ ejus, qui secundum carnem Fratres Christi fuerant, à quibusdam Hæreticis esse delatos (coram Domitiano) utpotè qui è Davidis stirpe essent oriundi.* Et cap. 20. ex eodem addit: *His temporibus adhuc supererant quidam ex cognatione Christi nepotes Judæ illius, qui secundum carnem Frater Christi vocabatur.* Hi ad Domitianum ducti & ab eo interrogati, quot possessiones & quantam pecuniam haberent, cum respondissent, se aliqua habere prædia, ex quibus propriarum manuum labore cultis tantum vix percipiebant, quantum sat erat ad victum & ad tributa solvenda, eique manus callis obduratas ostendissent: quæsi etiam de Regno Christi, cum reposuissent, hoc temporale non esse sed spirituale & æternum, à Domitiano dimissi liberi fuerunt. Qui postea cum Ecclesiis præfuisent, Christi Martyres, & propinqui Trajani temporibus obierunt. Verum ex quo Eusebius istos vocet Judæ Posteros ac Nepotes, non propterea certò inferitur, eos fuisse Judæ filios, vel ab eo originem habentes, cum possint dici Judæ posterii & nepotes, quia ex eadem Familia descendentes, etsi ab illo rectâ lineâ per generationem non processerint, sed ab alio ejus Consanguineo geniti fuerint. Ut enim ait S. Hieronymus L. 1. adv. Jovin.: *Cum excepto Apostolo Petro non sit manifestè relatum de aliis Apostolis, quod uxores habuerint, & cum de uno scriptum sit, ac de cæteris tacitum, intelligere debemus, sine uxoribus eos fuisse, de quibus nihil tale Scriptura significat.* Quibus omnibus accedit, quod Græcorum Menologia 19. Junii, ubi referunt ejus prædicationem & martyrium, illum uxorem habuisse non dicunt.

IV. S. Judas ad Apostolatam vocatus fuit post Pascha anno 31. Is fuit, qui in ultima Cœna petiit à Jesu, quare ipsis manifestaturus esset se ipsum, & non Mundo, Joann. 14. v. 22. *Di-*  
cis

*cit ei Judas, non ille Iscariotes: Domine, quid factum est, quia manifestaturus es nobis Teipsum, & non Mundo? Dixerat enim Jesus v. 19.: Adhuc modicum, & Mundum me jam non videt: vos autem videbitis me: Quibus excitatus Apostolus causam quaesivit. Cui Jesus respondit, causam esse, quia ipsi eum diligebant, sermonem ejus servantes, Mundus autem non sic. Ubi S. Augustinus Tract. 76. in Joann.: Ecce, inquit, exposita est causa, quare se suis manifestaturus est, non alienis, quos Mundi nomine appellat: & ipsa est causa, quod hi diligant, illi non diligant.*

## §. II.

*Prædicatio Obitus.*

1. **D**E Provinciis, quibus S. Judas Christum annuntiavit, non una est sententia. Martyrol. Rom. die 28. Octobris vult, eum prædicasse Evangelium in Mesopotamia, deinde in Persidem cum Simone Cananæo ingressum, postquam innumeram illius Gentis multitudinem Christo subdidissent, ibi Martyrium consummasse. Nicephorus L. 2. cap. 4. omisâ Perside ponit, eum prædicasse in Judæa, in Galilæa, Samaria, Idumæa, Arabia, Syria, & Mesopotamia. De Mesopotamia conveniunt etiam Græci in suis Menologiis. S. Paulinus carm. 26., modò 27., ait, Lybiam Lebbæum accepisse prædicantem & mortuum. Moscovitæ credunt, se ab ipso Christi Fidem primò accepisse.

II. S. Judam Thaddæum Apostolum fuisse illum, qui à Sancto Thoma Apostolo missus fuit Edessam ad Abgarum post Christi Ascensionem, sentit S. Hieronymus in cap. 10. Matth.: sed Historia Ecclesiastica tradit, S. Thaddæum, qui Edessam missus fuit, non fuisse Judam Thaddæum ex Apostolis, sed Thaddæum unum ex 70. Discipulis, ut dixi supra cap. 6. de S. Thoma §. 3. Hoc tamen non impedit, quin etiam S. Judas Thaddæus Apostolus Mesopotamiam prædicatione iustans Edessam pervenerit, & opus Dei à Thaddæo inchoatum confirmarit. Et proinde admitti poterit, quòd Menologia Græcorum de S. Juda Apostolo die 29. Junii asserunt, quòd *apud Mesopotamiam Evangelium Gentibus disseminans, verbo Christi pietatem Regionibus illis prædicavit, & Edessenorum Civitatem peragrans ad Abgarum profectus illum à morbo curavit.*

III. Quot annos vixerit, ignoratur. Probabile est, cum in vivis adhuc fuisset, & Jerosolymam se contulisset ante Marty-

rium S. Jacobi Minoris ejus fratris, & illius Urbis Episcopi; quod vel anno 63. vel 65. contigisse, supra ostendi cap. 7. §. 5. & interfuisse electioni S. Simeonis in Episcopatu defuncti Successoris. Ut enim ait Eusebius L. 3. cap. 11.: *Post Martyrium Jacobi, & continuò subsecutam Jerosolymorum expugnationem, fama est, Apostolos ceterosque Domini Discipulos, qui adhuc superstites agebant, ex variis locis in unum convenisse, & unà cum illis qui Dominum secundum carnem propinquitate generis continebant (plerique enim eorum adhuc in vivis supererant) in commune consuluisse, quis in Jacobi locum succedere mereretur: omnes itaque uno consensu Simeonem . . . dignam judicaverunt.* Credibile ergo est, inter propinquos Christi secundum carnem, quorum plerique superstites electioni Simeonis interfuere, fuisse etiam S. Judam Christi propinquum, & anno 70., quo excidium Jerosolymorum contigit, in vivis fuisse.

IV. Quoad tempus verò mortis ejus, observat Baronius ad annum 68. v. 5., quòd cum planè appareat, S. Judam scripsisse suam Epistolam, de qua infra, post omnes alias ab Apostolis scriptas, unde v. 17. dicit: *Memores estote verborum, quæ prædicta sunt ab Apostolis:* & etiam post secundam Petri scriptam paulò ante Martyrium; cum iisdem sententiis, ac iisdem ferè verbis concepta videatur: cumque etiam, ut nuper dixi, interfuisse credatur electioni Simeonis factæ post excidium Jerosolymorum, & ideo post annum 70.: probabile est, eum etiam post tempora Neronis supervixisse; nec aliam de hoc Epocham statuere possumus.

V. De qualitate verò & loco mortis: Græcorum quidam ut Nicephorus L. 2. cap. 40. & Eumenius censent, eum placidâ morte Beryti obliisse: sed fortè isti confundunt S. Judam hunc cum Thaddæo Apostolo Edessænorum. Ceteri tam Græci quàm Latini Martyrio vitam consummasse conveniunt, de loco autem dissident. Latini eum unà cum S. Simone in Perside Martyrio coronatum dicunt: quo autem Martyrii genere tacent. Ita in Martyr. 28. Octobris. S. Paulinus carm. modò 27. in Lybia eum passum fuisse autumat; de qua autem Lybia, an Cyrenaica, an Tripolitana, an alia parte magis Meridionali Africa loquatur, non exprimit. Græci in Menologiis 19. Junii, in eo qui dicitur Basilii sic lego: *Postremò Arat Urbem petiit, ibique in Crucein aëlis telisque confusus vivendi finem fecit.* In alio Cardin. Sirleti legitur: *In Artipoli ab Infidelibus suspensus & sagittis vulneratus, spiritum Deo ipsi commendavit:* Ceterùm hæc Urbes Arat & Artipolis sub his nominibus sunt nobis igno-  
tæ:



tæ: nisi forte essent *Araræ* vel *Artaxate* Urbes in Armenia celebres; prima in Majori, altera in Minori Armenia. De factio autem Armeni apud se esse Corpus S. Judæ contendunt: quamvis utriusque SS. Simonis & Judæ Corpora in Basilica Vaticana hodie aservari dicantur.

VI. S. Judam Apostolum scripsisse Epistolam, quæ inter Canonicas postremum locum obtinet, ejusque nomen præfert, universa Ecclesia etiam Græca (ut in suis Menologiis) fateatur. Licet autem olim ab aliquibus dubitatum fuerit; dubium hoc ab omnibus sublatum fuit, ut ostendi Tom. I. Ver. Relig. Christ. Tract. de Libris &c. cap. 3. §. 5. ; unde ibi dicta repetere foret superfluum. Ferebatur etiam quoddam Pseudo-Evangelium nomine Judæ Thaddæi personatum; quod tamen Gelasius Papa in Conc. Rom. ad apocrypha amandavit his verbis: *Evangelium nomine Thaddæi apocryphum.*

## CAPUT XIII.

## De Sancto Matthia Apostolo.

## §. UNICUS.

*Electio Prædicatio Mors &c.*

I. S. **M**atthias post Ascensionem Domini in Apostoli locum, è quo prævaricatus fuit Judas Iscariotes, subintravit. Antea fuisse unum ex 70. Discipulis, scribit Eusebius L. 1. cap. 12. . Fuisse semper cum Jesu & Apostolis à Baptismo Joannis usque ad ejus Ascensionem, colligitur ex verbis Petri Act. 1. v. 21. & 22. , ubi agens de subrogando alio in locum Judæ ait: *Oportet ergo ex his Viris, qui nobiscum sunt congregati in omni tempore, quo intravit & exiit inter nos Dominus Jesus, incipiens à Baptismo Joannis usque in diem, quæ assumptus est à nobis, testem Resurrectionis ejus nobiscum fieri unum ex istis.* Cum ergo ex duobus, quos statuerunt, unus fuerit Matthias, signum est eum à Baptismo Joannis usque ad Ascensionem ejus fuisse Jesu Discipulum & Apostolorum comitem indivisum. Quare in hac parte audiendus non est Clemens Alexandr., qui L. 4. Strom. pag. 488. videtur admittere, Matthiam eundem esse ac Zacchæum Principem Publicanorum; nam Matthias, ut dixi, à Baptismo Joannis factus fuit, ac permanfit semper cum Christo; at Zacchæus paulò ante Passionem Christo dedit.

II. Ele-

II. Electio Matthiæ in Apostolum Act. 1. v. 15. &c. ita narratur: Post Ascensionem Domini cum Apostoli Jerosolymis convenissent promissum Spiritus Sancti Adventum precibus continuis sollicitantes, Petrus coactos simul fratres numero centum viginti allocutus est, oportere ex iis Viris, qui erant ibi congregati, & omni tempore fuerant Jesum secuti, eligere unum, qui in locum Judæ sufficeretur: Judæ, inquit, qui juxta Davidis vaticinium è loco suo excidit, quia Domini sui vitam pretio vendidit, factus dux eorum qui comprehenderunt eum, quo sanè pretio criminis conscientiam adigente Sacerdotibus restituto, ager comparatus est. Judas tamen patrati criminis poenas luit: nam desperatione adactus laqueo sibi parato suspensus crepuit medius, & diffusa sunt omnia viscera ejus. Et hoc novum factum est omnibus habitantibus Jerusalem: ita ut ager ille appellatus sit Haceldama, hoc est ager Sanguinis; oportere igitur (addidit) ut Episcopatum illius, juxta Psalmi 108. v. 8. predicationem, accipiat alter. His ergo à Petro dictis, communi sententia congregati statuerunt duos nempe Joseph Barsabam, qui dicebatur Justus, & Matthiam; deinde fufus ad Deum precibus, ut dignaretur ostendere, quem ex illis duobus ipse elegisset, iactis sortibus, cecidit fors super Matthiam, & statim annumeratus est cum undecim Apostolis. Hoc modo facta fuit electio Matthiæ in Apostolum, in qua quia adhibite fuerunt sortes; ideo viam aperuit questioni, an in electionibus usus sortium sit licitus. Sed quia de hac egi de Vita & Mysteriis Christi cap. 39. §. 1. à num. 4. ideo studiosum illuc remitto,

III. De hoc Apostolo nil aliud dicit Scriptura, & vix aliquid probata historia. Ejus tamen Vitam duodecimo seculo vulgavit Monachus quidam S. Matthiæ Trevirensis, ex originali Hebræo sibi à Judæo communicato, & ab eodem vernaculo sermone explicato; quam legere est apud Bollandum 24. Februarii. In ea ergo legitur, S. Matthiam in Bethlehem Tribus Judæ ex illustri genere ortum, & sanctissimis moribus adhuc adolescentulum à summo viro Simeone imbutum fuisse. Post Pentecostem Palestinam ei obtigisse, quam universam predicationibus & miraculis obivit. Trigesimo tertio à Passione Domini anno, cum Anani Junioris operâ S. Jacobus Minor Jerosolymæ sublatu fuisset, S. Matthias tunc temporis Galilæam lustrans, adductus est: cumque in confessione firmus persisteret, capitali sententia damnatus, lapidibus primùm oppressus, deinde capite truncatus est. Hoc habet præfata Historia, quæ tamen optandum esset ut à puriori fonte manasset, non à Viro Judæo, & quidem post de-

decem secula, absque ullo antiquitatis testimonio. Quapropter communiter tamquam apocrypha & nullius auctoritatis reputatur.

IV. Clemens Alexandrinus L. 3. Strom. pag. 436., ut eximat Nicolaum Diaconum à nota hæresis, quam Nicolaitæ ei affingebant (de quo supra egi cap. 1. de S. Petro §. 4. num. 10. & c.) ait: *Dicunt itaque, Matthiam quoque sic docuisse: cum carne quidem pugnare, & ea uti; nihil ei impudicum largiendo ad voluptatem, augere autem animam per fidem & cognitionem: Quod refert etiam Eusebius L. 3. hist. cap. 29.*

V. Provinciam, in qua prædicavit & diem clausit extremum, fuisse Colchidem, Græcorum aliqui putant apud Bollandum 24. Februarii. In Menologiis tamen volunt fuisse Æthiopiam; ita in Menol. Basilii die 9. Augusti his verbis: *Post hæc in ulteriori Æthiopia prædicans Evangelium, atque multos illuminans, detentus ab infidelibus, & plurimum cæsus, Deo tradidit spiritum.* Ita etiam in Menol. Sirleti. Romanum autem Martyrol. die 24. Februarii, cum in Judæa prædicasse dicit. Quæ duo bene componi possunt dicendo, cum postquam in Judæa prædicasset, transisse in Æthiopiam, ibique Martyrem pro Fide obiisse, quo tamen genere passionis non exprimit. Aliqui tamen volunt, cum in Judæa mortuum fuisse ex Dionys. Areopagita de Eccles. Hierarch. cap. 5. i. cum enim ibi prædicaret Evangelium, accusatus & ad mortem damnatus coram Scribis & Phariseis; Jesum esse verum Deum & verum hominem intrepide demonstravit, ac vitam & sanguine Veritatem hanc comprobavit. Ejus corpus Romæ in Basilica S. Mariæ Majoris asservatur: quamvis Boilandus dubitet, an Corpus quod Romæ asservatur, potius quam Apostoli, sit Matthiæ Jerosolymorum Episcopi circa annum 120.

VI. Sub S. Matthiæ nomine ferebatur olim Evangelium, quod tamen antiqui Patres, Origenes hom. 1. in Lucam, Eusebius L. 3. hist. cap. 25. tanquam ab Hæreticis suppositum rejecerunt. Unde Gelasius Papa inter apocrypha illud recenset. Ferebantur etiam S. Matthiæ Traditiones (de quibus loquitur Clemens Alexandrinus L. 2. Strom. pag. 380., & L. 7. pag. 765.) quas Basilidiani, Marcionitæ, & Valentiniiani, qui se Discipulos hujus Apostoli mentiebantur, spargebant: *Ex hæresibus, inquit Clemens, alia quidem appellantur ex nomine, ut quæ appellantur sunt à Valentino & Marcione & Basilide, etiam si gloriuntur, se Matthiæ opinionem adducere. Cum ergo ex illis suppositis Traditionibus multa depromerent contraria doctrinæ Apostolorum; dicent-*

cent-

cendum, eas non Apostoli Matthiæ, sed corruptæ dictorum Hæreticorum phantasiæ factus esse: *Fuit enim una omnium Apostolorum sicut doctrina, ita etiam Traditio.* Sic Clemens Alexandrinus citato loco.

## CAPUT XIV.

## De S. Barnaba Gentium Apostolo.

## §. I.

*Barnabæ Conditio Prædicatio &c.*

I. **B**arnabas, sicut & Paulus, quamvis non sint ex duodecim à Christo, dum conversaretur in terris, electi; quia tamen ab Eo post Ascensionem ad Apostolatam numerantur. De Pauli vocatione jam egi, & omnibus nota est. De vocatione autem Barnabæ constat ex Act. cap. 14. v. 1. &c. ubi legitur, quod cum in Ecclesia, quæ erat Antiochiæ, essent Prophætæ & Doctores, in quibus Barnabas & Saulus: dixit illis *Spiritus Sanctus: Segregate mihi Saulum & Barnabam ad opus, ad quod assumpti eos. Tunc jejunantes & orantes imponentesque eis manus, dimiserunt illos.*

II. Barnabas ergo Act. 4. v. 36. sic describitur: *Joseph autem, qui cognominatus est Barnabas ab Apostolis (quod est interpretatum Filius consolationis) Levites & Cyprius genere, cum haberet agrum vendidit eum, & attulit pretium, & posuit ante pedes Apostolorum.* Quibus ejus proprium nomen indicatur, in cognomine indoles, rursus genus, patria, ac bonorum propter Christum abdicatio. Vocabatur ergo proprio nomine *Joseph*. Putarunt aliqui esse illum Joseph, qui ut habetur Act. 1. v. 23. cum Matthia propositus fuit, ut eligeretur in locum Judæ: sed contrarium sentit Chrysostomus hom. 11. in Acta dicens: *Non videtur mihi hic ille esse, qui cum Matthia. Ille namque Joseph vocabatur Barsabas, postea verò cognominatus est Justus; hic verò Barnabas idest Filius consolationis, ab Apostolis cognominatus est: videturque mihi à virtute nomen accepisse, ac si ad eam esset aptus ac idoneus.* Hinc apparet, cognomine Barnabæ donatum fuisse ad exprimendam ejus indolem, idoneam ad consolandum afflicto & roborandos debiles, & consequenter lenem, teneram, dulcem, facilem ad veniam, ac faciem amoris simul ac venerationis à vi-

à videntibus sibi conciliatricem. Undè idem Chrysostomus hom. 21.: *Barnabas hic, inquit, mitis & mansuetus homo erat: nomen autem ejus Filium Consolationis significat: unde & amicus Paulo fuit. Quod autem valdè mitis esset & accessu facilis, & ex hoc, & ex iis, quæ circa Joannem (Marcum) acta sunt, liquet. Et hom. 30.: Opinor, inquit, aspectu venerabilem fuisse Barnabam.*

III. Apparet etiam, eum fuisse de Tribu Levi, quamvis ejus Familia in Insula Cypri fixum incolatum haberet. Prædium tamen non procul Jerosolymis possidebat: sed eo vendito pretium ad Apostolos in commune Fidelium commodum, quia tunc nemo illorum habebat proprium, statim detulit. Ex hoc excitatur quæstio, an Barnabas fuerit unus ex Christi Discipulis, qui ei jam adhæserant etiam ante Passionem; an solum post Ascensionem operâ Apostolorum Fidem Christi amplexus sit. Beda Retract. in Acta cap. 4. secundam partem tuetur & miratur, quod aliqui Veteres oppositum senserint, cum S. Lucas apertè indicet cap. 4., eum non fuisse conversum nisi post Ascensionem ab Apostolis; cum manifestum sit, Evangelicam doctrinam passuram non fuisse, ut Discipulus Jesu Christi adhuc retineret prædii possessionem, quam non usi post Ascensionem abdixit.

IV. Nihilominus Clemens Alexandrinus Lib. 2. Strom. pag. 410. de Barnaba dicit: *Erat autem is ex Septuaginta, & Pauli adjutor.* Et Eusebius L. 1. hist. cap. 12., ubi de numero 70. Discipulorum, ait: *Quod verò ad septuaginta Discipulos attinet, eorum series nullibi præscripta reperitur. Fersur tamen ex illorum numero unus fuisse Barnabas, cujus cum in Actibus Apostolorum crebra sit mentio, tum in Pauli ad Galatas Epistola: & L. 2. cap. 1. postquam dixit, quod Jacobo Justo ac Joanni & Petro Dominus post Ascensionem Scientiæ Donum impertivit, subdit, quod illi cæteris Apostolis; hi verò septuaginta Discipulis, quorum unus fuit Barnabas, tradiderunt.* In libello etiam sub Hippolyti nomine de 70. Discipulis Barnabas recensetur. In hoc consentiunt Græci in suis Menologiis die 11. Junii.

V. Neque oppositum indicat Lucas ex eo, quod solum post Ascensionem dicat Barnabam agrum à se possessum vendidisse. Nam primò de Apostolis quidem hoc habemus, quod reliquerint omnia quoad actum, non tamen habemus hoc de Discipulis. Nec doctrinæ Evangelicæ contraria est bonorum possessio, sed affectus. Undè Paulus 1. Cor. 7. v. 30.: *Qui emunt, inquit, tamquam non possidentes (sint) & qui usuntur hoc mundo tamquam non utantur.* Nec Zacchæus quando Discipulus Jesu factus fuit

Tom. V.

G g g

Lu-

Lucæ 19. v. 8. omnia dimisit, sed solum promisit, dimidium bonorum pauperibus se daturum, & si quid aliquem defraudasset, quadruplum redditurum. Nec ab eo plus petiisse Christum constat ex eo, quod statim dixit ei: *Hodie salus Domui huic facta est.* Dici etiam potest, quod Barnabas ante Ascensionem vel non habuit dicti prædii possessionem, vel de eo disponere antea non potuerit.

VI. Quæ de S. Barnaba, præter dicta, in Scriptura sunt primò, quod cum S. Paulus post tres à sua Conversione annos (anno nempe 37.) Ierolymam venisset, & tentaret seungere Discipulis; sed omnes timerent eum, scientes eum fuisse Ecclesiæ persecutorem, nec credentes, eum esse Discipulum; Barnabas duxit eum ad Apostolos, eisque narravit prodigiosam illius conversionem, & quantum pro Christo in Damasco fecerit. Ita Act. 9. v. 26.: *Barnabas autem apprehensum illum duxit ad Apostolos, & narravit illis, quomodo in via vidisset Dominum, & quia locutus est ei, & quomodo in Damasco fiducialiter egerit in nomine Jesu.* Quo audito, ab omnibus libenter exceptus fuit Paulus. Ex hoc aliqui putant, Paulum fuisse notum & amicum Barnabæ, quia sub Gamaliele studuerint.

VII. Secundò, quinque post annos, anno nimirum 42., cum (ut habetur Act. 11. v. 20.) quidam Fideles Cyprii & Cyrenæi venientes Antiochiam, ac cœpissent annuntiare Græcis idest Gentilibus Dominum Jesum; tunc enim, secutâ jam conversione Coruelli, aperta erat etiam Gentibus janua ad poenitentiam & Fidem; essetque manus Domini cum eis in signis & prodigiis, multusque numerus credentium conversus esset ad Dominum: famâ de hoc Ierolymam perlatâ, missus fuit ab Ecclesia Antiochiam Barnabas, qui (v. 23.) *cum pervenisset & vidisset gratiam Dei, gavisus est, & hortabatur omnes in proposito cordis permanere in Domino. Quia erat vir bonus & plenus Spiritu Sancto. Et apposita est multa Turba Domino: ut enim dixi Barnabas vir bonus erat, suavis, plenus caritate, corda audientium dulcedine emolliens & attrahens. Ideoque ipsum & Paulum Concilium Apostolorum hoc elogio exornat, vocans eos homines, qui tradiderunt animas suas pro nomine Domini nostri Jesu Christi.* Act. 15. v. 26.

VIII. Tertiò, confirmatis in Fide Fidelibus Antiochiæ (Act. 11. v. 25.) *Profectus est Barnabas Tarsum, ut quæreret Saulum: quem cum invenisset, perduxit Antiochiam: & annum unum conversati sunt ibi in Ecclesia, & docuerunt Turbâ multam: ita ut cognominarentur primùm Antiochia Discipuli Christiani.*

Post

Post tantos progressus Barnabas Antiochiam voluit perducere Paulum, nec curavit, quod adventu Pauli sua minueretur auctoritas; causam enim agebat Christi, non suam. Unde Chrysostomus hom. 25. in Acta ait: *Sed vide hunc quoque Sanctum, Barnabam dico, quomodo non sua respiciat, sed currat Tarsum. Optimus vir erat & simplex, atque Paulo familiaris. Idem venit ad ducem &c.*

IX. Quartò, Barnabas & Paulus per annum Antiochiæ commorati, eâ relicta anno 24. Jerosolymam simul profecti sunt, ut eleemosynas, quas Fideles Antiochiæ ad Fideles Judææ mittebant, deferrent, ut maximè fami ab Agabo prænuntiata subvenirent. Sic Act. 11. v. 29. & 30. Redeuntes autem Antiochiam secum duxerunt Joannem cognomento Marcum Act. 12. v. 25: *Barnabas autem & Saulus reversi sunt ab Jerosolymis expleto ministerio, assumpto Joanne, qui cognominatus est Marcus.* Hic Marcus juxta S. Hieron. L. de Script. Eccles. cap. 6. Discipulus erat Barnabæ: & juxta alios etiam Confobrinus, ideòque non levibus conjecturis existimant, huic esse eundem, de quo Paulus ad Coloss. 4. v. 10.: *Salutat vos.... & Marcus Confobrinus Barnabæ.*

X. Quintò, Barnabâ & Paulo Antiochiæ existentibus, Spiritus Sanctus sive internâ sive externâ locutione præcepit Prophetis & Doctores, qui ibi erant, inter quos Simon qui vocabatur Niger, & Lucius Cyrenensis, & Manahen (Act. 13. v. 1.) ut sibi segregarent Saulum & Barnabam ad opus, ad quod eos assumerat, nimirum ad Apostolatam Gentium, eosque ad tale opus ordinarent. Mandatis ergo S. Spiritus tres præfati obsequentes, præmissis jejunio & oratione, Saulo & Barnabæ manus imposuerunt; quo facto assumpto Joanne Marco Saulus & Barnabas abierunt Seleuciam, inde navigaverunt Cyprum, deinde Salaminam; ubique accepti Apostolatus semina spargentes. Porro quod ad Apostolatam Gentium ordinati essent, statetur Paulus ipse Galat. 2. v. 9., ubi dicit, quod cum cognovissent Jacobus & Cephas & Joannes gratiam hanc, dexteras dederunt sibi & Barnabæ locietatis, ut ipse & Barnabas essent in Gentibus, sicut illi erant in Circumcisionem. Et propterea Lucas Act. 14. v. 4. & v. 14. eos simpliciter vocat Apostolos: *Quod ubi audierunt Apostoli Barnabas & Paulus &c.*, & Paulus ipse 1. Cor. 9. v. 5. & 6. se ipsum & Barnabam inter Apostolos nominat. Ita ut identidem prior nominetur Barnabas, identidem Paulus. Unde Clemens Alexandrinus L. 2. Strom. pag. 373. Barnabam vocat Apostolum: Augustinus in Psalm. 96.: *Fecerunt hoc, inquit,*

G g 2

Apo-

*apostoli Sancti Paulus & Barnabas. Et Ambrosius L. 2. de Spiritu Sancto cap. 12. dicit, quòd Paulus & Barnabas permiffi à Spiritu Sancto ... nullam discretionem inter ceteros habuerunt Apostolos, quasi aliter à Patre Deo aliter à Spiritu mitterentur.*

XI. Quia probabile est, Prophetas & Doctores, qui erant Antiochiæ, Cyprios & Cyrenenses origine, fuisse illos eosdem qui jubente Spiritu Sancto ordinaverunt Paulum & Barnabam in Apostolos Gentium, nempe Simonem qui vocabatur Niger, Lucium Cyrenensem, & Manahen, non abs re erit de his aliqua dicere. Simon Cyrenensis dictus Niger ab aliquibus confunditur cum Simone Cyrenæo, qui adactus Christi Crucem bajulavit; sed cui fundamento hæc conjectura nitatur, latet. S. Epiphanius hæres. 20. cap. 4. Nigrum quemdam inter 70. Discipulos recenset. De hoc Simone Nigro nihil in Martyrologiis & Ecclesiasticis Officiis. Lucius Cyrenensis, qui ab aliquibus inter 72. Discipulos recensetur, ab Usuardo & Adone primus Cyrenarum Episcopus creditur ab Apostolis institutus. De eo agunt Latini in Martyr. die 6. Maji his verbis: *Cyrene S. Lucii Episcopi, quem in Actibus Apostolorum S. Lucas commemorat.* Hic ab aliquibus idem putatur esse ac Lucius cognatus Pauli, cujus nomine Rom. 16. v. 21. Romanos salutat: sed à plerisque existimatur diversus. De Manahen Gesta latent: solum scimus ex Luca cap. 13. Act. v. 1. eum fuisse Herodis Tetrarchæ collataneum: ex quo arguere licet, eum fuisse genere conspicuum, & multa ab Herode sperare potuisse super terram, nisi magnum esse in Caelis cum Christo prælegisset. Ex 72. Discipulis fuisse creditur. De eo agunt Latini in Martyr. die 24. Maji, quem putant Antiochiæ obisse.

XII. Paulus ergo & Barnabas eodem anno 43. Seleuciam, Salaminam, Paphum, & Pergen simul profecti sunt. Ibi (Act. 13. v. 13.) *Joannes (Marcus) discedens ab eis, reversus est Jerusalem.* Illi autem ulterius progredientes v. 14. Antiochiam Pisidiæ venerunt, ubi semel atque iterum concionem habuit Paulus in Synagoga: sed contra utrumque excitatâ à Judæis persecutione, inde discedentes transierunt Iconium, ubi plurimos Christi Fide initiarunt. Concitato verò in eos à Judæis tumultu, Lystram & Derben Lycaoniæ Urbes confugerunt. Cum S. Paulus quemdam Æneam à pueritia claudum suavisset, Populus Lystræ Apostolos esse Deos autumans, ipsis adolere parabat, Barnabam Jovem, & Paulum Mercurium nominans. Quo commoti Apostoli scissis vestibus domo exilientes, ac se esse homines, ut ipsos clamantes, vix Populum sedarunt, ne sibi im-



immolaret. Paulò post supervenientes ab Antiochia Pisidiæ & Iconio Judæi Paulum & Barnabam publicæ pacis everfores prædicare coeperunt. Quare Paulus ab eis ex Urbe educus ac lapidibus obrutus veluti exanimis relictus est. Ope tamen Discipulorum surgens, ac Civitatem ingressus postera die unâ cum Barnaba profectus est Derben. Deinde invisentes Urbes, quibus Fidem Christi jam intulerant, Antiochiam Syriæ, unde discesserant, regressi sunt. Hæc narrantur cap. 14. Act.

XIII. Anno Christi 51. S. Barnabas unâ cum S. Paulo Antiochiâ missus fuit Jerosolymam Act. 15. v. 2. ad sedandam contentionem ibi ortam super observantiam Legalium. Ipse unâ cum Paulo interfuit Concilio super hoc celebrato, agnitus comes ejus in Apostolatu Gentium (Galat. 2. v. 9.) & ambo remissi fuere Antiochiam (Act. 15. v. 25.) ut decretum Concilii manifestarent. Paulò post (Galat. 2. v. 10.) cum Petrus venisset Antiochiam, & ne offensionem esset Judæis, quemdam legalem ritum circa cibos exemplo suo visus fuisset comprobare, in eamque simulationem etiam Barnabas adductus fuisset (ibidem v. 13.) Paulus liberè hoc improbavit tamquam veritati ac libertati Evangelii contrarium.

XIV. Post hæc cum Paulus (Act. 15. v. 36.) vellet reverti ad visitandos Fratres, quibus jam prædicaverant: dixit ad Barnabam: *Revertentes visitemus Fratres per universas Civitates, in quibus prædicavimus Verbum Domini, quomodò se habeant. Barnabas autem volebat secum assumere & Joannem, qui cognominabatur Marcus; Paulus autem rogabat eum, ut qui discessisset ab eis de Pampbylia, & non esset cum eis in opus, non debere recipi. Facta est autem dissensio, ita ut discederent ad invicem; & Barnabas quidem assumpto Marco, navigaret Cyprum; Paulus verò electo Silâ profectus est &c.* Dissensio tamen ista opinionum fuit non animorum, ut ostendi supra cap. 2. de S. Paulo §. 9. num. 8. Hæc sunt, quæ de S. Barnaba nobis Scriptura enarrat, & proinde ut certa asserere possumus.

## §. II.

*Alia quæ de S. Barnaba referuntur.*

1. Quæ sequuntur dubiæ fidei sunt. Monachus quidam Cyprîus de S. Barnaba encomiasticè potiùs quàm historicè scripsit. Quo seculo vixerit ignoratur. Oudinus Tom. 2. de Script. Ecclæs. ad seculum 12. & annum 1120. illum rejicit, quam-

quamvis protestetur, se nescire quâ ætate vixerit. Ejus Opus ex Leone Allatio in Diatriba de Simeonum scriptis titulum hunc præfert: *Eucomium Alexandri Monachi in S. Barnabam Apostolum, & revelationem sanctorum ejus Reliquiarum*. Baronius ad annum 485. num. 4. &c. vult hunc Alexandrum circa finem seculi 5. vixisse, nempe tempore schismatis Petri Fullonis sub Zenone Imperatore. Quocumque tamen seculo vixerit, suspecta fidei est, cum multa dicat, quæ cum Scriptura non coherent. Dicit enim, Barnabam primum omnium prædicasse Evangelium Romæ, etiam antequam Paulus & Petrus illuc irent: quod tamen Baronius ipse ad annum 51. num. 53., & omnes ut falsissimum respuunt: & S. Lucas, qui recenset omnes Provincias, quas unâ cum Paulo à tempore suæ Ordinationis Antiochiæ Barnabas peragravit, de hoc Barnabæ sine Paulo itinere Romam nihil dicit, sed semper eos indivisos nobis representat. Quomodo ergo dicere potest, quodd *Postquam ille (Barnabas) Antiochiam à Fratribus, qui erant Jerosolymis, missus est, Antiochia recedens exterarum Civitates peragravit, quousque Romam venit, ubi primus Christum annuntiavit?* Quod si velit, tunc Romam perrexisse, quando à Paulo discessit: non ergo primus Christum ibi annuntiavit: cum multo ante Petrus Ecclesiam Romæ constituerit. Deinde vult, Joannem Marcum eundem esse, ac Marcum Evangelistam, nec nisi post mortem Barnabæ scripserit Evangelium. Satis hæc sint, ut Lector dignoscat, quantam in aliis, quæ solus ipse narrat, mereatur fidem.

II. Aliqua tamen recensebo. Dicit ergo S. Barnabæ parentes satis divites, eum adolescentulum à Cypro patria Jerosolymam misisse, ut litteris vacaret sub Gamalielis disciplina, ubi condiscipulum habuit S. Paulum, & hæc occasione amicitiam contraxisse. Dum ergo studii causâ Jerosolymis moraretur (dicit Auctor iste) Barnabas cognovit Jesum, maximè cum sanavit à 38. annis languentem, & ob alia miracula, quæ anno 31. patravit, idcirco se ei Discipulum dedit, ipsumque cognoscendum exhibuit Mariæ matris Joannis Marci, quæ Jesu obtulit suam domum, ut eâ in hospitium uteretur, dum Jerosolymis moraretur. Dum Salvator in Galilæam transiit, eum Barnabas secutus est, cumque 70. Discipulos elegit, Barnabas inter illos primus computatus fuit. Mortuis interea ejus parentibus omnia bona vendidit, ac pretium pauperibus distribuit, unico prædio prope Jerosolymam sibi reservato, ut quotidianis indigentibus subveniret: quod tamen post Ascensionem statim vendidit.

Prosequitur deinde præfatus Monachus compendio referens

rens omnia, quæ de Barnaba in Actis Apostolorum narrantur. Sed postquam dixit, Apostolos eum misisse Antiochiam, ut habetur Act. 11. v. 21., de suo addit eum ivisse Romam, ibique prædicasse, ut dixi; at inde præ humilitate ad fugiendam gloriam, quam acquisierat, abeuntem, Alexandriam Christi Fidem tulisse, ac inde Jerosolymam reversum, & demum Antiochiam, inde profectum fuisse Tarsum, ut quæreret Paulum. Addit, quodd postquam Barnabas à Paulo discessit, multos Salmine Populos convertit, sicut & in tota Cypri Insula, demum de morte multa dicit, quæ infra subijciam.

III. Quæ Monachus iste præcipuè de adventu S. Barnabæ Romam scribit, ea excerptisse puto ex lib. Recognitionum S. Clementi falsò tributis. Ibi enim dicitur, Barnabam Romam venisse, ibi prædicasse Evangelium, ac demum inde recessisse, & abducto secum Clemente antea Gentili, redeuntem in Palæstinam Cæsaream, ibi Petrum invenisse. Quodd hoc patenter repugnet Actibus Apost. demonstro ex Baronio ad ann. 51. n. 52. Certum enim est (Act. 9. & 10.) Petrum non ante Cæsaream concessisse, quam cum Ecclesias visitans, & Joppem perveniens, Cæsaream à Cornelio Centurione Divinâ visione admonito accersitur. Sed ubi eo tempore & postea Barnabas ageret, eadem Acta demonstrant. Eodem enim capite nono, quo Petri circuitus in visitandis Ecclesiis à Luca describitur, de Barnaba paulò superius dicitur, quodd advenientem Jerosolymam Paulum ad Apostolos introduxit, & postea ab Apostolis Antiochiam missus, indeque profectus Tarsum, ibi invento Paulo ei semper adhæsit usque ad annum 51. Quomodo ergo potuit hoc tempore Romam ire? Sed fortius. Quomodo potuit Barnabas ante adventum Petri Cæsaream Romam ivisse, illis Gentibus Evangelium prædicasse, & Clementem Romanum Gentilem hominem ad Fidem Christi traxisse: si ejusdem Lucæ testimonio nondum apertum fuerat Gentibus ostium ad Fidem, quod tunc solum referatum fuit, quando præviis visionibus in Baptismo Cornelii hoc à Petro auditum fuit cap. 11. v. 18. uude omnes dixerunt: *Ergo & Gentibus penitentiam dedit Deus ad vitam?* Ad do: quomodo Barnabas nondum initiatus & segregatus in Evangelium, ac proinde à Spiritu Sancto nondum missus, ausus fuisset Romam ire, ibique prædicare Christum? Tunc autem nondum fuisse à Spiritu Sancto missum, constat ex Act. 14. Vide Baronium etiam in Notis ad Martyrol. die 11. Junii.

IV. Ejusdem furfuris sunt, quæ supposita quedam Barnabæ Acta sub nomine Joannis Marci referunt. Multa enim continent

nent iis, quæ Lucas scribit in Act. Apost., apertè contraria. Deinde ille Pseudo-Joannes se Gentilem asserit, & servum ejusdem idolorum Pontificis, non Judæum. Quomodo autem Gentilis, non Judæus Joannes Marcus consobrinus Barnabæ, filius Mariæ, cujus domus aperta semper fuit Apostolorum ac Fidelium conventibus? De se ipso rursùm affirmat, ab Apostolo Paulo baptizatum esse Iconii. At quomodo nondum baptizatus, qui erat jam discipulus, cùm omnes credentes statim baptizarentur? aut quomodo Joannes Marcus baptizatus Iconii à Paulo, qui ut habetur Act. 13. v. 13. antea ab eis discedens Hierosolymam reversus fuerat? Apagè ergo fabulas & mendacia. Sed quod mirum est, fabulam de prædicatione Barnabæ Romæ adoptarunt Græci, dum in Menologio Basilii die 11. Junii de ipso dicunt: *Hic primus Hierosolymis Romæ & Alexandria prædicavit Christi Evangelium.*

V. Barnabam post separationem iterum Paulo se conjunxisse, indicat Theodoritus in 2. ad Cor. cap. 8. ad illa verba v. 18. *Misimus etiam cum illo (Tito) fratrem, cujus laus est in Evangelio per omnes Ecclesias*, ubi putat, hunc fratrem celebrem per omnes Ecclesias, quem Paulus anno 57. misit cum Tito, fuisse Barnabam. Quod alios plures sensisse, dicit Chrysost. hom. 18. in 2. ad Cor. dicens: *Et quisnam est hic frater? Nonnulli his verbis Lucam significari putant, atque hoc dicunt propter eam bistoriam, quam litteris mandavit: Alii Barnabam: prædicationem quoque non scriptam Evangelium nuncupat.* Utramque opinionem refert etiam S. Thomas in dictum Caput lect. 3. Quamquam difficile videtur, S. Paulum tantam sibi auctoritatem usurpassè supra Barnabam sibi in ministerio æqualem, ut eum mitteret focium, & quidem secundum, Titi sui discipuli, ut notat Aëtius in 2. ad Cor.

VI. Credibile est, Barnabam discedentem à Paulo navigasse quidem Cyprum, non tamen ibi semper mansisse. Volunt propterea aliqui, eum ad alias regiones Evangelium deportasse, præsertim in Liguriam; & Ecclesiam Mediolanensem fundasse. Ita Baronius ad ann. 51. n. 54. dicens, hoc traditione, ac firmis illius Ecclesiæ monumentis comprobari, & Martyrol. Rom. die 25. Septembris id confirmat dicens *S. Anathalonis Episcopi, qui Beati Barnabæ Apostoli discipulus, in ejus locum Ecclesiæ Mediolanensis Episcopus successit.* Cui Baronius in Notis ad dictam diem addit, constare ex quadam antiqua inscriptione apud Alciatum sub Nomine S. Mirocletis Mediolanensis Episcopi, qui floruit Constantini & Melchiadis Papæ temporibus, in-

interfuitque Concilio Romano in causa Cæciliani anno 312., ut scribit Optatus Milevitanus lib. 1. contra Parmen. Præfata autem inscriptio lapide incisa juxta ejus imaginem de S. Anathalione hæc habet in titulo :

*D. Anathaloni Attico secundo Episcopo.*

Deinde his versibus concipitur

*Petri bospes, sanctæque Anathalon, Domne probate*

*Atque idem socius Barnabæ Apostolici.*

*Qui Mediolani verbi mysteria tradens,*

*Te jubet agnatos visere Cenomanos.*

*Dum tua membra metu rigidis subdita tyrannis*

*Brixia vicino detinet in loculo.*

*Hic titulum & pictos venerando pariete vultus*

*Miroclis reddit, præstitit alma fides.*

*Mirocles Episcopus.*

VII. Difficultatem tamen aliquibus facit, quòd S. Ambrosius Orat. in Auxentium de Basilicis tradendis, ubi protestatur, se non traditurum hæreditatem Patrum, meminit quidem Dionysii, Eustorgii, Miroclis, non tamen Barnabæ, quem primo loco nominandi tunc occasionem habebat: *Avisit*, inquit, *ut tradam hæreditatem Patrum, hoc est hæreditatem Dionysii, qui in exilio in causa Fidei defunctus est, hæreditatem Eustorgii confessoris, hæreditatem Miroclis, atque omnium retrò fidelium Episcoporum.* Dici tamen potest, ut ex ultimis verbis colligitur, noluisse Ambrosium singulos in Episcopatu antecessores memorare, sed tres illos, qui proxime antecesserant, & qui in eadem causa, qua tunc ipse, fuerunt. Aliæ difficultates super Episcopatu Mediolanensi S. Barnabæ ex antiquioribus Episcoporum Mediolanensium Catalogis, & aliis rationibus desumuntur: has tamen hic examinare meum non est: solum dico, quòd in libello de 12. Discipulis S. Hippolyto tributo sic legitur: *Barnabas Episcopus Mediolani*: sed hic Auctor tantæ auctoritatis non est, ut omne dubium tollat.

VIII. Circa tempus & genus mortis S. Barnabæ, videtur certum, eum fuisse adhuc inter vivos anno 56., quando Paulus primam Epistolam ad Cor. scripsit, ubi cap. 9. v. 6. ejus meminit. Imò S. Chrysost. hom. 11. in Epist. ad Coloss. supponit, eum adhuc vixisse anno 63., quo Paulus eam Epistolam scripsit: nam cap. 4. v. 10. dicit: *Salutat vos Marcus consobrinus Barnabæ, de quo accepistis mandata*; ex quibus arguit, Barnabam post discessionem à Paulo non modico tempore Colossensibus prædicasse. Quòd si verè auctor fuerit Barnabas illius Epistolæ, quæ sub

*Tom. V.*

*H h h*

*ejus*

eius nomine circumfertur, dici poterit, cum ruinæ Urbis & Templi Jerosolymitani superstitem fuisse, & ultra annum 70. vixisse. Monachus tamen Alexander præcitatus mortuum eum facit, dum Paulus adhuc esset Ephesi, & antequam primò iret Romam, hoc est ante annum 58. & antequam S. Marcus scriberet Evangelium: sed quo fundamento, nescitur.

IX. Quo genere mortis obierit S. Barnabas, controvertitur. Martyrio obisse Martyrolog. Rom. die 11. Junii dicit, & quidem Cypri his verbis: *Postremò Cyprum profectus ibi Apostolatuum suum glorioso martyrio decoravit.* Græci autem in Menolog. Basilii eadem die Martyrii speciem exponentes ajunt: *Profectus verò in Cyprum, à Judæis & Græcis lapidatus ignique traditus est: cujus corpus Marcus Apostolus & Evangelista sublatum in quadam spelunca deposuit.* Deinde cum Ephesum navigasset, & ad Paulum venisset, hunc de Barnabæ obitu certiorem fecit. *Plauxit autem Barnabam Marcus diutissimè.* His videntur confundere Joannem Marcum consobrinum & socium Barnabæ cum Marco Evangelista, & insuper mortem Barnabæ statuere ante mortem Pauli: quorum primum ut falsum ab omnibus reprobatur, secundum verò dubium est, ut dixi. Alii apud nullum probatum veterem Auctorem quidquam certi de Barnabæ Martyrio inveniunt, hærent ambigui. Addit præfatus Monachus Alexander, ejus corpus in loco, quartâ parte leucæ seu quinque stadiis Salaminâ distante, diù incognitum ob persecutiones, quæ postea insurrexerunt, jacuisse: verùm tot miraculis, præcipuè sanitatum, locus ille coruscare cœpit, ut homines nescientes causam, *Locum Sanitatis* appellarint.

X. Tandem ut supra indicavi cap. 10. de S. Matthæo §. 22. S. Barnabas apprensus Anthemo Salaminæ Episcopo locum, ubi requiesceret indicavit. Aperto sepulchro, ejus corpus inventum fuit, & supra pectus Matthæi Evangelium propriâ manu scriptum. Inde clausum & obsignatum fuit sepulchrum. Contigisse hoc fertur anno 488. Zenone Imperatore. Arthemius hoc privilegio proficue utens jura Ecclesiæ Cypri tuitus est contra Petrum Eullonem, qui non obstante decreto Concilii Ephesini, suo Patriarchatui Antiocheno eam subiectam esse contendebat. Inventionem corporis S. Barnabæ confirmant Martyrol. Rom., & Menologium Basilii die 11. Junii, addens: *Unde & privilegium acceperunt Fideles, quòd hæc ipsorum Insula nemini aliorum Episcoporum subjiçitur, sed à proprio Episcopo ordinetur.*

XI. Sub nomine Barnabæ ferebatur quædam Epistola, quam  
Ve-

Veterum quidam inter Sacras & Canonicas agnovisse visi sunt, ut Clemens Alexand., Origenes & alii, qui ex ea auctoritatem depromere. Verum cum Ecclesia eam nunquam ut Canonicam receperit, & credibile non sit, quod si eam ut legitimam Barnabæ sortum agnovisset, non fuisset receptura, argumento est, existimasse Barnabæ suppositam, sed non legitimam. De hac egi tom. 1. Ver. Rel. Christ. Tract. de Libris &c. cap. 4. §. 3. ibi dicta adeat Lector. Suppositum ei fuit etiam quoddam Evangelium spurium & obscenum, à spuriiis & obscenis Hæreticis confictum, quod tamen Gelasius Papa reprobavit.

## TRACTATUS.

*De Christi & Apostolorum Discipulis.*

**Q**UIA non solos Apostolos Christus specialiter elegit, sed & alios septuaginta duos, de quibus Lucas cap. 10. v. 1. *Post hæc autem designavit Dominus & alios septuaginta duos, & misit illos binos ante faciem suam in omnem civitatem & locum, quo erat ipse venturus, quos etiam virtute ejiciendi Dæmones muniivit: unde ibi v. 17. dicitur: Reversæ sunt autem Septuaginta duo cum gaudio, dicentes: Domine, etiam dæmonia subjiciuntur nobis in Nomine tuo.* Alii etiam sunt, qui ab Apostolis Christi Fide imbuti, eis se comites & adjuutores in Evangelio per varias orbis partes propagando dederunt: qui omnes & doctrinâ & sanctitate vitæ, ac plerique etiam sanguine, de Veritate Religionis Christianæ testimonium perhibuerunt. Propterea huic argumento de mirabili Christianæ Religionis propagatione non parum accrescet, si istorum etiam gesta, quantum ex Scriptura & Historia colligere licebit, addiderimus.

Quamvis, ut supra dixi ex Luca, Discipuli Domini Septuaginta duo fuerint, aliqui tamen solum Septuaginta fuisse putarunt, dicentes quod eiti Versio Latina Lucæ Septuaginta duos dicat; Textus tamen Græcus solum LXX. refert: sicut & Eusebius lib. 1. hist. cap. 12., & S. Hieronymus ad Fabiolam de 42. Mansionibus Epist. 128. (modò tom. 2. inter Criticas 5.) ubi Septuaginta Discipulos septuaginta palmis filim comparans, ait *juxta has aquas* (nempe fontes doctrinæ 12. Apostolorum) *Septuaginta creverunt palma, quos & ipsos secundi Ordinis intelli-*

*gimus Præceptores, Lucæ Evangelistâ testante, duodecim fuisse Apostolos, & Septuaginta Discipulos minoris gradus, quos & binos ante se Dominus præmisit. Caterum Veteres tum Græci tum Latini, Ammonius in Concordia, Epiphanius in Panario cap. ult., August. lib. 2. quæst. Evang. cap. 14., & alii ponunt Septuaginta duos. Nec ab his dissentire potest Hieronymus, nam ipse in Præfat. ad 4. Evangelia Damaso protestatur, se ea ex Codicibus Græcis emendasse; & tamen in cap. 10. Lucæ septuaginta duos Discipulos ponit.*

Dicendum ergo cum Baronio ad ann. 33. n. 39., non mirandum, si apud aliquos Septuaginta dicantur, qui septuaginta duo fuere: sicut enim communi modo loquendi Septuaginta Interpretes vocamus, qui tamen, ut omnibus compertum est, fuere septuaginta duo, & sicut apud Romanos Collegium Centumvirum dicebatur; quod tamen centumquinque Judicibus constabat: ita communi & breviori modo loquendi dicuntur septuaginta Discipuli, qui verè septuaginta duo erant. Credibile est enim, Dominum in illorum designatione alludere voluisse ad illos Seniores, quibus iubente Deo à Moyse cura Populi commissa fuit, quos constat Septuaginta duos fuisse; quod apud Judæos Concilium Seniorum dictum perseveravit: & hi fuere LXXII. Seniores ab Eleazaro Pontifice pro edenda Sacræ Scripturæ Versione ad Ptolemaum Regem missi.

De Nominibus verò illorum in summa obscuritate versamur. Ut enim ait Eusebius lib. 1. hist. cap. 12. *Apostolorum quidem Servatoris nostri nomina ex Evangeliorum libris notissima sunt omnibus. Quod verò ad Septuaginta Discipulos attinet, eorum series nullibi præscripta reperitur.* Propterea quinam & quo nomine vocarentur, majori ex parte ignoramus. Eusebius inter istos ibidem recenset Barnabam & Matthiam; sed istos postea factos fuisse Apostolos supra dixi. In horum Classe ponit etiam Jacobum fratrem Domini, seu Minorem; sed hunc ex duodecim Apostolis fuisse sub nomine Jacobi Alphaei, probabilis supra existimavi. Nominat inter Discipulos Sosthenem, Cepham illum, cui Paulus se Antiochiæ restitisse dicit; sed hunc Cepham eundem fuisse ac Petrum Apostolum, superius dixi. Thaddæum tandem. Nec plures Eusebius recenset; solum addens: *Quod si quis observare velit attentius, plures quam Septuaginta reperiet Servatoris nostri Discipulos, vel ex auius Pauli testimonio, qui Christum, postquam à mortuis suscitatus est, primò omnium Cephæ apparuisse dicit, deinde duodecim, & post hæc pluram quam quingentis fratribus simul.* Alios quoque refert lib. 3. c. 39.



sed ex Papiæ parvæ fidei auctore. Unus Pseudo-Hippolytus in Libello de 72. Discipulis omnes distinctè exhibet, quorum nomina sunt. Jacobus Domini frater, Cleophas, Matthias, Thaddæus, Ananias, Stephanus Protomartyr, Philippus, Prochorus, Nicanor, Timon, Parmenas, Nicolaus, Barnabas, Marcus, Lucas, Silas, Silvanus, Crescens, Epænetus, Andronicus, Amplias, Urbanus, Stachys, Barnabas, Phygellus, Hermogenes, Demas, Apelles, Aristobulus, Narcissus, Herodion, Agabus, Rufus, Asynchitus, Phlegon, Hermes, Patrobulus, Hermas, Linus, Cajus, Philologus, Olympius, Rhodion, Lucius, Jason, Sosipater, Tertius, Erastus, Quartus, Apollo, Cephas, Sosthenes, Tychicus, Epaphroditus, Cæsar, Marcus, Justus, Artemas, Clemens, Onesiphorus, Tychicus, Carpus, Evodus, Aristarchus, Joannes Marcus, Zenas, Philemon, Aristarchus, Pudens, Trophimus. Hos recenset Pseudo-Hippolytus, qui tamen solum LXX. nominat. Aristionem & Joannem quemdam ab Evangelista distinctum addit Papias apud Eusebium lib.3. cap. 39. De his, quæ invenire potero subjiciam.

De Cleopha, quis fuerit, quidque egerit dixi in cap. 7. de S. Jacobo Minore §. 2. n. 9., unde ibi dicta reoli possunt. De Anania dixi cap. 2., De S. Paulo §. 3. n. 3.

De Thaddæo etiam locutus sum cap. 6., de S. Thoma Apostolo §. 3. Quibus nihil addendum superest.

De Stephano Protomartyre, aliisque Diaconis, Philippo, Prochoro, Nicanore, Timone, Parmena & Nicolao nil addendum superest iis, quæ dixi Cap. 1. de S. Petro §. 4. de septem Diaconis: de S. Stephano tamen aliqua inferius addam, deinde de aliis, qui Christo, vel Apostolis successerunt quantum liceat prosequar.



## CAPUT I.

De SS. Stephano Protomartyre Nicodemo,  
Gamaliele &c. ac eorum Corporum  
inventione.

## §. I.

*S. Stephani Gestæ, Martyrium, Sepultura.*

I. **I**nter septem Diaconos Stephanus emicuit, quia plenus Gratia & Spiritu Sancto; idèdque primus inter illos nominatur, non Ordine solum sed Gratia & Merito; unde S. August. Serm. 316. (alias 94. de diversis cap. 1.) ait: *Inter Diaconos illos nominatur primus, sicut inter Apostolos Petrus; quod ex eo apparuit, quia, ut supra citato loco num. 3. dixi, vix ordinatus clarere cœpit signis & Prodigiis, Act. 6. v. 8. Stephanus autem plenus Gratia & Fortitudine faciebat prodigia & signa magna in Populo. Cujus ætatis esset, ignoratur: solum in quibusdam visionibus sub specie juvenis apparuisse fertur. Ex Judæis Hellenistis idèst Græcizantibus fuisse creditur. De numero 72. Discipulorum extitisse aliqui putant, alii solum post Pentecostem, ac primum prædicationis Petri fructum fuisse volunt. S. August. Serm. 316. citato cap. 3. Incertum est nobis, inquit, unde fuerit beatissimus Stephanus, utrum ex illis, qui prius in Christum crediderant, sicut Nicodemus, qui ad eum venit nocte. . . Virum verò in his fuerit, an fortè in illis, qui post ascensum Domini veniente Spiritu Sancto, quando impleti sunt Discipuli, & loquebantur Linguis omnium Gentium, compuncti Apostolis dixerunt, Viri fratres, quid faciemus? indicare nobis, . . . Fortè inter illos fuit Stephanus.*

II. At ne fortè quis miretur, quomodò Stephanus, si ex Discipulis à Christo ad prædicandum designatus non fuit, sed ad ministrandum mensis ab Apostolis electus, statim velut Apostolus tanto fervore prædicare cœperit in nomine Jesu. Sciat enim oportet, electos fuisse ab Apostolis Diaconos, non ut pro communibus tantum mensis eleemosynas Viduis ministrarent, sed præcipuè ut mensis sacris, in quibus Divinus Panis frangebatur, idèst Corpus Christi ab Apostolis consecratum, inservirent, sacrum illum Panem Corpus Christi effectum fidelibus præ-

præsertim Viduis dividendo, juxta illud Pauli 1. Cor. 10. v. 16. : *Panis, quem frangimus, nonne participatio Corporis Domini est?* Enim verò quid ad cibaria mensis communibus inferenda opus fuisset Ministris tantâ sollicitudine delectis, tam sacris Ritibus initiatis? Quid præviâ Oratione eligi, & manuum impositione illos consecrari necellum fuisset, si ministerio communium mensarum dumtaxat, & non sacro propositi fuissent? Hinc Sanctus Ignatius Martyr in Epist. ad Trallianos: *Oportet, inquit, & Diaconos Mysteriorum Christi Ministros per omnia placere: nec enim ciborum & potuum Ministri sunt, sed Ecclesiæ Dei Administratores. Quid verò Diaconi, quàm imitatores Angelicarum virtutum, qui purum & inculpatum Ministerium illis (Sacerdotibus) exhibent?*

III. Hoc Ecclesiæ initiis fuisse Diaconorum Officium, aperte describit S. Justinus Martyr Apologiâ 2. pag. 97. , ubi ordinem, qui in sacris Mysteriis tunc servabatur, enarrans, postquam dixit, quod ille qui præest acceptum panem Deo offert & Eucharistiam prolixè exequitur, subjungit: *Præsdens verò postquam Gratiarum Actionem perfecit & Populus universus appreciatione lætâ eam approbavit, qui apud nos vocantur Diaconi atque Ministri, distribuunt unicuique præsentium, ut participet eum, in quo gratia acta sunt, panem, vinum, & aquam, & ad absentes perferunt.* Et hoc post multa repetens ait: *Et distributio communicatioque fit eorum, in quibus gratia sunt acta, cuique præsentibus absensibus autem per Diaconos mittitur.* En ministerium mensæ, ad quod præcipuè electi fuerunt Stephanus cæterique Diaconi. Et S. Augustinus Serm. 304. aliâs 37. de diversis de S. Laurentio dicit: *In ipsa Ecclesia, sicut solentis audire, Diaconi gerebat Officium: ibi sacrum Christi Sanguinem ministravit: ibi pro Christi nomine suum sanguinem sudavit.*

IV. Stephani & aliorum Diaconorum electio eorumque ordinatio facta est ab Apostolis, Populo fideli de eorum Sanctitate testimonium perhibente, sic volentibus Apostolis Act. 6. v. 3. : *Considerate ergo, Fratres, viros ex vobis boni testimonii septem plenos Spiritu Sancto & sapientiâ, quos constituamus super hoc opus.* Ubi testimonium quidem requirunt Apostoli à Fratribus: *Ne quis indignus obreperes* (inquit S. Cyprianus Epist. 68.) institutionem tamen sibi ipsis reservarunt illis verbis, *ut constituamus super hoc opus.* Hinc perperam Hæretici colligunt, sacrorum Ministrorum electionem ad Plebem pertinere, cum solum à Plebe testimonium de probitate vitæ exquiratur: *Quæ* (ut ait Cyprianus laudatâ Epist.) *singulorum vitam plenissime novit, &*

*unius-*

uniuscujusque actum de ejus conversatione perspexit. Hanc Disciplinæ formam in Ordinandis servandam præcipit Tridentinum sess. 23. de Reform. cap. 5. his verbis: *Ad Minores Ordines promovendi bonum à Parocho & à Magistro Scholæ, in qua educantur, testimonium habeant. Hi verò qui ad singulos Majores erant assumendi, per mensem autem Ordinationem Episcopum adeant, qui Parocho, aut alteri, cui magis expedire videbitur, committat, ut nominibus ac desiderio eorum, qui volent promoveri, publicè in Ecclesiâ propositis, de ipsorum ordinandorum natalibus, ætate, moribus, & vitâ à fide dignis diligenter inquirat: & litteras testimoniales ipsam inquisitionem factam continentes, ad ipsum Episcopum quamprimùm transmittat.* Sed hæc ad abundantiam dicta hujus loci non sunt.

V. hægitur, quâ plenus erat, Spiritus Sancti gratiâ Stephanus verbo, signis & prodigiis ad Christi Jesu Fidem Turbas trahere non cessabat: adeò ut Verbum Domini crederet, ac multiplicaretur numerus Discipulorum, & multa etiam Turba Sacerdotum obediret Fidei. Conati quidem fuerunt aliqui cum eo disputare; sed cum non possent resistere Sapientiæ & Spiritui, qui loquebatur, ad calumnias se converterunt: *Summiserunt Viros, qui dicerent, se audivisse eum dicentem verba blasphemie in Moysen & in Deum.* His commoti Populus, Seniores, & Scribæ, concurrentes raperunt eum, & adduxerunt in Concilium & sternerunt falsos testes, qui dicerent: *Homo iste non cessat loqui verba adversus Locum sanctum & Legem.* *Audivimus enim eum dicentem: Quoniam Jesus Nazarenus hic destruet locum istum & mutabit Traditiones, quas tradidit nobis Moyses.* Sic Act. 6. v. 12. &c. Falsos testes adduxerunt, ut accusarent Jesum; falsos testes summittunt, ut ejus Servum accusent. Crimini verterunt Jesu quoddam dixisset: *Possum destruere Templum Dei* Matth. 26. v. 61. De hoc eodem dicto criminantur Stephanum. Hæc considerans S. Augustinus Serm. 315. alias 93. de diversis cap. 1. ait: *Quantum cum Domino suo & Salvatore suo habuit similitudinem Passionis! falsi testes adversus istum, quemodò adversus illum, & de ipsa re. Nostis enim & recolitis, falsi testes contra Dominum Christum quid dixerunt, Nos audivimus eum dicere, solvo Templum hoc, & post triduum ædifico alterum novum, Non autem hoc Dominus dixerat: sed vicina voluit esse falsitas veritati. Quomodò sunt falsi testes? Audierunt dixisse, Solvite Templum hoc, & post triduum refuscitabo illud, Evangelista autem dicit, Hoc autem dicebat de Templo Corporis sui, Falsi testes pro eo quod dictum est Solvite, dixerunt Solvo. Modicum in syllabis mutaverunt:*

*erunt: sed tantò falsi testes peiores fuerunt, quantò propinquare veritati per calumniam voluerunt. Et huic quid obiectum? Nos audivimus eum dixisse: quia Jesus Nazarenus destruet Templum hoc, & mutabit consuetudinem legis, Falsum testimonium dicebant & vera prophetabant. Quomodo Caiphas ille Magister illorum, Princeps Sacerdotum, datus consilium Judæis, ut occideretur Christus hoc dixit, Expedi unum mori, quàm ut tota Gens pereat, Ait autem Evangelista, Hoc non à semetipso dixit, sed cùm esset Pontifex anni illius, prophetavit: quia oportebat Christum mori pro Gente, Quid hoc est Fratres? magna vis est veritatis: oderunt veritatem homines, & veritatem prophetant nescientes. Non agnunt, sed agitur de illis. His, & quidem pulchrè Stephanum assimilat Christo S. Augustinus.*

VI. Hisce falsis testimoniis adducitur Stephanus ad Concilium, quò cùm pervenisset, intuentes eum omnes qui sedebant in Concilio, viderunt faciem ejus tamquam faciem Angeli, mansuetudine scilicet & gratià micantem. Interrogatus à Principe Sacerdotum dixit causam suam. Hic observat Augustinus citato Serm. cap. 2.: Dominus, quando ad passionem ductus est, interrogatus tacere maluit, iste non tacuit. Quare ille tacere maluit? Quia prædictum de illo erat, Sicut ovis ad immolandum ductus est, & sicut agnus coram tondente se sine voce, sic non aperuit os suum, Iste autem quare tacere noluit? Quia ab ipso Domino dictum erat: Quæ dico vobis in tenebris, dicite in lumine, &c. Priùs igitur exposuit illis ab initio Legem Dei, ab Abraham usque ad Moysen, usque ad datam Legem, usque ad introitum in terram Promissionis, ut commendaret, quia non erat verum testimonium, unde illi calumniam commovebant. Deinde de Moyse dedit eis magnam similitudinem ad Christum. Reprobatus ab eis Moyses: & ipse eos liberavit: reprobatus liberavit. Non reddidit malum pro malo. Sic & Dominus Christus reprobatus à Judæis, ipse illos est postea liberaturus.

VII. Videns tamen, se docendo obduratos nihil proficere, eos sic objurgare cœpit: Durà cervice & incircumcisis cordibus & auribus, vos semper Spiritui Sancto resistitis, sicut Patres vestri, ita & vos. Quem Prophetarum non sunt persecuti Patres vestri? & occiderunt eos, qui prænuntiabant de adventu Jussi, cujus vos nunc proditores & homicidæ fuistis. Quis ita apertè objurgantem non crederet iratum? At non ita (inquit Augustinus laudatus cap. 3.) Scire videtur: lingua serox, cor lene. Clamabat & amabat. Scirebat & salvos fieri volebat. Quis non crederet iratum, quis non crederet odiorum facibus inflammatum, quando dicebat, durà cervice & non circumcisi corde & auribus, Interea de Cæ-

*lo Dominus adspexit & vidit. Apertum est Cælum: vidit Iesum tanquam exhortantem Athletam suum. Nec tacuit quod vidit,, Ecce video, inquit, Cælum apertum & Filium Hominis stantem ad dexteram Majestatis,,. Illi hoc audito, quasi blasphemia esset, quod ille dixisset, aures obturaverunt, ad lapides cucurrerunt. In Psalmo erat dictum,, Sicut aspidis furdæ & obturantis aures,,. Prorsus exhibuerunt, quod de illis prædictum erat. Caput lapidari.*

Tunc apparuit, quo animo illos increparet; cum enim lapidaretur: *Domine Iesu, inquit, suscipe Spiritum meum. Hoc dixit stans, deinde fixis genibus ait: Domine ne statuas illis hoc peccatum. Ubi S. Augustinus Serm. 317. cap. 4. ait: Pro se rogans stetit, pro illis genuflectit: pro se erectus, pro illis curvus, pro se celsus, pro illis humilis.... Et hoc dicto obdormivit. O somnus pacis! Qui inter lapides inimicorum dormivit, quomodo in suis cineribus vigilabit? Dormivit securus quietus in pace, quia Spiritum suum Domino commendavit. Ita Stephanus primus inter omnes sanguinem suum obtulit Christo: primus, inquam, etiam inter Apostolos: unde Augustinus Serm. 316. cap. 1.: Cum esset, inquit, ab Apostolis ordinatus, in brevi ad passionem processit Ordinatiores suos: ab eis est ordinatus, sed prior est coronatus.*

VIII. Talis fuit gloriosus Stephani exitus, quem contigisse circa finem ejusdem anni, quo Christus ascendit in Cælum, communior fert sententia, & die 26. Decembris, quâ modò ab Ecclesia ejus Festum celebratur. Estò enim dies Festi non sit generaliter argumentum dici mortis, diem tamen festum S. Stephani fuisse diem mortis, colligimus ex S. Augustino, qui Serm. 314. hæc habet: *Natalem Domini hesternâ die celebravimus: Servi hodie natalem celebramus: sed natalem Domini celebravimus, quo nasci dignatus est; natalem Servi celebramus, quo coronatus est.* Cum ergo, ut communis fert Traditio, die 25. Decembris Dominus natus sit, sit ut postridie Stephanus servus coronatus sit. Quibus etiam Augustini verbis apparet, præsumi non posse, Festum hoc celebrari, quia eâ die inventæ & translata fuerint ejus Reliquiæ, quas septimo Kalendas Januarii translatas fuisse in Ecclesiam sanctam Sion, testatur Lucianus Presbyter ocularis testis, de quo infra. Nam Augustinus dicit, celebramus Natalem Stephani, *quo coronatus est*, non quo inventus, aut translatus est. Adde quòd Festum S. Stephani hæc die celebrabatur etiam antequam ejus Reliquiæ essent inventæ; nam fuerunt inventæ anno 415. & cum tamen S. Asterii temporibus, qui annum 400. non excessit, & S. Gregorii Nysseni, qui ad 415. non pervenit, Festum S. Stephani post diem natalem Domini celebraretur.

IX. Quòd verò eodem defuncto anno, quo Christus ascendit in Cælum, Stephanus fuerit coronatus, ut probabilius iudicatur. Tum quia Acta Apostolorum indicant; parum temporis intercessisse ab ejus electione in Diaconum ad ejus necem: electionem autem Diaconorum factam fuisse paulò post Pentecostem ejusdem anni testis est Gregorius Nyssenus De Stephano. Tum quia Martyrium Stephani contigit ante Conversionem Sauli, quæ anno secundo à morte Christi secuta est.

X. Quid mortuo Stephano de ejus Corpore factum fuerit, narrat Lucianus Presbyter Epist. de Revelat. Corporis B. Stephani ( quæ extat apud S. Augustinum in Append. Tom. 7. Edit. Maurinæ ) à Gamaliel in visione se accepisse, ut sequitur: *Dominus meus Stephanus, qui lapidatus est à Judæis, & Principibus Sacerdotum in Jerusalem pro Christi Fide foris Portam, quæ est ad Aquilonem, quæ ducit ad Cedar, ubi die ac nocte jacuit projectus, ut sepultura non daretur secundùm mandatum impiorum Principum, ut à feris consumeretur Corpus ejus. Ex Dei autem voluntate non tetigit eum unum ex his, non fera, non avis, non canis. Ego Gamaliel compatiens Christi Ministro & festinans habere mercedem & partem cum sancto Viro in Fide, misi per noctem quatuor noveram Religiosos, & in Christo Jesu credentes, habitantes in Jerusalem in medio Judæorum, & hortatus sum eos, & necessariis Corpus ejus meo vehiculo in villam meam, hoc est in Caphargamala (quod interpretatur Villa Gamalielis) viginti millia à Civitate habens, & ibi feci illi planctum fieri diebus quadraginta, & præcepi eum in meo monumento poni in orientali theca, & præcepi eis quæcumque necessaria erant pro ejus planctu de meo dari. Hæc Gamaliel. Ex quibus apparet, tantam fuisse Judæorum rabiem in Stephanum, ut tentarint etiam scire in mortuum, ejus cadaver feris discerpendum ac devorandum relinquentes sed disponente Deo, Gamalielis pietate honorificè, ut tunc poterat, traditum sepulturae fuisse, & funus planctu de more Judæorum celebratum per dies 40., seu ut vult Beda 45., & ut alii 70. De hoc planctu loquitur Hieronymus Epist. 24. modò 22. ad Paulam: & Epist. 53. modò 37. ad Riparium adversus Vigilantium, & modernos Hæreticos Martyrum Reliquias honorare detrectantes tamquam immundas: *Et quid, inquit, passi sunt Apostoli, ut immundum Stephani Corpus tantæ funeris ambitione præcederent, & facerent ei planctum magnum, ut eorum luctus in nostrum gaudium verteretur?* Quibus indicat, huic Stephani funeri interfuisse etiam Apostolos.*

## §. II.

*De Inventione Corporis S. Stephani.*

I. **T**riumphavit (Stephanus, ) coronatus est. Latuit tanto tempore Corpus ejus, processit, quando Deus voluit, illuminavit terras, tanta miracula fecit, mortuos vivos facit mortuos, quia nec mortuus ( inquit S. Augustinus Serm. 319. aliàs 51. de diversis ) Diuturnum annorum spatium ex hominum memoria locum sepulturæ deleverat, qui sub ruinis antiqui alterius sepulchri jacebat. Latentem hunc thesaurum placuit Deo revelare cuidam Presbytero Luciano nomine, Ecclesiæ, in qua sacra pignora condita erant, curam tunc gerenti. Huic ergo insomni quâdam feriâ sextâ 3. Decembris horâ tertiâ noctis anno 415. Gamaliel apparuit, eique locum ostendit, ubi corpora tam suum, & Abibæ filii, quàm Stephani, & Nicodemi essent recondita; ipsum monens, ne obscura ulteriùs jacere permitteret, sed Joanni Episcopo Jerosolymitano nota faceret, ut accedens monumenta eorum aperiret, Reliquias ad avertenda mala quæ imminabant exponeret: hoc enim sui Episcopatus, quem anno sequenti clausit, tempori reservabatur.

II. Rem hanc Lucianus ipse Epist. citatâ ita narrat: *Die igitur Parasceve, hoc est sextâ sextâ, quæ est tertio Nonas Decembris Consulatui Honorii decies & Theodosii sexties Augustorum, adveniente nocte dormiens in cubili meo, in loco sancto Baptistarii, in quo consuetudo erat mihi dormire, & custodire Ecclesiastica, quæ erant in ministerio; horâ tertiâ noctis, quæ est prima custodia vigiliarum, quasi in extasi effectus semivigilans vidi Virum senem, longam Hieroprepem, hoc est dignum Sacerdotem, canum, barbam prolixam habentem, palliatum albâ Stola, cui inerant gemmula aurea habentes intrinsecus Sanctæ Crucis signum, & virgam auream in manu habentem. Et veniens stetit ad dexteram meam, & aureâ virgâ pulsavit me, ter vocans nomine meo, dicens: Luciane, Luciane, Luciane: & dixit mihi græco sermone: Vade in Civitatem, quæ dicitur Helia, quæ est Jerusalem, & dic Sancto Joanni, qui est in ea Episcopus: Quamdiû clausi sumus, & non aperis nobis? Et maxime quia in temporibus sui Sacerdotii oportet nos revelari. Aperi nobis festinanter monumentum, ubi in negligentia posita sunt nostra Reliquiæ, ut per nos aperiat Deus, & Christus ejus, & Spiritus Sanctus ostium clementiæ suæ in hoc Mundo. Periclitatur enim seculum hoc ex multis casibus ( i. lapibus ) qui fiunt in eo quotidie.*

Et



*Et non tantum sollicitus sum pro me, quantum pro his qui sunt positi mecum sancti, & multi honoris digni.*

*Et respondi ei, dicens: Quis enim es tu, Domine, & hi qui tecum sunt? Respondit mihi, Ego sum Gamaliel, qui Paulum Apostolum Christi nutrivimus & Legem docui in Jerusalem. Et qui mecum est in Orientali parte monumenti jacens, ipse est Dominus meus Stephanus.... Ipse etiam Dominus Nicodemus in alia theca positus est, qui venit ad Salvatorem Jesum nocte, & evangelizatus est ab eo audiens. Nisi quis renatus fuerit ex Aqua & Spiritu Sancto non potest introire in Regnum Caelorum. Et exiens baptizatus est à Christi Discipulis. Et cognoscentes Judæi amoverunt eum à Principatu suo, & anathematizaverunt eum, & de Civitate exiliiaverunt. Et hunc ego Gamaliel quasi persecutionem pro Christo passum sustuli eum in meum agrum & alui & vestivi usque ad finem vite ejus, & defunctum honorifice sepelivi juxta Dominum Stephanum. Similiter & Abibas filius meus dilectissimus, qui mecum Baptismum Christi accepit ab ejus Discipulis, viginti annorum existens ante me mortuus est & sepultus in tertia theca excelsiori, in qua & ego ipse postea defunctus applicitus sum. Mea verò uxor, Etibna habens nomen, & Selemias primogenitus meus, quia noluerunt esse Fidei Christi cultores, in alia villa matris sue sepulti sunt, hoc est in Capharsemelia. Interrogavi autem ego humilis Lucianus Presbyter: Et ubi vos quaeremus? Qui dixit mihi: In medio Proastio, quod potest intelligi proximo de villa agro, qui dicitur Delagabri, idest Virorum Dei. Hæc fuit prima apparitio.*

III. Lucianus ergo (ne singula referens Lectorem tædio afficiam) expurgatus ac in terra prostratus orare coepit dicens: Domine Jesu Christe, si est hæc visio ex te, & non est illatio, fac ut iterum & tertio appareat mihi, quando vis, & quomodo vis. Inde totum se jejuniis dedit, siccis tantum herbis utens, & præter panem & salem in cibum, & aquam in potum; nihil aliud sumens: Sicut (inquit) in diebus sanctis Quadragesima facere soleamus, usque ad feriam sextam sequentem, nimirum 10. Decembris. Quâ iterum apparens Gamaliel eadem horâ ac sub eadem formâ: Quare, inquit, neglexisti me, & dicere Sancto Episcopo Joanni? Cui respondente Luciano, se hoc dissimulasse, quia ut certior fieret, visionem hanc esse à Deo, Dominum rogavit, ut visio sibi iterum appareret, Gamaliel subjungens, ne de hoc hæsitaret, ostendit illi quatuor Calathos: tres quorum pleni erant rosas, duo albis, & tertius rubris ac sanguinei coloris, quartus verò argenteus & croco benè olente plenus. Dixitque: qui rubras habet rosas, ipse est Dominus Stephanus, qui à dexteris pos-

situs

situs est ad Orientem ab introitu monumenti. Secundus calathus Domnus Nicodemus est positus contra ostium. Argentus Abibas est filius meus, idè argenteus & odorem spirans, quia mundus & immaculatus excessit, qui conjunctus est quarto, idèst meo calathio in excelsio loco, quia ambo ibi positi sumus. His dictis Gamaliel denuò evanuit.

IV. Lucianus per alios septem dies continuavit preces & jejunium. Quibus expletis, tertiâ feriâ sextâ sequente, nimirum 17. Decembris Gamaliel ei tertiò apparuit, sed comminans & fremens, cur dissimulasset & usque tunc noluit pergere ad Joannem Episcopum, eique quæ sibi dicta & ostensa fuerant enarrare. Quibus terrefactus Lucianus seque excusans, idèst distulisse, quia præstolabatur tertium adventum suum, promisit, se crastinâ die aditurum, & omnia sibi mandata Joanni Episcopo dicturum. Interea aliâ exstasi Lucianus fuit correptus, à qua expergefactus sine mora ad Joannem perrexit ac omnia sibi in visu dicta & ostensa narravit. His auditis Episcopus benedicens Deum, ac intelligens, sibi datum esse, ut Beati Stephani Reliquias transferret, Luciano dixit: *Vade, fode in acervo, qui est in ipso agro, & si inveneris, nuntia mihi.* Cui Lucianus: *Deambulavi agrum, & vidi acervum minorum lapidum in medio, ubi arbitratus sum eos esse.* Cui Episcopus: *Vade & fode: & si inveneris, sedens custodi locum, & manda mihi per Diaconum, ut veniam ad locum.* Tunc Lucianus accersitis Viris manum operi apponere cœpit.

V. Interea Gamaliel eâdem nocte & sub eadem forma apparuit cuidam Monacho nomine Migetio, eique injunxit, ut ad Lucianum iret, eique diceret, vanè se laborare in acervo illo: nam ibi quidem eorum Corpora primò posita fuerant, dum planctus fieret, sed modò esse in alia parte ad Boream in loco, qui Syriacè dicitur *Debatalia*, quod Græcè vertitur *Andragathon*, & Latine *Virorum fortium*. Paruit Monachus, & omnia Luciano nuntiavit: Qui cùm subtilius acervum nihil invenisset, statim ad monumentum sibi à Monacho indicatum se convertens, ibique fodiens, invenit tres thecas sub typo trium calathorum sibi demonstratas, & lapidem in quo sculptum erat *Celeliel Nasfon*, *Apaan*, *Dardan* seu *Gamalias*, *Abibabel*. Quorum interpretatio est: *Celeliel* Stephanus, *Nasfon* Nicodemus, *Abibabel* filius Gamalielis. Statim ergo Lucianus hoc renuntiavit Episcopo, qui tunc erat in Lidda, quæ Diospolis est, Synodum agens, qui, assumtis secum duobus Episcopis Eleutherio de Sebaste, & Eleutherio de Jerico, venit ad locum.

VI. Illuc

VI. Illuc ergo cùm pervenissent, apertâ thecâ, ubi S. Stephani Corpus conditum ( inquit Lucianus : ) *Statim terramotus factus est, & tanta suavis & fragrantia odoris inde ingressa est, quantam nullus hominum se meminit vel audivisse vel sentisse: ita ut putaremus nos in amœnitate Paradisi esse positos. Multitudo namque Populi aderat nobiscum, inter quos erant plurimi infirmi variis languoribus. Et ipsâ horâ mox de odore suavitatis ejus septuaginta & tres animæ curatæ sunt. Ab aliis fugati Dæmones, aliorum fons restitutus est sanguinis, alii à strumis & surunculis liberati, alii à syringio sanati, alii à tertianis & quartanis; alios febris reliquit, alios morbus regius; alii à cephalogia curati & hemicrania, nonnulli à viscerum occulto dolore liberati. Et multas alias curationes senserunt homines, quas enumerare longum est. Hactenùs Lucianus, qui prosequitur sic:*

VII. *Et osculantes sacras Reliquias iterùm clauservnt. Et tunc cum Psalmis & hymnis portaverunt Reliquias Beatissimi Stephani in Sanctam Ecclesiam Sion, ubi & Archidiaconus fuerat ordinatus, derelinqnentes nobis de membris Sancti parvos articulos, imò maximas reliquias, terram cum pulvere, ubi omnis ejus caro absunta est, cætera asportaverunt .... Translatæ sunt autem Reliquiæ ipsius Martyris septimo Kalendas Januariæ. Et tunc in tempore jugis & infinita siccitas erat: sed eadẽ horâ pluvia magna descendit & abundanter inebriata est terra, & omnes glorificabant ibi Dominum propter Sanctum ejus Stephanum &c.*

VIII. Revelatio hæc tot conjuncta prodigiis de Corpore S. Stephani, facta à Deo quinto seculo, insigne monumentum est contra A catholicos Recentiores pro sacrarum Reliquiarum veneratione. Eam celebrant proinde Patres Augustinus Serm. 318. & 319., ubi miracula in ejus detectione à Deo facta enarrat. Sozomenus L. 9. cap. 16. de ea tanquam de facto planè admirabili & Divino fusiùs se acturum promittit, quamvis impletum ejus promissum non legatur, fortè quia hæc in re scriptum periit. De hac Idacius & Marcellinus in Chronico. Multa de hac habemus in quodam Sermone de S. Stephano S. Basilio Seleuciæ tributo medio quinto seculo, quem P. Combetius publicum reddidit. Idem Gennadius de Vir. Illust. cap. 46. & 47., Beda Retract. in Acta. Photius item in Biblioth. Cod. 171. hoc idem refert ex Chrysippo Jerosolymorum Presbytero ( in Laude Sancti Theodori Martyris ) qui obiisse creditur anno circiter 478. Hoc observandum est, quòd hæc Revelatio, sic volente Deo, à Luciano fuit suâ Epistolâ Græcè scriptâ omnibus Ecclesiis communicata, quam deinde Latine reddidit Avitus Presbyter Hispan-

spanus tunc Jerofolymis commoratus, eamque unâ cum S. Stephani Reliquiis per Orofium transmiſit ad Palchouium Bracarenſem in Luſitania Epiſcopum.

IX. Quod in hac re controverti poteſt hoc eſt, cur cùm inventio Corporis S. Stephani, ejuſque revelatio, ex diſtiſ menſe Decembri ſecuta ſit, Eccleſia Latina talis Inventionis Feſtum celebret die 3. Auguſti, ſicut Græca die 2. Auguſti vel 17. Septembris?

De hac quæſtione referam, quæ habet Baronius in Notis Martyr. ab diem 3. Auguſti, ubi fatetur, ſe ſuper hoc dubio conſuluiſſe D. Antonium Gerſonium Tarraconenſem Virum Eccleſiaſticarum Antiquitatum apprime eruditum, ejuſque hanc fuiſſe ſententiam: nimirum quod longè ante Inventionem Corporis B. Stephani hæc dies in honorem ejus celebraretur: poſtmodum autem ob ejus Corporis Inventionem facta fuerit ſolemnior. Hoc teſtatur vetus Martyrologium S. Cyriaci, in quo nullâ factâ mentione de Inventione hæc habentur: *Sancti Stephani Protomartyris in Ancona, ubi haberi dicitur unus de lapidibus, quibus percuſſus eſt.* Idem apud Bedam dicitur, quamvis mendose Antiochia pro Ancona legatur, hiſ verbis: *In Antiochia S. Stephani Protomartyris, ubi haberi dicitur unus de lapidibus; quibus in brachio percuſſus eſt, & multas ex eo virtutes ſanitati fieri.* Confirmat hoc S. Auguſtinus Serm. 323. aliàs 32. de diverſis, ubi loquens de quodam juvene, qui cùm ad memoriam Stephani Anconæ ſanari non potuiſſet, ſanitatem tamen ad interceſſionem ejuſdem Martyris fuerat conſecutus, narrat, quâ occasione memoria Stephani apud Anconam etiam ante Corporis ejus Inventionem eſſet extructa, per hæc verba: *Sciunt enim multi, quanta miracula per Beatiffimum Martyrem in iſta Civitate ſiant. Et audite quod miremini. Memoria ejus antiqua ibi erat, & ipſa eſt ibi. Sed forte dicis: Corpus ejus nondum apparuerat, memoria ibi unde erat? Latet quidem cauſa: ſed quid ad nos ſama pertulerit, non tacebo caritati veſtræ. Quando lapidabatur Sanctus Stephanus, aliqui etiam innocentes, & maxime de iis, quæ jam in Chriſtum crediderant, circumſtabant: dicitur lapis veniſſe in cubitum, & excuſſus inde veniſſe ante quemdam Religioſum. Tullit illum & ſervavit. Homo erat de navigantibus, ſors navigationis adtulit illum ad litus Anconæ, & revelatum eſt illi; ibi debere reponi lapidem illum. Ille obedivit revelationi & ſecit quod juſſum eſt: ex illo cæpit eſſe ibi memoria Sancti Stephani; & rumor erat, quia brachium Sancti Stephani ibi eſt, neſcientibus hominibus, quid contigiffet Sc. Hujus Eccleſiæ S. Stephani Anconæ meminit etiam*

etiam S. Gregorius L. 1. Dial. cap. 5. ex his simul junctis apparet, longè ante Inventionem Protomartyris celebrari consuevisse die 3. Augusti, saltè in Regionibus Italia, memoriam, occasione illius lapidis, qui Anconæ servabatur, & per quem Deus operabatur prodigia: postmodum autem venerando Corpore invento auctam fuisse eadem die celebritatem. Unde apud Bedam, & aliqua Manuscripta, eâ die non tantum memoratur Inventio, sed etiam vivus ille lapis, de quo velut mel de petra fluebant gratiæ sanitatum. Fortè autem huic dici potius Inventionem S. Stephani, quàm 26. Decembris, quâ contigit, affixerunt, ne eam confunderent cum Festo Martyrii ejus, quod, ut dixi, semper eâ die celebratum fuit.

X. Superesset hic agere de Nicodemo & Gamaliele, quorum in prælaudata Revelatione fit mentio. Sed cum de Nicodemo egerim de Vita Christi cap. 33. de Sepultura ejus §. 2. n. 13., nec aliud de eo dicendum superfit, idcirco ad ibi dicta Studiosum remitto.

XI. De Gamaliele etiam locutus sum cap. 1. de S. Petro §. 3. num. 10. Aliqua etiam in prænarrata Revelatione de eo dicuntur, sicut de Abiba ejus filio minori, qui Fide Christi unâ cum Patre susceptâ adhuc juvenis in ætate 20. annorum Patri præmortuus est, & in eodem sepulcro, in quo postea Pater, conditus est: unde superius dicta sunt recolenda. Circa tempus, quo Gamaliel & filius Fidem Christi susceperint, S. Chrysostomus hom. 14. in Acta putat, Gamalielè cum Act. 5. sermonem illum habuit coram Concilio, fuisse jam fidelem, estò non publicè: neque enim vir incredulus & infidelis pro Religione Christi fuisset ita locutus. Si attendimus supra narratam Revelationem, dicendum est, eo tempore, quo lapidatus fuit Stephanus, cum jam Christo nomen dedisset: ipse enim Fideles advocavit, ut Martyris Corpus feris vorandum relictum honorificè & quidem in suo monumento sepelirent: Ipse ministravit expensas pro funere & pro luctu: ipse Nicodemum a furore Judæorum eripuit, in suam villam recepit, usque ad mortem aluit, mortuum in suo sepulcro reposuit. Quis autem nisi fidelis Christi Discipulus erga Jesu Servos hæc fecisset? Certè ante Conversionem Sauli creditur baptizatus, & quidem per manus Petri & Joannis aliqui autumant. Quare in Epistola Luciani (ut ex Floriacensi Manuscripto à PP. Maurinis relata) Gamaliel, ubi dixit, quod Nicodemus baptizatus est à Sanctis Apostolis Petro & Joanne, de se & filio suo postea loquens: *Abibas, inquit, filius meus, qui mecum pariter credidit Christi præceptis, & mecum pariter Baptismum consecutus est à Sanctis Apostolis.*

Tom.V.

K k k

Nec

Nec obstat, quòd de Abiba subjungit : *Semper in Templo Dei vacans cum Paulo Discipulo meo* : Nam hoc vel refertur ad tempus Sauli Conversionem præcedens, cum post eam Saulus vix fuerit in Jerusalem, ac proinde non potuerit frequenter adire Templum. Vel hoc non probat, Abibam tunc non fuisse ad Christum conversum : æquè enim adire poterat Templum post Conversionem ( sicut illud adivit Paulus præcipuè Act. 21. ) ac ante illam.

XII. Innumera fuere miracula, quæ Deus ad intercessionem Protomartyris Stephani, & præsentiam Reliquiarum ejus operatus fuit, ut & credentes confirmaret in Fide, & non credentes ad Fidem adduceret. Plura recenset S. Augustinus L. 22. de Civit. Dei cap. 8. & alibi. In Insula Minoricensi in præsentia illarum omnes Judæos fuisse ad Fidem conversos, scribit Severus illius Insulæ circa annum 418. Episcopus in Epist. datâ ad omnem Ecclesiam. Et de miraculis S. Stephani Libros duos edidit Evodius : quæ præcipuè in Ecclesia Uzali in Africa edita fuere. Hæc habentur in Appendice Tom. 7. Operum S. Augustini Maurinæ Editionis. Legant hæc Protestantes, & contra Sanctorum intercessionem, ac Reliquiarum venerationem oblatrare desinant.

## CAPUT II.

## De S. Marco Evangelista &amp; Joanne Marco.

## §. I.

*S. Marcus Evangelista.*

I. **S** Marcum fuisse Patriâ Cyrenensem Provinciæ Lybiæ, quædam Acta de ipso scripta ferunt. Commuiter tamen creditur, fuisse genere Judæum, non Hellenistam : ut enim observant Eruditi, locutio ejus plus Hebraïsmum sapit, quàm Græcismum. Nec huic obstat, quòd nomen Marcus Græcum sit, non Hebræum. Nam Judæi quoties in partes Asiæ interiores, aut in Europam venirent, solebant sibi alterum nomen adsciscere Græcum aut Romanum, ultra Judæicum, quo apud externæ Gentis homines noscerentur. Ita Barsabas dictus fuit *Justus*, *Niger* : Joannes, *Marcus* cognominatus fuit. Fieri ergo potuit, ut Marcus Evangelista Hæbræum nomen habuerit, ab isto Latino non abludens, sicut Jesus Oniæ frater Jafonem se vocari voluit. Hinc Beda in Marcum, & Auctor Comment. in Marcum Hieronymo adscripti ad-

addunt , Marcum nostrum fuisse Levitici generis & munere Sacerdotali insignitum , imò & sancti Petri fuisse ex sorore nepotem autumant aliqui , inter quos Nicephorus L.2. cap.43. , quo tamen fundamento , non invenio .

II. Fuisse quoque unum ex 72. duobus Christi Discipulis , senserunt aliqui Veterum , inter quos Epiphanius hæresi. 51. cap.5. , & Pseudo-Hippolytus , & hunc ex illis fuisse , qui à Christo recesserunt , cum illa verba audissent Joann.6. v.55. : *Nisi manducaveritis meam Carnem & biberitis meum Sanguinem non habebitis vitam in vobis* : sed postea S. Petri labore ad bonam frugem reversum fidelem ejus Discipulum , & in itineribus comitem evasisse . Verùm Papias apud Eusebium L.3. hist. cap.39. dicit , Marcum Christum numquam audivisse , aut sectatum fuisse , quod sentit etiam S. Augustinus L.17. contra Faustum cap.3. & L.1. de Conf. Evang. cap.1. , ubi ait , quòd , ut ostenderetur nihil interesse , utrùm illi , qui annuntiant Evangelium , fuerint ex illis , qui *enndem Dominum hic in carne apparentem Discipulatu famulante secuti sunt , an ii , qui ex illis fideliter comperita crediderunt , Divinâ Providentiâ procuratum est per Spiritum Sanctum , ut quibusdam etiam ex illis , qui primos Apostolos sequebantur , non solum annuntiandi , sed etiam scribendi Evangelium tribueretur auctoritas : hi sunt Marcus & Lucas* : & Tertulianus L.4. contra Marcionem cap.2. Marcum & Lucam viros Apostolicos , idest Apostolorum magisterio edoctos , appellat , dicens : *Ex Apostolicis Lucas & Marcus instaurant* . Quare Beda in Marc. qui putat , Marcum unum ex Sacerdotibus fuisse , existimat , eum prædicatione Apostolorum , & maxime Petri post Ascensionem Fidem Christi suscepisse & fuisse unum de numero Sacerdotum , de quibus Act.6. v.7. dicitur : *Multa etiam turba Sacerdotum obediebat Fidei* .

III. Porro Petri operâ Marcum fuisse conversum ex hoc colligitur , quia Petrus Epist. 1. cap.5. v.13. vocat Marcum filium suum : *Salutat vos . . . Marcus filius meus* . Tales autem hoc nomine appellare familiare erat Apostolis , quos Christo per Evangelium genuerant . Ita 1. Cor.4. v.15. Galat.4. v.19. ad Philemonem v.10. Ideoque Petri comes factus eum in itineribus præcipue Romam secutus , ibi Evangelium , prout à Petro audierat prædicatum , conscripsit , ut Eusebius refert Lib.2. hist. cap.15. , & ex Clemente Alexandr. L.6. cap.14. habetur . Sed ea quæ spectant Marci Evangelium abundè tractavi Tom.1. Ver. Relig. Chrstr. Tract. de Libris cap.1. §.3. , unde ibi dicta videri possunt , præcipue de loco tempore & idiomate , quo illud scripsit .

IV. Marcus ergo Romam cum Petro anno Christi 44. & Claudii secundo, ut probabilius creditur, pervenit. Inde, ut volunt quidam Recentiores apud Bollandum 25. Aprilis, iussu Petri Aquilejam venit, ubi ultra biennium subsistens Ecclesiam condidit. Critici tamen recentiores Traditionem hanc suspectam habent, quia nullum ex antiquitate fundamentum profert. Quod enim dicunt, Aquilejæ Evangelium Marci, ejusque Cathedralam eburneam adhuc asservari, si characteres, quibus scriptum est, & ipsius Cathedralæ forma inspiciantur, non tantæ antiquitatis esse deprehenduntur, ut ad primum seculum, sed potius ad posteriora secula referantur. Quod etiam asserunt de S. Hermagora, quem cum instituisset, ut esset Aquilejæ Episcopus, noluit suis manibus ordinare, sed ad Petrum duxit, ut ipse ei manum imponeret, in dubium vertitur: non enim exploratum est, S. Hermagoram temporibus Apostolorum vixisse, & Aquilejæ Episcopum fuisse. Et licet Ughellius Tom. 5. missionem Sancti Marci Aquilejam supponat: hoc tamen non aliâ auctoritate dicit, quàm Dandali Venetorum Ducis, qui anno 1350. vixit. Ita inter alios Tilmontius de S. Marco Notâ 6. Quidquid tamen sit, præter multos Historicos, qui missionem S. Marci Aquilejam supponunt, in Martyrol. Rom. die 12. Julii hæc habentur: *Aquilejæ Natalis S. Hermagoræ Discipuli beati Marci Evangelistæ, & primi ejusdem Civitatis Episcopi, qui inter miracula sanitatum & prædicationis instantiam, ac Populorum conversionem plurima penarum genera expertus, tandem unâ cum Fortunato Diacono suo capitali supplicio perpetuum meruit triumphum.*

V. Lato per Claudium anno Imperii sui nono, Christi verò secundum aliquos 49., ut tamen supra dixi 51., generali edicto, quo omnes Judæi Româ pellerentur, Petrus & Marcus solum mutare coacti fuerunt. Petrus quidem versus Orientem iter direxit, Marcus verò in Ægyptum, jubente Petro, iter direxisse fertur, ac primò Cyrenem in Pentapoli veniens, inde Alexandriam divertit. Primus fuit Marcus, qui in Ægyptum & Alexandriam Fidem Christi asportavit, teste S. Hieron. L. de Script. Eccles. cap. 8., ibique *constituit Ecclesiam tantâ doctrinâ & vitâ continentia, ut omnes Sectatores Christi ad exemplum sui cogeret. Denique Philo disertissimus Judæorum, videns Alexandria primam Ecclesiam adhuc judaizantem, quasi in laudem Gentis suæ librum super eorum conversione scripsit.* Ita Hieron.

VI. Isti, de quibus scribit Philo, vocabantur *Therapeutæ*, idest Dei servitiis addicti. An verò Judæi adhuc essent, an è Judaismo ad Christum conversi, & jam facti Christiani, discer-  
pta-



ptatur. Christianos eos fuisse cenfet Eusebius lib. 2. hist. cap. 16. dicens: *Ceterum hunc Marcum in Ægyptum profectum, Evangelium, quod ipse conscripserat, primum illic prædicasse perbibent, & in ipsa urbe Alexandria Ecclesias constituisse. Tanta porro multitudo virorum simul ac mulierum, qui Fidem Christi illic amplexi fuerant, ab ipso statim initio tam severam tanque Philosophicam institutionem professi est, ut studia illorum, & cætas atque convivia, totamque vivendi rationem scriptis suis commemorare operæ pretium duxerit Philo.* Et toto cap. 17. probare conatur, hos, quos *Therapentas* vocat Philo, fuisse Christianos, qui primam sub Apostolis vivendi formam severè custodiebant. Eusebio accedit Sozomenus lib. 1. hist. cap. 12., ubi descriptâ eorum vivendi ratione, ait: *Et Philo quidem cùm ista ad hanc modum narrat, indicare videtur Christianos sui temporis, qui ex Hebræis conversi, adhuc judaico more vivebant, eorumque ritus adhuc custodiebant. Apud alios enim hoc vitæ genus reperire non licet.* Credibile enim est primam illam Ecclesiam in multis judaizasse, nondum edito ab Apostolis decreto de Cæremoniis Legis abrogandis.

VII. Alii tamen, inter quos Valesius in Notis ad lib. 2. cap. 17. Eusebii, negant, Therapeutas fuisse Christianos, sed quamdam Judæorum Sectam: ait enim Philo, habuisse Therapeutas Scripta veterum quorundam suæ Sectæ Auctorum, qui Legem allegoricè exposuissent. Quomodo hæc de Christianis, qui tunc vix nati erant, accipi possunt? Nec dicas Scripta illa fuisse scripta Prophetarum; nam hos disertè ab illis separat Philo. Multò minùs Scripta veterum suæ Sectæ Auctorum poterant esse Evangelia; nam hæc vix dum scripta erant Philonis tempore, nec Apostoli aut Evangelistæ pro vetustis Auctoribus haberi poterant, præsertim à Philone, qui Apostolis cœvus fuit, & cum Petro familiariter conversatus est, ut ibi dicit Eusebius. Rursus Therapeutas bis tantum in die, Oriente scilicet & Occidente sole, preces fuisse scribit Philo. Primi autem Christiani tertiâ, sextâ, nonâ horis preces habebant, ut Acta Apostolorum testantur, imo & singulis tum diei tum noctis horis orabant. Therapeutas etiam dicit fuisse per totum ferè orbem diffusos, sed maximè in Ægypto: quomodo autem tunc de Christianis hoc dici poterat, qui paucissimi erant? Hæc & alia Valesius.

Veteres tamen, ut Epiphanius hæres. 29. cap. 5., Cassianus Institut. lib. 2. c. 5., Therapeutas Christianos fuisse à Judaismo S. Marci prædicatione in Ægypto conversos dicunt. Ita sentit etiam

etiam Photius Biblioth. Cod. 104., ubi dicit Therapeutarum Monasteria, & vivendi normam iis, qui solitariam vitam degunt, normam præscripsisse; & Cod. 105., Dicit famam esse, „ Philonem aditâ Româ sub Claudio in B. Petrum Apostolorum Principem iudicasse, & eoque usum familiariter. Hinc „ etiam factum esse, ut & Discipulorum B. Marci Evangelistæ „ S. Petri auditoris mentionem laudationemque posuerit. „ Hos enim, ajunt, apud Judæos philosophicam duxisse vitam, „ ille commemorat: horum domicilia Monasteria appellat, „ eosdemque meditationi deditam vitam, jejunio, atque precationi degere, nihil interim opum possidendo, prædicat. „ Qui Therapeutas Christianos fuisse negavit fortè eos cum Essæis confundit, qui quidem Religione & Sectâ Judæi erant, & in hoc à Therapeutis distinguebantur, quòd vitæ activæ, hi verò vitæ contemplativæ unicè studebant, eo modo, quo Monachi postea præcipuè in Ægypto. Sed de hoc satis.

VIII. Interea S. Marcus in regionibus circa Alexandriam sitis manens hanc Urbem nondum fuerat ingressus, expectans particularem Dei missionem, ad hoc opus valdè arduum aggrediendum. Cum ergo circa Cyrenem moraretur, mandavit ei in visione Spiritus Sanctus, ut in eam civitatem omnium post Romam Imperii Romani celeberrimam semen Evangelii primus effunderet. Parvit sine mora Evangelista: & vale dicto Discipulis, qui eum usque ad mare comitati sunt, sumpto pane, navem ascendit, & precatus pro eorum in fide constantia, atque ad eos se reversurum pollicitus, biduo Alexandriam pervenit anno Christi 60. Urbem ingressus, cum calceamenta casu discissa vidisset, ea cuidam Sutori Aniano (seu Anianæ) nomine tradidit refarcienda. Hic læsâ sibi manu subulâ, subito dolore abreptus, quamvis Ethnicus exclamavit: *Ob Deus meus?* quantacumque enim sit idololatriæ corruptio, numquam tamen impedire potuit, quin in casibus repentinis anima naturaliter unum solum esse Deum agnoscat & fateatur, ut observat Tertullianus in Apolog. cap. 17., & de Testim. Animæ cap. 2. Eam nactus occasione S. Marcus cœpit Aniano exponere, quis esset ille Deus, quem naturaliter invocaverat, at subinde Evangelium annuntiare: simulque terrâ salivæ admixtâ sauvavit vulnus. Porro tum externâ vultus maceratione, tum miraculo subitæ fauisionis verè hominem Dei esse Marcum Anianus conspicatus, eum in domum suam recepit, ubi Christum edocuit, ipse cum tota familia sua aliisque multis baptizatus est. Hæc ex Bollando die 25. Aprilis. Faustum hoc initium felix progressus

con-

consecutus est: brevi enim tanta credentium multitudo Alexandriæ fuit, ut inde Philo occasionem sumserit Librum scribendi de Vita contemplativa, in quo sub nomine Therapeutarum Marci discipulos, eorumque vitæ austeritatem indicasse superius probabiliter ostendi cum Eusebio lib. 2. cap. 16. & 17. & aliis. Inter illos adeo emicuit Anianus, ut ipsum in Episcopatu Alexandrino successorem destinavit.

IX. Acta S. Marci ferunt, eum cum Aniano solos tres presbyteros ordinasse, septem Diaconos, ac undecim alios viros, qui ministerio inservirent. Tres illi Presbyteri fuere Melio Sabinus & Cerdon, quorum primus & ultimus in Episcopatu Alexandrino S. Marco & Aniano successisse creduntur. Hæc occasione Eutychius Alexandrinus addit S. Marcum duodecim Presbyteros ordinasse, qui Patriarchæ assisterent, & eo defuncto unum ex ipsis in successorem eligerent, eique manum imponerent, & eum Ritum in Ecclesiâ Alexandrina perseverasse etiam anno 325. in ordinatione Alexandri, qui Concilio Nicæno I. interfuit. Hæc si vera essent, probarent, non fuisse generaliter Ritum, ut Episcopus à solis Episcopis ordinaretur, & nimium faveret Hæreticis, qui in omnibus Ecclesiæ regulas aspernantes volunt, Episcopum à simplicibus Presbyteris ordinari posse. Cujus oppositum ostendi in Theolog. tom. 15. Tract. de Ordine q. 5. de Episcopatu dub. 4. Nec Ritus oppositus erat in Ecclesiâ Alexandrina. Nam aliàs S. Athanasius, qui in Episcopum Alexandrinum ab Episcopis ordinatus fuit, primus hunc Ritum invertisset: ex quo ejus hostes, qui omne vel minimum scrutabantur, ut eum accusarent, occasionem sumsiscent ipsi opponendi, quod contra regulam à S. Marco pro ea Ecclesiâ institutam, ordinatus fuisset: quod tamen ei non objecerunt.

X. Stat ergo fixa S. Epiphaniî hæres. 75. cap. 4. regula, quam utpote articulum Catholicæ Fidei contra Arianos statuit, nempe, quod Presbyteri possint quidem dare Ecclesiæ Filios, sed non Patres: nec oppositum S. Marcus instituisse censendus est. Aliud enim nominare seu eligere in Episcopum, aliud est illum ordinare, eique manus imponere. Ad electionem & præsentationem Episcopi olim non Presbyteri tantum, sed totus Clerus, imo & Populus suffragium ferebat. Credibile autem est, quod S. Marcus ad præcavenda dissidia, quæ ex multitudine suffragantium oriri solent, electionem Episcopi illius Sedis ad solos illos duodecim Presbyteros restrinxerit, Ordinationem tamen electi in Episcopum secundum Regulam Apostolicam solis Episcopis reservavit. Sic Act. 6. in electione Diaconorum par-

partem habuit multitudo Discipulorum, qui statuerunt electos ante conspectum Apostolorum; soli tamen Apostoli imposuerunt eis manus.

XI. Siabilitâ Alexandriæ Ecclesiâ ad declinandam quorundam invidiam iterum Pentapolim adiit S. Marcus, ibique bienio mansit, Fideles confirmans, & Episcopos aliosque Ministros statuens, quod anno 65. ineunte creditur contigisse. Inde Alexandriam reversus admiratione & gaudio abreptus fuit videns Fideles in fide gratia & numero supra modum auctos. Eis sua præsentia precibus ac verbo ad perseverandum animum auxit, deinde discessit. Si Chronico Alexandrino credimus, Romam petiit, ibique Martyrio Apostolorum Petri & Pauli interfuit. Româ relicta Alexandriam remeavit, ubi prodigiorum copia & contemptu, quo Christiani eorum idola pellumdabant, furore infideles accensi in ejus vitam insidias frueri cœperunt: Dei tamen ope aliquamdiu delituit. Tandem quâdam die, quæ Dominica erat, quâ Ethnici suo Idolo Serapi festum celebrabant, quidam ex ipsis iuvenes Marcum ad Altare sacrificium offereutem, eum comprehenderunt, & fune ad collum alligatâ à mane usque ad vesperam per civitatem trahentes, clamabant se bubalum ad loca bubali trahere (loca enim erant ad mare scopulis præruptis aspera, in quibus fortè bubali seu boves servabantur) Marco iuterim loca per quæ transibat sanguine aspergente, ac Deo gratias agente, quod dignus habitus esset talia pro nomine suo pati.

Cum vespere ad bubali locum eum traxissent, in carcerem conjecerunt. Quâ nocte duplici visione recreatus fuit teste Bedâ in Martyrol. Unâ Angeli, qui tremore terram concutiens, eum certiorum reddidit, nomen ejus in libro vitæ esse descriptum. Alterâ Jesu Christi, qui pacem Sancto Viro nuntiavit. Mane alterius diei è carcere extractum iterum per civitatem Infideles rapuerunt, donec efflaret animam. Et sic glorioso Martyrio vitam coronavit die 25. Aprilis, quâ Ecclesia Græca & Latina, Æthiopes ac Syri ejus festum celebrant, & anuo, ut aliqui volunt 68., veriùs tamen mihi 70. Fertur, Barbaros illos vitam ei eripuisse non contentos, igne corpus ejus eodem in loco coucremare tentasse, sed subito irruente vento ab incœpto desistere fuisse coactos, & Evangelistæ corpus ibi relinquere. Unde Fideles accurrentes Reliquias ad locum bubali, quo consueverat ad precandum se recipere, detulerunt, ibique sepeliebant ex parte Orientis juxta vallem, in qua alia sepulcra extabant.

XII. S. Marco in regimine Ecclesiæ Alexandrinæ successit Anianus, de quo supra. Eam juxta opinionem magis probabilem decem & octo annis & septem mensibus gubernavit, idest usque ad annum 86. seu 88. Ejus festum in Martyr. Rom. notatur die 25. Aprilis unâ cum S. Marco. Eusebius lib. 2. hist. c. 24. vult, Anianum 8. Neronis anno Alexandrinam Ecclesiam post Marcum administrandam suscepisse, & lib. 3. cap. 14. dicit, quod anno 4. Domitiani postquam 22. annis eam administrasset è vivis excessit. Sed quomodo hæc cohæreant, nostrum non est hic discutere, qui de S. Marco agimus. His quæ dixi de ejus Martyrio consentiunt Græci in Menologio Basilii 25. Aprilis, ubi ajunt: *Cùm autem quâdam die juxta mare Populos edoceret, insidiosè ab Idolorum cultoribus detentus, & funibus constrictus, raptatus adeò fuit, ut carnes ejus saxis illisæ lacerarentur, & sanguis ejus terram irrigaret. Conjectus deinde fuit in carcerem, ubi Dominus illi apprensus calorū regnum ei promisit. Sequenti die è carcere eductus, atque iterum raptatus spiritum Deo reddidit.*

XIII. S. Marci Corpus Alexandriæ seculo 8. adhuc aservabatur, quamvis civitas illa Dominio Mahumetano tunc subesset. Sepultum jacebat in marmoreo monumento ante Altare cujusdam Ecclesiæ ad dexteram introeuntibus Civitatem sitæ. Anno tamen 820. Leone Armeno Imperatore, & Justiniano Venetorum Duce Venetias fuisse Corpus S. Marci translatum, ibique adhuc requiescere, Tráditio vulgarata est. Hujus Translationis historiam ex Vaticanis Monumentis erutam per extensum exhibet Baronius ad ann. 820. num. 22. & sequentibus; in qua habetur, quod cum quædam Venetæ naves, in quibus viri quidam nobiles erant, Alexandriam appulissent, cœperunt agere cum custodibus Ecclesiæ S. Marci, de Corpore S. Marci illinc occultè subtrahendo, nimirum, indignum esse, ut Sancti Evangelistæ Corpus apud Infideles contumeliis expositum maneret. Custodes qui erant Græci, unus Monachus nomine Stauratius, alter Presbyter nomine Theodorus, initio resistere, sibi exitium metuentes, si hoc resciretur. Visi tandem Venetorum suasionibus & promissis, se unâ cum sacro Corpore Venetias eos adducturos, diem pro hac re perficienda secretò statuerunt. Aperto igitur sepulcro marmoreo invenerunt in quadam capsula beatum Corpus resupinum clamyde serica circumdatum habente à capite usque ad pedes sigilla, quibus claudebatur. Ignorantes ergo quid agerent, hoc inierunt consilium. Vertentes Corpus sciderunt à dorso clamydem, ut salva sigilla quæ fuerant remanerent. Et adducentes B. Claudie Corpus, quod in

proximo tumultu repositum erat, in loco B. Marci reposerunt simili modo supinum, & clamyde circumdantes, sigillorum quoque impressiones ut ante reliquerunt, ut ita putaretur, Corpus Beati Marci adhuc ibi manere.

De facto autem sacro sublato Corpore tanta odoris fragrantia, nedum per totam Ecclesiam & circuitum, sed per totam Urbem illicò emanavit, ut timentes quod erat, nempe B. Marci Corpus sublatum esse, accurrerint omnes etiam Infideles ad dictam Ecclesiam, sed aperto sepulcro, & videntes ibi Corpus Claudie clamyde involutum, & signa salva, putantes quòd esset B. Marci Corpus, ad propria remearunt. Interea Veneti summâ cautelâ Corpus ad uavem asportarunt, & Alexandria solverunt. Narrantur etiam multa signa, quæ in processu navigationis evenerunt, donec appropinquantes Venetias Nuntium de thesauro, quem secum ferebant, præmiserunt: quo accepto Episcopus cum omnibus Ecclesiæ Ordinibus obviam processit, & sacrum pignus ad Ducis Palatium detulit, ubi Ecclesia, in qua quiescit sub ejus nomine, adhuc extat. Qui alias historiæ hujus circumstantias scire voluerit, adeat Baronium laudato loco. Non latet, Recentiores aliquos certiora monumenta desiderare: mihi tamen non est, cur præter hoc & communem Traditionem ulteriora quæram.

## §. II.

*De S. Joanne Marco.*

I. **P**rimò hic audiendi non sunt, qui Joannem Marcum hunc cum Marco Evangelistâ confundunt. Utrumque eum apertè distinguit Scriptura. Nam Evangelistam semper vocat Marcum, Joannem numquam, alterum autem Joannem Marcum sæpe appellat. Ille filius erat Mariæ Jerosolymis domum habentis, in qua Christus & Apostoli sæpe divertebant, ut dicam, & proinde Jerosolymis natus creditur. De illo nihil tale asseritur, imò an Hebræus fuerit, an verò Græcus, seu Hellenista Cyrene natus, dubitatur. Evangelista Marcus, ut dixi, ex Discipulis Apostolorum fuit, non Christi: Joannes verò Marcus unum ex 70. Christi Discipulis fuisse creditur, sicut & Mater ejus Maria Christum sequebatur, ut probabiliter credi potest. Marcus Evangelista comes & Discipulus Petri fuit: Joannes Marcus verò Barnabæ Discipulus comes & confobrinus. De Evangelista Marco dixi anno 44. cum Petro Romam ivisse, ibi

ibi Evangelium conscripſiſſe , & anno 51. incunte pulſis Româ Judæis in Ægyptum perrexiſſe , Alexandriæ conſtituiſſe , & omnes ibi Eccleſias erexiſſe . De Joanne autem Marco dicitur , quòd anno 44. Paulo & Barnabæ ſe tamquam miniſtrum adiunxit , quòd eos uſque ad Pergem Pamphyliæ eſt comitatus ; ſed poſtea eis relictis reverſus fuit Jerofolymam anno 45. , verum ire cum illis volens anno 51. , ſed à Paulo repulſus , Barnabam deinceps comitatus fuit . Quæ certè uni ac eidem aptari nequeunt . Hoc ergo præmiſſo :

II. Joannes dictus Marcus Matrem habuit Mariam nomine Act. 12. v. 12. , quæ domum in Jeruſalem habebat , ad quam ſæpè Fideles conveniebant , ibique aderant præcipuè orantes eâ nocte , quâ Petrus per Angelum è carcere Herodiano eductus fuit , & ad quam ſtatim ſe contulit . Unde ibi dicitur : *Conſideranſque venit ad domum Mariæ matris Joannis , qui cognominatus eſt Marcus , ubi erant multi congregati & orantes* . Iu hac etiam domo congregatos Spiritum S. Apoſtolos accepiſſe , imò & Chriſtum Cœnam Paſchalem celebraſſe ultimam , ſuperius ſuis locis probabile exiſtimavi , & præcipuè cap. 23. de Celebr. Cœnæ §. 4. n. 28. , ubi de Joanne Marco aliqua dixi huc revocanda . Mariam hanc Joannis Marci matrem celebrat Martyrol. Rom. die 29. Junii hiſ verbis : *In Cypro Sanctæ Mariæ matris Joannis , qui cognominatus eſt Marcus* . De ea plura habet deſumpta ex Alexandro Monacho in Actis S. Barnabæ Surius die 3. Junii .

III. Cùm Paulus & Barnabas anno 44. è Jeruſalem Antiochiam ( Act. 12. v. 25. ) redirent , Joannem Marcum ſecum duxerunt , qui eis dum irent ad prædicandum in Cypro Evangelium , fortè etiam in neceſſitatibus temporalibus , inſerviebat , ſed cùm Pergem Pamphyliæ perveniſſent anno 45. videns fortè eos longius iter aſſumere velle ( Act. 13. v. 13. ) illis relictis rediit Jerofolymam . Cur autem ab eis receſſerit : *Quia* ( inquit Chryſoſt. hom. 28. in Acta ) *longius deinceps iter ſuſcipiebant : quamvis ipſe Miniſter eſſet ; illi verò periculum ſubirent* . Anno tamen 51. poſt Apoſtolorum Concilium cum Paulo & Barnaba Joannes Marcus iterum Antiochiam proſectus fuit . Sed cùm in diſceſſu ad prædicandum in aliis Regionibus Evangelium Barnabas vellet adducere Marcum , Paulus , qui ſeverioris erat diſciplinæ , conſtiterit reſtitit dicens ( Act. 15. v. 38. ) *Qui receſſiſſet ab eis de Pamphylia , & non iſſet cum eis in opus , non debere recipi* . Barnabas verò , qui mitioris indolis erat , & etiam Marco conſanguinitate junctus illum diligebat , voluit eum aſſumere , & propterea ſecuta fuit Pauli à Barnaba diſceſſio , de qua ſuperius de Sancto Paulo cap. 2. §. 9. à num. 7. .

IV. Barnabas à Paulo discedens assumpto secum Joanne Marco navigavit Cyprum Act. 15. v. 39. : quid Marcus postea egerit, Scriptura apertè non dicit. Eum tamen fuisse deinceps constantem ac fidelem Verbi Operarium, colligitur ex ipsius Pauli testimonio, qui cum anno 63. Romæ in vinculis detineretur, ad Colossieus scribens, inter paucos ex Judæis, qui opem & levamen ei conferebant, recenset Marcum consobrinum Barnabæ, qui tunc cum ipso erat, eumque Colossensibus commendat cap. 4. v. 10. : *Soluti vos . . . Marcus consobrinus Barnabæ, de quo accepistis mandata : si venerit ad vos excipite illum*. Quibus indicatur, quòd Marcus ad Paulum postea reversus, eique fideliter adhærens, ab ipso commendari meruit, ut ei utilis in Ministerium. Illum prius per litteras commendaverat Colossensibus Ecclesia Romana: hoc enim indicant verba: *De quo accepistis mandata : commendat & Paulus ipse, ut si ad illos venerit illum honorificet, ut dignum Christi Ministrum, recipiant. Excipite illum*. Cum Paulo erat Marcus etiam anno præcedente, quando scripsit ad Philemonem: ejus enim meminit v. 23., & in 2. ad Timoth. cap. 4. v. 11. quasi retractans & corrigens severitatem, quâ prius eum tanquam inutilem ad ministerium assumere recusaverat, videns eum fervidum Ministrum ac utilem evasisse, hortatur Timotheum, ut ex Asia ipsum secum adducat: *Marcum assume & adduc tecum: est enim mihi utilis in ministerium*. Ex quibus apparet, quòd annis 62. & 63. Marcus cum Paulo Romæ erat, anno autem 65. quo scripsisse fertur secundam ad Timotheum Marcus erat in Asia. De Marci obitu sepulcro & festo dixi cap. 23. de Cœnæ celebr. §. 4. num. 28.

V. Papias apud Eusebium L. 3. hist. cap. 39. meminit alterius Joannis Senioris seu Presbyteri à Joanne Evangelista distincti extra numerum Apostolorum positi, ex Discipulis tamen Domini. Quo sit, ait Eusebius, veram videri narrationem illorum, qui duos ejusdem nominis in Asia vixisse dixerunt, & apud Ephesum duo esse sepulcra, & utrumque Joannis nomine appellari. Baronius ad annum 97. num. 10. probabile reputat, hunc Joannem Presbyterum eundem esse ac Joannem Marcum, cum, est nulla ratio id evincat, nulla tamen ratio obstat. Eusebius tamen L. 7. cap. 25. putat Joannem Presbyterum diversum esse à Joanne Marco, quem numquam fuisse in Asia autumat; cujus tamen ex Epist. 2. ad Timoth. oppositum colligi supra ostendi. Huic Joanni Seniori seu Presbytero librum Apocalypsis tribuit Eusebius citatis locis: & S. Hieronymus L. de Scripturis Eccles. cap. 9. & 18. priorem quidem Epistolam sub Joannis nomine Joanni Apostolo adjudicat: secundam tamen



men & tertiam Joanni Seniori seu Presbytero adscribere videtur his verbis cap. 9. : *Reliquæ autem duæ, quarum principium est : Senior Electæ Dominæ & natis ejus : & sequentis : Senior Cajo carissimo, quem ego diligo in veritate, Joannis Presbyteri asseruntur.* Sed Ecclesia tam has duas Epistolas quàm Revelationem Joannis Apostoli factum agnoscit, ut ostendi Tom. 1. Verit. Relig. Christ. Tract. de Libris &c. cap. 3. §. 4. & 7.

VI. S. Auxibii, quem putat fuisse Episcopum Soliorum in parte Septemtrionali Insulæ Cypri à S. Marco S. Barnabæ Socio ordinatum, Vitam describit Bollandus die 19. Februarii. Sed (præterquamquod in Actis ejus vitæ aliqua nec veritati nec doctrinæ coherentia Critici & præcipuè Tilmontius de S. Joanne Marco Notâ 5.prehendunt) non à S. Joanne Marco, sed à S. Marco Evangelistâ eum fuisse ordinatum volunt Græci in Menol. Basilii die 17. Februarii: ubi hæc habent: *Iste (Auxibius) fuit ex antiqua Roma Ethnicorum unus, sed Sanctum Apostolum & Evangelistam Marcum secutus, & verbum veritatis ab eo edoctus, atque baptizatus, Diaconus primùm, deinde Presbyter, demum Soliorum in Cypro Episcopus ordinatus est. Igitur illuc profectus & Ecclesiam suscipiens, non mensis & voluptatibus, ut nonnulli faciunt, se ipsum addixit, sed vigiliis orationibus humi cubationibus & jeuniis, Deum velle disce orans, ut, Populi sui miseris, persecutionem à Tyrannis adversus Christianos excitatam sedaret, atque omnes rectam Fidem cognoscerent, & impietatem abnegarent. Hæc faciens, multosque ad Deum vivum convertens, innumeris patratis miraculis, in pace ad Deum migravit, gaudens in æternum cum cæteris Sanctis.* Hunc à S. Marco Evangelistâ baptizatum fuisse, sentit etiam Baronius in Notis ad diem 17. Februarii. Si ita est, nihil ad Joannem Marcum spectat. Si verum est quod ferunt, S. Auxibium paulò post mortem S. Barnabæ fuisse baptizatum adhuc juvenem, & quinquaginta annis Soliorum Ecclesiam rexissè, fiet ut ejus mors circa annum 125. consignari debeat.



## De Sancto Luca Evangelista.

## §. I.

*Ejus Origo Converso & Gesta.*

I. **S.** Lucam Patriâ & domo Antiochenum fuisse, scribunt Eusebius L. 3. hist. cap. 4. S. Hieronymus L. de Script. Eccles. cap. 7. & Prologo in Matth. Fuisse etiam origine Paganum seu Ethnicum, sentit S. Hieronymus L. Quæst. Hebraic. in Genes. inde colligens, cum Hebraicas Litteras ignorasse: *Licet, inquit, plerique tradant, Lucam Evangelistam, ut profelytum, Hebraicas litteras ignorasse.* Profelyti autem, idest adventitii seu advenæ dicebantur quotquot ex Gentibus veniebant ad Judaismum vel ad Christum. Dicebantur etiam *Colentes*. Unde Act. 17. v. 4. dicitur quod Paulo Thesalonica adjuncti sunt de *Colentibus Gentilibusque multitudo magna*. Et v. 17. quod Paulus Athenis *disputabat in Synagoga cum Judæis & Colentibus*. Hoc indicasse S. Paulus ipse visus est ad Coloss. 4. ubi postquam locutus fuit de Aristarcho Marco & Jesu dicto Justo, qui omnes erant Judæi (unde subdit v. 11., *qui sunt ex Circumcisione: hi soli sunt adjutores mei*) immediatè subjungit de Epaphra, Dama, & Luca, qui etiam tunc cum illo erant. Hos ergo separatim nominans ab illis, quos dicit ex Circumcisione esse, indicat ex Circumcisione non esse. Solùm ob stare videtur, quod Lucius ille, quem ad Rom. 16. v. 21. unâ cum Jasone & Sosipatro vocat cognatum suum Paulus, à multis creditur esse ipse Lucas: quod si iste origine Gentilis erat, non videtur potuisse cognationem habere cum Paulo, qui Hebræus ex Hebræis erat. Sed dato quod Lucius ille fuerit idem ac Lucas Evangelista (quod tamen aliqui negant) non proinde tollitur, quin aliquâ cognatione junctus esse potuerit Paulo licet Hebræo. Nam eo tempore, maximè quo Judæi permixti Gentilibus degebant, sæpè inter utrosque celebrabantur connubia, cujus exemplum habemus in Timotheo, qui fortè Pauli cognatus ex Matre quidem Judæa sed ex Patre Gentili natus erat.

II. Lucas professione Medicus fuit: unde ad Coloss. 4. v. 14. Paulus, *salutat vos, inquit, Lucas Medicus carissimus*. Imò Sanctus Hieronymus in cap. 6. Isaïæ addit: *Evangelistam Lucam tradunt*

dunt veteres Ecclesiæ Tractatores Medicina artis fuisse scientissimum : & magis Græcas litteras scisse , quàm Hebræas . Quod Eusebius L. 3. cap. 4. confirmat dicens : *Lucas domo Antiochenus, arte Medicus, qui & cum Paulo diu coniunctissime vixit, & cum reliquis Apostolis studiose versatus est, artis illius ad sanandum hominum animos instituta, quam sibi ex Apostolorum doctrina comparaverat, duos nobis libros divinitus inspiratos reliquit* ( Evangelium scilicet & Acta ) ex Medico corporum factus Medicus animorum . Eum Artem etiam Pictoriam calluisse Traditione fertur , & aliquæ Imagines ostenduntur , præcipuè B. Virginis ab eo pictæ , vel ex ejusdem exemplaribus depromptæ . De hoc aliqua dixi in Vera Ecclesiæ Art. 16. de Sacris Imaginibus §. 15. num. 87. & Tom. 1. Ver. Relig. Christ. de Libris cap. 1. §. 4. num. 40. , & Græci in Menol. Basilii die 18. Octobris ajunt : *Lucas professione Medicus & Pictor. Uxorem ac filios habuisse nullibi legitur : ideoque cælestis perpetuò mansisse creditur.*

III. An ex Discipulis Jesu Christi fuerit, an solum Apostolorum, ab aliquibus controvertitur . Qui, ut supra, sentiunt, Lucam non ex Circumcisione, sed ex Gentilitate venisse ad Fidem, ægrè sustinere possunt, eum ex 72. Discipulis fuisse, quia Christum exteris in Discipulos non admittit . Quare qui volunt, ex Discipulis Christi eum fuisse, faciunt ipsum patriam quidem Antiochenum, sed genere Judæum . Et S. Epiphanius hæres. 51. cap. 11. censet fuisse unum ex illis, qui à Christo recesserunt, ubi audierunt eum Joann. 6. dicentem v. 54. : *Nisi manducaveritis Carnem Filii hominis, & biberitis ejus Sanguinem, non bibebitis vitam in vobis* : Iterum tamen audito Paulo Antiochiæ prædicante ad Christum rediisse . S. Gregorius L. 1. Moral. cap. 1. putat, illum alium Discipulum, qui cum Cleopha ibat in Emmaus, fuisse Lucam . Græci quoque in Menol. 18. Octobris inter 70. Discipulos ponunt . Verum si Lucas Christum tamquam Discipulus secutus fuit, in suo Evangelio scripsit ea quæ ipse vidit, & non solum sibi tradita ab iis qui viderunt : cur ergo initio sui Evangelii dicit, se ordinare narrationem : *Sicut tradiderunt vobis, qui ab initio ipsi viderunt, & ministri fuerunt sermonis* ? Quare Eusebius L. 3. cap. 4. loquens de Libris à Luca scriptis : *Alter, inquit, eorum Evangelium est, quod quidem ita se prorsus exarasse testatur, prout ab ipsis Verbi Divini Ministris, & qui ab initio Christum viderant, acceperat, quos etiam omnes se jamdudum affectatum esse proficitur* . S. Hieronymus L. de Script. Eccles. cap. 7. de Luca dicit : *Evangelium sicut audierat scripsit : Acta verò Apostolorum sicut viderat composuit* . Quod repetit in prologo super

super Matth. Item S. Augustinus L. 1. de Conf. Evang. cap. 2. ait : *In conscribendo Evangelio , quod divinitus ordinatum esse credendum est , ex numero eorum , quos ante Passionem Dominus elegit , primum atque ultimum locum duo tenuerunt , primum Matthæus , ultimum Joannes : ut reliqui duo , qui ex illo numero non erant , sed tamen Christum in illis loquentem secuti erant , tamquam filii amplectendi , ac per hoc in loco medio constituti , utroque ab eis latere muirentur .* His eleganter Augustinus ostendit , Lucam non fuisse ex numero eorum , qui secuti sunt Dominum , sed eorum ; qui Apostolos Christum loquentes audierant . Tertullianus L. 4. contra Marcion. cap. 2. ut certum asserit , Lucam Evangelium non nisi à Paulo didicisse , & S. Irenæus idem asserit L. 3. contra hæres. cap. 14.

IV. Probabilius ergo est , solum post Christi Ascensionem Lucam à Gentilitate absque Circumcisione ad Fidem venisse , Apostolorum & præcipue Pauli Discipulum & comitem fidelissimum . De quo dixi Tom. 1. Ver. Relig. Christi. Tract. de Libris cap. 1. §. 4. , ubi autem & quando , incertum est . Sentiant aliqui , Romam ivisse , ibique aliquo tempore Medicam artem exercuisse , deinde Antiochiam reversum Pauli prædicatione patrio errori , nempe Gentilitati , renuntiassè . An verò hoc fuerit in primo Pauli adventu Antiochiam , an post , incertum est : Ita & Grotius Præf. in Lucam . Quando verò Paulo se socium dederit , disputatur . Græci in Menologio Basilii die 18. Octobris volunt , Thebis in Macedonia hoc fuisse ; ajunt enim : *Cùm Thebas Macedonia , Tiberio Imperatore , ob persecutionem venisset , congressus collocutusque cum Sancto Apostolo Paulo . . . eidem se socium adjunxit .* Sed Thebas in Bœotia quidem , non tamen in Macedonia unquam , Geographi ponunt . Deinde sub Tiberio , quam persecutionem passi sunt Christi Discipuli , inter quos Græci ibi Lucam ponunt ? Fuit persecutio quidem post Stephanum , sed hæc à Judæis , non à Gentilibus excitata fuit . Meminisse debuerant , quod Lucas ipse Act. 16. scribit , se cum Paulo jam fuisse antequam in Macedoniam perveniret . Postquam enim retulit mandatum , quod per visum Paulus Troade à Deo accepit anno 51. transeundi in Macedoniam : subjungit v. 10. : *Ubi autem visum vidit , quaesivimus proficisci in Macedoniam , certi facti , quod vocasset nos Deus evangelizare eis . Navigantes autem à Troade recto cursu venimus Samothraciam &c.* Quo loquendi modo , nempe in prima persona , *Quaerimus , venimus , cùm antea in tertia persona semper locutus fuisset , Fecit , dixit , abiit ,* satis indicare videtur , se ab illo tempore nempe discessus à Troade , & non

& non ante, cum Paulo fuisset itinerum saltem comitem. Idem sentit S. Irenæus L. 3. adversus hæreses cap. 14.

V. Ex dictis apparet, S. Lucam à Troade cum S. Paulo transisse in primo itinere, quo anno 51. in Græciam perrexit. An successivè eum sempersecutus fuerit, ex Scriptura non habetur. Ex modo tamen, quo S. Irenæus laudato loco, cæteri-que Patres loquuntur, præsumere licet, Lucam deinceps indivisum fuisse Pauli in suis itineribus comitem. Stando tamen in his, quæ Lucas ipse & Scriptura narrant Act. 16. v. 11. & 17. è Troade Philippos, ubi mansit aliquot diebus, Paulum comitatus est. Quid autem usque ad annum 58., quo è Græcia Paulus Jerosolymam rediit, de Luca evenerit, scriptum non lego. Cum Paulo non fuisse Thessalonicæ arguit Baronius ad annum 51. num 75. tum quia in tertia persona Lucas ibi Act. 17. loquitur, tum quia, quæ ibi evenerunt strictim recenset. Fortè enim, à Paulo fuerat causâ prædicationis aliò missus. Anno similiter 57. quo Secundam ad Cor. Epistolam scripsit è Macedonia cum Tito Lucam Corinthum missum fuisse creditur, ex illi verbis cap. 8. v. 18. : *Misimus cum illo (Tito) fratrem, cujus laus est in Evangelio per omnes Ecclesias*: ubi nomine Fratris omnes intelligunt Lucam, & maximè quia eum vocat *Socium peregrinationis nostræ*. Miserat ergo ipsum ad colligendas eleemosynas, tamquam virum probatæ fidei: unde v. 20. subdit, *Devotantes hoc, ne quis nos vituperet in hac plenitudine*, cujus periculum erat apud Corinthios, qui erant avari. Lucam autem ideò laudat ob Evangelium, quia illud scripto jam evulgaverat præcedente anno 56. secundum plures: sed etsi nondum illud scripsisset, prædicaverat quidem: nec minùs erat laude dignus ob Evangelium prædicatum, quàm ob scriptum.

VI. Paucis elapsis mensibus anno 58. ineunte Paulus per Macedoniam in Asiam transit Act. 20., & cum eo inter cæteros Lucas aderat. Cum eo Philippis discessit, ac Troadem pervenit. Ubi v. 13. volente Paulo per terram usque Afsion iter facere, Lucas & alii navem conscenderunt. Cùmque in Afsion convenissent, assumto in Navem Paulo venerunt simul Cæsaream usque. Ibi Lucas & alii cap. 21. v. 12. rogarunt Paulum, ne iret Jerosolymam, sed frustra. Lucas tamen eo in itinere comes illi adhaesit, quò appulsus cum eo adivit S. Jacobum. Secutus etiam Paulum fuit anno 60. & 61. quando (Act. 25.) post appellationem ad Cæsarem, Romam à Festo missus fuit, & cum eo Romæ mansit, dum Paulus ad Philemonem & Colossenses litteras dedisset. Cum Paulo etiam fuisse quando Romam secundò petiit,

Tom. V.

M m

col.

colligitur, quia in Secunda ad Timotheum eo tempore Romæ scripta cap. 4. v. 11. dicit, *Lucas est mecum solus*, & v. 16. queritur, ab omnibus aliis se fuisse derelictum. Hoc autem cum acciderit non multum ante ejus Martyrium probat, Lucam socium fuisse Pauli fidelem usque ad finem vitæ.

## §. II.

*De Scriptis Obitu &c. S. Lucæ.*

I. **D**UOS habemus Libros à S. Luca scriptos. Unus est Evangelium, ejus nomen præferens, alter sunt Acta Apostolorum. De utroque egi Tom. 1. Ver. Relig. Christ. Tract. de Libris c. 1. §. 4. Ideo rem hic paucis absolvam. Evangelium scribendi hæc ei causa fuit. Cum enim multa tunc Pseudo-Evangelia variis fabulis permixta evulgarentur, ipse ex iis, quæ audierat ab Apostolis & aliis, qui cum Christo fuerant conversati, suam adornare cœpit historiam. Hoc testatur ipse sui initio Evangelii ita exordiens: *Quoniam quidem multi conati sunt ordinare narrationem, quæ in nobis completa sunt rerum: sicut tradiderunt nobis, qui ab initio ipsi viderunt, & ministri fuerunt sermonis, visum est & mihi assensum omnia à principio diligenter ex ordine tibi scribere, optime Theophilo, ut cognoscas eorum verborum, de quibus eruditus es, veritatem.* Ex quibus, ut dicebam, apparet S. Lucam non fuisse conversatum cum Christo, nec ejus Discipulum extitisse, nec scripsisse ea quæ ipse viderat, sed quæ ab aliis qui viderant didicerat: idèdque non à solo Paulo, sed & à cæteris Apostolis, qui cum Christo fuerunt.

II. Quis fuerit iste Theophilus, ad quem tum Evangelium tum Acta S. Lucas direxit, incertum est. Origenes hom. 1. in Luc. Ambrosius in Luc. Epiphanius hæres. 51. Salvianus Epist. 9. censent, hoc nomine non certum aliquem virum designari, sed quemcumque Dei amicum seu à Deo amatum: hoc enim Etymologia nominis Græci *Theophilus* indicat, nempe à Deo amatum vel Deo carum. Attamen S. Augustinus L. 4. de Conf. Evang. cap. 8., & S. Chrysost. hom. 1. in Acta putant, insinuari aliquam particularem personam, quæ eo nomine vocaretur: & quidem Christianam nec infimæ conditionis, ut colligi potest ex epitheto *Optimi* ejus nomini adjecto. Unde ex eo titulo plerumque Procuratoribus sive Præfectis Provinciarum tributo, parem Virum illum dignitatem obtinuisse Œcumenius autumat: Auditor Recognit. L. 10. cap. 71. facit hunc Theophilum virum Antio-

tiochiæ divitem ac potentem . Grotius verò Magistratum quemdam Achajæ à S. Luca fide initiatum . Aliqui volunt Episcopum Antiochenum egisse . Sed Theophilus Episcopus Antiochenus , de quo Martyrol. die 13. Octobris, fuit sextus post Sanctum Petrum Episcopus , ideòque de isto loqui non potuit Sanctus Lucas .

III. Eusebius L.3. hist. cap. 4. dicit, secundum quosdam Lucæ Evangelium à Paulo designari solum esse, quoties tamquam de proprio quodam Evangelio sermonem faciens dixit : *Secundum Evangelium meum*. Tertullianus L.3. contra Marcion. cap.5. addit, aliquos Evangelium Marci tribuere Petro, & Evangelium Lucæ Paulo tribuere, cum rationale sit credere, Opera Magistrorum esse, quæ à Discipulis promulgantur. Athanasiana Synopsis dicit, Paulum Evangelium dictasse, Lucam verò solum promulgasse . Verius tamen S. Irenæus L.3. cap.1. sentit, Evangelium quod prædicabat Paulus Lucam scripsisse . Fateor, Evangelio à Luca scripto multum contulisse Paulum ; sed non solum, cum Lucas ipse, ut supra, fateatur, se scripsisse sicut ei tradiderunt, qui ab initio viderunt, inter quos Paulus non erat; scripsit ergo etiam secundum quod ab aliis Apostolis testibus de visu didicerat .

IV. Circa tempus & locum, in quo scripsit Evangelium, non conveniunt Auctores, ut ostendi loco supra citato num.38. Quidam volunt illud anno 48. vel 51. Antiochiæ scripsisse, quidam anno 53. vel 55. in Macedonia. Possent, ut ibi dixi, hæc componi, asserendo ; Evangelium Lucæ Opus unius anni nec unius loci fuisse, sed in uno tempore & loco inchoasse, in alio profectum fuisse, in alio absolvisse . Cum enim protestetur, se scribere, non ea quæ ipse vidit, sed sibi tradita ab iis, qui ea viderunt, credibile est, prius ab illis rerum notitiam collegisse, ac deinde in unum Volumen redeigisse. Hoc certum habeo, Lucam Evangelium suum scripsisse post scriptum à Matthæo & Marco suum, & viventibus adhuc Apostolis, qui de suo Opere iudicium ferre possent . Ita Augustinus L.4. de Conf. Evang. cap.8. : *Eo quippe tempore scripserunt Marcus & Lucas, quo non solum ab Ecclesia Christi, verum etiam ab ipsis adhuc in carne viventibus Apostolis probari potuerunt* . Marcionitæ nullum aliud Evangelium admittebant præter istud, sed mutilum & corruptum, nullius tamen, nec Lucæ, nec alterius Auctoris nomen præscribentes, teste Tertulliano de Præscript. cap.51. & alibi .

V. Evangelio conscripto ex iis, quæ ab aliis didicerat, aliud Opus ex iis quæ ipse viderat aggressus est, quod inscribitur *Acta*

*Apostolorum*, in quo omnia Apostolorum Gesta ab Ascensione Domini, Ecclesiæ nascentis infantiam ac persecutiones, Apostolorum, præcipuè Petri & Pauli in ea firmanda robur & fortitudinem necnon prodigia, sed præcipuè eorum virtutes ad imitationem proponit. Hunc Librum velut magnum thesaurum celebrans Chrysostomus hom. 1. in Acta: *Non minus*, inquit, *nobis, quàm ipsa Evangelia utilis esse poterit: tanta nimirum plenus est philosophiâ, tantâ dogmatum sinceritate miraculorumque copiâ, eorum maxime, quæ à Spiritu Sancto patrata sunt . . . . Etenim ea, quæ Christus in Evangeliiis prædixit, hic opere completa videre est; veritatem ex rebus ipsa splendenter Discipulosque post acceptum Spiritum Sanctum in melius longè commutatos. Et infra: Videbisque hic Apostolos ceterosque volucres per terram & maria discurrentes, illisque olim timidos & rudes in alios homines repente mutatos, dicitarum contemptores, irâ concupiscentiâ ceterisque omnibus superiores effectos: multam videbis inter ipsos concordiam, nullam invidiam, nullam ob Primatus desiderium contentionem &c. Maxima pars autem hujus Libri Pauli Gesta sunt, qui plus omnibus laboravit &c. Hæc aliaque Chrysostomus. In hoc Libro vis S. Spiritus adeo emicat, ut cum Œcumenio dici possit: quod sicut Evangelium Gesta Christi nobis exhibet, ita Acta Gesta Spiritus Sancti nobis repræsentent.*

VI. Acta ergo conscripsit Lucas eo animo, ut Gesta Pauli, cujus erat Discipulus & comes, præcipuè enarraret, & Ecclesiæ proponeret: Historiam tamen solum perducit usque ad annum. 63. nempe usque ad biennium, quo Romæ commoratus est Paulus in primis Neronianis vinculis. Unde creditur, eam Romæ edidisse. Ita S. Hieronymus L. de Script. Ecclæs. cap. 7.: *Cujus, inquit, historia usque ad biennium Romæ commorantis Pauli pervenit, id est usque ad quartum Neronis annum. Ex quo intelligimus in, eadem Urbe Librum esse compositum.* Cur autem ulterius historiam non produxerit, cum deinceps etiam Paulo adhæserit, unde 2. ad Timoth. quam non multo ante mortem scripsit c. 4. v. 11. dicit: *Lucas est mecum solus*, & cum etiam Paulo diu superstes fuerit, Deus novit. Chrysostomus hom. 1. in Acta hoc Quæsitum excitans, dicit: *Cur non omnia scripsit, qui usque ad finem cum ipso semper fuerit? Respondebimus. Hæc satis fuisse iis qui animum adhibere vellent: neque illis tantum fuisse scribendi studium; multas quippè non scriptas Traditiones dederunt.*

VII. Præter Evangelium & Acta S. Lucam vertisse etiam ex Hebræo in Græcum Epistolam Pauli ad Hebræos, ex Clemente Alexandr. refert Eusebius L. 6. hist. cap. 14. his verbis: *Epistolam*



lam ad Hebræos Pauli quidem esse affirmat, sed Hebræico sermone, utpotè ad Hebræos primam scriptam fuisse. Lucam verò eandem Græco sermone studiosè interpretatum, Græcis hominibus edidisse. Quare in ea Epistola, & in Actibus Apostolorum eundem dictionis colorem reperiri: Nec defuere qui senserint (ut Origenes apud Eusebium L.6. cap.25.) in illa Epistola sententias quidem & doctrinam Pauli esse: at elocutionem phrasim, quæ elegantior est, quàm in aliis Pauli Epistolis, esse Lucæ.

VIII. Aliud Opus à Clemente Alexandr. Lucæ tributum fuit, nempe *Altercatio Jasonis & Papisci* (quæ extat in Calce Operum S. Cypriani Edit. Pamelii) de qua mentionem faciunt Origenes L.4. contra Celsum, & Hieronymus in Genes. & in cap.3. ad Galat. Hoc tamen non obstante S. Maximus Abbas septimo seculo eam tribuit Aristoni Pelleni, qui temporibus Imperatoris Antonini circa annum 140. vixit. Et sanè ex modo, quo Origenes & Hieronymus de ea loquuntur, apparet, non esse S. Lucæ factum. Continet ergo Opus istud disputationem inter Jasonem ex Judæo Christianum, & Papiscum Judæum Alexandrinum, qui suas Judaicas superstitiones solita obstinatione tuebatur. Hunc Jason ex Scripturis Veteris Testamenti perstringit, tantâ claritate ei ostendens, prophetias omnes in Christo Jesu fuisse impletas, & tantâ suavitate ejus duritiem emolliens, ut Papiscus lumine S. Spiritus illustratus & corde accensus, veritatem Fidei agnoverit & confessus sit, ardentique desiderio Jasonem rogaverit, ut se Baptismo Fidei mysteriis initiaret. Quæ Papiscus ad intellectum Veritatis admissus, & ad timorem Domini ipso Domino miserante formatus, & in Jesum Christum Filium Dei credidit, & ut signaculum sumeret deprecatus, Jasonem postulavit. Jasonem istum censet Pamelius in Not. ad præfatam narrationem, fuisse illum S. Pauli Discipulum & cognatum, de quo Rom.16. v.21. & Act.17. v.7. qui postea Episcopus Tarsensis fuit. De hoc tamen dubito. De hac disputatione Origenes citato loco num.52. contra Celsum dictam altercationem velut odio vel risu dignam aspernantem: *Vellem, inquit, ut libellum hunc in manus sumeret, & quæ in illo scribuntur legere sustineret: Is cum nihil in illo scripto inveniret odio dignum, Celsum utique damnavet. Ibi etiam Christianus cum Judæo differens, demonstrat ex Judaicis Scripturis vaticinia de Christo ad Jesum pertinere, quamquam strenuè Adversarius contradicat, personamque Judaicam pallorescens sustineat.*

IX. Cum S. Lucas prædicatione & scriptis suis Ecclesiam illustrasset, ad præmium laborum ac meritum suorum recipien-

piendum morte vocatus fuit, quam annum 80. seu 84. natus obivit. Quo autem in loco, controvertitur. Patris in Achaja, urbe Martyrio S. Andreae celebri, obiisse cenfet Gaudentius Serm. 17., inde sub Constantio ejus Reliquias Constantinopolim fuisse translatas, asserunt Philostorgius L. 3. cap. 2. & S. Hieronymus L. de Script. Eccles. cap. 7. Thebis Bæotiae cum mortuum facit Nicephorus L. 2. cap. 43., ubi adhuc videbatur ejus sepulcrum in Ecclesia sub ejus nomine in Pago dicto Thabacide. Sed quia ibi fuit quidam Lucas Eremita, Styriotes dictus, meritò timeri potest, ne Eremitam pro Evangelista Luca supponat. Idem tamen sentiunt Græci in Menologio die 18. Octobris. Martyrologia tamen Latinorum cum in Bithynia obiisse dicunt.

De genere mortis: In pace cum quievissè scribunt Martyrologia & Menologia. Elias Cretensis in Comment. Orat. 3. Nazianzeni dicit: quòd Joannes Evangelista & Lucas *band quam interemti sunt, verùm cùm permultas propter Christum & ejus Evangelium calamitates pertulissent, in pace ad eum, qui pacis Deus est, reversi sunt.* Et hæc communior videtur sententia. Nihilominus non defuere, qui S. Lucam Martyrio obiisse dixerint, aut inter Martyres annumerent, ut SS. Gregorius Nazianzenus Orat. 1. in Julian. Gaudentius Serm. 17. Paulinus Ep. 32. ad Severum, & Glycas, Cedrenus, & Nicephorus L. 2. c. 43. arbori Olivæ affixum volunt,

X. Quæri pro complemento potest, cur S. Lucæ inter quatuor Evangelistas figura Vituli adjungatur. Cui respondebo ex S. Augustino Tract. 36. in Joann., ubi dicit: *Apud Ezechielem Prophetam & in Apocalypsi ipsius Joannis, cujus est hoc Evangelium, commemoratur animal quadruplex habens quatuor personas, Hominis, Vituli, Leonis, Aquilæ. Qui ante nos Scripturarum Sanctorum mysteria tractaverunt, plerique in hoc animali, vel potiùs in his animalibus quatuor Evangelistas intellexerunt. Leonem pro Rege positum, quoniam videtur Leo rex esse quodammodò bestiarum, propter potentiam & terribilem fortitudinem. Hæc persona tributa est Matthæo, quia in generationibus Domini Regiam seriem persecutus est, quemadmodùm esset Dominus per Stirpem Regiam de semine David Regis. Lucos autem quoniam cepit à Sacerdotio Zachariae Sacerdotis, faciens mentionem Patris Joannis Baptiste, Vitulo deputatus est, quia magna víctima Vitulus erat in Sacrificio Sacerdotum. Marco Homo Christus meritò adsignatus est, quia neque de Regia potestate aliquid dixit, neque de Sacerdotali cepit, sed tantum ab homine Christo exorsus est. Hi omnes propè de terrenis,*

*nis, idest de iis, quæ in terra gessit Dominus noster Iesus Christus, non recefferunt: de Divinitate ejus per pauca locuti sunt, tamquam in terra cum illo ambulantes. Restat Aquila: ipse est Joannes sublimium & lucis interna atque aterna fixis oculis contemplator &c. Hæc Augustinus; à quo dissentiunt Recentiores, maxime Piciores, qui hominem Matthæo, Leonem verò Marco assignunt.*

## CAPUT IV.

## De Sanctis Tito &amp; Timotheo.

## §. I.

*De S. Tito.*

I. **T**itus Gentilis fuit (Galat. 2. v. 3.) Hic patrio Idolorum cultu ejurato ab Apostolo Paulo ad Fidem Christi genitus fuit, propterea ab ipso Filii nomine distinguitur ad Tit. 1. v. 4. *Tito dilecto filio secundum communem fidem.* Nomine etiam in Christo Fratris vocatur 2. Cor. 2. v. 13. Sanctus Hieronymus in cap. 2. ad Titum putat, eum corpore adhuc incorruptum venisse ad Fidem, & talem nempe cælibem semper mansisse; ideoque Paulus eum hortatur, ut aliis exemplo sit vitæ puræ & castæ: *Unde, inquit, & Titum existimo priusquam carnis opere occuparetur, Evangelio credentem accepisse Baptisma, & virginem permanisse: & nunc ab Apostolo, ut in corruptione formam sui præbeat commoveri.*

Titus Amanuensis, seu ut vult Hieronymus Epist. 150. ad Hedibiam cap. 11. Interpres fuit Pauli, sicut Marcus Petri, sive quod verba ex ore distantis Apostoli scriberet, sive quod Græca ab illo prolata verba, Latine, vel Hebraica seu Syriaca, Græcè explicaret. Ideoque tanquam Paulo carus ab omnibus qui cum Paulo erant, salutatur; quod (ait ad Titi cap. 3. Hieron.) *talis esset, ut amorem eorum, qui cum Paulo erant, omnium mereatur. Magna verò laus Titi per Paulum saluari.*

II. Cùm Paulus Jerosolymam proficisceretur quæstioni agitando, an Gentiles ad Fidem conversi Legalibus adigendi essent, unâ secum Titum adduxit anno 51. Galat. 2. v. 1. Cùm autem aliqui vellent Titum ad Circumcisionem compellere, neque Apostolus ipse, neque Titus, qui Gentilis erat, unquam acquievit: Galat. 2. v. 3. *Sed neque Titus, qui mecum erat, cum esset Gentilis, compulsus est circumcidi.* Et quamvis urgerent Judæi, eos vin-

vincere non potuerunt : unde subditur v. 5. *Quibus neque ad bonam cessimus subiectione, ut veritas Evangelii permaneat apud vos.* Quia verò aliqui sic legebant : *Quibus ad bonam cessimus ;* quasi initio quidem nolentes , necessitate ac violentiâ compulsî cessarint : hos rejicit Hieronymus in dictum Caput his verbis : *Quod si dicit, se necessitate superatum, ut circumcideret Titum : quomodo Galatas revocat à Circumcisione, à qua nec Titum, qui secum fuerat ex Gentibus, Ierosolymis potuit excusare ?*

III. Metuens Paulus, ne Corinthii per quosdam pseudo-prophetas à veritate Evangelii, quod eis prædicaverat, seducerentur, misit circa finem anni 56. ad illos Titum, ut habetur 2. Cor. 12. v. 18. à quibus comiter & humiliter susceptus fuit. Ne tamen eis oneri esset, exemplum Pauli Magistri sui imitatus, nihil vel spontè oblatum recipere voluit : unde Paulus ibi ait : *Rogavi Titum, & misi cum illo fratrem. Numquid Titus vos circumvenit ? nonne eodem spiritu ambulavimus ? nonne iisdem vestigiis ?* Cùmque rogassent Titum, ut apud Paulum intercederet veniam pro Corinthio incestuoso, ipse, qui specialem dilectionem erga ipsos conceperat, omnem operam suam contulit : quare 2. Cor. 7. v. 15. Paulus ait : *Et viscera ejus abundantius in vobis sunt : reminiscitis omnium vestram obedientiam, quomodo cum timore & tremore exceperitis illum.*

IV. Cùm Epheso discedens Paulus Troadem venisset anno 57. circa medium, nec, ut speraverat, ibi invenisset Titum, irrequietus animo brevem moram trahens transivit in Macedoniam, ubi Titus adventu suo illum gaudio replevit, & maxime quia de prospero statu, in quo reliquerat Ecclesiam Corinthi, & de eleemosynis, quæ ibi in promptu erant, eum certior fecit. Quo exemplo usus Fideles etiam Macedoniae adhortatus est, ut & ipsi huic pietatis operi pro viribus contribuerent. Cùmque Paulus Corinthum redire vellet, ut suo adventu omnia parata inveniret, rogavit Titum, ut eum præcederet. Titus, cui cordi erat gloria Dei & honor Ecclesiæ Corinthi, novo itineri absque hæsitazione sese exposuit, Secundam ad eosdem (ut multi volunt) Pauli Epistolam deferens. Quod circa finem anni 57. contigisse creditur.

V. Quid egerit Titus usque ad annum 63. ignoramus, quo Paulus è primo Neroniano carcere libertati restitutus, & in Orientem transiens ad Insulam Cretæ pervenit, ibique Evangelii semina spargens aliquo tempore moratus est. Verùm cùm Ecclesiarum sollicitudine Paulus aliò vocaretur, ne Fidem in agro illo adhuc nascentem sine cultore desereret, ibi reliquit

Ti-

Titum Cretæ insulam ejus zelo confidens: idèdque illius Episcopum eum constituit, cum facultate etiam alios sive presbyteros, sive etiam Episcopos, si opus fuisset instituendi. Sic colligitur ex Ep. ad Titum cap. 1. v. 5., ubi Paulus ait: *Hujus rei gratiâ reliqui te Cretæ, ut ea, quæ desunt, corrigas & constituas per civitates Presbyteros, sicut & ego disposui tibi.* Ubi Presbyterorum nomine intelligi etiam Episcopos sentiunt Patres, & præcipuè Hieronymus in cap. 1. ad Titum, & ea, quæ sequuntur, apertè ostendunt: Apostolicis enim temporibus tam primi, quàm secundi Ordinis Presbyteri, sub hoc communi nomine vocabantur; quamvis etiam tunc, ut modò, officia jure Divino distinguerentur. Ex tam ampla potestate corrigendi quæ decrant, & constituendi colligit Chrysost. in Ep. ad Titum, quantum eum faceret Paulus.

VI. Altero anno nimirum 64. ad Titum scripsit Epistolam inter Canonicas semper habitam, in qua postquam ipsum monuit, quales debeat ad Sacerdotium & Episcopatum promovere, quæ vitæ ratio singulis hominum statibus cujuscumque sexus sit præscribenda, ut in Cretenses disciplinæ rigorem exerat, ut à vanis Judæorum, qui in illa Ecclesia erant, fabulis caveant, Fideles hortetur, ut temporalibus Principibus obedientiam præstent, & ut hæreticum hominem post primam & secundam correctionem contumacem devitet: tandem ipsi mandat, ut cum primùm Tychicum sive Arthemam in Cretam miserit, vicariam illis muneris sui operam committens, festinet Nicopolim in Macedonia sive in Epiro, ubi ipse statuerat hyemare, ad se venire. Ita cap. 3. v. 12., ubi S. Hieronymus: *Necessarium, inquit, habet Titum in Evangelii ministerium: tamen non eum autè ad se vult venire, nisi in locum ejus Artemas vel Tychicus successur advenerit. Nicopolis ipsa est, quæ ob victoriam Augusti, quoddam ibi Antonium Cleopatramque superavit, nomen accepit.* Quibus Nicopolim Epiri intelligit.

VII. Cum Apostolus secundam Epistolam ad Timotheum scripsit (anno ut putant aliqui 65., secundum alios verò 67. de quo supra cap. 2. de S. Paulo §. 24. n. 1.) Titus, ut habetur c. 4. v. 10., in Dalmatiam ad prædicandum ibi vel firmandum Evangelium ab eodem missus fuerat. In Cretam tamen postea reversus, ad vicinas Insulas Evangelium deportasse fertur. Tandem extremam diem obiens in Creta sepultus fuit annum agens 94. Ita Græci in Menol. Basilii die 25. Augusti, ubi habent sequentia: *Titus Christi Apostolus prodiit ex insula Creta. Ab ineunte ætate plurimam ostendens in Græcorum disciplinis addiscen-*

*dis sedulitatem: admiratione suspiciebatur ab Ethnicis propter doctrinam. Ubi verò vigesimum ætatis annum attigit, audivit vocem sibi dicentem: Tite, hinc secedas, tuamque serves animam, oportet, non enim tibi proderunt hæc doctrina. Hæc voce auditâ, secum ipse cogitabat, quid sibi esset agendum. Post hæc Cretæ Præfectus, auditis Christi miraculis, cum utpote sapientem accersivisset, dicens: Tite, Ierosolymam te volo proficisci, & au vera hæc sint, intelligere & mihi rennuntiare. Hic igitur profectus, Christum vidit ejusque miracula, ac sese eorum numero, qui in Christum crediderant, adjuvixit. Post Passionem autem & Resurrectionem, Episcopus à Sanctis Apostolis consecratus, in Cretam missus est; ibique cum veritatis verbum edocuiisset, obdormivit annos natus nonaginta quatuor. Hæc Græci majori ex parte suspecta, ne dicam falsa. Nam quidquid sit de voce quam audivit, & aliis; cum faciunt unum ex Christi Discipulis, imo Apostolum: cum ex Scriptura habeatur, eum fuisse Pauli discipulum ab eo ad Fidem tractum, Episcopum Cretæ ordinatum; de Paulo autem nec verbum faciunt Græci, ideoque relinquendos reor.*

VIII. Verius Latini in Martyr. die 4. Januarii hæc habent: *In Creta Natalis S. Titi, qui ab Apostolo Paulo Cretensium Episcopus ordinatus, post prædicationis officium fidelissimè consummatum, beatum finem adeptus, sepultus est in Ecclesia, ubi à Beato Apostolo dignus minister fuerat constitutus. Quibus addit Boilandus, Ecclesiam Cathedralē Cretensem ejus nomine dicatam fuisse, atque in ea ejus Caput integrum adhuc asservari.*

## §. II.

*De S. Timotheo.*

I. **T**imotheus Apostoli Pauli discipulus Derbensis seu Lytrensensis; Derbe enim & Lystræ duæ sunt Lycaoniæ urbes. Lytrensensis tamen potius fuisse videtur; nam S. Lucas Act. 16. dici v. 1. quodd cum Lystram pervenisset Paulus, obvium habuit Timotheum, de quo bonum testimonium ferebant fratres, qui in Lystris & Iconio erant: *Pervenit autem (Paulus) Derben & Lystram. Ecce discipulus quidam erat ibi nomine Timotheus, filius mulieris Judææ fidelis, patre Gentili. Huic testimonium bonum reddebant, qui in Lystris erant & Iconio fratres (nihil dicens de iis, qui erant in Derbe)*

II. Ethnicum Patrem habuit, sed matrem Judæam: Matris nomen Eunice, avæ Lois: ambæ ad Christum conversæ Timotheum

theum Religione Christiana ab infantia imbuiffe feruntur : unde Paulus 2. ad Tim. 1. v. 5. ei sic dicit : *Recordationem accipiem ejus Fidei , quæ est in te non ficta , quæ & habitavit primùm in avia tua Loide , & matre tua Eunice , certus sum autem quod & in te .* Adolefcentem istum tot testibus commendatum vix Paulus vidit , cum eum sibi socium non sine Spiritus Sancti instinctu acceperat : unde v. 3. dicitur : *Hunc voluit Paulus secum proficisci .* Timotheus verò Pauli societatem præferens , patriam , domum , patrem & matrem , omnia demum ut eum sequeretur reliquit . Sic Deus in Timotheo restituit Paulo , quod in Barnabæ separatione amiserat : *Quando discessit Barnabas , alterum ipsi parem invenit* , inquit Chrysost. homil. 34. in Acta . Sed quare Timotheum statim acceperat , voluit socium ? respondet S. Augustinus serm. 177. §. 7. quia vidit eum pauperem , sicut ipse erat . Ac si absque paupertate & contemptu terrenorum , animoque ad omnia ferenda parato , Discipulus ejus esse non posset . Antea tamen eum circumcidi voluit , Act. 16. v. 3. *Et assumens circumcidit eum propter Judæos , qui erant in illis locis . Sciebant enim omnes , quod pater ejus erat Gentilis .* Cur autem hic circumcidit Paulus Timotheum propter Judæos , qui sciebant , quod Pater ejus Gentilis erat ; & Titum circumcidi noluit propter eosdem , qui sciebant , utrumque parentem ejus Gentilem esse , ostendi supra cap. 2. de S. Paulo §. 10. num. 5. Ibi dicta Lector consulat . Jam dictis accedat Chrysostomus homil. 34. in Acta , qui in hoc facto admirans Pauli prudentiam , ait : *Qui sautoperè pugnaverat propter Circumcisionem , qui omnia moverat , & non prius desistit , donec rem perficeret , confirmato dogmate circumcidit Discipulum ; non modò alios non cohibet , sed hoc & ipse facit . . . , propter Judæos , inquit , qui erant in illis locis , . . . Hac causa circumcidendi fuit . Non enim taliffens audire Verbum ab incircumciso . Et cur? Vide præclarum opus . Circumcidit , ut Circumcisionem tolleret .*

III. De facto autem ad hunc finem Timothei circumcissione valde profuit : sequitur enim v. 4. *Cum autem pertransirent civitates , tradebant eis custodire dogmata , quæ erant decreta ab Apostolis & Senioribus , qui erant Jerosolymis . Et Ecclesie quidem confirmabantur fide , & abundabant numero quotidie .* Adjunctus ergo Paulo Timotheus quamvis adolescens , prudentiâ tamen ac scientiâ præveniente ætatem , prædicationis augmento adeo contulit , ut discipulus esset simul & magister . Nihil enim aliud quærens , quàm Christi gloriam & hominum salutem , serviebat Paulo ut filius Patri : ita enim eum commendat Philipp. 2. v. 20. *Nemitem enim habeo tam unanimum , qui sincerâ affectione*

*pro vobis sollicitus sit: omnes enim quæ sua sunt querunt, non quæ Jesu Christi. Experimentum autem ejus cognoscite, quia sicut patri filius mecum servavit in Evangelio; ideoque 1. Cor. 4. v. 17. eum vocat filium suum carissimum, imo 1. Thessal. 3. v. 2. fratrem suum, & Ministrum Dei in Evangelio Christi appellat.*

IV. Virum tot virtutibus ornatum Episcopum Paulus ordinavit. Quando autem hoc contigerit, incertum est. Timotheum valdè juvenem, & paulò post Circumcisionem ordinatum fuisse, & Ecclesias administrare cœpisse, censet Chrysof. in cap. 3. Esaiæ, dicens: *Nam & Timotheus juvenis erat: istamen sapientius quàm innumeri Senes Ecclesias administravit. Et Salomon annos natus duodecim cum Deo loquebatur, multaque erat dicendi fiducia instructus, ac Rex declaratus, coronatusque est:* Hinc Paulus 1. ad Timoth. 4. v. 12. *Nemo, inquit, adolescentiam tuam contemnat, ac subdit: noli negligere gratiam, quæ in te est, quæ data est tibi per prophetiam cum impositione manuum Presbyterii.* Quibus indicat, cum ad eum scriberet, fuisse jam ordinatum Episcopum & adhuc juvenem. Unde aliqui putant, quòd cum annos natus circa 23. Paulum fuerit secutus, propè annum 30. fuerit ab ipso Episcopus ordinatus. Neque obest, quòd 1. Thessalon. 3. v. 1. mittens eum Athenis Thessalonicam, vocet *Ministrum Dei*, quasi Diaconum, cujus est ministerio inservire. Nam Timotheus Thessalonicam missus, & illa Epistola scripta fuit anno Christi 52., seu uno anno postquam Paulo adhæserat: & ideo illo tempore, quo puri Ministri officium gerebat, & nondum Episcopus fuerat ordinatus, sed solùm anno 57. vel 58.

V. Sed ut ad historiam redeamus; Timotheus S. Paulo accessit in itinere in Macedoniam, Philippos, Thessalonicam & Berœam (Act. 17. v. 14. &c., qua in urbe unà cum Sila relictus est Fidelibus confirmandis anno Christi 51. desinente. Interim cum Paulus Athenas venisset, statim Timotheum ad se accivit, ut de statu Ecclesiæ Macedoniæ certiore ipsam redderet. Qui cum venisset, & Pauli desiderio satisfecisset, missus iterum fuit Thessalonicam ad firmandos Fideles aliquibus persecutionibus agitato. Inde unà cum Sila reversus, de bono statu illius Ecclesiæ Paulo, qui tunc erat Corinthi, retulit Act. 18. v. 5. Inde paulò post, anno scilicet 52., datæ fuerunt ambæ ad Thessalonicenses Epistolæ, in quarum utraque Timothei & Silæ mentio fit, imo utraque eorum nominibus inscribitur; quod signum est, eos tunc apud Paulum mansisse, nec earum latores, ut aliqui putarunt, extitisse.

VI. Succedentibus annis, & cum biennio Paulus Ephesi mo-



moratus esset, ac optaret, reliâ Asiâ in Macedoniam & Achajam ire, ac tandem Jerosolymam (Act. 19. v. 21. & 22. nimirum labente anno Christi 57.) Timotheum & Erastum præmisit in Macedoniam, fortè ut ibi pararent eleemosynas, quas Jerosolymam secum deferret. Subinde Timotheum misit Corinthum, sive ut exemplo suo Fideles illos ad virtutem magis magisque promoveret, sive ut veritates ab Apostolo jam insinuatæ eorum mentibus altius imprimeret (1. Cor. 4. v. 17.) Hinc aliquantò post ad Corinthios Paulus scribens sedulò illis Timotheum commendat, ut securus apud illos manens, in pace ad se tandem revertatur 1. Cor. 16. v. 10. & 11.: *Si autem, inquit, venerit Timotheus, videte, ut sine timore sit apud vos: opus enim Domini operatur sicut & ego. Ne quis ergo illum spernat: deducite autem illum in pace, ut veniat ad me; expecto enim illum cum fratribus.* Quo loquendi modo apparet, Paulum cum hac Epistolam scripsit nondum rescivisse, quòd Timotheus Corinthum pervenisset. Dein Timotheus iterùm ad Paulum in Asia illum operientem reversus, cum eo simul in Macedoniam transiit, amborumque nomine inscripta est secunda ad Corinthios Epistola in Macedonia data, uti & nomine Timothei Romanos salutat Rom. 16. v. 21. in Epistola ad eos eodem anno Corinthi scripta.

VII. In Itinere, quod instituerat Paulus Jerosolymam, Timotheus eum comitatus fuit Philippos, eumque unà cum aliis præcedens sustinuit Troade. Sequenti verò tempore, quo Paulus ivit Jerosolymam, quo Cæsareæ carcere detentus, & inde Romam transmissus, ubi biennio in vinculis mansit, de Timotheo Acta non loquuntur ampliùs. Verùm cum numeretur Act. 20. v. 4. inter illos, qui Paulum in itinere Jerosolymam secuti sunt, ubi Apostolus in carcerem detrusus est, atque inde Cæsaream, postea Romam transmissus, numquam ab Apostolo eum divulsus fuisse credendum est: eò vel maximè, quòd Romæ fuisse illum constat, cum Paulus ibi ad Philippenfes, ad Colossenses, & ad Philemonem Epistolas anno 60. 61. 62. scripsit, quæ Pauli & Timothei nomen præferunt. Arguunt multi, Timotheum Romæ fuisse cum Paulo, ubi cap. 13. v. 23. dicit: *Cognoscite* (idest humaniter excipite) *Fratrem nostrum Timotheum dimissum, cum quo (scelerius venerit) videbo vos.* Illud enim verbum *Dimissum*, exponunt aliqui dimissum à carceribus, alii verò dimissum Româ à Paulo ad aliqua peragenda, & hoc indicat verbum illud: *Si redierit*: ideòque videtur Timotheus tunc non fuisse Romæ cum Paulo; fuisse tamen ad eum brevi rediturus.

VIII. Porro

VIII. Porro Timotheum ad Paulum rediisse apparet, quia ipsum comitatus fuit, dum in Orientem iret, & saltem dum ab Asia in Macedoniam transfret anno 64. vel 65., illum Ephesi reliquisset, ut tamquam Episcopus Ecclesiam illam gubernaret, ac in multis reformaret, ut 1. ad Timoth. 1. v. 3. & 4.: unde primus, qui eam ut Episcopus rexit, à Concilio Chalcedonensi agnoscitur Timotheus: quod testatur etiam Eusebius L. 3. hist. cap. 4. Cùm autem Romam Paulus rediisset, ac proximus Martyrio esset, alteram ad Timotheum dedit Epistolam, in qua non obscura amoris erga carissimum filium exhibens argumenta, eum rogavit, ut ante incuntem hyemem Romam veniens secum deferat ea, quæ Paulus Troade reliquerat 2. ad Timoth. 4. v. 10. &c. Si roganti Timotheus (ut facile creditur) acquievit, Martyrio Pauli adfuit, eumque morientem suis oculis vidit. Post mortem Pauli Timotheum Ephesum rediisse, cuius Ecclesia fuerat illi concredita, verisimile est. Est enim tunc S. Joannes Evangelista ibi versaretur, non tamen se ut Episcopum unius particularis Ecclesiæ gerebat, sed ut Apostolus superiori auctoritate omnibus simul Asiæ Ecclesiæ præsidebat.

IX. Ex prima ad Timotheum Epistola colligitur, eum austeram vitam ab adolescentia duxisse, adeò ut solum aquam biberet: sed quia infirmitate præsertim stomachi laborabat, idè S. Paulus cap. 5. v. 23. præcipit ei, ut modico vino utatur: *Noli adhuc aquam bibere, sed modico vino utere, propter stomachum tuum, & frequentes tuas infirmitates.* S. Gregorius L. 27. Moral. cap. 18., & homil. 4. in Evangelia quærit, cur Paulus Timotheum sibi carum ac fidelem adiutorem non statim prece sanaverit, sed ad humana remedia remiserit: dicens: *Meliten veniens, & plenam infidelibus Iusulam sciens Patrem Publii dysenteria febribusque vexatum orando sanavit. Peregrinationis verò suæ comitem & sanctæ prædicationis adiutorem Timotheum ex infirmitate stomachi lassescemtem non verbo curat, sed medicinali Arte reparat dicens: „ Modico vino utere propter stomachum & frequentes tuas infirmitates. „ Qui ergo infirmum Iusulem nūc prece salvat, cur & agrotum socium prece non roborat?* Respondet. *Quia nimirum ille foris per miraculum sanandus erat, qui interius virum non erat, ut per hoc quoddam exterior potestas ostenderet, hunc ad vitam interior virtus animaret. Agrotanti autem fidei socio exhibenda foris signa non fuerant, qui salubriter intus vivebat.* Cur autem Timotheo, qui adeò & quidem cum tanto fructu Ecclesiæ inserviebat, tot infirmitatibus laborare permiserit, ad moralem nostram doctrinam fusè expendit Chrysostomus homil. 1. ad Populum An-

Antiochenum. Timotheum mansisse cælibem conveniunt omnes.

X. De S. Timothei exitu feruntur Acta quædam sub Poly-cratis nomine, ex quibus discimus, occasione magnæ celebritatis, quam Ethnici Ephesini die 22. Januarii (anno Christi 97.) agebant, Catagogium dictam, in qua delatæ Deorum Imagines, personati viri atque armati incedebant, nefandas turpitudines committentes, S. Timotheum zelo Dei accensum in Turbas irruisse pro viribus superstitioni resistentem; sed ab Idololâtris lapidibus seu fustibus impetum ac oppressum interiisse. Ita Photius Cod. 254. dicens: *Refert historia, Timotheum primum Ephesi Episcopum fuisse, clavâque interfectum, propterea quod prohibuisset Ephesos execranda & cruenta Gentium festa, quorum unum appellatum fuit Catagogium, quod quia ille abrogarat, Martyrii honore affectus est. Domitianus tunc Romanum Imperium tyrannus gerebat. Quid autem esset istud Catagogium, narrat Photius infra sic: Est apud Ephesos abominabile & execrandum festum, quod Catagogium nuncupant: & hoc celebratur hoc modo: Indecoris se larvis induunt, ac, ne agnoscantur, personis facies obtegunt, multaque Idola circumferentes, & quædam carmina cantantes, invadunt Viros & honestas Feminas more Latronum, multamque committunt eadem in publicis locis Civitatis, & promptè nefaria committunt, & sceleribus illis illegitimis gloriantur tamquam legitimis.*

In occasione Martyrii conveniunt cum Græcis Latini, differunt tamen, quod illi fuisse cæsum volunt: ajunt enim in Menologio die 22. Januarii: *Sanctus verò Timotheus... videns aliquandò Græcos abominabilem Idolis festum diem celebrantes, promiscuè Mares & Feminas indigna patrare, occurrens ad illos monensque, ut à pravitate desisterent, tantum absuit, ut quidquam proficeret, ut potius ab iis interfectus fuerit scipionibus, quos præ manibus tenebant, in ipso Civitatis aditu.* Hi verò, idem Latini, lapidibus necatum volunt: sic enim in Martyrol. Rom. die 24. Januarii hæc habent: *Natalis S. Timothei Discipuli Beati Pauli Apostoli, qui ab eodem Ephesi ordinatus Episcopus, post multos pro Christo agones, cum Diavæ immolantes argueret, lapidibus obratus, paulò post obdormivit in Domino.* Possunt tamen conciliari dicendo, primò lapidibus fuisse impetum, deinde scipione percussum interiisse.

XI. Dubitari hic solet, an comminatio illa, quam Joannes in Apocalypsi cap. 2. Dei nomine facit Angelo, idest Episcopo Ephesi, directâ fuerit ad Timotheum, quasi ipse caritatem suam pri-

primam remisit: ideoque moneatur unde exciderit, & ut agat poenitentiam &c. Hoc dubium tetigi supra Cap. 5. de Sancto Joanne §. 4. num. 7.

Si tamen, ut ibi dixi, supponatur Timotheum Martyrio coronatum fuisse Domitiani Imperio desinente, & S. Joannem sub Nerva ab exilio reducem Apocalypsim evulgasse, dici debet, minas illas non cadere in Timotheum, qui è vivis excesserat, sed in alium, qui in ejus vices subiitisset, & fortè etiam in S. Onesimum, qui ejus in Episcopatu Ephesino Successor ponitur. Multi minas illas spectare putant ad membra quædam illius Ecclesiæ, quæ à pristina caritate exciderant. Alii tamen directas eas esse volunt ad Episcopum ipsum, quem vocat Angelum Ephesi Ecclesiæ, sive is fuerit Timothei Successor, sive ipse Timotheus adhuc vivens. Nec hoc ejus Sanctitati præjudicat. Nam etsi à prima caritate excidisset, eam tamen fortiter tolerato Martyrio reparavit. Cum etiam Viri sancti, dum sunt in hac vita, possint in caritate tepescere, ad quam tamen poenitentia ante mortem iterum accensu fortia quæque pro Christo aggredi parati sunt.

XII. S. Timothei Corpus Ephesi jacuit sepultum, donec inde Constantinopolim translatum fuit. Quando autem facta fuerit hæc Translatio, controvertitur. S. Hieronymus à se ipso dissentire videtur. Nam in Additione ad Chron. Eusebii dicit, eam fuisse factam anno 19. Constantii, & L. de Script. Eccles. in Luca apertè dicit, anno sequenti nempe 20. Constantii Ossa S. Andreæ & Lucæ Constantinopolim fuisse translata: at in Lib. adversus Vigilantium ponit, eam fuisse factam à Constantino, sic enim ait: *Sacrilegus fuit Constantinus Imperator, qui sanctas Reliquias Andreæ & Lucæ & Timothei transtulit Constantinopolim, apud quas & Dæmones rugiunt?* Idem dicit S. Paulinus Carm. 26.: nec dici potest hic poni *Constantinum* mendosè pro *Constantio*. Nam verba hæc Constantio applicari non possunt, quem Arianum fuisse omnes norunt. Dicendum potiùs videretur, Constantinum in animo quidem habuisse, & ad hunc finem Ecclesiam ædificasse, sed morte præventum anno 337. opus perficiendum Constantii filio reliquisse, sub quo anno Imperii sui 19., & Christi 356. Reliquiæ S. Timothei translatae fuerunt, & anno 20. Reliquiæ S. Andreæ & Lucæ. Ceterum sub Constantio non sub Constantino hoc esse factum asserunt: Theodorus Lector L. 2. Collectar. Ado 24. Januarii & Græci in Menolog. 30. Novembris in Andrea, & 18. Octobris in Luca. Ejus Ossa & Reliquias Dæmones expulisse, dicit Chrysostomus homil. 1. ad Popul. Antioch.

CA-

## CAPUT V.

## De Sanctis Philippo Diacono, &amp; Herma.

## §. I.

## De S. Philippo.

I. **D**E S. Philippo inter Diaconos secundo paucis me expediam. De eo enim locutus sum Cap. 1. de S. Petro §. 4. num. 4. & §. 5. num. 3. & sequentibus ejus prædicationem in Samaria, Eunuchi Baptismum, & alia profectus sum, quæ Lector videre poterit. Capite etiam 8. agens de S. Philippo Apostolo §. 2. aliqua quoque de filiabus ejus dixi. Solùm ergo ea quæ præfatis locis dixi, quasi compendio repetam.

II. Philippus ergo Cæsaream Palæstinae patriam habuit, uxorem habuit, & quatuor filias. Dum Act. 6. ageretur de Diaconorum electione ipse propositus ac electus secundo loco fuit, tamquam Vir boni testimonii, & Spiritu Sancto plenus: quæ electio eodem Passionis Christi anno contigisse creditur. Occiso Stephano ac Fidelibus huc illucque dispersis, Philippus zelum annuntiandi Christum continere non valens, Samariam seu Sebastem Samariae Urbem præcipuam, sive ut persecutionem declinaret, sive illuc ut putat Cyprianus Epist. 73. ab Apostolis missus, & contulit. Ibi primus Evangelium prædicavit, ideòque à S. Luca Act. 11. v. 8. Evangelistæ nomine ornatur, ac tantâ plenitudine Spiritus Evangelicæ Resurrectionis Christi Veritatem annuntiabat, signis quoque ac prodigiis eam roborantibus, ut Act. 8. v. 6. & c. Lucas dicat: *Intendebant autem Turbae quæ à Philippo dicebantur, unanimiter audientes & videntes signa quæ faciebat. Multi enim eorum, qui habebant Spiritus immundos, clamantes vocem magnam exhibant: Multi autem paralytici & claudi curati sunt.* Quæ videns ipse Simon Magus, profectus est se credere, ac Baptismum petens, illum à Philippo obtinuit, eique speciemus adhærens, signa quæ videbat stupeus admirabatur. Act. 8. 13.

III. Perlatâ ad Apostolos, qui erant Jerosolymis, tantæ Conversionis famâ, miserunt Petrum & Joannem: qui cum venissent pro recentibus conversis orantes, impoñentes eis manus, dabant eis Spiritum Sanctum. Quod cum vidisset Simon, obtulit ei pecuniam dicens v. 19.: *Dare & mihi hanc potestatem, ut*  
*Tom. V. O o o cui-*

*enicumque imposuero manus, accipiat Spiritum Sanctum. Quā autem indignatione sacrilegam hanc petitionem rejecerit Petrus, omnibus notum est: Pecunia, inquit, tua tecum sit in perditionem, quoniam donum Dei existimasti pecunia possideri. De hoc egi supra cap. 1. de S. Petro §. 5. à num. 3., ubi etiam causam assignavi, quare Philippus Diaconus Spiritum Sanctum à se Baptizatis non dedit. Ibi etiam de Eunuchō Reginae Candacis à Philippo baptizato num. 6. &c. locutus sum; ubi ostendi, quis ille, & quare Candaces Regina fuerit. Cur iste, & non alii, acceperit unā cum Baptismo Spiritum Sanctum. Primus fuisse creditur, qui in Æthiopia Evangelio imbuat Abyssinos, cujus mentio in collatione Baptismi apud ipsos fieri dicitur. Post Eunuchi conversionem & discessum Act. 8. v. 40. dicitur: *Philippus autem inventus est in Azoto* (Urbe in Sorte Tribus Judæ, diu tamen à Philistæis detenta) & *pertransiens evangelizabat Civitatibus cunctis, donec veniret Cæsaream.**

IV. Post hæc Scriptura nobis non exhibet Philippum nisi Act. 21. v. 8. hoc est ab anno 34. usque ad 58., ubi dicitur, quod cum Paulus cum Sociis venisset Cæsaream, hospitatus fuit in domo Philippi, cui erant quatuor filia virgines. Ex quo censent aliqui, & toto illo temporis spatio Cæsareæ domi suæ unā cum filiabus suis mansisse, ibique, ut jam citato loco dixi, vitam, & fortè etiam Martyrio, clausisse, si Dorotheo fides est. Latini tamen 6. Junii, & Græci 11. Octobris dicunt, eum in pace obdormisse; adduntque Græci, eum Tharallis in Asia Episcopum fuisse.

## §. II.

### De S. Herma.

I. **S** Hermas, de quo hic sermonem instituo, creditur fuisse ille, cui inter alios salutem dicit Paulus Rom. 16. v. 14. *Salutate . . . Hermam, Patroban, Hermen, & ceteros Fratres: quibus apparet, Hermam & Hermen (de quo aliquid infra) fuisse distinctos. Hermas iste vulgò existimatur Auctor libri dicti Pastoris. Ita Origenes ad Rom., Eusebius L. 3. hist. cap. 3., Hieronymus L. de Script. Eccles. cap. 10., & alii tum Veteres, tum Recentiores, inter quos Sixtus Senensis L. 2. Biblioth. Sanctæ in Herma. De libro Pastoris ejusque in Ecclesia auctoritate egi Tom. 1. Verit. Relig. Christ. cap. 4. de Libris Apocr. §. 7. & inferius aliqua addam. Quis autem & qualis fuerit Hermas, ex eodem libro colligam.*

II. Pu-

II. Putat Doduelliſius, Hermam fuiſſe non ſolùm Fidelem ſed & Presbyterum, in conjugio tamen vixiſſe, & ex eo liberos ſuſcepiſſe, quamvis poſtea revelatione didicerit, uxorem ſe tanquam ſororem habiturum. Verè tamen fuiſſe Laicum omnes conveniunt, revelationem autem de ea habenda ut ſorore, non eſſe de continentia cum ipſa deinceps ſervanda, ſed eſſe de ea trahenda ad Fidem Chriſti: erat enim fortè adhuc Pagana. Veriùs tamen crediderim, verba illa *habenda ut ſorore* non eſſe referenda ad uxorem, ſed aliam ſeminam, quam cùm juvenis eſſet viderat. Dicit enim in initio libri Paſtoris: *Qui enutriverat me, vendidit quamdam puellam Romæ. Poſt multos autem annos hanc viſam ego recognovi, & cæpi eam diligere ut ſororem. Exaſto autem tempore aliquo lavari eam in ſumine Tiberi vidi, & porrexi ei manum & eduxi eam è ſumine. Viſæque eâ cogitabam in corde meo dicens: Felix eſſem, ſi talem uxorem & ſpecie & moribus ſortitus eſſem. Hoc ſolùm, nec ultra quidquam cogitavi.* Ita de ſe ipſo Hermas.

III. Verùm cùm aliquantò poſt in hac cogitatione proficiſcens honorificaret Creaturam Dei, cogitans quàm magnifica & pulchra ſit, factum eſt, ut ſomno correptus viſus ſibi ſit rapi in locum quendam præruptum, quo ſuperato, cùm ad planitiem deveniſſet, & Deo conſiteri cœpiſſet peccata ſua, vidit aperiri Cœlum, & mulierem quam concupierat, de Cœlo cum ſalutantem. Et interroganti illi, quid ibi ageret, dixit, ſe miſſam à Deo, ut argueret ipſum, quia in ſe ipſam peccavit. Et reſpondente Hermâ, quomodò in te peccavi, quam ſemper reveritus ſum ut Dominam, & dilexi ut ſororem? Illa ſubridens ait, In corde tuo tamen admidiſti & coluiſti pravam cogitationem & concupiſcentiam de me. Hanc depone, hanc luge, & ſanabit Deus peccata tua & totius domus tuæ. Quo diſto ab oculis ejus evanuit, & clauſi ſunt Cœli. Hermas autem mœrens cogitabat, quomodò placaret Dominum: cùm vidit contra ſe ſtare Cathedram de lanis candidis, & Mulierem anum venientem ad ſe in veſte ſplendida & habentem librum in manu ſua, quæ ſalutavit eum & dixit: *Quid mæſtus es Herma, qui eras paſſivus & modeſtus & ſemper hilaris?* Et reſpondente illo: *Quia conſamelia mihi objecta eſt à muliere optima dicente, quod peccavi in eam;* dixit: Diſplicere quidem Deo, quod ſervus ſuus admittat in ſe concupiſcentiam pravam; ſed addidit, Deum non cauſâ ſui eſſe iratum, ſed contra domum ſuam, quia filii ejus nefariè viverent, & ipſe, cùm ſit amator eorum, dimiſit illos converſari violenter; propter hoc iratum eſſe Deum: & propter hoc cùm

ante divitiis abundaret ad egestatem, redactum esse, ut Deo liberius inserviret. Intellexit Hermas; & sic finis primæ Visionis fuit.

IV. Anno sequenti eadem Anus in visu ei apparuit eodem in habitu ut ante, sed legens libellum quemdam, dixitque Hermæ, se libellum illum ei daturum, ut ipsum exscriberet & traderet Electis Dei. Hermas acceptum librum sigillatim litterâ ad litteram transcribere conatus fuit, sed syllabas combinare non poterat. At quindecim post dies præmissis jejunio & precibus, intelligentiam libri ei aperuit. Hoc enim monebatur, ut & uxoris suæ linguam maledicam & filiorum peccata compesceret, cum securitate indulgentiæ illis à Deo consequendæ, si ex toto corde ad Deum converterentur. Interim ipse non meminisset injuriarum filiorum, sed curaret, ut à pristinis erratis resipiscerent; moneretque Ecclesiæ Rectores, ut omnia secundum justitiam agerent, & cunctos Fideles, ut ad imminentem persecutionem forti animo se præpararent. Cupienti autem Hermæ scire, quæ esset Anus illa, à juvene specioso iu somnis revelatum fuit, Anum illam esse Ecclesiam Dei, ideòque sub specie Anus se ei præsentasse; quia omnium prima creata est, & propter illam Mundus factus est.

V. Post hæc eadem Anus tertio sese Hermæ exhibuit in domo sua, eumque interrogavit, an libellum illum tradidisset Senioribus, & respondente illo: Adhuc non: illa dixit: Benè fecisti, asserens, se aliqua verba ei edicere velle; dixit ergo: *Scribes duos libellos, & mittes unum Clementi (Papæ) & unum Graptæ (quam putant aliqui Diaconissam fuisse) Mittet autem Clementis in exteras Civitates, illi enim permissum est. Grapte autem commovebit Viduas & Orphanos. Tu autem leges in hac Civitate cum Senioribus, qui præsum Ecclesiâ. Ex hoc postremo volunt aliqui, Hermam fuisse unum ex Presbyteris, sed, ut dixi, eum saltem tunc fuisse Laicum, verius judico.*

VI. Alias visiones habuit Hermas, visionem nempe ædificii Ecclesiæ & diverforum statuum, qui eam componunt, & hoc post aliquot dies in agro & in merdici. Revelata ei etiam fuit persecutio, quæ ventura erat, & hæc in itinere Campaniæ sub figura Belluæ monstruosæ. Aliâ vice Angelus Pœnitentiæ, quem ipse Pastorem vocat, ei apparens, varias instructiones cum scribere jubet, varias etiam Imagines in sui & aliorum utilitatem ostendit, præcipiens ei, ut prædicet pœnitentiam, promittens ei ex hoc magnum bonum se assecuturum. Promittit implevit hoc munus Hermas, indeque Ecclesia multum profecit, quam-



quamvis obdurati scandalizati potius fuerint. Hæ sunt, quas Hermas in libro Pastoris Visiones narrat, quas summatim ne prolixus essem perstrinxi. Liber iste Tom. 1. Biblioth. Patrum adhuc legitur, ejusque extensam narrationem exhibet Fleury Hist. Eccles. Tom. 1. Lib. 2.

VII. Quantæ auctoritatis olim fuerit in Ecclesia, & quantæ modò habendus sit liber Pastoris, satls demonstravi loco supra citato Cap. 4. de Libris apocr. §. 7. Tamquam rem Divinam illum reputat Clemens Alexandr. L. 1. Strom. ; Athanasius L. de Incarn. de Decretis Nicenæ Synodi, & alibi Librum utilissimum appellat, cum citat unà cum Sacris Scripturæ Libris: Arianos eo, quamvis in Canone non esset, usos fuisse affirmat. Idem senserunt Irenæus L. 4. cap. 37. eo utens contra Hæreticos: Origenes, nedum utilem, sed tanquam à Deo inspiratum putat; Tertullianus adhuc Catholicus de Orat. cap. 12. benè de eo sentit, quamvis factus Montanista L. de Pudicitia cap. 10. illum aspernetur. S. Maximus ipse septimo seculo cum cum Daniele citat. Alii tamen suscipiebant quidem illum tanquam utilem, non tanquam Divinæ auctoritatis. Ita refert Eusebius L. 3. hist. c. 3. his verbis: *quoniam verò Apostolus Paulus in salutationibus illis, quæ sub finem Epistolæ ad Romanos leguntur, inter ceteros mentionem fecit Hermæ, cujus esse fertur is liber, qui Pastor inscribitur est: sciendum est, eum librum à nonnullis quidem in dubium esse revocatum; quamobrem inter receptæ auctoritatis libros censeri non potest. Ab aliis verbò maximè necessarius judicatur, iis præsertim qui primis Religionis nostræ elementis instituendi sunt: unde etiam in Ecclesiis eum publicè legi comperimus, & quosdam ex vetustissimis Scriptoribus ipsius testimonio usos fuisse.* Ita Eusebius. Procedente tempore hujus Libri auctoritas declinare cœpit. S. Prosper in Collat. cap. 30. rejicit testimonium, quod ex eo Cassianus trahebat, tanquam nullius auctoritatis; & Concilium Romanum sub Gelasio inter apocrypha illum rejicit: quod tamen intelligendum puto, apocryphum declaratum fuisse, non quasi contiueus doctrinam Fidei contrariam, sed tanquam non Divinum; nec ideo potens ad res Fidei confirmandas solidum præbere argumentum.

VIII. Ex hæcenus dictis compertum est, Auctorem libri Pastoris non fuisse Hermam Pii I., qui Ecclesiam circa annum 154. regebat, Fratrem, idest centum ferè annis posteriorem; is enim non potuit esse ille, quem Paulus salutatur, nec usque ad tempora Pii superstes. Imò quomodò potuissent Veteres tanquam Scripturam Sacram asserre Opus recentis & cœvi Auctoris,

ris, & maxime S. Irenæus L. 4. cap. 37., qui tempore Pontificatus Pii in vivis erat, si ab Herma ejus fratre editus fuisset? Auctor ergo libri Pastoris fuit Hermas alter S. Pauli Discipulus, qui temporibus S. Clementis Papæ (ut in eo indicatur) anno 92. paulò ante Domitiani persecutionem illum edidit. De hoc Ado, Usuardus, & Martyrol. Rom. die 9. Maii festum agunt: Græci autem in Menologiis die 4. Novembris 8. Martii, & 5. Octobris, ubi eum vocant Apostolum, ex 72. Discipulis, & faciunt Episcopum Philipporum in Macedonia, sive Philippopolis in Thracia. Martyrologium tamen Romanum facit eum Romæ virtutibus clarum quievisse.

## CAPUT VI.

## De Sancto Dionysio Areopagita.

## §. I.

*De ejus Conversione & Atheniensis Episcopatu.*

I. **D**ionysium Areopagitam dictum, quia erat unus ex Judicibus, qui Athenis in Areopago sententiam proferrebant, Christi Fidem amplexum fuisse eà Concione, quam in eodem Areopago S. Paulus habuit, superius indicavi Cap. 2. de S. Paulo §. 11. num. 15. Hunc S. Casarius S. Gregorii Nazianzeni frater in Dialogis ejus nomen præferentibus putat, originem ex Thracia traxisse, Atheniensi tamen Civilitate donatum. Communiter verò existimatur, eum origine & natalitate Civem Atheniensem fuisse, cum S. Chrysostomo L. 4. de Sacerdotio cap. 7. Is Areopagi (*Areopagos enim Atheniensium Curia vocabatur* ait August. Serm. modò 150.) Judex, seu, ut aliqui volunt, Princeps erat. De eo post ejus conversionem ad Fidem, quæ narratur Act. 17. v. 34., Scriptura ampliùs non loquitur. Et propterea circa ejus Gesta & exitum Auctores in diversas sententias abierunt.

II. Conveniunt tamen omnes, Dionysium Areopagitam fuisse primum Atheniensem Episcopum à S. Paulo ordinatum. Hoc refert ex Dionysio Corinthiorum Episcopo L. 3. hist. cap. 4. & Lib. 4. cap. 23. Eusebius: & Græci omnes ac Latini subscribunt. Quoad reliqua, Græci in Menologio Basilii hæc habent die 3. Octobris: *Magnus Dionysius in urbe Athenarum unus ex iis, qui gloriâ divitiis & sapientiâ excelebant, in eo, quem Areopagum*

vocant, causarum Judex erat. Cùm verò Sanctus Apostolus Paulus Athenas profectus, Christum predicaret, uti erat acri ingenio, veritatem facillè intellexit, & in Christum credidit, baptizatusque Athenarum Episcopus ordinatur, multosque Græcorum docuit, & ad Deum conversos baptizavit. Didicit etiam arcana Dei mysteria à Sancto Hierotheo Episcopo, & multos Libros de Cælestibus Virtutibus conscripsit. Delatus autem ad Athenarum Præfectum ab Idololatriis, comprehenditur cum duobus Discipulis, cùmque multa tormenta subiissent, primus quidem ipse decollatur, qui suis manibus caput ad duo milliaria sustulit, nec prius deposuit, quàm Christiana Femina obviam factus, illud ei tradidit. Postea & duo ejus Discipuli capite obruncati sunt. Ita Græci.

III. Latini autem in Martyrol. Rom. die 9. Octobris ajunt: *Latetia Parisorum natalis Sanctorum Martyrum Dionysii Areopagite Episcopi, Rustici Presbyteri, & Eleutherii Diaconi: ex quibus Dionysius ab Apostolo Paulo baptizatus, primus Atheniensium Episcopus est ordinatus: deinde Romam veniens, à Beato Clemente Romano Pontifice in Gallias predicandi gratiâ directus est; & ad præfatam Urbem deveniens, cùm ibi per aliquot annos commissum sibi opus fideliter prosequeretur, tandem à Præfecto Fescennino post gravissimam tormentorum genera unà cum sociis gladio animadversus, Martyrium complevit.* Hic aliqua tacentur, quæ in Menologio asseruntur, & ab opposito aliqua asseruntur, quæ ibi tacentur. Tacetur hic, quòd Dionysius à Hierotheo de Divinis arcanis instructus multos de Cælestibus Virtutibus Libros conscripserit. Tacetur, quòd Caput sibi abscissum propriis manibus ad duo milliaria prodigiosè portaverit. Hoc tamen, ut Baronius ibi notat, asserunt etiam Hilduinus ex Visbio, Metaphrastes & Nicephorus L. 2. hist. cap. 30. Ab opposito autem hic asseritur missio Areopagite in Gallias, ejusque Parisiis Martyrium, cuius ibi nulla mentio fit, imò supponitur, Athenis mansisse, & illic Martyrium consummasse. De quo magna inter Recentiores controversia est, ut infra dicam.

IV. Discordia etiam est circa annum Martyrii S. Dionysii. Quidam enim, ut refert Baronius ad annum 109. num. 39., volunt, eum sub Domitiano illud passum fuisse: ita ex Græcis Metaphrastes in Dionys. die 9. Octobr., & ex Latinis Hilduinus in Areopagit., & Hincmarus Lugdunensis Episcopus, & alii. Verùm hæc pugnant cum Epistola ipsius Dionysii ad Joannem Evangelistam, dum esset in Pathmos scripta, in qua dicit, brevi cum fore ab illa relegatione solvendum, & brevi mutuo fruturos esse congressu: verba Epistolæ sunt: *Post paululum verò* (di-

(dicam, etsi audax dictū videatur) tibi carissimā societate jungamur. Ero autem prorsus dignior, cui fides babeatur, si, quæ tibi præcognita sunt, quæ ex Deo didici, hæc loquar: quod scilicet ex Pathmi custodia dimittendus es liber, & in Asiaticam terram reversurus. Quæ cum ex Dei revelatione se dicere profiteatur, oportuit impleri; impleta autem non fuissent, si sub Imperio Domitiani Martyr occubisset; cum nisi post necem Domitiani sub Nerva Joannes ab exilio redux fuerit: refert etiam hoc Michael Syncellus. Insuper idem Dionysius in lib. de Divinis Nominibus (quem præfati Auctores admittunt) affert testimonium ex Epistola S. Ignatii ad Romanos; S. autem Ignatium sub Trajani anno circiter undecimo Martyrium passum fuisse creditur; igitur Dionysius multis annis Domitiano superstes fuit. Demum si idem qui supra Hincmarus dicit, Dionysium Martyrium fuisse passum post Clementem Papam, cum is sub Trajano passus fuerit, quomodo sustinere potest, Dionysium sub Domitiano Martyrem obisse?

V. His igitur dimissis, veriùs dicendum est, S. Dionysium sub Trajano vitam clausisse. Ita Michael Syncellus Presbyter Jerosolymitanus noni seculi Scriptor, qui Dionysii Vitam ex iis, quæ à Majoribus scripta invenerat, se contexisse profitetur. Quin Beda & Ado in Martyrol. initia saltem Hadriani Imperii eum attigisse volunt. Quare Dionysium, vel sub finem Imperii Trajani, vel in initio Hadriani, probabilius est Martyrium consummasse. Ita laudatus Syncellus his verbis: *Beatum ejus agonem in postremis Trajani Regni diebus fuisse accepimus. Nam in quarto narrationis de Divinis Nominibus capite, ubi amoris appellationem laudat, dicit* „Jam verò quibusdam ex nostris Sacrorum Traditoribus visum est, amoris nomen quàm dilectionis esse divinius: scribit enim & Divus Ignatius, Amor meus Cruci suffixus est,, *Hoc enim verbum Divinus Ignatius extremo supplicio Romæ dimicaturus, ac Leonibus imperio Trajani Regis cibus projiciendus, circa nonum Regni ipsius annum defæcientis contra Christianos pietatis amantissimos, Romanis per Epistolam scripsit. Ut hinc liqueat, sub finem tyrannica sævitia, ut pridem diximus, Dionysium Sacrorum interpretem mortem occubuisse.* Deinde hoc idem probat ex Epistola, quam Dionysius scripsit ad Joannem Evangelistam, dum esset in Pathmos, de qua supra locutus sum.

VI. Quoad ætatem, in qua S. Dionysius Martyrium consummavit, recedendum puto à supradicto Syncello, qui scribit septuaginta annos Apostolicum cursum percurrisse; nisi fortè ibi non annos vitæ, sed annos prædicationis recensere voluerit. Ut enim

enim observat Baronius ad annum 109. num. 50., multò longius vitam produxit Dionysius : nam ut ipse ad Apollopheanem scribens testatur , tempore obitus Salvatoris , quo contigit admirandum illud Solis deliquium , annum ætatis vigesimum quintum agebat . Si ergo ad finem Imperii Trajani ejus Martyrium , vel ad Hadriani initia protrahimus , annum supra centesimum eum tunc egisse dicendum erit , & ferè centesimum nonum , ut ex Chronologia apparet . Nec mirum esse debet , sed ad Divinam potius Providentiam referendum , quæ aliquos ad tantam ætatem tunc perduxerit , ut Apostolicarum Traditionum essent veluti quædam viva monumenta . Sic Ignatium , qui Dominum in carne vidisse traditur , ut ex Hieron. de Script. Eccles. c. 16. : sic Quadratum , qui temporibus ejusdem Trajani post Dionysium Ecclesiam Atheniensem administravit ; hic complures se vidisse tradit , qui tempore Christi à variis languoribus sanati erant , qui à mortuis excitati à Christo fuerant . Unde S. Hieronymus L. de Script. Eccles. cap. 19. de Quadrato refert , quòd *antiquitatem suæ ætatis ostendens ait , plurimos à se visos , qui sub Domino variis in Judæa oppressi calamitatibus sanati fuerant , & qui à mortuis resurrexerunt* . Sic præter alios Simeonem Episcopum Jerosolymorum usque ad centesimum vigesimum annum servasse traditur .

## §. II.

*De S. Dionysii in Gallias Adventu .*

I. **D**uplex de S. Dionysio Areopagita à Recentioribus agitur quæstio . Una , an Scripta , quæ à multis seculis sub ejus nomine feruntur , genuini partus illius sint an potius suppositi . Altera , an Dionysius , qui in Gallias adventavit , & Parisiensem rexit Ecclesiam , fuerit Arcopagita , an alius diversus . De priori aliqua dixi de Vita Christi c. 40. §. 4. n. 20. &c. quæ recolenda sunt : non enim præsentis instituti puto esse , ulteriora subungere .

II. Alteram ergo quæstionem , quæ non minori contentione inter Recentiores agitur , examinandam pro viribus suscipiam . Qui volunt , Dionysium Parisiensem Episcopum eundem esse ac Arcopagitam ( inter quos Baronius in Annalibus , & præcipuè in Notis ad Martyrol. diei 9. Octobris ) volunt causam hanc fuisse ante annos octingentos controversam & finitam , & solum à Recentioribus iterum in controversiam vocatam .

Fundant hoc primò in auctoritate Hincmari Remensis, qui nono seculo scribens ad Carolum Calvum Imperat. rem hanc tanquam certam testatur dicens: *Patrem vestrum Dionysium esse Arcopagitam à Beato Paulo Apostolo baptizatum, & Atheniensem ordinatum Episcopum, & in Gallias à Beato Clemente directum, ex his quæ Græca testificatio, & S. Romanæ Ecclesiæ attestatio, & Gallicana intimat contestatio, ratum in hac causa (quod longè ante nos dictum est) recognoscant.* Cùm igitur dicat Hincmarus, se hoc hausisse ex Græca testificatione, S. Romanæ Sedis attestatione, & Gallicana contestatione, hoc triplici testimonio probare conantur Latini.

III. Ex Græcis ergo: Cùm enim seculo nono cœptum fuerit aliquialiter de hoc dubitari, Methodius Patriarcha Constantinopolitanus & Martyr ante annum 818., quo Romam venerat Imperatoris Orientis Legationem gerens, cùm adhuc esset in Græcia, scripsit vitam S. Dionysii Arcopagitæ, quam secum Romam allatam Paschali Papæ obtulit, in qua expressè tradit, eum missum cum sociis in Gallias fuisse, his verbis: *Beatus quoque hic Dionysius Crucis aratro mare diffundens Athenis Romam à cœlesti Divinaque voluntate, ut à Deo delectus, per viam deductus venit. Ingressus, cùm Beatum Clementem invenisset, qui Apostolicæ Sedis potestatem habebat, ab eo cum digno honore statim, ut vires suppetebant, receptus est.* Et infra: *Tum S. Dionysius missus in Aquitania partes S. Antonino, ipse cum S. Luciano, S. Rustico, & Sancto Eleutherio ad Urbem Parisios profectus est. . . . Ipse verò S. Dionysius Parisius mansit.* Nec reponat Launojus, Methodium accepisse hæc ab Hilduino primo fabulæ hujus inventore ac incentore. Nam si attentè consulat Epocham, inveniet prius scripssisse Methodium quàm Hilduinum. Nam ut dixi Methodius vitam S. Dionysii elaboraverat antequam Romam veniret: venit autem anno 818., ut testantur Cedrenus, Glycas, & Constantinus Manassès. Porro Hilduinus vitam S. Dionysii non conscripsit ante annum 835. (saltem sexdecim annis post) eo scilicet anno, quo Ludovicus Pius restitutus fuit in Regnum: Tunc enim ab eodem jussus fuit Hilduinus vitam S. Dionysii adornare, ut constat ex Epistola & mandato Imperatoris ad ipsum datis. Dicere ergo potius Launojus potuisset, Hilduinum ex Methodio exscripsisse. Sed quidquid sit;

IV. Hoc idem testatur Michael Syncellus Hierosolymitanus, de quo supra, qui in eleganti Panegyri de S. Dionysio Arcopagita, ubi postquam S. Dionysii accessum ad Gallias memorasset, de ejus Martyrio locuturus, dicit, quòd cùm annua-

tia-

tium esset persecutoribus, cum Parisiis tunc parvo Oppido consistere, eò accurrerunt, ac ipsum cum sociis Rustico & Eleutherio comprehenderunt. Deinde narrato, quòd post plura certamina tam ipsi quàm sociis caput amputarunt, in laudem Parisiensis Urbis erumpens: *Quàm verè, inquit, beata Parisina Civitas, quæ amplitudine quidem inter Galliæ Civitates est minor; dum verò te, o Doctorum præstantissime, thesaurum sensibilibus divitiis pretiosorem fortitò accepit, patronumque & excubito rem acquisivit, splendidior omnibus æstimata est.*

V. Ut autem magis appareat, quàm temerè dicatur, narrationem S. Methodii nihili vel saltem parvi faciendam esse, accedat Anastasius S. R. E. Bibliothecarius, qui de ejusdem scriptis diu à se conquisitis, & tandem inventis anno 886. ad Carolum Calvum Imperatorem ita scribit: *Passionem S. Hieronymi Martyris Dionysii quondam Areopagita, postque Athenarum Antistitis, quam Romæ legi cum puer essem, quamque à Constantinopolitanis Legatis (Methodio &c.) audieram, secundum jussionem vestram, diu quæsitam, tandemque in maximo Cænobiis Romæ situm repperit, etiam inter diversos languores positus, arrepto interpretatui certamine Latino eloquio tradidi, quantum potui auxiliante Deo; & si non ex toto verbum è verbo, sensum tamen penitus hauriens. Cesset ergo jam quorundam opinio perhibentium, non esse Areopagitam Dionysium eum, qui propè Parisium corpore ac virtutibus redolet.* Ita Anastasius, ac si recentioribus Criticis idem opinantibus loqueretur.

VI. Ex his apparere incipit, Ecclesiam etiam Romanam in hac fuisse sententia, & eò magis, quia antiqua Missalia Gallicana & Officia, in quibus Sanctus Dionysius Areopagita Parisiis Episcopus legebatur, referente Hilduino, Summorum Pontificum auctoritate Innocentii Gelasii Gregorii fuere probata: qua de re apud Parisiensem Ecclesiam adhuc extasse litteras, idem Hilduinus testatur. Sed quid antiqua perscrutor? Martyrologium Romanum jussu Pii V. & Clementis VIII. per Viros eruditos ad historię fidem correctum, ut supra retuli, S. Dionysium Areopagitam in Gallias missum à S. Clemente, Parisiensem fundasse Ecclesiam, Parisiis Martyrio coronatum fuisse testatur.

VII. De perpetua Ecclesiæ Gallicanæ Traditione ambigendum non arbitror. Nam hoc testantur hymni & partes aliæ Officii Ecclesiastici in Galliis, maximè tempore Caroli Calvi recitari soliti. Ut Hymnus Fortunati Pictaviensis, in quo de Sancto Dionysio Areopagita hæc canuntur:

*Clemente Romæ Prasule  
Ab Urbe missus adfuit  
Verbi Superni Seminis  
Ut fructus esset Gallia.*

Antiphonale Gregorianum jussu ejusdem Caroli Calvi editum, ubi prima Antiphona ad Vigiliis Matutinis ita habet: *S. Dionysius, qui sedente B. Clemente Petri Apostoli Successore Verbi Domini semina Gentibus parturienda suscepit*: quod iisdem ferè verbis repetitur in Responsorio tertio primi Nocturni. Ne autem dicatur, hæc esse Monumenta antiquata, sciendum, quòd cum selecti ex Sacra Facultate Parisiensis Theologi ad Breviarii Parisiensis emendationem, quæstionem de S. Dionysio Areopagita & Parisiensi Episcopo diligenter expendissent, & in utramque partem agitaissent coram Archiepiscopo Harlæo: primò censuit sapiens ac prudens Archipræsul, antiquam Ecclesiæ Gallicanæ de uno Dionysio Areopagita & Parisiensi Episcopo Traditionem suo honore servandam esse, nec convellendam piam Majorum opinionem probabili in re munitam propter aliquorum particularium aliter opinantium sententiam.

VIII. Sanè adeò exploratum habuit Gallia post examen seculo nono institutum, Dionysium Parisiensem primum Episcopum fuisse Areopagitam, ut Æneas Parisiensis Episcopus Libro quem adversus Græcos edidit circa annum 859. hunc titulum præfixerit: *Æneas Parisiacensis Urbis Episcopus, quòd primus præfedit S. Dionysius à Paulo Apostolo Atheniensium consecratus Archiepiscopus, sed à Sancto Clemente totius Gallia constitutus Apostolus, pacem & gloriam Catholica Fidei Cultoribus*. Item anno 1031. in Synodo Lemovicensi ex Scriptura, quæ Eugolismæ Aquitaniæ Urbe asservabatur, hæc recitantur: *Quod Clements quemdam Philippum ordinaverit Episcopum, & Hispania destinaverit ad prædicandum; Dionysio verd Verbi Divini semina Gentibus tradidit eroganda, quem in Galliam misit, sociosque ei Saturninum, Marcellinum, & Lucianum, atque Rusticum, & Eleutherium adhibuit. Qui cum simul pervenissent ad portum Arelatensem Civitatis, Marcellinus in Hispaniam abiit, Saturninus autem Tolosam profectus est, & Dionysius cum Rustico & Eleutherio Parisios adierunt*. Anno etiam 1050. sub Leone IX. Romano Pontifice, & Henrico I. Galliarum Rege, teste Rigordo apud Bail Tom. 2. Conc. exorto dubio, an Corpus S. Dionysii verè asservaretur in ejus Ecclesia, quam Dagobertus fundaverat, nec ne; missique ab Imperatore ad Henricum Regem super hoc legatis, Henricus convocatis Archiepiscopis Episcopis & Baronibus totius Regni



gui ad Ecclesiam S. Dionysii misit, ubi factâ oratione, allata sunt tria vasa argentea diligentissimè sigillata S. Dionysii Sancti Rustici & S. Eleutherii nominibus superscripta: & aperto vase S. Dionysii totum Corpus ejus repertum est, quibuscumque exceptis partibus, præcipuè brachio, quod Stephanus III. Papa Romam asportavit, & in Ecclesia, hodie Schola Græcorum vocata, reposuerat.

IX. Gallicanæ adjungitur Ecclesia Toletana Hispaniæ. Nam S. Eugenius junior Episcopus Toletanus, qui floruit circa annum 650. longè ante Carolum Magnum, & Hilduinum, cujus meminit S. Hildephonsus L. de Viris Illustribus, ubi inter ejus opera Libellum Carminum recenset. Is igitur in Hymno de Sancto Dionysio, quem ei tribuit Hugo Menardus, S. Dionysium Areopagitam à Clemente Romano Pontifice in Gallias missum ita testatur.

*Cæli cives applaudite  
Mundi jucundo lumini  
Quo illustratur cælitus  
Hujus diei gratia &c.  
Areopago Athenæ  
Regis sumsisit diadema  
Cælestis gemmam fulgidam  
Dionysium Sophistam &c.  
Clemente Romæ Prasule  
Jubente venit Galliam &c.*

Acta quoque S. Genevesæ Virginis Parisiensis, quæ obiit paulò post annum 484. regnante Clodoveo Francorum Rege, S. Dionysium Areopagitam à S. Clemente in Gallias missum testantur apud Surium ad diem 3. Januarii. Quod expressit etiam Venantius Fortunatus in suo Hymno anno 565. Cum igitur talis extaret Traditio, Dagobertus Galliarum Rex, qui anno 629. regnare cœpit, magnificum in memoriam S. Dionysii construxit Templum, in quo sibi sepulcrum elegit. Templum illud, eique annexum Monasterium multis auxit privilegiis anno 662. ac sui Regni 16., Clodoveus II., ut ex ejus diplomate edito in Concilio Clypiacensi; quod refert Bail Tom. 2. Concil., in quo hæc habentur: *Nostri itaque devotio hæc extat animi, ut Monasterium Patroni nostri Dionysii, in quo ipse cum consortibus testimonii veritatis requiescit humatus &c.* Quibus alia addidit Pipinus anno 757. Regni verò 17. & ultimo, cujus diploma in Archivo dicti Monasterii custoditur, in quo hæc leguntur: *Dionysius & sæpè jam dictus Rusticus & Eleutherius, qui primi post Apostolos, sub*  
ordi-

*ordinatione Clementis Petri Apostoli Successoris, in hanc Galliam Provinciam advenierunt.*

X. Ex dictis apparet, adventum S. Dionysii in Gallias ab exordio Ecclesiæ, nemine reclamante, imò Ecclesiis Græca, Romana, Gallica, & Hispana uno consensu attestantibus, tanquam indubitata Traditionem habitum fuisse. Et licet seculo nono coeptum fuerit dubitari, an Dionysius, qui in Gallias advenit, fuerit Areopagita, an alter: attamen à Scriptoribus illius seculi Methodio, Hincmaro, Hilduino ex præfatis Ecclesiarum antiquis attestationibus omnis dubitandi ratio sublata est: & in hac fide omnes perseverarunt: donec novissimis temporibus contra hanc Traditionem Sirmondus & Launojus vexillum iterum erexerunt: adeò ut divisos inveniam Modernos, aliis pro antiqua Traditione stantibus, inter quos Natalis Alexand. Tom. 1. hist. Eccles. disert. 16. proposit. 2. Chiffletius & alii, aliis eam rejicientibus, aliis in dubio relinquentibus.

XI. Rationes, quibus Auctores oppositi moventur, ut negent, Dionysium Parisiensem fuisse eundem ac Areopagitam, videri possunt apud Natalem Alexandrum citato loco, qui eas solvit, cui tamen novissimè refragatur Roncaglia animadversione 2. in dictam disert. 16. ejusdem Alexandri. Is enim animadvers. 1. adheret Alexandro dicenti sub Clemente I. Pontifice Fidem in Gallia prædicatam fuisse, & animadv. 2. ab eo recedit, dicens, Dionysium missum in Gallias non fuisse Areopagitam. At quæso: Si inter primos ex Apostolorum Discipulis, qui à S. Clemente in Gallias missi sunt, unus fuit Dionysius nomine: & hic non fuit Areopagita, dicat, quis alius Dionysius fuit? Certè inter Apostolorum Discipulos nullum alium Dionysium nisi Areopagitam invenio, nisi ipse alterum exhibeat. Dionysius ille, de quo Gregorius Turonensis L. 1. hist. Franc. cap. 30. dicit, quòd sub Decio unà cum aliis sex Episcopis in Gallias missus fuit, non potuit à S. Clemente mitti, nec unus ex Apostolorum Discipulis esse, cùm hæc missio anno Christi 250. contigerit, quo certè tempore non poterat à S. Clemente mitti, qui post annum centesimum Martyrium consummavit. Quis igitur est iste alter Dionysius Parisiensis, si Areopagita non est? Dionysium hunc à S. Clemente fuisse missum creditur: quia antiqua Monumenta hoc testantur: at cùm eadem, saltem pleraque testentur etiam fuisse Areopagitam, cur fidem in hoc non merentur? Adsunt Acta S. Dionysii à Visbio teste oculato illius Martyrii conscripta, quæ vetustate penè absumptà Hilduinus ab interitu vindicavit, & Ludovico Pio Regi ac Imperatori

ratori obtulit. Hæc testabantur, Dionysium Areopagitam, à Paulo Apostolo ad Fidem Christi conversum, à S. Clemente missum in Gallias, Parisiensem fundasse Ecclesiam, & sanguine suo irrigasse. At hæc, inquires, fuere ab Hilduino conficta. Et tamen, dicam ego, hæc alia similia fidem indubiam per tot secula in Ecclesiis Græca, Romana, Gallicana, Hispans, ut supra notavi, obtinuerunt.

XII. Relictâ igitur cuique aliter opinandi potestate, claudam cum Tertulliano lib. de præscript. cap. 28. *Et quid verisimile est, ut tot ac tantæ Ecclesiæ in unam fidem erraverint? Nullus inter multos eventus est unus exitus. Variasse debuerat error doctrinæ Ecclesiarum. Cæterum quod apud multos unum invenitur, non est erratum, sed traditum: & infra cap. 31. Ex ipso ordine manifestatur, id esse Dominicum & verum, quod sit prius traditum; id autem extraneum & falsum, quod sit posterius immixtum.* Cum igitur assertio, quæ Dionysium missum in Gallias à S. Clemente fuisse Areopagitam testatur, sit prius tradita; quæ verò duos Dionysios ponens vult alterum ab Areopagita venisse in Gallias, sit posterius immixta, quænam sit ut vera amplectenda, æquo judici statuendum relinquo. Qui plura de hac re optaverit adeat inter cæteros Natalem Alexandrum tom. 1. Hist. Eccl. secul. 1. disert. 16. propos. 2., ubi Recentiorum aliter opinantium momenta soluta reperiet; & Baronium etiam in Notis Martyrol. ad diem 9. Octobris.

## C A P U T VII.

### De S. Simeone Jerosolymitano.

#### §. I.

#### *Genus & Electio ad Episcopatum.*

1. **E**X Veterum Traditione Sanctus iste Simeon Cleophaæ filius fuit, & Mariæ dictæ Mariæ Cleophaæ, ac fororis Beatæ Virginis; nepos S. Joseph, & frater Jesu Christi consobrinus. Frater quoque germanus S. Jacobi Minoris, Judæ & Joseph seu Jose: alias dictus etiam *Simon*. Unde creditur fuisse ille, qui apud Marcum cap. 6. v. 3. inter fratres Domini à Judæis recensetur: *Nonne hic est faber, filius Mariæ, frater Jacobi, & Joseph, & Judæ, & Simonis?* Legitur etiam Matth. 13. v. 53. *Simon enim & Simeon* in idem redibant: unde

ob-

observant aliqui, quòd Petrus regulariter dictus *Simon*, in textu originali vocatur *Simeon*. Et hunc Simonis nomine appellat etiam S. Hieronymus in cap. 2. ad Galat. dicens de Jacobo Minori: *Qui & ipse postea de Templo præcipitatus, successorem habuit Simonem*. Hunc Simeonem facit filium Cleophæ, & patruelem Christi Eusebius lib. 3. hist. cap. 11., & cap. 32. infra referendus.

II. Simeonem fuisse unum ex Discipulis Domini, censet idem Eusebius dicto cap. 32. Porro, inquit, *hunc Simeonem non absurdè quis dixerit, & spectatorem & adiutorem Domini fuisse: cum & diuturnitas vita ipsius & Evangeliorum Fides adstruere videatur, in quibus Maria quædam commemoratur Cleopæ filia (vel ut alii volunt uxor) cujus Simeonem filium fuisse supra docuimus (cap. 11.)* Cum ergo Simeon inter fratres & discipulos Domini fuerit, credibile sit, eum fuisse de numero illorum, qui serò, idest paulò ante passionem crediderunt, & de quibus S. Joann. cap. 7. v. 5. dicit: *Neque enim fratres ejus credebant in eum: ubi S. August. tract. 18. in Joan. Quare, inquit, in eum non credebant? Quia humanam gloriam requirebant. Nam & quiddam videntur monere fratres, gloriæ ipsius consulunt: facis mirabilia, innotescere, idest apparere omnibus, ut laudari possis ab omnibus. Loquebatur caro carni; sed caro sine Deo, carni cum Deo: loquebatur enim prudentia carnis Verbo, quod caro factum est, & habitavit in nobis.* Fundamentum autem hoc asserendi accipit Augustinus ex v. 3., ubi habetur: *Dixerunt autem ad eum fratres ejus: Transi hinc, & vade in Judæam, ut & Discipuli tui videant opera tua, quæ facis* &c. Et idè jure subditur: *Et fratres ejus non credebant in eum*, qui gloriam suam non quærebat: unde Joann. 8. v. 50. dicit: *Ego autem non quero gloriam meam.* Cum Lucas Act. 1. v. 13. & 14. inter eos, qui post Christi ascensum erant unitim perseverantes in oratione, recenscat etiam fratres Domini, tacitè indicat, inter eos fuisse etiam Simeonem.

III. Dum Judæi in S. Jacobum Episcopum Jerosolymitanum irruerant, necem ei parantes, refert S. Epiphanius hæres. 78. cap. 14., Simeonem ejus fratrem liberrimè ipsos increpassè. Eusebius tamen lib. 2. hist. cap. 23. ex Hegesippo putat, hunc qui Judæos increpavit, fuisse unum è Sacerdotibus Rechabitarum, ait enim: *Cumque hominem saxis obruerent, unus è Sacerdotibus ex filiis Rechab filii Rechabim, qui Hieremiæ suffragio commendati sunt, contentâ voce: Parcite, inquit, quid facitis? Justus orat pro vobis.* Cum ergo Simeon Jacobi frater, nec Sacerdos fuisse legatur, nec de stirpe Rechabitarum, alius ab ipso fuisse qui incre-

crepavit credendus est: nisi fortè dicamus duos fuisse qui Judæos à tanto scelere deterrere conati sint, nempe & Simeonem, ut dicit Epiphanius, & hunc Rechabitam, ut sen tit Hegeſippus. Si tamen verum eſſet quod ſupra cap. 7. de S. Jacobo Minore ſ. 3. num. 7. admiſi, nempe S. Jacobum Minorem potuiſſe de numero Sacerdotum eſſe, cùm ingreſſus in Templum ei quotidie, imo & in Sancta permitteretur, idem de Simeone ejus fratre exiſtimari poſſet. Sed hoc aſſertivè nec ibi dixi, nec modò dicam.

IV. Hoc certum eſt, quòd cùm Jacobi Minoris Martyrio ac morte Jeruſolymorum Eccleſia ſuo viduata manuſſet Paſtore, anno Chriſti 62. vel 63. communi Apoſtolorum & Diſcipulorum Domini ſuffragio, Simeon deſuncto fratri ei in Succeſſorem datus fuit. Ita refert Eufebius L. 3. hiſt. cap. 11. : *Post Martyrium Jacobi & continuò ſubſecutam Jeruſolymorum expugnationem, ſama eſt, Apoſtolos cateroſque Domini Diſcipulos, qui adhuc ſuperſtites agebant, ex variis locis in unum conveniſſe, & unà cum iis, qui Dominum ſecundùm carnem propinquitate generis contingebant (plerique enim eorum adhuc in vivis ſupererant) in commune conſuluiſſe, quis in Jacobi locum ſuccedere mereretur. Omnes utique uno conſenſu Simeonem filium Cleopæ, illius, cujus in Evangeliiſ fit mentio, Episcopali Sede dignum judicaverunt.* In hac tamen Eufebii narratione obſervationem meretur, quòd Simeonis electionem in Episcopum videtur diſſerre ad tempus poſt expugnatam Jeruſolymam, hoc eſt ad annum Chriſti 70. vel 71. quaſi octo vel novem annis Eccleſia illa ſine Paſtore manſerit: quod eſt contrarium iis, quæ ſcripſit in Chronico, ubi dicit, quòd ſtatim poſt Jacobi mortem Simeon electus fuit anno Neronis ſeptimo. Et hoc quidem veritati magis conſonum eſt: quis enim credat, Apoſtolos alioſque Diſcipulos adedò neglexiſſe Eccleſiam principalem, ut eam octo annis ſine Paſtore reliquerint, quo tempore Fideles maximè indigebant Viro, qui eos regeret & in Fide confirmaret? Vix quatuor à nece Jacobi effluxerant anni, cùm bellum Jeruſolymis exitiale exortum fuit, unde Fideles qui ibi erant ad cladem declinandam in Urbem trans Jordanem nomine Pellam Divino monitu tranſfugerunt. Rem narrat Eufebius L. 3. cap. 5. hiſ verbis: *Sed & cùm univerſa Plebs Fidelium Eccleſiæ Jeruſolymitana ex Oraculo, quod Viris quibuſdam Sanctiſſimis divinitus editum fuerat, ante initium belli ex Civitate migrare, & Oppidum quoddam trans Jordanem Pellam nomine incolere juſſa fuiſſet, jamque omnes, qui in Chriſtum crediderant, reliſſis Jeruſolymis ſedes ſuas Pellam tranſtulſſent: ita*

Tom.V.

Qq q

O Re-

*Et Regia Urbe, qua totius Gentis caput est, & universa Judæa Viris Sanctis destituta, tum demum Divina illos ultio ob tot admissa tum in Christum tum in ejus Apostolos scelera corripuit, totamque illam impiorum sobolem funditus delevit. Numquid in hac transmigratione & mora Pellæ nullus aderat Fidelibus Dux aut Pastor, qui eos regeret? nullus certè adfuisset, si nomen post expugnatam Jerosolyniam Simeon electus fuisset: jam ergo ante fuerat electus. In hanc sententiam venio, quamvis supra oppositum admiserim.*

## §. II.

*Gesta in Episcopatu, Martyrium &c.*

**I.** *Electus Jerosolymorum Episcopus Simeon sub initiis belli Judæorum cum Romanis, Jerosolymā relicta una cum suis Fidelibus Pellam transmigrasse, ibique mansisse creditur, donec expugnata à Romanis Jerosolymā anno 70. illuc cum suo Grege reversus est. Post excidium Jerosolymitanum Ecclesiam signis & prodigiis ibi restoruisse, auctumque credentium etiam ex Judæis numerum, refert S. Epiphanius L. de Mensuris cap. 15.: unde Eusebius L. 3. demonstr. Evang. cap. 5. ex quo Jerosolymis florens Ecclesia fuerit ex ipsis Judæis comparata, & qui primi ejus Episcopi eam gubernarunt, ex Judæis fuerint, inserit, omnem contra Discipulos calumniam dilui, quando & illis testificantibus, & illis non testificantibus, ex ipsa tum Gentium tum Judæorum confessione Jesum esse Christum Dei comprobatur.*

*II. Fama est (inquit Eusebius L. 3. hist. cap. 12.) Vespasianum post expugnatam Jerosolymorum Civitatem, eos qui à Davide genus ducerent, perquiri jussisse, ne quisquam apud Judæos ex Regia Stirpe superesset: eaque ex causa gravissimam rursum persecutionem Jnd is illatam fuisse. Hanc quibusdam Hæreticis occultè instigantibus à Domitiano excitatam fuisse, refert cap. 19. & 20., coram quo delati etiam fuerunt illi, qui cognatione Christum secundum carnem quoquo modo contingebant, tanquam suspecti quòd de Familia David essent oriundi. Sed cum interrogati respondissent, se quidem ex Familia David esse oriundos & Christo cognatione junctos, sed nullas possessiones habentes victum sibi terram exercendo propriis laboribus quæritare, manuscusque callis obduratas ostenderent, Domitianus illos despicuus, liberos abire permisit. Cum ergo Simeonis Episcopi Jerosolymorum*

rosolymitani in neutra harum persecutionum facti mentio, quamvis & ipse Christo secundum carnem proxime jungeretur, argumento est, ipsum nihil in utraque fuisse passum.

III. Trajano tamen inquisitionem & persecutionem iterum acriusque excitante, Simeon ad Atticum Consularem delatus fuit, coram quo de propinquitate generis cum Christo, & de Christianæ Fidei professione ac propagatione accusatus ab Hæreticis quibusdam sectâ Cerinthianis seu Nicolaitis ( si Chronico Alexandrino fides est ) sive ex aliqua Judæorum secta, quæ tunc in Judæa regnabat, diversa ac atrociora tormenta per plures dies sustinuit, cunctis ipsoque Attico stupentibus : tandem annos agens centum viginti, supplicio Crucis damnatus, eodem mortis genere, quo Christus ipse, vitam gloriose coronavit, & ad conregnandum immortalî vitæ ejusque æternâ gloriâ transiit. Multis historiam ejus Martyrii ex Hegesippo celebrat Eusebius lib. 3. hist. cap. 32., ubi concludit, quod *Agnati Christi profundâ pace Ecclesiæ restitutâ ad Trajani usque tempora superstites fuerunt ; ac ne Simeon supradictus Cleopæ filius, ejus qui patruus erat Domini, accusatus similiter ab Hæreticis, & ob eandem causam in Jussu vocatus est coram Attico Consulari ( Legato Syriam administrante ) & per multos dies acerbissimis tormentis excruciatum Fidem Christi constantissimè professus est : adeo ut & Consularis ipse, & omnes qui aderant, magnopere mirarentur, quæ ratione vir centum ac viginti annos natus tot tormenta perferre potuisset. Tandem verò sententiâ Judicis Crucis suffixus est.*

IV. In qualitate martyrii, nec non in ætate, quâ illud S. Simeon passus est, conveniunt tum Latini in Martyrol. die 18. Februarii, tum Græci in Menol. Basilii die 18. Septembris, ubi inter cætera hæc habent : *Simeon autem accusatus a Judæis, quod Christum predicaret, comprehensus à Græcorum Præfectis, gravissimè caditur. Deinde multis tormentis subiectus in carcerem conjicitur, ut fame & squallore conficeretur. Inde educus cum nulla ratione adduci posset, ut Christum abnegaret, cruci clavis affixus, mortem occubuit annos natus centum & viginti.* Ejus martyrium juxta Eusebii Chronicum figitur anno 107., secundum alios 109. ; cùmque obierit annum agens 120., credi debet natus novem aut decem annis ante Nativitatem Christi. Creditur autem, Ecclesiam Jerosolymitanam 43. annis & ultra gubernasse. Refert insuper idem Eusebius citato loco, *Eos ipsos Simeonis accusatores, cùm tunc temporis omnes ex Regia Judæorum Tribu orinudi sollicitè investigarentur, convictos esse, quod ex ea stirpe originem ducerent ; & sic debitas pœnas lussent.*

Qqq 2

V. Ad-

V. Addit idem Eusebius lib. 3. cap. 35., quod Simeone vitâ functo, *Iherosolymitani Episcopatus sedem Iustus quidam Iudæus capessit. Quippe eâ tempestate innumerabiles ex Circumcisione ad Christi Fidem transferant.* Hunc Iustum Chronicon Alexandrinum vult fuisse Joseph Barfabam cognominatum *Iustum*, qui unâ cum Matthiâ propositus fuit, ut locum Judæ proditoris impleret. Sed huic existimationi post Hegesippum resistit Eusebius lib. 3. cap. 32., ubi dicit, in morte Simeonis tempus Apostolicum terminasse: eorum scilicet, qui sortem habuerant ex ore ipsius Christi veritatem audiendi. Quo posito Barfabas Iustus, qui ex horum numero erat, jam excesserat, nec Episcopatum capessere poterat. Sed de hoc statim dicam.

VI. Refert ergo Eusebius lib. 3. cap. 32. ex Hegesippo, usque ad tempora Simeonis, *Ecclesiam instar cujusdam Virginis integram atque incorruptam permansisse, adhuc in obscuro recessu delitescens, quicumque rectam prædicationis Evangelicæ regulam depravare niterentur. Sed postquam sacer Apostolorum cætus vario mortis genere extinctus est, effluxeratque jam ætas hominum illorum, qui Divinam ipsam sapientiam suis auribus auscultare meruerant; tunc denum exorta est impii erroris conspiratio fraude & malitiâ falsorum Doctorem. Qui utpotè nullo ampliùs ex Apostolis superflite, post hæc nudo, ut ajunt, capite adversus prædicationem veritatis adulterinam obtrudere conati sunt.* Occasionem autem, quâ hæc corruptio in apertum prodiit, narrat ex eodem Hegesippo Eusebius lib. 4. cap. 22. fuisse repulsam cujusdam Thebutis ab Episcopatu, quem ambiebat: *Primus*, inquit, *Thebutis indignè ferens, quod minimè creatus esset Episcopus, eam occultè vitare est aggressus. Fuit hic à septem illis Sectis in Judaico Populo profeminatis; ex quibus fuit etiam Simon, à quo Simoniani fluxerunt, & Cleobius à quo Cleobiani, & Dosithæus à quo & Dosithæani, & Gortheus à quo Gortheni, & Masbotheus à quo Masbothei sunt cognominati. Ex his etiam manarunt Menandriani & Marcionista, & Carpocratiani, & Valentiniiani, & Basilidiani & Saturniani, alique, qui scorum singuli proprias opiùones induxerunt. Ex iis orti sunt Pseudo-Chrisi, Pseudo-Propheta, Pseudo-Apostoli, qui adulterinam invehentes doctrinam adversus Deum & adversus Christum ejus, unitatem Ecclesiæ disciderunt. Deinde recensens Sectas, quæ erant apud Judæos: Erant, inquit, diversa secta, atque sententiæ in Circumcisione inter filios Israel adversus Tribum Judæ, & adversus Christum: Effici scilicet, Galilæi, Hemerobaptista, Masbothei, Sammarita, Sadducæi, Pharisei. Hactenus Eusebius ex Hesippo.*



VII. Verum dictæ narrationi ea in parte, quæ ascribit, Ecclesiam mansisse virginem & incorruptam toto tempore, quo Apostoli & alii, qui Christi vocem propriis auribus audierant, superstites fuerant, & solum post eorum excessum coepisse in doctrina corrumpi; obstare videtur, quod etiam viventibus Apostolis non defuerint, qui Ecclesiam corrumpere falsis doctrinis tentarint. Fuit enim Simon Magus, qui S. Petro se opposuit: fuerunt Nicolaitæ, de quibus S. Joannes in Apocalypsi cap. 2. v. 6. & 15.: fuerunt Ebionitæ, contra quos negantes Christi Divinitatem suum Evangelium idem S. Joannes scripsisse fertur. Sed hoc non obstare dicunt plures, quia Hegesippus & Eusebius non loquuntur de Ecclesia universa, sed de sola Ecclesia Jerosolymorum, de quo sermo erat: hæc enim quousque Apostoli & alii, qui viderant Dominum, superstites fuerunt, incorruptam servavit doctrinam, quam ab eis acceperat. Si autem in ea erant aliqui errorum semina habentes, ea tamen spargere & sectam facere, nisi post obitum eorum, qui Dominum suis auribus audierant, ausi non sunt. Quod si quis velit, Hegesippum & Eusebium de universa Ecclesia fuisse locutos, dici poterit, eam adhuc mansisse virginem & incorruptam, quia licet Sectæ & hæreses essent, ejus tamen unitatem schismate corrumpere non audebant, quamvis de Simonianis & Nicolaitis hoc ægrè possit sustineri.

VIII. Ex dictis colligitur Jerosolymitanam Ecclesiam spatium 70. annorum, & fortè ultra, duos tantum habuisse Episcopos, nimirum Jacobum Fratrem Domini ab anno Christi 34. usque ad 62. vel 63., & Simeonem ejus germanum usque ad annum 107. vel 109. Qui tamen his duobus in Episcopatu succedere (omnes tamen ex Circumcisione fuere) usque ad annum 136., quo ab Hadriano omnes Judæi Jerosolymis pulsi sunt, brevi admodum tempore Ecclesiam illam rexerunt. Ita Eusebius L. 4. hist. cap. 5. dicens: *Omnes quippe brevi admodum tempore sedisse perhibentur. Illud tantum ex Veterum Scriptorum monumentis didici, ad illam usque obsessionem Judæorum, quæ imperante Hadriano contigit, quindecim Episcopos continuè successione illi Ecclesie præfuisse, quos omnes origine Hebræos fuisse memorant, & Fidem Christi sincerè atque ex animo suscepisse: aded ut ab illis, qui de hujusmodi rebus judicium ferre poterant, Episcopali Officio dignissimi censerentur. Quippè tunc temporis universa Jerosolymorum Ecclesia constata erat ex Hebræis fidelibus, qui jam inde ab Apostolorum ætate ad illam usque obsidionem permanserant, quæ Judæi iterum à Romanis deficientes maximis præliis domiti atque expugnati sunt.*

IX. Epi-

IX. Episcopi autem, qui usque ad illud tempus ab Eusebio recensentur, sunt Jacobus Frater Domini, Simeon, Justus, Zachæus, Tobias, Benjamin, Joannes, Matthias, Philippus, Seneca, Justus II., Levi, Ephres, Joseph, tandem Judas: *Ex eo deinceps tempore* (prosequitur Eusebius ibidem cap.6.) *universa Judæorum Gens in Regionem circum Jerusalem suam pedem inferre prohibita est lege & constitutione Imperatoris Hadriani, adeo ut ne prospicere quidem à longinquo patrium solum ipsi liceret, ut scribit Aristotellus Pellæus. In hunc igitur modum cum Civitas Judæorum Gente nudata esset, & veteribus incolis penitus vacuata, post hæc alienigenis eo confluentibus, Urbs & Colonia Civium Romanorum effecta in honorem Aelii Hadriani Imperatoris Aelia nuncupata est. Et cum Ecclesia ejusdem loci ex Gentibus coaluisset, primus post Episcopos ex Circumcisione Sacerdotium illius Civitatis suscepit Marcellus. Hæcenus Eusebius, quæ contigisse asserit anno 118. Imperii Hadriani, seu anno Christi 137.*

## CAPUT VIII.

## De Sancto Ignatio Martyre.

## §. I.

*Ejus Patria Nomen Episcopatus.*

I. **S** Ignatium fuisse genere Syrum potius quam Græcum, putant aliqui, fortè moti, quòd, ut infra dicitur, Episcopatum Antiochiæ Syriæ gesserit, & quia ipsum usum fuisse Evangelio Hebraico Matthæi dicit S. Hieronymus L. de Script. Eccles. cap. 16., ut infra dicam.

Præter Ignatii, nomen etiam *Theophori* gessisse indicat ipse suis Epistolis, hunc titulum præfigens: *Ignatius, qui & Theophorus*; Theophorus autem Græcè, idem Latine reddit ac *Deum ferens*, seu *Deifer*: quo nomine ab aliquibus Patribus etiam Christus appellatus fuit. Attramen vox ista quibusdam præcipue Nestorianis ansam præbebat dicendi, quòd Christus non esset verè & supposititaliter Deus, sed solum Persona creata ferens Divinitatem in se inhabitantem. Unde Baronius ad annum 48. num. 22. dicit, quòd licèt ab aliquibus Patribus Christus Theophorus seu Deifer dictus fuerit; Nestorius tamen, qui eo nomine ad suam Hæresim tuendam abutebatur, in causa fuit, ut ab Ecclesia in Concilio Ephesino in quinto Anathematismo Cyrilli sta-

*Natureretur: Si quis Christum Deiferum hominem audet dicere, & non positis Deum secundum veritatem, anathema sit.* Hoc tamen omisso, quia præsentis instituti non est; nomen Theophori esse nomen seu cognomen proprium, non autem titulum honoris, indicantem specialem ejus pietatem, ex eo colligitur, quòd, ut dixi, eum sibi ipse arrogat in suis Epistolis; quod ejus humilitas passim non fuisset, si titulus honoris extitisset.

II. Volunt alii, quòd nomen Theophorus aliter pronuntiatum idem sit à *Deo latus* seu *portatus*; & inde putant S. Ignatium fuisse puerum, quem manibus apprehensum statuit Jesus in medio Discipulorum proponens illum in humilitatis exemplum Matth. 18. v. 2., Marci 9. v. 35., & Lucæ 9. v. 37. Sed hoc in antiquitate nullum fundamentum habet. Attamen S. Chrysostomus Orat. in S. Ignatium videtur dicere, eum audivisse Christum & cum Apostolis versatum esse his verbis: *Cùm Christum audivisset dicentem: „ Bonus Pastor animam suam ponit pro ovibus „ omni fortitudine eam pro ovibus profudit . Cùm Apostolis strenuè versatus est, & fluente hausit spiritualia . Qualem igitur eum esse par fuit, qui cum illis educatus est &c. ?* dicens autem *cum illis non ab illis*, educatus est, indicat S. Ignatium ab eodem, quo Apostoli, nempe Christo educatum fuisse. Hieronymus etiam Christum eum vidisse asserit L. de Script. Eccles. cap. 16., ubi ait, quòd in Epistola ad Polycarpum de Evangelio nuper à se ex Hebraico translato Ignatius Christi ponit testimonium dicens: *Ego verò & post Resurrectionem in carne eum vidi, & credo quia sit*; quibus probabile fit, eum Christum secutum fuisse. S. Gregorius verò L. 5. Epist. 39., alias 37., facit S. Ignatium S. Petri Discipulum. Res in ambiguo est. De eo in Scripturis nulla mentio fit.

III. Quòd S. Ignatius fuerit Episcopus Antiochenus, certum est. Quo autem tempore, & à quibus fuerit ordinatus, & cui in Episcopatu successerit, contentio non modica est. Apostolorum manibus eum fuisse ordinatum, Veteres sentiunt. Ita Sanctus Chrysostomus Orat. supra laudatâ, Chronicon Alexandrinum; sive à S. Paulo secundum Constitutiones L. 7. cap. 46., sive à S. Petro secundum Theodorum Dialog. 1., & ut locum S. Petri impleteret, ut ait Chrysostomus laudato loco, eique immediatè succederet: *Nam ut si quis è fundamento magnum lapidem eruat, alterum omninò parem in ejus loco conatur constituere, nisi velit totum ædificium concutere, ac debilius reddere: ita cùm Petrus Antiochiâ esset discessurus, alterum Petro parem (Ignatium scilicet) præceptorem gratiâ Spiritus substituit.* Idem sentiunt

San-

Sanctus Maximus Abbas, Joannes Antiochenus in Epif. an<sup>o</sup> no 440. data, Felix III. Papa dicens, Ignatium manibus Petri ordinatum. Quibus præviſſe videtur Athanaſius, dum Lib. de Synodis num. 47. dicit: *Ignatius, qui poſt Apoſtolos Antiochia Epifcopus conſtitutus eſt.*

IV. Contra omnes tamen inſurgit Eusebius L. 3. cap. 22. ponens primum Antiochiæ Epifcopum poſt Petrum Evodium, cui ſucceſſit Ignatius dicens: *Apud Antiochiam verò defuncto Evodio, qui primus ejus loci conſtitutus fuerat Epifcopus, ſecundus tum maxime florebat Ignatius.* Et Lib. 3. cap. 36. *Ignatius, inquit, .... ſecundus poſt Petrum Antiochenſem Eccleſiam ſortitus eſt.* Et in Chronico initia Epifcopatus S. Evodii in anno Chriſti 43. ſtatuit, initia verò Epifcopatus S. Ignatii anno 68. quo anno SS. Petrus & Paulus Martyrium Romæ paſſi fuerant, nec proinde poterant illum Antiochenæ Eccleſiæ præficere. Sanctus Hieronymus L. de Script. Eccleſ. cap. 16. Eusebium ſecutus vocat S. Ignatium tertium Antiochiæ Epifcopum: *Ignatius Antiochenæ Eccleſiæ tertius poſt Petrum Apoſtolum Epifcopus.* In hoc conſentiant quotquot Martyrologia apud Latinos ediderunt, Romanum die 1. Februarii: Græci tamen in Menologio Baſilii die 20. Decembris ajunt: *Fuit Ignatius Sanctorum Apoſtolorum Succesor & S. Joannis Theologi Diſcipulus.* Stante ergo hoc inter Veteres diſſidio, volentibus aliquibus, & præcipuè Chryſoſtomo, qui Antiochenæ Eccleſiæ Epifcopus fuit, Ignatium in locum Petri ſucceſſiſſe, & fuiſſe ei ſecundum, aliis verò in locum Evodii, & fuiſſe à Petro tertium, excogitanda eſt via utroſque conciliandi.

V. Joannes Malela antiquus Chronologus apud Tilmonium Notâ 1. in S. Ignat. dicit, Evodium quidem primum fuiſſe ab Apoſtolis Eccleſiæ Antiochenæ poſt Petrum Præſectum: ſed eo defuncto, S. Petrum, dum Romam ad Martyrium rediret, & Antiochiâ pertranſiret, S. Ignatio ordinationem & regimen illius Eccleſiæ contuliſſe. Verum hæc viâ primò contradicitur Eusebio volenti in Chronico, ut dixi, Evodium poſt Martyrium Petri obiiſſe, & proinde non potuiſſe manibus Petri Ignatium in ejus locum ordinari: deinde ſalvatur quidem, S. Ignatium manibus Petri fuiſſe ordinatum, non tamen Petro immediate ſucceſſiſſe, ut vult Chryſoſtomus, ſed mediatè nempe poſt Evodium.

VI. Aliam propterea viam excogitavit Baronius ad annum 45. num. 14., & in Notis Martyrol. die 1. Februarii, quam tenet etiam Natalis Alexandr. Tom. 1. hiſt. ſeculi 1. diſſert. 14. pro-

proposit. 1. : nimirum S. Ignatium fuisse quidem Antiochiæ Episcopum ordinatum, sed simul etiam S. Evodium, & utrumque ab Apostolis Petro & Paulo: quæ conjectura ex Lib. 7. Constit. cap. 46. eruitur; ibi enim legitur Antiochenæ Ecclesiæ à S. Petro Evodium, & à S. Paulo Ignatium esse creatos Episcopos, non sanè unum post alium, sed simul: cui credi potest occasionem dedisse discordiam, quæ tunc ibi maximè vigeat inter Fideles, qui ex Circumcisione, & eos qui ex Gentibus ad Fidem venerant, circa Legallium observantiam. Tunc enim prudens remedium judicarunt Apostoli, ut quamdiù perduraret dissensio; uterque Antiochiæ federet, ac unus præset iis, qui ex Circumcisione, alter verò iis, qui ex Gentibus ad Ecclesiam venissent: quod hodiernis quoque temporibus Ecclesia permittit; ubi enim in eadem Civitate adsunt cum Latinis permixti Græci etiam Catholici, unus Episcopus adest qui Latinis, alter qui Græcis præsit, & hoc ob Rituum diversitatem. Cæterum sublato inter Antiochiæ Fideles dissensionis pariete, ac utrâque parte in unum cœtum adunatâ, cum non duobus Episcopis amplius opus esset, sed unus sufficeret, Ignatius libenter cessit Evodio, ut Clemens Lino in Ecclesia Romana. Non desunt tamen, qui velint, etiam sublato dissidio circa Legalia, S. Ignatium unâ cum Evodio in regimine illius Ecclesiæ continuasse, quia ob diversitatem morum inter venientes ex Gentibus, & venientes ex Circumcisione, unus non sufficiebat ad unos regendos, & alios convertendos, donec Evodio defuncto, solus Ignatius Ecclesiæ illius regimini remansit.

VII. De Evodio præter Episcopatum Antiochenum vix quidquam aliud apud Veteres invenitur. Fuerunt aliqui existimantes, de hoc locutum fuisse S. Paulum ad Philipp. cap. 4. v. 2., dum ait: *Evodium rogo, & Syntychem deprecor, id ipsum sapere in Domino*. Sed non adverterunt isti, Paulum non dicere *Evodium*, sed *Evodiam*. Nomen ergo feminae erat, non viri, quam hortatur Paulus ut concorditer cum Syntyche alia femina laboret in Evangelio. Scio, quædam Manuscripta Græca legere *Evodio*; pro *Evodian*: sed quamvis hoc esset, cum Paulus loquatur de Evodia, sive Evodio existente Philippis in Macedonia, non potest loqui de Evodio Episcopo Antiochiæ, qui erat in Syria. Evodium inter 72. Discipulos recenset Hippolytus. Latini ejus Festum agunt die 6. Maii. S. Ignatius in Epist. ad Philadelphios ipsi tributâ cum inter illos Sanctos recenset, qui virgines permanferunt. Scripsisse videtur nonnulla, quæ exciderunt; ex quibus Nicephorus fragmenta recitat L. 2. cap. 3. Ita

Tom. V.

R r r

ex

ex Baronio in Notis Martyrol. die 6. Maii, ubi dicitur, quòd *glorioso Martyrio vitam finivit*. Græci tamen in Menologio Canisii dicunt quidem, quòd *post multos cruciatus & plurimos ad Christi Fidem conversos ad desideratum Dominum pervenit*, sed in cruciatibus eum mortuum fuisse non dicunt.

VIII. Ducenta hominum millia Antiochiam tunc incolebant, ait Chrysostomus Orat. in S. Ignatium: ex quo infert, quàm difficile regimen assumeret Ignatius, iis maxime temporibus Apostolicis, quibus non sine gravibus ærumnis ac periculis Verbum pietatis seminari poterat, & cum Judæis & Gentibus contendendum erat: nec Antiochena tantum Civitas, sed tota Syria ejus curæ demandata erat. Quare ipse in Epist. ad Romanos Episcopum Syriæ se appellat, quia totius Syriæ Caput: unde postea Episcopus Antiochenus Patriarchæ titulo auctus fuit. Ut tempestates ac persecutiones sub Domitiano excitatas sedaret, bovi Pastoris partes egit: animam tamen pro ovibus non dedit, quia tempus à Deo præordinatum nondum advenerat. Pro Ecclesiæ unitate tuenda & Schismatibus ab ea avertenda maxime laboravit. Ideòque in Epist. ad Philadelphios altâ voce clamabat: *Sequimini Episcopos, sequimini Presbyteros, sequimini Diaconos*, idest eorum doctrinam concordēs tenete. Unitatem diligite.

## §. II.

### *S. Ignatii Gesta ante Martyrium.*

L. **A**liquot annis post Domitianum Ecclesiam Antiochenam S. Ignatius administraverat, cum translato iu Trajanum Imperio, Martyrii pro Christo, quod diu optaverat, certa spes Sancto Præfuli affulgere cœpit. Nonum Regni sui jam Trajanus agebat (qui centesimus sextus Christi erat) cum inflatus victoriis, quas contra Dacos & Scythas aliosque Barbaros præcedente anno reportaverat, nec considerans, omnia hæc ad Deum Exercituum Christianorum se referre debere, putans nil aliud deesse quod suæ potentiae subjugaret, quàm ut Idolis suis etiam Fideles Christi subderet, minatus eis fuit, ut vel Diis sacrificarent, vel mortem obirent. Hoc ergo animo mense Octobri Româ discedens, ut pertransitâ Armeniâ, bellum Parthis inferret, mense Decembri Seleuciam devenit, & septimâ Januarii (anni 107.) Antiochiam ingressus est. Hæc ex Actis Martyrii ejus sumta sunt, ex quibus sequentia colligam.

II. Igna-

II. Ignatius tunc bonus Pastor pro ovibus suis animam ponere paratus, se ad Trajanum duci intrepidè sustinuit. Cùmque coram eo sisteretur: Tu ne es, inquit Trajanus, perfidus ille Dæmon, qui nostra mandata contemnere, aliosque tuâ suasionē ad exitium pertrahere gloriaris? Cui placido ac sereno vultu Ignatius: Equis unquam perfidum Dæmonem vocavit Theophorum, cùm potius à Servis Dei Dæmones fugiant? Quod si tu vocas me Dæmonem, quia Dæmonibus infestus sum, verùm dicis: nam ferens in me Jesum Christum, omnes Dæmonum artes & conatus virtute ejus, qui Rex Cœli est, dissipare contendo. Tunc Trajanus. Et quis, ait, est Theophorus? Qui Jesum Christum fert in corde suo, reposuit Ignatius. Cui Trajanus iterum: Vos ergo non creditis, ferre nos in cordibus nostris nostros Deos, quorum ope inimicos nostros prosternimus? Respondit Ignatius: Ille vester error est, qui Dæmones, quos colitis, appellatis Deos. Deus alius non est, nisi unus qui fecit Cœlum, terram, Mare, & omnia quæ in eis sunt: & unus Jesus Christus Filius ejus unicus, ad cujus Regnum admitti toto studio contendo. Tunc Trajanus: An nescitis, hunc Jesum fuisse sub Pontio Pilato crucifixum? Scimus, ait Ignatius, sed scimus etiam, Jesum unâ cum Dæmone crucifixisse peccatum, Dæmonum vires contrivisse, eosque pedibus eorum, qui ipsum in corde gerunt, substravisse. Tu ergo, inquit Trajanus, Crucifixum in corde tuo portas? Ita, respondit Ignatius; ipse enim dixit: „*Qui manet in me, & ego in eo*. Indignatus Trajanus hanc sententiam protulit: Mandamus, ut Ignatius, qui dicit, in se ferre Crucifixum, alligatus Romam à militibus deportetur, ut sit bestiarii cibus & spectaculum Populi. Hactenus ex Actis.

III. Sed cur Trajanus Ignatium à feris devorandum Romam traduci jussit, nec potius hoc Antiochiæ peregit, ut oves Christi videntes suum Pastorem percussum conterriti dispergerentur? Hoc Dæmonis consilium fuit; sed aliud erat consilium Dei. Dæmonis consilium fuit, ut laboribus & angustiis, quibus in itineribus premebantur, imbecilliores fierent, & tandem eorum constantia frangeretur. Dei autem consilium erat, ut ipso eos comitante ac fortiores reddente, exemplum Regionibus, quas pertransibant, relinquerent, ac fideles in eis existentes redderent alacriores. Ita S. Chrystomus Orat. citatâ in S. Ignatium his verbis: *Perfusus enim Diabolus & ad struendas aptas insidias sperabat, si Pastores sustulisset, ovilia se facile direpturum. Sed qui comprehendis astutos in eorum astutia, ostendens Ecclesias suas non ab hominibus gubernari, sed eos qui in ipsum credunt, semper à se*

regi, id fieri permittebat, ut cùm cerneret, Rectoribus sublatiis, non tamen Religionem imminui, nec veritatis predicationem extinguere, sed potius augeri, ex rebus ipsis & ipse, & qui ei inserviebant, omnes intelligerent, Christianorum disciplinam non ab hominibus pendere, sed in Cælis radices agere, Deumque esse, qui ubique Ecclesias tueretur, & qui cum Deo bellum gererent, numquam posse discedere superiores.

Neque verd id solum Diabolus, sed aliud non minùs grave machinabatur. Non enim in Urbibus, quibus præerant, trucidari Episcopos sinebat, sed operam dabat, ut in externas Civitates abstracti à medio tollerentur. Id autem agebat, simul ut necessariis rebus spoliarentur, simul ut itineris labore confecti redderentur imbecilliores: quod in hoc etiam beato viro (Ignatio) fecit. Ex nostra enim Civitate (Antiochena) Romam abducendum curavit, longiora ipsi cursus spatia proponens, ut ex itineris & temporis longitudine Viri constantiam labefaceret, ignarus quòd tam longa viâ Jesum comitem cùm haberet, quòdque fortior evaderet, & virtutis quæ secum esset majus argumentum præberet, & Ecclesias magis confirmaret. Civitates enim, quæ in ea via erant, undique concurrentes, pugilem excitabant, & cum magno commeatu dimittebant, precibus & supplicationibus cum ipso certantes. Et ipsa consolationem non vulgarem ex ipso percipiebant, cernentes Martyrem tanta cum alacritate ad mortem currere, quanta par erat, eum qui ad Regna Cælorum proficisceretur. Ac re quidem ipsâ, ex prompto illius animo discebant, eam non esse mortem, ad quam properabat, sed peregrinationem quamdam & transitum atque ascensum in Cælum. Hac autem tum discipulis tum factis in omni Civitate docens, discessit. Et sicut Judæi cùm Paulum vinculum Romanum mittendum curarunt, opinati sunt, se illum ad mortem mittere, attamen Judæis illis habitantibus miserunt Præceptorem: sic etiam abundius in Ignatio factum est. Neque enim solis Romæ habitantibus, verùm etiam omnibus in toto illo itineris spatio Civitatibus interjectis admirabilis Magister extitit &c. Ignoscat Lector, si cum in Chrysofomo diù detinui; hæc enim nedum Ignatii laudes promovent, sed mirè confirmant, Religionis Christianæ Deum esse Auctorem, quod est totius præsentis Operis scopus & argumentum.

IV. Ecclesiis igitur Syriæ Jesu Christo ut Episcopo commendatis, alacri animo ad Romanos, ut sæpè optaverat, invensos contendens, Antiochiâ Seleuciam Ignatius devenit, ubi navi impositus Asiæ oras circumlegendo iter inchoavit, interea ex Fidelibus Antiochenis non paucis breviori viâ ipsum Romam prævenientibus. Ipsum in itinere comitati fuere Philo

Tar-



Tarsensis Ecclesiæ, & Agathopos Antiochenæ Diaconi, quorum cum laude meminit scribens ad Tarsenses, ad Philadelphos, & ad Antiochenos, quorum memoria colitur in Maryrol. Rom. die 25. Aprilis. Hi in itinere Romam usque aderant ei in ministerio Verbi, quod quòcumque perveniebat prædicabat: etsi enim terrâ marique à decem militibus, quos in Epist. ad Romanos *Leopardos* ob feritatem vocat, custodiretur; nihilominus Ecclesias, quas pertransibat, quarum Fideles ad eum accurrebant, in Fide confirmare non cessabat, salubria eis monita inferens, ut unitatem sanctam testam servarent, hæreticos præsertim Cerinthianos, & Ebionitas tunc insurgentes vitarent, Traditiones Apostolorum custodirent, ac demum vitam præsentem contemnerent. Ita Eusebius L. 3. hist. cap. 36.: *Cum, inquit, per Asiam sub accuratissima satellitum custodia duceretur, singularum nihilominus Civitatum, quas ingrederetur, Ecclesias sermonibus & cohortationibus suis confirmandis, monebat in primis, ut sibi a pravis Hæreticorum opinionibus suis caverent, quæ tunc primum in lucem emergere cum cepissent, copiosius pullulabant. Hortatusque est ut Apostolorum Traditionibus tenaciter inhaerent &c.*

V. Cum Smyrnam pervenisset, S. Polycarpum allocutus fuit; ambo enim S. Joannis Evangelistæ olim Discipuli fuerant, & coram eo, totaque Smyrnenſi Ecclesia, quæ ad eum inviscendum accurrerat, suorum vinculorum gloriam testatus, rogavit omnes, ut communia vota suis conjungentes, Deum precarentur, ut ab oculis hominum quantocius ereptus, oculis Dei in Cœlis præsentaretur. A Smyrnenſibus Fidelibus summo se amore exceptum scribit ipse in Epist. ad eisdem. Ephesii quoque per Onesimum eorum Episcopum, Burrhum Diaconum, Crocum, Egen, ac Frontonem eum vistarunt (Epist. ad Ephes.). Magnesii similiter per Damam Episcopum, Bassum, Apollon Presbyteros, & Sotionem Diaconum (Epist. ad Magnes.). Tralliani quoque per Polybium Episcopum (Epist. ad Trallianos). Præ cæteris tamen Ephesios fideles, eorumque Episcopum Onesimum, ejusque caritatem celebrat (Epist. ad Magnes. & ad Ephes.). Hunc Onesimum eundem fuisse, de quo S. Paulus in Epist. ad Philemonem, aliqui volunt; hic enim Episcopus Ephesi fuisse dicitur: alii tamen diversum esse volunt; tum quia Onesimum, de quo S. Paulus, Beroæ in Macedonia Episcopum faciunt, non Ephesi, tum quia anno 107., quo Ignatius Romam tradebatur, vel è vivis excesserat, vel ad extremam senectutem perductus: de quo supra dixi cap. 2. de S. Paulo §. 21. n. 7.

VI. Hoc

VI. Hoc modo Ignatio, quemadmodum Paulo, vincula in honorem convertebantur, dum & ipse, qui ducebatur Romam ad Martyrium, sic ubique à Fidelibus excipiebatur, ac si pergeret ad triumphum. Smyrnæ præter tres ad Ephesios, Magnesianos, & Trallianos, quartam ad Romanos scripsit Epistolam. De his Eusebius cap. 36. citato ait: *Itaque cum Smyrnæ venisset, in qua tum erat Polycarpus, unam quidem Epistolam scripsit ad Ecclesiam Ephesiorum, in qua Onesimi ipsorum Pastoris mentionem facit: alteram quoque dedit ad Ecclesiam Magnesiæ Civitatis, quæ ad Meandrum sita est, in qua etiam Damam Episcopum nominat: aliam etiam ad Ecclesiam Trallianorum, cujus Antistitem tunc fuisse memorat Polybium. Præter hæc est & alia ejus Epistola ad Ecclesiam Urbis Romæ, in qua orat atque hortatur Romanos, ne Martyrium à se depellentes, ac deprecantes, spe ac voto se fraudare velint.*

*Sed opera præteritum fuerit ad confirmationem eorum, quæ diximus, nonnulla ex iis litteris hic adscribere, scribit igitur in hunc modum: „ A Syria Romam usque cum bestiis depugno, terra, „ marique, noctu & interdiu, colligatus decem Leopardis, „ hoc est manipulo militum, qui beneficiis à me affecti sæviores sunt. Verum ego injuriis quidem illorum erudior, non „ idcirco tamen justificatus sum. Utinam fruar bestiis illis, „ quæ mihi paratæ sunt, quas equidem opto, ut quamprimum „ inveniam. Palpaturus sum eas, ut me celeriter devorent, „ nec metu absterritæ mihi parcant, quemadmodum aliquibus „ pepercunt. Quod si forte recusabunt, ego eas vi adigam. „ Veniam mihi date. Novi quidnam mihi conducatur. Nunc „ tandem incipio esse Discipulus Christi. Nulla res tam earum, „ quæ aspectabiles sunt, quam earum, quæ sub oculos non cadunt, „ animum meum capiat, ut Jesu Christo possim potiri. „ Ignis, Crux, bestiarum impetus, ossium distractio, confractio „ membrorum, ac totius corporis contusio, Diaboli denique „ supplicia in me unum incurtent, dummodo Christo „ frui mihi liceat. „ Et hæc quidem ille ex Asia ad Ecclesias superius memoratas perscripsit. Verba sanè Divino Spiritu & heroico amore Christi plena! Timebat vir intrepidus, ne Fideles Romæ existentes pietate erga ipsum moti, aliquâ viâ Trajanî sententiam emollire tentarent, vel saltem Deum precibus exorarent, ne bestia ei nocerent, & sic Martyrii gloriam ei eriperent.*

VII. Cum aliquandiu Smyrnæ moram traxisset sub militum custodia, Troadem (ex antiquæ Trojæ ruinis urbem) pervenit. Inde

Inde scripsit ad Philadelphienſem & Smyrnenſem Eccleſiam, & ad Polycarpum, ei Eccleſiam ſuam Antiochenam commendans. Ita Euſebius laudato loco: *Postea, inquit, à Smyrna ulterius progreſſus, cùm Troadem veniſſet, inde ad Philadelphienſis litteras dedit, & ad Smyrnaorum Eccleſiam, privatimque ad Polycarpum eorum Episcopum. Quem cùm Apoſtolicum virum eſſe plene cognoſceret, ipſi tamquam bonus ac fidelis Paſtor gregem Antiochenæ Eccleſiæ commendavit, rogans, ut omni curâ ac diligentia illum fovere vellet.* Smyrnâ Troadem uſque Burrhus Diaconus Ephēſi eum comitatus fuit, quem Smyrnæ & Epheſi Fideles, honoris cauſâ ad hoc delegaverant.

Nil aliud ardentiori ſtudio Ignatius à Deo poſtularaverat, quàm ut ſuam Antiochenam Eccleſiam à Trajani perſecutione in Fide conſtantem ſervaret. Preces ſervi ſui exaudivit Deus, vix enim Troadem pervenerat, cùm lætum nuntium de pace ſuæ Eccleſiæ reddita accepit, quo hilarior ad Martyrium prope-  
ravit.

## §. III.

*S. Ignatii Adventus Romam & Martyrium.*

I. **T**Roade igitur ſolvens, & Neapolim Civitatem Macedoniæ pertranſiens Philippos pervenit, ubi à Fidelibus peramanter exceptus fuit. Comites tunc habebat Zozimum & Rufum, qui unâ cum eo Civitatem ingredientiſ, inter vincula, quibus conſtringebantur, veræ caritatis & admirabilis patientiæ illuſtre exemplum reliquerunt. De Zozimo & Ruſo memoriam celebrat Martyrol. Romanum die 18. Decembris his verbis: *Philippis in Macedonia natalis Sanctorum Martyrum Ruſi & Zozimi, qui ex eo numero Diſcipulorum fuerunt, per quos primitiva Eccleſia in Judæis & Græcis fundata eſt, de quorum ſilici agone ſcribit S. Polycarpus in Epistoſa ad Philippenſes.* De his Be-da, Uſuardus, Ado, & alii. Et S. Polycarpus Epist. citatâ apud Euſebium L. 3. cap. 36.: *Obſecro, inquit, vos omnes, ut pareatis Præpoſitis veſtris, omnemque patientiam exerceatis, quam ſpectaſtis non ſolùm in Ignatio Ruſo & Zozimo viris beatiffimis, ſed etiam in aliis Civibus, & inquilinis veſtris &c.* Paſſi autem te-  
runtur & ipſi ſub Trajano.

II. Philippis excedens Macedoniam, atque Epirum Epidamnium, ſeu Dyrrachium (vulgò *Durazzo*) uſque pertranſiit. ibi navem conſcendit, atque mare Adriaticum enavigans in Tyr-

Tyrrhenum pervenit : inde diversas Insulas Urbesque prætergressus, demum Puteolos appropinquavit. Optasset ibi descendere, ac Pauli exemplum, qui Puteolis terrestre iter Romam suscepit, imitari; verum violentus ventus terram prohibuit attingere: paulò tamen post, vento in propitium converso, unius diei ac noctis spatio ad Portum Romanum appulerunt. In Portuensi Urbe aliquantulum subsistere Ignatius voluisset, sed militibus, quibus videbatur, se in itinere nimium temporis infumisse, renitentibus, humiliter paruit: cùmque Portum jam reliquissent (ferunt Acta) & adventus Sancti Martyris fama jam præcurrisset, obvios habuerunt Fratres, qui pleni gaudio & ræore simul undique accurrebant. Gaudebant, cum tam Sancto Viro Theophoro conversari posse; mœrebant autem, quòd illum Romam trahi ad mortem scirent. Fervidiores aliqui dicebant, captandum esse Populi animum, ne mortem Viri iusti pateretur, sed ejus vitam communibus precibus postularet. At Ignatius ardore S. Spiritus accensus, quos ab hoc proposito Epistolis suis fuerat ante dehortatus, tanto ardore pro sui Martyrio peroravit, ut ad pedes ejus provoluti promiserint, se non impedituros, quin promptè ad Deum convolare.

III. Post hæc ad Amphitheatrum ductus fuit, quòd Pagani convenerunt, ut ferali spectaculo delectarentur. Celebrabant tunc quædam profana eorum festa *Sigillaria* nuncupata, quæ vel Gladiatorum pugna, vel ferarum conflictu claudi solebant die 20. Decembris. Hoc spectaculum, ut Imperatoris iussa exquerentur, Sancto Seni reservarunt. Bestiis itaque expositus cùm audiret præ fame rugientes Leones, hæc verba, quæ jam ad Romanos scripserat, protulit: *Frumentum Christi sum, dentibus bestiarum molar, ut panis mundus inveniar.* Sic gaudio incredibili totâ spectante Româ sanguinem suum pro Christo fudit: immisæ enim bestiæ eum, ut optaverat, in momento voraverunt, nihil de ejus corpore præter asperiora ossa relinquentes. Ejus Martyrium die 20. Decembris astrictur contigisse, quâ die Græci in Menologiis illud solemniter celebrant, anno autem Christi 107. Trajani undecimo, secundum Eusebium in Chronico, quem sequitur S. Hieronymus L. de Script. Eccles. cap. 16. Latini tamen ejus festum colunt die 1. Februarii. Cur autem hoc acciderit, hæcenus ignoratur.

IV. S. Ignatii socii, qui Acta ejus Martyrii conscripsisse feruntur hanc ejus post mortem apparitionem narrant his verbis: *Horum nos ipsi spectatores facti, cum lacrymis domi vigilem noctem duximus, & genibus flexis multis precibus Deum orabamus,*

ut nos infirmos de iis quæ facta fuerant certos faceret. Postea cum paulatim obdormissemus, alii quidem illum subito adstantem nosque completentem videbamus, alii rursum nobis orantem beatum Ignatium cernebamus, alii verò sudore stillantem tanquam ex multo labore advenientem & Domino assistentem intuebamur. Cum ergò multo cum gaudio ista vidissemus, & somniorum visa contulissemus, Deum datorem honorum laudavimus, & Sanctum beatum diximus, vobisque diem & tempus indicavimus, ut tempore ejus Martyrii convenientes, Athletæ & generoso Christi Martyri communicemus, qui Diabolum conculcavit, & pii sui desiderii cursum persequit in Christo Jesu Domino nostro. Hæc Acta.

V. S. Ignatii Reliquiæ, Ossa videlicet, quæ bestiarum voracitas intacta reliquerat, subito in capsula quadam reposita, paulò post ab iis eisdem, qui S. Martyris comites fuerant, velut inestimabilis thesaurus reportata fuerunt, omnibus Fidelibus Civitatum, per quas transibant, eas humeris suis gestare sanctâ contentione certantibus. Reliquiæ præfatæ Antiochiam delatæ in cœmeterio extra portam Daphniticam depositæ fuerunt. Hujus Translationis memoriam die 17. Decembris Latini celebrant; Græci verò die 29. Januarii; ubi in Menologio Basilii hæc habent: *Beatus Ignatius Theophorus à Trajano Imperatore Antiochiæ Romam missus propter Christi confessionem cum bestiis peragravit, à Leonibus, Senatu universo in Theatro consistente & spectante, suffocatus; id quod Sanctus precibus à Deo impetraverat: dicebat enim: Esopstarent me à bestiis consumi, non tamen Christum meum abnegabo; sed cupio dentibus bestiarum moli, ut mundus panis Deo meo inveniar: Cum igitur immixtis in eum Leonibus suffocatus est, elatæ à Christianis ipsius Reliquiæ, & cum pompa atque honore Romæ Antiochiam translata, totâ Urbe obviam prodeunte cum cereis, Psalmis, Hymnis, & Canticis spiritualibus, in eadem Urbe honorifico & magnificentissimo sepulcro conditæ fuerunt in ejusdem tutelam & præsidium. De hac translatione magnificè loquitur Chrysostomus Orat. in S. Ignatium aliàs 42., hortaturque omnes, ut ad monumentum Martyris cum fiducia accedant.*

Solum difficultatem faciunt ultima verba ex Menologio relata, nempe, quod S. Ignatii Reliquiæ Antiochiæ in honorifico & magnificentissimo sepulcro conditæ fuerunt: Hæc primæ translationi non congruunt, de qua etiam Evagrius L. 1. hist. cap. 16. dicit, quod in cœmeterio collocatæ fuerunt, & quidem extra Urbem: sed potius secundæ quàm multis post annis, nimirum anno 438. ut Baronius, vel 450. ut alii putant, Theodosius Junior fecit, dum è cœmeterio, in quo jacebant, in Templum

antea falso Numini sacrum intra Urbem deportavit: sic enim de ea Evagrius dicit: Divinus Iguatius multis post annis translatus est: cum Deus Opt. Max. Theodosio id suggessisset, ut Deiserum Martyrem majori honore afficeret, utque Templum jampridem Dæmonis consecratum, quod Incolæ Tycheum nominabant, fortissimo victori ac Martyri dedicaret. Itaque quod olim delubrum Genii publici fuerat, factum est Templum & sacra Ædes Beati Ignatii, cum sacra ejus Reliquiæ ingenti pompâ curru in Urbem invecitæ, & in Templo repositæ essent: quam ob causam publica festivitas quotannis ad nostra usque tempora communi totius Populi lætitiâ celebratur, quam Gregorius ejusdem Loci Episcopus longè adhuc magnificentiorum reddidit. Hæc idcirco illiæ sacra sunt, quod Deus Sanctorum Reliquias jam ex hinc honore afficiat. Quid ad hæc Protestantes, qui Sanctorum Reliquias contemnuunt, nec ullo in honore haberi volunt?

VI. Tertiam earundem Sacrarum Reliquiarum Antiochiâ Romam translationem memorat Martyr. Rom. die 17. Decembris, dicens: *Postmodum verò ejus Reliquia rursus Romam translata sunt, & in Ecclesia S. Clementis unâ cum corpore ejusdem Beatissimi Papæ & Martyris summâ veneratione recondita.* De hac tamen tertia Translatione Romam, quando fuerit facta, Baronius ipse in Notis hætenus compertum non haberi dicit: opinatur tamen, tunc Antiochiâ ablatas Sanctissimi Martyris Reliquias, cum Justiniano imperante Civitas illa à Cosrohoe Persarum Rege anno 528. igne ferroque vastata est, de quo Procopius L. 2. de Bello Persico.

## CAPUT IX.

## De Sancto Polycarpo Martyre.

## §. I.

*Incerta de S. Polycarpo.*

- I. **C**um de S. Polycarpo aliqua Cap. præcedente dixerim, lubet hic de eo pro dignitate sermonem instituere: cum enim & ipse fuerit Joannis Apostoli Discipulus, inter Apostolorum Discipulos locum meritò habet. De exordii vitæ S. Polycarpi nil habemus, nisi ad incerta quædam & apocrypha Acta recurramus, de quibus 26. Januarii Bollandus. Releerunt ergo ista, quamdam Feminam Callisto nomine ab  
An-

Angelo in somnis monitam fuisse, ut sibi quocumque pretio acquireret puerum quemdam nomine Polycarpum Orientalem origine, quem duo homines Smyrnam ducebant. Paruit Callisto, & sibi comparatum puerum cum velut filium nutritisset ac educaisset, super omnia sua bona constituit, ei curam suæ domus confidens, & occasione cuiusdam itineris horrei ac promptuarii sui custodiam ei concedidit. Absente ergo Dominâ, Polycarpus susceptâ curâ, omnia, quæ in horreis & alibi reperit, pauperibus distribuit. Reversa Callisto, statim horrea & promptuaria sua invisere voluit, dixerat enim Polycarpus ea esse vacua, sed illo à Deo gratiam postulante, omnia plena reperta sunt. Quid tamen fuisset, hæc suæ Polycarpus sincerè confessus est, quem ipsa nedum laudavit, sed adoptavit in filium, & suum hæredem universalem instituit.

II. Prosequuntur præfata Acta in enarrandis S. Polycarpi vitæ instituto in pauperes largitate & causis, quibus virginitatem amplexus fuit, cuius propositum exactè custodivit, intuitu maxime Bucoli Episcopi sui, à quo tandem Diaconus ordinatus, curam non solum in fide Catechumenos instruendi, sed etiam Paganos, Judæos, atque Hæreticos revincendi munus suscepit, & summo zelo & prudentiâ administravit. Addunt fuisse postea ad Sacerdotium assumptum, quem honorem licet præ humilitate refugeret, suscepit tamen victus precibus Populi, & maxime obsecutus præcepto Dei, qui per visum hoc illi mandaverat. Sed quoddam hanc narrationem magis suspectam reddit est, quoddam dicit, cum non fuisse Presbyterio initiatum, nisi cum capilli senio albescere inciperent: nam ut infra dicam, 60. & ultra annis in Episcopatu vixit: quod contingere non potuisset, si jam senex Sacerdotio initiatus fuisset.

III. Bucolo Episcopo defuncto (ferunt Acta) Episcopi vicini convenientes, successorum Polycarpum Populi totius & Cleri promovente suffragio, necnon visionibus voluntatem Dei testificantibus constituerunt: ac subinde aliqua ab hoc Sancto Viri miracula patrata narrant.

IV. Quæ de Bucolo hæc historia narrat, nempe quod Smyrnenſis Episcopus fuerit ante S. Polycarpum, suscipiuntur à Græcis, volentibus, Bucolum ante mortem S. Polycarpum ordinasse in successorum. Sic enim habent in Menol. Basilii die 6. Februarii, *Sanctus Pater noster Bucolus ab ineunte ætate omnem suam operam in id contulit, ut pius esset, Deumque timeret: cuius studium ubi cognovit Sanctus Joannes Theologus, suscepit eum fecitque suum Discipulum, & unâ cum illo versatus est dum Ephesi fuit. Videnſ*

*autem illum virtute præditum, omnibusque spiritualibus operibus resurgentem atque perfectum, Smyrnæ Episcopum creavit: qui Sancto Spiritu duce multos Infidelium ab errore converfos & ad unum Deum adductos baptizavit. Sic autem excelluit, ut & futura prædiceret. Quare Sanctum Polycarpum sibi successurum prophetico spiritu prænoticens, adhuc vivens illum ordinavit, & Episcopum in suum locum Pastoremque constituit. Mortuus verò & sepultus plantam è tumulo suo germinare fecit, quæ multas curationes efficit.*

V. Idem quoad Ordinationem à Bucolo dicunt die 23. Februarii de S. Polycarpo his verbis: *Polycarpus Sanctissimus Joannis Theologi Apostoli & Evangelistæ Discipulus Smyrnæ Episcopus in æmortui sacratissimi Bucoli Episcopi locum ordinatus est: etenim Bucolos dum adhuc viveret, de eo prædixerat, fore ut esset alter Smyrnæ Episcopus. Commotâ autem à Decio Imperatore adversus Christianos persecutione, comprehensus & ad Proconsulem adductus, post multos cruciatus occubuit. Plurima verò miracula edidit: etenim priusquam ordinaretur exhauritus Nutricis suæ penæ bonorum omnium copiâ, ad egentium utilitatem, suis ad Deum precibus replevit. Postquam autem ordinatus est, magnum incendium oratione extinxit, & siccitatis tempore imbrem impetravit. Cùmque alia plurima portenta Dei gratiâ fecisset, obdormivit, miraculorum dono ad hunc diem illustratus.*

VI. Hæc Græci partim excerpta ex prænarrata historia, quæ valdè dubia sunt, utpotè ex authenticis monumentis non prolata (ut infra), præsertim verò de Bucolo ejus prædecessore; nam Svidas ponit Bucolum primum Smyrnæ Episcopum, & S. Polycarpum secundum. Vita S. Polycarpi apud Bollandum 26. Januarii ante Bucolum videtur ponere Strateam filium Loidis (de qua 2. ad Timoth. 1. v. 5.) & S. Timothei fratrem consobrinum. Constit. tamen Apost. L. 7. cap. 46. Aristonem primum Episcopum Smyrnæ ponunt, post quem Strateam Loidis filium, & deinde alium Aristonem. Tutius ergo est his parum fidere. Minus recipienda sunt, quæ dicunt de ejus Ordinatione factâ à Bucolo, cùm constet, eum ab Apostolis, qui tunc supererant, & maximè à Joanne, fuisse Smyrnenſi Ecclesiæ præfectum; sic enim Irenæus L. 3. adv. hæres. cap. 3. ait: *Polycarpus autem non solum ab Apostolis edoctus, & conversatus cum multis ex eis, qui Dominum nostrum viderunt, sed etiam ab Apostolis in Asia, in ea quæ est Smyrnis Ecclesia constitutus Episcopus, quem & v. s. vidimus in prima nostra ætate: multum enim perseveravit, & valdè sevens gloriosissimè & nobilissimè Martyrium faciens exivit de vita.*

Cùm



Cùm ergo Irenæus, qui S. Polycarpo fuit cœvus & ipsum vidit, testetur, cum ab Apostolis constitutum fuisse Episcopum, non à Bucolo vel alio; ejus testimonio standum est.

## §. II.

*Certa de ejusdem Gestis ac Martyrio.*

I. **S** Polycarpus tanto studio ardebat, pro retentione dogmæ, quæ ipse ab Apostolis Ecclesiæ tradita audierat, ut Hæreticos suo tempore nova, eaque contraria spargentes ferre non posset. Quare Irenæus in Epistola ad Florinum quemdam, qui ad hæresim Valentini transierat, apud Eusebium L. 5. hist. cap. 20. (quæ in operibus Irenæi extat) postquam Florino ostendit, ea, quæ ex Valentino tenebat, esse contraria iis, quæ à Beato Polycarpo simul didicerant, ait: *Et in conspectu Dei affirmare possum, Beatum illum & Apostolicum Presbyterum, si quid ejusmodi unquam audisset, exclamaturum continuò, & obturatis auribus suis, dicturum fuisse, prout ipsi moris erat, Deus bone, quæ me in tempora reservasti, ut hæc sustinerem!,, atque ex loco ipso ausugiturum, in quo seu stans seu sedens ejusmodi sermones audisset.* Idemque Irenæus L. 3. cap. 3. dicit, quòd cùm S. Polycarpus Romam sub Aniceto venisset, *Sunt qui audierunt eum dicentem, quoniam Joannes Domini Discipulus in Ephesio iens lavari, cùm vidisset intus Cerinthum, exilierit de balneo non lotus, dicens, quòd timeat, ne balneum concidat, cùm intus esset Cerinthus inimicus veritatis.* Et ipse autem Polycarpus Marcioni aliquando occurrenti sibi & dicens: Cognoscis nos? Respondit: Cognosco te primogenitum Satanæ. Quod refert etiam Hieronymus L. de Script. Eccles. cap. 17.

II. Ne putes tamen, S. Polycarpum in Hæreticos ita affectum fuisse, ut illos si converti vellent dedignaretur. Oderat errorem, sed homines diligebat, abhorrebat contumaces, sed poenitentes amplectebatur: ideòque S. Irenæus citato cap. 3. refert, quòd cùm Romæ multos à Marcione deceptos invenisset, eos ab errore avertit, & ad Ecclesiam reduxit, constanter docens doctrinam, quàm Ecclesiæ tradebat, esse illam, quam ab Apostolis ipse acceperat, & Apostoli à Christo. Ita Irenæus: *Cùm, inquit, advenisset in Urbem (Polycarpus) multos ex his, quos pradiimus (Valentinianos, & Marcionitas) hæreticos convertis in Ecclesiam Dei, quam & solam hanc veritatem annuntians, ab Apostolis percipisse se, quam & Ecclesiæ tradidit.* Hinc ibi tan-

to

to in honore habitus est, ut Anicetus, teste eodem Irenæo apud Eusebium L. 5. cap. 24. ei *in Ecclesia consecrandi munus, honoris causâ, concesserit*, idest in publico omnium Fidelium conventu loco sui Pontificalia munia obeundi. Nec controversia de Paschatis celebrandi die, quæ inter illos versabatur, commotionem disrupit, aut aliquatenus imminuit caritatem; nam etsi alter alterum in suam trahere sententiam non valuisset, nihilominus *cum pace à se invicem discesserunt*.

III. Merito igitur S. Hieronymus L. de Script. Eccles. c. 17. totius Asiæ principem illum vocat, dicens: *Polycarpus Joannis Apostoli Discipulus, & ab eo Smyrnæ Episcopus ordinatus, totius Asiæ princeps fuit*. Et Ignatius Martyr, quem, ut dixi, Polycarpus Romam adeuntem susceperat, cuique moriturus Ecclesiæ Antiochenæ curam commiserat, in Epist. ad Smyrnenfes *Dignum Deo Episcopum* appellat. Et Polycrates apud Eusebium L. 5. cap. 24. in Epist., quam ad Victorem Papam scribit, post Joannem Apostolum inter illustriores Asiæ Episcopos primum locum Polycarpo concessit.

IV. Postquam S. Polycarpum in Ecclesiæ suæ utilitatem ac decus super terram diuturno tempore Deus servavit, tandem statuit illum ad se trahere & glorioso Martyrio coronare. Contigit istud excitatâ ferâ persecutione in Asia contra Christianos, Quadrato illius Provinciæ Proconsule, sexto anno Imperii Marci Aurelii & Lucii Veri, anno probabiliter Christi 166. Historia Martyrii S. Polycarpi eruitur ex Epistola ab Ecclesia Smyrnenfi paulò post ejus mortem conscripta, cujus maximam partem suæ Historiæ inseruit Eusebius L. 4. cap. 15., quam integram exhibet P. Ruinart ex Usserio & Cotelerio, ex quibus quæ præcipua sunt colligam. Ex dicta tamen Epistola, ut ab Eusebio & aliis relata, S. Polycarpi Martyrium fuit velut quoddam signaculum, quod persecutioni finem imposuit: antea enim gloriosum agnem plures passi fuerant, quorum aliqui flagris ad intimas usque venas & viscera laniati, adeò ut corporis membra penitus recondita, & viscera ipsa conspectui paterent: aliqui concharum testis & præacutis quibusdam spiculis humi contratis superpositi, & omni suppliciorum ac tormentorum genere excruciat; alii bestiis, ut ab eisdem laniarentur, objecti.

V. Duo tamen facta narrantur, unum celebrandum, lugendum alterum. Celebrandum, quòd quidam Germanicus nomine ætate adolescens feris objectus, *cùm Proconsulis in se miserationem cerneret & ab eo persuaderetur, ut saltem vel ætatem suam cogitaret, si alia fortè in se contemneret omnia, dolentem pro se mimi-*  
cunt

*cum aspernatus est & dedignatus est veniam, quam persuaderet injunctus. Quare ipse ad se feram bestiam vocabat festinans maturè Mundi hujus labe exui, vel iniquitate privari. His visis vulgus universum stupore confectum, Christianorum animum mirabatur intentius, & clamatum est, Torqueantur nocentes, quærat Polycarpus, .*

VI. Alterum legendum factum tale fuit. Quidam nomine Quintus natione Phrygius superveniens, fortè de Patria, subitâ voluntate patieudi cruento iudici se præsentavit; sed voluntatem vicit infirmitas. Nam missis ad se feris, & ipso aspectu timore percussus, cœpit nolle quod voluit, & conversus ad Diaboli voluntatem probare illud, ad quod venerat destrueundum. Itaque Proconsulis suasionibus victus, ejurato Christo, Idolis sacrificavit: relinquens documentum, ne præcipiti audaciâ nostrâ infirmitatis obliiti temerè periculis nos objiciamus. Non enim ludare debemus eos, qui ultrò se offerunt, sed qui inventi latentes in passione potiùs perseverant. Sic nos namque Evangelicus sermo confirmat, & hoc hortatur exemplo, quo videmus cessisse ultroque, & vicisse compulsum.

VII. His auditis Polycarpus vir eximiæ prudentiæ, familiaribus hortantibus, non fugiens sed differens Martyrium, in agrum Civitati proximum secessit, die noctuque Deum orans, ut fortior esset in pœna. Signum tamen ante triduum quàm comprehenderetur revelationis accepit. Intuebatur, cervical capitis sui flammâ ambiente consumi, quo se igne fore cremandum intellexit, remque iis, qui cum eo erant, communicavit. Vix amicorum horatu in alium agrum secesserat, cùm qui eum ad necem quærebant, adfuerunt. Sed cùm ubi ille esset investigare non possent, correptis duobus quos ibi invenerant pueris, cùm eorum alterum verberibus cæcidissent, perducti sunt ab illo ad diversorium Polycarpi; ingressique sub vesperam invenerunt eum in superiori parte domus quiescentem. Potuisset quidem eorum audito adventu aliò divertere, id tamen neglexit, dicens: *Completur voluntas Dei: quamdiù voluit ille, distuli, & quamdiù iussit, optavi.*

Visis ergo illis statim descendit, & tantâ pedum velocitate & membrorum habitudine in ea ætate adeò provecta, ut omnes mirarentur. Ad eos cùm pervenisset, placido ac hilari vultu illos compellans, lautam mensam parari eis iussit, rogans ut interim sibi tempus orandi Deum indulgerent: quod obtinuit & duabus horis Orationem protraxit. Quâ completâ impositus asino cùm appropinquaret Civitati, obvios habuit Irenarcham Herodem & patrem ejus Nicetam, qui cùm vehiculo suo illum acce-

accepissent, eum hortari coeperunt dicentes: Quid mali est dicere, Domine Cæsar, & sacrificare, atque ita incolumem evadere? Frænato ille parumper ore, eisque urgentibus, tandem iratus respondit. Numquam faciam quod suadetis, nec minis, nec flagellis, nec morte ipsâ deterritus. Commoti tunc illi Polycarpum è vehiculo summâ velocitate corrente deiecerunt, ita ut tibia impetu magna ex parte læderetur. Verùm ille, ac si nihil mali passus esset, alacri animo properans pergebat ad stadium, deducitibus eum satellitibus.

VIII. Verùm cùm arenam fuisset ingressus, statim è Cælo vox sonuit clamans: *Polycarpe fortis eslo, & viriliter age*. Et eum quidem, qui vocem emisit, vidit nemo; vocem autem, qui præsentibus erant, audierunt. Tunc ad Proconsulem adductus ab eo interrogatur, num esset Polycarpus? ipsumque fatentem Proconsul hortari cœpit, ut negaret, dicens: *Miserere ætati tuæ: Jura per genium Cæsaris: respice: dic Tolle impios*. Tunc Polycarpus gravi ac severo vultu conversus ad Infideles & turbam Sceleratorum, qui ibi erant, manumque fatentem simulque gemens, ac Cælum suspiciens dixit: *Tolle impios*. Insistente verò Proconsule atque dicente: *Jura, & dimitto te: concitium fac Christo*. Polycarpus respondit: *Octoginta & sex anni sunt, ex quo servio ei, nec me ullâ affectis injuriâ: & quomodo possum convicia dicere adversus Regem meum, qui saluum me fecit?* Urgente verò Proconsule, ut saltem per genium Cæsaris juraret & persuaderet Populo; Polycarpus intrepidè recusavit. Tunc Proconsul *Bestias*, inquit, *babeo, bis te objiciam, nisi resipueris*. Polycarpo autem spernente bestias, rursus ait: *Quandoquidem bestias spernis, efficiam, ut igne consumaris, nisi sententiam mutes*. Cui Polycarpus: *Ignem minaris, qui ad horâ spatium ardet, ac paulò post extinguitur; ignoras enim illum sustari Judicii & æternæ pænæ ignem, qui impiis reservatur*. Verùm quid moraris? *Profer quodcumque volueris*.

IX. Hæc atque alia plurima cùm diceret, fiduciâ & gaudio replebatur, illiusque vultus plenus gratiæ erat: adeò ut non solum turbatus ad minas non concideret, sed Proconsul ipse stupe-ret: qui tamen suum misit præconem, ter in medio stadii proclamaturum: *Polycarpus se esse Christianum confessus est*. Quod ubi pronuntiasset, universa multitudo Gentilium ac Judæorum, qui Smyrnam incolebant, effrænata irâ & magnâ voce conclamare coeperunt: *Hic est Agas Magister; Pater Christianorum; nostrorum Deorum everfor, qui multos docet, ne sacrificent, neve Deos adorent*. Ista inquiringes rogabant Asiarcham Philippum, ut

ut Leonem adversus Polycarpum emitteret. At eo se excusante, quòd venationes seu spectacula jam explevisset: illi uno consensu inclamare cœperunt, ut Polycarpus vivus combureretur: necesse enim erat, ut visio ei, ut supra, ostensa de cervicali ardente circa ejus caput impleretur.

X. Hæc igitur citius peracta sunt, quàm pronuntiata. Cuncta Plebs confestim ligna & sarmenta congregavit, Judæis alacri animo, ut solent, ad ista juvantibus. Rogo autem præparato, Polycarpus sibi detractis omnibus vestimentis, & ciugulo soluto, conabatur etiam se exscalceare: quod prius non faciebat, quia singuli Fidelium contendeabant, quisnam celerius corpus ejus tangeret. Illicò ei circumposita sunt, quæ ad rogam parata fuerant, instrumenta. Cùm verò etiam clavis affigendus esset, dixit: *Sinite me sic; Qui enim mihi dat ignem pati, dabit & sine vestra ex clavis cautione immotum in pyra permanere.* Illi ergo non clavis eum defixerunt, sed ligaverunt. Sic manibus post tergum recinctis, tanquam aries in holocaustum Deo præparatus, Cœlum intuitus oravit Dominum, ut sacrificium sui ipsius acceptaret. Completâ autem Oratione & responso *Amen*, statim Ministri ignis accenderunt.

Cùm verò ingens flamma emicasset, grande miraculum visum est: Ignis enim ad formam arcus in aliquantam latitudinem cornua utraque flectens, velum navis imitatus corpus Martyris molli velabat amplexu, ne aliquid ex sanctis artubus flamma vastaret. Ipsum autem corpus, ut panis grata decoctio, vel ut aurum & argentum in fornace candens videbatur. Odor etiam thuris, aut myrrhæ, aut pretiosi alicujus unguenti, nidorem totius fugabat incendii. Tandem igitur cernentes impii, corpus ipsius non posse ab igne consumi, jusserunt congestorem ignis propius accedere, & gladium altè in sanctum corpus adigere. Quod cùm ille fecisset, statim columba egressa est, item tanta vis sanguinis, ut ignem extingueret, utque universa Plebs miraretur.

XI. Diabolus autem justorum inimicus acerrimus videns Polycarpi vitam irreprehensibilem glorioso Martyrio coronatam ac prodigiis illustratam, invidia percitus operam dedit, ne Reliquiæ corporis ejus à Christianis auferrentur, quamvis multis cuperent communicare. Suggestit ergo Nicetæ Herodis patri, fratri autem Alcos, adire Proconsulem, ne corpus illius ad sepeliendum traderet, ne, inquit, relicto Crucifixo, hunc colere incipiant: & hoc aiebant etiam suggerentibus Judæis, qui observaverant Fideles paratos illud ex igne extrahere: *Stetit* ajunt

Tom. V.

T t t

Smyr-

Smyrnenſes in Epist. apud Eusebium L. 4. cap. 15. ) *qui ignorant, nos nec Christum unquam posse relinquere, qui pro salute omnium, quotquot ex genere humano salvi futuri sunt, mortem perculerit, nec alium quemquam colere; illum enim utpotè Filium Dei adoramus; Martyres verò tanquam Discipulos & imitatores Domini merito amore prosequimur, ob eximiam ipsorum benevolentiam, quam erga Regem & Magistrum suam declararunt: quorum nos quoque consortes ac condiscipulos fieri omnibus modis optamus.* Ita secundo seculo credebant: solum Christum ut Filium Dei adorabant; sed Reliquias Martyrum ipsosque Martyres tanto honore prosequiebantur, ut Infideles ( licet falsò ) existimarent, eos par cultu ac Christum adorare. Non contemnebant ergo, ut moderni Hæretici faciunt: non adorabant pari cultu ac Christum, ut isti nobis imponunt; sed inferiori honore, ut servos & amicos Christi prosequiebantur.

XII. Porro Centurio Judæorum pertinaciam animadvertens, Polycarpi Corpus in medio ignis positum exussit. *Atque ita ( Smyrnenſes concludunt ) nos demum Oſſa illius gemmis pretioſiſſimis cariora colligentes, ubi decebat condidimus. Quo etiam in loco nobis, si fieri poterit, convenientibus concedet Deus natalem ejus Martyrii diem cum hilaritate & gaudio celebrare, tum in memoriam eorum, qui glorioso certamine perfuncti sunt, tum ad posterat hujusmodi exemplo erudiendos & confirmandos.* Hæc de Beato Polycarpo, qui cum aliis duodecim Philadelphienſibus Martyrio est coronatus. Qui tamen ſolus omnium hominum memoriâ ac famâ præcipuè celebratur, aded ut nomen ipſius ubique terrarum etiam à Gentilibus commemoretur. Paſſus fuiſſe dicitur *menſe Xanthici die ſecundo ante ſeptimum Kalendas Majas Magno Sabbatho borá oſtavá. Captus eſt ab Herode, ſub Pontifice Philippo Traliano, Proconſule Statio Quadrato.* Ita in prælaudata Epistoſa. Menſis Xanthicus ſumitur hic pro Aprili, quem Smyrnenſes à 25. Martii inchoaſſe aliqui volunt. Sed quia hoc non cohæret cum eo, quod dicitur 7. Kalend. Majas, putatur mendum irrepiſſiſſe. Die ergo 26. Martii, ſecundâ menſis Xanthici ſeu Aprilis, paſſum fuiſſe putat Pater Ruinart in Notis ad dictam Epistoſam, cum Magni Sabbathi character id evincat. Quamvis ejus feſtum die 26. Januarii Latini celebrent: Græci verò die 23. Februarii. Ejus paſſionem anno Chriſti 166., alii 169. conſignant, anno Imperii M. Aurelii Antonini vel ſexto vel nono. Sed hæc omit-tenda cenſeo. S. Polycarpi Martyrium compendio deſcribit Martyrologium Romanum die 26. Januarii ſic: *Smyrna Natalis S. Polycarpi, qui Beati Joannis Apoſtoli Diſcipulus, & ab eo ejuſdem*

*dem Civitatis Episcopus ordinatus totius Asia princeps fuit: postea sub Marco Antonino & Lucio Aurelio Commodo, sedente Proconsule, & universo Populo in Amphiteatro adversus eum personante, igni traditus est: sed cum ab eo minimè laderetur, gladio confossus Martyris coronam accepit: cum quo etiam alii duodecim ex Philadelphia venientes in præfata Urbe Martyrio coronati sunt.*

## CAPUT X.

## De Sancta Maria Magdalena.

**N**on solum Viri, sed & Mulieres testimonium pro Christi ejusque Fidei ac Religionis Veritate perhibuerunt: imò quamvis sexu infirmiores, in fide tamen & dilectione constantiores Viris se præbuerunt. Cum enim, ut dixi in Passione Domini, Apostoli ac Discipuli in Fide nutaverint, & latebras ne deprehenderentur quæsierint, Mulieres impavidè ipsum nunquam, quando sibi licuit, deseruerunt. Eum comitatur sunt Crucem ad Calvarium portantem, Cruci affixo ei assisterunt, unguenta, ut demortui corpus ungerent, emerunt, & præcurrentes ad monumentum, Resurrectionis ejus testimonium priores dederunt. Inter omnes fide ac dilectione excelluit Maria Magdalena, de qua in præsens agemus. De ha ergo primò sit

## §. I.

*Utrum una & eadem sit mulier Evangelica, quæ Dominum unguento perfudit.*

- I. **C**ontroverfiæ cardo est, utrum ea, quæ Lucæ 7. Domini pedes unxit & peccatrix appellatur, eadem sit, quæ Matth. 26. & Marci 14. ejusdem Servatoris caput unguento perfudisse narratur: ac rursus eadem, quæ Joannis 12. pedes dumtaxat significatur unxisse, sororque Lazari Joann. 11. nuncupatur. Sive utrum etiam illa ipsa mulier, quæ Christum unxisse iis in locis dicitur, sit eadem cum Maria Magdalena, ex qua septem Dæmonia exiisse dicuntur Lucæ 8. An verò plures Mulieres iis in locis intelligendæ sint. Quæstionem hanc ex Recentioribus fusè tractant Baronius ad annum 32. à num. 18., Natalis Alexandr. tom. 1. hist. ad disert. 17. Mantissa, Tilmontius tom. 2., aliiq. Causa hæc sub iudice adhuc est, & propter disensionem,

tum inter Modernos, tum etiam inter Veteres nondum finita est & fortè nunquam finietur.

II. Græci in Menol. Basilii 22. Julii Mariam Magdalenam eandem volunt esse, ex qua septem Dæmonia exierant, eam tamen à Maria sore re Marthæ; de qua die 8. Februarii, distinguunt, quam à muliere peccatrice distinguit Photius Cod. 275., dum eam fuisse Virginem asserit. Hujus opinionis visi sunt esse Patres Græci: his præit Irenæus L.3. adv. hæres. cap.14., ubi ostendens, Lucam nobis multa indicasse, quæ cæteri Evangelistæ tacuerunt, inter alia ponit, quòd *apud Phariseum recumbente eo peccatrix mulier osculabatur pedes ejus, & unguento ungebat*. Ex quibus videtur inferri, quòd cùm cæteri Evangelistæ de Maria Magdalene, & Maria sore re Lazari mentionem faciant, hæc mulier peccatrix sit diversa ab illis. Dici posset tamen S. Irenæum solum velle, Lucam expressisse non personam sed qualitatem personæ, nempe peccatricis, quam cæteri omiserunt.

III. Origenes tum Homil.1. & 2. in Cantica, tum maximè Tract.35. in Matth., mulierem peccatricem distinguit ab ea, de qua Matthæus & Marcus, & ab ea, de qua Joannes loquuntur: ait enim: *Forſuan ergo quis dicit, quatuor fuisse mulieres, de quibus conscripserunt Evangelistæ; ego autem magis consensio tres fuisse & unam quidem, de qua conscripserunt Matthæus & Marcus, alteram, de qua scripsit Lucas, aliam autem, de qua scripsit Joannes: quoniam differt ab aliis mulieribus, non solum in his, quæ scripta sunt de unguento, sed quoniam & diligebat Jesus Mariam & Martham, quamvis & ipsa in Bethania reſeratur fuisse, sicut & mulier, de qua exponunt Matthæus & Marcus.*

IV. Accedit S. Joannes Chrysostomus tum homil. 81., modò 80. in Matth., ubi ad illa verba cap.26. v.7.: *Accessit ad eum mulier habens alabastrum unguenti pretiosi, & effudit super caput ejus*, ait: *Hæc mulier una eademque videtur esse apud omnes Evangelistas; sed verè non est: verùm apud tres Evangelistas una meo judicio eademque est; apud Joannem verò non item; sed alia quædam mirabilis mulier soror Lazari.* Tum hom.61. modò 62. in Joann., ubi ad illa verba Joann.11. v.2.: *Maria autem erat ea, quæ unxit Dominum unguento*: hæc habet: *Hic quidam questionem movent, cur Dominus hoc mulierem facere permisit? Primò itaque discas oportet, non hanc esse meretricem, de qua Matthæus & Lucas, sed aliam honestam mulierem.*

V. Idem Theophylactus in cap.14. Marci (quem refert S. Thomas in Catena aurea) *Quamvis autem, inquit, quatuor Evangelistæ unguentum mulieris commemorent, non est tamen una sed*



*sed una: una quidem, quæ describitur à Joanne, quæ soror est Lazari, quæ scilicet ante sex dies Pascha unxit pedes Jesu: alia verò, quæ à reliquis tribus Evangelistis describitur. Adhuc autem si attendas, invenes has tres esse. À Joanne enim una describitur; altera verò à Luca, à duobus verò reliquis altera. Quæ enim à Luca describitur, meretrix esse dicitur, & in medio prædicationis tempore ad Jesum venisse: hæc verò, quæ à Matthæo & Marco describitur, dicitur in tempore Passionis venisse: nec peccatricem eam fuisse satendum est. Ita ex Græcis alii quoque.*

VI. Ex Latinis Patribus visi sunt dubitasse S. Ambrosius ad cap. 7. Lucæ de illa muliere, quæ pedes Domini unxit, & peccatrix dicitur apud Lucam, & illa, quæ apud Matthæum caput ejus unxisse memoratur: *Potest ergo, inquit, non eadem esse, ne sibi contrarium Evangelistæ dixisse videantur. Potest etiam quaestio meriti & temporis diversitate dissolvi, ut adhuc illa peccatrix sit, ista perfectior. Etsi enim personam non mutat Ecclesia vel anima, tamen mutat profectum. Et L. 10. in cap. 14. Lucæ, ex eo quòd Christum noctu surrexisse aliæ mulieres sciunt, aliæ nesciunt, infert eas diversas esse, dicens: Nescit una Maria Magdalena secundum Joannem, scit altera Maria Magdalena secundum Matthæum. Nam eadem ante scire, postea nescire non potuit: ergo si plures Mariæ, plures fortasse etiam Magdalena: cum illud personæ nomen sit, hoc locorum. Denique alteram esse cognosce. Illa permittitur pedes Domini tenere: tangere Dominum ista prohibetur. Illa Angelum videre meruit: hæc primò cum venit, neminem vidit. Illa Discipulis Dominum resurrexisse nuntiavit: ista raptum esse significat. Illa gaudet; hæc plorat. Illi in gloria sua jam Christus occurrit: hæc adhuc mortuum querit. Illa Dominum vidit & credidit: hæc non potuit agnoscere cum videret. Illa fidei adorabat spiritum; hæc dubio mæstificabatur affectu.*

Non fuisse eandem mulierem, quæ Domini pedes unxit, & quæ caput, sentiunt S. Hilarius in psalm. 132., S. Hieronymus in cap. 16. Matth. & L. 2. adv. Jovin.: & S. Augustinus Tract. 49. in Joann. dubitat, an Maria soror Lazari sit ipsa, quæ pedes Domini unxit unguento, & terit capillis suis.

VII. Rationes insuper afferunt pro hac opinione Recentiores. Prima est, quòd mulier peccatrix, de qua Lucas, morabatur in Galilæa, & fortè in Civitate Naim; illa verò, de qua cæteri tres Evangelistæ, in Bethania.

Secundò: Mulier, quæ pedes Christi unxit Lucæ 7., erat peccatrix in Civitate; quæ verò ipsum unxisse refertur Matth. 26. & Joann. 12., sancta erat, & à Joanne Lazari soror dicitur, & Chri-

Christo dilecta: imò ipse Lucas, qui cap.7. Peccatricis historiam narraverat, subinde cap.10. de Maria sorore Marthæ loquitur, quasi de ea nullam unquam mentionem fecerit.

Tertiò: verisimile non videtur, quòd Maria Marthæ & Lazari soror fuerit publica meretrix: id enim generis nobilitati derogasset, nec Lazarus tantum familiæ probum tolerasset.

Quartò: Peccatrix illa Judæa esse non potuit, sicut Maria Lazari soror, sed Gentilis: Lex enim Mosaica meretrices non ferebat, Deuteron. 23. v. 17.: *Non eris meretrix de filiabus Israel.*

Quintò: verisimile non est, Mariam sororem Lazari Christo adeò familiarem publicam meretricem extitisse. Tum quia Judæi hinc occasionem cœpissent eum calumniandi; tum quia mortuo Lazaro ad ejus dolorem leniendum tantâ frequentiâ usque ad monumentum non confluxissent.

Sextò: de Maria Magdalena dicitur Lucæ 8. v.2. septem Dæmonia exiisse; de Maria sorore Lazari indignum videtur. Magdalena sequebatur cum aliis Dominum per Civitates & Castella, Maria soror Lazari semper proponitur domi suæ manens in Bethania. Demum credibile non est, mulierem arripitiam fuisse meretricem, & habuisse amafios. Magdalena igitur & à Maria sorore Lazari & à peccatrice distinguitur.

Septimò: Mulier peccatrix, de qua Lucas cap.7., dicitur unxisse pedes Jesu in domo cujusdam Pharisei: quæ verò unxisse dicitur Matth.26. & Marci 14., id fecisse legitur in domo Simonis Leprosi: quæ tandem Joann. 12. commendatur, hoc pietatis officium in propria domo videtur præstitisse.

Octavò: illa, de qua Lucas cap.7., unxit pedes Jesu longè ante Passionem, nempe sub prædicationis initio: illa, de qua Matthæus cap.26., id fecit biduo ante Pascha: ait enim ibidem Jesus: *Scitis, quia post biduum Pascha fiet.* Quæ verò à Joanne memoratur cap.12., id fecit sex diebus ante Festum Paschæ.

Nonò: Mulier, de qua Mattheus & Marcus, accessit cum alabaistro unguenti & effudit super caput Jesu, propter quod indignati sunt Discipuli: illa, de qua Joannes, accepit libram unguenti, illud effudit super pedes, & solus Judas dicitur murmurasse.

Decimò: In Evangeliiis Mariæ Magdalene sæpissimè mentio fit, ut Matth.27. & 28., Marci 15. & 16., Lucæ 8. & 24., Joann. 19. & 20., nunquam tamen Marthæ & Lazari soror appellatur: nec Maria Lazari & Marthæ soror unquam Magdalena nuncupatur. Signum ergo est, Mariam Mag-

dalenam à Maria sorore Lazari & Marthæ esse diversam.

Tandem ex cap. 19. Joannis v. 35. habetur, unam Mariam Magdalenam cum Maria Matre Jesu, sorore Matris ejus, stetit *juxta Crucem Jesu*: alteram autem Magdalenam Marci 15. v. 40. cum aliis mulieribus fuisse *à longè aspicientem* Jesum in Cruce pendentem. Præterea Joann. 10. una Magdalena est, quæ sola venit ad monumentum, quæ ibi stetit foris plorans, cui Christus apparuit, & à qua se noluit tangi: altera, quæ Matth. 28. venit cum alia Maria, quibus Jesus occurrens dixit *Avete*, & à quibus permisit sibi pedes teneri. Duplicem ergo non unam fuisse Magdalenam Evangelium indicat. Præfatis igitur tum Patrum auctoritatibus, tum ratiociniis ex Evangelio depromtis firmatur sententia Græcorum, non unam tantum, sed plures fuisse mulieres, quæ unxerunt Jesum, & mulierem peccatricem à Maria sorore Lazari fuisse diversam. Cui opinioni ex Recentioribus subscribunt non pauci.

VIII. Nihilominus pro sententia contraria, asserente unam fuisse mulierem Christi unctricem, quæ tale pietatis officium pluries, & pluribus in locis exercuit, eandemque esse mulierem peccatricem ac Mariam Magdalenam & Mariam sororem Lazari, opinantur alii Patres, præsertim Latini. Horum primus est Tertullianus, qui L. de Pudicitia cap. 11. etsi factus jam Novatianus, admittit tamen eandem fuisse, quæ peccatrix Christi pedes lavit, & quæ postea unxit inaugurans ejus sepulturam, his verbis: *cùm Dominus peccatrici semina etiam corporis sui contactum permittit lavanti lacrymis pedes ejus, & crinibus detergenti, & unguento sepulturam ipsius inauguranti &c.* Idem sentit Sanctus Ephræm Syrus Serm. in mulierem peccatricem.

Succedunt S. Hieronymus & Ambrosius, qui est citatis locis faverint opinioni asserenti, plures fuisse unctrices Christi mulieres, attamen inclinant in eam, quæ asserit fuisse unam. Hieronymus enim Præfat. in Oseam: *Hæc est*, inquit, *mulier meretrix & adultera, quæ in Evangelio pedes Domini lacrymis lavit, crine detegit, & confessionis suæ honoravit unguento, indignantibusque Discipulis & maxime Proditore, quod non fuisset venditam, & pretium illius in alimenta pauperum distributum, Dominus respondit, „ Quid molesti estis huic mulieri? „ Ubi simul conjungens, quæ de muliere Christi unctrice Lucæ 7. Matth. 26. Marci 14. & Joann. 12. referuntur, eandem omnino personam esse indicat, de qua omnes Evangelistæ dicunt Christum unxisse.*

S. Ambrosius verò in cap. 7. Lucæ ait: *Hanc ergo mulierem inducit S. Mattheus supra caput Christi effundentem unguentum.*

Et

*Et ideo fortè noluit dicere peccatricem . Nam peccatrix secundùm Lucam suprà Christi pedes effudit unguentum . Licet autem subjungat : Potest ergo non eadem esse , ne sibi contrarium Evangelista dixisse videantur : addit tamen : Potest etiam quæstio merito & temporis diversitate dissolvi . . . ; etsi enim personam non mutat Ecclesia vel anima , mutat tamen profectum . Ambrosius utramque sententiam de muliere unctrice tenet : & quòd sit persona diversa , & quòd sit eadem persona cum diversitate meriti , olim peccatrix , postea perfecta .*

IX. Præ omnibus S. Augustinus , licet ut supra Tractat. 49. in Joann. visus fuerit anceps , tamen Lib. 2. de Conf. Evangelist. cap. 79. Matthæum cum Luca hac in re componens , ait : *Nihil itaque aliud intelligendum arbitror , nisi non quidem aliam fuisse mulierem , quæ peccatrix tunc accessit ad pedes Jesu , & osculata est & lavit lacrymis & terxit capillis & unxit unguento , cui Dominus adhibitâ similitudine de duobus debitoribus , ait , dimissa esse peccata multa , quoniam dilexit multum : sed eandem Mariam bis hoc fecisse semel scilicet quod Lucas narravit , cùm primò accedens cum i'la humilitate & lacrymis meruit peccatorum remissionem . Nam hoc & Joannes , quamvis non sicut Lucas quemadmodum factum esset narraverit , tamen ipsam Mariam commendans commemoravit , cùm jam de Lazaro resuscitando cæpisset loqui , antequam veniret in Bethaniam . Quod ita ibi narrat Joann. 11. v. 1. , Erat autem quidam , inquit , languens Lazarus à Bethania de Castello Mariæ & Marthæ sororis ejus . Maria autem erat , quæ unxit Dominum unguento & extersit pedes ejus capillis suis , cujus frater Lazarus infirmabatur . . . Hoc dicens Joannes adtestatur Luca , qui hoc in domo Pharisei cujusdam Simonis factum esse narravit . Jam itaque hoc Maria fecerat . Quod autem in Bethania rursum fecit , aliud est , quod ad Luca narrationem non pertinet , sed pariter narratur à tribus , Joanne scilicet & Matthæo & Marco .*

*Inter istos igitur tres Matthæum Marcum & Joannem quemadmodum hoc conveniat attendamus , de quibus non est dubium , quòd eandem rem narrent gestam in Bethania , ubi etiam Discipuli , quod omnes tres commemorant , murmuraverunt adversùs mulierem tanquam de perditione pretiosissimi unguenti . Quod ergo Matthæus & Marcus caput Domini unguento illo persusum dicunt , Joannes autem pedes , regulâ illâ ostenditur non esse contrarium , quam demonstravimus (suprà c. 46. n. 98.) cùm de quinque panibus pasceret Turbas . Ibi enim quia non desuit qui & quinquagenos discubuisse commemoraret , cùm alius quinquagenos , & centenos dixerit , non potuit videri contrarium : potuisset autem si alius centenos tantum posuisset , sicut*

sicut alius quinquagenos, & tamen debuit inveniri utrumque factum esse. Quo exemplo informari nos oportuit, sicut illic admonui, etiam ubi singuli Evangelistæ singula commemorant, utrumque factum intelligere. Proinde hic non solum caput, sed & pedes Domini accipiamus perfudisse mulierem. Ita S. Augustinus, qui alia multa præmittit & subjicit, à quibus referendis, ne prolixior sum, abstinco.

X. Idem S. Gregorius non uno in loco sentit. Eandem enim esse Mariam Magdalenam ac mulierem peccatricem dicit homil. 8. in Ezechielem, & homil. 25. in Evangelia, & homil. 33. eandem esse cum Maria sorore Lazari dicit his verbis: *Hanc vero, quam Lucas peccatricem mulierem, Joannes Mariam nominat, illam esse Mariam credimus, de qua Marcus septem Dæmonia ejecta fuisse testatur. Et quid per septem Dæmonia nisi universa vitia designantur?* Adjungendi sunt Beda in tribus suorum Comment. locis super Matthæum Marcum & Lucam, Petrus Damiani Epist. 12. ad desiderium, S. Bernardus Serm. 3. de Assumt., & S. Thomas Lect. 15. in cap. 12. Joannis, ubi hæc habet: *Dubitatur autem, utrum hæc eadem mulier fuerit, de qua dicitur, quod unxit Dominum, & de qua dicitur Lucæ 7. Matth. 26. & Marci 14. Multis quidem videtur secundum Hieronymum & Chrysostomum, quod mulier peccatrix, de qua Lucas narrat, non sit Maria soror Lazari, quæ Dominum dicitur unxisse. Origenes autem addit, quod non sit eadem etiam, de qua Matthæus & Marcus narrant, sed illa sit quedam alia tertia. Et infra: Augustinus verò & Gregorius dicunt, quod una & eadem mulier fuit, quam quatuor Evangelistæ narrant, Dominum unxisse, sed bis hoc fecit: primò quidem in principio suæ conversionis intermedio tempore prædicationis Christi, quod Lucas narrat; secundò verò imminente Christi passione hoc fecit, quod tres alii Evangelistæ narrant: unde idem factum est quod hic narratur, & quod habetur Matth. 26. & Marci 14.. Cui sententiæ subscribens S. Thomas momenta contraria solvit, de quo infra. Jansenius etiam in Tetrateucho ad cap. 7. Lucæ eandem amplectitur; ubi dicit, quod mulieris peccatricis nomen honoris causâ tacet, sed fuit Maria, quæ Cap. sequente v. 2. dicitur Magdalena, & alibi soror Lazari ac Marthæ.*

XI. Quia verò ex hætenus dictis apparet, Patres Græcos oppositum sentire, & ex Latinis aliquos in utramque partem flecti: idèd censèo neutram Sacræ Scripturæ repugnare; opinionem tamen Augustini, & aliorum Latinorum, ut magis consonam amplecti placet: unam nempe esse mulierem peccatricem, Mariam Magdalenam, & Mariam sororem Lazari &

Marthæ. Ad momenta igitur contraria supra posita respondere conabor.

XII. Ad primum ergo dico, non esse inverisimile, unam ac eandem mulierem maximè liberiori vitæ indulgentem, qualis tunc erat Maria, propriâ relictâ domo & patriâ aliò se transferre: maximè quia in propria domo & patriâ sub oculis Lazari & Marthæ inhonestam & scandalosam vitam agere permissum ei non fuisset. Unde colligitur quidem, diversas fuisse unctiones, quia diversis in locis factas, non tamen mulierum ungentium diversitas.

XIII. Ad secundum dico non repugnare, quòd ea, quæ olim peccatrix fuerat, postea fiat sancta; ut enim supra ex Ambrosio dixi, anima, non personâ sed profectu tempore mutatur. Ita S. Paulus Vas electionis alius erat à Saulo persecutore. Sanctus Lucas autem sicut cap. 7. ubi eam peccatricem nominat, voluit reticere nomen, ne eam infamaret: ita cap. 10., ubi eam jam sanctam proprio nomine appellat, multò magis reticere deuit, eam fuisse olim peccatricem. Quod S. Lucæ familiare fuit, nam & S. Matthæi vocationem commemorans, qui ex Publicano factus Apostolus est, eum nomine proprio non appellavit, sed *Levi*: & ignoraremus quis ille fuisset, nisi S. Matthæus ipse proprium nomen ex humilitate prodidisset.

XIV. Ad tertium credibile non est, eo sensu Magdalenam dici peccatricem, quia publica & quæstuarie meretrix esset, sed quòd alicui Civitatis Viro nobili ac potenti nimiam amoris voluptate addictâ, toti Civitati scandalo esset: vel quod meretricio quodam ornatu incederet, ut homines ad sui amorem alliceret, & sic occasionem vulgo daret de sua honestate male cogitandi: id autem cum sui juris ipsa esset, Lazarus fortè impedire non poterat.

XV. Hinc ad quartum respondeo, Magdalenam fuisse quidem illicitis amoribus devinctam, non tamen prostitutam aut saltem publicè meretricem. Sed hoc etiam dato non sequitur eam non fuisse Gentem Judæam. Prohibitæ quidem erant meretrices, adhuc tamen ex filiabus Israël adesse supponuntur ibidem v. 18.: *Non offeres mercedem prostibuli*; & Levitici cap. 21. v. 7. de Sacerdotibus dicitur: *Scortum & vile prostibulum non ducunt uxorem*, & v. 14.: *Meretricem non accipiet, sed puellam de Populo suo: ne commisceat stirpem generis sui vulgo gentis suæ*. Erant ergo meretrices apud Judæos, quamvis prohibitæ essent, sicut erant sœneratores & alii Legis violatores.

XVI. Ad quintum respondeo, mirum non esse, quòd Christus

flus, qui venerat propter peccatores convertendos, eos specialiter pœnites diligeret, & proinde etiam Magdalenam, in qua specialem noverat erga se dilectionem. Nec ex hoc offendi poterant Judæi, qui sicut viderant eam peccatricem; ita postea videbant eam pudicam & sanctam. Quamobrem nec mirum est, quòd in morte Lazari, quæ biennio post ejus conversionem contigit, ut eam consolarentur, confluerent; maximè quia erant noti amici aut consanguinei.

XVII. Ad sextum dici potest cum S. Gregorio supra laudato, Mariam Magdalenam non corpore sed animo tantum fuisse à Dæmoniis obsessam, quia multis peccatis antea implicatam, sed à Christo misericorditer solutam. Dici etiam potest (& propius Litteræ Evangelii); quòd Deus in libidinum suarum pœnam Dæmonibus etiam corporalitet vexandam eam tradiderat, à quibus per Jesum liberata pœnitens accessit & absoluta fuit: inde in grati animi significationem Jesum Liberatorem secuta est per Galilæam per Civitates & Castella prædicantem, donec in Bethaniam regressa, ibi cum Lazaro fratre & Martha sorore totam se Verbi Dei contemplationi dedit.

XVIII. Ad septimum admitto cum S. Augustino L.2. de Conf. Evang. cap.79. diversum à Simone Leproso esse Simonem Phariseum: nam *si potest unus homo habere nomina duo, multis magis possunt & unum nomen habere homines duo.* Admitto etiam cum eodem, diversam fuisse unctionem, & diverso in loco factam. Sed eadem mulier fuit, quæ in utroque loco licet diverso tempore hoc fecit: semel quidem in domo Simonis Pharisei, & iterum in Bethania in domo Simonis Leprosi. Hanc autem non fuisse propriam Lazari & sororum ejus domum, ex eo colligo, quod dicitur Joann 12. v.2. : *Lazarus unus erat ex discumbentibus cum eo;* idest unus ex invitatis ad cœnam.

XIX. Ad octavum dico, eandem fuisse cœnam, quam Matthæus cap.26., Marcus cap.14. dicunt factam in Bethania in domo Simonis Leprosi cum ea, quam describit Joannes tacito nomine domus & invitantis; diversam tamen à prandio apud Phariseum biennio ante factò, de quo Lucas. Nec obest quòd Matthæus & Marcus illam cœnam proponant factam biduo ante Pascha, Joannes vero *ante sex dies Paschæ.* Matthæus enim & Marcus recapitulando posuerunt, ut factum in Cœna, quod postea factum fuit. Ita S. Augustinus laudato L.2. de Conf. cap.78. his verbis: *Recapitulando ergo (Matthæus & Marcus) ad illum diem redeunt in Bethaniam, qui erat ante sex dies Paschæ, & narant quod Joannes de cœna & unguento; unde venturus erat Jero-*

*solymam, & peractis illis, quæ narrata sunt, perventurus ad diem, qui erat ante biduum Pascha, unde isti digressi sunt, ut recapitulando commemorarent quod ante in Bethania de unguento gestum est: cujus rei peractâ narratione, illuc iterum redeunt, unde digressi fuerant, ut jam sermo Domini narretur, quem habuit ante biduum Pascha.* Ita etiam S. Thomas S. Augustinum secutus in cap. 12. Joann. Lect. 1. Ordo igitur historię is est: Ante sex dies Paschæ facta fuit Cœna & unguenti perfusio, sequenti die ingressus est more triumphali Jerosolymam, ubi ante biduum Pascha præcedens sermonem habuit de sua imminente prodizione, quam Judas hoc medio tempore machinabatur.

XX. Ad nonum jam dixi supra ex S. Augustino, quòd licet Joannes dicat, mulierem effudisse unguentum supra pedes, Matthæus verò & Marcus supra caput Jesu, utrumque tamen factum fuisse credi debet. Sicut enim cùm quinque millia hominum Christus quinque panibus pavit, Lucæ 9. dicuntur discubuisse per quinquagenos: Marci autem 6. dicuntur discubuisse per centenos & quinquagenos, utrumque factum esse intelligimus, & ut centeni ac quinquageni discumberent, supplente Marco quod Lucas omiserat: ita & hic, dum alius pedes alii caput Christi à pia muliere perfusum dicunt, utrumque factum intelligi debet, ut prius ad humilitatem pedes perfuderit, deinde fracto alabastrum reliquum super caput effuderit, licet hoc solum alii Evangelistæ narraverint. Quòd verò alii alabastrum unguenti alius libram unguenti mulierem accepisse dicat, minus obest: quia alabastrum designat genus vasis, libra verò unguenti quantitatem & pondus. Demum quòd Matthæus & Marcus dicant, Discipulos indignatos de effusione unguenti murmurasse, Joannes solum Judam, benè componitur dicendo, aliquos ex Discipulis murmurasse, Judâ tamen instigante, vel juxta loquendi modum Hebræis familiarem, positum fuisse numerum pluralem pro singulari, sicut à Matthæo cap. 27. & Marco cap. 15. de Latronibus cum Christo crucifixis dicitur, quòd *improperabant, convitiabantur ei*, cùm tamen Lucas cap. 23. de uno solo id asserat v. 39. : *Unus autem de his, qui pendebant Latronibus, blasphemabat eum*, & quòd alter illum increpaverit.

XXI. Ad decimum respondeo, unam eandemque personam variis nominibus donatam posse modò uno, modò alio nomine designari. Exemplum est in Petro, qui modò Simon, modò Simon Petrus, modò Simon Joannis, modò Petrus, modò Cephas appellatur. Sic eadem Maria, modò Magdalena, modò soror Marthæ & Lazari, modò tantum Mulier nominatur, prout



prout sese præbet occasio . Si enim aliquod factum Evangelistæ narrent , quod sit illi commune cum Martha & Lazaro , eam vocant Mariam sororem Marthæ & Lazari ; sin secus , vel Mariam Magdalenam , vel Mariam , quæ unxit Dominum unguento , appellant . Unde quia Lucas cap. 10. eam describit cum Martha ministrantem , Joannes cap. 11. , ubi utramque pro Lazaro fratre supplicantem refert , & cap. 12. , ubi Lazarus cum Christo Martha ministrante & Maria ungente discumbit , eam sororem Marthæ & Lazari appellant . Quia autem Marcus & Matthæus nihil referunt , ubi Lazari aut Marthæ mentio fieri oporteret , sed aliquid ipsi Mariæ singulare , eam Mariam Magdalenam vocant reticentes quòd Lazari & Marthæ soror esset , quod in simili casu Lucas etiam & Joannes fecerunt .

XXII. Ad undecimum dico , eandem ominò Mariam Magdalenam juxta Crucem fuisse , & longè à Cruce , diverso tamen tempore . Juxta Crucem fuit , cùm secundum Joannem Christus Matrem dilecto Discipulo commendans , ait : *Mulier ecce filius tuus* : A longè autem erat , quando secundum Marcum cap. 15. v. 40. Christus jam expiraverat . Tunc enim , sive ob Turbam sive ob aliam causam Magdalena & aliæ mulieres longiùs à Cruce recesserunt : & cum ea recessit etiam Maria Cleophæ seu Jacobi Minoris , quæ paulò ante cum ipsa juxta Crucem erat . Sic etiam dico ad alteram objectionis partem , quòd sicut idem Petrus fuit , qui unà cum Joanne ad sepulturam accessit , & cui soli postea Christus apparuit : sic eadem Magdalena fuit , quæ primum cum sociis deinde sola ad monumentum plorans stabat . Unde S. Thomas in cap. 20. Joann. Lect. 2. : *Utramque* , inquit , *verum est ; quia illud præcessit , quod narrat Matthæus & Marcus , quando scilicet primò venerunt , & credentes eum sublatum , redierunt ad Discipulos ; & istud , quod narrat Joannes , contigit in reditu , quando rediit cum Discipulis , & ipsis recedentibus sola remansit* . Hæc pro utraque hujus quæstionis parte . Rationes hinc inde Lector expendat . Unicam esse Magdalenam & sororem Lazari , ut probabilius elegi , præcipuè , quia de una tantum Ecclesia Latina commemorat ; quamvis Græca aliter sentiat : nam de Maria Magdalena 22. Julii agit ; de Maria verò sorore Lazari & Marthæ 7. Februarii , quas Martyrio obiisse his verbis loquitur in Menologio Basilii : *Sancta Christi Martyr Martha ejusque soror Maria virgines erant pia Deumque timentes . Cùm autem Provinciæ Præfectus , secus domum ubi morabantur , pertransiret , & fenestra prospicientes , Christianas sese professæ sunt . At Præfectus virentem earum aetatem intuitus : Salvas , inquit , omniù vos esse*

esse vellem; nisi Diis sacrificaveritis, malè peribitis. Cui Sancta mors non est, inquit, sed vita pro Christo mori. Eadem dixit & Lycarion adolescens Monachus, qui cum virginibus virtute certabat; adjecitque, Græcorum Deos simulacra inania esse, eorumque cu liores miseros & infelices. Iratus igitur Prasæctus præcepit militibus, ut eos interficerent: qui Sanctas quidem in Crucem altis gladiis confecere; Monachum autem Lycarionem decollarunt. Atque in hunc modum visis sancti, animas suas Domino tradiderant. Hæc Græci, Latinis, qui volunt, utramque in pace quievissè, adversantes. Quod autem de Lycarione dicunt, novum est; imò incredibile, quòd tunc extarent Monachi.

## §. II.

*De Adventu S. Mariæ Magdalene cum Lazaro fratre  
& Martha sorore in Gallias.*

I. **A**B implexa quæstione de identitate Mariæ Magdalene cum Maria sorore Marthæ & Lazari ad aliam magis intricatam vocor; nimirum, an hæc post Christi Ascensum unà cum Lazaro fratre & sorore Martha in Gallias appulerit. Cujus quæstionis dubietatem maximè parit priorum seculorum Patrum altum silentium. Nihilominus quia Schedæ veteres Provinciarum Galliæ huic Traditioni testimonium præbent, aliqua ex eis dem & subsequentiū seculorum Scriptoribus proferam.

II. Primò ergo occurrunt Acta SS. Tutelarium Ecclesiæ Tolonenfis piis curis Desiderii Episcopi anno 572. conscripta, quæ sic habent: *Clemens fuit nuns ex 72. Discipulis Christi; cui B. Petrus Apostolus specialiter commendavit beatam Mariam Magdalenam, sicut Mater Christi Joanni fuerat commendata. Cùm igitur post lapidationem S. Stephani, Judæorum persecutio in Discipulos ebulliret, Judæi Mariam Magdalenam, Martham cum Marcella pedisseque, Lazarum, Maximinum, Cidonium, qui cæcus erat à nativitate, & alios plures naviculâ impositos, sue remige, mari exposuerant, ut sic undis necarentur. Qui, Deo Duce, omnes incolumes Massiliæ applicuerunt, ubi prædicantes universam Provinciam converterunt.* Ex his fortè descripsit Sigebertus Gemblacensis Monachus, qui seculo decimo floruit, in Chronico ad an. 745. ubi ait: *Persecutione post lapidationem S. Stephani Protomartyris motâ, Maximinus unus de septuaginta Discipulis ad Gallias transiens Mariam Magdalenam secum adtinxit.* Quod ex Manuscripto Vaticano refert etiam Baronius ad annum 35. num. 5. & addens, eos

eos comitem habuisse etiam Iosephum ab Arimathæa nobilem Decurionem, quem tradunt e Galliis in Britanniam Evangelium asportasse .

III. Secundò occurrit antiquus Codex MS. Ecclesiæ Saniensis ( vulgò *Senez* ) qui ad seculum nonum refertur , in quo hæc leguntur : *Qualiter Magdalena, Divinâ ordinante Clementiâ, cum S. Maximino mare transierit, & in Aquensem Regni Provincia Regionem pervenit &c.* Idem eruitur ex Tabulario Ecclesiæ Sancti Salvatoris Aquensis, de-cujus Consecratione facta anno 1103. hæc referuntur : *Sed quoniam eamdem Ecclesiarum, quas superius enumeravimus, B. Maximinus & B. Maria Magdalena primi Fundatores extiterunt : in eadem Ecclesia Salvatoris à supradictis religiosissimis Viris in honorem Beati Maximini & Beate Mariae Magdalee Altare dedicatum est &c.* Hoc monumentum referunt etiam Sammarthani fratres tom. 1. Galliæ Christianæ .

IV. Tertio adest Epistola Michaelis de Morisio Episcopi Arelatensis anno circiter 1203. , in qua commendans restaurationem celeberrimi Cœmeterii dicti Altiscampus ( vulgò *les Champs Clysens* ) maxime quòd à S. Maximino Aquarum-Sextiarum Episcopo, & ab aliis sanctis Christi Discipulis fuit sanctificatus : *Admirandum*, inquit , *& illud miraculum Cælo teste approbatum, quòd prædictum Cœmeterium Viri Apostolici Apostolorum imitatores, Discipuli septem, Trophimus scilicet à Beatis Petro & Paulo Apostolis Arelati provisorius & ordinatus Episcopus cum Sergio Paulo Narbonensi, Maximino Aquensi, Saturnino Tolosano, Frontone Petragoricensi, Martiale Lemovicensi, Eutropio Aransicano Episcopis Divino oraculo admonitis, benedixerint, & Domino Jesu Christo præsentem & ibidem corporaliter apparentem.* Accedit Chartularium Cartusie Montis-rivi Massiliensis Diocesis, in quo de Consecratione facta anno 1252. dicitur : *Altare consecratum fuit . . . in honorem Dei Genitricis & B. Lazari, quem Dominus Jesus Christus quatrduanum mortuum suscitavit, qui fuit prius Episcopus Massiliensis, & Durandus in rationali Divin. Offic. l. 1. rubrica 8. : In comitatu, inquit, Provincia in Castro S. Mariae de Mari est altare terrenum, quod ibi fecerunt Maria Magdale-na & Maria Jacobi & Maria Salome .* Floruit Durandus anno 1270.

V. Quarto: Huic Traditioni adhæserunt Summi Pontifices Benedictus X. in Diplomate dato Romæ 20. Januarii 1329. , in quo de antro ( dicto Sainte Baume ) Balmæ loquens ait , *in qua egit penitentiam Magdalena.* Eugenius IV. anno 1442. 4. Septembris Fidelium pietati S. Maximini Ecclesiam & Cœnobium Bal-

Balmenſe incendio vaſtatam commendans ſic habet: *Et in loco Balma Maſſilienſis Diœceſis, in quo Sancta poſt Reſurrexiōem Chriſti, mirâ Dei diſpenſatione, triginta duos annos in arcta ſolitudine calidè cum Angelicis conſolationibus & viſitationibus ducendo vitam (Magdalena) pœnitentiã perfecit.*

VI. Quintò: ſuffragantur hiſtorici. Vincentius Bellova- cenſis in Speculo Hiſtoriali L.9. cap.94., Bernardus Guido in Chronico, quod Joanni XXII. nuncupavit, Philippus Foreſtius Bergomenſis Auguſtinianus in ſuo Chronicorum Supplemento anno 1436. ſcripto, Mombritius tom.2. de Vitis Sanctõrum edito anno 1442., S. Antoninus tom.1. tit.6. cap. 19. & tit. 14. cap.4. §.4., Sabellicus Lib.2. Enneade 61., Silveſter Prieras in Roſa Aurea in Expoſ. Evang. feria 5. infra octav. Paſchatis, Baro- nius tum in Annalibus, tum in Notis Martyrol., Surius ad diem 22. Julii, & Molanus in Notis ad Martyrol. Uſuardi. Adeòque firma apud Provinciales eſt hæc Traditio, ut cùm Launojus primus eam impugnare auſus fuerit in ſuo Libello, quem inſcripſit: *Diſquiſitio diſquiſitionis de Magdalena Maſſilienſi advena*, Facultas Theologica Aquarum-Sextiarum Libellum cenſurâ notatum damnaverit die 3. Martii 1644.: *Vi continentem multa contra hiſtoriæ & Traditionum Provinciæ veritatem, falſa, temeraria, pietatem Chriſtianam in his partibus oppugnantia, Sum- morum Pontificum, & Regum noſtrorum ac Comitum Provinciæ teſtimonia, cultum & pietatem illudentia, nec non etiam multa ſe- diſioſa, pacem & tranquillitatem totius Eccleſiæ & præſertim Gal- licanæ deſtruentia.* Firmata eſt hæc Cenſura decreto Supremi Senatus Provinciæ, quo idem libellus perpetuis tenebris damna- tus fuit.

VII. Hiſce ergo ſtatutis, quibuſdam recentioribus Criticis aſſentiri non poſſum, qui Traditione contemnâ, Hiſtoricis eam tuentibus nihili æſtimatis, unicum Launojum veluti veritatis per tot ſecula opertæ detectorem latis ulnis amplectentes, ad- ventum Magdalenæ in Gallias ad aniles fabulas amandare non formidant. Nec tamen propterea circumſtantias omnes adopto, quibus talis adventus ab aliquibus deſcribitur, ut quòd Magda- lena & focii navigio ſine velo ac remige impoſiti in Gallias ad- ventarint, ſicut & alia, quæ talem adventum comitata fuerunt: hæc nec probare nec improbare auſim; Ceterum incredibile non eſt, Judæos in odium Chriſti, ſicut Stephanum lapidave- runt, Paulum flagris cæciderunt, Jacobum fratrem Domini occiderunt, ſic Lazarum Mariam & Martham cùm aliis exterminare tentariſſe, & ad fugam compuliſſe, juxta Chriſti prædictionem Matth. 10.

Matth. 10. v. 17. : *Tradent enim vos in Conciliis & in Synagogis suis flagellabunt vos* : sed quidquid de hoc fuerit, substantiam adventus Lazari Mariæ & Marthæ in Gallias Traditio me docet, & ab hac non audeo resilire .

VIII. Respondendum modò est Launoii contrariis objectionibus. Prima est . De appulsu sanctarum fororum cum fratre Lazaro in Gallia , nullum in veteri historia est testimonium . Nemo Gallorum Scriptorum , Cassianus , Salvianus , Victor Massiliensis , Eucherius Lugdunensis , Cæsarius Arelatensis , adventus Magdalene Lazari in Proviuciam mentionem facit : numquid autem primos suæ Gentis Apostolos vel ignorassent , vel rem adeò ipsis gloriosam omisissent ? Numquid Franco Aquis Episcopus , qui Metriæ Martyris nomen invocavit in suæ Ecclesiæ tutelam , Maximium & Magdalenam non invocasset ? & tamen Gregorio Turonensi teste Lib. de Gloria Confess. cap. 71. horum nec meminit . Accedit , quòd antiqua Martyrologia Bedæ , Usuardi , Freculphi , Adonis maximè , qui utpotè Viennensis Provinciæ finitimus erat , nullam de Magdalene in Provinciam appulsu mentionem faciunt .

IX. Respondeo , quòd etsi adventum Magdalene in Provinciam nemo veterum Scriptorum affirmet , nemo tamen illum negat : unde argumentum hoc merè negativum est : cùmque in contrarium pro tali adventu stet earum Ecclesiarum Traditio , superiùs allatis monumentis & Summorum Pontificum testimonio roborata , tutius tenenda est , sicut multa licèt in Sacris Libris non scripta , quia tamen Ecclesiæ Traditione accepta , religiosè observamus . Addo , Veterum scripta multa interiisse , vel de hac re mentionem non fecisse , quia nulla eis se præbuit occasio . Sic S. Antoninus , quamvis mirabili Domus Lauretanæ Translationi ferè coævus , ejus tamen non meminit . Quoad Francanem dici potest , eum S. Metriam potius invocasse , quia erga illum Martyrem , utpotè recentiorē , Fideles , ut moris est , magis affecti erant . Nec etiam SS. Maximini & Magdalene meminisse , quia eorum Reliquiæ in Ecclesia Aquis amplius non erant , sed annis antea multis ad Oppidum S. Maximini translatae .

Quoad Martyrologia dico , eorum Scriptores antiquos multa vel oblivione vel datâ operâ brevitati studentes , ex iis maximè , quæ totam Ecclesiam non spectabant , præterisse . Testis est Usuardus antiquus in hoc genere Scriptor in Epistola nuncupatoria ad Carolum Magnum dicens : *Venerabilium Hieronymi & Bedæ Presbyterorum piis quamvis succinctis super hoc pro-*

*vocabar scriptis, quorum prior brevitati student, alter verò quamplures Calendarii dies intactos relinquens, multa inveniuntur hujus operis præterisse necessaria.* Ado Viennensis verò multa præterit etiam ad Gallias pertinentia, ut S. Pontium, qui Galliam Narbonensem prædicatione imbuit, S. Bassum Niciensem Episcopum, S. Veranum Venciensem Antistitem, & alios. Quid ergo mirum, si de Magdalena circumstantiam adventus in Gallias siluerit, qui plurimum etiam suorum nec nomina indicavit? Quod tamen cæteris Martyrologiis deest, supplet Romanum die 22. Julii dicens: *Æspud Massiliam natalis S. Mariae Magdalene &c.* Die 29. Julii: *Tarasci in Gallia Narbonensi Sanctæ Marthe virginis hospitis Salvatoris nostri & sororis B. Mariae Magdalene & S. Lazari.* Et die 17. Decembris: *Massiliæ in Gallia Beati Lazari Episcopi, quem Dominus in Evangelio à mortuis suscitasse legitur.*

X. Secunda objectio est: Magdalena, Martha, Lazarus & Maximinus in Gallias adventare non potuerunt nisi post Martyrium S. Jacobi Minoris, cujus caput Maria Jacobi & Salome secum attulerunt, & post earum mortem juxta earum sepulcrum conditum fuit in Ecclesia S. Mariæ de Mari, ut monumenta illius Ecclesiæ & Scrinia Regia Aquarum-Sextiarum ( *Six* ) testantur, & proinde eorum in Gallias adventus, nisi post ann. 62. contingere non potuit. Cum ergo teste Epiphanio hæresi 66, Lazarus jam ageret annum trigessimum, cum à Christo suscitatus est, & triginta pariter annis Massiliensem rexerit Ecclesiam, fieret, ipsum centum annos vixisse, & Magdalenam ejus sororem, quæ triginta duobus annis Massiliæ poenitentiam egit, centenariam pariter obiisse, quod vix credi potest.

XI. Respondeo primò, quòd si attendimus antiqua supra relata monumenta, adventus Lazari Magdalene &c. contigit anno Christi 35. paulò post lapidationem Stephani, & ad hunc annum consignat Baronius ibi n. 5., cui prævit Eugenius IV. supra relatus. Deinde quòd Maria Salome & Maria Jacobi unà cum Maria Magdalena & Lazaro venerint in Gallias, & quòd ibi usque ad mortem permanferint, incertum est. Quinquaginta annis Mariam Salome in Italia moratam, Verulis obiisse, ibique sepulcrum ejus Corpus adhuc jacere contendunt Verulani, inter quos Necchiarolius in suo libro *Salome la Santa*. Martyrologium Romanum utramque in Judæa decessisse asserit. Dato etiam, utramque in Galliam adventasse, ibi obiisse, sepultam fuisse, & juxta earum sepulcrum conditum fuisse Caput S. Jacobi Minoris, non proinde sequitur, eas, etiamsi Jerosolymis discesserint,

rint : discessisse post mortem ejus , & secum illius caput detulisse post annum 62. maximè quia referente Eusebio L.2. Hist. cap.23. Jacobi sepulcrum intactum mansit usque ad Jerosolymorum eversionem anno 70.

Secundò respondeo : dato , quòd Magdalena unà cum Lazaro è Judæa discesserit solum post Jacobi Minoris obitum post annum 62. : sequi dumtaxat , quòd 92. aut 94. annos attigerint ætate Lazarus & Magdalena , quod inverisimile non est , cùm Joannes Evangelista ad centesimum , & Simon Jerosolymitanus Episcopus ad centesimum vigesimum pervenerint , ut supra dixi , ordinante sic Providentiâ Dei , ut qui cum Domino fuerant conversati diutius vivendo , testimonium de eo præbere possent multitudini , de visu veritatem annuntiantes .

XII. Tertia objectio est : Lazarus obiit in Cypro , ubi fuit Episcopus . Ita Honorius Augustodunensis in Sermonè habito Dominicâ Palmarum : & in Prosa , quæ canitur in Ecclesia S. Lazari Parisiensis & Bellovacensis dicitur : *Discedit Lazarus , deseris Patriam , mare transit timens sævitiam Judæorum , devenit citius in Cyprum Insulam , . . . , tandem per Martyrium est à Deo coronatus .*

XIII. Respondeo , Honorium ( si tamen ejus est ille sermo , quem multi supposititum habent ) id non asserere ut certum , ait enim : *Fertur , quòd postmodum triginta annis in Cypro Ecclesia Episcopus præfuit .* Dato tamen , in Cypro S. Lazarum Episcopatum triginta annis gessisse , non dicit tamen in Cypro eum obiisse , sicut nec Prosa allata . Quarè utrumque cum nostra opinione concordari potest , dicendo : quòd Lazarus ut declinaret sævitiam Judæorum , de quibus Joann. 12. v. 10. dicitur : *Cogitaverunt Principes Sacerdotum , ut & Lazarum interficerent* , paulò post Christi mortem , Patriâ relicta in Cyprum se contulit , ibique Ecclesiam triginta annis , idest usque ad annum 63. rexit . Deinde Jerosolymam remeans , ac secum sanctis sororibus abductis & Maximino , in Provinciam appulit , Massiliensem Ecclesiam fundavit , eamque usque ad obitum gubernavit .

Græci tamen volunt , Lazarum in Cypro obiisse : ajunt enim in suis Menæis 17. Octobris , & Zonaras L.5. , Lazarum cùm ad vitam revocaretur , egisse annum ætatis 30. , totidemque dehinc annis supervixisse , unde ejus obitus ad annum 63. consignaretur . In Cypro diem suum obiisse , ibique juxta mœnia Urbis sepultum fuisse , ejusque tumulum in honore habitum . Ferunt , quòd Leo Sapiens Imperator , cùm Templum ejus honori Constantinopoli erexisset circa annum 890. , in Cyprum mi-

fit, ubi in sepulcro marmoreo ejus Corpus inventum est, additâ hâc inscriptione, nempe, hunc virum fuisse Lazarum, Christo carum, & post quartum ab obitu diem ab eodem ad vitam revocatum. Sed hæc dubia mihi sunt: maximè cum in Martyrologio Romano die 17. Decembris legam: *Massilia in Gallia beati Lazari Episcopi, quem Dominus in Evangelio suscitasse legitur.*

XIV. Mitto, quòd Flodoardus L. 1. de Triumpho Sanctorum Palæstinæ dicat:

*Hic propè Bethaniam tibi, Lazare sancte, sepulcrum quasi in Bethania, non in Gallia mortuus fuerit. Nam cum Lazarus bis mortuus fuerit, duplex sepulcrum habuit: unum quidem in Bethania, in quo quatrìduò jacuit, & à quo à Christo excitatus fuit: alterum verò in Provincia, ubi adhuc jacet. De primo autem, non de secundo; loqui Flodoardum constat, quia in sequentibus loquitur de domo ejus ac fororum, conversâ in Ecclesiam:*

*Unde quaterno postquam te Sole retentat.*

*Hæc domus Ecclesia est tua fororumque tuarum.*

Loquitur ergo de sepulcro, quod quaterno Sole idest quatuor diebus, ipsum retinuit.

XV. Quarta objectio est: Maria Magdalena obiit Ephesi: non ergo in Provincia. Probant hoc ex Modesto Patriarcha Jerosolym. Serm. *in mulieres unguenta ferentes* (apud Photium Cod. 275.) sic dicente: *Historia tradens, Magdalenam banc (de qua Dominus septem Dæmonia ejecit) virginem fuisse, & Martyrium ejus memoratur, ubi dicitur, propter summam illius virginitatem & puritatem, illam tamquam vitrum puram tortoribus visam esse. Post obdormitionem Sanctissima Domina nostra Deipara profecta est Ephesum ad dilectum Discipulum, ubi cursum Apostolicum per Martyrium unguentifera Maria perfecit, nolens ad extremum usque spiritum à Beato Joanne Evangelista & virgine separari.*

Idem eruitur ex Anthologiis seu Breviariis Græcorum, quæ in Officio S. Magdalene die 22. Julii ajunt, ipsam obiisse Ephesi his verbis: *Hæc orta erat ex Magdalis finibus Syria à septem Dæmonibus turbata. Post Divinam igitur & sanctam Ascensionem, dum Ephesi cum beato Joanne Theologo & Apostolo versaretur, ibi sanctè obdormivit, & in ingressu Spelæi (Speluncæ) collocata est, in quo Sancti & Beati septem Pueri quiescunt. Postea verò cum Leo felicibus auspiciis imperasset, illius ablatum inde Corpus, in eodem cum S. Lazari Reliquiis Templo, quod Imperator edificaverat, repositum est, ubi quotannis festivitas illius celebratur.* Ita Græci.

XVI. Sed



XVI. Sed hoc dicunt ex sua opinione de duplici Maria Magdalena, una virgine, altera peccatrice. Unde ad primam respondeo: Modestus, cum dicat, eam quæ Ephesi obiit, fuisse Virginem & Martyrem, nostram non excludit, quæ nec virgo nec Martyr sed olim peccatrix fuit. Sicque licet illa Ephesi obierit, ista tamen non Ephesi sed in Provincia obiisse potuit. Hæc ex sententia Græcorum antiquiorum dici possunt. Cæterum si Cyprios recentiores attendimus, isti ingenuè fatentur, ex veteribus monumentis Ecclesiarum Græcarum constare, Mariam Magdalenam unà cum Martha sorore & Lazaro fratre in Provinciam appulisse. Ita P. Besson S. Jesu in sua Epistola data 17. Aprilis 1660. ad P. de Gourdan ejusdem Instituti in domo Aquensi degentem, in qua scribit, se in collatione hac de re habita cum Cyprii Monachis audivisse, illos ingenuè professos, Magdalenam sororem Marthæ & Lazari in Provincia sepultam.

Quod autem additur ex Græcorum Officiis, in primis pugnat cum eo quod dicit Modestus. Nam iste Magdalenam suam facit virginem & martyrem, illa autem Magdalenam suam in pace obiisse volunt. Procedit ergo hoc ex præconcepta Græcorum opinione de duplici Magdalena, una virgine & martyre quæ obierit Ephesi; altera peccatrice & poenitente: nisi dicamus, eos æquivocatione lapsos Sanctam nomine Magdalenam temporibus Evangelicis longè posteriorem pro Magdalena Evangelica sumsisse, quæ Ephesi obierit, & cui tribuerint ea, quæ Evangelicæ conveniant, ejusque Corpus pro Corpore hujus suppositum Leoni Imperatori obtulisse. Cæterum quod Magdalena Evangelica, seu Maria soror Lazari Ephesi non obierit, aut ibi sepulta non fuerit, non leve argumentum exhibet Polycrates, qui secundo seculo Ephesinæ Ecclesiæ præerat. Is enim in Epistola ad Victorem I. Papam, cujus fragmentum recitat Eusebius L. 5. hist. cap. 23. commemorans magna lumina, quæ in Asia extincta sunt, & in die adventus Domini surrectura sunt, nominat inter alios Joannem Evangelistam, qui Ephesi extremum diem obiit, Philippum Diaconum, qui mortuus est Hierapoli, duas ejus filias, quæ virgines consenuerunt, & aliam quoque ejusdem filiam, quæ Spiritu Sancto afflata vixit, & Ephesi requiescit: Mariæ autem Magdalene seu Mariæ sororis Lazari non meminit, illam utique tam opportunâ occasione commemoraturus, cum ad illustrandam Ephesinam Ecclesiam ejus obitus & sepulcrum magis conduxisset, quàm unius ejus filius S. Philippi. Signum ergo est, quod seculo secundo ignotum erat

erat Ephesinæ Ecclesiæ, quod Maria Lazari soror seu Maria Magdalena ibi mortua ac sepulta esset. Hæc pro tuenda Traditione de S. Mariæ Magdalena in Gallias adventu ejusque ibidem obitu probabiliter dixi.

## §. III.

*De Loco, in quo B. Mariæ Magdalena, Martha, & Lazari Corpora modò requiescunt.*

I. Circa Corpus B. Mariæ Magdalena nobis res erit non solum cum Græcis, qui ex dictis contendunt, primò conditum fuisse Ephesi, ubi obiisse volunt, ac inde anno 886. jussu Leonis Imperatoris Constantinopolim translatum; sed etiam cum aliquibus Gallorum, volentium Corpus Magdalena ab anno 875. Vezeliaci Burgundiæ Urbe adhuc requiescere. Dicunt enim primò, ex antiquissimo Ecclesiæ Narbonensis monumento haberi, Baidilonem Monachum Aquis-Sextiis ex tumulo marm oreo illud clam noctu raptum Vezeliacum transfuisse.

II. Secundò: hoc idem asseri à Sigeberto in Chronico ad annum 745. scribente: *Aquensi verò Urbe à Saracenis desolatâ corpus ejus (B. Mariæ Magdalena) à Gerardo Comite Burgundiæ ad Cœnobium Vezeliacum à se constructum transfertur. Quamquam aliqui scribant, quod apud Ephesum quiescat, nullum super se tegmen habens.*

III. Tertiò: id confirmare nituntur tum Historicorum testimoniis; Hugonis Pictavini Vezeliacensis Monachi in historia illius Monasterii anno 1160. circiter scripta; Vincentii Bellocensis in Speculo Historiali cap. 152. quod inscribitur: *De Translatione Corporis S. Mariæ Magdalena*, & cap. 153., ubi plura miracula Vezeliaci facta per ejusdem sacras Reliquias enarrat; S. Antonini tom. 1. tit. 14. cap. 2. 5. & 5.; Petri de Natalibus L. 6. cap. 124.; Jacobi de Voragine in Legenda Sanctorum: Tum Summorum Pontificum, Innocentii III. Epist. ad Gerardum Abbatem Vezeliacensem, quæ extat L. 1. Decretalium ejusdem Pontificis, quâ concedit, ut in solemnitate Translationis beatæ Mariæ Magdalena quotannis in Quadragesima celebrari solita, *Gloria in excelsis Deo* recitare valeant: Item Clementis an. 1190. Urbani II. 1186., Lucii II., & Martini IV. anno 1181., qui unam ex costis B. Mariæ Magdalena sibi à Monachis Vezeliacensibus donatam misit ad Archiepiscopum Senonensem.

Demum testimonio Breviarii FF. Prædicatorum, quod an-

anno 1354. conscriptum asservatur in Biblioth. Conventus Parisiensis ejusdem Ordinis, in cujus Lectionario pro festo S. Mariæ Magdalene Lecl.6. hæc habentur: *Translatum est Corpus B. Mariæ Magdalene eo loco prædicto ad Monasterium, quod dicitur Vezeliacam, anno Domini septingentesimo quadragesimo nono Aquensis Urbe a Saraceis devastatâ.*

IV. His tamen non obstantibus probabilior sententia est, Corpus S. Mariæ Magdalene in Templo S. Maximini asservari. De hoc amplum præbeut testimonium duæ antiquæ schedulæ in pergamento scriptæ, quæ anno 1660. 22. Februarii præsentæ Ludovico XIV. Galliarum Rege in theca, ubi positæ ferebantur sacræ Reliquiæ, repertæ sunt, ut constat ex Actis ab Archiepiscopo Avenionensi de Marinis ea de re confectis, qui easdem sacras Reliquias transtulit in urnam porphyreticam ab Urbano VIII. Pontifice Maximo antea dono datam & benedictam, totâ Regali Curia spectante. In cujus facti testimonium Litteræ Regiæ sigillo Regio munitæ datæ fuerant, quæ simul cum sacris Reliquiis in urna ipsa ad posteritatis memoriam reclusæ sunt.

V. Hæc verò duæ schedulæ antea detectæ fuerant anno 1279. in uno ex monumentis terræ abditis, jussu Caroli II. Salerni Principis ac Siciliæ, deinde Jerosolymorum Regis, cujus facti meminerunt Bernardus Guido Ordinis Prædicatorum in Chronic. Romanorum Pontificum, Jordanus & Ptolemæus Lucensis in historiis manuscriptis, quas ad annum 1279. num.12. laudat Odoricus Raynaldus.

VI. Prima ergo scheda undique cerâ illita hæc continebat: *Hic sunt Reliquiæ B. Mariæ Magdalene.* Hanc ad quintum circiter seculum esse referendam colligitur; quia de ea ita scribit Bernardus Guido Lodevensium Episcopus qui florebat anno 1320.: *Tunc & reperta suis per eundem Carolum cum Prælati in tumulo memorato scriptura alia vetustissima in quodam chartello cerâ undique externis cooperto, quæ vix præ vetustate legi posuit, quæ talis erat: Hic requiescit Corpus Mariæ Magdalene.* Porro morem scribendi in tabulis cerâ illitis quinto seculo viguisse constat, postea verò in usu fuisse non legitur. Quinto seculo viguisse testatur S. Hilarius Arelatensis, qui in vita S. Honorati Lirinensis Monachi, & decessoris sui in laudem ejus ita scribit: *Vnde splendidus Mundo, splendidior celo, cumulus virtutis ejus B. Eucberius; cùm ab eremo in tabulis (ut affolet) cerâ illitis in proxima ab ipso degens Insula, litteras ejus suscepisset: Mel, inquit, suum ceris reddidisti.*

VII. Altera verò scedula reperta hæc continet: *Anno Do-*  
*mi-*

*in* lni 1279. 15. Kalendas Januarii, Magnificus vir Dominus Carolus primogenitus illustris Regis Hierusalem & Sicilia, Princeps Salernitanus & Dominus honoris Montis Angeli, presentibus venerabilibus Dominis Aquensi & Arelatensi Archiepiscopis & pluribus aliis Prælatiis, invenit apud S. Maximinum in quodam sepulchro marmoreo, cryptâ ejusdem Monasterii, ex devotionis fervore, de Corpore B. Mariæ Magdalene exquirens, cedulam infrascripti tenoris, videlicet: Anno Nativitatis Dominicæ septingentesimo decimo sexto mensi Decembris, in nocte secretissimè, regnante Clodovæo piissimo Francorum Rege, tempore infestationis Gentis Saracenorum, translatus fuit Corpus hoc carissima & veneranda B. Mariæ Magdalene de sepulchro suo alabastrî in hoc marmoreo, timore dictæ Gentis perfidæ, & quia secretius est, hinc amoto Corpore Cidonii.

Circa hanc secundam schedam occurrit difficultas, tum circa annum, quo dicta Translatio facta est: tum circa Regem, qui tunc Galliis præerat; nullus enim Clodovæus tunc dominabatur. Propterea Alexandre tom. 5. Hist. dissert. 16. dicit, dictam schedam referendam esse ad annum 888., & mendum esse in nomine Clodovæi, & legendum esse, regnante Odoïno vel Odone Comite Parisiensi, ut scribit Bernardus Guido: siquidem sub nulla Clodovæorum Dynastia Saracenorum irruptio facta est in Gallias, & maximè in Provinciam. Contigit autem severissima regente Odone nomine Caroli Simplicis anno 890., ut constat ex Concilio Valentino eodem anno celebrato pro novi Regis Regni Arelatensis electione, nimirum Ludovici Bosonis filii, ubi Bernoinus Viennensis Archiepiscopus eligendum esse suadet virum, qui fortiter Regnum tueatur: *Quoniam ex una parte Northmanni cuncta penitus devastantes insisterant: ex alia verò Sarraceni Provinciam depopulantes terram in solitudine redigebant.* Cæterum cum etiam initio & progressu præcedentis seculi Sarraceni Gallias invaserint: nam ut idem Alexandre tom. 5. seculo 8. art. 3. fatetur, anno 711. Sarraceni Tolosam obsidione cinxerunt, anno sequenti & succedentibus Lugdunensi Civitate occupatâ, Vasconiâ & Burdigalâ potiti cæterisque Aquitanie Urbibus, tandem ab Eudone seu Odone Aquitanie unâ cum Carolo Regiæ Domus prostrigati fuerunt. Cumque inter cæteras impietates sacras Imágenes concremarent & Sanctorum Monumenta Sarraceni everterent, valdè credibile est, ad eorum furorem præveniendum anno 716. Corpus B. Magdalene fuisse secretò translatus, & solam æquivocationem in præfata scheda restringi ad nomen illius, qui tunc regnabat: nullus enim Clodovæus Regnum Galliæ tunc administrasse legitur.

VIII. Hæc

VIII. Hæc secunda schedula, quomodocumque explicetur, obturat os Adversariis, siue Græcis, siue Vezeliacensibus. Græcis quidem; nam Græci Magdalænæ Corpus jussu Leonis Imperatoris Epheso translatum Constantinopolim asserunt anno 910. Istud autem falsi convincitur, nam ab anno 790., seu si velis 716., non Ephesi, sed apud S. Maximinum illud extitisse schedula testatur. Vezeliacenses quoque contendunt Corpus beatæ Magdalænæ Vezeliacum fuisse asportatum anno 876. vel 880., quod ex eadem schedula falsitatis convincitur. Nam si anno 888. hæc schedula conscripta supponitur, San-Maximienfes Monachi ignorare non potuissent, quid de illis Reliquiis ante decem vel duodecim annos factum fuisset, nec sibi illas vindicassent. Quod si dicatur, anno 716. schedam fuisse exaratam, idèò quo. & ultra annis, antequam Reliquiæ Vezeliacensibus concederentur: petam: cur istæ anno 1660., ut dixi, in eodem monumento unâ cum schedis attestantibus, eas esse B. Magdalænæ Reliquias, repertæ sunt?

IX. Huic veritati suffragati sunt Romani Pontifices: Bonifacius VIII. in diplomate dato Laterani 8. Idus Aprilis anno 1295., ratam habens donationem Ecclesiæ & Conventus Sancti Maximini, ante ad PP. Benedictinos spectantis, Fratribus Prædicatoribus à Carolo Principe factam, dicit: *In qua est Corpus dictæ Sanctæ (Magdalænæ) reconditum.* Idem dicit B. Benedictus XI. 22. Januarii 1304.: item Joannes XXII. in Bulla Avinionensi datâ 3. Decembris 1317., Gregorius XI. 12. Martii 1376., Eugenius IV. 4. Septembris 1442. Indulgentias concedit visitantibus sacram S. Palmæ solitudinem & Ecclesiam S. Maximini, *In qua ipfius Sanctæ (Magdalænæ) ac diverforum aliorum eximiorum de ipsius Salvatoris societate Sanctorum Corpora venerabiliter requiescunt.* Sixtus etiam IV. 1. Augusti 1477. Indulgentias concedit singulis annis Ecclesiam S. Maximini adeuntibus die Translationis Reliquiarum B. Mariæ Magdalænæ. Quæ omnia à suis Prædecessoribus concessa confirmavit Adrianus VI. anno 1523. Tandem Urbanus VIII. partem Reliquiarum S. Magdalænæ à San-Maximienfibus Cœnobitis postulavit, & annuente Rege ac Senatu Supremo Provinciæ obtinuit anno 1624.

X. Pontificum Romanorum testimoniis sua etiam adjungunt Principes: Robertus Jerosolymorum ac Sicilia Rex nec non Provinciæ Comes in litteris ad Priorem & Fratres Prædicatorum S. Maximini datis Neapoli 7. Decembris 1337. in quibus in honorem S. Ludovici Tolosani Episcopi fratris sui sacellum extui jubet, loquens de Monasterio S. Maximini, *Ubi*, inquit,

Tom. V.

Y y y

Bea.

*Beata Maria Magdalena est pretiosum Corpus reconditum, per claræ memoriæ Dominum Patrem nostrum mirificâ revelatione re-  
pertum.*

Renatus etiam Jerosolymorum & Siciliae Rex, Dux Andegavenſis & Provinciæ Comes, qui S. Maximini Templum à Carolo II. inchoatum magnificè perfecit. Is ergo veritatem Sanctarum Reliquiarum B. Magdalenaë ibidem existentium probavit, apertâ nimirum capsâ à Cardinali Fuxensi Avenionensi Legato, cui hoc munus imposuerat, 19. Aprilis 1448., ut constet ex authentico Instrumento de ea re ab eodem Cardinali confecto, quod cum aliis supra relatis vetustis monumentis inventum est in capsâ ligneâ coram Ludovico XIV. anno 1660., & constat ex fastis Ecclesiæ San-Maximinianensis, & scriniis Regiis Aquarum-Sextiarum. Hisce monumentis innixa firma fiat Traditio de Corpore B. Mariæ apud S. Maximinum existente.

XI. Nunc objectis in contrarium respondendum est. Primum ex dictis corruiſ; nam si ab anno 745. vel 875. sacrum Magdalenaë Corpus furto creptum & Vezeliacum translatum fuit, cur apertâ apud S. Maximinum capsâ, in qua sacrum Deposituſ; asservatur, tum anno 890., tum 1348., tum 1660., ibi Corpus Magdalenaë unâ cum schedis illud esse testantibus, inventum fuit? Rursus credibile non est, quod (ut Manuscriptum Narbonense prodit) Deposituſ;, in quo totum Gentis suæ gloriam Provinciales collocabant, tantâ negligentia custodierint, ut illud privati hominis furto expositum patuerit. Quod corpore ablato pius prædo in sepulcro schedas illud attestantes reliquerit, quod in sepulcro nullum secretæ apertionis vestigium apparuerit, & quod de tanto furto San-Maximinianenses Monachi nullam contra Vezeliacenses querelam exposuerint. Quod si dicatur, San-Maxilianenses ultrò sacrum pignus Vezeliacensisbus donasse; in primis dicam: hujus liberalis concessionis monumentum aliquod Vezeliacenses proferant. Deinde talis donatio anno 875. facta fuisse asseritur; at si hoc verum est, cur anno 890. San-Maximinenses præ metu Sarracenorum adeò solliciti fuerunt sacrum Corpus subtrâs terram abscondere? Num solo quindecim annorum spatio donationis factæ memoria ipsis exciderat?

XII. Secundum ex testimonio Sigeberti falsi convincitur: anno enim 745. nulla erat Vezeliaci Abbatia, quæ fundata tantum est anno 846.: nec anno 745. natus adhuc erat Gerardus Burgundiæ Comes, etiamſi daremus ipsum obiisse centenarium; viâ enim functus est Avenione anno 849.. Adde, Sigebertum

pugnare cum Manuscripto Narbonensi ; hoc enim dicit, à Baldinone Monacho fuisse Corpus B. Magdalene furtim sublatum : Sigebertus verò à Gerardo Comite Burgundiæ fuisse solemniter translatum : Manuscriptum Narbonense dicit, Corpus Beatæ Magdalene ab anno 875. Vezeliaci quiescere : Sigebertus verò ab anno 745.

XIII. Tertium Testimoniûm ex Historicis duplici responsione evacuatur . Prima est, multos ex iis scripsisse ante iuventionem Corporis B. Magdalene apud S. Maximinum secutam anno 1279. . Unde cum nihil in promptu haberent, quo possent Vezeliacenses arguere falsitatis vel levioris fidei, eorum dicta sunt secuti, inter quos Vincentius Bellocvacensis, fortè secutus Hugonem Piclavinum . Altera est, quòd qui post dictam iuventionem scripserunt, aut rem non examinarunt, aut quia in distitis Regionibus positi, constantis Traditionis San-Maximinienfis Ecclesiæ notitiam non habuerint ; quòd accidere potuit S. Antonino, Petro de Natalibus, & Jacobo de Voragine, qui si notitiam habuissent iurium Fratrum Prædicatorum S. Maximini, utpotè ejusdem Ordinis, ea certè non impugnassent .

Quod additur ex Summis Pontificibus, dissolvitur primò, opponendo Summos Pontifices posteriores supra recensitos concorditer asserentes, Corpus B. Magdalene apud S. Maximinum asseruari . Secundò, quia Joannes VIII., qui ad Concilium Trecentense pergens anno 878. Ecclesiam Vezeliacensem dedicavit, in suo Diplomate nec verbum facit S. Magdalene aut Reliquiarum ejus . Imò in Diplomatis Pontificiis Joannis XI. Marini, Benedicti VI. & VII., & Silvestri II., quibus fundatio prædicta confirmatur, tantum habetur, quòd dictum Monasterium in honorem Salvatoris nostri B. Virginis & beatorum Apostolorum Petri & Pauli erectum fundatum & consecratum esset . Nihilominus an. 1050., annis ab hujus Monasterii fundacione fere ducentis, Eudone primo Abbate coeperunt Monachi repræsentare Leoni IX., Monasterium B. Magdalene fuisse in honorem fundatum, cui postea Monachi addentes, Corpus illius ibi adesse, sub eorum fide subsequentes Pontifices Corpus B. Magdalene ibi requiescere asseruerunt . Nec hoc est mirum ; cum enim ageretur de re puri facti, nec putantes, Viros religiosos sibi mendacio illudere, quod ipsi dicebant, etsi falsum, Diplomatis suis obiter inferere potuerunt .

XIV. Ut tamen excusaremus & Vezeliacenses à mendacio & Pontifices à deceptione, dicere possemus, Vezeliacenses B. Magdalene Reliquiarum partem aliquam à San-Maximian-

nensibus obtinuisset, quam indefinito sermone Corpus esse ejusdem jactitarunt. Huic responsioni favit Martyrologium Gallicanum D. Du Sauvasy Tullensium Episcopi ad diem 8. Octobris memorans, Reliquias S. Mariæ Magdalena *magna ex parte* in Burgundiam à S. Radilone allatas, & in Monasterio Vezeliacensi collocatas. Sic velut quodam Judicio Salomonico inter has duas Ecclesias lis finiretur; dummodò Vezeliacenses concederent, apud S. Maximinum majorem Corporis partem, ut monumenta adducta testantur, asservari. Quibus addi potest, quòd cum Bonifacius VIII. ad S. Maximini Ecclesiam ejusdem S. Magdalena maxillam misisset, hæc reliquo capitis ita coaptari visa fuit, ut nullus scrupulus superesset, quin verum Magdalena caput ibi esset. Constat hoc ex Episcopo Cavallienensi S. R. E. Cardinali, & Philippo de Cabasola in Vindiciis San-Maximinienſium adversus Vezeliacenses, quæ manuscriptæ extant in Bibliotheca Regalis Abbatia S. Victoris Parisiensis.

XV. Quod verò tandem opponitur ex Breviario Ordinis Prædicatorum anno 1254. conscripto, quo utitur Launojus, contra ipsum est. Nam Breviarium illud dicit etiam, quòd Magdalena unà cum Lazaro fratre & Martha sorore appulit Massiliam, & post diurnam poenitentiam à S. Maximino Aquis-Sextiis sepulta fuit. Cur ergo apud Launojum auctoritatem facit, cum dicit, Magdalena Corpus Vezeliacum fuisse, translatum, cum verò asserit, Magdalenam in Provinciam apulensem &c. à Launojo rejicitur? Respondeo igitur Breviarii illius compilatorem Vezeliacensem fidem fuisse secutum, quia eo tempore illud adornavit, quo B. Magdalena Corpus in marmoreo sepulcro, in quo Saracenorum metu aliàs conditum fuerat, adhuc subtrus terram latebat: non enim revelatum fuit sacrum istud Depositu, nisi anno 1279. Quare Ecclesiarum Provinciae Traditio tot subinde confirmata monumentis, quæ tunc sepulta erant, veteris illius Breviarii testimonio præferenda est.

XVI. Quòd si quis adhuc resistat, ipsum hoc peremptorio discursu aggrediar. In effossione facta à Carolo Salerni Principe inventa fuere subtrus terram duo sepulcra marmorea, in quorum altero Magdalena poenitentis historia sculpta erat, in altero illuminatio Cæci nati, quæ sepulcra elaborata fuisse anno 815. testatur vetustissima Legenda libri, quo olim in Choro utebantur Monachi S. Mariæ Magdalena de Mello Bellovacensis Diocesis, quæ Ecclesia Prioratus est, Abbatia Vezeliacensi subiectus. Quam Legendam editam fuisse eodem anno 875. colligitur, quia Au-

ctor



Autor describens Saracenorum impietatem in Christianos Aquif-  
 siliis degentes, se oculatum testem exhibet dicens: *Sicut ipsi-  
 met vidimus*. Num ergo hæc duo sepulcra sub terris latentia piâ  
 fraude supposita fuisse? at à quo tam insigne mendacium fabrica-  
 tum fuit? Cur Viri ex Provincia docti æquè ac sancti fraudulen-  
 tæ Reliquiarum suppositioni non se opposuere? Rursus: si fa-  
 cræ Reliquiæ, quæ in Provincia coluntur, non sunt SS. Magda-  
 lenæ. Marthæ & Lazari, ut fert illarum Ecclesiarum Traditio,  
 dicatur quæso, cujus sint? Quid respondebitur argumentis ipsi  
 sensui conclamantibus, Corpus, quod apud S. Maximinum co-  
 litur, Magdalenæ verè esse: nimirum carnis frustulum mediæ  
 fronti adhærentis, indicans eo in loco Christi contactum, quo  
 post Resurrectionem ipsam repulit dicens: *Noli me tangere*: Et  
 phiala vitrea terram Christi Sanguine intinctam continens, quæ  
 juxta Sanctæ illius poenitentis Corpus in eodem sepulcro inven-  
 ta est? Quid ad hæc Vir mente ac sensu præditus respondebit?

XVII. Superesset controversia de modo, quo à Carolo  
 Principe Salernitano inventio Corporis B. Magdalenæ apud  
 S. Maximinum promota & facta fuit. Silvester Prieras ex quo-  
 dam Chronico Manuscripto refert, B. Magdalenam Carolo per  
 Alphonsum Aragonum Regem Barcinonæ detento semel &  
 iterum se adspectabilem præbuisse; cum è custodia noctu edu-  
 xisse, ac propè Narbonam ipsum constituisse ipso die eidem sa-  
 cro; quo loco ejus Reliquiæ laterent indicasse, utque inven-  
 tas honorificentius collocaret; ac ibi Fratribus suis idest Præ-  
 dicatoribus Monasterium extrueret ac dotaret, præcepisse.  
 Idem iisdem verbis narrat Bzovius ad annum 1283. Repugnat  
 tamen Natalis Alexandre tom. 1. dissert. 17. seculi 1. Primò,  
 quia liberatio Caroli non contigit ante annum 1288. sub Nico-  
 lai IV. Pontificatu, cui consentit etiam Pagius Breviar. Rom.  
 Pont. in Nicolao IV. Inventio autem Corporis B. Magdalenæ,  
 ejusque præfati Principis jussu in loco honorificentiori colloca-  
 tio, facta jam fuerat anno 1279., antequam captivus fieret.

XVIII. Secundò, quia Carolus ex illa captivitate redemptus  
 fuit humanis mediis, præviis tractatibus, datis obsidibus, ac  
 promisso pretio. Ita testantur gravissimi Historici tum Galli, ut  
 Langius ad annum 1288., & Paulus Æmilius in *Philippo Pal-  
 cerebro*; tum Itali, ut Joannes Villani L. 7. cap. 114., Ptolemaus  
 Lucensis L. 24. hist., S. Antoninus tit. 26. cap. 4. §. 9., Blondus  
 L. 2. Decadis 2. cap. 8., Platina in Nicolao IV. &c., Nicolaus  
 enim ipso sui Pontificatus initio Idibus Martii nuntios misit  
 Archiepiscopum Ravennatem & Episcopum Montis Regalis ad  
 Al-

Alphonsum Aragonium, ut cum eo de liberatione Caroli agerent, diemque ei dicerent, quo se intra sex menses sisteret, rationem de omnibus Summo Pontifici redditurus, alioquin Divinarum humanarumque legum iudicio contra ipsum ageretur. Constat hoc ex Nicolai IV. Epistola ad ipsum data. Monuit insuper Nicolaus ac rogavit Philippum Galliarum & Eduardum Angliæ Reges, ut unâ cum Joanne Choletio Cardinali S. Cæcilie Legato Apostolico agerent de procuranda Caroli Principis libertate. Convenientibus porrò Eduardo & Alphonso Regibus ad Pirenæi culmina in vico Campi-Franci, deductoque etiam illuc ipso Carolo captivo, ut pacta Olorone anno superiori conventa jurejurando coram firmaret; id præstitit 4. Kalend. Novembris, tribus filiis obsidibus datis, & triginta millibus nummorum numeratis, nec non promissis triginta millibus in futurum persolvendis. Is fuit modus liberationis Caroli Salerni Principis captivi Regis Aragonum, in quo nulla apparet Beatae Magdalene ei apparentis miraculosa liberatio.

XIX. Circa S. Martham, Locum, in quo ejus Corpus requiescit, esse Tarascum, probat primò ejus inventio in sacello subterraneo ejusdem Ecclesiæ secuta anno 1187., & Consecratio magnifici Templi in honorem ejusdem Sanctæ facta 1. Junii anno 1197. ab Imberto Arelatenfi, & Rostagno Avenionensi Archiepiscopis, cujus rei fidem faciunt sequentia carmina vetustissimis characteribus scripta & ad latus majoris Januæ ejusdem Ecclesiæ posita:

*Viginti novies septem cum mille relapsis  
Anno postremo, vobis patet hospita Christi:  
Mille ducentis transactis, minus at tribus annis  
Imbertus Prasul, Rostagno Prasule secum,  
In prima Junii consecrat Ecclesiam.*

Probat secundò Lapis marmoreus, cui hæc verba characteribus Romanis insculpta sunt: *Beata Martha jacet hic*. Et tertio: vetus Chronicon, quod ad calcem Operum Hugonis in Bibliotheca Regali Abbatie S. Victoris asservatur, in quo hæc habentur: *Corpus autem S. Marthæ dicitur esse sepulchrum apud Tarascum Oppidum propè Civitatem Arelatensem.*

XX. De Loco verò, in quo S. Lazari Reliquiæ positæ primò fuerint, eas Massiliæ quiescere constat ex facto Raymundi IV. Massiliensis Episcopi anno 1272. de quo in vetustissimo Instrumento Massiliæ in arcula ferrea asservato hæc leguntur: *Raymundus Reliquias Sanctorum Lazari, Cannati, Maurontii, & Antonini Episcoporum Massiliensium, nec non Sanctorum Adriani,*  
& Vi-

& Victoris Martyrum Massiliensium, aliasque ferreo scrinio inclusas, visitat & veneratur & Populo ostendit. Idipsum probatur ex Pontificis diplomate Benedicti IX. dato pro Consecratione Ecclesie S. Victoris Massiliensis anno 1040., in quo speciatim inter alias recenset Reliquias S. Lazari à Christo resuscitati.

XXI. Dices tamen: Menologium, quod Cardinalis Sirletus Latinum reddidit 17. Octobris hæc habet: *Relatio pretiosarum Reliquiarum Sancti & iusti Lazari, quas Reliquias celeberrimus ac fidelissimus Imperator Leo Divino zelo commotus, in Templo pulcherrimo sub ejus Sancti Viri nomine dicato ex Urbe Citiensi Constantinopolim translatus in argenteis loculis reposuit.* Porro Citiium Urbs est Insulæ Cypri, ex qua S. Lazari Reliquiæ circa annum 880. translatae feruntur. Idem habent magna Græcorum Menæa die 17. Octobris hoc metrico prophonemate.

*Constantinopoli relegendis vestigia Christi*

*Talibus exclamat: Lazare adesto foras.*

XXII. Respondetur primò, quòd cum præfata Menologia Reliquiarum S. Lazari non Corporis meminerint, Reliquiarum, quas Leo Imperator transtulit, nomine intelligi posse alia quæcumque S. Lazari usibus inservientia, ut vestes, ornamenta Ecclesiastica, vel alia hujusmodi: Aut, si velis, aliquam etiam Corporis S. Lazari partem à Massiliensibus obtentam; cum enim S. Lazarus fortè Cyprium profectus fuisset, ibique Episcopum egisset, antequam in Provinciam appelleret, contingere potuit, ut Cyprii speciali devotione erga S. Lazarum affecti, in honorem ejus Ecclesiam erigerent, & à Massiliensibus partem aliquam Corporis ejus obtinerent, quam Leo ex Citiensi Urbe, in qua collocata fuerat, Constantinopolim jussit deportari.

Secundò responderi etiam posset, Græcos æquivocatione labi, sumentes pro Reliquiis Lazari Mariæ & Marthæ fratris Reliquias alterius Lazari Monachi, qui Citii in Cypro floruit anno 832., de quo Martyrologium Romanum 23. Februarii hæc habet: *Constantinopoli Sancti Lazari Monachi, qui cum sacras Imagines pingeret, Theophili Imperatoris Iconoclastæ jussu, diris suppliciiis excrucietur, & manus ei candenti ferro comburitur: sed Dei virtute sanatus, abrasas Imagines sanctas pingendo restituit, ac demum in pace quievisit.* Hujus ergo Reliquias Leo Imperator Constantinopolim transtulit, quas cum Reliquiis Lazari Mariæ & Marthæ fratris Græci recentiores incautè confuderunt. Sed nimium in hac intricatissima quæstione Lectorem meum detinui.

## De S. Thecla Virgine ac Mulierum Protomartyre.

## §. I.

*Varia de S. Thecla Acta.*

I. **P**Rima, quæ tuendæ virginitatis studio & Fidei servandæ ardore plusquam virili constantiâ vitam pro Christo exposuit, Thecla fuit: idèdque sicut Virorum Stephanus, ita Feminarum Thecla Protomartyr in Ecclesia celebratur. De ea eximie locuti sunt Veteres: optandum tamen fuisset, ut sincerius scripsissent, nec vera fabulis involventes, quid tenendum quid rejiciendum, in obscuro reliquissent. Refert ex Tertulliano ( Lib. de Baptismo cap. 17. ) S. Hieronymus de Script. Ecclesiast. in Luca, Presbyterum quendam in Asia Acta Pauli & Theclæ scripsisse, sed convictum apud Joannem, quòd Auctor esset libri, & confessum, se id amore Pauli fecisse, ob id loco excidisse, idest à Presbyterio dejectum fuisse. Unde Eusebius L. 3. Hist. cap. 3. ea suspecta habens: *Ille, inquit, quæ ejus ( Pauli ) Acta vocantur, in Scripturarum illarum numero, de quibus nulla est omninò dubitatio, habita esse, non equidem accepi.* Et demum Gelasius in Concilio Romano *Acta Theclæ & Pauli apocrypha* pronuntiavit. Idem dixerat loco citato S. Hieronymus: sed tamen ratio, quâ ad illa rejicienda movetur, nimis rigida videtur: dicit ea habenda esse ut apocrypha, quia Lucas individuus Pauli comes nihil eorum memorat: *Quale enim est, ut individuas comes Apostoli, inter cæteras ejus res has solùm ignoraverit?* Sanè cum Lucas non solùm non memoraverit Leonem à Thecla baptizatum, sed nec ipsius Theclæ unquam in Actis meminerit, dicendum esset, quòd omnia quæ de illa dicuntur, imò Theclam ipsam fuisse, apocryphum sit: quod contra ipsum Hieronymum stare, qui Epist. 22. Eustochium ad amorem Virginitatis incitans dicit inter cætera, quòd inter alias S. Thecla ad eam amplectendam accurret. Igitor ex iis, quæ de S. Thecla feruntur nec omnia suscipienda sunt, nec omnia rejicienda.

II. De S. Thecla crebra in Menologiis Euchologiis & Historiis Græcorum mentio. Meminit & Gregorius Nazianzenus Orat. in laudem Athanasii, & Exhort. ad Virgines, Orat. in Julianum, Orat. 18. in laudem S. Cypriani, & Carmine Jambico de Vita

Vita sua: Item Gregorius Nyssenus Orat. 14. in Cantica, Epiphanius hæres. 79. contra Collyridianos, Chrysost. hom. 25. in Acta. Ex Latinis Tertullianus lib. de Bapt. cap. 17., Ambrosius Epist. 7. & 81., & lib. 2. de Virginibus, Augustinus lib. 30. contra Faustum cap. 4., Sulpitius Severus Dialog. 2. cap. 14., Cyprianus Orat. pro Martyribus, & Orat. sub diem passionis suæ, Zeno Veronensis, Sixtus Senensis Bibliothec. in Paulo, alique apud Baronium tom. 1. Annal. ad ann. 47., & in Notis ad Martyrol. die 23. Septembris.

III. Vitam S. Theclæ scripsisse fertur Basilii Seleuciæ in Isauria Episcopus, qui floruit circa annum 450., & Concilio Constantinopolitano contra Eutychetem interfuit. Hanc è tenebris se eruisse dicit Petrus Pantinus Decanus Bruxellensis, qui eam latinè vertit, Notisque illustravit, cui addidit aliam ex Simeone Metaphraste, utramque Antuerpiæ impressam anno 1608. Verùm & istas pluribus scateret fabulis, quibus olim Acta à Presbytero Asiæ conficta, à S. Joanne unâ cum auctore proscripta, & à Gelasio Apocrypha declarata, censent Recentiorum plerique: præcipuè verò, quòd dicant, Falconillam in Paganismo mortuam fuisse Theclæ precibus ab inferis liberatam; Theclam à Paulo fuisse ad prædicandum & baptizandum missam, ejusque prædicatione Tryphenam, & numerosissimam ejus familiam ad Fidem fuisse conversam, & ab ea baptizatam; quod est contra Pauli sententiam, qui 1. Cor. 14. v. 34. Mulieres in Ecclesiis tacere vult: eam similiter non esse mortuam, sed vivam in terram sic Deo volente apertam ingressam; & alia. Propter quæ negant aliqui Librum illum esse Basilii, sed alterius Seleucensis nimis creduli, qui ea ex Actis apocryphis exscripserit: & ex hoc moventur, quia Photius Biblioth. Cod. 168. de Basilii Seleucensis scriptis agens, dicit: *Idem verò Basiliius ille est, qui primæ Martyris Theclæ præclarè gesta & certamina, atque victorias Metris prosequitur*: porro non metricè sed solutâ oratione scripta est Vita, quam Pantinus prodidit. Huic tamen observatiori satisfacere se putat Pantinus dicendo, vel mendum irrepsisse in Photiano Codice, ponendo *Metris* pro *Metris*, idest fusiori stylo, quàm ceteri: vel utroque scribendi genere usum fuisse Basilium, & metro & solutâ oratione, sic Cicero idem præstitit de suo Consulatu, sic Tertullianus contra Marcionem, Sedulius in Opere Paschali, & alii: ita ut metricum opus exciderit, ac solum opus solutâ oratione confectum nobis remanserit. Cæterum cum nullus sit liber adeò nugis plenus, quin aliquid veri contineat, ideo Basilii Vitam Lectori meo pro-

Tom. V.

Z z z

po-

ponam, relinquens, ut vera à falsis, certa à dubiis, maximè alios Patres consulendo, iudicio secernat suo.

## §. II.

*S. Theclæ Vita ex Basilio Seleucia :*

I. **T**hecla Iconii Lycaoniæ Urbe nata, stirpe nobili & Parentibus generis splendore & divitiis clara, cum jam ætate nubilis, nec non oris venustate esset eximia, multos adolescentes ad sui amorem illexerat: cuidam tamen Thamyridi nomine, cæteris omnibus divitiis affluentiori & nobilitate clariori, in gratiam Theclæ matris fuerat in sponsam promissa, prorogato tamen nuptiarum die. Contigit ergo, ut Paulus pro Gentium vocatione & salute Orbem percurrens, Iconium perveniret, atque ab Onesiphoro hospitio exciperetur, ubi de more statim ad ipsum accedentibus Christum prædicare cœpit. Onesiphori domus Theclæ domui contigua erat. Thecla ergo ad quandam suæ domus fenestram, alteri, quæ in Onesiphori erat ædibus, proximam accedit; & Pauli voce virginitatem extollentis utcumque exceptâ, primùm quidem ad eam utpote peregrinam & insuetam obstupuit; deinde ad pauculas, quas perceperat voces, Deo cor ejus tangente, aded fuit commota, ut fenestræ illi quasi clavo confixa adhæserit. Prosequente autem in dies sermonem Paulo de carnalium voluptatum contemptu, & confluyente ad eum Populi multitudine, Thecla gratissimæ sibi fenestræ adhærens Paulum quidem non videns, sed voce aded commovebatur, ut à fenestra divelli non posset, nec ut vel cibum potumque summeret; imò virginitatis amore concepto omnia corporis ornamenta rejiceret.

II. Hæc observans Theoclea mater, primò eam monere ac debortari, deinde increpare cœpit; sed cum nihil ipsa proficeret, Thamyridi futuro sponso totum indicavit, monens ipsum, ut Theclam à proposito deterreret. Commotus ille puellam adit, & primò quidem tristi ac demisso vultu illacrymans rogat, obtestatur, ut à deceptoris ignoti hominis consiliis animum avertat, & datæ sibi fidei memor sit. Ad hæc Thecla, ne Thamyridem quidem & matrem præsentem aspiciens, immota persistit, nec matri idem postulanti verbum protulit. Quare amore in furorem verso Thamyris ex ædibus prosiliens ad ostium atrii Onesiphori properat, ad ipsum Paulum rectâ contendens; repressit tamen imperum, cum ibidem in Demam & Hermogenem

nem simulatè Pauli comites, reverà tamen infensos ejus hostes, incidisset. Ab his percontari cœpit Thamyris, quis Paulus, cujas esset, quid vellet, quid diceret, quid moliretur. Hi occasionem nacti veenum hæcenus reconditum contra Paulum evomuerunt. Quo magis exasperatus Thamyris extrema adversus Paulum machinabatur; pro tempore tamen sibi temperans eos ad convivium secum invitavit, quo ad calumnias in Paulum struendas promtiores haberet.

III. Auscto inter epulas furore, à mensa surgunt, & aliis confluentibus, tumultuosè ad raptandum Paulum festinant, Thamyride ipso manu prehensum ad Judicem trahente, & quòd matrimonia destrueret, ut calibatum extolleret, accusante; Demà & Hermogene addentibus, quòd Christianus esset & Christum prædicaret, quod Legibus adversatur. Judex his auditis, præcepit Paulo, ut causam suam diceret ac se defenderet: cui Paulus luculentâ oratione & erecto animo satisfecit: adeò ut Judex admiratus, nihilque animadversione dignum in eo inveniens, sed nonnulla tanquam sibi nova irridens, eum dimittere cogitaret; sed turbas in eum concitatas remorari putans, eum in carcere detineri jussit, tanquam illum iterum auditurus.

IV. Thecla interim horum ignara, sed populari voce postea edocta, facinus animo concipit, puellam imò & feminam superans, perpetratque. Mundum omnem muliebrem, quem domi habebat, armillas, inaures, aliaque pretiosa vanitatis ornamenta colligit ac secum deferit; custodem ostii propriæ domus armillarum dono corrumpit, & noctu egressâ ad carcerem pervenit, & simili donorum largitione carceris Præfectum pertrahens, portasque apertas nacta intus ad Paulum accurrit. Ingressâ, & propius conspectâ, omnes qui tunc aderant & Paulum ipsum pavore concussit: qui tamen spe erectus illam compellans etiam propè se assidere fecit, sermonesque de rebus cælestibus ac Divinis cum ea communicavit, & ut fortis esset ad omnia mala, quæ ipsi eventura essent, adhortatus est. Sic pertransitâ nocte, cum jam illuxisset, Solque radios jam diffunderet, puellæ omnes atque aucillæ ante cubiculum Theclæ excubare solitæ circum illud obversabantur, tanquam Dominâ de lecto mox surrecturâ, consuetaque ab eis ministeria mox petiturâ: sed multo jam Sole supra terras sese effeferente, nec Theclâ eas vocante, aliquid mali ei accidisse suspicata, unâ omnes in cubiculum irrumpunt, ubi Theclam non inventientes, clamoribus & ejulatibus totis ædibus personant. Quibus Theoclea mater accurrens, exanimis prorsus, voce omni præclusâ, reddita

est. Voce per totam Urbem divulgata, Thamyris supervenit, qui multis adhibitis diligentibus, ab uno tandem ex famulis Virginem apud Paulum esse intellexit.

V. Quanta ira ad hoc nuntium fuerit abreptus Thamyris, cogitet quispiam. Quod Thecla aufugisset, & quod ad Paulum, cui adeo devinctam noverat, ejus zelotypiam accendit, & ad lasciviae suspicionem illico traxit. Furiis ergo invehit ad carcerem, ubi Theclam ad Pauli pedes assidentem conspicatus, parum absuit, quin prae tristitia in deliquium incideret. Resumptam tamen iram corripiciens Paulum per servos, quos secum ducebat, illum in Praetorium traxit, nihil contra ipsum eorum, quae vel ira vel zelotypia suadet, dicere praetermittens, ut etiam Cestillius (hoc nomen Proconsuli) licet Pauli sermone captus, & eorum affectu quae dixerat, audiens tamen, quae contra ipsum dicebantur, quod honestam ac nobilem Virginem mancipii instar clam abduxisset, necnon eam ad ignominiosam sollicitasset, Paulum modice flagellatum, ne quid gravius ulterius pateretur, ex Urbe dimisit.

VI. Ducta subinde ad Tribunal etiam Thecla, matre adversus eam conclamante, ut poenas lueret, licet incomta corpore, vultu tamen severo modesto & gravi ac simul intrepido, omnes & ipsum Judicem ad pietatem commovit. Judex blandè eam allocutus hortatur ad matrimonium cum Thamyride ineundum: at ipsa nihil omnino respondente, cum Cestillius judex, quid sibi agendum esset dubitaret, Theoclea mater insano furore abrepta exclamare coepit: *Uratur & pereat*. Quibus, & potentia Thamyridis commotus Judex Theclam igni tradi jubet. Illico lignis per omnes undique comportatis, & flammam jam ad aethera ascendente pyram Virgo ascendere jubetur. Quae nihil permota, imò vultu hilari ac intrepido dum id facere parat, Christi apparitione sub Pauli specie confirmatur, & figuram Crucis sese prius consignans, imò expansis manibus se totam in Crucis formam componens in pyram intulit ac se flammis committit. Sed pyra loco thalami Virgini fuit: ignis in altum elatus Virginem à conspectu impudicorum municiens, in tegumentum honestatis ejus conversus, nihil nocimenti ejus corpori intulit. Terra quidem tantum facinus detestata tremore concussa fuit, & aer prius serenus subito coopertus nubibus imbrem & grandinem tanto impetu emisit, ut Iconiensium plurimos, ceteris fugientibus, suffocaret, & Thecla illa sola remanserit.

VII. Dum haec Iconii agerentur, Paulus extra Urbem in in quodam sepulcro de omnibus à Deo monitus pro Thecla orans



orans cum Onesiphoro & ejus familia versabatur. Hujus quidam ad procurandum cibum Iconium missi, in Theclam circumquaque commeantem inciderunt, qui ipsam agnoscentes, ad Paulum deduxerunt, quem humi prostratum ac pro se orantem iuveniens, se liberatam ab igne & violentia Divinâ ope conclamavit. Auditâ Virginis voce cum impetu è terra exiliens Paulus, ei unâ cum Onesiphoro & aliis gratulatus est. Volente autem Theclâ e mentito habitu & tonsâ comâ Paulum comitari, initio quidem Paulus eam dehortatus est, quia tempori & statui puellæ hoc non congrueret, & gravioris mali periculum utrique imminere posset. Illâ tamen asserente, quod Deus, qui in pyra ei auxilium præbuit, auxilium & in aliis periculis foret allaturus, tantum Paulus sibi impartiret; acquievit ille, eamque itineris comitem acceptans, post exigui temporis spatium se illi Baptisma collaturum promissit. Quo dicto remisso Onesiphoro cum suis Iconium, ipse itineri se commisit.

VIII. Non procul erat Antiochia Syriæ; huc ergo iter cum Thecla direxit, sed vix ad portas urbis pervenit, cum Alexander quidam natione Syrus vir nobilis & potens in virginem oculos conjiciens, amore illius adeo inflammatus est, ut sustinere amplius non posset. Eam ergo à Paulo requisivit: sed cum Paulus diceret, nihil ad se mulierem pertiuere, imo nec an sit omnino mulier liquidò sibi constare, Alexander amore furens Virginem amplectitur, & furiosè impellit. Exclamavit illa, vimque sibi illatam repellere conabatur: tandem facinus majoris animi quàm puellæ meditata, clamydem qua indutus erat, dilacerat, & coronam auro consecram illi è capite detrahit, sicque coram omnibus pudoris trophæum statuit. Alexander hæc contumeliâ irritatus frendens ad Tribunal properat & Theclam ad judicium rapit. Ridere tamen ista, omnemque Judicis sententiam contemnuere, imò martyrium velut pudicitia coronam exoptare. Divinâ autem Providentiâ ei præstò fuit. Inter feminas, quæ evulgatâ Theclæ virginis famâ accurrerunt, una fuit Tryphena nomine Regii sanguinis propinquitate illustris, opibus affluens, pietatis ac honestatis vitæ & morum studiosa. Hæc igitur tum miseratione erga Theclam commota, & ut etiam dolorem nuper amissæ Falconillæ filię leniret, eam apud se suscepit. At vix unâ interjectâ die, Thecla ab Alexandro producitur feris obijcienda: Tryphena vel nolens sequitur, Urbs tota convenit ad spectaculum. Leæna omnibus ferocior in Theclam immittitur. Sed mirum! Bestia suæ feritatis obliata, velut catella ab ipsa enutrita Virgini adsidit, eique caudâ circum pedes

pedes blanditur, quod passim omnes admiratione replevit & maxime Tryphenam, quæ partim miseratione partim miraculo contenta, partim eorum quæ de noctu in visu conspexerat, Theclam ad se iterum reduxit.

IX. Visus autem talis fuit. Tryphenæ dormienti adstans Falconilla matrem in hæc verba alloqui visa est. Lucum hunc, quem meâ causâ sustines, ut posthac deponas, precare Theclam, quam loco mei ut filiam suscepisti, ut pro me Deum oret, quo ipsius aspectum consequi, & in iustorum sedes transcribi possim. His dictis Falconilla avolare visa est. Tryphena ad Theclam, quæ apud se cubabat, conversa: mea filia, inquit, à Deo mihi data, roga Regem Christum, ut filiæ meæ quietem vitamque sempiternam in tui gratiam largiatur, & quod ipsi in fide desuit tuâ intercessionem suppleatur. Ad hoc paratissimam sese exhibens Thecla rogavit Deum: „Christe Rex Cœli da famulæ tuæ Tryphenæ, ut voti de filia sua compos reddatur, nempe ut anima ejus animabus illorum, qui in te pridem crediderunt, adnu- meretur, & Paradisi epulis deliciisque perfruatur. Porro has Theclæ preces à Deo fuisse exauditas, signum fuit, quòd Tryphena numquam postea filiæ Falconillæ obitum luxit.

X. Narratio hæc totam Theclæ historiam suspectam reddit. Quomodo enim pro Falconilla in Infidelitate mortuâ, & proinde in perpetuum inferis damnatâ, Thecla orare potuit, ejusque oratio à Deo exaudiri? Conatur tamen Pantinus eam tueri auctoritate Damasceni Orat. de iis, qui cum fide ex hac vita decesserunt, dicentis: *Numquid non Falconillam princeps Martyr (Thecla) post mortem servavit? Sed dices fortassis: eo ipso nomine, quòd Princeps Martyr erat, meritò id consecutam, æquumque fuisse preces ejus exaudiri. Ad quod ego respondeo petoque: cujus nam causâ hæc preces illius institutæ? nempe pro Gentili, Idololatræ prorsusque profana, & à Deo aliena operatrice. Idem tueri conatur ex Metaphraste in Vita B. Theclæ. Et addit, totam rem hanc Theologorum placitis posse defendi, sic statuendo, Falconillæ animam nondum perpetuæ condemnationi fuisse addictam; supremumque omnium Judicem cum prævidisset fundendas à D. Thecla serventissimas preces pro perpetua illius conservatione, passum fuisse se flecti, sententiamque particularis judicii distulisse, designato interim loco, ubi quousque tempus illud advenisset, adservaretur, citatque Richardum, Durandum, Sixtum Senensem Biblioth. L. 6. Annot. 47. & 311., & D. Thomam in 4. dist. 44. q. 2. art. 2. q. 1. ad quintum, ubi de anima Trajani precibus S. Gregorii liberata & aliis dicit, quòd*

quòd probabiliter æstimari posset, non fuisse finaliter in Inferno deputatos. Sed cum ordinarius Justitiæ Divinæ ordo sit juxta illud Ecclesiastæ 11. v. 3. : *Si cecideris lignum ad Austrum aut ad Aquilonem, in quocumque loco cecideris, ibi eris*, nec certò appareat, Deum cum aliquo in hac lege de facto dispensasse, propterea similes narrationes, ut alibi dixi, suspectæ sunt.

XI. Nunc ad Theclam revertamur. Dum Tryphena adhuc eam alloqueretur de Falconilla, ecce milites à Præside missi cum mandatis, ut Virginem per vim abriperent. At Tryphena cum viribus impar esset, & cedere violentiæ cogeretur, Virginem manu prehensens unà cum militibus perrexit. Urbs tota ad theatrum accurrebat, ubi Thecla bestiis iterùm erat exponenda. Cum igitur eò pervenisset, è manibus Tryphenæ vi extortâ ac vestibus denudatâ, primò Leônæ iterùm objicitur : sed hæc ut cominus ad eam accessit, ad pedes Virginis (ut ante) procumbens, à cæterarum belluarum incurfu ipsam tuebatur. Ursam quippè omnium ferocissimam in eam irruentem protinùs discerptam perdidit ; cum Leone autem furiosius in illam insiliente congressâ, pugnantisque, tandem cum ipso interiit, ingenti Spectatorum planctu quòd Thecla fideli auxiliatrice esset destituta. Aliis ergo feris in ipsam immisissis, Deum precata, ac propè piscinam aquæ & in ea marinas belluas, ad sui exitium comparatas innatantes, intuita, in aquam illam insiliit clamans : *In nomine tuo Domine, ultimâ hâc die baptizor* (Baptismo quidem fluminis; nam fluminis baptismo nemo se ipsum baptizare potest.) Verùm de repente ignis cœlestis circumcirca refulgens, & in aquas delapsus, belluas propriâ agendi facultate exuit, & Theclæ nuditatem operuit.

XII. His nihil commotus, sed violentiori rabie incensus perfidus Alexander, aliam bestiarum multitudinem comparat, sed mediâ inter illas absque metu & læsione Theclâ incidente, permisso Præsidis Tauros educi jubet, & ad naturalem eorum feritatem augendam subulas igne candentes feminibus Tauro-rum admovet. Sed hæc viâ etiâ se superatum invenit : nam ignis Tauros quidem interemit, at Virgo nec leviter quidem attackta incolumis mansit. Tryphena diutius tam atrociam ferre non valens deliquium passâ, è Theatro elata fuit. Quin & Alexander ipse contremiscens, pronusque in terram se demittens, rogavit Præsidem, ut feminam, cujus causâ tot turbæ excitatæ fuerant, velut præstigiatricem ab Urbe exterminaret. Ad hæc gavissus Præses, se à judicio adeo iniquo ac violento expeditum, Theclam propius ad se accitam interrogat, quænam esset, & quâ

quâ virtute aut arte belluas superasset. Cui illa, ut par erat, à veri Dei assistentia, quam ipsa colebat, totum hoc evenisse, non magicâ, ut putabatur, arte, respondit, aliaque multa tantâ Virgine digna adjecit, ut Præses tum animi ejus firmitatem plus quàm virilem, tum in dicendo gravitatem atque sapientiam admiratus, solitis ipsam vestibus indui jussit, & honorificâ in laudem ejus ad Populum habitâ allocutione eam dimiserit.

XIII. His publicâ Populi acclamatione terminatis, multæ mulieres incitato cursu ad Tryphenam pergentes lætum ei de salute Theclæ, jamque ad ipsam properantis, nuntium attulerunt. Quo illa accepto animari rursùm ac reviviscere cœpit. Ubi autem Theclam adspexit, apertis brachiis accurrens, seque illi conglutinans, verbis amore plenis est complexata. Cum ergo tantus ibi factus esset conventus lætantium ac de Deo loquentium, adeò ut Tryphenæ ædes Ecclesia potius quàm domus videretur, Thecla occasionem nacta sermonem de Christi Fide habuit, & Tryphenam ejusque servos & ancillas aliosque numero non paucos Christo conciliavit, & per Baptismi signaculum ipsius militiæ adscripsit. Verùm enixè cupiens adire Paulum, rescians eum Myris Urbe Lyciæ morari, nihil cunctata, Viri in modum ut formam suam celaret indura, comitibus Tryphena & famulis suis, exiguo terræ marisque itinere Myram pervenit, ubi inveniens Paulum de more docentem ac Discipulos Christo comparantem, ac subitò adstans, omnes & Paulum ipsum scientes, quæ ei Antiochiæ acciderant, stupore prelevit. Paulus interim Thryphenæ benè comprecatus, post multa cum Thecla colloquia, eam ad prædicandum mittens: *Abi igitur, inquit, & Verbum doce, Evangelicumque cursum per-*

*fice, & in partem mei pro Christo laboris veni.*

XIV. Thecla igitur ea, quæ à Tryphena dono acceperat, argenti magnam vim, multique pretii vestem coleandis juvenisque pauperibus Paulo relinquens, eique *commenda me Christo* dicens, iter Iconium capeffit. Quo confecto, Urbemque ingressa, præteritâ matre, propinquis, & propriâ domo, in ædes Ouesiphori diverfit; conspicata autem locum, in quo sedens Paulus docuerat, prona in eum procumbens osculata est, varia interim erga Magistrum suum amoris & veneratiouis exhibens testimonia. Quibus dictis, pauca de fide & ratione vitæ Christianæ cum matre Theoclea (mortuo jam Thamyræ) collocuta, Seleuciam se properanter contulit. In hac igitur Civitate diversata, eâque delectata, verticem montis vicinum, qui ad meridiem asurgit, occupans, hunc suæ habitationis locum delegit, ac se con-

contra Sarpedonem dæmonem, qui in crepidine maris imminente confederat, multosque decipiebat, nec non contra Minervam Arcium custodem, murum validum opponens, errores ibi regnantes destruxit; ac salutis verbo annuntiato, cùm multos Christianæ doctrinæ præceptis imbuisset ac Baptismi nota insigniisset, post plura edita miracula, quibus cunctos ad Fidem pertraxerat, haudquaquàm vitâ defuncta est, sed viva subsidens in terram ingressa, quæ Deo ita volente in ejus gratiam discessit, seque illi aperuit in loco, quo Divina ac sacra Liturgiæ mensa constructa, non amplius apparuit, continuis inde coruscantibus miraculis celebrem sui memoriam relinquens. Hæc de Theclæ Vita & sine è Basilio Seleucensi summatim excerpti.

XV. Aliqua tamen, ut dixi, sunt, quæ negotium facessunt. Primum, quòd femina baptizandi & prædicandi officium usurpaverit; & quidem jubente Paulo, qui tamen expressè feminis hoc interdicit 1. Cor. 14. v. 34. & 1. ad Timoth. 2. v. 11., quòd confirmatum fuit in Conc. Carth. 4. cap. 99., à Tertulliano L. de velandis Virginibus cap. 9. L. de Bapt. cap. 17. & L. de Præscript. cap. 41., & Epiphanio hæres. 42. & hæres. 49.

Secundum, quòd pluries induta veste virili apparuerit, contra illud Deuteron. 22. v. 5.: *Non induetur mulier veste virili, nec vir utetur veste femineâ, abominabilis enim apud Deum est, qui facit hæc.* Quod insuper totonderit sibi comam, contra illud Pauli 1. Cor. 11. v. 5.: *Turpe est mulieri tonderi aut decalvari.*

Tertium, quòd mortua non fuerit, sed vivens terram sit ingressa.

XVI. Hæc tamen effugere conatur Pantinus. Primum quidem, dicendo quòd baptizare viâ ordinariâ & extra casum necessitatis, ac præsentibus & valentibus viris, feminæ prohibentur, & hoc reprehendebat in mulieribus Marcionitarum Tertullianus. Cæterùm necessitate urgente, ex caritate non ex officio, absentibus vel non valentibus viris, licet laico sive viro sive feminæ, sive Christiano sive Pagano, modò debitâ formâ & intentione id faciat, baptizare. Eodem ergo necessitatis & caritatis impulsu, ubi non adsunt viri qui doceant, docere potest mulier. Sicque baptizavit & docuit Thecla, nimirùm ubi viri decrant, non ex auctoritate sed caritate, non suo impulsu sed Paulo instigante ac jubente, & extraordinariâ Spiritus Sancti missione, qui linguas etiam infantium facit disertas; hoc fecit & Martha Massiliensis Magistra, hoc Catharina cum Philosophis disputans eosque revincens. Fecerunt & alia. Demum Theclæ factum fuisse gratum, multiplex Infidelium ad Fidem per ipsam conversio manifestat.

XVII. Secundum etiam evadere conatur dicens, quòd temerè quidem & sine ulla ratione vestem virilem assumere mulieri vetitum est, ut habetur in Deuteronomio loco citato; non tamen si gravis urgeat causa, unde S. Thomas 2.2. q. 169. ar. 2. ad 3.: *Potest tamen, inquit, quandoque hoc fieri sine peccato, propter aliquam necessitatem, vel causâ se occultandi ab hostibus, vel propter defectum alterius vestimenti, vel propter aliquid hujusmodi.* Licuit ergo Theclæ vel suæ pudicitie causâ tuendæ, vel se ab hostibus occultandi, virili habitu ad Paulum accedere. Sic Natalia Adriani Martyris uxor, cum Maximianus mulierum ad viros in carcere condemnatos ingressum prohibuisset, viriles vestes assumpsit, quo vir existimata introduceretur, & quæ opus erant, sanctis subministraret. Sic Theodora idem fecit Antiochiæ, ut pudicitiam tutaretur. Sic Eugenia Philippi Proconsulis Alexandrini filia, Marina atque Euphrosina virgines sanctitate celebres habitu virorum amictæ in virorum Cœnobium profectæ sunt, & Pelagia Antiocheua in loca deserta, sic aliæ & quidem rectè. De capillorum tonsione eadem dicenda sunt.


XVIII. Tertium evadere possumus dicendo, Theclam vitam quidem terræ seu petræ hiatus ingressam esse, sed hiatu clauso, ibi in pace obiisse: unde Metaphrastes in Theclæ Vita hoc factum ita describit: *Vidit ante se petram apertam quantum homini recipiendo satis esset. Quare illa prout ipsi preceptum fuerat manibus se tenentium elapsa, in petram se immisit, cujus statim ambæ partes coiere, itaque in unum coalueri, ut nulla omnino junctura appareret.*

Sed ejusmodi an vera sint, an nugacis ingenii additamenta, alteri ut dixi decernendum relinquo. Hoc certum mihi est, in Thecla femineum sexum constantiæ in Fide Christo obtulisse primitias; eam propterea celebrant Patres supra relati, tanquam eam, quæ matris ac sponsi diras persecutiones superavit, quæ multa ob Christi Fidem passa est, quæ feris discerpenda exposita, eas obsequentes habuit; quæ ab igne immunis exivit, quæ tandem vitam virginitate & martyrio coronavit. Estò enim in pace tandem eam obiisse multi sentiant, tanta tamen passa pro Christi Fide est, in quibus vitam naturaliter amisisset, nisi miraculosè à Deo præservata fuisset: hoc autem ad Martyrium satis esse alibi ostendi. Ab Ecclesia proinde ut Virgo & Martyr, imò feminarum Protomartyr Thecla in Martyrologiis celebratur. Vide quæ dixi Cap. 5. de S. Joanne Evangelista §. 4. n. 4.

XIX. Ad Fidem conversa fuit à Paulo Iconii annum agens decimum octavum ætatis, anno verò Christi 47., vel 45. secundum alios. Si Metaphrasti in Lib. de Vita Theclæ credimus, obiit

obiit annos agens nonaginta, nimirum decem & octo cum fui t ad martyrium rapta, & reliquos septuaginta duos in solitudin e montis, ad quem se recepit. Incredibile tamen videtur, quòd idem Metaphrastes ibidem dicit: nempe quòd sese in petram divinitus sibi apertam injiciendo obierit, ut violentiam impuro- rum eam quarentium ad libidinem effugeret. Cui enim in men- tem venerit, ut vetula annum agens nonagesimum, ætate & vi- tæ austeritatibus penè consumpta, ad libidinem quispiam etiam impurissimus excitarit? Hactenus de S. Thecla. Aliæ superes- sent feminæ, quæ ætate Apostolorum pro Veritate Religionis Christianæ invicto animo testimonium præbuere. Sed quia mei præsentis Operis argumentum non est Acta SS. Mulierum texe- re; in hisce duabus Maria Magdalena & Thecla omnium se- quentium exemplar propono: in prima Pœnitentiæ & Amoris er- ga Christum: in altera Virginitatis & Fortitudinis in tormentis pro Christo.







# INDEX RERUM <sup>557</sup>

Quæ in hoc quinto Tomo continentur .

## A

- A**BSINTENTIA à sanguine & suffocato est præceptum legale , à fornicatione naturale . 82.
- ACTA** S. Andrea scripta à Presbyteris Achajæ genuina . 271. quæ damnata à Pontificibus ? 273.
- S. Thecla & Pauli apocrypha . 544.
- ADOLESCENS** qui amicus sindone siquæ videret Christum an fuerit Joannes ? 300.
- ex favore Pauli nepos ducitur ad Tribunal . 225.
- ÆGYPTIUS** Migas . 219.
- ÆNEAS** Paralyticus sanatur à Petro . 41.
- AFRANIUS** Burrhus Centurio vir moribus honestus . 240.
- AGABUS** multa prædicit . 214. ejus prophetia de fame generalis . 56.
- AGBARUS** scripsit Epistolam Christo relata ab Eusebio . 347.
- AGRIPPA** Rex cum Berenice uxore descendit Casaream ad salutandam Festum . 230. vult audire Paulum & censet posse dimitti . 232.
- ALEXANDER** , quem Paulus tradidit Satbanæ quis ? 252.
- quidam Monachus multa scripsit apocrypha de S. Barnabæ . 422.
- quidam Syrus despectus à Thecla scivit in ipsam . 551.
- ALEXANDRINA** Ecclesia fundatur à Marco . 80.
- ALOGI** hæretici negant Evangelium Joannis . 323.
- AMELIUS** laudat Joannem , quem tamen barbarum vocat . 322.
- ANANIAS** morte improvisâ puniatur , an etiam morte aternâ dubium . 22.
- Princeps Sacerdotum præcipit Paulum percuti in maxilla . 221. , quis fuit ? 222.
- ANDREAS** Apostolus primus , qui se Christo presentavit , dabitur an fuerit Petro natu major . 4. ejus Patria , Genus , Discipulus Joannis , quem reliquit ut Christum sequeretur . 266. , primus omnium vocatus à Christo . 257. nominatur inter duodecim Apostolos . 268. quæ de ipso in Evangelio narrantur . ibid. ubi prædicavit Evangelium . 269. ejus adventus Byzantium dabitur , Achajæ Martyrium subiit . 270. obiit crucifixus & quando . 274. ejus corpus quando translatus Constantinopolim . 276. Romæ aservatur ejus brachium & caput , & fertur Amalphi servari corpus . 277.
- ANGELUS** Satbanæ in D. Paulo quis ? 140.
- ANIA-**

- Anianus Sutor à D. Marco conversus ad Fidem . 446. post ipsum rexit Ecclesiam Alexandrinam . 449.
- Anna non habuit tres Maritos , sed unum nempe Joachim , ex quo nata est Maria Virgo , nec habuit alios filios aut filias . 358.
- Antiochena Ecclesia à Trajani persecutione servata . 503.
- Antiochiæ locus ex quo Discipuli primò nominati sunt Christiani . 129. & quare ? 130.
- Apii forum ubi ? 139.
- Apocalypsis Pauli liber apocryphus . 139.
- Apollo quis ? 191. in Achaja irrigavit , quæ Paulus plantavit , illi displicuit divisionem Corinthiorum . 192.
- Apollonius Tyaneus Magus insignis . 199.
- Apostoli mansuetudine & lenitate totum Orbem subjugarunt . 18. in publicam custodiam detruduntur & noctu liberantur ab Angelo , postea flagellantur & ibant gaudentes . 23. est titulus significans illorum collegium , dubium an omnes interfuerint Concilio . 21. aliquod manuale opus exercebant ad vitam sustentandam . 110. eligunt septem Diaconos . 26. mittunt ad Samaritanos Petrum & Joannem . 34. tradito Christo omnes suggerunt . 300. in arduis ad consulendum Ierosolimam ibant . 370. habuerunt à Christo mandatum prædicandi sed non scribendi . 321.
- Apostolorum genera quatuor . 349.
- Appositiones Joannis post obitum . 332.
- Aquila Corinthum venerat occasione edicti Romæ emanati contra Judæos . 182. relinquitur Ephesi à Paulo cum Priscilla . 189.
- Ara Atheniensium an uni ignoto Deo an pluribus ? 179.
- Areopagitæ qualitates . 177. , puniebant morte Athenienses , qui eorum Deos aspernabant . 178.
- Areopagus quid ? 177.
- Aristarchus comes Pauli quis ? 206.
- Ars Scenofactoria quid ? 109.
- Areman quis ? 253.
- Asson quæ Urbs ? 212.
- Athenarum Civitas scientiis superstitiosis dedita . 176.
- Auctores affirmantes Petrum fuisse Romam . 65.
- Augustinus excusat Paulum appellantem ad Cæsarem . 230.
- Aunibius quis ? 453.

## B

- Baptisma Joannis distinctum à Baptismo Christi . 194.
- Baptismus necessarius etiam justis & sanctificatis per gratiam . 47. in oleo confectum à Thoma Apostolo non videtur verisimile . 346.
- Barnabas sic vocatus ex indole miti & mansueta . 416. ejus modestia . 150. fuit mitis animo . 162. vocatus ad Apostolatum

latum post Ascensionem Domini . [416](#). de Tribu Levi quamvis degeret in Cypro . [417](#). , amicus Pauli cum quo studuit sub Gamaliel . [418](#). venit Tharsum ut quæreret Paulum . [429](#). ducit Paulum ad Petrum & Jacobum . [126](#). non prædicavit Roma Evangelium . [67](#). ejus Acta ex Scriptura . [419](#). itinera cum Paulo . [420](#). multa de ipso apocrypha scripsit quidam Alexander Monachus . [422](#). confutantur . [423](#). Acta sub nomine Joannis Marci apocrypha . [424](#). fertur fuisse Ecclesiæ Mediolanensis Episcopus . [424](#). obiit [425](#). quo genere mortis . [426](#). ejus Epistola non canonica . [427](#).

Baronius putat , *S. Petrum* prædicasse in Africa Evangelium . [87](#).

Bartholomæus non nominatur in Evangelio nisi quando numerantur *apostoli* . [390](#). quare dictus Bartholomæus . ibid. an fuerit Nathanael . [391](#). *ubi* prædicavit Evangelium ? [392](#). ubi passus Martyrium & quo genere mortis obiit ? [393](#). ejus Corpus ad Insulam Liparam translatum postea Beneventum . [394](#). deinde Romam . [395](#). non scripsit Evangelium . [396](#).

Benedictus XIII. dissertationem edidit dum erat Archiepiscopus Beneventi de existentia Corporis S. Bartholomæi in ejus Cathedrali . [395](#).

Beroenses de facili receperunt

Verbum Dei . [176](#).

Bethsaida Patria S. Petri & Andrea à Philippo Tetrarcha in speciem Urbis redacta , in gratiam Juliae Caesaris filiae vocata Julia . [3](#).

## C

**C** AINISTA librum infamem , supposuerunt Paulo . [139](#).

Cajus , cui dirigitur Epistola tertia Joannis , qui ? [324](#).

— hospes Pauli quem baptizavit distinctus à Gajo . [186](#).

Calamina Urbs à Lusitanis dicta Maliapur , & nunc S. Thoma . [343](#).

Calumnix contra Christianos à Paganis . [39](#). & Hebreis . [40](#).

Carcer S. Petri . [54](#).

Carpo quis ? [253](#).

Casus Euthychi equiparatus resurrectioni Tabithæ . [211](#).

Catena S. Petri Roma asservata . [104](#).

Cathedra S. Marci eburnea an adhuc Aquilejæ conservetur ? [444](#).

— S. Petri in Ecclesia Romana laudatur à Patribus . [66](#).

Causæ Martyrii Pauli . [261](#).

Cephas à D. Paulo reprehensus fuit D. Petrus . [84](#).

Cerinthus seditionis incensor . [80](#). ejus barefis . [310](#).

Chloes quæ ? [202](#).

Chrestus significat bonus . [130](#).

Christiani primi temporis . [19](#). qua-

- quale nomen . 139. tempore mortis Pauli vocabantur Galilai . 264. qui apud Indos dicebantur S. Thomae in Idolatriam relapsi . 346.
- Christus apparuit Jacobo Minori . 366. interrogat Philippum, quia sciebat instructione indigere . 379. quare instituit Petrum , & non Juannem suum Vicarium ? 334.
- Chrysostomus praefert Christum Alexandro Magno . 101.
- Circumcisio Timothei valde profuit . 467. non imponenda Gentilibus . 82.
- Cives Tharsenses quare dicebantur Romani ? 108.
- Claudius Felix qui ? 228.  
— Lysias Tribunus . 218. existimavit Paulum esse Magum Aegyptium . 219. defendit ipsum . 224. ejus Epistola ad Praesidem . 226.
- Cleophas dictus Alpheus Pater Jacobi Minoris . 355. unus ex Discipulis euntibus Emmaus . 360.
- Cognati dicuntur etiam illi qui sunt ejusdem Gentis . 107.
- Collegia quae & quando inceperint . 59. sunt in usu etiam in Ecclesia Romana . 60.
- Concilium Hierosolymitanum . 72.81. quando celebratum . 81.
- Confirmatio reservata Apostolis & deinde solis Episcopis . 36.
- Controversia inter Aribiepiscopum Toletanum & Compostellanum de jure primatus . 286.
- Conversio Pauli opus Dei . 118.
- Corinthii divites & avari . 182.
- Corinthus totius Graeciae Metropolis . 181.
- Cornelius Centurio per visum mittitur ad Petrum . 43. occurrat Petro . 46. ab ipso incipit unio Gentilium & Judaeorum . 48. ejus gesta incerta . 49.
- Crux inventa Calamina . 344.  
— in qua crucifixus est Andreas , cujus figura , servat in Massilia apud S. Vitorem . 274.
- Cypri Insula aliquando Imperatoria . 145.

## D

- D**emon Philippis prius loquitur bene de Paulo & Sila , postea suscitatur Plebem contra eos . 170. permittente Christo promoveat gloriam ejus . 197.
- Damaris quae ? 180.
- Demas nedum reliquit Paulum sed & Christum . 258.
- Demetrius argentarius excitat Populos Ephesi contra Paulum . 205.
- Diaconi electi ab Apostolis ad quod ministerium . 420.
- Diana Ephesi colebatur . 204.
- Differentia inter visionem & revelationem . 138.
- Dignitas Episcopalis minor dignitate Apostolica . 353.
- Dionysius Arcopagita quis . 180. primus Aethiencium Episcopus ordinatus à D. Paulo . 478. obiit sub Trajano . 480. ejus scripta . 481. fuit Pa-

## E

*Parisiensis Episcopus . 484.*

*ejus Martyrium . 487.*

*Missus in Gallias à Sancto*

*Clemente est idem quod Areo-*

*pagita . 487.*

*Disceptatio inter Hieronymum*

*& Augustinum in facto re-*

*prehensionis Pauli ad Petrum .*

*86.*

*Discipuli Domini qui & quot ?*

*427. eorum nomina incognita.*

*235.*

*Discordia inter Paulum & Bar-*

*nabam fuit opinionum non*

*animorum . 162.*

*Dispersio Fidelium post necem*

*Stephani . 24.*

*Doctrina Pauli eadem cum illa*

*Petri & Apostolorum . 200.*

*Domitianus despiciit Christianos*

*etiam ex familia David , quia*

*pauperes . 490. ejus quarta*

*persecutio . 311. ejus jussu co-*

*gitur Joannes exulati ab*

*Epheso & Romam duci . 312.*

*Domus Prudentis prima Eccle-*

*sia Roma nunc S. Pudentia-*

*na . 74.*

*Donatistæ volebant Romæ unum*

*Episcopum ex suis . 66.*

*Donum Scientiæ concessum om-*

*nibus Apostolis . 304. illo ca-*

*ruerunt omnes Heretici . 305.*

*Dorcas . V. Tabitha .*

*Drusilla quæ ? 228.*

*Dubia circa historiam Eusebii*

*de Epistola Agbari ad Chri-*

*stum . 348.*

*E Bionis dementia in Pan-*

*lum . 122.*

*Ebionitarum hæresis . 310.*

*Ecclesia augetur signis & prodigiis à Petro editis . 23. ex*

*Pauli morte revivixit . 263.*

*Antiochena prima Petri*

*Sedes . 50.*

*Hierosolymitana spatiosè*

*ptuaginta annorum duos tan-*

*sam Episcopos habuit . 493.*

*series aliorum Episcoporum ex*

*Eusebio . 494.*

*Roma sub titulo S. Petri*

*in Vincula . 103.*

*Ecclesiastici non sunt puniendi*

*à potestate seculari exemplo*

*Pauli . 114.*

*Effigies S. Petri qualis fuit ?*

*105.*

*Electa cui dirigitur Epistola se-*

*cunda Joannis quæ ? 324.*

*Electio Discipulorum in Aposto-*

*los . 11.*

*Matthia in Apostolatam .*

*414.*

*Septem Diaconorum . 25.*

*Electiones debent fieri explorata*

*Divinâ voluntate . 135.*

*Elevatio S. Pauli liber apocry-*

*phus . 139.*

*Elymas Magus excæcatus à Di-*

*mo Paulo . 145. aquiparatur*

*Simoni Mago . 446. credibile*

*est quod respicerit . 147.*

*Epaphras quis ? 246.*

*Epaphroditus missus Romam .*

*241. tres hujus nominis . 344.*

*Ephesini lugent discessum Pauli .*

*212.*

Tom. V.

Bbbb

Epi-

- Episcopi non sunt ordinandi nisi ab Episcopis . 447.
- Episcopi negligentiam in custodiam Iuvenis à S. Joanne consignati . 118.
- Episcoporum ambitio causa dissidiorum . 168.
- Epistola secunda Pauli ad Corinthios à quo loco scripta . 109. ad Romanos scripta Corinthi . 109.
- Epistolæ Seneca ad Paulum & Pauli ad Senecam apocrypha . 242.
- Eraſtus Præſectus Erarii à Paulo relinquitur Episcopus Corinthi . 202.
- Errores Simonis Magi . 75.
- Ethnici accusantes Petrum Magia deridentur ab Augustino . 105.
- Evangelium Joannis habetur ut præcipua pars S. Scriptura . 321.
- Evangelii progressus novam persecutionem excitat . 20.
- Eudoxia Ecclesiam Romæ dicavit sub titulo S. Petri in Vincula . 104.
- Eunuchus Regina Candacis baptizatus à Philippo quis ? 37.
- Evodius Episcopus Antiochenus . 427.
- Euthicus audiens Paulum somno gravi detentus cecidit de fenestra & videbatur mortuus . 211.
- F**
- Falconilla filia Tryphena à mortua in infidelitate . 550.
- Falsi testes contra Stephanum . 412.
- Farnes . generalis tempore Claudii . 57.
- Festum commemorationis S. Stephani celebrabatur ante inventionem ejusdem corporis . 441.
- Festus . V. Porcius Festus . Fideles pretium bonorum ad pedes Apostolorum deferabant . 21. præ ceteris patiebantur famem generalem . 59.
- Fratres Domini qui ? 154.
- Fuga ex prudentia laudabilis . 125.
- G**
- Gamaliel detinet animos Judæorum contra Apostolos . 23. quis fuit ? 24. Pauli Magister . 108. Fidem Christi suscipis ante conversionem Pauli . 441.
- Gentiles dicebant fornicationem non esse peccatum . 83.
- Germanicus adolescens inter severas constansissimus . 510.
- Gloriatio quando bona & quando mala . 127.
- Gratiæ Christi in Paulo triumphas . 114.
- Græci celebrant festum de Cæciliis S. Petri . 103. distinguunt Silam à Silvano . 185. dant Joanni nomen Theologi . 331. Mariam Magdalenam eandem voluit esse cum illa, ex qua septem Dæmonia eiecerunt, eam tamen à sorore Martha distinguunt . 516.
- D. Gregorius scribit Constantina Augusta de Vinculis Pauli . 165. Roma extraxit Eccle-

*clesiam sub titulo S. Andrea*

*277.*

## H

**H**eretici dicuntur Christiani sed non Catholici. *132.*

non habens donum scientia. *309.*

quia non missi ab Ecclesia predicare non possunt. *136.*

erant etiam tempore Apostolorum. *493.*

aliqui affirmant Petrum Roma fuisse. *67.*

Hebræi aliquid manuale opificium addiscebant. *109.*

Helena quæ succurrit fami Hierosolymitanæ, quæ *158.*

Hermagoras an vixerit temporibus Apostolorum? *441.*

Hermas non fuit Presbyter sed laicus. *471.*

eius visiones descriptæ in libro Pastoris. *476.*

Hermogenes quis? *257.*

Herodes obiit consumatus à vermicibus. *56.*

Agrippa occidit Jacobum fratrem Joannis gladio. *11.*

et *282.*

Hirtacus Rex Aethiopia occidit Mattheum, et à Deo punitur. *401.*

Historia de Muliere adultera in dubium revocata ab aliquibus. *331.*

Historia Simonis Magi precipitis ad preces S. Petri fundamenta. *91.*

variant auctores in narratione circumstantiarum. *92.*

Hymenæus qui ejusque error? *211.*

## I

**I**acobi Apostoli non tres sed duo. *152.*

Jacobus Major frater Joannis filius Zebedæ, patria Bethsaida, arte piscator. *279.*

dictus cum fratre Boanerges et quare. *280.*

quæ de illo in Sacris Scripturis. *281.*

occiditur Hierosolymis gladio. *282.*

et quando. *283.*

rationes pro ejus adventu in Hispanias. *284.*

contra. *286.*

respondetur primis. *288.*

et secundis. *290.*

est advenit in Hispanias ibi non predicavit Evangelium. *291.*

Festam quod celebratur non est dies Mortis, sed Translationis. *293.*

eius Reliquiæ. *294.*

Jacobus Apostolus tribus nominibus appellabatur, Minor re-

latè ad Jacobum fratrem Joannis, Alphæi quia ejus filius, Frater Domini, quia

Consobrinus. *311.*

non excludendus à numero Apostolorum. *353.*

non dicitur Frater Domini quia filius Virginis. *355.*

quare dictus Minor. *362.*

dictus Justus. *363.*

an ingredi potuisset in Sancta Sanctorum? *364.*

est probabile fuisse de genere Sacerdotali. *365.*

quæ de illo in Evangelio apocrypho. *366.*

destinatus à Christo primus Episcopus Hierosolymitanus et ab Apostolis declaratus. *368.*

est caput illius Ecclesia sed non universalis. *369.*

per contemptum vocatus in libris

Bbbb 2 Tal-

- Talmudicis Discipulus Jesu fabri . 370. interfuit Concilio Ierosolymitano . 370. in ipso loquutus est suscipiens sententiam Petri . 82. ejus morum suavitas . 369. incertum quo anno Martyrium subiit . 373. causa ejusdem , injuste ex testimonio Iosephi occisum . 374. quomodo obiit . 375. scripsit Epistolam . 377. ubi asseruntur Reliquiæ . 377.*
- Jacobus Montacutius** vertit *Apocalypsim contra Papam . 315.*
- Jannes & Mambres Magi Regis Pharaonis . 359.**
- Jalon** accusatus à Judæis uti complex conspirationis . 174. dimittitur datâ cautione de Paulo . 175. quis fuerit ? 175.
- Ierosolymitana Ecclesia** spatio septuaginta annorum habuit duos Episcopos tantum . 493.
- Jesus** primò Corintiis enuntiatus à Paulo . 182.
- Ignatius** dictus Theophorus videtur fuisse puerum illum , quem Iesus statuit in medio Discipulorum , Episcopus Antiochenus . 495. an fuerit secundus vel tertius illius Ecclesiæ Episcopus dubium , conciliantur opiniones . 496. totam Syriam regebat , unde dictus Syria Episcopus . 498. traducitur Romam feris devorandus ejus loquutio cum Trajano . 499. ejus laudes ex Chrysostomo . 500. in itinere confortat
- Fideles & à Smyrnenſibus benigne excipitur . 501. Smyrna** quatuor scripsit Epistolas , de quibus datur fragmentum . 502. Troade scripsit alias . 503. ejus iter per Adriaticum & Tirenum tandem pervenit Romam , ubi ad portum obviam habuit fratres . 504. damnatur ad bestias 504. ejus apparitio post mortem & ejus ossa translata Antiochiam . 505.
- Imperatores ad sepulcra Apostolorum . 102.**
- India** nomen quid significet apud Antiquos 340.
- Inferiores** possunt publicè arguere Superiorem si publicè desiciat . 85.
- Initia Apostolatus Pauli . 123. nascentis Fidei . 21. ruina Judæorum . 56.**
- Invidia Judæorum . 220.**
- Joannes** frater Jacobi Bethsames filius Zebedæi & Salome vocatus à Jesu Boanerges dictus Junior , specialiter dilectus à Christo an sit Petro præferendus ? 296. quare plus dilectus à Christo . 297. non fuit Sponsus in nuptiis Cana . 298. testis transfigurationis , in Cena recubuit . 298. , cum Petro & Jacobo in hortu Gethsemani . 299. an sugerit fugientibus Apostolis , & fuerit adolescens amictus sudore qui sequebatur Christum . 300. quare notus Pontifici . 301. solus sequutus est Christum usque ad Crucem . 301. ex quo vir-



ginitatem coluit illi comendatur à Christo in Cruce Mater quam accepit in suam. **302.** ex illa die curam ejus habuit. **303.** stetit juxta Crucem etiam Christo mortuo, quem vidit transfigi in latere, & post Resurrectionem ivit cum Petro ad sepulcrum. **303.** agnovit Christum dum cum aliis piscabat. **304.** ejus mutua conjunctio cum Petro. **305.** interfuit Concilio Jerosolymitano. **306.** non semper permansit in Asia. **307.** verisimile est interfuisse Jerosolymis dum agebatur de successione Jacobi. **307.** predicavit in Asia Minori, fuit Ephefi cum Maria Virgine, non tamen fuit illius Ecclesiæ Episcopus. **308.** pluries venit in Asiam ut hæresim Cerintbi & Ebionitarum confunderet. **310.** jussu Domitiani Romam ducitur & in ferventis olei dolium mittitur. **312.** tunc bibit calicem Passionis illique non desuit desiderium Martyrii. **313.** relegatur in Insulam Patbmos, revocatus ab exilio rediit Ephefum ubi permansit usque ad mortem. **315.** putatur Ephefi scripsisse Apocalypsim quam vidit in Patbmos. **ibid.** Latronem convertit, Evangelium scripsit anno atatis nonagesimo contra hæresim Cerintbi & Ebionis, in quo de **Christi** Divinitate. **320.** aquiparatur **Aquila.** **322.** scripsit etiam tres Epistolas. **324.** obiit senio

consecutus inter brachia **Discipulorum** & **Ephefi** fuit sepultus. **325.** ex ejus sepulcro pulvis emanat. **326.** voluit aliqui non esse mortuum, sed resselluntur. **328. fertur S. Ambrosium** reposuisse ejus Reliquias in Ecclesia Mediolani modò **S. Ambrosio** dicata. **328.** non manet cum Henoch & Helia usque ad adventum Christi. **329.** ejus vita an austerà. **337.** excelluit Apostolos in dilectione. **382.**

Joannes Chrysostomus restituit Constantinopoli collapsam consuetudinem de Collectis. **60.**

Joannes Marcus non confundendus cum Evangelista. **450.** matrem habuit Mariam nomine, quæ Jerosolymis domum habebat, in qua conveniebant Fideles. **451.** Barnabæ fidelis comes & Pauli. **162.** cum qua navigavit Cyprum & cum ipso Romæ erat. **452.**

Joannes Presbyter audiversus à Joanne Marco. **452.**

S. Joseph non habuit aliam uxorem quàm Mariam. **355.**

— Jacobi frater quis? **359.**

— Phariseus de se scribit vixisse calibem usque ad annum trigessimum atatis suæ. **121.**

Iphigenia vocit virginitatem. **401.**

Iter Pauli in Hispaniam stabilitur. **249.** Jerosolymam. **215.** alia itinera. **251.**

Judas Apostolus trinominus, dictus Thaddæus, Judas Jacobi, & Lab-

Labbeus, frater Domini & confubrinus Christi. 409. mul-  
ti credunt habuisse uxorem &  
filios. 410. ad Apostolatam  
vocat post Pascha. 410. ubi  
predicavit Evangelium. 411.  
scripsit Epistolam. 413.

Barfabas quis? 162.

Gallilæus dictus Gaulanites  
quis? 124.

Judæi per contemptum vocabant  
Christianos Nazareos, & ter  
in die maledicebant nomen  
Christianorum. 131. eorum  
calumniæ contra Christianos.  
38. malè sentiant de Paulo.  
216. illi de Asia concitant  
Populum contra Paulum. 217.  
Mulieres & Primos Civitatis  
contra ipsum & Barnabam.  
152. & Leonii Gentes contra  
eosdem. 152. devocent se non  
manducaturus nisi occiderint  
Paulum. 224. tentant illum  
occidere. 126. improbant  
mortem Jacobi quam putant  
causam obsidionis Jerusalem.  
376. extra proprias Regiones  
accommodabant nomina usui  
Nationis. 182. illorum fami-  
lia in Cilicia & Græcia. 108.  
Roma in Regione Transybe-  
rina tempore Augusti exerce-  
bant suos Ritus. 73. tempore  
Claudii Romam revertuntur.  
74. Exorcistæ tentant fugare  
Dæmones nomine Jesu, quem  
Paulus predicat & repreben-  
duntur à Dæmone. 196.  
Julianus Apostata invehitur in  
Petrum. 85.  
Julius Centurio humanè tractat

Paulum. 211. ipsum consignat  
Roma cum vinclis. 240.

Junius Gallius frater Lucii  
Enai Seneca. 186. ejus  
mansuetudo & equitas. 187.

## L

S. L. Azari Reliquia Massilia  
quiescant. 142.

Legalia de rigore præcepti per  
decretum Petri non esse obser-  
vanda. 83. Jerusalem durar-  
unt usque ad tempus Adriani.  
371. post Passionem Christi  
non debent observari. 167.

S. Leo sermonem habet de Col-  
lectis. 60.

Leucius scripsit Acta apocrypha  
S. Andreae. 275.

Liber, cui titulus altercatio Ja-  
sonis & Papisci, non est Lu-  
cæ. 461.

Pastoris quantæ auctorita-  
tis. 477.

Magici & Astrologici com-  
bati à Pagani. 197.

Limatura Cæsonarum Petri in  
honore habita. 104.

Litteræ in Cruce inventa Cala-  
mina explicantur. 144.

Liturgia S. Joannis. 334.

Locus Martyrii S. Petri. 95.

Lucas patria Antiochenus, pro-  
fessione Medicus. 454. caluit  
arte pictoriæ, censetur pinxisse  
Imagines B. Virginis. 355.  
an Discipulus Domini vel  
Apostolorum dubium. ibid.  
post Ascensionem Domini abf-  
que circumcissione ex Gentili  
Christianus. 456. comes Pau-  
li.

li. ibid. scripsit Evangelium  
 & Acta Apostolorum. 458.  
 ubi & quando 459. & 460.  
 vertit ex hebraeo in graecum  
 Epistolam Pauli ad Hebraeos.  
461. ubi obiit & quo genere  
 mortis incertum. 462. cur fi-  
 gura Vituli adjungatur. ibid.  
 nihil scripsit de Adventu San-  
 cti Petri Romam. 69. au fuc-  
 rit alius Discipulus, quicum  
 Cleopha ibat Emmans. 361.

Lucianus narrat historiam se-  
 pulturae & inventionis S. Ste-  
 phani. 435.

Lucius Lyrenensis qui? 420.

Lyddas qua Civitas? 42.

Lydia purpuraria petiit baptis-  
 ri. 169.

## M

Macedo qui appropinquavit Pan-  
 lo fuit Angelus Praefes  
 Macedonia. 168.

Mamertinus carcer. 94.

Manahem qui? 420.

Manfuetudo quale bonum. 18.

Marcus Evangelista Cyrenensis.  
442. dubium an fuerit Disci-  
 pulus Domini, ope D. Petri  
 conversus. 443. primus qui in  
 Aegyptum & Alexandriam  
 Evangelium portavit. 444.  
 Alexandriam ingreditur, con-  
 vertit Anianum Surorem.

446. trahitur per Civitatem  
 aduflar bubali, & obiit Mar-  
 tyr. 448. ejus Corpus secu-  
 lo viii. Alexandria servaba-  
 tur, & a Venetis translatus  
 Venetias. 449. Petro nar-

rante Roma scripsit Evan-  
 gelium. 77.

Maria Virgo habitabat in domo  
 Joannis. 303.

— Cleopha soror germana  
 Maria Virginis Mater Jaco-  
 bi Minoris. 355. & 358. ha-  
 buit plures filios. 359. qua de  
 ipsa dicuntur. 360.

— Magdalena una est. 321.  
 primò peccatrix postea sancta.  
322. satisfecit argumentis qui-  
 bus ostenditur non esse eam.  
 ibid. rationes quibus probatur  
 ejus adventum in Gallias. 326.  
 ejus Corpus servari in Templo  
 S. Maximini monumentis pro-  
 batur. 335. satisfecit objectis.  
338. historia inventionis Cor-  
 poris. 341.

— Mater Joannis Marci. 451.  
 S. Marthae Corpus Tarascum  
 quiescit. 342.

Matthaeus dictus etiam Levi  
 Alphaei à quo non distingui-  
 tur. 396. Publicanus. 398.  
 patria Galilaeae vocatus à  
 Christo. 399. ejus humilitas  
 comendatur. 399. duxit Chry-  
 stum in domum, non rediit ad  
 priorem artem, ejus austeritas  
 in visu. 400. ubi predicavit  
 Evangelium. 401. Martyr  
 obiit. ibid. ejus Corpus ex  
 Aethiopia primò translatus est  
 in Bezzaniam seu Bythiniam  
 deinde Salernum. 402. unicum  
 scripsit Evangelium hebraicè  
 quod temporibus Apostolicis  
 graecè translatus est. 403.

Matthias electus Apostolus in  
 locum Judae, non est Zec-  
 chaeus

*cheus princeps Publicanorum.*  
 413. *ejus vita scripta à quodam Monacho ipsi communicata à Judæo.* 414. *ubi prædicavit & obiit.* 415. *ejus Corpus Romæ in Ecclesia S. Maria Majoris.* ibid. *scripta sub ejus nomine apocrypha.* ibid.  
 Melitenses benigne recipiunt Paulum. 237.  
 Milites custodientes carcerem Petri interficiuntur ab Herode. 56.  
 Ministri Justitiæ à culpa non eximuntur exequendo præcepta injusta Judicis & contra Servos Dei. 283.  
 Missionarii exemplo Pauli qui permisit Timotheum circumcidi non debent permittere Pagani suos ritus. 265.  
 Mnafo quis? 216.  
 Monaci veteres aliquod opus manuale exercebant. 110.  
 Montanistarum error. 138.  
 Mulieres in itineribus sequebantur Petrum. 52. *in casu necessitatis baptizare possunt.* 553. *ad tuendam pudicitiam, vel ut se occultent ab hostibus possunt incidere in habitum virili.* 554.

## N

**N** Athanael laudatus à Christo quare non inter Discipulos ejus? 378. *an fueris idem quod Bartholomæus?* 391.  
 Nazareatus ceremonia. 217.  
 Nero studio Magiæ deditus. 90.  
 persequetur Paulum. 256.

*fertur interfuisse Martyrio ejusdem.* 263.  
 Nicanor Diaconus quis? 129.  
 Nicodemus à Judæis persequutus. 113.  
 Nicolaus Advena Anchiobæus Diaconus. 30.  
 Nicolaitarum error. 30. *quis auctor?* 31. *in quo consistit.* 32.  
 Nomen Christianum à persecutionibus robur & incrementum accepit. 41. *ipsi additum nomen Catholicis ut distinguatur ab Hæreticis.* 122.  
 — Pauli quid significet & quando illi impositum. 149.  
 Nomina Divinitas imposita emiventiam gratia significant. 8.  
 Novatores ex objurigatione Pauli in Petrum ipsi primatum eripiunt. 85.

## O

**O** Nefinus quis? 244.  
 Onesiphorus quis? 257.  
 Oratio Ecclesiæ dñm Petrus detinebatur in carcere. 54.  
 Oratoria extra Urbes communia erant Judæis & Samaritanis. 169.  
 Orientales Christiani tentarunt asportare in Oriente Corpora Apostolorum Petri & Pauli. 100.

## P

**P** Apiscus quis? 461.  
 Parmenas Diaconus quis? 29.

Pa-

Pascha die Dominico celebrandum. 373.

Pastores mansuetudine & lenitate debent regere Ecclesiam. 19.

Pathmos Insula maris Aegæi. 314.

Patres asserentes unam esse Magdalenam. 519.

Paulus de Tribu Benjamin in Circumcisione dictus Saul vel Saulus. 106. habuit sororem & neptem patriâ Tharsensem. 107. studuit Ierosolymis sub Gamaliele. 108. sectâ Phariseus artem manuum senofactoriam exercuit. 109. erat vir multa eloquentia zelotes pro Lege Moysayca & Traditionibus Judaicis. 111. consensit neci Stephani servando vestimenta lapidantium, & promovit maximam persecutionem in Discipulos Domini. 112. veluti Lupus rapax univ.ersum Christi gregem vorare tentabat. 113. in sua conversione de Lupo fit Ovis Christi. 114. vidit Christum in via, excatus oculis corporis aperuit oculos animæ. 115. punitus de persecutione facta in Ecclesiam. 116. ejus conversio opus Dei, & idem non ab Apostolis sed ab Anania instructus, quo tempore hoc accidit. 118. fuit caelebs post conversionem & Apostolatam. 120. probabilius est nunquam uxorem habuisse. 121. primò predicavit Jesum esse Filium Dei. 122. vehementior Stephano & maxima auctoritatis in dicendo.

Tom.V.

123. Damasci per mare in sporta dimittitur: non ex timore sed ex prudentia fugit, venit Ierosolymam videre Petrum. 125. in Syria & Cilicia notus. 127. à Barnaba Antiochiam ducitur. 128. alii primò capis predicare tamquam Magister. 129. objurgat Petrum. 84. cum Barnaba venit Iersusalem ad deferendas Collectas. 132. ejus Apostolatus extraordinarius nupotè vocatus à Christo non in terris degente, quare inter Apostolos se abortivum appellat. 134. esto vocatus à Deo voluit mittere & per impositionem manuum Ordinari, in quo actum omnes gratias aliorum Apostolorum obtinuit. 136. quando raptus in Cælum, ejus humilitas in tegendo silentio hujusmodi raptum spatio quatuordecim annorum. 137. ejus visiones & revelationes in quibus vidit arcana ad instruendos Gentes. 138. probabile est vidisse humanitatem Christi, & Deum facie ad faciem, ejus ratum innotuit etiam Paganis. 139. in infirmitatibus gaudet & manibus propriis laborabat. 143. aliquando subsidia pro se & suis recepit. 144. ejus prædicatio in Cypro. 145. excacat Elymam Magum & quare. 147. quando nomen Sauli mutavit in Paulum. 148. venit Antiochiam Pisidia. 150. ejus prædicatio prudentissima. 151. excusâ pulvere pedum

Cccc

con-

contra Judæos se convertit ad Gentiles. 152. venit Iconium. 153. Lystris sanat Claudum ex urero matris. 154. lapidatur à Judæis. 155. revertitur Antiochiam. 156. ejus passiones & persecutiones. 157. constans in illis, interfuit Concilio Jerosolymitano. 159. exponit Apostulis doctrinam quam predicabat. 160. & 83. itinera pedestrim agebat, quare circumcidit Timotheum. 164. quare non Titum. 165. quare vetitum fuit predicare in Asia. 168. quare blandè loquitur spiritui Pythoni in puella existente dum illum expellit; Philippis ponitur in carcerem. 170. post terremotum baptizat custodem carceris. 171. voluit eam bonore dimitti è carcere. 172. Thessalonica predicat Judæis & Gentilibus. 173. quos speciali amore prosequitur. 174. predicat Beroea. 175. venit Athenas. 176. ad Areopagum ducitur. 177. ejus ars in ostendenda vera Religione. 178. ejus concio ad Athenienses. 179. mittit Timotheum ad Thessalonicenses & ipse pergit Corinthum. 181. ibi exercebat artem scenefactoriam in domo Aquila & Praxille, & scripsit Epistolam ad Thessalonicenses. 182. relicto hospitio Aquila se recepit in domum Titi Justi. 183. totus erat ut etiam Judæos converteret: 184. timebat pericula,

sed erat constant in illis. 185. à Judæis accusatus coram Gallione. 187. se astrinxit voto Nazaraeum. 188. solus ipse comam totondit, pervenit Ephesum. 189. ascendit Jerosolimam, & postea descendit Antiochiam. 190. rediit Ephesum & primus fundavit illam Ecclesiam. 193. ejus fundaria & semicinctio sanabant infirmos. 195. au ejus umbra sanaret sicut umbra Petri. 196. dum predicabat Ephesi Verbum Dei crescebat, & persequeretur à Judæis, quomodd intelligatur fuisse damnatum ad bestias. 198. statim Ephesum aliqua itinera fecit. 199. calumniatur quoddam predicaret doctrinam distinctam ab illa Petri. 200. cupit videre Romam, mittit Timotheum Corinthum ipsumque comendat. 201. ex Epheso scribit Corinthiis Epistolam ad tollendum illorum Schisma. 202. quare Ephesi diutius permansit. 203. popularis furor contra ipsum. 205. pergit in Macedoniam. 207. deinde in Syriam. 210. Troade perduxit sermonem usque ad mediam noctem & suscitavit Euthymum. 211. accelerat itinera ut diem Pentecostes celebraret Jerosolymis. 112. spiritus humano non prophetico dixit Ephesos non visuros amplius faciem suam. 213. ejus constantia. 215. veniens Jerosolimam se presentat Jacobo Episcopo ipsique & Senioribus nar-

narrat quæ ipsi adveniant .  
216. ibi à Judæis insequens .  
217. ingreditur Templum vo-  
 tum Nazareæus expleturus ,  
 & Judæi querunt illum occi-  
 dere . 218. modeste loquitur  
 Tribuno , deinde ad Populum  
 enarrando quæ ipsi acciderant .  
219. damnatur ad flagella .  
220. percutitur in maxilla .  
221. quare non exhibuit alte-  
 ram . 222. an sciret Ananiam  
 esse Principem Sacerdotum .  
223. mittitur Casarem cum  
 custodibus . 225. accusatur co-  
 ram Praside , cui respondit &  
 se justificat . 227. appellat ad  
 Casarem . 230. agit suam cau-  
 sam coram Agrippa . 231. ejus  
 sermo ad Festum . 231. mitti-  
 tur Romam , ejus navigatio  
 periculosa . 232. naufragium  
 navis in qua erat . 236. ejus  
 constantia , & prophetia adim-  
 pletur , Melitam pervenit ubi  
 morditur à vipera . 237. ha-  
 betur ut Numen à Meliten-  
 sibus , sanat infirmos , inter  
 quos patrem Publii , ubi moratur  
 tres menses , & multos ad Fi-  
 dem convertit . 238. reassumit  
 navigationem , venit Syracu-  
 sam , postea Rhegium , deinde  
 Putheolis , Fideles Romæ exi-  
 stentes illi obviam occurrunt .  
239. Romam pervenit ubi per  
 tres dies quievit . 240. Romæ  
 Judæis placide loquitur ipsi-  
 que exposuit suam innocentiam .  
241. multos convertit de aula  
 Caesaris . 242. scribit Philip-  
 pensibus Epistolam . 242. con-

vertit Onesimum , ipsumque  
 mittit Philemoni cui scribit  
 Epistolam . 244. scribit etiam  
 Colossensibus . 246. & ad He-  
 braeos . 247. Romæ liberatus à  
 vinculis pergit per varias Ita-  
 liæ Urbes . ibid. etiam in Hi-  
 spaniam . 248. ejus itinera .  
251. tradit Sathana Hyme-  
 neum & Alexandrum , vocat  
 ad se Titum , cui scribit Epi-  
 stolam . 252. scribit ad Timo-  
 theum Epistolam secundam .  
253. , cognoscit resolutionem  
 sui corporis imminere ideoque  
 revertitur Romam , ubi cum  
 Petro instruit Judæos & Pa-  
 ganos declamatque contra vi-  
 tia . 255. convertit Pincernam  
 & Couchinam Neronis quem  
 vocat Leonem . 256. ab omni-  
 bus derelinquitur sed non à  
 Deo qui ex Asia misit Onesi-  
 phorum . 257. scripsit Episto-  
 lam secundam ad Timotheum  
 tamquam testamentum Patris  
 ad filium . 258. desiderat eum  
 venire Romam ut consoletur  
 Fideles in morte sua . 259.  
 flagellatur ante mortem . 96.  
 dum ad Martyrium trahitur  
 tres milites convertit , & fer-  
 tur fluxisse lac cum sanguine  
 ex capite truncato . 262. quod  
 tres saltus emisit , ubi tres fon-  
 tes eruperunt . 263. passus est  
 ad Aquas Salviae eodem die  
 quo Petrus . 264. describitur  
 ejus Effigies & Statua . 264.  
 Paupertas commendatur . 467.  
 Peccatores quantuncvis pessimi  
 non desperent de salute . 319.

Penula quid? **154.**  
 Pericula Deo iubente contem-  
 nenda non iubente vitanda. **55.**  
 Persecutio magna in Ecclesia  
 post mortem Stephani. **32.**  
 Petronilla sic dicta à Gente Pe-  
 tri. **7.**  
 S. Petrus vocabatur Simon filius  
 Jona seu Joannis frater An-  
 drea ex Bethsaida. **1.** dubium  
 an Andrea natu major, Pi-  
 scator arte. **2.** habebat domum  
 Capernaum. **4.** habuit uxo-  
 rem cuius nomen ignoratur. **5.**  
 vocatur ad Apostolatam &  
 mutatur illi nomen Simonis in  
 Petrum. **8.** & quare. **8.** & quan-  
 do. **9.** semper nominatur pri-  
 mus, ambulat super aquas &  
 adiuvatur à Christo. **11.** ejus  
 confesso de Christi Divinitate  
 per quam obtinuit esse funda-  
 mentum Ecclesie & potestatem  
 ligandi & solvendi. **12.** quare  
 dictus Satanaz. idid. quando  
 de suo loquutus est, & quando  
 de Deo. **13.** ejus bona volun-  
 tas cognita à Christo. **14.** ab  
 eodem quaris de morte Joan-  
 nis. **304.** Christum negat &  
 postea pœnitet. **15.** ipse &  
 non alii interrogantur de dile-  
 ctione. **16.** primò Ierosolymis  
 exercet auctoritatem Capitis.  
**17.** post adventum Spiritus  
 Sancti diversus à se ipso. ibid.  
 publicè & intrepidè confitetur  
 Christum coram Iudeis. **18.**  
 sanat in nomine Jesu Clau-  
 dum. **19.** hortatur Isdraelitas  
 ad pœnitentiam detinetur cum

Joanne in carcere publica, li-  
 berati coram Magistratu præ-  
 dicant Christum. **20.** in pub-  
 lica custodia cum aliis detru-  
 ditur & noctu liberantur ab  
 Angelo, respondit Principibus  
 Sacerdotum nomine omniū.  
**23.** simul cum Joanne conse-  
 rebat Samaritanis Spiritum  
 Sanctum; exhorruit ex quo  
 Simon Magus obtulit pecu-  
 niam pro recipienda potestate  
 conferendi Spiritum Sanctum  
 & acriter ipsum reprehendit.  
**34.** visitat Ecclesias. **41.** per-  
 venit ad Lyddam ubi sanat  
 Æneam paralyticum. **42.** ve-  
 nit Joppem ubi suscitavit Tabi-  
 tham. **43.** orans vidit visionem  
 & vadit ad domum Cornelii &  
 baptizat nationes. **47.** incre-  
 patur quod ad Gentiles accef-  
 serit, ejus humilitas in susci-  
 pienda increpatione. **48.** quan-  
 do fundavit Ecclesiam Antio-  
 chenam. **50.** quam rexit se-  
 ptem annis, permisit ut Mulie-  
 res ipsum sequerentur ad vitam  
 sustentandam, operam manua-  
 lem exercebat. **52.** parvo victa  
 utebatur, peragratis Provin-  
 ciis Asia Hierosolymam venit,  
 & ab Herode in carcere deti-  
 netur. **53.** liberatur ab An-  
 gelo. **54.** fuit Roma tempore  
 Claudii. **62.** numquam Baby-  
 lonæ. **64.** Romæ fundavit Ec-  
 clesiam & Catbedram. **65.**  
 primò ad suos contribules di-  
 vertit. **72.** postea ad domum  
 Pudens Senatoris, habuit  
 familiares congressus cum Pbi-  
 lone



lone *Judæo*. **74.** contentio cum Simone Mago. **76.** mittit varios per Orbem Episcopos. **78.** loquitur in Concilio Jerosolymitano. **81.** Antiochiam se contulit & se subdncis à mensis Gentilium propter quod objurgatur à Paulo. **85.** ejus humilitas in sustinenda objurgatione. **85.** incertum prædicasse in Africa, certius Corinthiis. **87.** rediit Romam sub Nerone, incertum an his Romam redierit. **88.** Romæ scripsit secundam Epistolam, ejus humilitas & mansuetudo. **89.** orans Roma Simonem Magum præcipitem vidit. **90.** præmisit jejunium ante certamen cum Simone Mago. **91.** præcibus Populi declinat periculum mortis, Christum Jesum obviâ habuit, & Romam revertitur. **91.** in carcerem destinetur per novem menses in quo baptizat quadraginta septem & Processum & Martinianum custodes. **94.** ducitur ad locum Martyrii. **97.** crucifigitur capite in terram verso. **96.** funibus primò alligatur, & manibus & pedibus configitur. **97.** eodem die & anno quo Pontius Martyrio coronatur. **98.** quo anno post Passionem Christi. **99.** sepelitur in Vaticano. **100.** ejus memoria & sepulcrum habebatur in honore etiam in primis seculis. **101.** ejus Vincula in honore habita. **104.** quo ætatis anno passus incertum. **105.**

Pharisæi non in prima juventute uxores ducebant. **121.**

Phigellus quis? **257.**

Philemon quis? **245.**

Philippenses semper amati à Paulo. **172.** illorum amor erga Paulum. **243.**

Philippus Apostolus à Bethsaida distinctus à Diacono. **378.**

**381.** probabile est interfuisse nuptiis Cana quando suis declaratus Apostolus. **379.** dubitatur an fuerit ille qui respondit Christo: Permite me

primò ire & sepelire Patrem meum. **380.** probabile est non habuisse filias. **383.** ubi prædicavit Evangelium. ibidem.

obiit Hierapoli. **384.** est verè Martyr. **385.** duo miracula ex manebis Græcorum. **386.**

ejus Corpus & Reliquia ubi. **388.** ejus apparitio facta. **389.** ejus scripta apocrypha. **389.**

Philippus Diaconus Casarea in Palestina natus habuit uxorem & quatuor filias. **473.** alter ab Apostolo. **378.** & **181.** Samaria prædicavit Evangelium & fecit signa per quæ credidit & Simon Magus, quem baptizavit. **34.** & **473.** baptizat

Eunuchum Regina Candacis. **36.** & **474.** in Æthiopia primus prædicavit Evangelium apud Abyssinos. **474.**

Philo Hebræus Petro familiaris, **74.** quâ occasione scripsit librum de vita contemplativa. **447.**

Philosophi habuerunt in prætorio Cccc 3 Evan-

*Evangelium Joannis* . 322 .  
*Phoebea Diaconissa hospes Pauli* . 186 .

*Polycarpus Joannis Apostoli Discipulus* . 506 . ejus acta apocrypha . 507 . errores odio habebat , homines diligebat , multosque à Marcione deceptos illuminavit . 509 . *Smyrnenus Episcopus* , ejus *Martyrii historia* . 510 . ejus visio ante mortem , & contentio cum Proconsule in agone mortis . 511 . damnatur ad ignem à quo non fuit combustus , tandem gladio perimitur . 512 . & ejus Corpus crematur . 514 .

*Poppea Neronis concubina* habet in pretio Paulum . 242 .

*Porcius Festus Successor Felicis* recusat tradere Paulum *Judæis* . 229 . facit ejus apologiam , tamen imitatur Pilatum . 231 .

*Porphyrus* ut servet dignitatem *Petri* objurgat Paulum . 85 .

Posseffio bonorum non est contraria Evangelica doctrina . 417 .

*Prædicatio Pauli in Cypro* . 145 .

*Prima Sabbati* quid significet ? 211 .

*Prisca est eadem cum Priscilla* . 189 .

*Prisilla uxor Aquila* artem scenofactoriam exercebat . 182 .

*Procellus* & *Martinianus* baptizantur à *Petro* . 94 .

*Prochorus Diaconus* quis ? 28 .

*Propagatio Religionis Christianæ opus Divinum* . 1 .

*Prophetiæ de Messia in Christo impleta* . 2 .

*Prosclyti qui dicebantur* . 454 .

*Protestantes duci spiritu privato convincuntur exemplo Pauli* . 161 .

*Publicanorum genera duo apud Romanos quomodo habitati à Judæis* . 398 .

*Publius benigne recipit Paulum* , qui sanat ejus Patrem , & cum familia ad Fidem convertit . 238 .

*Pudens Senator excipit Petrum in domum habuit duos filios Pudencianam & Praxedem* . 74 .

## Q

*Quintus Phrygius* timore , percussus capit nolle quod voluit . 511 .

## R

*Rationes quibus ostenditur unam non fuisse Magdalenam* . 517 .

*Reformatores novi seculi negant Petrum fuisse Romam* . 66 .

*Reliquiæ Martyrum secundo seculo in honorem habita* . 514 . & tempore Theodosii . 500 .

magna custodia asservabatur . 503 . illorum argumentum contra Novatores . 195 .

*Ritus Paganorum semper mali* . 165 .

*Roma quare nomine Babilonis nuncupetur à Petro* . 63 .

*Ruffus comes Iguatii* . 503 .

## S

**S** Adduczi injiciunt manus in Petrum & Joannem annuntiantes Resurrectionem. 20.

Sangus Hercules dicebatur. 76.

Sapphira uxor Anania punitur sicut Maritus. 22.

Saulus. V. Paulus.

Schisma Corinthiorum. 202.

Scriba Civitatis Ephesi sedavit tumultum. 206.

Scripta falsa sub nomine Sancti Joannis. 323.

Scriptores Vita S. Thecla. 545. affirmantes adventum S. Mariae Magdalene cum Lazaro & Martha in Gallias. 526.

Secta varia. 492.

Seditio inter Judaeos & Gentiles. 80.

Semones qui apud Romanos? 76.

Sepulchra Apostolorum Petri & Pauli gloriosa. 101.

Sergius quare dicatur Proconsul & non Prator. 145. credidit Paulo. 147.

Serpentes Melita veneno carent. 238.

Sigillaria Festa. 504.

Silentium altum de Petro ab anno Christi quadagesimo quarto ad annum quinquagesimum primum. 62.

Silvanus idem qui Sila. 182.

Simon Cananaeus dictus etiam Zelotes quare. 406. ubi praedicavit. 407. non est confundendus cum Simone filio Cleopha. 408.

— Leprosus fuit Simon Pharisaeus. 123.

— Cleopha filius frater consobrinus Christi. 487. unus ex Discipulis Domini. 488. successit in Episcopatu Jerusalemitano post mortem Jacobi sub initio belli Judaici. 307. & 489. ejus gesta in Episcopatu. 490. obiit Martyr aetatis annorum centum viginti. 491.

— Magnus baptizatur à Philippo Diacono, obtulit pecuniam ut recipiat potestatem conferendi Spiritum Sanctum. 34. ejus penitentia ex facto simulata. 35. fuit praestigiator. 75. rejicitur ab Apostolis. 473. Roma volare tentavit, corruit praeceptis orationibus S. Petri. 90. supponitur illi fuisse erectam Roma Statuam Transtiberim diversam ab illa qua inventa est tempore Gregorii XIII. 75.

— dictus Niger quis? 420.

— Petrus. V. Petrus.

Societas Malorum perniciofa. 318.

Socrus Petri sanatur à Christo: 11.

Solome Mater Jacobi Majoris & Joannis. 278.

Sorores intelliguntur sicut fratres inter se. 358.

Sospater quis? 176.

Sosthenes percussus à Judaeis. 187.

Stephanus quis? 26. ejus sermo ad Judaeos per quem lapidatur. 27. primus inter septem Diaconos. 430. dicit causam suam

suam in Concilio . [433.](#) dum lapidaretur vidit Jesum in Cælo . [434.](#) orans respexit Saulum . [112.](#) ejus Corpus sepultum à Gamaliele . [435.](#) historia Inventionis Corporis narratur à Luciano . [436.](#) nunc ex lapidibus veneratur Aconna . [440.](#)

Stimulus carnis in Paulo quid ? [140.](#)

## T

**T** Abitha fasciatur à Petro . [43.](#)

Templum Diana . [304.](#) eversum à Gorbis . [306.](#)

— S. Maria del Pilar in Hispania . [285.](#)

Tertius Pauli Amannensis . [209.](#)

Tertullus Orator Judæorum . [237.](#)

Testimonium de probitate vite exquirendum pro Ministris Ecclesie . [437.](#)

Thaddæus missus Edessa à Thoma . [350.](#)

Thamiris destinatus Sponsus Thecla fecit in [Paulum](#) . [547.](#)

Tharsis Cilicia Metropolis . [108.](#)

Theatrum in honorem Diana . [205.](#)

Thebutis repulsus ab Episcopo quem optabat . [492.](#)

Thecla convertitur Iconii à Divo Paulo . [153.](#) Virgo & Mulierum Protomartyr . [544.](#) ejus Vita scripta à Basilio Seleucia . [546.](#) suadente Matre igni traditur à Judice sed servatur

illasa . [548.](#) à quodam Alexandro damnatur ad bestias sed non offenditur . [450.](#) obit nonagenaria . [555.](#)

Theoclea Mater S. Thecla . [540.](#)

Theodas duo . [24.](#)

Theophilus nominatus à Luca quis ? [458.](#)

Theophorus nomen quo abutebatur Nestorius illud attribuens Christo, idèque prohibitum à Concilio Ephesino . [494.](#)

Therapeutæ qui Discipuli Sancti Marci . [445.](#)

Thessalonicenses speciali amore prosequuntur à Paulo . [445.](#)

Thomas Apostolus supponitur Galileus, dicitur Didymus,

quod est nomen synonymum . [335.](#) in Evangelio ubi fit mentio . [336.](#) ejus fidem post infidelitatem . [337.](#) Patrum sententia de ejus infidelitate quæ Ecclesie profuit . [438.](#) ad Parthos predicavit Evangelium . [339.](#) pervenit ad Regionem in qua erant Magi qui venerant adorare Christum, & pervenit ad Indos, au verò predicaverit Evangelium. Siue sibus dubium . [340.](#) nobis latens Gesta Apostolorum . [341.](#) annus quo obiit incertus, locus Martyrii creditur Calamina . [342.](#) ejus Corpus primò translatum Edessa . [344.](#) salis illi tribuuntur aliqua scripta . [346.](#) mittit Edessa Thaddæum . [348.](#) quo anno . [350.](#)

Tiberius Celsus propensus in Christum .

*Christum ejusque affectas* . 18.  
*Timon Diaconus quis ?* 29.

*Timotheus Derbenfis seu Ly-*  
*strenfis ex Patre Ethnico &*  
*Matre Judæa* . 466. *invita-*  
*tur à Paulo* . 258. *circumcidi-*  
*tur* . 164. *quare* . 467. *primus*  
*Ecclesiæ Ephesiæ Episcopus* .

309. *ordinatur à Paulo* . 468.  
*mittitur Macedoniam à Paulo*  
*simul cum Erasto ut pararent*  
*collectas* . 201. *adfuit Marty-*  
*rio Pauli* . 263. & 470. , *la-*  
*borabat infirmitate stomachi*  
*& suadetur à Paulo modico vi-*  
*no utere* . 470. *validè se oppo-*  
*suit Festo Gentilium dicto Ca-*  
*tagogium* , *in qua oppositione*  
*lapidatur* . 471. *ejus Corpus se-*  
*pultum Ephesi postea Constan-*  
*tinopoli translatus* . 472.

*Titus Gentilis Ammannensis, seu*  
*Interpres Pauli* . 463. *non*  
*fuit circumcissus* . 464. *mitti-*  
*tur à Paulo Corinthum quem*  
*orat pro incestuoso* . 464. *obiit*  
*Creta* . 465.

— *Justus ad cuius domum di-*  
*vertit Paulum, qui consolatur*  
*pro suo adventu* . 208. *non est*  
*ille cui scripsit Epistolam* . 184.

*Trajanus sævit in Christianos* .  
 498.

*Tres tabernæ ubi ?* 240.

*Trophimus qui ?* 218.

*Tryphena amica Thecla* . 550.

*Tumultus excitatus Ephesi pro*  
*Diana* . 205.

*Tunica S. Joannis Romæ in Ba-*  
*silica Lateranensi* . 331.

*Tychicus qui ?* 253.

## V

*V* Espasianus *insequitur eos*  
*qui ex familia David dice-*  
*bantur* . 490.

*Vincula Pauli Romæ proficua* .  
*Evangelio* . 242. *in summo ho-*  
*nore* . 265.

— *S. Petri in honore* . 103.

*Vipera momordit Paulum* .  
 237.

*Virtus quomodo in infirmitate*  
*perficitur* . 142.

*Visionis Petri mysterium* . 44.

*Vita duæ una in fide, altera in*  
*specie* . 330.

*Una Sabbati quid significet ?* 211.

*Unio Gentilium & Judæorum*  
*opus Dei* . 47.

*Vocatio Apostolorum triplex* .  
 9. & *ex his conciliantur Evan-*  
*gelista* . 10.

## Z

*Z* Ebedæus *Pater S. Jacobi*  
*Majoris* . 278.

*Zelatorum Scita* . 406.

*Zelus Pauli* . 111.

*Zosimus Ignatii comes* . 503.

F I N I S.















